



A

Lanie Gracie

LES  
DIVERSES  
LECONS DE  
PIERRE MESSIE  
Gentil-homme de  
Seuile.

*Mises de Castillan en François, par Cl. Gruget Parisien: Avec sept Dialogues de l'Auteur, dont les quatre derniers ont esté de nouveau traduits en ceste quatriesme edition.*

Plus la suite de celles d'Antoine du Verdier:  
& de Vaupriuz, augmentée d'un  
septiesme liure.

Ensemble quatre Tables, deux des Chapitres, & les autres des  
principales matieres y traitées.

Reueu de nouueau en ceste derniere edition.



A TOVRNON,  
Par CLAUDE MICHEL,  
Imprimeur de l'Université.

M. DCX.



DAVID R. S. S.

CONG. D.

1872

1873

1874

1875

1876

1877

1878

1879

1880

1881

1882

1883

1884

1885

1886

1887

1888

1889

1890

1891

1892

1893

1894

1895

1896

1897

1898

1899

1900

1901

1902

1903

1904

1905

1906

1907

1908

Bien K. II. 10



3  
A MONSIEUR

François de Raconis Conseiller du

Roy, & Thresorier extraor-

dinaire de son artille-

rie, C. Gruget de-

sire Salut.

\* \*

\* 1



PEINE respiroy-ie  
pour prendre haleine  
& me rafraischir du  
labeur des Dialogues  
de Speron Sperone,

quand il vous pleust (Monseigneur)  
me communiquer la forest (ou  
pour mieux dire) le recueil, ou  
amas de diuerses Leçons de Pier-  
re Messie de Seuille en Espagne, en



la lecture desquelles vous preniez si grand plaisir, & m'en fistes tant bon recit ( voire iusques à me dire que vous voudriez pour le bien public qu'elles fussent traduites en nostre langue ) que deslors desir me print de les voir : & y trouuant à la verité si grande affluence des choses memorables, pleines de bonne doctrine, & erudition, ioint le bon vouloir qui me tenoit de long temps de faire chose qui vous fust agreable, ie ne voulu souffrir passer deuant mes yeux, vne si propre occasion, sans l'empoigner aux crains: car me sentant quelque peu de loisir, i'en entreprins la charge, avec telle affection, que ny l'impression mauuaise de l'vne, & l'autre langue Espagnole, & Italienne, ny la deprauation du texte en plusieurs endroits

impar

imparfait & corrompu, ne m'ont  
 peu destourner du desir que i'auoys  
 de vous complaire en cela, comme  
 vous sçauiez que ie suis prest en tou-  
 tes autres choses. Et pource q̄ vous  
 seul estes cause que i'y ay mis la  
 main, c'est bien raison que vous  
 ayez le premier fruit, duquel ie  
 vous fay present, à fin que ceux qui  
 apres vous le pourront goustier, re-  
 cognoissent que vous leur auez  
 valu ce bien, pour m'auoir induit  
 à tant honorable exercce. Je di ce  
 bien, pource que venant à conferer  
 ma traduction sur son exemplaire  
 en quelqu'vne des deux lāgues que  
 ce soit, on trouuera que i'ay esclar-  
 cy des choses obscures, & corrigé  
 plusieurs textes alleguez faux, & s'il  
 est permis de le confesser, i'y ay dō-  
 né quelque peu du mien en des pas-



sages, qui, selon mon iugement, le requeroient. Peu du mien, dy-ie, pource que deux de mes amis m'y ont favorisé, l'un desquels est le seul de mes cousins, portant mon nom, & l'autre le seigneur Iean Pierre de mesmes, qui pour les mathematiques & poincts concernans l'Astrologie (esquelles sciences il fait profession) m'a grandement secouru. Vray est que sans les auoir entiere-ment creus de l'ortographe, i'en ay tenu vne partie de mon opinion, me regeant à ma deuise (*Fragli dui*) car i'en ay laissé les deux extré- mitez, tant pour n'estre trop curieux innouateur, que trop supersti- cieux cōseruateur de l'antique cou- stume. Audemeurant si on trouue que ie n'aye totalement traduit en nostre langue plusieurs noms pro- pres,

pres ; soyent Latins où en Grecs,  
 veu que i'en ay mis quelques-vns,  
 & que ie n'en deuois faire à deux  
 fois ; i'ay à respondre que quel-  
 ques noms sont doux à traduire, &  
 les autres non : comme seroyent  
 Iupiter, Venus, Bacchus, ou vn  
 Pomponius Mela, lequel si ie  
 voulois traduire (i'entens en gros-  
 serie) ie dirois Pompon sucrin.  
 Il y à assez d'autres noms pro-  
 pres, aussi reuesches que cestuy-  
 là, qu'il est besoing pour la dou-  
 ce prononciation laisser en leur  
 premiere forme, sinon qu'il se  
 trouuaist quelqu'un curieux de  
 nouueleté qui y imposast loy in-  
 uiolable, & lors si le commun  
 l'acceptoit, ou qu'il y eust iuste  
 cause, ie me rengerois à raison:  
 mais iusques à ce temps là, ie



me tiendray des plus forts, sous  
vostre bonne protection, esperant  
que la debonnaireté dont vous  
auez accoustumé d'vser en mō en-  
droit ne me sera point esloignee,  
veu le temps qui le requiert.

Dieu vous maintienne  
en santé & pro-  
sperité.

\* \*  
\* \*



# TABLE DES CHAPITRES.

Et premierement de la premiere  
partie.



Pourquoy les hommes viuoient iadis plus  
long temps qu'ils ne font en cest aa-  
ge, chap. j. fol. 7.

Que l'opinion de ceuz qui pensent les  
ans du temps passé estre plus cours  
que ceux de maintenant est fausse.  
Quelle fut la premiere ville du mon-

de, & que nos anciens peres ont eu plus d'enfans que ceux  
qui sont nommez en la sainte Escripture, chapitre. ij.  
fol. 10.

Que le signe de la Croix estoit estimé deuant que nostre Sei-  
gneur fust crucifié, chap. iij. fol. 14

De l'excellence du secret, & comme il se doit garder avec aucuns  
bons exemples à cō propos, chap. iiij. fol. 17.

Combien est louable le peu parler, chap. v. fol. 23

Lettre notable de Plutarque à Traian Empereur, chap. vj.  
fol. 5.

De l'estrange opinion des Egyptiens, touchant le temps de la  
vie de l'homme, la iugeans par la proportion du cœur, chap.  
vij. fol. 28

De l'origine de l'art militaire, qui furent ceux qui premiers  
occupèrent les Royaumes d'autrui, & des inuenteurs de  
plusieurs sortes d'armes, mesme de l'artillerie, chapitre viij.  
fol. 30.



# TABLE.

De deux femmes, dont l'une en habit d'homme fut faite Pape. l'autre Imperatrice, chap. ix.	34
Du commencement des Amazones, & de plusieurs choses notables qu'elles ont fait, chap. x.	36
De l'antiquité de Constantinople: & comme elle fut conquise par les Turcs, chap. xj.	43
De quelle race & nation fut Mahomet: & en quel temps sa secte print son origine, chap. xij.	49
Le commencement de la seigneurie du Turc, & des Princes qui y ont regné, chap. xij.	54
Pourquoy l'homme va droit, pourquoy il poise plus à ieun qu'a- pres auoir prins son repas, & la cause pour laquelle il poise plus mort que vif, avec autres belles disputes chapitre xiiij.	68
De l'excellence du chef entre les autres membres: qu'il est mau- uais d'auoir petite teste, & la poitrine estroicte, & pourquoy c'est courtoisie, & honneur de leuer le bonnet en saluant, chap. xv.	70
D'un différent qui fut entre la maistre & le disciple si subtil que les iuges ne le purent decider, chap. xvj.	73
Que la mort se doit iuger bonne ou mauuaise selon l'estat au- quel on meurt, avec exemples de la mort de plusieurs, chap. xviij.	75
De l'estrange nature de Timon Athenien, ennemy de l'humain lignage, chap. xviiij.	78
Combien il y a eu de Papes depuis saint Pierre, & pourquoy on muë le nom des Papes, & aussi par qui ils souloyent estre esleus, chap. xix.	80
La cause des iours caniculaires: & pourquoy ils sont ainsi nom- mez, avec plusieurs choses notables à ce propos chapitre xx.	85
De l'art admirable du nager d'un homme: & l'origine de la fable du poisson Colas, avec quelques histoires, chapitre xxj.	88
Des hommes marins & d'aucunes choses notables, chapitre xxij.	91
En quelle sorte on parloit au commencement du monde, & de la diuision des langues, chap. xxij.	93
La diuision des aages du monde, & choses notables adue- nues	

# TABLE.

nues en iceux, & aussi du commencement des regnes, chap.	xxiiij.	96
De l'estrange vie de Diogenes le Cynique, & de ses sententien-	ses propositions & responses, chap. xxv.	104
Des variables natures des hommes outre les naturelles inclina-	rions, & d'où procede la cause, chap. xxvj.	109
De la grandeur de l'empire Romain, & comme & en quel temps	il commença à decliner, chap. xxvij.	113
L'assaut & prise de Rome par les Gots, chap. xxiiij.		118
L'excellence & les louanges du travail, & les dommages qu'en-	gendre oisiveté, chap. xxix.	128
Pourquoy la Palme est attribuee aux victorieux, & que le	Laurier est signe de victoire, chap. xxx.	136
Combien est detestable le vice de cruauté, avec plusieurs exem-	ples à ce propos, chap. xxxj.	138
Combien souuent les Roys mauuais & tyrans sont ministres de	Dieu, & qu'ils font neantmoins tousiours mauuaise fin, chap.	xxxij.
De l'estrange cas aduenü à un des fils de Croesus Roy de Lydie,	& à l'enfant d'un autre Roy: parmy lesquels y a un discours	assauoir si le parler est chose naturelle à l'homme, & si l'hom-
me seul à parol, chap. xxxiiij.		148
D'une femme qui fut mariee beaucoup de fois, & d'un hom-	me qui auoit eu plusieurs femmes, lesquels à la fin se ma-	rierent ensemble: & l'incontinence d'une autre femme, chap.
xxxiiij.		152
D'un grand cas qui aduint à deux princes de Castille, chapitre	xxxv.	153
Des estranges & diuerses complexions de deux Philosophes, dont	l'un pleuroit, & l'autre rioit de l'estat & gouvernement du	monde, chap. xxxvj.
D'aucunes choses notables, qui sont aduenues en vne mesme	sorte plusloft en un lieu qu'en un autre, chapitre	xxxvij.
Que beaucoup d'hommes se sont tellement ressembléz, que bien	souuent l'un à esté prins pour l'autre, chapitre	xxxviij.
D'un estrange cas aduenü en vne mesme sorte & en diuers tēps	à deux cheualiers Romains, chap. xxxix.	166
De la		



# TABLE.

De la distinction de l'âge de l'homme, selon la doctrine des Astrologues, chap. xl.	167.
D'aucunes certaines années de la vie humaine, que les anciens iugerent les plus dangereuses, & pour quelle cause, chap. xli.	275

## Table de la seconde partie.

<b>P</b> Ar combien de diuers moyens François Sforce & Nicolas Piccinin, ont acquis la renommée des plus sçauans en l'art militaire, qui ayent esté de leur temps, chapitre j.	176
Que le Lyon à peur du Coq, avec maintes autres choses notables de la douceur & bonté du Lyon, chap. ij.	178
Qui fut le premier qui apprivoisa le Lyon: & ce que Lysimaque capitaine d'Alexandrie fit à un Lyon, chapitre ij.	183
De l'ordre & cheualerie des Templiers, & combien ils ont duré, chap. iiij.	185
Par quel moyen le siege Papal fut transferé en France, combien il y fut, & comme il retourna dans Rome, chapitre v.	192
Quel danger il y à de murmurer contre les Princes, avec le los de leur clemence, chap. vj.	195
Que l'imagination est vne des principales puissances interieures, prouuee par vrayz exemples, & notables histoires, chap. vij.	200
De quel pays fut Pilate: comme il mourut, du lac nomme le lac de Pilate, de sa propriété, & aussi de la Cauerne de Dalmatie, chap. viij.	203
De l'inuention & usage des cloches: quel profit il en vient: & quel fut le premier qui contrainct les diables, chapitre ix.	206
D'un combat qui fut entre deux cheualiers de Castille, auquel aduint vn cas notable, chap. x.	209
De plusieurs choses esmerueillables, chap. xj.	211
	Les

# T A B L E.

Les variables opinions des Philosophes , touchant l'humain lignage , & du mariage avec son origine , chapitre xij.	
212.	
De quel estat & a quel aage se doyuent marier l'homme , & la femme, chap. xiiij.	216
De la cordiale amitié du mariage, avec aucuns exemples de l'amour des mariez, chap. xiiij.	220
Des diuerses ceustumes que tenoyent les anciens aux mariages, chap. xv.	225
De l'excellence de peinture, chap. xvj.	227
De l'excellent peintre Appeller: & de Protogenes autre peintre de son temps, chap. xvij.	230
Quelle forme doit auoir l'homme pour estre bien proportionné, chap. xvij.	235
D'une notable maniere d'exil usitée en Athenes, par laquelle les principaux estoient quelquefois bannis sans offenser, chapitre xix.	240
De plusieurs excellens hommes qui furent bannis par l'ingratitude de leur patrie, chap. xx.	243
De deux grands personnages qui furent pris pour homicides, & lesquels furent faicts Roys par le mesme moyen qu'ils pensoyent perdre la vie, chap. xxj.	247
D'une estrange aduventure aduenue à un prisonnier: & comme il en fut mis hors par un esprit, chap. xxij.	249
Que le sang d'un taureau faict mourir ceux qui en boient: & qui fut celui qui premier dompta les taureaux, chap. xxij.	252
Combien l'eau est necessaire à la vie humaine, avec l'excellence de cest element, & le moyen de cognoistre la bonne, cha. xxiiij.	253
Par quel moyen on peut tirer quantité d'eau douce de la mer, & pourquoy l'eau froide faict plus de bruit en tombant, que la chaude: & si une nauire porte plus pesant sur l'eau salée que sur la douce, chap. xxv.	258
La raison pourquoy tous animaux ont aut tant de pieds d'un costé que d'autre: & de quel costé ils commencent à marcher, & pour quelle raison, chap. xxvj.	260
Du tres-puissant Roy le grand Tamburlan, des Roysumes, & preuinces qu'il a conquis: & de sa discipline militaire, chap.	



# TABLE

chapitre xxviij.	261
Des Estranges vices d'Eliogabale, Empereur de Rome, chapitre xxxviij.	269
La continence d'Alexandre, & de Scipion: & lequel des deux est à preferer pour icelle vertu, chap. xxxix.	277
De plusieurs lacs. & fontaines, dont les eaux ont de grandes proprietes, chap. xxx.	270
En quel iour de l'annee fut l'incarnation, natiuité & mort de nostre seigneur Iesus Christ: & en quel âge il mourut: des heures anciennes: & de l'heure qui est maintenant es communes anne'es, chap. xxxj.	286
De plusieurs choses aduenues à la naissance & mort de nostre seigneur, chap. xxxij.	291
De plusieurs passages cottez par maints auteurs, qui ont fait mention de Christ, & de sa vie, chap. xxxij.	295
Quelles opinions les anciens Empereurs ont eues de la personne de Christ, chap. xxxiiij.	301
Que les hommes venus de basse condition ne doyent laisser d'essayer à se faire illustres, & de plusieurs exemples à ce propos, chap. xxxv.	304
De diuerses choses aduenues à l'Empereur Iustinian, & à Louys Sforce, chap. xxxj.	309
De l'opinion que les Romains & autres anciens auoyent de Fortune, qu'ils mettoient au nombre des dieux, en quelle forme, & figure ils la peignoient: & qu'il n'y à point de fortune entre les Chrestiens, pource que tout se doit referer à Dieu, chap. xxxviij.	314
Qu'outre les proprietes des choses elementaires il y a beaucoup d'autres proprietes occultes & merueilleuses, qui ne sont des elements, chap. xxxviij.	319
Plusieurs proprietes merueilleuses d'aucunes choses, & a quelle estoilles, & planetes elles sont subiectes, chapitre xxxix.	324
Que les bestes brutes ont enseigné aux hommes plusieurs medecines, chap. xl.	329
Que plusieurs bestes par instinct naturel ont cognoissance des choses a venir, & de plusieurs pays que petite bestes ont rendus inhabitables, chap. xli.	331
	D'une

# T A B L E.

D'une subtile inuention que trouua Archimedes, pour cognoistre combien un orpheure auoit meslé d'argent en une couronne d'or sans que pour le cognoistre, la couronne fust brisée ny endommagée, chap. xliij.	333
La maniere par laquelle Socrates persuada à Alcibiades de devenir orateur, chap. xliij.	337
Le commencement, & les causes de la faction des Guelphes, & des Gibelins, chap. xliij.	338

## Table de la troisieme partie.

<b>C</b> ombien fut profitable l'inuention des lettres: qui les à trouuees: & comme les caracteres Hebraïques ont signification, ce que n'ont pas les autres, chapitre j. folio.	340
En quoy les anciens escriuoient auparavant l'inuention du papier, & en quelle sorte: comme le papier, & le parchemin furent trouuez: qui a inuenié l'imprimerie, & de quel profit elle est: & encore par quel moyen les aueugles peuvent escrire, chap. ij.	343
De la premiere Librairie du monde, & de maintes autres notables, & comme en icelles on mettoit l'image, & pourtraict d'hommes doctes, chap. iij.	347
De l'amitié & inimitié, qui par secrette proprieté est entre plusieurs choses, chap. iiij.	350
Par quel moyen les amitez, & inimitiez procedent des influences celestes, & pourquoy un homme ayme où hait un autre, chap. v.	356
D'où vient qu'un chemin de pareille longueur, plus est court, vny, moins il ennuye, & s'il est fort long, & vny, plus il fasche: & pourquoy le maroher en tournant fait tomber, chapitre. vj.	358
Combien la memoire est excellente: & pourquoy ceux qui ont l'esprit aigu ont la retention debile: & encore pourquoy les hommes ont si bonne souuenance de leur ieunesse, chapitre. vij.	360



# T A B L E

Que la memoire se peut maculer, & si peut estre fortifiée par art. chap.vij.	365
Combien les Philosophes, & autres hommes de sçauoir en quel- conque science que ce fust estoient anciennement prizez, & estimez des Empereurs & Roys, chap. ix.	368
Que les lettres sont fort necessaires aux Princes, & semblable- ment aux capitaines qui suyuent l'exercice, & art militaire, chap. x.	373
D'aucunes proprietex de la Vipere, & comme seurement lon peut manger sa chair, chap. xj.	377
De l'admirable proprieté d'une petite beste, la morsure de la- quelle se guarit par le son de la Musique: & aussi de quelques autres inermitez qui se guarissent par ceste mesme medecine, chap. xij.	379
De l'ame estrange avec laquelle Faustine fut guarie de l'ame d'un amour deshonneste, & de plusieurs autres reme- des contre ceste passion, chap. xiiij.	381
De l'estrange, & furieuse amour d'un ieune Athenien, & de ridicule amour du Roy Xerces, & comme les bestes ont maintes fois ayimé les hommes & les femmes, chapitre xiiij.	383
D'un qui en receuant une playe de son ennemy, fut sauué d'un mal, qu'il auoit, avec semblables exemples, chapitre xv.	385
Qui fut le premier qui planta la vigne, & qui commença à met- tre de l'eau dans la vin, & à qui, & comme les Romains le defendirent: avec maintes autres choses notables, chapit. xvj.	386.
De plusieurs dommages que fait le vin intemperé: & quels Me- decins ont dit que c'est chose saine de s'en iurer aucunes fois, chap. xvij.	390
Aucuns enseignemens pour faire hayr le vin: & pourquoy deux choses semblent irois aux yuironnes, chap. xvij.	393
En quelle sorte se peut sçauoir, & mesurer la rotondité de toute la terre, & combien elle a de tour, chap. xix.	395
Pourquoy c'est que la neige couuerte de paille se conserue en sa froideur, & l'eau chaude en sa chaleur, veu que ce sont deux contraires effects par une mesme chose: avec quelques autres	



# T A B L E.

- autres secrets, chap. xx. 698
- D'aucuns grands personnages qui sont morts estans appelez par quelques uns de ceux qu'ils auoyent fait mourir iniustement, & si moururent au temps qui leur fust assigné: avec une histoire notable d'un Archeuesque de Magonce, chapitre, xxj. 400
- De deux Cheualiers qui s'estoyent persuadez par imagination qu'ils deuoyent estre pendus, & en qu'elle sorte ils furent destournez de ce pensement, chap. xxij. 404
- De la cruauté qu'Albouyn Roy des Lombards exerça contre sa femme Rosemonde, & par quel moyen elle se vengea de luy, chap. xxij. 406
- D'une belle tromperie qu'une Roynie d'Arragon fit à son mary: & comme fut engendré le Roy Iames d'Arragon son fils, ensemble de sa naissance, & de sa mort, chapitre xxij. 408
- En quelle part du Zodiaque se trouuerent le Soleil, & la Lune quand ils furent faits, & aussi les autres planettes: & quel fut le commencement des ans, & des temps, chapitre xxxvj. 412
- Que les hommes peuent prendre exemple des oiseaux, & autres animaux, pour vertueusement viure, chap. xxxvj. 418
- Pourquoy se conceyoyent à Rome les triumphes, & combien y a eu de triumpheurs, chap. xxxvij. 423
- Des noms que les capitaines Romains gaignoyent par leurs victoires, chap. xxxix. 431
- Des couronnes & autres reuëues, & salaires que les Romains donnoyent aux soldats: & la punition des coupables, comprenant en cela un fort bon ordre de guerre, & gouuernement de la republique, chap. xxx. 434
- Quelles furent les sept merueilles du monde, chapitre xxxj. 439
- Quelles furent les Sibylles, & de leurs propheties & principalement de ce qu'elles ont dit de la religion Chrestienne, chapitre xxxij. 449
- Pourquoy le sommeil fut donné à l'homme, & comme le trop dormir est dommageable & nuictieux, chapitre, xxxij. 456
- D'où vient l'origine que l'on auoit acoustumé en Espagne de



# TABLE.

contenir depuis la Here de Cesar, & quelle chose est Here, & pourquoy, & quand cest usage fust delaisé, chapitre xxxiiij. 459

## Table de la quatriefme partie.

<b>T</b> rois notables doutes que les anciens Philosophes n'ont oncques sçeu resoudre, & pourquoy, chapitre j. folio 465	
Les ceremonies que les Romains usoyent, deuant qu'esmonuoir guerre, chap. ij. 488	
Qu'il profite assez à un Prince d'estre de venerable aspect, chap. iij. 471	
D'un fort estrange accident aduenu de nuict en une armee, chap. iiij. 475	
De la tonsure des cheueux des Prestres, & à quelle occasion, avec autres choses notables, chap. v. 477	
Horrible tyrannie, & subiet de la tragedie d'Aristotime, chap. vij. 480	
Pourquoy les hommes ne peuuent cognoistre la verité des choses, pendant qu'ils viuent, chap. viij. 486	
Des choses monstrueuses qui seruoient d'augures au temps passé, chap. viij. 488	
Combien est grande l'erreur des Princes Chrestiens de permettre le dueil, chap. ix. 491	
Des merueilleuses proprietex de l'Asne, chap. x. 493	
La grande constance d'Aretaphile Cyrene, chapitre xj. fol. 497	
Une lettre escrete par le Senat d'Athenes aux Lacedemoniens, chap. xij. 401	
Comme Dieu a ordonné le gouuernement de la republique des Abeilles, pour l'exemple des hommes, chapitre xij. 504	
Combien le malest grand de desirer auoir reuelation des choses de l'autre monde, chap. xiiij. 514	

T A B L E.

Table de la cinquiesme  
partie.

<b>D</b> E la premiere inuention de porter anneaux, & à quelle fin: ce fut aussi de plusieurs choses antiques & admirables faisans à ce propos. chap. j.	516
Des vertus & proprietex des pierres precieuses & d'où procede la vertu qui est es anneaux magiques, chapitre ij. folio	526
D'où est venu que ce nom de Gentil-homme a esté attribué, tant aux cheualiers, qu'aux enfans des Presidens & conseilliers: & quelles armoiries portoyent anciennement les Romains: & d'où est venu l'inuention de blasonner les armoiries en Escus- son, chap. iij.	531
Des septante qui traduisirent le vieil Testament d'Hebreu en Grec, de l'autorité de ladicte traduction. & en quel temps, & pourquoy elle fut faicte. chap. iiij.	534
Des vertus, & proprietex admirables de la Formis: & quels exemples on peut prendre dessus, chap. v.	541
D'où vient que les vns vivent longuement, & les autres peu: & quelle complexion est la meilleure pour viure longuement. Item, comme se doit entendre ce qu'on dit que les iours de l'hom- me sont nombrez, chap. vij.	548
Comme la vie de l'homme s'est abreegee doz le commencement du monde, & ce en diuers temps: & des termes diuers de la vie de l'homme, avec plusieurs histoires faisans à ce propos: mesme de ceux qui ont vescu longuement, chapitre viij.	552
La maniere de cognoistre la vraye opportunité de faire quelque chose: & comment les anciens peignoyent occasion, chap. viij.	558
Du pourtraict de Fauaur, & de sa signification, chapitre ix.	560
Des sept sages de Grece, avec plusieurs sentences notables qu'ils ont laissees par escrit, chap. x.	561
Suite du discours des sept sages de Grece, chap. xj.	568



# T A B L E.

Que la venè est le principal sens de l'Animal, & de plusieurs auengles qui ont esté gens de grand renom, chapitre. xij.	574
Qu'auarice est vn vice fort enorme, & subiect à de grands dangers: avec plusieurs exemples de grands personnages extrêmement auaricieux. chap. xij.	579
Raisons fort vaine du Philosophe Phalarinus, sur ce qu'il n'est bõ de demander aux Astrologues les choses à venir, chap. xiiij.	583.
De la fondation de Ierusalem: des fortunes qu'elles a eues: & des Rois qui y ont regné. chap. xv.	584
Suite de l'histoire de Ierusalem. iusques au temps des Empereurs Titus & Vespasian. chap. xvj.	591
Comme les Rois de Ierusalem tomberent en la subiection des Romains: & de l'estat du peuple iusques à sa totale destruction, chap. xvij.	598
Comme on peut dire mensonge sans mentir, chapitre xvij.	604
De l'ancien, & moderne pourtraict des douze mois de l'an, & des mysteres representez par iceluy, chapitre xix.	606
Coniuration subite aduenüe à Florence, & les carnages qui s'en ensuyuent. chap. xx.	607
La vie & histoire du capitaine Castruccio Castracagne, cha. xxj.	612
Des Vents, & de leurs noms tant anciens que modernes, cha. xxij.	619

# T A B L E.

## TABLE DES

### Dialogues.

<b>D</b> ialogue du Soleil.	626
Dialogue de la Terre.	658
Dialogue des Meteoros.	647
Dialogue 1. le Banquet.	663
Dialogue 2. du Banquet.	681
Dialogue du Contemnezux, ou Contredisant.	679
Dialogue des Medecins.	700

Fin de la Table des  
Chapitres.





VNE DAMOISELLE  
PARISIENNE AVX  
LECTEVRS.

DANS les forests aucuns ieunes chasseurs  
(Si foy nous faiët l'histoire fabuleuse)  
Furent changez en bestes, ou en fleurs,  
Tesmoin le fils de Myrrhe incestueuse,  
Tesmoin l'amant de son ombre trompense,  
Tesmoin celuy qui fut proye & curee  
A son vantage par l'ire de Pheree:  
Ceste forest de tels dangers est vnide:  
Et pour monstres qu'elle est bien assuree,  
Claude Gruget vous seruira de guide.

O QUELL' ENVIE I'AY.



# LES DIVERSES LECONS DE PIERRE

MESSIE, GENTIL-HOMME

DE SEVILE.

PREMIERE PARTIE.

*Pourquoy les hommes viuoient iadis plus long temps  
qu'ils ne font en cest aage.*

## CHAP. I.

**T**oute personne studieuse des lettres diuines,  
doit auoir leu, que lors du premier aage, & au-  
parauant que pour le peché le g-neral deluge  
vint sur terre, la vie des hommes estoit plus  
longue qu'elle n'est pour le present. Il est certain qu'A-  
dam à vescu 930. ans, Seth 912. Cainam neuf cens dix.  
Ainsi descendant de l'un en l'autre, leur viure le plus brief  
estoit de sept cens ans. Et aujourd'huy nous en voyons  
peu atteinre octante, ou 90. & si quelqu'un les passe,  
cela est rare & fort esmerueillable. Tellement que ne  
pouuons paruenir au 10. de la premiere vie. Les doctes  
soyēt Theologes, ou Philosophes naturels, qui ont dis-  
cours là dessus, oyās que la Nature, qui nous produit, est  
celle mesme du temps passé, & que ces premiers hōmes  
viuoient ainsi longuement, par nature & non miracu-  
leusement: se sentens estonnez de cela, en ont curieuse-  
ment cherché les causes & raisons. Si qu'à Marc Varrō, &  
à nombre infini d'autres, telle chose s'est monstree tant  
difficile en nature, qu'ils ont pensé les ans du temps an-  
cien, n'estre point tels que les modernes. Laquelle opi-



nion & creance, est folie & erreur trop grande & vaine, comme nous monstrerons par le chapitre suyuant, apres qu'aurons dit en cestuy, quelques causes & aduis pris de plusieurs auteurs. A la verité quand ie ly les ceuures d'autrui, & que ie vien à mon opinion, il me semble la principale raison pour laquelle les hommes ne viuent ainsi longuement que iadis, estre que les anciens n'auoyent point en leur temps les causes qui engendrent en nous maintenant les maladies, & d'où nous viennent si tost vieillesse & mort. Donc nous faut il cōsiderer que les premiers peres de tout l'humain lignage, Adam & Eue furent crez de la main de Dieu, sans aucun autre moyen ny aide: partant est à presumer qu'il les crea de tresexcellente complexiō, parfaite sympathie, & proportion d'humeurs, cause qu'ils vesquirent sains si longues anneés. Au moyen dequoy les enfans procreez de peres ainsi pleins de santé, & pareillement leurs nepueus, qui auoyent naturellement si longue vie, deuoient ressembler leurs primogeniteurs en la mesme bonne & saine complexion, comme hommes descendus d'excellente matiere: iusques à ce que par la mutation des siecles (le propre desquels est changer & ruiner toute chose) L'humanité commença à s'affoiblir, & à rendre les iours des hommes plus brieufs. Or de ce temps y auoit vne chose qui leur aydoit beaucoup à viure, & qui de present nous est fort nuisible & contraire. Ce fut la grande temperance du boire, tant en qualité que quantité & le peu de variété des viandes: car ils n'en auoyēt en tant de sortes, que nous, ny auēe tant d'inuentions. Il ne se trouue point qu' auparauant le deluge, les hommes sceussent que cestoit de manger chair. Outre ce l'on tient par opinion commune, & pour certain, que les fruits, & les herbes d'alors estoient de trop plus grande vertu, & substance, sans comparaison, que maintenant: pour ce qu'ils procedoyent de terre neuue, & non pas comme elle est au iourd'huy, debile, lassē, & en friche. Car le deluge fut cause de luy oster sa gresse: la rendant plus infertile & demeura salnitree & moins parfaite, par l'inondation de la mer, qui flota par maintes semaines sur elle. Toutes ces raisons sont si grandes, que chacune d'elles est suffisante

(com-



(combien donc plus y estās toutes ensemble) pour prouuer, que ce ne fut chose esmerueillable, ains naturelle, que l'homme veult plus alors, qu'en ce temps cy. D'auantage est à noter, que (comme nous le tenons pour certain) Adam sçauoit toutes les vertus des herbes, plantes, & pierres; & ses enfans en apprirent de luy, plus qu'homme n'en à peu entendre depuis. C'estoit en partie pour le salut, & support de la vie, & de la santé de l'homme, & pour guerir les malades, si d'adventure quelqu'un l'estoit, en vlsant des remedes simples & parfaits, & laissant en arriere les compositions venimeuses du temps present: lesquelles au lieu de purger & nettoyer, affoiblisent & tuent le plus souvent, ceux qui le prennent. Qui plus est, en ces premiers ans, la vie, & la santé des hommes estoit fort soustenuë, & aydee du cours du Ciel, & des influences des estoilles, & planettes, plus beneuoles alors qu'elles ne sont maintenant: pource qu'ils n'auoyent passé tant d'aspects, de contonctions, eclipses, & autres impressions celestes, d'où sont procedees les alterations, variations, & changemens sur la terre, & parmy les elements, principale occasion de la vie & de la santé de ce tēps là: & au contraire, d'infirmité & de mort en cestuy cy. Mais par dessus tout ce que nous auons dit & fondé sur raison naturelle, ie soustien la cause de la longue vie des hommes d'alors proceder de la prouidence de Dieu, qui voulut leur viure estre tel, & que ces occasions predures s'aydassent l'une l'autre. Affin que de deux seuls hommes, en nasquissent plusieurs, que la terre fust habitée, & que l'humain lignage multipliast. Aussi nous voyons que n'ayans les hommes à viure autant apres le deluge, comme auparauant, Dieu permit qu'il entrast dedans l'Arche, & se sauua plus d'hommes & de femmes, qu'il n'en auoit premierement crée, à fin que le monde fust habité plus facilement, S. Augustin parlant de ces choses, dit, que nos peres eurent aduantage sur nous non seulement en santé, & longue vie, mais aussi en la stature, comme il est euident en maints liures, sepulchres, & os qui ont esté trouuez sous les grandes montagnes, tellement que l'on croit à la verité, iceux estre ces hommes viuans deuant le deluge. Le mesme saint

*Le 15. de  
la Cité de  
Dieu.*



Augustin afferme, que luy estant en Vtique, ville d'Afrique, il vit les os d'un corps humain, qui auoit les machoïeres aussi grandes, & pesantes que celles de cent hommes de nostre aage. Et toutesfois encor' que nostre vie soit si briefue, si n'en deuons nous faire plainte, pourée que l'applicant en mal, & au mespris de Dieu, le Seigneur nous fait misericorde de l'accourir: car nous ne le recognoissons plus, & encor si nous le voulons seruir, si auons nous assez temps pour ce faire, d'autant que la bonté de Dieu est si grande, qu'il prend en payement le bon desir & humble volonté.

*Que l'opinion de ceux qui pensent, les ans du temps passé auoir esté plus courts que ceux de maintenant, est fausse: quelle fut la premiere ville du monde, & que nos anciens peres ont eu plus d'enfans que ceux qui sont nommez en la sainte Escriure.*

## CHAP. II.

POurce qu'il à semble à aucuns que la vie de neuf cens ans aux premiers hommes estoit impossible, d'autant qu'ils ne pouuoient comprédre ny recevoir les causes & raisons naturelles, que nous auons alleguées au premier chapitre. & qui estoient occasion de ceste longue vie. Et qu'il n'ont osé nier le nombre de tels ans, certifiez clairement par l'Escriure, & ainsi specifiez, ils disent que les ans de ce temps là estoient plus courts que ceux de maintenant: tellement que cest aduantage qu'on leur donne de longé vie par dessus nous, n'est point si grand qu'on le crie. Mais aucuns d'entr'eux ont voulu asseurer, qu'un de nos ans dure autant que dix du temps passé. Plusieurs ont dit que chascue Lune fait un an, & les ont nommez aus lunaires. Quelques autres ont

*Liv. 2. des Diuines institutions* eu opinion, trois de nos mois faire un de leurs ans, & qu'a ce moyen quatre ans des leurs, n'esgaloyent qu'un des nostres: pource qu'en ceste sorte des Calendes, & les Arcadiens partilloient leurs anneés, comme le recite Lactance. Marc Varron tres docte Romain, en beaucoup de choses, fors en ceste-cy, fut d'opinion que les ans lunaires



res se nombroyent de la conionction de l'une à l'autre Lune: qui consiste en vingt-neuf iours, & quelques heures Pareillement Pline tient pour fable la longue vie des premiers hommes: & dit que ceux d'Arcadie faisoient leurs ans de trois de nos mois. Il y a encor entre nous Chrestiens, vn liure des aages du monde, duquel est auteur Eliconiense, où il semble qu'il soit de cest aduis. Neantmoins c'est chose toute claire, que les ans qui sont cottez en la saincte Esriture, estoient tels que ceux du iourd'huy: & qu'encor qu'il y eust quelque cas à dire ce n'estoit chose notable. Ce que Iosephe maintient & prouue, aussi fait Laetanoe Firmian, & encore mieux, & plus distinctement S. Augustin: de l'autorité & raison desquels seront confondues toutes les fausses opinions, qui ont senti le contraire. Quant à la premiere qui est, que toute Lune faisoit lors vn an, à prèdre d'une conionction à l'autre, c'est vne erreur manifeste: parce que nous scauons bien telle espace ne contenir trente iours entiers, en sorte que cent ans de maintenant, en monteroyent plus de douze cens de ceux d'alors. De la viendroit, contre l'opinion de tout le monde, que les hommes viuroient plus à ceste heure, qu'ils ne faisoient: d'autant qu'il ne se trouuoit lors homme qui vesquist douze cens ans, qui ne montent pas vn de nos siecles, & toutesfois il s'en trouue qui viuent cent, & cent douze ans: qui feroient plus de treize cens ans, à coter les ans par les Lunes. N'est ce pas aussi folie, à ceux qui afferment dix ans du passé, ne valloir qu'un des presens; car si leur dire estoit vray, les hommes eussent eu lors puissance d'engendrer à sept, huit: & dix ans, qui est contre toute naturelle philosophie. Qu'ainsi soit, nous lisons en Genese, que Seth, fils d'Adam, engendra Enoc en l'age de cent cinq ans. Si donc les dix ans de lors, n'en eussent fait qu'un de maintenant, il s'ensuyuroit, que les hommes du premier age eussent engendré à dix ans & demi, du temps present: Ayant aussi Cainam engendré à soixante dix ans il auroit à ce compte esté pere à sept ans de nostre age: & toutesfois ce seroit beaucoup moins, si vn de nos ans en faisoit douze d'alors, ainsi que le disent aucuns. Plus clairement

*Liv. 1. des Antiquitez.*

*Liv. 2. Et 15. de la cité de Dieu.*

*Genese chapi. 15.*

encore



*Gen. 7.**chap. 8.*

core sera mōstree la fausseté de leurs opinions, par la deduction suiuant, & telle. Si l'an n'estoit que la dix, ou douzieme partie du nostre, il s'ēfuyeroit l'an n'auoir eu douze mois, ou que le mois estoit de trois iours, qui est abuser: pource que le mesme texte de l'Escripture dit que le deluge general commença le dixseptiesme iour du second mois: par ainsi lon cognoist euidemment, que les mois d'adonc estoient pareils aux nostres. Quant à l'autre opinion de ceux qui disent, que le viel an faisoit la quartre partie du moderne, & que l'an estoit de trois mois, la mesme Escripture l'a declairé pareillement fausse, d'autant qu'au mesme lieu il est dit que l'Arche de Noë vugnoit sur les eaux, & que le vingseptiesme iour du septiesme mois, elle s'arresta, pource que les eaux s'abbaissoyent, & se trouua arrestee sur les montagnes d'Armenie. Peu apres est escrit que l'eau diminuoit tousiours, iusques au 10. mois, & que le premier iour de ce mois, les hauteurs & sommitez des montagnes commencerent à se descouurir. Par ainsi appert l'opinion abusive de ceux qui disent l'an n'estre que de trois mois, veu qu'il nomme le sept & dixiesme. On peut donc voir l'an ancien auoir eu douze mois, puis qu'en nommant le dixiesme, il ne dit point le dernier. Et aussi peu pourroit on dire, que les mois n'auoyent que trois iours: car le texte porte expressement, le vingt-septiesme iour du mois: moins encor peut-on dire, le iour n'auoit que deux, ou trois heures. pource que le mesme texte dit, qu'il plut, & que les vantailles du ciel furent ouuertes, par l'espace de 40. iours & quarante nuits. Ainsi est il tout notoire, que les iours estoient naturels, de vingtquatre heures, & les mois, & les ans aussi longs que maintenant, ou peu moins. le le di, pource que lon tenoit conte du cours du ciel comme nous faisons, tellement que cest ordre à tousiours esté tenu entre les gens doctes, tant Hebreux qu'Egyptiens: entre lesquels fut nourri Moysé, historiographe, & autheur des saints liures, où sont escrites ces longues vies. Et ores que nous voulussions accorder l'opinion de plusieurs, qui tiennent que les Hebreux mesuroyent les mois par les Lunes, & que l'an fut de douze mois lunaires, & que chacun mois auoit vingt neuf iours



ious, & quatorze heures, peu plus, ou peu moins, & que partant l'an fust plus court de douze iours, que celuy que nous mesurons au cours du Soleil, qui est de trois cens soixante cinq iours & six heures. Si est-ce que ceste difference ne rendra point douteuse, & incertaine la vie de nos vieux peres: car ce seroit peu de chose, qu'en neuf cens ou mil ans, il s'en salut vingt ou trente, pour n'estre le mois lunaire accompli de trente iours. Par ceste authorité donc nous sommes certains, que les neuf cens trente ans, qu'Adam vesquit, & les neuf cens des autres estoient tels, que les cent-septante cinq d'Abraham, & que les septante, ou octante, que vivent les hommes du iourd'huy. Qui croiroit autrement seroit en erreur & folie. Il y a semblablement vne autre consideration à noter, alleguée par S. Augustin à ce propos, c'est que posé le cas, que l'Escripture ne face mention qu'Adam & les siens eussent eu d'autres enfans, auparavant ceux qui y sont nommez, si est il à croire, que deuant & apres, ils en eurent plusieurs: de sorte qu'en plus grande ieunesse, que ne dit l'Escripture, ils auoyent eu entans. Et pour en faire plus ample preuue, quand il est dit que Cain auoit edificie vne ville, la premiere qui fut au monde (de laquelle parle Iosephe, disant qu'il y auoit des tours, & qu'elle estoit enuironnee de murailles, & qu'il la nomma du nom de son fils Henoc, qui luy estoit nouuellement né:) il n'est vray semblable, qu'il n'y eust au monde que trois ou quatre hommes seulement, encor que l'Escripture ne face mention de dauantage: pource qu'à edifier vne ville, il estoit besoin de l'ayde de grande quantité, d'hommes: & toutesfois le texte ne nomme que les principaux chefs, qui l'edifierent: comme il appert, en disant que leurs fils, & leurs filles en engendrerent d'autres, qui ne sont point nommez. Nous voyons les saincts Euangelistes en auoir fait ainsi, en leur histoire Euangelique: car Saint Matthieu traittant du lignage de Christ selon la chair, commence à Abraham, & voulant nombrer iusques à Dauid, dit: Abraham engendra Isaac, Isaac engendra Ismaël, & apres, Isaac engendra Iacob, ne parlant d'Esau, encor qu'ils fussent les premiers nez: pource qu'ayant intention de venir de degré en degré iusques à Dauid, qui n'estoit point de la lignee

*Lin. 15 de  
la cité de  
Dieu.*

*Iosephe li.  
1. des An-  
tiquitez.*







partât en elle sont les plus grans effects des estoilles: pour ce qu'elles ont plus grâde force & vertu, lors qu'elles sont aux extremitéz, & coins d'Orient, Occidēt, Midi, & Septentrion: & ainsi assises, forment par la splendeur qu'elles donnent, la figure de la Croix, toutes lesquelles choses sont considerables. En outre il est bon de noter la raison pourquoy les Egyptiens l'estimoyent entre les autres marques & figures, & ce qu'ils signifioyent par icelles. Mais i'espere premieremēt parler de quelques vnes de ces images, & lettres hieroglyphiques d'Egypte, & leurs significations. Avant que les Egyptiens eussent lettres, ils escriuoient leurs conceptions par figures, caracteres, & chiffres de diuerses choses, comme arbres oyseaux & bestes, ou par aucuns de leurs particuliers membres: en quoy ils s'estoyent tant rusez & habilitéz, que desia ils auoyent appris à cognoistre que signifioit toute chose, par la grâde experience qu'ils en auoyent faire: ce qui s'apprenoit de pere au fils, & de succession en autre: comme le tesmoignēt Corneille Tacite, Strabon, & Diodore Sicilien, desquels & de Pline en quelques endroits, j'ay pris garde à vne partie de ces raisons. Premierement par la figure du Vautour, ils entendoient Nature: pource (disent-ils) qu'en ceste espee d'oiseau ne se trouue point de masse, comme aussi l'escriit Amian Marcelin. Par l'espergier, ou faucon, il signifioient la chose qui se fait en grande diligence: à cause de la promptitude, & legereté de ces oyseaux. La mouche à miel signifioit le Roy, pource que yn Roy doit auoir le miel, & l'esguillon. Par le Basilic Serpent qui tenoit sa queue en la bouche, s'entendoit l'an reuolu, pource qu'il finit par où il commence. La teste du Loup monstroient le temps passé, pource que ceste beste n'a point de souuenance. La teste du Lyon, le temps present, pour la force & pouuoir. Ils mettoient la teste d'un chien qui leche, & fait acueil, pour signifier le temps futur: car tousiours nous le caressons par esperance. Le Beuf signifioit la terre, pour le grand travail de ceste beste. Iustice estoit signifiée par la Cigogne: pource qu'on dit cest oiseau soustenir & alimenter son pere en vieillesse, pour recognoissance d'auoir esté esleué par luy en son nid. Ils demonstroyent l'ennie par l'Anguille, pource qu'elle

Liu. 14.

Liu. 17.

Liu. 4.

Lettres hieroglyphiques.



qu'elle ne s'accompagne des autres poissons. L'homme liberal estoit monstre par la main droite ouuerte : & au contraire l'auaricieux par la main gauche cloie. Le Crocodile, qui est vne beste fort mauuaise, signiſioit l'homme malin. L'œil ouuert denotoit l'homme bien obseruant iustice. Par l'oreille ils entendoient la memoire. Pour monſtrer vn homme de grande memoire ils peignoient vn hure, ayant les oreilles ouuertes. Et ainsi discourant de toutes choses, ils pratiquoient ces figures, comme si elles leur euſſent eſté lettres eſcrites. Or retournons à nostre propos de la Croix, c'est merueilles qu'entre tant de signes, c'estoit le plus euidēt & cogneu caractère, voire iusques à estre mis en la poitrine de leur Dieux, pour signifier l'esperance de l'heur qui en deuoit venir : & comme quasi prognostiquant le salut vniuersel, qui nous est succede. Ainsi en a parlé Rufin en son histoire Ecclesiastique, Pierre Crinit le repete en son septiesme liure d'honneste discipline, & Marſile au lieu preallegué. Voila comment la Croix estoit en estime parmi ceste nation. Mais au contraire entre les luifs Romains, & autres peuples, la mort de la Croix estoit reputée ignominieuse. Et fut l'Empereur Constantin le premier, qui defendit que les condannez à mort ne fuſſent plus crucifiez, pour l'honneur de ceste sainte Croix : ains ordonna au contraire, qu'elle fut honorée & reuerée de tous : pource que Dieu luy auoit monſtré miraculeusement vne Croix en l'air, avec promesse de victoire : tellement que sous ce signe, & attente du promis, il combattit son ennemi Maxence, persecuteur des Chrestiens, & le vainquit. Ce qui est recité par Eusebe. Aussi l'Empereur Theodose ordonna (encor qu'il ne soit obſerué) Ierusalem d'aujourd'hui, que ce signe de la Croix ne fuſt inſculpé en pierre, ou metall, pour estre apres mis en lieu où il peur estre rompu & destruit pour ce que tels corps ſont ſubiets à rompre & il se vouloit perperuer en nous.

Rufin li. 11.

Euseb. l. 9.  
del histoire  
Ecclesiastique.



## De l'excellence du Secret.

17

*De l'excellence du secret, & comme il se doit garder, avec  
anciens bons exemples à ce propos.*

### CHAP. IIII.

**L'**Une des principales parties qui fait cognoistre l'homme sage, c'est qu'il sçache bien garder le secret qui luy a esté déclaré par autrui, & tenir les propres affaires couuertes. Ceux qui liront les histoires anciennes trouveront infinité de bonnes entreprises n'auoir peu atteindre leur desiré but, fust en paix, ou en guerre, par faute de celer le secret, & s'en estre ensuyui vne infinité de maux. Mais entre tous les exemples nous en considerons vn notable sur tous, comme procedant de Dieu : lequel conserue si bien son secret, qu'il ne laisse sçauoir à aucun quel qu'il soit ce qui doit aduenir demain : ny ceux du temps passé ne sçeuvent iamais cognoistre ce qui deuoit aduenir à ceste heure. Aussi à la verité il est aisé à voir que Dieu a fort aimé le secret : Car encor qu'il en ait déclaré quelque chose, si est-ce qu'il n'a esté possible à aucun de tourner sa volonté : Pour ceste cause les sages ont tousiours aimé faire leurs ceuures secretement. Nous lisons que Caton Censorin disoit souuent à ses amis, y auoir trois choses dont il se repentoit tousiours, s'il luy aduenoit de les faire : La premiere, quand il auoit manifesté son secret à quelqu'un, & principalement à femme : La seconde d'auoir nauigé sur mer, ayant peu cheminer par terre : Et la troisieme d'auoir passé vn iour ocieusement, & sans auoir fait quelque vertueux acte. Les deux dernieres meriterent bien estre notees, & la premiere fait à nostre propos. Alexandre auoit reçu de sa mere quelque lettre d'importance, & apres l'auoir leue en la presence d'Ephestion, luy approcha de la bouche l'anneau du cachet de ses plus secretes lettres, voulant monstrier par là que celuy à qui on se fie de son secret doit auoir la bouche close. Quand le Roy Lisimaque offrit au poëte Philippides tout ce qu'il luy demanderoit, le poëte luy respondit : le plus grand bien que vous me pourriez faire, est que ie n'aye point communication de vostre secret. Antoine Sabellicq escriit à ce propos, vn notable & me-

*Nota Ca-  
son.*



meilleur exemple : Du temps du Pape Eugene, dit-il, le Senat de Venise auoit vn capitaine nommé Carmignol, par la trahison duquel, & à son occasion l'armee fut desconfite. Au moyen dequoy ayans les Senateurs mis en termes ce qui estoit de faire sur-ée point, aucuns furent d'opinion qu'il le falloit mahder & prendre, puis en faire briefue iustice : autres opinerent au contraire. Finalement fut conclu que pour lors on seindroit ne rien scauoir des fautes, attendant meilleure occasion, proposant neantmoins qu'on le deuoit executer. Ceste conclusion fut differee iusqu'à huit mois, voire si secretement qu'il n'en fut aucune nouuelle pendant ce temps, chose fort esmerueillable, veu qu'il y auoit tant de Senateurs dont plusieurs estoient grans amis de Carmignol, & grande partie d'eux paugres, qui eussent receu de luy grans dons & richesses pour l'en aduertir. Toutefois telle chose fut tousiours tenuë fort secrette, iusqu'à ce que les huit mois pällez, fut ordonné qu'il iroit à Venise, où le Senat le reçut avec grandes caresses & embrassemens, & le lendemain fut pris & condamné à estre decapité, ce qui fut fait. Telle chose deuroit bien seruir d'exemple à tous nos modernes Senateurs, iuges & conseillers, afin qu'il ne leur aduinist comme à aucuns qui descouurent incontinent le secret qu'ils deuroient celer. A la confusion desquels ie veux faire vn plaisant discours recité par Aulugelle dedans ses nuicts Attiques, & par Macrobe en ses Saturnales, qui est tel. Les Senateurs de Rome quand ils entroyent au Senat, auoyent accoustumé de mener chacun vn de leurs enfans deslors qu'ils pouuoient marcher : & auoyent les enfans des nobles ce priuilege iusqu'à l'aage de dixsept ans, afin qu'estans accoustumez à voir le bon ordre que leurs peres y tenoyent : puis apres venans en aage de gouverner ils fussent mieux instruits aux affaires publiques : ces enfans neantmoins estoient si bien enseignez, qu'ils gardoyent curieusement le secret des choses qui s'y traittoyent. Aduint vn iour qu'au Senat fut mis en conseil vn'affaire de grande consequence, tellement qu'ils sortirent plus tard qu'ils n'auoyent accoustumé, encores salut-il que la deliberation en fust remise au lende



l'endemain, avec defense cependant d'en parler en aucune sorte. Or entre autres enfans qui y furent ce iour menez, y estoit vn ieune enfant fils du Senateur Papirius, la famille duquel fut à Rome l'une des plus illustres & fameuses. L'enfant de retour au logis, sa mere le prie luy dire quelle chose auoit esté traictee ce iour là au Senat, veu qu'ils auoyent tant arresté: A quoy le ieune fils respondit, que ce n'estoit chose qui se deult dire, & qu'il auoit esté defendu d'en parler. Ceste response ouïe (comme c'est la coustume des femmes) la mere eut encor plus grand desir de le sçauoir, tellement que par douceur & promesses elle essaya premierement d'en tirer quelque chose de luy, & finalement par menaces & coups, l'y voulut contraindre, pour lesquelles esuiter, c'est enfant s'aduisa d'une bonne finesse, & luy dit que ce qui auoit esté mis en deliberation, & qu'on deuoit déterminer le iour ensuyuant estoit, qu'il sembloit bon à plusieurs des Senateurs tant pour le bien public que pour l'augmentation du peuple, que chacun homme eust deux femmes, & qu'il y en auoit d'autres qui estoient de contraire opinion, soustenant que chacune femme deuoit plustost auoir deux maris, & que le lendemain il en seroit resolu. Ce qu'entendu, elle y donna foy, & s'en esmeut grandement, qui fut cause qu'elle en aduertit les autres dames Romaines, afin d'y pouruoir & empêcher, que les hommes n'eussent deux femmes, mais plustost les femmes deux maris. De fait le iour ensuyuant grand nombre des matrones de Rome se trouuerent à la porte du Senat, prians & requerans affectueusement les Senateurs de ne faire vne si iniuste loy que de marier vn homme avec deux femmes, & qu'il seroit meilleur de faire le contraire. Les Senateurs qui ne sçauoyent à quel propos ceste femme disoit telles choses, estoient tous esbahis de sorte qu'entrans au Senat l'un apres l'autre s'entredemandoient d'où procedoit ceste deshonneste inciuilité de leurs femmes, mais nul d'eux n'en sçachant rendre raison, en fin le petit Papirius les en tira de peine, recitant en plein conseil ce qui luy estoit aduenü avec sa mere, & que pour la crainte qu'elle luy auoit donné, il auoit esté contrainct d'aler



enuers elle de ceste tromperie, le propos ouï par les Senateurs: ils loüerent grandement la constance de ce ieune enfant. Toutesfois ils conclurent que de là en auant les peres ne meneroyent plus leurs enfans au Senat.

*Papirius.* fors ce ieune Papirius qui seul y entreroit, afin que par ces moyens le secret du Senat ne fust descouuert. Certainement les vieillards de maintenant deuroyent prendre exemple sur ceste sage ieunesse, & considerer que si vn secret priué est digne d'estre gardé, plus encor l'est le public, & principalement entre gens d'aage & de iugement. M. Brutus Cassius, & tous ceux qui auoyent conspiré la mort de Iules Cesar, pource qu'il leur sembloit expedient pour le profit & liberté de la partie: ayant fait leur deliberation, n'en voulurent rien dire à Cicéron l'un de leurs plus grands amis, & qui desiroit plus que nul autre de Rome l'abolition de la tyrannie, non pour desfiance qu'ils eussent de luy, mais pource qu'il n'estoit réputé bon secretaire. Secret certainement digne d'admiration, veu qu'ils estoient tant de coniurez, & neantmoins ils le celerent si longuement

*Fulvia.* à cestuy leur singulier amy, Fuluius declara vn grand secret à sa femme, qui luy auoit esté communiqué par l'Empereur Octauius, ce que descouuert par la femme, & paruenü aux oreilles du Prince, le Senateur fut asprement repris de legereté par son Seigneur: Dont desesperé, delibera se tuer: parquoy reprochant à sa femme le tort qu'elle luy faisoit, elle luy respondit, qu'il n'auoit raison de s'en courroucer à elle, veu que pendant le long temps qu'ils auoient vescu ensemble, il n'auoit sceu cognoistre sa legere complexion, ou l'ayant cogné auoit abusé de telle cognoissance, se confiant en elle. Parquoy, encore que son mary fut cause de la faute, si est-ce qu'elle se delibera d'en porter la premiere peine, & de fait se tua incontinent, aussi fit son mary apres d'elle. Nous lisons en la vie de l'Empereur Neron,

*Neron.* celuy qui auoit la charge de faire le coup rencontra d'auanture qu'elqu'un qu'on menoit prisonnier par l'ordonnance du tyran: & considerant en luy-mesme que la peruerse nature de l'Empereur estoit telle, qu'aucun qu'il



qu'il fist prendre n'eschappoit la mort, & que partant ce pauvre prisonnier ( qui pleuroit à grosses larmes ) ne la pouuoit esuiter, s'approcha de luy, & ne se souuenant de quelle importance luy estoit vn bon celer, luy dit: prie Dieu qu'il te garde iusqu'à demain, car si tu passes aujourdhuy: ie t'assure que Neron ne te pourra faire mourir: ce qu'entendu par le prisonnier qui soupçonna que la cause fust telle qu'elle estoit, cherchant le moyen de sauuer sa vie, declara le fait à Cesar, & luy dit qu'il se donnat de garde, au moyen dequoy Neron fit prendre incontinent celuy qui auoit conforté le prisonnier, & à force de tourmens luy fit confesser la coniuration, de sorte qu'il en perdit la vie: & tel dessein fut destourné. Plinc raconte tout le contraire d'Anaxarcus, car *lib. 7. ch. 23* estant pris pour semblable chose, il se trancha la langue avec les dents, afin de ne declarer le secret, & la cracha en la face du Tiran. Les Atheniens firent esleuer en bronze la statue d'vne Lyonne, en l'honneur d'vne femme publique, nommee Lyonne, pour memoire de la constance qu'elle eut à tenir secrette vne coniuration, & ceste statue n'auoit point de langue pour demonstrier le secret. Les seruiteurs & esclaves de Plancus, font aussi *Plancus* fort estimez, de ce qu'il n'y eut tourmens suffisans pour *Valere li. 6. ch. 8.* leur faire confesser aux ennemis de leur maistre qui le cherchoyent & vouloyent tuer, en quel lieu il estoit caché. Le valet de Caton l'orateur, ayant veu faire à son maistre quelque faute, fut mis aussi au tourment pour en parler, & neantmoins il ne fut onc possible luy faire porter tel tesmoignage. Quinte Curse, raconte que les *lin. 4.* Perses tenoyent pour loy inuiolable de punir griefuement ( & plus que pour nul autre delict ) celuy qui reueloit quelque secret pour confirmation dequoy il dit qu'estant le Roy Daire vaincu par Alexandre, & ne sçachant où fuir se cacha: mais il n'y eut torture qu'on baillast à ceux qui le sçauoyent, ny espoir de recompense, qui peut leur faire declarer à personne: & dit que les Perses auoyent opinion, qu'on ne se deuoit fier de chose de consequence à homme peu secret. Le secret donc est necessaire en toutes choses, & principalement en la guerre: ce que les excellens capitaines anciens obser-



uoient fort bien. Philippe fils d'Antigone successeur d'Alexandre, demandoit à son pere, en la presence de quelques vns, quand l'armee marcheroit, auquel le Roy respondit par desdain: Es-tu si sourd, que tu craignes n'ouïr la trompette comme les autres? voulant par cela luy donner à entendre, qu'il auoit failli par telle demande, qui ne meritoit response en presence de iustesmoins. Il y eut vn Tribun de l'armee de Cecilius Metellus capitaine Romain, qui luy demanda ce qu'il auoit deliberé pour le faire de la guerre: auquel Metellus respondit: Si ie scauoy que ma chemise sceust ce que i'ay deliberé, ie la brusleroy maintenant. Horace entre les loix conuiuiales, veut que chacun tienne secret les choses qui s'y font & dient. Pour ceste cause les Atheniens auoyent accoustumé quand ils se trouuoient en festin, que le plus ancien d'eux monstroït à tous les autres la porte, par où ils estoient entrez, leur disant: Gardez que de ceans ne sorte vn seul mot de ce qui s'y fera. La premiere chose que Pythagoras enseignoit à ses disciples estoit le taire: pour ce les tenoit il quelque temps sans parler, afin qu'il apprinsent à conseruer le secret, & ne parler sinon quand il en seroit temps: qui est bien pour monstrier la vertu du secret estre la plus rare de toutes. Qu'il soit vray, quand Aristote fut enquis de la chose qui luy sembloit plus difficile, il respondit que c'estoit le taire. A ce propos saint Ambroise en ses offices, met entre les principaux fondemens de vertu, la patience du taire. Les Romains, entre les vanitez de leurs Dieux, auoyent vne deesse de silence, nommée Angeronne, qu'ils peignoient le doigt en la bouche, en signe de silence. Et dit Plin. qu'ils luy sacrifioient le vingt-vnieme de Decembre: dequoy font mention Marc, Varron, Solin, & Macrobe. Le Dieu de silence estoit pareillement adoré par les Egyptiens, & le despeignoient le doigt en la bouche. Catulle, & Ouide en ont pareillement escrit. En cela cognoist-on en quelle reuerence il auoyent le secret, puis qu'ils l'adoroyent pour Dieu. Salomon en ses prouuerbes dit qu'vn Roy ne deuroit point boire de vin, non pour autre raison, que la où est yronnerie, ne se peut tenir le secret, estant à son aduis, celuy indigne de regner, qui

Plin. lib. 3.  
chap. 5.



## Louange de peu parler.

23

ne peut garder son secret. Dit encore d'avantage, que celuy qui descouvre le secret, est traistre: & qui le cele est fidellement amy.

*Combien est loüable le peu parler.*

C H A P. V.

**L**E peu parler, & en ce peu, estre succinct & brief, est chose tres-vertueuse, & fort loüee de tous hommes de sçavoir. Salomon dit le beaucoup parler ne pouvoit estre sans vice, & celuy qui refrenne sa langue, est prudent: & encore, qui garde sa langue & sa bouche, garde son ame: & au contraire, qui parle inconsiderement, se donne en proye à plusieurs maux. On y pourroit amener le témoignage de plusieurs doctes hommes: mais il nous suffira d'auoir le texte Euangelique: où il est dit: que nous ferons tenus rendre conte de toute parole oiseuse. Les Lacedemoniens, entre toutes les nations Grecques, se delectoyent le plus, à parler briefuement: en sorte que si quelqu'un estoit succinct en son parler, on disoit il parloit Laconien. Le Roy Philippe, pere d'Alexandre leur manda qu'il vouloit passer par leur pays, avec son exercite, & qu'ils dissent, de quelle façon ils vouloyent qu'il y passast ou amy, ou ennemy: à quoy ils respondirent briefuement & sans longue suite de paroles: Ny en l'un, ny en l'autre Artaxerxes Roy d'Asie leur manda semblablement qu'il vouloit les aller saccager & piller, ausquelles menaces ils respondirent: Vien, & say ce que tu voudras. Il m'est aduis qu'ils n'eussent peu avec beaucoup de paroles respondre plus graueement. Les Ambassadeurs des Samiens parlerent longuement en leur consistoire, tellement que les auditeurs ennuyez de si long propos leur dirent pour reponse: Nous auons oublie la premiere partie de ce que vous nous auez expose, & quant au reste, nous ne l'auons sceu entendre. Encores à d'autres Ambassadeurs des Abderites, pour auoir esté trop affectez en l'exposition de leur Ambassade, & demandans leur despesché pour s'en



retourner, leur fut respondu par Agis Roy des Lacedemoniens: Vous direz aux Abderites, que nous vous auons escoutés tout le long du temps qu'aues voulu parler. Quelquefois vn homme parloit à Aristote, & tenoit son propos si prolix, que l'orateur mesme cognoissant son vice, fit la conclusion par vne excuse, disant, qu'il luy pleust luy pardonner s'il auoit vsé de tant long propos, avec vn si sage philosophie: Aristote luy fit response fort gracieuse, & telle: Mon frere, vous n'auez point occasion de me demander pardon de ce, car ie n'y pensois pas, ains à autre chose: en quoy Aristote donna bon payement, & response bien à propos. Nous auons vn autre exemple de trop parler, en ceux qui vollèrent, & tuerent le Poëte Ibique: car ainsi qu'ils le saccagerét emmi les champs, esloignez de tous & sans pouuoir estre veus de personne, il veit passer par l'air des Grues, auxquelles il dit tout haut: O grues vous serez tesmoins de ce que ceux-cy me font. Apres la mort on fut long temps sans sçauoir qui en estoit coupable, & iusques à ce qu'un iour il se faisoit vne solemnité aux champs, où se trouuerent les deux meurtriers, d'Ibique: adonc ils oyrent des Grues faisans bruit en l'air, dequoy s'aperceuant l'un deux, dit à son compagnon en riant (pensant n'estre ouï de personne:) Escoute compagnon, voila les tesmoins de la mort d'Ibique qui s'en vont: mais d'auanture quelqu'un qui estoit aupres d'eux l'entendit, & ne pouuant considerer que c'estoit à dire, il y soupçonna mal: au moyen dequoy il aduertit les iuges de ce qu'il en auoit ouï. Pour abreger, les deux galans furent prins, & confesserent la verité: dont fut fait iustice procedant de leur trop parler sans esgard. A ceste cause l'homme doit bien regarder ce qu'il veut dire, auant que parler & considerer deuant qui, & en quel temps. Hecates orateur Grec, fut vne fois repris, de ce qu'estant en vn banquet il ne disoit mot: ce qu'entendu par Archimidas, il respondit pour luy: ne deuez vous pas sçauoir que ceux qui sçauent bien parler, cognoissent le temps de se taire? On pourroit alleguer infinité d'exemples de diuerses hystoires recitees en diuers temps, des perils, ignominies, & morts, esquelles sont tombez les hommes par trop parler

*Aristote.*

*Le Poëte  
Ibique.*

*Hecates.  
Archimidas.*



ier, Partant l'homme doit bien regarder avant qu'ouvrir sa bouche, si ce qu'il dira luy pourra tourner à prejudice. Le grand Caton, nommé Censorin, dès son enfance fut naturellement sobre en parole, dequoy estant reprints de plusieurs, ausquels il estoit aduis qu'il tenoit trop extreme taciturnité, leur fit responce: Le n'ay point des plaisir d'estre reprints de me taire, pourveu que lon n'ait point occasion de me reprendre de ma maniere de viure, car alors (& non plustost) ie rōpray mon silence; & sçauray dire ce que ie ne pourray taire. Isocrates au liure à Demonique, dit qu'il y a deux temps pour parler: l'un quand c'est chose nécessaire: & l'autre, quand l'homme parle de ce qu'il sçait. Plutarque compare ceux qui parlent, sans sçavoir dequoy, aux vaisseaux vuides, qui sonnent plus que ceux qui sont plains. Il nous est démontré par le philosophe Zenon, que nature ne nous a donné deux oreilles, & vne seule langue, pour autre cause que pour ouïr beaucoup, & parler peu. Horace nous conseille fuyr ceux qui demandent beaucoup, pource qu'ils sont causeurs & babillards. Suetone raconte, en confirmant quelque autre, que la principale occasion qui esmeut Octavius à tāt favoriser Mecenas, fut pource qu'il estoit taciturne, & peu parlant. Cicéron affirme Caton l'orateur, n'auoir iamais voulu rediger oraison par escrit, disant que s'il se repentait de ce qu'il auoit dit, qu'il ne vouloit point que son escripture luy fust reprochée, car il ne la pourroit nier. Et à fin qu'en reprenant le trop parler, il ne semble que ie tombe en ceste mesme erreur, ie me tais avec le philosophe, concluant que ie me suis repenti maintefois d'auoir parlé, & non oncques de m'estre teu.

*Caton  
Censorin.*

*Isocrates*

*Plutarque*

*Zenon.*

*Horace.*

*Suetone.*

*Octavian.*

*Mecenas.*

*Cicéron.*

*Lettre notable de Plutarque, à Traian Empereur.*

CHAP. VI.

**P**lutarque fut l'un des plus excellés philosophes moraux, & fort veritable historiographe. Il estoit pedagogue de ce bon Empereur de Rome Traian, natif d'Espagne, au temps duquel l'Empire Romain fut plus




grand en terres & puissances qu'il n'a esté deuant, ny après. Si estoit c'est Empereur le plus iuste de tous, & le meilleur, & qui escoutoit volontiers le conseil de son maistre: lequel craignant que l'Empereur esguilloné de quelque vice ne fust chose indigne de la bonne discipline qu'il luy auoit donnée: vn iour entre les autres luy enuoya vne lettre ou estoit contenu ce qui s'ensuit: le sçay bien que vostre modestie & simplicité vous ont empêché de desirer l'Empire, encoré que vous ayes tousiours pourchassé à le meriter, par la perfection de vos mœurs & duquel vous estes de tant plus estimé digne, quand moins vous auez cherché le moyé de l'acquiescer: de sorte que ie l'attribue à vostre vertu, & bone fortune: en quoy j'auray plus de contentement lors que ie vous verray bien administrer, ce que vous auez bien mérité: pource que faisant autrement, ie ne fay doute que vous n'en tombiez en danger, & que ne donniez occasiō de mesdire de moy. Le dāger de vous est que Rome ne peut souffrir vn Empereur qui soit mauuais & cruel: & quand à moy le peuple est fort coustumier d'attribuer la faute des disciples aux maistres. Nous en auons exemple en Senecque, contre lequel fut murmuré pour la meschanceté de Neron: & à Quintilian fut donné la charge des excez & audaces de ses disciples. Je sçay bien si vous ne vous oubliez vous-mesmes, & si vous ordonnez de vous premierement, referant toutes vos œuvres à vertu, que vous ne feres rien, qui ne soit bon & parfait. Les reigles que vous deuez obseruer, afin que les mœurs de vostre Empire s'amendent vous sont enseignées par mes liures, si vous les ensuiuez. Plutarque sera auteur de vostre vie: si au cōtraire, j'appelle ceste mienne lettre en tesmoignage, que ce n'est par mon cōseil & aduis qu'il se fera chose au preiudice & dommage de la republique de l'Empire Romain: Dieu vous vueille garder. Ceste lettre eut tant de puissance sur Traian (aidé de sa bonne inclination) qu'il deuint, fort excellent Prince. Vray est qu'auparauant qu'il fut appelé à l'Empire, il estoit homme de bonnes mœurs & vertus, tellement qu'encores que ceste principauté n'eust esté iamais permise aux estrangers, si est-ce que Nerua son predecesseur, bien qu'il eult en  
Rome



Rome plusieurs parens, & que Traian fut Espagnol, l'es-  
 leur neantmoins pour succeder à son Empire: en quoy  
 Nerua eut bonne & louable opinion: car Traian s'y gou-  
 uerna si bien, & fut si vertueux personnage, qu'après son  
 decez quand on venoit à eslire, & instituer nouveau Em-  
 pereur, le peuple requeroit Dieu qu'il luy donnast la bô-  
 té de Traian, & la fortune d'Ostaius. Plutarque donc  
 homme de rare, & grande vertu a rempli ses œuvres de  
 bons exemples & doctrine si que tout homme, pour  
 docte qu'il soit, en pourra tirer des reigles, & instructiōs  
 pour conduire sa vie, bien & vertueusement. Il a fort  
 grande grace en ses comparaisons, entre lesquelles sont  
 celles cy: Celuy qui s'aneârit, & laisse la vertu pour quel-  
 que desplaisir qu'il luy en puisse venir, ressemble à l'en-  
 fant, lequel voyant qu'on luy a osté des mains quelque  
 chose dont il se iouoit, iette par despit ce qui luy reste,  
 encores qu'il soit friand, & delicat à manger. Tout ainsi  
 que celuy qui est amoureux d'une femme, ne laisse de la  
 trouuer belle, iagoit qu'elle ait vne marque au visage qui  
 la difforme: aussi celuy qui est amy de la vertu, encores  
 qu'il voye les vertueux mal traitez ne doit trouuer le  
 chemin de vertu ennuyeux. Ny plus ne moins que les  
 vautours & courbeaux ne se fondēt point sur corps vifs,  
 ains empiètent les morts: aussi celuy qui hait quelq'ū ne  
 regardera qu'à ses vices, sans se souuenir des bonnes œu-  
 res & vertus. Cōme leau modere la chaleur & fureur du  
 vin: aussi en vne republique les vieillards réperent les cō-  
 seils & fureur des ieunes, Tout ainsi qu'un esclaue est  
 trefouyeux quād il sort des mains d'un seigneur aspre &  
 furieux: aussi se doit le vieillard resiouir d'estre eschap-  
 pé des affectiōs & inclinations mauuaises, qui accom-  
 pagnent la ieunesse. Et comme on voit qu'un auengle se  
 courrouçant, appelle auengle celuy qui sans y penser l'a  
 rencontré & hūrté: aussi nous nous plaignons de nostre  
 infortune, encores qu'elle viēne par nostre faute, & luy en  
 donnons la coulpe. Tout ainsi que par faute d'esteindre  
 vne estincelle, il s'allume un grād feu qui brusle la mai-  
 son: aussi par faute de pouruoir à la sedition de quelques  
 particuliers, aucunesfois les republiques en sont ruinées.  
 Dit outre plus que celuy qui est subiet à seigneur, purga-  
 tions



tions & medecines, ressemble celuy qui bānit de sa cité les hommes nez en icelle, pour y faire demeurer des estrangers. Celuy que demande cōseil & aduis sur sō er-  
 teur, & ne s'en amēde, est tel que celuy qui se fait ouurir vne apostume sās vouloir endurer quelle luy soit mede-  
 cinee ny purgee. Celuy qui enseigne la philosophie mo-  
 rale & politique, & ne sçait comme il en faut vser, est cō-  
 me celuy qui alume vne lāpe sans y remettre puis apres  
 d'autre huile. Tout ainsi que le ver s'engendre au pied de  
 l'arbre, & qu'il croit avec luy, & le destruit à la fin : aussi  
 l'homme mauuais s'augmente par faueur du prince, &  
 puis il luy est ingrat & traistre. Les nouuelles racontees  
 par vn sot ou gaudisseur, sont comme le grain mis en vn  
 vaisseau humide, dedans lequel il croist en grandeur  
 competente, puis apres se corrompt en peu de temps.



*De l'estrange opinion des Egyptiens touchant le temps de la vie  
 de l'homme, la iugeans par la proportion du cœur.*

#### CHAP. VII.

**C**E que ie veux dire semblera nouueau à quelques  
 vns, & fabuleux à plusieurs: pource que cest chose  
 difficile à prouuer: aussi ne pretē ie m'obliger de la prou-  
 uer vraye: si est-ce qu'il me sēble que l'autorité de ceux  
 qui l'ont escrite la rendra veritable ou vray semblable,  
 Pline & Marc Varron parlans du temps de la vie humai-  
 ne, affermēt les doctes Egyp̄tiēs auoir cogneu par expe-  
 rience, que l'homme ne peut selon l'ordre de nature vi-  
 ure plus de cent ans : & si quelqu'un vid dauantage, c'est  
 par particuliere influence & force des astres, chose es-  
 merueillable en nature. De ce prenoyent leur fondemēt  
 sur le cœur de l'homme : dedans lequel par anatomie,  
 plusieurs fois experimentee, ils ont entendu de merueil-  
 leux secrets : car ils disent que quand l'homme est en  
 l'age d'un an, son cœur poise deux de leurs dragmes:  
 quatre quand il a deux ans, & qu'autant d'annees qu'il  
 vi. d'autant se croist le cœur de coulpes de dragmes : en  
 sorte que paruenū à cinquante ans son cœur poise cent  
 dra-



dragmes: de la en auant il diminue son poix proportion-  
 nement chacun an des deux dragmes, selon qu'il auoit  
 augmenté: tellement qu'à cent ans le cœur vient à s'a-  
 neantir, & par consequent l'homme meurt, si par autre  
 accidentale occasion sa mort n'est aduancee: pource qu'il  
 y a tant de telles causes qui peuuent & sont coustumiè-  
 res de faire mourir, qu'il arriue peu d'hômes à mi-che-  
 min, pour en faire l'experience. Si ceste chose semble  
 estrange à aucuns de nous, si est-ce que les Egyptiens  
 l'ont tenuë pour certaine, selon que dient ces auteurs: &  
 encores de nostre temps \* Louïs Celie Rodigin alle-  
 gant Dioscoride en a parlé entre beaucoup d'autres  
 choses notables: aussi a fait Pierre Crinit, en son liure  
 d'hônesté discipline: Galiot de Narni au liure de l'hom-  
 me, & Corneille Agrippa. l'ay voulu prédre tous ces tes-  
 moins, pource que c'est chose forte à croire: que chacun  
 donc y dône telle foy que bon luy semblera. Et afin que  
 parlant du cœur de l'hôme, & de tant d'excellence qu'il  
 a, nous n'en traittions point vne seule, il faut entendre se-  
 lon ce qu'en dit Aristote, que l'hôme seul a le cœur du  
 costé gauche, & que tous les autres animaux l'ont au mi-  
 lieu de la poictrine: ce qu'il afferme en son premier liure  
 de la nature des bestes. Aussi est la commune opinion  
 des philosophes naturels, que la premiere partie qui se  
 forme en l'homme c'est le cœur, côme la racine de tous  
 les mēbres du corps humain, fontaine de chaleur natu-  
 relle, & dernier membre qui meurt en l'homme, & qui  
 perd son mouuement. C'est vn membre si delicat & no-  
 ble, qu'il ne peut estre touché que l'homme ne meure.  
 Pline en recite vne autre merueille qui aduient quelque-  
 fois, disant qu'il s'est trouué homme auoir le cœur pelu,  
 & que celuy qui l'a ainsi est vaillāt & fort dispos. Ce qui  
 fut experimenté en Aristomenes, qui auoit fait mourir  
 de sa main en la bataille, trois cens Lacedemoniens, le-  
 quel depuis ayant eschappé plusieurs perils par le moyē  
 de sa grande force, & venant à mourir, fut ouuert, &  
 trouua-on qu'il auoit le cœur pelu. Suetone Tranquille  
 en la vie de Calligule, & le mesme Pline, dient que si vn  
 homme meurt de venin, son cœur ne pourra brusler, en-  
 core qu'il soit ietté au feu: ce qui fut verifié au cœur de  
 Ger-

\* Au 10.

des leçons  
antiques.Corn. A-  
gri. liu. 2.de la se-  
cette phi-  
losophie.Pl. li. xi.  
chap. 37.Aristome-  
nes.



**Germani**  
**CH.**

Beda.

Germanicus pere Caligule : autant en aduient à ceux qui meurent de la cardiaque. Encore faut il ſçauoir que parmi les pellicules du cœur eſt la place & demeure du riſ, & à ce propos les antiqués hſtoriens eſcriuans des gladiateurs Romains, diſent que ceux par les playes deſquels eſtoyant ſorties les toilles & pellicules du cœur, mouroyent en riant. Mais tout ainſi que le riſ de ioye procede du cœur, auſſi la melancholie en deriue, & pareillement les bônes & mauuais penſées : les paroles ſ'engendrent en luy : & ſont pluſieurs d'opinion, que c'eſt le principal ſiege & reſidence de l'ame : ce qui ſemble eſtre confirmé par la ſentence de Chriſt, diſant : que les mauuais & melchantes penſées ſortent du cœur, & que ce qui entre par la bouche ne ſouille point, pource que ce ſont choſes indifferentes. Auſſi le venerable Beda en ſes commentaires ſur ſainct Marc, dit le premier lieu de l'ame n'eſtre point le cerueau comme le ſouſtient Platon, ains le cœur, comme le mouſtre Ieſus Chriſt.

De l'origine de l'art militaire: qui furent ceux qui premiers occupèrent les regnes d'autruy, & des inventeurs de plusieurs sortes d'armes, mesme de l'artillerie.

CHAP. VIII.

**C'**est chole assez manifeste que la guerre & discordes l'entre les hommes, a prins son estre du peché de nos premiers peres : & si nous est assez notoire que l'un des premiers fils d'Adam tua l'autre : pource que pendant ceste iustice originelle, iamais depuis n'y a eu faute de discordes & debat parmy les hommes, tellement que l'inimirié & la guerre commencerent avec les premiers peres. Mais la science & art militaire, & la maniere de faire la guerre, ordonnee de plusieurs, contre plusieurs, pource que son origine vient de peché, & que son milieu, & bien souuent sa fin sont cruauté, sang, & impietez, & en telle reputation, que l'art, & les entendus en icelle, sont proferez par les hommes, sur toutes les autres industries & prudences, & les ont colloquez par dessus les plus haut degré de tous les autres degrez,



grez. Diodore Sicilien & autres auteurs dirēt, que Mars fut le premier maistre de cest art, & que pour ceste cause les Poētes le nommerent fabuleusement le Dieu de la guerre; Cicéron donne l'honneur de ceste inuention à *Liu. 3. de la deesse Pallas,* & dit qu'à ceste cause elle fut nommee *la nature Bellona.* A l'opinion duquel s'accordent plusieurs poētes. Pource contrarient ils à l'ancienne origine que luy attribue Iosephe, lequel assure qu'au premier aage, & avant le deluge, Tubal fut le plus adextre de son temps, & que par le grand exercice qu'il faisoit, il s'instruisit en l'art militaire, à l'opposite ce que les autres en dient, est tost apres le deluge: il seroit par ainsi difficile à sçauoir qui en fut le particulier auteur: quel qu'il soit, toutesfois il semble qu'au commencement que les guerres & querelles s'esmeurent entre les Roys & Princes, elles naissoyent plus pour l'ambition & desir d'honneur, que pour oster les biēs l'un à l'autre. Iustin & Trogue Pompee dient, que Ninus Roy des Assyriens fut le premier qui mit armee hors de son pays, pour l'auarice, & pour conquester le regne d'autrui. Fabien Preteur en certifie autant au commencement de ce peu que nous auons de son histoire: aussi fait saint Augustin. Ce Roy Ninus se gouuerna si bien en ceste armee, qu'il subiu-gua plusieurs villes & pays, les laissant à ses successeurs: & dura ce regne en la posterité, selon la computation de S. Augustin, d'Eusebe, & Diodore Sicilien, treize cens ans, descendant de pere en fils, sans que defaillissent heritiers par le cours de trente trois Roys, voire de trente-six, selon plusieurs autres auteurs: & iusques à ce que ce regne paruint en la puissance du lubrique Sardanapale, au temps duquel se perdit cest Empire, & entra es mains des Medes. Ce mesme Ninus fut le premier conquerant, selon ces auteurs, encore que nous lisons qu'il y auoit eu des guerres auparavant luy: mais comme nous auons dit, il semble que ce n'estoit pour conquerir le bien d'autrui, ains pour l'honneur & pour la gloire du monde, comme il est escrit de Vessor Roy d'Egypte, qui sortit de son Royaume contre Tanays Roy des Scites, lequel luy venant à l'encontre, demeura victorieux, sans toutesfois oster au vaincu Roy d'Egypte, ne bien

*Liu. 1. des Antiq.*

*Liu. 4. de la cité de Dieu.*



bien ne Seigneurie, comme fit le Roy Ninus. Partant il semble qu'il a esté le premier donnant loy sur les armes, & voulant que le vainqueur eust le bien du vaincu. Quant aux armes desquelles ils se defendoient, vengeoient, & mettoient à executiō leur cholere, il est aisé à croire, qu'au commencement ils combattoient avec esgales armes, & que (comme dit le poëte Lucrece) ils commencerent avec les ongles & les dents, & qu'après ils vindrent aux bastons, & aux pierres, ainsi que font encore auioird'huy aucunes nations barbares, n'ayant pas la haine & malice des hommes encore tiré le fer des entrailles de la terre, pour arracher celles de leur prochain. Pline escrit, qu'aux premieres guerres des Mores contre les Egyptiens, ils combattoient seulement avec des hantes & baguettes, & puis peu à peu l'usage est venu au point que nous le voyons, avec la multitude des grands appareils d'armes, que les hommes ont inuentez pour s'entre-tuer. Des inuenteurs desquelles choses l'opinion est diuerse. Les Poëtes & les fables dient, que Mars Dieu des armes en a esté inuenteur. Pline maintient que les *Ætoliens* ont esté les premiers qui ont porté lance en guerre, & là mesme il dit, les *Lacedemoniens* auoir inuentez l'armet, l'espee & la hache: mais *Herodote* attribue l'inuention de la Salade, & de l'escu aux *Egyptiens*: & la cotte & le halecret à vn nommé *Midas* de *Misene*: & à vn autre d'*Etolie*, les dards. Ils dient que *Pantasilée* Royne des *Amazones* fut la premiere qui combatit avec la hache & la masse: & que *Scite* fils de *Iupiter* trouua le dard & les sagettes: mais selon quelques autres ce fut *Persee*: *Diodore* maintient auoir esté *Apollo*. Les habitants des isles *Baleares* (qui sont auioird'huy la *Maïorque* & *Minorque*) selon *Vegece* en son art militaire, ont esté les inuenteurs des frondes. Par ainsi les hommes, selon le temps, le besoin, & la variété des esprits, ont cherché diuerles armes, & si est aduenu maintefois (selon mon opinion) qu'en vn mesme temps & en diuers lieux mesme, les armes ont esté trouuees, sans que l'vn ait rien sceu de l'autre. Parquoy (afin de n'ennuyer le lecteur) ie laisse les variables opinions qui se pourroyent bien amener à ce propos, qui ont esté semblablement sur les inuenteurs des

*Liur. 7.  
cha. 16.*

*Midas  
Pantasilée.*

*Sagette.*



des variables sortes d'instrumens & machines belliques, pour combattre les murs & forteresses. Eusebe escriit que Moÿse a esté inuenteur de ces instrumens de guerre. Plutarque assure Architas Tarentin, & Eudoxe auoir redruit & remis ces arts en leur profession, & qu'ils trouuerent plusieurs instrumens pour abatre murs & maisons. Les Beliers, selon Pline, furent de l'inuention d'Epee, au siege de Troye : & selon Vitruue, des Atheniens. Le Scorpion ou Arbaleste, iettans gros moles de pierre, selon l'aduis de Pline furent inuentez par ceux de Crete & Syrie. Ceux de Phenice s'aiderent premierement des rebuts & engins à lancer: mais toutes ces choses estoient inuentions legeres : car elles ont esté surmontees de cruauté, par l'inuention de la poudre à canon & artillerie, qu'on dit auoir esté trouuee par vn Allemand, duquel on ne scait le nom, & meritoirement certes, comme indigne d'aucune memoire. A ce que disoyent Blond & Rafaël Volaterran, les premiers qui s'en aiderent furent les Venitiens contre les Geneuois, en l'an mille trois cens octante : combien qu'à mon iugement ceste inuention doit estre plus ancienne, à cause qu'en la Chronique d'Alfonse onzieme Roy de Castille, qui conquist Algazare, il se trouue qu'estant au siege d'icelle ville, en l'an mille trois cens quarante trois, les Mores assiegez tiroient certains tonnerres, avec des mortiers de fer, & cela fut quarante ans deuant ce qu'en dit Blond: Encor long temps auparauant en la Chronique du Roy Alfonso qui conquist Tollerte, le Seigneur Dom Petre Euesque de Leon escriit qu'en vne bataille de mer, qui fut entre le Roy de Tunes & le Roy More de Seuille, auquel le Roy Alfonso fauorisoit, les Tunigeois auoyent certains tonneaux de fer, ou bombardes, & qu'avec ce ils iettoient force tonnerres de feu : ce qui deuoit estre artillerie, bien qu'il ne fust en la perfection de maintenant, & ce fut y a quatre cens ans & plus.

*Liure 9. de  
la prepa-  
ration E-  
uangelis-  
que.*



De deux femmes lesquelles par grand artifice obtindrent  
deux grands Empires.

СНАР. IX.

**L**E moyen duquel Semiramis le seroit pour le rendre Dame & Princesse des Assyriens, est d'aussi grande merueille que les parterres penchans qu'elle dressa sur les tours, & bouleuarts de Babylone que pour leur rareté ou trouué place entre les sept miracles du monde, elle estoit de son estoc de son baile & vile condition, la nature toutesfois l'auoit doüee d'vne si grande beauté que Ninus Roy des Assyriens la prit en affection, laquelle, laquelle Semiramis sceut si bien melnager que dans peu de temps elle posseda tellement le credit & volonté du Roy, qu'elle impetroit facilement tout ce qu'elle desiroit, & rien ne luy estoit refusé: de sorte qu'un iour trouuant le Roy en ses ioyeuses humeurs elle luy fit entendre d'estre extremement desireuse de pouuoir faire l'espace d'un iour seulement ce que le Roy faisoit scauoir est, d'estre assise en son throlne, rendre Iustice aux parties commander absoluëment à tous, & estre obeye en Roynie; le Roy le soubstant luy integre sa requeste, & ordonne par Edict public qu'au iour qui fut assigné Semiramis seroit recogneue pour Roynie en la place de Ninus, & que ses commandemens seront effectuez sans aucune exception. Ce iour estant venu, elle s'habille à la royale, se met en la chaire de Ninus & pour faire preuue de son autorité, commande quelques choses de petite consequence, & voyant que l'on luy obeyssoit promptement, & sans difficulté, elle fait saisir au corps le Roy Ninus par ses propres gardes, fait commandement qu'il soit garrotté & occis ce qui est aussi tost executé, & ainsi de Roynie d'un iour se rendit Dame absolue de tout le pays. Sabellicus Emeade premier liure premier sur la fin le raporte autrement



disant qu'elle demanda cinq iours pour gouverner en Royne, durant lesquels elle se monstra si accorte aux affaires & liberale envers les Assyriens, qu'eux d'un commun accord ayant emprisonné le Roy la choisirent & recogneurent pour leur Princeſſe. Diodorus Siculus liure 2. chap. 2. raconte qu'elle fut nourrie d'une façon du tout extraordinaire & qui approche plus vne narration fabuleuse qu'à vne vraye hystoire, la mere, dit-il, l'ayant conceüe hors de legitime mariage, honteuse de sa faute, ne la voulut pas nourrir, ains la ietta en certains lieux pierreux & deserts, l'exposant à la mercy des bestes plus piteuses que ceste mere inhumaine. Car certains oyseaux nommez des Syriens semyramides, la voyant la nourrirrent l'espace d'un an de caillé qu'ils alloient prendre aux prochains hameaux des bergers la couvrans & eschaufans de leurs ailes, ce qu'estant en fin aperceue des Pasteurs ils enleuerent ceste petite creature & luy donnerent le nom de Semiramis tiré des oyseaux qui l'auoyent entretenue.

Sabellicus au lieu cy deuant preallegué raconte vn vn beau trait de ceste mesme femme, son fils estant demeuré Orphelin de son Pere, Semiramis se trouua en grande perplexité, car d'un costé elle voyoit que son fils à cause de son bas aage n'estoit capable de tenir les regnes du gouvernement, d'autre elle n'osoit prendre la regence & maniemment des affaires d'autant que les Assyriens hommes belliqueus & farouches ne ployroient iamais sous le gouvernement d'une femme, elle s'aduise d'un expedient du tout admirable, le fils & la mere se rapportoyent de visage & façons de faire comme deux gouttes d'eau, sur ceste semblance elle bastit son dessein, prenant les habits de son fils, & habillant son fils en femme, & sceut si bien sous ceste robe d'homme couvrir son sexe quelle trompa tous ses subiects & les gouverna fort paisiblement quelques annees. A la verité la prudence est esmerueillable, en ce mesmemet qu'en tant d'annees, & en tel estat elle sceut si bien se couvrir & maintenir. Mais ce que fit Theodosie Imperatrice de Constantinople n'est de moindre admiration: pource que l'esprit que l'une monstra pour se feindre homme: l'autre le fit co-



gnoistre sachant chacun qu'elle estoit femme: car vacant  
l'Empire par la mort de son frere Zoë, & de son mary  
Constantin, lors s'estant fait moyne elle sceur si bien  
s'employer aux affaires qu'elle deuint Imperatrice, &  
pour telle fut crainte & obeye, car sans ayde de pere, de  
mary, ny frere, elle gouuerna l'Empire tres-excellemēt  
en paix & prosperité, par l'espace de deux ans, & non  
plus: pource qu'elle ne vesquit pas dauantage & mourut  
au grand regret de tous ses subiets, au temps du Pape Leō  
neufuiesme, en l'an de nostre Seigneur mille cinquante.

*Du commencement des Amazones, & de plusieurs choses notables qu'elles ont mises à execution.*

СНАР. X.

**E**Ncore que ie ne soyé tenu garder l'ordre & la suite de mon propos en cest œuure, ains escrire les choses comme elles se presentent ou bien comme il me plaist: si est ce que par ce chapitre ie ne me delibere eslongner du subiet dernier, auquel i'ay traité de deux femmes fort hardies: & pour ceste cause il me semble bon, vsuant ce propos parler des Amazones, qui le furent plus que nulles autres du monde. Combien donc qu'il se trouue plusieurs hommes qui prennent plaisir d'abbaisser la perfection des femmes, les taxans de legereté, delicatelle, & mainte autre imperfection: si est ce que les hommes en trouvent beaucoup plus en telles defectuositez: car à vray dire elles precedent les hommes en toutes sortes de vertus, ou du moins elles ne leur cedent en rien, soit en amour, en loiauté, en charité, en deuotion, en pitié, douceur, tempérance, misericorde & toutes autres vertus qu'ils vouldroyent alleguer. Et si entre elles s'en rencontrent quelques vnes qui soyent mauuaises & malicieuses, ils'en trouuera beaucoup plus entre les hommes, chose si euidente qu'il n'est besoin d'en donner exemple prefix. D'un seul cas (comme il me semble) les hommes se doyent estimer par dessus elles, c'est qu'ils ont l'aduan



l'aduantage aux armes, & qu'elles ny sont pas propres: pource qu'à tel exercice est besoin d'auoir fierté, cruauté, & meintes autres meschancetez, dont elles ne veulent vser, aussi n'a-il pas pléu à Dieu (s'il est licite de le croire) les y rendre prompts & adextres. Et toutesfois afin que les hommes puissent cognoistre qu'encores en cela (quand s'y voudroyent bien employer) elles se pourroyent esgaler à eux, voire peut estre les passer & surmonter. Il s'est trouué plusieurs femmes qui ont fait de singulieres choses en armes. Et pour autant que le reciter des histoires loüables d'icelles seroit discours trop long, il suffira parler des Amazones, qui furent femmes tres belliqueuses, & fort vaillantes: lesquelles (sans conseil d'aucun homme) veinquirent grosses & diuerses armées, conquirent grans pays, citez, & prouinces, & si durerent long temps en leur Seigneurie & puissance. Plusieurs hommes doctes, antiques, & modernes en ont approuué les histoires pour certaines, Diodore Sicilien les maintient auoir eu deux prouinces au monde, les vnes furent en la Scirie Asiatique, Prouince Septentrionale d'Asie, & qui est fort grande, & contient plusieurs Prouinces. Ptolomee l'a diuisee en deux par le mont Imaus, & est aujourd'huy (à mon aduis) la Thartarie, Scirie Asiatique, à la difference de Scirie qui est en Europe. Les autres furent en Lybie prouince d'Afrique, & dit on qu'elles estoient auparavant celles de Scirie. Mais, pource que plus communément les autheurs parlans des Amazones, entendent celles d'Asie, c'est de celles-la que ie delibere parler, & suyure principalement Iustin & Diodore, qui en ont escrit le plus distinctement. Les Scites furent hommes belliqueux, dont nous auons bons tesmoignages d'autres historiens: ils auoyent de leurs premiers ans deux Roys, ausquels ils prestoyent toute obeissance, & se gouuernoyent par eux. Toutesfois estant la propriété de regner si superbe, qu'elle ne veut de compagnon. ou esgal, il s'esmeut entre ces deux Roys si grande controuerte & question, que despuis le tout fut reduit en guerre ciuile. En laquelle venant vne partie à demeurer victorieuse, deux hommes des plus



apparens de la faction contraire, dont l'un estoit nommé Plin, & l'autre Scolopith, furent bannis avec vn grand nombre de leurs adherans, qui tous se retirerent aux limites de Capadoce en Asie mineure: & la malgré les paisans de la contree, habiterent le long de la riuere de Thermodon, qui entre en la mer Euxine, autrement nommee Pont. Et s'estans faits Seigneurs du pays, & des lieux voyfins y regnerent par quelques ans, iusques à ce que les payfans, & leurs confederes se sentans offensez, firent conspiration contr'eux, & s'assemblerent secretement, & en les abusant par leur finesse, en fin les tuerent tous. Les nouuelles de leur mort venuës aux oreilles de leurs femmes demeurees aux pays, leur causerent grande tristesse, & douleur extreme: tellement combien qu'elles fussent femmes, si est ce que d'un viril courage delibererent pour venger la mort de leurs maris, mettre la main aux armes, avec lesquelles elles s'exercitoient souuent. Et afin qu'en ceste fortune elles fussent toutes esgales, & la douleur commune, elles tuerent quelques maris, qui estoient demeurez lors que les autres auoyent esté bannis: puis estans toutes ensemble firent vn gros exercite, & laisserent leur habitation, refusans mariage à beaucoup qui les auoyent requises: & arriuerent aux terres de leurs ennemis (qui en faisoient peu de cas, iagoit qu'ils en eussent esté aduertis) les surprindrent despourueus, & mirent tous au fil de l'espee. Ce fait, ces femmes prindrent la Seigneurie du pays, demeurans pour le commencement le long de la riuere de Thermodōs, ou leurs maris auoyent esté tuez: dequoy portent tesmoignage Pomponius Mela, Properce, & Claudian au rauissement de Proserpine. Et combien que plusieurs auteurs soit differens en l'assiette du lieu où ces Amazones habitoient, toutesfois la verité est que le commencement de leur regne & de leur habitation fut sur ceste riuere: mais de ce que depuis elles surmonterent plusieurs prouinces, sont engendrees les diuerfes opinions qui y sont mises par Strabon & autres. Or elles se fortifierent en ces lieux-là & gaagnerent d'autres contrees prochaines, eslisans entre elles deux Roynes: l'une nommee Martesia, l'autre Lampedon: Ces deux diuiserent l'exercite & gens d'armes



merie en deux parts avec grande concorde, chascune d'elles defendant par grande hardiesse les terres, qu'elles auoyent conquises. Et afin de se faire encores plus redouter ( telle estoit la creance & vanité des hommes de ce temps là ) elles feignirent estre filles de Mars, selon que recite Iustin & Seruius sur les Eacides, & Valere Flaque, en quelque lieu de son quatriesme des Argonautiques. Depuis ces merueilleuses femmes viuans en ceste sorte, avec paix & bonne iustice entr'elles s'aduiserent que par succession de temps, à faute de filles qui leur succedassent, la guerre & le temps les pourroit tost aneantir. A ceste cause elles traiterent mariage avec aucuns de leurs voisins, nommez Gargariens (comme le dit Pline) sous conditiō qu'en vn certain temps, leurs maris s'assembleroyent en vn lieu arresté, & qu'ils demeureroient avec elles quelques iours, iusques à ce qu'elles se sentiroient enceintes: ce fait, qu'ils s'en retourneroyent en leurs maisons. Si elles enfantoient des filles, elles les nourrissoient & adextroyent aux armes, & autres virils exercices, comme à dompter cheuaux: leur apprenoyent aussi le vol & la chasse: mais si c'estoyent masles, elles les enuoyoient aux peres: & si d'adventure en retenoyent quelques vns, Diodore dit qu'elles leur meutrissoient & tordoyent bras & iambes, en sorte qu'ils n'auoyent puissance de porter armes en aucune maniere: & ne s'en seruoient qu'à filer & tisser, & faire autres œuures de seruice féminin. Et pour autant que ces Amazones s'aidoyent fort en guerre d'arcs & de fleches, & qu'il leur sembloit qu'à cela & autres exercices des armes, les mammelles leur faisoient grand empeschement, elles brusloyent la mamelle dextre a leurs fillettes: cause pour laquelle elles furent nommees Amazones, qui signifie en langue Grecque, sans mammelles: combien que quelques vns donnent à ce nom vn autre ethimologie. Depuis croissans par le cours du temps en nombre & puissance firent grand appareil d'armes, & machines belliques: & laissans leur terre (qui leur sembloit petite) en la garde de quelques vnes d'elles, sortirent hors, conquerans & dominans tout ce qu'elles trouuoient rebelle: & ayans passé le fleuve Thanais entrerent en l'Europe, où

*Lib. 6. c. 7.*



elles subiuguèrent quelques contrees, dressans leur chemin vers Thrace, d'où elles retournerent puis apres avec grandes proyes & victoires, & r'entrans en l'Asie, mirent plusieurs Prouinces d'icelle en leur subiection: & tant qu'Amian Marcelin dit qu'elles allerent iusques à la mer Caspie. Elles edifierent & peuplerent infinité de bonnes villes: entre lesquelles est comprinse (selon l'opinion de quelques vns) la tant celebree Ephese: pource qu'elle fut rousiours le chef de leur Empire, & principale ville des riues Thermodon. Elles s'aidoyent en guerre de certaines targues, qui (à ce qu'en dit Virgile) estoient faites en demie Lune. Martian Capelle recite qu'elles entrans en bataille, ysoient d'aucune sorte de fleutes, pour donner à leurs gens courage de Combattre, comme souloyent faire les Lacedemoniens. Aussi croissoit de plus en plus la renommee des femmes, & iusques au temps que Hercules, Thesee, & plusieurs autres vail-lans hommes viuoient en Grece: Auquel Hercules, le Roy Euristee d'Athenes, commenda (le pensant impossible) qu'il allast avec grande force de gens contre les Amazones, & qu'il luy apportast les armes de leurs deux Roynes, qui estoient pour lors deux sœurs, sçauoir Antiope & Oritie. A ce commendement Hercules poussé du desir d'honneur, & de gloire, accompagné de Thesee, & de ses autres amis, monta sur mer, & nauigeant par la mer Pontique, print port dans la plus commode des riues de Thermodon, auquel il entra si à couuert, & en temps si propice, qu'Oritie l'une des deux Roynes estoit allée hors du pays avec la plus grand' part de ses femmes, pour faire guerre & conquerir nouueaux pays, tellement qu'il trouua Antiope ne se doutant, ny sçachant le moindre bruit de sa venue. Au moyen dequoy Hercules & ses gens prindrent les Amazones à l'improuiste, & combien qu'elles prinsrent leurs armes, & se missent en defense, avec telle diligence que le temps leur administroit, si furent elles neantmoins veinçues, mises en route, beaucoup d'elles tuées, & le reste prins, entre lesquelles estoient deux sœurs de la Roïne, dont l'une nommee Menalippe fut eslane d'Hercules, & l'autre nommee Hyppolire, de Thesee. Quelques historiens dieng qu'el-



qu'elles furent veincuës à iour assigné, & en bataille rangée. Et que du depuis les deux sœurs furent cōquises au combat & dueil d'un à vne: mais en cela ie tien l'opinion de Iustin & Diodore. Voyant donc la Royne Antiope ceste desfaite, & la prinse de ses sœurs, vint à composition avec Hercules, auquel elle bailla ses armes pour les porter à Euristee, à la charge qu'il luy rendroit sa sœur Menalippe, mais Thesee pour quelque offre qu'on luy fist, ne voulut bailler Hyppolite, de laquelle il s'estoit fort enamouré, qu'il l'emmena, & depuis la print à femme, & en eut un fils nommé Hyppolite. Ayant déc Hercules satisfait à son intention, s'en retourna ioyeux de la victoire avec sa compagnie. Ce que venu à la cognoissance d'Oritie absente du pays (comme nous auons dit) ne reçeut de ces nouvelles moins de honte que de douleur: en sorte que craignant un plus grand dommage, retourna soudainement avec les Amazones. La plus grande part desquelles estans de son opinion, persuaderent à Antiope de se venger des Grecs. Pour ce firent-elles grand appareil de guerre: & apres auoir assemblé le meilleur nombre d'Amazones qu'elles peurent, enuoyerent prier Sigile Roy des Scytes, de leur donner secours: lequel leur enuoya son fils Peasagoras, avec grand nombre de gens de cheual, à l'aide desquels les Amazones passerent en Europe: & paruenûs aux limites d'Athenes y firent de grands dommages, mais Peasagoras entra en querelle contre la Royne & les femmes. Au moyen dequoy les Scytes ne voulurent combattre: ains se retirerent à part, qui fut cause que les Amazones ne pouans supporter l'effort des Grecs, furent surmontees & veincuës: & la plus grande partie d'elles mises en pieces. Celles qui peurent eschapper, eurent recours au camp des Scytes, qui les defendirent. Puis retournees en leur Pays, y vesquirent moins fortées qu'auparauant. Apres, par le laps du temps, les Grecs estans passez en Asie, où ils firent la memorable conqueste de Troie, regnant Pantafilee sur elles & se souuenans de l'injure receüe par les Grecs, allerent en grande compagnie au secours des Troyens, où la Royne fit armes & de grande memoire: mais estans les Troyens vaincus en plusieurs de leurs



faillies, où se trouuerent les Amazones, elles y moururent presque toutes. Pantasilée entre autres y demeura par la main d'Achilles: parquoy celles qui restèrent, retournerent en leurs pays: avec si peu de puissance (au prix de ce qu'elles auoyent auparauant) qu'à peine peurent-elles soustenir & defendre leurs antiques possessions: & vésquirent ainsi iusques à ce qu'Alexandre le Grand alla en Asie, faire guerre aux Hircaniens, auquel temps vne de leurs Roynes, nommée Talistris, accompagnée de grand nombre d'Amazones, sortit de son pays, avec desir de voir & cognoistre ce grand Seigneur. Et approchant du lieu où il estoit, elle enuoya vers luy son Ambassade, afin d'obtenir sauf-conduit pour aller voir, luy faisant entendre, combien la renommée d'un si grand personnage auoit eschauffé son desir de le voir. Ce qu'entendu par Alexandre, luy ottroya le sauf-conduit. Au moyen dequoy apres qu'elle eut esleu quelques vnes des principales de ses Amazones, & laissé le reste en un certain lieu, en fort bon equippage, elle s'en alla vers Alexandre, duquel elle fut gracieusement receüe, avec fort bon visage, luy fit offre de tout ce qui estoit en sa puissance, & la pria de luy dire si elle auoit desir de luy demander quelque chose, & que rien ne luy seroit refusé. Sa response fut, qu'elle n'estoit venue pour luy demander terre, ne dominations, dont elle auoit à suffisance: ains pour cognoistre un Roy tant renommé, duquel elle auoit ouy dire choses si merueilleuses, qu'elle venoit encore plus tost pour le receuoir en lieu de mari, iusques à ce qu'elle fut enceinte, afin d'auoir heritiere de lignage d'un si excellent Prince, luy donnant à entendre qu'elle estoit de lignee tant genereuse, & de si haute parenté qu'il ne deuoit desdaigner: luy promettant que si les dieux vouloyent qu'elle eust vne fille de luy, qu'elle la nourrirait apres d'elle, & la feroit son heritiere vniuerselle, & si c'estoit un fils, elle le luy enuoyeroit. Alexandre luy demanda si elle voudroit aller avec luy en guerre, & qu'il luy tiendrait bien bone compagnie. mais elle s'excusant respondit qu'elle n'y pourroit aller sans grande honte, & danger de perdre son Royaume: parquoy le pria de rechef d'obtemperer à son vouloir. Finalement elle tint



compagnie à Alexandre par l'espace de treze iours, en pudique & secrete conuersation : lesquels expirez, & le congè prins, se retira en sa prouince. Mais comme c'est le propre du temps de consumer toutes choses : aussi le regne & la puissance de ces Amazones est venu depuis à se diminuer, en sorte que de rabais en decadence il a esté totalement ruiné. On tient pour vraye histoire ce que l'en dy, & pour telle ie la presente. Toge Pompee l'affirme, aussi font Iustin, Diodore, Orose, Marcian Cappel, Quinte Curse, Herodote, Solin, Pomponius Mela, Sernius, & Amian Marcellin, avec plusieurs autres anciens auteurs, sans tous les modernes. Le seul Strabon apres auoir raconté ceste histoire semble de difficile creance. Mais quiconque aura leu l'histoire de Boëme, que le Pape Pie a escrit si au vray, & avec tant grande diligence, & veu comme les femmes ont Seigneurié par long temps le pais de Boëme, & fait les guerres necessaires, ceste histoire des Amazones ne luy semblera incroyable. Nous lisons aussi en la vie de l'Empereur Claude second, qui triompha de Gots, qu'en la bataille qu'il eut contr'eux, furent prins dix soldats combattans vaillammét, lesquels depuis despoüilles, furent trouuez estre femmes, & eut on opinion qu'elles estoient descendues du lignage des Amazones. Qu'est-il de celle de France, que les François nommerent la Pucelle? Il n'y à celuy qui ne sçache quantes batailles elle à faites, ayant la charge de capitaine, & combien de fois elle à combattu comme font les plus vaillans hommes du monde. Je pourrois bien nommer encores plusieurs autres femmes, dequoy ie me tais, pour obseruer la brieueté que j'ay promise.

Iust. lib. 2.

Diodore li.

3. &amp; 4.

Orose 15.

Marcian

cappelle 9.

Qu. Curse.

Hero. 4.

Solin 65.

&amp; 77.

Pape Pie

en l'histoi-

re de Boë-

me.

La Pucel-

le de Van-

couleur.

De l'antiquité de Constantinople, & comme elle  
fut conquisse par les Turcs.

CHAP. XI.

ENTRE toutes les fameuses villes de la terre habitable, n'y en à point eu depuis Rome, qui ait esté veüe en si grande force & honneur que Constantinople, tant celebrée des Grecs & Latins. Strabon la nomme illustre,  
Plina



Plinie & Iustin la disent noble & situee en terre excellente & fertile, ennoblie de grands personnages, & somptueux edifices: elle à esté long temps le chef & le siege de l'Empire: en elle furent celebrez plusieurs conciles generaux & destruites & extirpees infinies heresies. Plusieurs cas notables luy sont aduenus en prosperité, & des tribulations aussi: tellement qu'elle est tombee en la captiuité que nous scauons, dont nous reciterons l'histoire briuesment. Ceste ville est en Europe, assise au pays de Thrace, qui est fertile, grand, & fort puissant en armes: son assiette est sur le destroit de la mer d'entre l'Asie & Europe, à l'entree du Pont, ou mer Euxine, nommee la grande mer. A ceste cause. Onide l'appelle port de deux mers, pource qu'elle est au destroit. Constantinople, selon Prolemee, contient quarante trois degrez de latitude: cest à dire pour ceux qui ne l'entendent, qu'elle est esloignee de l'equinoxe de quarante trois degrez, là ou le Pole s'esleue: & au cinquantesixiesme degre de la longitude du Meridien, qui passe par l'Isle de Canarie. Les fondateurs de ceste ville (par l'opinion commune & des meilleurs

*Lin. 3. ch.* auteurs) furent les Lacedemoniens. Orose dit, les Spartans, avec Pausanie leur capitaine & Roy: cōbien qu'Eustache, selon ce que recite Volaterran, dit qu'elle ait esté fondee par vn capitaine des Megariens, nommé Bizès, & du nom duquel elle fut appelee Bizāce: toutes fois Plinie dit, qu'au commencement on l'a nommee Ligos, & non Bizance: Diodote & Polibe dient, qu'elle estoit appelee Bizance, du nom du capitaine ainsi nommé, qui la fonda. Mais qu'il soit vray que Pausanie l'ait fondee, Iustin le recite, aussi fait Orose, & tous les modernes, assueurs que la cause de la bastir, vint de ce que Pausanie estant avec ses gens vagabond par le monde, se consulta à l'Oracle d'Apollon pour scauoir ou ils feroient leur demeure: à quoy fut respondu, qu'ils deuoyent s'arrester vis à vis des aueugles, ce qu'il entendit pour les Megariens, qui habitoient Calcedonie, assise à l'opposite, en vn lieu sterile & mauuais, ayant laissé la coste de Constantinople fertile & bonne. Cela mesme est déclaré par Strabon, encores qu'il ne nomme le fondateur. Or en quel temps ce fut, Eusebe l'exprime, disant qu'elle fut edifiee bien

pres



pres du temps de la trentieme Olimpiade, lors que Tule Hostile regnoit en Rome: au commencement ce fut peu de chose comme ont accoustumé d'estre toutes autres nouuellement erigees, & pour certain elle fut quelque espace sabiette aux Lacedemoniés, & autres, aux Atheniens, iusques à ce que contendans ces deux republiques ensemble, & elle demeurant riche, & croissant en force & pouuoir, moyennant leur discorde, commença à s'agrandir. Depuis elle florit tellement avec la liberte qu'elle auoit, & la fertilité du pays, que Philippe Roy de Macedoine, pere de ce grand Alexandre, s'enamoura de sa beauté & grande richesse, & se delibera la conquerir, pour à quoy paruenir il y tint le siege long temps sans la pouuoir prédre. Vn iour Leō Sophiste luy en dit vn notable propos, qui fut depuis escrit par Philostrate en l'histoire des Gimnosophistes, car comme Philippe alloit en ceste entreprinse avec gros exercite de gens esleus, Leon Sophiste qui estoit habitant de Bizance luy alla au deuant, & luy dit ainsi: Or ça Philippe, dy moy, quelle iniure as-tu receüe de Bizance, veu que tu t'es meu à luy faire la guerre avec rât de courroux? Je n'ay receu de la ville/repôdit Philippe) aucune iniure qui m'ait prouoqué à luy contrarier, mais pource qu'elle me semble plus belle que nulle autre de Thrace, estant deuenue amoureux d'elle, ie la veux conquerir: Les Roys amoureux, respondit Leō, qui veulēt estre aymez de leurs amies, taschent à les gagner avec douce musique, dōs & autres semblables choses: & ne cherchent point de les endommager par force, avec les armes & la guerre. Aussi en aduint il mal à ce Roy: car (comme nous auons dit) il ne peut iamais l'obtenir, ains la laissa en plus grand pouuoir & liberte que deuant. Depuis par succession de temps quand les Romains commencerent à faire guerre en Grece, ils firent ligue & amitié avec les Bizançois, & par plusieurs fois se fortifierent de leur aide & amitié, en beaucoup de guerres & batailles, prosperans tousiours de plus en plus en augmentation de richesses & bastimens. Long temps apres, estant l'Empire Romain gouverné par Empereurs, regnât adonc Seuere, le tyrâ Pessennie ennemy de l'Empereur, s'empara de ceste ville de Bizance. Au moyen dequoy



dequoy Seueré y enuoya gros exercite pour l'assieger: mais n'ayant assez de force pour la prendre d'assaut, il la contraignit par famine a se rendre: & quand il l'eut entre ses mains, la fit ruiner, & jeter par terre tous les murs & edifices: bref, il leur osta leurs publiques & priuees possessions, lesquelles il bailla toutes aux Perintiens, ne demeurant autre chose en estat, qu'une pauvre ville, où nul ne vouloit habiter. Les pieces des edifices & murs qui demurerent de ces ruines, estoient d'une si excellente pierre, taillée & assemblée en tel edifice, qu'à peine voyoit-on les iointures. Ceste calamité passée, & regnant à Rome l'Empereur Constantin, surnommé le Grand, fils de sainte Heleine, qui trouua la croix de nostre Seigneur: il delibera de passer en Orient, estat meu & poussé des augures d'un aigle, qui luy porta (comme on dit) une corde entre les serres, avec laquelle cest oyseau mesuroit une nouuelle habitation en autre contree: & de fait il conclut de faire reedifier Bizance, luy donner un nouueau nom, & la faire chef du monde. Par ainsi elle fut restaurée en sa premiere forme, avec telle augmentation d'edifices & maisons, qu'elle contendoit à Rome. Il y fit bastir des somptueux palaix, Eglises, & hautes tours, & y transporta l'Empire, avec la Cour, les Cōsuls, Senateurs, & tous autres Officiers, & Magistrats. Et combien qu'il l'amplifiast en telle forme & grandeur, qu'elle sembloit une nouuelle Rome, & qu'il eust ordonné qu'elle fust ainsi nommée, ce neantmoins la voix du peuple eut tant de force, que le nom de l'Empereur luy fut donné, & fut nommée Constantinople. Les historiens qui vindrent tost apres ce temps là, dient que la grandeur, & somptuosité d'icelle estoit telle, qu'on ne le pourroit escrire sans grande prolixité. L'Empereur Constantin y vescu maintes années en grande prosperité: aussi les autres Empereurs qui luy succederent, y continuerent leur Empire, les uns par paix, les autres par guerre. Et iusques à ce qu'apres grand nombre d'ans, par le peché que les citoyens commettoient, au moyen de la prosperité & grosse oyfueté de cest Empire, & par la debilité & nonchalance des Emperours, la grandeur & puissance vint à decliner: tellement qu'ayant souffert maintes infortunes



nes du feu, & de pestilence, & de tremblemens de terre, dont l'histoire seroit longue à reciter : & passez onze cens nonante ans, que les Chrestiens l'auoyent tenuë, elle ( qui souloit seigneurier tant de peuples, qui estoit riche d'or & d'argët, & honnoree de reliquaires approuuez, & Eglises fort excellentes ) par la permission de Dieu au temps d'un autre Empereur nommé Constantin, fils aussi d'une Heleine Imperatrice fut assiegee par Mahomet Roy des Turcs, Seigneur de la petire Asie, & ( de maintes autres regions, & prouinces ) bisayeul de ce grand Soliman qui vit encores aujourdhuy. Les predecesseurs duquel Mahomet auoyent auparauant conquis la plus grande part de la Grece. Et fut le siege mis deuant ceste ville avec si grande puissance & obstination, qu'apres maintes cruelles batailles, & par le cours de plusieurs mois que le siege auoit tenu, & encores apres la mort d'une infinité de grands personnages tant d'une part que d'autre, le Turc assigna le dernier iour de la bataille au vintneufiesme de May, l'an mil quatre cens cinquante trois, aucuns dient cinquante deux, regnant pour lors à Rome l'Empereur Federic troisieme de ce nom, & leur donna la bataille au point du iour. En laquelle ne pouans plus ceux de dedas supporter l'impetuosité & multitude des ennemis, finalement la ville fut emportee d'assaut : & disent aucuns, que la prise aduint en ceste maniere. Estant l'Empereur aduertit que le Turc auoit abandonné le pillage de la ville par l'espace de trois iours. Apres auoir fait plusieurs oraisons, tira hors des murs la plus grande partie de ses gens, pour defendre les Barbacanes, qui estoient quasi aussi hautes & fortes que les murs de la ville : & luy mesme y alla en personne, pour conseiller & ordonner de ce qu'il y auoit à faire : puis fit fermer les portes de la ville, à fin d'oster à ses gens l'esperance de fuir. Adonc y eust en cest endroit la plus siere & cruelle bataille, qui eust esté veüe depuis l'inuention de combattre, avec toutes sortes d'armes & instrumens de guerre, tant pour defendre qu'assaillir. Il sembloit que les cieux se deussent rompre au cry & à la voix des combattans : & si estoit la terre toute couuerte du sang  
des



des morts & des naurez. L'Empereur & le Turc, chacun de son costé incitoient le courage de leurs gens à virilement combattre, les aduançans & retirans selo l'occasion & le besoin. Entre les plus vaillans genldarmes qui fussent à la defence des Barbacanes, y auoit vn Geneuois nommé Iustinian, en la vertu & vaillance duquel, tous ceux de dedans mettoient leur appuy, à cause de sa grãde force: pource qu'aux precedentes batailles il auoit esté la principale occasion de la defence de la ville. Toutesfois, apres longue resistance, estant nauré, & sentant grande abondance de sang sortir de sa playe, abandonna la place qu'il defendoit, pour s'en aller faire medicamenter en la ville. Quoy voyans ses gens commencerent à s'affoiblir & perdre courage. Ce que venu à la cognoissance de l'Empereur, il courut apres en grande diligence, le priant vouloir retourner à la defence de son lieu, luy remonstrant de quelle importance estoit sa departie: mais pour aucune promesse ou condition que ce fut, ny voulut retourner: soit ou qu'il plaisoit à Dieu, que le courage luy fallist, ou bié qu'il n'en pouuoit plus pour la douleur de sa playe, & qu'il pensoit retourner incontinent: & luy fut la porte ouuerte, afin qu'il entrast dedans pour se faire penser. Cependant, les siens qui defendoient son quartier, ne l'ayans avec eux, commencerent a perdre place. Dequoy s'apperceuas les Turcs, renforcerent leur assaut de plus grande impetuosité, & au contraire, les Chrestiens furent si affoiblis & debiles que ne pouuans plus resister, se mirent en fuite, cherchât chacun d'eux le moyen d'entrer en la porte, qui estoit ouuerte pour Iustinian. Parquoy les Turcs ayans gagné la muraille, se meslerent parmi eux & entrerent en la ville, où ils firent merueilleux meurtre de Chrestiens: l'Empereur (selon que dient aucuns) ayant changé d'habit, afin de n'estre cognu, fut tué par les ennemis. Autresdiét (entre lesquels est Pape Pie second) que voulant se retirer en la ville de peur qu'il auoit voyant ses gens ployer, il fut ietté à terre par la multitude des fuyans, & qu'il mourut deuant la porte de la ville, entre les pieds de ses propres hommes, Quoy qu'il en soit son corps fut recogneu des Turcs, qui luy trencherent la teste, & la ficherent au bout d'vne







estoit Arabe, autres de Perse, mais cela est peu de chose, & peuuent tous deux auoir raison: d'autant qu'en ce temps là les Perses dominoient l'Arabie. Quant au pere, soit qu'il fust noble ou vilain, si estoit-il Gentil & idolatre, & non Chrestien, ny Iuis, au moins selon Plarine, & tous les autres. Quant à sa mere, par la plus grande opinion, elle estoit descendue d'Abraham, par la lignee d'Ismaël son fils, qu'il auoit eu de sa chambriere Agar, par ainsi elle estoit Iuisue, & obseruoit la loy des Iuifs: car chacun pere se delecte d'endoctriner ses enfans en sa loy. Ce Mahomet auoit l'esprit vis, & apprenoit tout ce qu'on luy enseignoit: mais luy estant encores fort ieune, & demeuré orphelin, fut par cas d'adventure pris esclau des Scenites, qui estoient lors en son pays, cōme aujour-d'huy sont les Arabes en Afrique, pource qu'ils n'auoyēt point de lieu ny de possession arrestee, ains viuoyent en commun sous tentes & fueilles, faisans plusieurs brigandages. Depuis fut vendu à vn riche marchand nommé Abdimoneple, lequel pour le plaisir qu'il auoit de le voir ainsi ieune, dispos & biē accompli ne le voulut traiter comme esclau, ains comme son propre fils. Estant donc Mahomet ainsi recueilli, il manioit le train de son maistre en grand soin & diligence, & gaignoit fort par la trafique qu'il faisoit avec les Iuifs & Chrestiens, outre ce que par leur conuersation il apprint beaucoup de la loy del'vn & de l'autre. Pendant ces choses, le marchand son maistre mourut sans enfans, laissant la vesue fort riche, aagée de cinquante ans, & qui selon ce que j'ay trouué és Chroniques de Constantinople estoit (par l'opinion de quelques vns) parente de Mahomet, & nommee Ladigue, laquelle ayant fait esprouue de la personne du galant & de sa suffisance, le print à mary, le faisant de pauvre esclau, riche Seigneur. D'auanture en ce réps là s'en alla en ces parties d'Arabie vn moine Chrestien desfroqué nommé Sergie, homme de mauuaise nature, fort cauteleux, & qui pour son heresie estoit fugitif de Constantinople. Là parueni il s'accointa, & eut l'amitié de Mahomet, qui desia commençoit comme rempli d'ambition à penser grandes choses, par voyes neantmoins obliques, car il auoit l'esprit aigu, plein d'art magique,



gique, tellement qu'avec l'aide & cōseil de Sergie, il delibera persuader aux Gentils qu'il estoit prophete, & à ceste fin leur faisoit des tours de Magie, dont sa femme & ceux de sa maison furent les premiers abusez. Or auoit-il vne maladie qui le faisoit tomber du mal caduque: de quoy sa femme toute estonnee, luy demanda que c'estoit & il luy respōdit que l'Ange de Dieu venoit souuēt parler à luy, & que ne pouuant (cōme homme) soustenir la Diuine presence, il entroit en ceste agonie & alteration d'esprit, & que par telle visitation il scauoit ce qu'il deuoit faire suyuant le vouloir diuin. Aussi estoit il si cauteleux & subtil, que par le moyen de sa femme qui luy prestoit foy, & qui en faisoit les cōtes à ses voisins, & à quelques vns de ses parens, on commença petit à petit à croire en luy, de sorte qu'enuers les Gentils il paruint en grande reputation. Depuis sa femme mourut, tellement qu'il demeura son heritier vniuersel en beaucoup de biens & grands deniers: au moyen dequoy il entra en plus grande audace qu'auparauant. Par ainsi avec l'ayde du moyne Sergie il se publia prophete à tous, disant qu'il estoit enuoyé de Dieu au monde pour donner la loy: & pource qu'il estoit fort docte en toutes les loix, il fut si industrieux qu'il s'accorda partie avec les Iuifs pour les attirer à soy, partie avec les Chrestiens, afin de ne les auoir pour ennemis. Encor fut-il d'accord en beaucoup de choses avec les heretiques qui regnoient pour acquerir leur faueur. Il nioit la Trinité avec les Sabelliens. Avec Macedoine il nioit que le S. Esprit fust Dieu. Et approchoit la multitude des femmes avec les Nicolaites. D'autre costé il confessoit que nostre Sauueur Iesus Christ estoit saint & Prophete, & qu'il auoit l'esprit de Dieu, & si confessoit que la vierge estoit sainte & l'exaltoit beaucoup. Il acceptoit avec les Iuifs la Circōcision & autres ceremonies. Et puis en general permettoit en sa faulse loy tous les vices de la chair, avec toute liberte. Ainsi s'estant fait fort & puisant il cōmença à faire garder par force sa loy nommee d'Alcoran. Or pource qu'il se desbioit de son peu de droit, il defendit à tous generalement de disputer de sa loy sur peine de la vie, disant qu'il falloir plustost la faire obseruer par force d'armes par tout le monde.



Au commencement de ces choses il estoit accosté du vulgaire, & des hommes grossiers abusez de ses faulces persuasions. Aussi s'accointerent de luy, & luy fauoriserent tous ces hommes charnels & vicieux, desquels estans lors en grand nombre parmy le monde, il fit vne grosse secte, & par leur moyen & ayde il assaillit les confins d'Arabie, & s'en fit Seigneur de beaucoup. Cela se faisoit en l'an de nostre Seigneur environ six cens vingt, estant lors Heraclie Empereur de Rome, & tenant son siege à Constantinople Et boniface cinquiesme, grand Euefque de Rome: Et depuis luy Honoré son successeur. Venant donc ces premiers mouuemens aux oreilles d'Heraclie, ainsi que tesmoigne Platine, il y prepara le remede, & le fit en partie, entretenant par promesses de solde les Scenites d'Arabie, gent belliqueuse & qui souloit fauoriser Mahomet, & les aslit, cest Empereur en plusieurs endroits, de sorte que ceste nouuelle secte demeura pour quelque temps assopie: toutesfois il erra grandemēt qu'il ne poursuyuit la pointe, & qu'il ne chercha moyen de couper & arracher ceste mauuaise racine, qui produisoit si dangereuse semence. Car ne passant outre en son entreprise ce fut plus grand mal de l'auoir commencée, pource que par faute de tenir promesse aux Scenites & leur payer la solde accoustumée, ils se ioignirent par despit avec Mahomet, l'essiant pour capitaine, à cause qu'il estoit en grande reputation, & tenu pour prophete de Dieu: puis assaillirent les gens & pays de l'Empire de Rome, & entrans en la Sirie, conquerirent la noble cité de Damas, avec toute l'Egypte, la Iudee, & les terres circonuoisines, persuadans aux arrasins peuple d'Arabie, que la terre de promission leur appartenoit, comme legitimes successeurs d'Abraham. Voyant donc Mahomet que les choses luy venoyent en prosperité (quant au monde) il s'esmeut à faire guerre contre les Perses qui estoient alors puissans, mais pour le commencement il y fit mal ses besongnes, pource que il fut vaincu, & dirent quelques vns que ce fait dès la premiere bataille. Depuis ayant restauré son armee & augmenté son exercite, il les subiugua & veinquit, & leur fit prédre la secte. Et cōbié que l'Empereur Heraclie en fust assez aduertri, si est-ce



est: ce qu'il ny mit la resistance qu'il deuoit, encor qu'au-  
 parauant il eust (chose trop plus difficile) veincu Cosdroé  
 tres-puissant Roy de Perse, luy ostant la croix de nostre  
 Seigneur, qu'il auoit emportee de Ierusalem en Perse,  
 mettant seulement remede qu'elle ne vint ez mains de  
 Mahomet, & des Agariens ses complices. le dy Agariens  
 à cause que tous ceux qui suyuoient Mahomet, & te-  
 noient son parti, appelloient les Chrestiens Agariens  
 par derision & moquerie, disant, que ny eux ny Maho-  
 met n'auoyent point pris leur origine de la lignee de Sar-  
 ra, femme d'Abraham, pourquoy on les deust appeller  
 Sarrafins, comme on les nommoit, ains qu'ils deuoyent  
 estre appelez Agariens, comme prenans leur source d'A-  
 gar chambriere d'Abraham. Conclusion, apres que Ma-  
 homet eut fait de grandes & horribles choses, il fut em-  
 poisonné, & mourust en l'an quarantième de son aage:  
 quelques vns disent en l'aage de trente quatre ans, en l'an  
 de nostre Seigneur selon Sabellique, six cens trête deux.  
 Et pource que souuēt Mahomet disoit qu'apres sa mort  
 il monteroit au Ciel ses disciples tindrent son corps sur  
 la terre, quelques iours apres son trespas, & iusqu'à ce  
 que son corps puant & corrompu comme son ame, fut  
 mis dedans vne caisse de fer, & le porterent dans la ville  
 de la Meque en Perse, où il est adoré de tous les peuples  
 d'Orient, voyre de la plus grande part du mōde, & ce par  
 nos pechez. Caliphe succede à Mahomet en l'Empire, &  
 Hali à Caliphe. Ces deux augmentèrent fort la puissance  
 & secte de Mahomet, & ainsi de temps en temps, par di-  
 uers moyens & successions & principalement par les pe-  
 chez, & couardise des Empereurs Chrestiens de ce tēps-  
 là, ceste peste s'est espadue par le monde i'usqu'à nostre  
 aage, que par le soing, & bonne diligence de Charle le  
 quint Empereur, nous en auons esté vne fois deliurez:  
 lors que le grand Turc Soliman, vint avec vn exercite  
 d'environ six cēs mil-hōmes, pour entrer és pais d'Hon-  
 grie & Austriche, avec desir de conquerir toute la Chre-  
 stienté: contre laquelle entreprise Charles se presenta en  
 personne, n'ayant avec luy la moitié tant de gens que le  
 Turc, toutesfois bien esleus, au moyen dequoy le Turc  
 laissa son entreprinse, avec perte de beaucoup de gens,



Platine en  
la vie des  
Papes.  
Blond au  
declin de  
l'Empire  
de Rome.

comme il fit pour la seconde fois l'an mil cinq cens tren-  
te sept, quād il vint par mer, & par terre contre l'Italie, &  
qu'il print quelque lieux du Royaume de Naples. Il y a  
aucuns autheurs qui escriuent l'origine de Mahomet  
beaucoup differente à celle que i'ay alleguee, & disent  
qu'il fut guetteur de chemins, & que par le moyen de ses  
volleries il se fit grand. Toutesfois la plus part, & les  
meilleurs s'accordent au premier. Platine. en est l'un en  
la vie des Papes. Blond, au liure du declin de l'Empire de  
Rome. Baptiste Ignace, en son abregé des Empereurs: Les  
Annales de Constantinople: Naucier, Antonin, & autres.

Le commencement de la Seigneurie du Turc & des Princes  
qui y ont regné. C. H A P. X I I I.

\* Eneas  
Syluius en  
sa cosmo-  
graphie.  
Raphaël.  
Volaterrā  
Nicolas  
Secandin.  
François  
Filelfe.  
Antoine  
Sabeliq.  
Paul Io-  
uius Plin.  
li. 6. Pom.  
Mela. li. 1.

**L**E puissant regne des Turcs: qui est aujord'huy si  
grand & redouté: & le lignage & famille des Otto-  
mans & Roys sont nouueaux & peu anciens, bien que la  
gent Turque soit de long temps, tellement que c'est cho-  
se esmerueillable, comme en si peu de temps elle est si au-  
gmentee: car il n'y à pas deux cens cinquante ans qu'on  
commence à les cognoistre & nommer. Voyla pourquoy  
il est à croire que ce soit vn fleau & permission de Dieu,  
pour chastier le peuple Chrestien: ainsi que Dieu enuoya  
iadis vn Antiochus, vn Nabuchodonosor, vn Cyrus &  
tels autres, qui opprimoyent & fouloyent son peuple es-  
leu. Et pource que l'Eglise Chrestienne à reçeu par eux  
vne des plus memorables persecutions & pertes qu'elle  
ait iamais eue, il m'a semblé fort à propos mesmement  
pour auoir fait mention de l'origine de ceste secte, d'en  
toucher quelque chose, au moins briefuement Ce que pa-  
reillement ont fait \*Eneas Syluius, Raphaël Volaterran,  
& Nicolas Secandin plus distinctement, aussi François  
Filelfe en vne lettre qu'il escriit à Charles huitiesme  
Roy de France, & Antoine Sabelique en son histoire: des-  
quels i'ay briefuement amassé ce que i'en diray suyuant  
principalemēt Paul Iouius en vn particulier traité, qu'il  
a fait de ceste gent & nation Turque. Plinē, & Pom-  
ponius Mela en la fin de son premier liure, dient que  
leur



leur origine vient des Sarmates, qui sont ez confins de la Scytie, aux extremitez de l'entree de la mer Caspie, & qu'ils viuoient sauuagement en campagne, & chassans pour leur viure. Desquels Sarmates ou Scytes est certain ( toutes autres opinions laissees ) que les Turcs de maintenant ont prins leur origine : & tous ceux qui dient ou pensent qu'ils sont descendus des Troyens, s'abusent : Il leur semblera que pource que les Turcs ont feigneurie Troye, & que les Troyens ont esté nommez Teucres, que les Turcs en ont prins leur source : mais somme toute ils sont issus des Sarmates, que les anciens nommoient Scytes, & desquels le propre nom qu'ils auoyent iadis estoit Turaces. Plin<sup>e</sup> & Pomp<sup>o</sup>. Mela les nomment ainsi : depuis ils ont esté nommez Turcs, & si sont communement ainsi appelez par tout : lesquels ( selon ce qu'affirme l'archeuesque Otto en son histoire ) enuiron huit cens ans apres la natiuite de nostre Seigneur ( encor que d'autres escriuent que ça esté auparauant / descendirent de la Scytie en l'Asie mineur : qui est pour le iourd'huy à cause de leur nom appellee Turquie, là où ils pillerent & conquirent quelques prouinces ( & encor comme gens barbares & sans foy ) ils receurent la malheureuse secte de Mahomet, comme la premiere qui se presenta deuant eux, & qui leur sembla plus conforme à leurs meschantes coustumes. Ainsi ceste gent, à cause de la grande multitude & fierté, espouuanta fort le monde, si qu'ils prindrent en peu de temps beaucoup de villes. Les vns soustiennent qu'ils vindrent sur la Perse, Armenie & mede. mais en quelque sorte que ce soit, il est euident entre autres choses qu'ils habiterent la petite Asie, non par le moyen du Roy, ou autre chef notable qu'ils eussent, ains par compagnie qui se couplerent ensemble, se soustenans les vns les autres par longs iours en ce pays : aucuns desquels des plus apparens, avec quelques gens qu'ils appellerent avec eux, prindrent & occuperent certaines villes & contrees. Or parmy eux vn nommé Soliman s'estoit emparé du Royaume de Cilicie, & de partie de ses limites, au temps que le Duc Godefroy de Bouill<sup>o</sup> accompagné d'autres Princes Chrestiens passa la mer

Origine  
des Turcs;

Plin<sup>e</sup> hist.  
6. chap. 7.

Godefroy  
de Bouill<sup>o</sup>  
1<sup>er</sup>.



*Soliman  
Roy des  
Turcs.*

*Ottoman.*

avec le plus de gens qu'ils auoyent peu assembler, pour conquister la terre sainte: contre lesquels se presenta le Turc Soliman, avec les siens, qui furent tous veincus, rompus, & mis en pieces: au moyen dequoy les Turcs se trouuerent assez longue espace de temps sans auoir capitaine de nom entr'eux, & partant peu craints & redoutez, iusques en l'an mil trois cens, qu'un d'entreux nommé Ottoman (homme de bas lignage) commença peu à peu à gagner reputation entr'eux, comme homme fort vaillant qu'il estoit, de grande force de corps, bien fortuné en guerre, & de vif & de subtil esprit. Cestuy cy print l'occasion de s'aduancer pour les discords qui estoient entr'eux mesmes, puis faisant amas de fort grand nombre de Turcs, se mit à conquerir & se faire Seigneur de plusieurs contrees, tant des siens que des voisins, & s'estant fait en ceste sorte grand & puissant, il laissa à ses successeurs le regne & la domination qui dure encor auourd'hui, par ligne masculine entre les Turcs. Lequel apres auoir regné vingt huit ans, mourut en l'an mil trois cens huit, au temps de Benoist onzième, Pape de Rome. Par la mort duquel Ottoman, succeda un sien fils nommé

*Orcan* 1. Orcan, non moins vaillant & fort que son pere, & encor plus industrieux & aduise en ses conquestes. Outre ce, il fut grand inuenteur d'instrumens de guerre, magnanime & liberal à tous. A ceste cause il augmenta tellement le regne de son predecesseur, & le nombre des gens de guerre, que, outre le pays que son pere seigneurioit en Asie, il usurpa la Bythynie sur le regne de Constantinople, & en la petite Asie il subiugua Hircanie, Frigie, Carie, & autres terres. Puis ayant regné vingtdeux ans en assaillant vne ville il y fut nauré, dont il mourut en l'an mil trois cens cinquante, au temps du pontificat de Clement sixiesme. Il eut pour son successeur Amurat fils d'une Chrestienne qu'il auoit espousee, & qui estoit fille du

*Amurat* 2. Roy de Cilicie, maintenant nommee Caramanie. C'est Amurat fut fort different à son ayeul & pere: car il estoit moqueur, homme double & faux: debile de sa personne & de mauuaise inclination, ambitieux, & fort desireux d'augmenter son Empire: dequoy il eut belle occasion, lors que l'Empereur de Constantinople estoit en querelle



relle avec aucuns Princes ses subiets, auxquels fauorisoit le Seigneur de Bulgarie, qui est portion de l'anciéne Misie la basse, là où l'Empereur fut si contraint qu'il luy fallut de mander secours à cest Amurat Roy des Turcs, qui luy enuoya quinze mil'hommes d'eslite, par le secours desquels l'Empereur veinquit ses ennemis. Et laissant partie de ces quinze mil Turcs en ses terres, & renuoyant le reste. Amurat fut aduertit de la disposition du pays, à cause dequoy il determina d'aller en Grece, sous couleur à la verité de vouloir ayder à l'Empereur contre ses ennemis. Et de fait il passa soixante mil hommes de pied, & grand nombre de cheuaux, avec lesquels il le fit Seigneur de la ville de Galipoli, que ie nommerois plus proprement ville Gauloise, pour auoir esté bastie par les Gaulois & d'autres forteresses estans aux enuirs : pareillement de la ville d'Andronople. D'autre costé ce grand maistre de Bulgarie, nommé Marc, apres auoir mis sur le plus gros exercite qu'il peut, avec l'aide de Lazare Despot de Seruie, qui est vne prouince sur les limites de Thrace, anciennement nommée Misie la haute, & encore aidez d'aucuns Princes d'Albanie, allerent contre le Turc, où il y eut grande bataille, mais en fin les Chrestiens furent veincus & desconfits, & y moururent quasi tous. Ainsi Amurat malgré l'Empereur demeura Seigneur de grande portion de Thrace, & de Grece. Et ayât vescu vingt & trois ans, vn esclau, qui estoit seruiteur de Lazare, Seigneur de Seruie, le tua traistrement en l'an 1374. Il laissa deux enfans, l'un nommé Soliman, & l'autre Baiazet, qui tua son frere Soliman, & demeura Seigneur & Prince de singuliere prudence, & hautain courage. Il estoit tres-diligent & de grand conseil en fait de guerre, & si prest de mettre à effect ce que luy-mesme commandoit, que pour ceste cause il fust nommé Roy du Soleil. Aussi tost que ce Baiazet commença son regne, il determina de faire la guerre aux Chrestiens, pour venger la mort de son pere, & avec incredible diligence assembla vn tres-gros exercite qu'il passa en Grece: & s'attacha à Marc Seigneur de Bulgaire, cōtre lequel venu à la bataille il le rompit & tua, avec la plus grande part de la noblesse de Bulgarie & de Seruie. Trois ans



apres telle victoire, il retourna de nouveau sur les Chrestiens, & fist tres-cruelle guerre en Hongrie, mais premierement en Albanie, puis en Valachie qui est vn grand pays anciennement nomm   Dace, lequel s'estend depuis Thrace iusques en Hongrie, d'o   il emmena en Turquie vn grand nombre de Chrestiens esclauens. Et s'estant ensain   de la plus grand'part de la Grece, scauoir est l'ancien pays d'Athenes: de Beotie, & d'Harcanie, il mit le siege deuant la grande ville de Constantinople: qui fut cause que l'Empereur en personne vint prier les Princes Occidentaux de luy donner secours, & aide, pour    quoy obtemperer le Roy Charles septiesme, le secourut de deux mille lances, entre lesquels y auoit deux gentils hommes Fran  ois de grande apparence, qui se ioignirent avec Sigismond Roy d'Hongrie, qui depuis fut Empereur: & lequel auoit aussi leu   grande armee pour la mesme entrepryse: avec eux s'assemblerent le Despot de Seruie, le grand maistre de Rhodes, & fort grand nombre d'autres Princes Chrestiens. Parquoy Baiazet laissant l'entreprinse de Constantinople, marcha soudainement avec trois cens mil hommes sur les Chrestiens, qui estoient enuiron cent mille, dont y   auoit vingt mille de cheual: & venus    la iournee ils eurent vne merueilleuse & sanguinolente bataille, en laquelle les Chrestiens furent vaincus, & y en mourut vne grand partie: parquoy le Roy Hongre, & le grand maistre de Rhodes s'enfuirent, quant aux Fran  ois ils y furent tous que morts que prins, & fut faite ceste bataille en l'an 1395. la vigile de saint Michel. Apres laquelle victoire Baiazet retourna encore    son premier siege de Constantinople, laquelle il reduisit en telle extremite   qu'il l'eust prinse sans doute, mais nouuelles luy vindrent que le grand Tamburlam estoit entr   avec vn merueilleux exercite en son pays d'Asie & de Turquie, & que desia il luy auoit pris plusieurs bonnes villes, citez, & prouinces: Parquoy troussant son bagage il passa en Asie, & metant aux champs le plus grand appareil qu'il peut, s'en alla trouuer son ennemy. Adonc les deux plus puissans Princes du monde prindrent iournee, o   Baiazet fut vaincu & prins, & y endura la plus vile & dure

*Calamite de Baiazet descom-  
fu par T  -  
burlam.*



& dure prison qui iamais fut entendüe: car Tâburlam le conduisoit avec son armee en vne grande cage de fer, & toutes les fois qu'il voulut monter sur son cheual, il luy mettoit le pied sur l'espaule. Outre plus quand il prenoit son repas, il le faisoit mettre dessous la table, afin qu'il mangeast seulement ce qu'il luy plairoit ietter, comme si c'eust esté vn chien, & en ceste sorte finist sa vie ce prince, qui auoit esté le plus aduâtureux plus redouté, & le plus craint, que nul autre qui fut de son temps. Tamburlam print Pont, Galacie, & Capadoce, avec plusieurs autres pais de la domination & Seigneurie du Turc: & de là s'en alla faire la guerre au Soudan d'Égypte. Les enfans de Baiazet, qui estoient eschappez de la bataille, où leur pere auoit esté pris, en fuyant vers la partie qu'ils tenoyent de la Grece, furent pris sur la mer par quelques galleres Chrestiennes, mais si on leur eust tenu la rigueur qu'on deuoir faire, peut estre qu'on eust elusité le mal qui depuis en est aduenü: pource qu'estant Calapin l'un *Calap. 5.* d'eux deliuré, & se nommant Seigneur dedans l'Empire de son pere, il se fit fort vaillant, & commença à rassembler les gës, & à fortifier ce qu'il tenoit en Grece & Thrace: ce que voulant empescher l'Empereur Sigismond, afin qu'il ne se renforçast, aussi pour se venger sur luy de la bataille qui'il auoit perdu cõtre le pere, fit grand amas de gens de guerre, & s'envint contre luy. Calapin venant avec les siens pour luy resister, & prenant iournee, Sigismond fut derechef vaincu & s'eschappa fuyant de la bataille. Ce qui auoit trois ans apres la premiere desfaite. Depuis ayant Calapin beaucoup endommagé le pais de Seruie, il se retira en ses terres, ou regna six ans, & mourut au temps du Pape Alexandre V. Il laissa deux fils, le plus grand nommé Orcan, & l'autre Mahomet: Orcan fut tué par vn sien oncle, afin de se faire Seigneur: mais *Mahomet* Mahomet se gouuerna si bien qu'il tua le meurtrier de son frere, & se fist maistre de l'Empire, Apres il mena *6.* forte guerre aux Chrestiens en la Valachie, & de là passa en Turquie, ou petite Asie, où il reconquit les terres & prouinces gaignees par Tamburlam sur son ayeul, en laquelle conqueste il consumma bien quatorze ans de son regne, & mourut en l'an 1420. durant le pontificat



pontificat du Pape Martin cinquieme. A Mahomet succeda vn sien fils nommé Amurat, qui fut vn Prince bien fortuné, car luy estant à la mort de son pere en Asie, il assemblea grand nombre de soldats, & en despit de l'Empereur de Constantinople, qui luy vouloit resister, entra fort auant en la terre des Chrestiens, priat aucunes villes en Seruie conquist le pais d'Epire, aujourd'huy nommé Romanie, & fit plusieurs courses en Hongrie, puis en Albanie, qui est portion de l'ancienne Macedoine. Esquelles entreprinse, bien qu'il y receut quelque domage, si est-ce qu'il y demeura tousiours victorieux, & en tira grands profits, & force cheuaux. Il assiegea pareillement la ville de Belgrade en Hongrie sur le Danube: toutesfois il ne la peut prendre, ains leua le siege avec grande perte de ses gens. Depuis Ladislas Roy de Pologne & de Hongrie, vint avec bonne troupe contre luy: quoy voyant, il ennoya au deuant vn de ses plus excellens capitaines, avec tres grandes forces, & s'estans les deux armées iointes ensemble, Ladislas apres forte resistance demeura victorieux par grande occision des Turcs: au moyen dequoy, & pource que Amurat fut aduertuy que le Roy de Caramie luy faisoit guerre en Asie, fut contraint faire paix avec Ladislas, laquelle (pendant qu'Amurat faisoit resistance en Turquie) il rompit, à la persuasion de l'Empereur de Constantinople, du Pape Eugene, des Venitiens, & de Philippes Duc de Bourgogne: lesquels vniuersement s'obligerent de garder & defendre tellement le destroit de la mer d'entre l'Europe & l'Asie, qu'Amurat ny pourroit passer avec ses gens, pour secourir ses terres: pourtant Ladislas auroit tout loisir de les conquerir, & s'en faire Seigneur. Esmeu donc de ce desir, il le mist en effect: mais Amurat fait certain de telle entreprinse retourna court, & malgré l'armée des Chrestiens passa le destroit, puis vint presenter la bataille à Ladislas, où l'adventure fut si douteuse pour Amurat, qu'il se vid en propos de fuir: toutesfois vn de ses Bachas le retint, dont en fin il eust victoire, & Ladislas y perdit la vie le iour saint Martin 1440. Apres ceste victoire, & grand domage par luy fait en Hongrie, il vint sur la Moree, anciennement nommé Peloponnese, où

*Desfaite  
des Turcs  
par Ladislas  
Roy de  
Pologne.*

sou-



fouloïent estre les antiques villes de Lacedemonie & Corinthe, & ayant fait rompre le mur qui est à l'entree de la prouince contenant six mil, entre la mer Ionique, & la mer Egee, il la conquist toute, excepté quelques lieux maritimes: cela fait ayant regné trente & vn an, mourut l'an mil quatre cens cinquante. Ce fut luy qui premier ordonna la bande de Ianissaires Chrestiens reniez, qui est la principale force de Turquie. Par la mort son fils Mahomet vint à succeder à l'Empire, aucuns disent que le pere y renonça de son viuant, se sentant vieil & caduque. Ce Mahomet fut excellent en toutes choses, fors qu'il fut cruel. Au commencement de son regne, afin de faire entreprinse conforme à son grand cœur, il conclud de conquerir premierement la ville de Constantinople, & pour ce faire assembla fort gros nombre d'hommes, tant par mer que par terre, & l'assiégea, & print ainsi que nous l'auons cy deuant raconté, & aussi toutes les places subietes à cest Empire. Ce fait, vint sur la ville de Belgrade, qui fuit defendue par le moyen, & force d'un excellent capitaine Hongre, nommé Iean Vainode, qui en plusieurs batailles veinquit quelques capitaines Turcs, tellement qu'il fut contraint leuer le siege avec grande honte & playes, & si luy fut force d'y laisser son artillerie. Apres ses choses il enuoya vn sien Bachas pour ruiner la Moree, qui luy estoit rebelle, par la faueur des Venitiens, & pour ruiner encor l'Isle de Negropont, anciennement nommee Euboee, aussi Mitilene, & Lemne, Isle de l'Archipelague, qui est en la mer Egee. Puis il entra en la prouince de Bosnie, qui est partie de l'ancienne Misie la haute, comme Seruie, & en print le Roy, auquel il fit trancher la teste. Ayant obtenu ces victoires sur les Chrestiens, il passa en Asie contre Vscanfan tres-puissant Roy de Perse, avec lequel il eut deux batailles, en la premiere desquelles il fut vaincu, & victorieux en la seconde. Cela expedie, delibera d'aller sur l'Empereur de Trebisonde, qui est en l'une des costes de l'anciéne Capadoce, en la riuée de Pont ou mer Euxine, où il occupa toutes les places & pays de l'Empire, & vainquit & tua l'Empereur: ainsi finit la Seigneurie que les Chrestiens auoyent en ce pays là. Il enuoya semblable.

*Origine  
des Ianissaires.*

*Mahomet  
8.*

*I. Vainode.*

*Euboee.*



blement vne grosse armee avec vn vaillant capitaine en Italie, qui passa en Carintie, & Istrie, iusques aux terres des Venitiens, qui enuoyerent à l'encontre vne autre grosse puissance: mais au conflict les Chrestiens furent desconfits & tuez. & y mourut grande noblesse d'Italie. Il enuoya encore depuis vne autre armee contre l'Isle de Rhodes, mais n'y pouuant rien faire, la fit retirer, & enuoya au Royaume de Naples vn autre gros exercice, conduit par vn sien Bachas, nommé Aconiat, qui print la ville d'Otrante, laquelle fut occupee plus d'un an par les Turcs au grand scandale & dommage de toute l'Italie. Puis avec vn armee de trois cens mil hommes par terre, & deux cens galeres accompanees de trois cens nauires armees, se mit en voye pour aller faire guerre au grand Soudan d'Egypte, mais il fut preuenu de mort par les chemins: au moyen dequoy son entreprinse fut incontinent destournee: & ayant regné trente deux ans, mourut de la douleur d'une colique, en l'an mil quatre cens octante & vn, par la mort duquel la ville d'Otrante fust reconquise, & fut la Poüille desliuree des Turcs, qui donna vne bonne relasche à l'Italie de la peur & extremité où elle se trouuoit qui fut telle, que le Pape Sixte, au temps duquel ces choses aduindrent, estoit delibéré de se retirer au Royaume de France, ancien recours de l'Eglise Romaine, & n'ayant nulle esperance de pouoir defendre Rome. Et dit-on qu'aux guerres que ce malheureux Mahomet à faites, qu'il y est mort (tant par fer qu'autres violences qui se sont commises & executees à cesdites guerres) plus de trois cens mil hommes. Deux fils demeurerent heritiers de ce Mahomet, l'un estoit nommé Baiazet, & l'autre Zizim, pource que leur frere aîné estoit mort auparavant le pere. Chacun de ses deux enfans chercha le moyen & le pouuoir de se saisir du Royaume: Zizim estoit aydé du Soudan & de quelques Bachas: aussi vne autre partie des Bachas, & les Iannissaires fauorisoyét Baiazet, & d'autre costé l'un des fils de ce Baiazet, nommé Corcut, fut crée grand Seigneur en Constantinople: pour ceste cause Baiazet y courut en toute diligence, & avec grande force, où il besongna si bien que son fils luy quitta l'Empire qui

Baiazet.

7.



qui fut cause qu'il retourna derechef en Turquie contre son frere, auquel ayant bataille le fit fuir, & venir en la puissance des Chrestiens, & finalement mourut au pays d'Italie, demeurât Baiazer seul Seigneur: lequel trois ans de là vint par terre avec grosse armee le lög du Danube, où ayant fait de grands dommages se retira, & enuoya vn puissant exercite sur le Soudan d'Egypte, contre lequel il estoit grandement courroucé, pour la faueur qu'il auoit portee à son frere Zizim: le Soudan pareillement enuoya au deuant vne armee qui n'estoit moindre en nombre que celle du Turc, sur lequel il eut victoire, faisant de ses gens grande destruction. Ce que voyât Baiazer fit trefues avec le Soudan, pour mener guerre aux Chrestiens, sur lesquels il print la ville de Duras en Albanie, & celle de Valone, qui est en la coste & au front de la Poüille. Il enuoya grand nombre de gens en Hongrie, contre lesquels les Princes d'environ s'esleuerent, mais ils furent vaincus à leur grande perte & dommage. En ce mesme temps il fit de grands maux en autres terres des Chrestiens: & luy estant demandé secours par Louys Duc de Milan, qui faisoit guerre aux Venitiens qui s'estoyent ioints avec Louys Roy de France, il luy enuoya vn capitaine accompagné de dix mil chevaux, lesquels passans par le Friol sans resistance, prindrent, bruslerent, & mirent le pays en proye iusques aux montagnes qui sont vis à vis de Venise. L'annee ensuiuant, il conquist en personne la ville de Modon, en Moree, avec autres lieux maritimes, que tenoyent les Venitiens, & cherchât le moyen de les ruiner du tout, son intention fut empeschée par le Duc de Sesse, capitaine Espagnol lequel par l'aide de bonne compagnie d'Espagnols luy donna iournee, & le veinquit: & conquist pour les Venitiens l'Isle de Cefalonie: au moyen dequoy le Turc leur accorda trefues & paix, qui ont duré iusques à nostre temps. Et en cest endroit cessa la furie de ce Baiazer: car il delaisa les guerres se voyant vieil, à fin de se reposer & estudier. En son temps commença en Perse l'Empire du Sophy, qui est aux Turcs vn frein & vn empeschement de faire tel dommage aux Chrestiens, qu'ils eussent bien peu faire: car ces deux puissans princes sont tousiours



siours ennemis l'un de l'autre. Ce qui aduint par vn homme appellé Ismaël, qui se disoit prophete publiant vne nouvelle guise d'Alcoran, contraire à celle de Mahomet, & par ce moyen il assembla plusieurs gens, avec lesquels il veinquit quelques Bachas, que Baiazet auoit enuoyé contre luy, & se mit en possession de la Perse, & autres Prouinces, & tousiours despuis est allé en augmentant. Retournant à nostre propos, ce Baiazet auoit trois fils, le premier nommé Acomat, le second Corcut, lequel (comme nous auons dit cy deuant) auoit renoncé à l'Empire, le troisieme nommé Selim, pere du Turc, qui vit encores pour le iourd'huy: & bien que ce Selim fust plus ieune que les deux autres, si estoit-il le plus vaillant. Cestui-cy voyant son pere ja vieil & decrepit, delibera de luy otter l'Empire pour s'en faire Seigneur: & pour y paruenir plus aisément s'accointa du grand Tartare, prenant sa fille à femme. Ce qu'entendu par ses deux autres freres, chacun d'entre eux voulut faire le semblable. Il sembloit bien à Acomat que pource qu'il estoit l'aîné, la succession luy deuoit venir par raison: d'autre costé Corcut alleguoit qu'il auoit baillé l'Empire entre les mains de son pere, & que despuis qu'il estoit inhabile à le gouverner, il luy deuoit restituer. Voyant le vieillard ces altercations, il se trouua en bien grande perplexité: principalement pour la desobeissance de ses enfans. Pendant ces entrefaites il y eut entre eux vn grand murmure & tumulte, qui fut cause de la mort de plusieurs de leurs adherans d'une part & d'autre. Et toutesfois la partie de Selim (encores qu'il fust plus ieune que les autres) fut la plus forte: pource que sous couleur de chercher pardon enuers son pere, & de le defendre contre Acomat son fils aîné, qui luy faisoit la guerre, se retira vers luy, & fit si bien en peu de temps qu'il gagna le cœur des Ianissaires & autres gens de guerre, par le secours desquels il osta la Seigneurie à son pere, luy faisant renouer par force, puis le bannir de Constantinople, & à la fin estant encore en son exil, le fit emprisonner. Ainsi mourut Baiazet en l'an 1512. En ceste sorte vint l'Empire des Turcs entre les mains de Selim traistre & parricide. Il se fist couronner en grande solennité, le mesme iour que fut faire

Selim 10.  
Selim.



faire en Italie la cruelle & sanguinolente iournee de Ra- *Parricide*  
 uenne. Si tost qu'il se veit paruenü à son entente, il com- *pour par-*  
 mença à distribuer les richesses & ioyaux de son pere *uenir à*  
 aux lannissaires & gens de guerre, au moyen dequoy il *l'Empire.*  
 en fut encor mieux venu, & en deuint plus puissant. Tost  
 apres il passa en Turquie contre les freres, où il tua pre-  
 mierement quelques enfans de ses freres decedez aupara-  
 uant son voyage, & poursuuit son frere Corcur iusqu'à  
 ce qu'il l'eut entre ses mains, & le tua. Acomat l'aîné s'e-  
 stant accointé du Sophy. & du Soudan, auoit par leurs se-  
 cours assemblé grosse armee, avec laquelle il presenta la  
 bataille à son frere, qu'il vainquit, & print, & depuis le  
 fit estrangler. Ayant donc ce meschant tué tous ceux de  
 son sang, demeura seul sans ialousie de son Empire. Et  
 pource qu'il auoit le Sophy, & le Soudan, en desdain, fit  
 paix avec Ladislas lors Roy d'Hongrie, & confirma la  
 paix avec les Venitiens, puis avec gros exercice & bon  
 nombre d'artillerie s'en alla contre le Sophy. lequel se  
 confiant en son heur & prosperité, luy fit teste avec vne  
 armee tres-puissante, & gens bien equippez. Toutesfois  
 venus à la bataille, qui fut aspre & fort grande, le Sophy  
 fut en fin vaincu & nauré: à ceste cause se retira fuyant:  
 ce qui augmenta merueilleusement l'honneur & la repu-  
 tation que le Turc auoit gaignee. Et fut ceste desconfitu-  
 re le vingtquatriesme d'Aoust, mille cinq cens quatorze.  
 L'annee ensuyuant il se disposa du tout de faire la guer-  
 re à vn autre grand Seigneur, qui seigneuroit en la mon-  
 tagne de Taurus, lequel bien qu'il fut tres-puissant Prin-  
 ce, fut neantmoins poursuyui, de sorte que finalement le  
 Turc l'eut entre ses mains, & le fit mourir, se mettant en  
 la possession de tout son pays. Ce fait determina encore  
 faire le semblable contre le Soudan, & approchant son  
 armee sur la coste de Surie, faisoit courir le bruit qu'il  
 vouloit derechef mener guerre contre le Sophy, mais le  
 Soudan qui n'estoit point sans quelque soupçon, tenoit  
 vne puissante garde toute preste, mêmement pour aller  
 sur vn fort grand Seigneur, qui se vouloit rebeller en Su-  
 rie. En fin venās ces deux puillans Seigneurs à s'accoster,  
 & s'affrontans pres de la ville de Damas en Surie, apres  
 maintes escarmouches faites d'une part & d'autre, se



baillerent iournee le vingtquatriesme d'Aoust, l'an mil-cinq cens & seize, à pareil iour que le Sophy auoit esté vaincu deux ans auparauant. Ceste bataille fut par vn long temps vaillamment soustenüe de part & d'autre, en fin de laquelle les Tures emporterent la victoire, par le moyen de la grande destruction que fit l'artillerie parmi les gens du Soudan, & encore pource qu'un capitaine gouverneur d'Alep se ioinit à la partie aduersé, & ne combattit point ne luy ne ses gens. Et en ceste bataille le Soudan fut trouué mort sans aucune playe, ains seulement de la foule des chevaux, ayant atteint l'aage de septante six ans : Le Ture s'enfaisina de toute la Surie, aussi la Palestine & la Iudee, & tirant vers Egypte en la poursuite de sa victoire, il reposa quelques iours dans Ierusalem, visitant le saint Sepulchre. Puis passant outre, fit faire grande prouision de peaux de cheures pleines d'eau, pour passer le desert. Or s'estoyent retirez en Egypte les Mammelus & autres gens de guerre, qui auoyent peu eschapper de la bataille, & auoyent esleu pour Soudan vn gouverneur d'Alexandrie, nommé Tamonuey, qui se presenta contre les Tures avec bon nombre d'hommes, & entrèrent en bataille rangee, laquelle (comme on dit) fut l'une des plus cruelles & dangereuses qui fut iamais : toutesfois à la fin à cause de la grande puissance & multitude des Tures, Tamonuey fut vaincu, & se retirant au grand Caire fut cōbatu par deux iours & deux nuicts sans repos, tellement que perdant la ville il s'enfuit & passa le Nil. Depuis cherchant moyen de se renforcer & leuer gens, fut par quelques traistres mis en la puissance du Ture, qui le fit tuer. Apres la mort de Tamonuey, le Ture print possession en peu de temps de ce tres-ancien & puissant Royaume d'Egypte, où il laissa, & pareillement en Surie, tel ordre qu'il y conuenoit. Puis se retira en grand triomphe à Constantinople où se tenoit son fils qui regne maintenant, & là mourut d'une apostume, au mois de Septembre mil-cinq cens vingt, ayant regné huiet ans, & vescu quarante six. Et fut tyran de si grand cœur, que iamais on ne cognut en luy crainte d'aucune chose. Il ne demeura de ce Selim autre fils que celuy qui regne aujourd'huy : qui fut couronné le  
mesme



mesme iour & an que Charles le Quint fut couronné Empereur à Aix la Chapelle. Or incontinent que la mort de Selim fut sçeuë en Surie, vn grand personnage nommé Gazelle, qui estoit gouverneur, se rebella, & se fit Seigneur de Tripoli & Barut, avec autres villes prochaines, attirant plusieurs Mammelus & autres nations à sa faction. Contre lequel Soliman enuoya vn Bachas nommé Ferat, qui vainquit Gazelle, & le fit mourir reduisant la Surie, & pareillement l'Egypte qui commé-çoit à se rebeller. L'annee ensuyuant, Soliman vint en personne faire la guerre aux Chrestiens & mit le siege deuant la ville de Belgrade, porte & defense du Royaume d'Hongrie, qui parauant auoit esté rentree en vain par ses predecesseurs, mais estant le Roy Loys fort ieune, & gouverné par les Princes de son pays, ne pensa point à se defendre, en sorte que par force d'armes la ville fut prise par le Turc, encor que ce fust avec grand perte & dommage de ses gens. Et s'estant retiré de ceste entreprise, il alla en personne (contre l'opinion de ses Bachas) mettre le Siege deuant Rhodes, avec vne innumerable quantité d'hommes & d'artilleries par mer & par terre, & ayant conquis l'Isle, mit le camp deuant la ville, en l'an mille cinq cens vingt-deux, à la fin du mois de Iuin: pendant lequel siege y fut acheué de si nobles & notables faits d'armes, qu'il seroit impossible de l'abreger, & de louer suffisamment les vaillances que les assiegez executerent vertueusement: mais finalement au bout de six mois le grand maistre de Rhodes nommé Philippe de Villiers de l'Isle-Adam de nation François, fut contraint la rendre au Turc, ne la pouuant plus aucunement defendre. Lequel Turc retourné en Constantinople, glorieux de si grande entreprise, trois ans apres qui fut cinq cens vingt-six, entra en Hongrie avec merueilleuse armee, contre lequel le Roy Loys mal conseillé, se presenta entre Bude & Belgrade, auquel lieu avec peu de gens, & se trop fians en soy mesme, il presenta la bataille en laquelle il fut vaincu, & trouué mort, noyé dans vn fossé. La bataille fut en ceste mesme annee le vingthuitiesme d'Aoust, & passa le Turc plus auant prenant Bude, & autres places voylines, puis retourna victorieux. Encor



depuis ces choses il reuint en Hongrie où Charles le Quint Empereur luy fit resistance.

~~POURQUOY L'HOMME VA DROIT, POURQUOY IL PESE PLUS À TENU QU'À PRES AVOIR PRIS SON REPAS, & LA CAUSE POUR LAQUELLE IL PESE PLUS MORT QUE VIF, AVEC AUTRES BELLES DISPUTES.~~

## CHAP. XIII.

**L**es choses contemplatiues de la composition de l'homme sont infinies. Lactance Firmian en fait vn liure à part, aussi ont fait d'autres doctes hommes. A la verité il y a vne chose outre beaucoup d'autres, qui merite particuliere consideration en sa cognoissance. C'est pourquoy Dieu à fait que tous les autres animans, fors l'homme, naissent le chef enclin, dont les yeux de la plus part regardent en terre, & non seulement les animans sensitijs, mais aussi les vegetatifs, comme nous voyons des arbres qui ont la teste & leur fondement en terre, & leurs rameaux & bras en haut. Quant à l'homme il l'a créé seul les yeux vers le ciel, la face haute & le corps droit & esleué. Et combien que pour toute raison de ces choses il suffiroit alleguer la volonté de Dieu: si est-ce qu'il semble que cela soit fait par mystere, & partant digne d'estre contemplé. Aussi à la verité nostre disposition nous monstre par signe manifeste, que ne sommes nez pour la terre: ains creéz pour imiter & contempler les choses hautes & celestes, qui ne sont point communiquées aux autres animans, non capables d'icelles: & n'y a que le seul homme qui soit digne. Dieu à créé toutes bestes la teste basse, pour demonstrier que l'homme mesme cōmande dessus. L'vne de ces raisons est elegamment notee par Lactance Firmian, disant que Dieu ayant

*Lactance  
liu. 8. de  
l'ouvrage  
de Dieu;*

*Aristote  
liu. 2. des  
bestes.*

determiné de faire l'homme pour le ciel, & les autres animans pour la terre, fit l'animant raisonnable, droit & esleué, dispos à la contemplation celeste, afin qu'il en admirast les effets, & eust en reuerence le lieu de son origine, & le pays de sa natiuité, faisant les autres animans bas & courbes vers la terre, pource qu'ils n'ont aucune participation au ciel. Aristote qui n'auoit point de lumiere de la foy, dit que seulement l'homme entre autres.



autres creatures va droit, d'autant que sa substance & sa partie sont celestielles, & non terrestres, & que l'office des diuins esprits est d'entendre & scauoir: en quoy l'homme n'eust sçeu bonement s'exercer s'il eust esté de corps grossier & pesant, pource que la charge & pesanteur corporelle rend le sentimēt paresseux. Le docte saint Thomas n'ayant oublié aucune chose à discuter & examiner, ne laissa pas ceste question sans estre determinee, car en l'exposition du liure d'Aristote de la ieunesse & de la vieillesse, il dit que pour deux causes l'homme a esté formé droit vers le ciel: L'une pour estre le plus parfait de tous les animaux, & celuy qui plus participe & approche de la qualité du ciel. L'autre pource qu'en la proportion de son cors il est plus chaud que nulle autre beste, & que le naturel du chaud est de se dresser. Les autres animaux tiennent le moyen, comme moins participans de la qualité celeste, & moins ayant de ceste chaleur qui s'eleue: pour ceste cause ils ne sont de la taille & disposition de l'homme. Il semble qu'en cela saint Thomas ait voulu suyure l'opinio des Platoniciens, soustenans que le chaud & les esprits de l'homme (en quoy il abonde plus que nulle autre chose animee, eu esgard à la proportion du corps) sont cause que l'homme marche droit & leué, comme il fait, pource qu'avec la force & vigueur des esprits & du sang il se leue & dresse, à quoy il est encor aidé par la composition & armonie des elemens, desquels l'homme est composé avec telle egalité & pesanteur, qu'il se peut dresser & eleuer. Or quelque chose qu'il en soit, puis que par la partie de l'ame, & par celle du cors les hommes sont poussez à l'amour & contéplation du ciel, ils deuoyent donc ouurer & penser choses hautes, spirituelles, & bonnes, & au contraire despriser & suyre les basses & terrestres: & toutesfois nous nous laissons tellement surmonter de la vie terrestre en consideration, que le plus du temps nous tenons les yeux au ciel, mais l'esprit est en la terre. A propos de la propriété des esprits de l'homme dont nous auons parlé, Plin en allegue vn autre chose, laquelle bien qu'elle ne soit de telle importance que les autres, si est ce qu'elle ne laissera de donner goust à qui ne la scait, ou qui n'y aura pensé, encor



*Erasme.*

que l'experience nous la manifeste par chacun iour. Il dit, que l'homme mort poise plus que le vif, qu'il en est autant de toutes especes d'animaux, & que celuy qui à repeu poise moins que celuy qui est à ieun. Erasme en vn sien probleme en dit autant, avec d'autres choses notables, ayant mesmes raisons qu'à Pline, lesquelles sont fondees en l'essence des esprits & lair qui les soulage, comme nous l'auons desia dit, aussi semblablement l'homme à ieun poise plus que celuy qui à mangé encor qu'il semble qu'il doyue moins poiser, d'autant que le refectionné à plus grande charge. Et toutesfois il est ainsi, & si ne s'en doit esmerueiller, car le boire & manger augmente les esprits qui soulagent l'homme, faisant croistre & multiplier la chaleur naturelle. De là vient que quand vn homme essaye d'enleuer vn autre, si l'enleue veut, il se rendra plus pesant, en poussant son air interieur dehors: retenant lequel il se fait plus legier: aussi vn qui court ne respire point, afin d'estre plus viste, pour ce que l'air estant element fort leger desire s'esleuer en haut, ou est sa naturelle demeure, comme nous voyons qu'une peau de cheure ietee en l'eau va au fond: mais si elle est emplie d'air, elle vague sur l'eau. Au mesme lieu Pline, dit qu'un corps mort en l'eau venant dessus, si c'est vn homme, il aura la face vers le ciel: mais si c'est vne femme elle viendra le visage dessous: à quoy a esté pourueu par la sage nature, afin de couvrir les parties honreuses de la femme. Encore y à il vne autre raison naturelle: c'est que la femme en la partie deuant poise plus à cause des mammelles, & l'homme par derriere, à cause des espaulles.

De l'excellence du chef entre les autres membres. Qu'il est mauvais d'auoir petite teste, & pourquoy estre estre, & pourquoy c'est courtoisie & honneur de leuer le bonnet en saluant.

## CHAP. XV.

**S**i c'est excellente chose que l'homme entre les autres creatures ait le corps droit & la face esleuee, vrayement



ment le chef qui est le plus loüable, & le plus haut entre tous les autres membres, doit auoir par raison aduantage & preeminence sur tous les autres : aussi à la verité tous le gardēt & luy obeyssent, en sorte que si tost qu'il aduiēt quelque mal ou peril à la teste, incontinent le pied, la main, le bras, & tous les autres membres cherchent naturellement à l'aider & defendre : car en elle consiste la seureté d'eux tous : pource que si la teste est malade, tous les membres s'en sentent. Sainct Ambroise donne souveraine loüange à la teste, disant que la facture & composition du corps est quasi vn exemple du monde, & que comme le ciel est plus eminent & principal, & que l'air & les autres elemeus sont inferieurs : aussi la teste de l'homme est superieure aux autres membres, & dame & maistresse : tout ainsi qu'un chasteau & citadelle estant au dessus d'une roche au milieu de la ville : Car en elle sont logees l'industrie & la sapience qui gouvernent le reste du corps : d'elle deriue & la puissance, & la prudence : & comme dit Salomon, les yeux du sage sont en la teste. Lactance Firmian dit, que le Seigneur à ainsi colloqué la teste de l'homme, afin qu'en elle fust l'Empire & gouvernement des bestes. Galien luy donne la principauté sur tous les membres de l'homme. Et Platon en son Timee la nomme tout le corps. Estant donc de si grande importance, & l'arrest de tous leurs sentimens & puissances, il est necessaire que sa grandeur & forme soit conuenable & proportionnee. De là vient que Paul Eginete en son premier liure de medecine, dit la fort petite teste de l'homme estre signe qu'il est de peu de iugemēt, & auoir faute de bon cerueau. Ceste mesme raison est alleguee par Iean Alexandrin, disant la petite teste estre aussi mal saine que la poictrine estroite & serree, pource que comme la poictrine est le logis du Corur, & du poulmon, qui ne peuuent (sans dōmage) souffrir estre estroitement logez, d'autant que le corur estant en lieu serré, ne se peut conuenablement mouoir, ains se pert, & diminue la chaleur naturelle, & encore affoiblit la digestion : aussi en pareil cas il faut que la teste où demeurent les organes de tant de sentimens & puissances, soit de proportion competente. Galien affirme le semblable, &

Lactance  
liure de  
l'ouurage  
de Dieu.  
Galien li.  
1. des agues  
malades.  
Platon en  
son Timee  
Paul Egi-  
nete liu. 1.  
Iean Ale-  
xandrin  
au commen-  
taire sur  
les pestil-  
ces de Hippo-  
crates.



maintient que la petite teste est signe de peu d'intelligence, & de cerueau peu ferme: tellement que la teste de bonne grosseur signifie bon entendement. Les philosophes naturels dient que l'homme ayant la teste trenchee ne peut marcher ne mouuoir, encor qu'il n'ait point faute de respiration, pource qu'on luy a couppé tous les nerfs qui sont les instrumens & voyes de toutes les mo-

*Auerrois  
sur le 7. de  
la Physi-  
que.*

tions des animaux: Et toutesfois Auerrois dit auoir veu vn pauvre patient, lequel ayant la teste trenchee, & hors de dessus les espaulles, alloit çà & là. Il est aussi escrit de saint Denis Areopagite, que despuis qu'on luy eut coupé la teste, il chemina encore quelques pas, mais ce fut vraiment miracle, & non pas chose naturelle. Entre toutes les creatures animees, selon que dit Plin, l'homme seul & le cheual deuiennent chaus: & l'homme qui à le test plus esleué, solide & moins porreux est de plus seure & forte teste: au contraire, qui l'a plus porreux est de petite complexion. Quelques vaillans hommes ont esté si sains & forts de la teste, qu'ils la portoyent quasi

*Plin. li. 11.*

tousiours descouuerte: comme entre autres, Iules Cesar, Annibal de Carthage, & Massinisse Roy de Numidie, qui iamais ne le couurit pour vieillesse qu'il eust, pour eau, pour neige, pour vents, ou pour Soleil. Nous lisons quasi le semblable des Empereurs Adrian, & Seuer, & de plusieurs autres. Or puis que nous auons tant parlé du chef, il sera bon de scauoir pour qu'elle raison, & d'où vient cela, qu'on repare courtoisie quand vn homme oste son bonnet deuant l'autre, en signe de reuerence, & qu'il se descouure la teste: ce que nous ne laisserons de traicter, encor qu'il soit de peu de consequence. Plu-

*Plus argue  
en ces pro-  
blemes.*

tarque dit en ses problemes, qu'à son aduis cela vient de ce qu'anciennement celuy qui sacrifioit aux dieux auoit le bonnet en la teste, & qu'il sembla aux Princes & grâds Seigneurs, que pour vser de courtoisie & faire honneur à ce sacrificateur, ils se descouuroient deuant luy, afin qu'il ne semblast point qu'ils voulussent s'equiparer à luy à cause de sa dignité, ny aussi s'esgaler aux dieux en ne faisant honneur à leurs sacrificateur. Encore dit que c'estoit l'vsage, que quand vn homme rencontroit son ennemy, ou autre qu'il haysoit, il se couuroit la teste, par  
ainsi



ainsi c'estoit chose conuenable que deuant son Prince & son amy on la descouurist. Marc Varron, selon Plin dir & maintient que ce ne fut point au commencement pour reuerence qu'on se descouuroit deuant les Magistrats, ains pour se faire sains & robustes, & afin de le monstrer tels on se tenoit descouvert. Caliot de Narni est d'opinion que descouurir sa teste pour faire honneur, est donner à entendre que descouurant la principale partie & le plus digne membre de l'homme, on s'offre & met on au pouoir de celui qu'on salue, se disant & cōfessant son infieur. Celie Rhodigin allegue & donne quasi la mesme raison, disant, que comme ainsi soit que le chef est le principal de tous les autres membres, & auquel ils obeissent, & seruent pour sa defense: aussi est-ce signe d'honneur & reuerence, quand il est descouvert & humilié. Et toutesfois laquelle que ce soit de ses causes, c'est à la verité grande peine de leuer le bonnet deuant plusieurs gens: & seroit meilleur qu'on fist les reuerences & salutations avec paroles seulement.

*Pline Hist.*  
28.

Caliot de  
Narni ass  
lis. de  
l'homme.

Loys Celie.  
line. 11.

D'un différent qui fut entre le maître & le disciple, si subtil,  
que les juges ne le peuvent décider.

СНАР. XVI.

**L**y a d'autres choses escrites, lesquelles (encor qu'elles  
sembent de peu d'importance) sont ingenieuses, &  
vlandes des bons esprits, partant meritent estre racon-  
tees, afin que les hommes s'y exercent : entre lesquelles  
y en a vne que ie veux reciter escrite par Aulugelle:  
Apulee la raconte pareillement. En Athenes estoit vn  
ieune homme nommé Euatole, lequel desirieux d'estre  
orateur & aduocat plaidant, afin de postuler en la ma-  
niere pour lors accoustumee en Athenes, accorda de prix  
auec vn orateur bien renommé appelle Protagoras, qui  
luy en deuoit enseigner l'art pour le prix conuenu en-  
tre eux, sous condition que l'escolier aduanceroit la moi-  
tié de l'argent au maistre, & payeroit le reste lors qu'il  
seroit deuenu bon aduocat, & si bien instruit qu'a la  
premiere cause qu'il plaideroit, il obtiendroit sentence  
à son profit: mais que si la sentence estoit donnee contre

Aulugel-  
le és nuits  
Attiques.  
Euatole.

Protage-  
ra.



luy, il ne seroit tenu de luy payer le reste du prix conue-  
nu. Suyuant cest accord le maistre monstre avec toute  
diligence tout ce qu'il sçauoit en c'est art, & le disciple  
apprend & retient en grande promptitude: de sorte que  
Protagoras ne sçachant, ny pouuant plus rien luy mou-  
strer, le disciple delibera n'aduocasser iamais, pour fru-  
strer le maistre du reste de son payement. Protagoras  
considerant la finesse de son disciple, le fit conuenir de-  
uant le iuge, pour luy faire raison, où comparans en-  
semblement, le maistre dit ainsi. Euatole, tu dois bien  
sçauoir la conuention qui est entre nous deux, c'est que  
apres t'auoir enseigné comme i'ay fait qu'à la premiere  
cause que tu plaiderois si tu auois sentence en ta faueur  
tu paracheuerois de me payer, & maintenant pour fuyr  
la satisfaction, encore que tu cognoisses bien que ie t'ay  
suffisamment enseigné, tu ne veux prendre la charge de  
aucune cause: mais ie te fais sçauoir que ta pensee en sera  
vaine, & que tu es dans les rets, desquels tu n'eschapperas  
que premier par l'un, ou par l'autre moyen tu ne me  
payes. Car si le iuge suyuant ma demande, te condam-  
ne à me payer, tu y seras contrainct veuilles ou non: &  
si d'auanture la sentence est en ta faueur, tu seras sembla-  
blement tenu de me payer suyuant la conuention, veu  
que tu es obligé de me payer à la premiere cause que tu  
auras, si tu obtiens sentence. Fais donc tant que tu vou-  
dras, si seras tu en toutes sortes pressé de me payer. Il  
sembla bien à tous les assistans que Protagoras auoit  
raison: toutesfois Euatole, avec face haut esleuee, luy  
respondit ainsi: Maistre, il te semble que ie suis conuein-  
cu, mais attends vn peu, & tu te verras fort loing de ce  
que tu penses, pource que ie te confondray de ton mes-  
me argument: mais si i'en suis absous par Messieurs les  
Iuges & qu'ils me tiennent quitte, leur iugement me ser-  
uira de quittance, & me rendra seur de ta demande. Tu  
m'as mis en procez, & toutesfois quand le contraire  
adiendra, & que tu auras sentence à ton profit, si est ce  
que par la paction, qui est entre nous deux i'en seray ren-  
du quitte, pource que venant à perdre le premier procez  
ce que nous auons conueu, ne sera point accompli: car  
il te faudroit pour te payer que ie gagnasse: en sorte que  
par



par quelque moyen que ce soit, ie seray tousiours absous de ta demande. Apres le plaidoyé les iuges peserent tellement les argumens & de l'un & de l'autre, & leur sembla la cause si douteuse, que n'y sçachans donner sentence furent contraincts de pendre le procez au croc. Le mesme Augulgee raconte vne autre semblable question, la referant à Pline pour l'auoir premier recitee. Il y auoit vne loy en vne ville, que quiconque feroit en armes vn certain acte vertueux y déclaré, il luy seroit concédé la chose qu'il demanderoit telle qu'elle peust estre. Aduint que quelq'un fit cest acte vertueux, & requist qu'on luy donnaist la femme d'un homme qu'il ayuoit fort, laquelle luy fut deliuree par la force & vertu de la loy: mais depuis ayât le mari (à qui la femme auoit esté ostee) fait ce mesme acte, & demandant que sa femme luy fust rendue, disoit à celuy, qui l'auoit: Si tu te veux tenir à la loy, il est force que tu me rendes ma femme, & si la loy ne te semble bonne, encore me la dois tu rendre comme mienne. L'autre luy respondit au semblable: Si tu te tiens à la loy ceste dame est mienne, car ie l'ay gagnée par la loy, & si tu ne l'approuue, tu n'as aucun droit à la demander estant maintenant mienne.

Aulugel-  
le li. 9.  
dernier.

Que la mort se doit iuger bonne ou mauuaise, selon l'estat auquel on meurt, avec exemple de la mort de plusieurs.

CHAP. XVII.

**L**E mourir vne fois est chose à tous commune, mais  
 sçauoir quand ou cōment, ny de quelque maniere  
 de mort, il n'est nullemēt reuelé à aucun. & en consiste le  
 tout d'estre trouué en bon ou mauuais estar de maniere  
 que la mort ne se doit nommer infortune, sinon celle  
 qui ne trouue l'homme en tel estar qu'il deuroit estre.  
 Elle se tient le plus soauēt cachée aux lieux & maisons,  
 où on s'en doute le moins : pour ceste cause on ne deu-  
 roit viure sans la considerer tousiours. A ce propos les  
 exemples de la mort sont infinis, & toutesfois j'en ame-  
 neray quelques vns notables, cōsiderant les effects d'icel-  
 le peu admirables, d'autant qu'ils aduiennent de iour en  
 iour. *Aulugelle escrit, & Valere le Grand le recite : apres*  
 luy.

Aulugelle  
Valcre le  
Grand.



luy, qu'il y à en Italie vne ville nommee Crotone en la Calabre, de laquelle estoit vn nommé Milon, qu fut si puissant & adextre qu'en tous ieux, festes, & iuittes publiques, iamais ne trouua son pareil, & le plus souuent en rapportoit la victoire: de sorte qu'il fut en estime & commune reputation d'estre plus fort & vaillant que nul autre, qui de ce temps là se trouuaist. Cestuy cy d'auanture, cheminant la coste d'une montagne, & s'estant retiré hors du grand chemin pour se refraischir, & s'estant entre plusieurs arbres vn Chesne ayant deux grandes branches, qu'on auoit accommencé à ouurir quelque peu à force, avec des coings qu'o y auoit laissé, dont luy desirieux d'en acheuer l'ouuerture, mit les mains au deux branches à l'endroit de l'ouuerure, & tira tant qu'il les ouurit quelque peu plus, tellement que les coings tombèrent par terre, mais ou pource que (peut estre) les forces luy defaillirent, ou qu'il ne pensoit pas que ces branches eussent si grande puissance, il cessa quelque peu de tirer, au moyen de quoy l'arbre se resioignit en telle soudaineté, que ses deux mains demeurèrent princes dedans en façon que ne se pouuant eschapper, & ne passant aucun par là pour luy ayder, il y mourut de douleur & de faim, par la plus miserable & malheureuse mort que iamais fut imaginée, car il fut fait proye aux bestes sauvages, par ainsi les propres forces le tuerent. Si la mort de Milon fut estrange, celle d'Eschilus le poète ne le fut pas moins: car vn iour il sortit hors d'une ville de Sicile où il demouroit, pour aller par les châps prendre vn peu de chaleur du Soleil, pource qu'il faisoit lors froid. Et luy qui estoit vieil & chauue, & à qui la teste blanchissoit, s'assit sur vn lieu haut où le Soleil battoit, & luy ayant la teste nue, vne Aigle voloit d'auanture par dessus luy en l'air, tenant de sesres vne Tortue, & voyant la teste blanche d'Eschilus luy fut aduis que c'estoit vne pierre, parquoy la laissa tomber de bien fort haut, afin que la Tortue se rompit contre, & qu'elle en peust apres manger la chair de dedans, ainsi cheut ceste Tortue sur le chef du Poète, & le luy fendit par le milieu, dont il mourut incontinent, chose fort esmerueillable, veu qu'il s'estoit assis si haut & à descouuert, qu'il sembloit impossible



possible que chose quelconque luy peust tomber d'en-  
 haut dessus la teste. Baptiste Fulgose en vn moult beau li-  
 ure qu'il à fait des exéples, recite la mort infortunée d'un  
 Roy de Nauarre, nommé Charles. Ce prince estoit vieil  
 & fort malade, sentant douleur en tous ses nerfs : A la-  
 quelle maladie ne trouuant par le conseil des excellens  
 medecins autre remede qu'un, ils-le firent enuveloper de-  
 dans du linge, tout baigné en eau de vie, & coudre le  
 linge de tous costez : & voulant celuy qui l'auoit coulé  
 couper le reste du filer, n'ayât rien pres de luy pour ce  
 faire, en approcha vne châdelle ardante, dont la flamme  
 se print à l'eau avec telle soudaineté qu'au parauant que  
 ce Roy peust estre secouru, il fut bruslé parmy ces flam-  
 mes: ainsi il fut guery de la douleur qu'il auoit aux nerfs,  
 & pareillement de tous les autres maux. La mort aussi de  
 Philemon fut fort facecieuse, pource que luy voyant vn  
 asne s'approcher d'une table, & manger des figues qui  
 estoient dessus, s'en print si fort à rire que la fin de son  
 ris fut accompagné à celle de sa vie. Or voyons donc  
 quād c'est qu'on peut estre asseuré de la mort, si en riant  
 les hommes meurent. On raconte encore, que Philistion  
 poëte Comique mourut en riant: Aussi s'est il trouué plu-  
 sieurs hommes mort de ioye, du nombre desquels sont  
 Denis tyran de Sicile, Diagoras, & la dame Romaine,  
 voyant son fils reuënu, qu'elle pensoit estre mort à la ba-  
 taille. L'adventure du pasteur Cratis fut pareillemēt fort  
 estrange: car luy estant endormi en la montagne parmi  
 ses cheures, vn bouc le tua par ialousie qu'il auoit d'une  
 chienne, avec laquelle Cratis peruerissoit abominable-  
 ment l'ordre de nature. Loys Celie Rhodigin & Vol-  
 teran le racontent, alleguā quelques auteurs Grecs. Je  
 laisse derriere plusieurs autres sortes de morts, comme  
 du Pape Boniface qui mourut de rage affamee en prison:  
 de Richard le second, Roy d'Angleterre: de l'archeuef-  
 que de Magonce qui fut tué, & māt d'une grande mul-  
 titude de rats: de Decius Empereur, duquel Emilie Vi-  
 ctor escrit, qu'estant victorieux il fut trouué mort &  
 noyé dedans vn lac. En ceste sorte est mort de nostre  
 temps Loys Roy d'Hongrie: & Sforce, pere de ce bon  
 Capitaine le Duc François Sforce, se noya pësant secou-  
 rir vn



rir vn de ses pages. André Roy de Prouence, mourut par la main de sa femme, qui aidée de quelques autres femmes, le pendit & estrangla. L'Empereur Tibere fut aussi empoisonné par sa femme Agrippine. Par ainsi les Rois, Princes, & grands Seigneurs sont aussi bien subiets aux infortunes & malheureuses morts, comme sont les pauvres & petits: encore que quelquesfois ils y pensent, & en vain.

~~~~~

De l'estrange nature de Tymon Athenien, ennemy  
de l'humain lignage.

CHAP. XVIII.

*Plutarque.  
Platon.  
Aristofa-  
nes.*

Toutes les bestes du monde s'accommodent aux autres de leur espece, & conuersent avec elles, fors le seul Tymon Athenien, de l'estrange nature duquel Plutarque s'estonne en la vie de Marc Antoine: Platon & Aristofanes racôtent sa merueilleuse nature pource qu'il n'estoit homme que de la figure, au demeurant ennemy capital de tous les humains, ce qu'il confessoit librement & clairement, & les hayoit tous. Il demouroit seul en vne maisonnette aux champs separé de tous voisins & compagnie, & iamais n'alloit à la ville ny en autre lieu habité s'il n'y estoit contraint, ny ne pouuoit souffrir cōuersation de personne. Il ne se trouue point que iamais il ait visité aucun, & si ne vouloit que personne entrast en sa loge. En ce mesme temps y auoit en Athenes vn autre homme nommé Apemat, qui estoit quasi de ceste mesme nature, aspre & inhumain, & logé pareillement ammi les champs. Vn iour estans eux deux seuls ensemble à vn dîner, Apemat luy dit: O Tymō, que ce cōiue est doux, & ceste cōuersation sauoureuse, puis qu'il n'y a que nous deux icy. A quoy Tymon luy respōdit, il seroit doux à la verité s'il n'y auoit que moy: en cela se monstroir-il vraiment fort estrange, quand il ne pouuoit souffrir non pas vn autre, mais seulement celuy qui estoit de nature pareille. Le peu qu'il alloit en Athenes estoit pour parler à Alcibiades, qui depuis fut excellent capitaine, dont plusieurs s'esmeruilloient. Au moyen dequoy Apemat luy demāda pourquoy il ne parloit qu'à Alcibiades:  
ie par-



ie parle (dit-il) quelquefois à Alcibiades, preuoyant que par son occasion les Atheniens auroyent grand mal, & beaucoup à souffrir, & encore bien souuent le disoit-il à luy mesme. Il auoit vn iardin prochain de sa maison aux champs, où estoient plantees vnes fourches, ausquelles plusieurs desesperez alloient ordinairement se pendre. Aduint que pour faire vn bastiment au lieu où estoit ce gibet, il luy estoit force de le faire couper: pour ceste cause, il s'en alla à Athenes où estant en lieu public comme place de marché, il se mit à conuoquer & appeller le peuple, disant, qu'il leur vouloit dire quelque nouuelle. Quand le monde entendit que cestuy-là qui n'estoit coustumier de parler à personne, vouloit faire quelque discours au peuple, chacun en fut esmerueillé, & y coururent de toutes parts les habitans, ausquels il dit qu'il auoit deliberé, coupper les fourches pour vn edifice qu'il vouloit faire, afin que si quelqu'un d'entreux auoit volonté de s'y pendre, qu'il s'en despeschast auant qu'elles fussent abbatues. Auant fait ceste charité, il s'en retourna en son logis, où il vescu quelque temps apres, sans muer de nature, & tant s'en faut qu'il l'a changeast non seulement en la vie, que la mort ne le peut faire varier: car il semble qu'il eut desir de l'exercer à son pouuoir apres sa mort, en sorte que afin que mort il ne fust entre les hommes: il se fit enseuelir & enterrer sur la riue de la mer, pour estre tousiours couuert des vagues qui la battoient, & s'il eust peu se faire ensepuelir au profond de la mer, il l'eust fait, non content de ce, il fit escrire sur son sepulchre ceste Epiraphe. Plutarque en a escrit vn autre, que Callimach luy auoit fait quasi semblable.

EPITAPHE DE TYMON  
ATHENIEN.

*Après ma miserable vie,  
Je suis enterré sous ceste onde:  
De sçauoir mon nom n'aye enuie,  
(O Lecteur) que Dieu te confonde.*

*Combien*



Combien il y à eu de Papes depuis saint Pierre, & pourquoy  
on muë le nom des Papes, & aussi par qui  
ils souloyent estre esleus.

## CHAP. XIX.

**V**Ne des plus excellentes histoires, & que les Chre-  
stiens doyent plustost sçauoir, est la vie des souue-  
rains Euesques successeurs de saint Pierre, & Vicaires  
des Romains. Ce sont ceux qui ont esté Euesques de  
Rome, depuis que le premier Vicaire saint Pierre y  
mit le siege & la marque pour ses successeurs, auquel  
lieu elle à tousiours esté iusques à ce iourd'huy. Et posé  
le cas que quelquefois aucuns de ses souverains Euesques  
ait esté absent du siege & de la ville, si est ce que Rome  
ne laissoit d'estre l'Euesché & principal siege de tel Eues-  
que absent: car saint Pierre l'a fit premiere de tous, cõ-  
me tousiours depuis a esté. Mais retournans à nostre  
propos, il y a eu en Rome deux cens vingt & vn Eues-  
ques, & Papes vniuersels, comme l'ay peu recueillir ius-  
ques auourd'huy, qu'en icelle preside lules troisieme de  
ce nom: entre lesquels il y en à plusieurs martyrs, tres-  
excellens, saints, & grãds docteurs. Et toutesfois ce n'est  
sans grande merueille, & n'est sans cõsideratiõ de grand  
mystere, que nul d'eux n'a point regné si lõg temps que  
saint Pierre y a vescu: car il a pleu à Dieu que comme il  
a precedé tous les autres en sainteté, aussi en la longue  
possession de ceste dignité il les passa tous, car il a vescu  
vingt cinq ans apres la mort de Christ, les sept premiers  
desquels il demeura en Antioche, & les dix huit ensuy-  
uans à Rome, où il a mis le siege. Encores est on d'opi-  
nion que nul de ses successeurs pour l'aduenir n'y par-  
uiendra non plus que ceux qui ont par cy deuant passé.  
Il y a aussi vne autre chose, dequoy ie me suis aduisé en  
lisant les vies des Papes, c'est que depuis luy iusques à  
maintenant, ne s'en est trouué vn seul qui au change-  
ment de son nom ait esté appelé Pierre, ne qui l'ait eu  
auparauant changé, tellement qu'il semble que Dieu  
voulut mettre ce nom de Pierre pour fondement de l'E-  
glise, & non ailleurs.

*Nota qu'il  
y a icy de  
l'addition  
par tradu-  
cteur.*

Enco-



Encores est il bon de sçauoir d'où procede teste mu- *Je ne sçay*  
 ration des noms, Sçachez qu'estant mort le Pape Gre- *en quel*  
 goire quatriesme en l'an huiët cens quarante deux, on lieut l'an-  
 gaire pour Euesque de Rome vn Romain de noble sang theur a  
 & de bonnes mœurs, qui se nommoit Viz de porc, & prins ceste  
 pource que ce nom luy sembla sale, & mal conforme à derniere  
 telle dignité, & se souuenant que le Seigneur auoit opinion:  
 mué le nom à S. Pierre, voulut aussi changer le sien, car il s'en  
 & se fit nommer Sergius, qui estoit le nom de son pe- *trouuera*  
 re: De là fut prins l'usage, obserué encore auour sept (pour  
 d'huy que celuy qui est esleu Pape peut choisir à sa vo- *le moins)*  
 lonté tel nom qu'il luy plaira le mieux, & encore tou- *qui aupar-*  
 tesfois qu'ils ont mué de nom, ils ont eü ceste cousti- *rauant e-*  
 me de prendre le nom d'un de leurs predecesseurs. De *stoyent*  
 ces choses sont auteurs Platine, Mathieu Palmier, & mez Pier-  
 autres. Or faut-il entendre, que iusqu'au temps de re : Qui  
 Constantin le grand (qui donna tant de biens & de Innocent  
 priuileges à l'Eglise Romaine) pource que les souue- *cingties-*  
 rains Euesques tous presques auoyent esté martyrisez, me, Ioan  
 il n'y auoit point de brigue à qui le seroit, & nul ne *vingt-*  
 desiroit à l'estre: au contraire par force ou par priere *deuxiesme,*  
 on les contraignoit d'accepter la charge, par ainsi iul- *Gregoire*  
 qu'à ce temps là, ils estoient esleus à ceste dignité, *onziesme,*  
 seulement par les Prestres qui estoient en l'Eglise Ro- *Boniface*  
 maine, mais depuis que les Empereurs furent Chre- *neufuies-*  
 stiens, & pareillement beaucoup de citoyens de Ro- *me, & A-*  
 me, on les esleut par le Clergé, avec la voix & con- *lexandre*  
 sentement du peuple: Ce fait on enuoyoit par deuers *cingties-*  
 les Empereurs, qui lors se tenoyent à Constantino- *me sans y*  
 ple, en demander la confirmation, & semble que ce *compre-*  
 fut pour leur complaire, ou pource qu'ils le voulo- *dre un*  
 yent ainsi: quelquesfois ceste confirmation estoit faite *Antipape.*  
 par le gouuerneur qu'ils auoyent à Rome, qu'on nom-  
 moit Hiparque, & qui auoit l'autorité de l'Empire.  
 Or estoit ceste costume de confirmer par les Em-  
 pereurs les souverains Euesques si ferme & stable, où  
 fust par leur tyrannie ou permission de l'Eglise, qu'a-  
 pres la mort de Benoit premier, Pelagius second fut  
 esleu: mais pource qu'en ce temps là Rome estoit as-  
 siegee des Longobards, desquels sont descendus les



Lombards, & aussi qu'il plut si abondamment que les fleuaes & riuieres en estoient toutes desbordées, en forte que (comme dit Platine) il y eut infinité de personnes noyées & peries, & tenoit-on pour certain que c'estoit vn deluge general. Ce Pelagius fut le premier qui administra le Pontificat sans le faire sçauoir à l'Empereur: Ce neantmoins craignant que Maurice Empereur de Constantinople se fachast de cela, il luy enuoya son Ambassadeur pour l'excuser, & donner les raisons que nous auons dit. Depuis ayant passé quelques années que ceste coustume estoit obseruee sans discontinuer, & venant Benoist second à estre crée souuerain Euesque, l'Empereur Constantin quatriesme de ce nom, aduertty de sa singuliere saincteté & doctrine eu esgard à son auctorité, enuoya à ce Pape vne charte & lettre patente, par laquelle il renouuoit pour soy & pour ses successeurs à toutes les causes & raisons qu'il pourroit pretendre en la confirmation de l'election Papale, que de là en auant si tost que le clergé & le peuple Romain auroit esleu vn souuerain Euesque qu'il fust tenu pour Vicair de Dieu, sans autre confirmation ou ampliacion. Cela fut obserué pour quelque temps: mais depuis venant l'Eglise Romaine à estre affligée, & son patrimoine molesté par les Lombards qui regnoient en ce pays-là, & estant secouru par Charles Martel du temps de Gregoire troisieme, & par Pepin son fils du temps d'Estienne second, & encores par quelques autres sans auoir peu trouuer secours es Empereurs de Constantinople. Finalement le Pape Leon troisieme de ce nom, apres grands discours & causes, consideré le secours & grande aide qu'il auoit eu de Charlemagne Roy de France, le fit & nomma Empereur, & repassa le siege de l'Empire aux parties Occidentales où il a demeuré iusqu'à maintenant. Au moyen dequoy on peut cognoistre que ou par priuilege special, ou par vsurpation des successeurs de Charlemagne à l'Empire, on commença à remettre sus la confirmation du Pape en confirmant par les Empereurs, & approuuant l'election qui se faisoit des souuerains Euesques, lesquels recognoissoient pour Empereurs les Occidentaux, ayant recours à eux en leurs necessitez & affaires. Par suc-



Accession de temps apres, & en l'an huit cens dix-sept, Pascal premier fut esleu, par la mort d'Estienne quatriesme, & obeyssans attendre la confirmation de l'Empereur Loys fils de Charles le grand: parquoy il enuoya son Ambassadeur vers l'Empereur pour l'excuser, & dit qu'il auoit esté contraint par le peuple à n'attendre la confirmation. L'Empereur Loys accepta ceste excuse, & neantmoins manda qu'il vouloit que les anciennes coustumes fussent entretenues & gardees. Long temps apres, & pendant lequel la malice des hommes croissoit, il se trouua plusieurs scandales & discordes es elections, pour à quoy remedier, le Pape. Nicolas second de ce nom, en l'an mille septante neuf estant en public Concile fit vn decret qui commente: *In nomine domini*, en la distinction vinge troiesme: par laquelle id donne l'autorité d'eslire seulement aux Euesques, Prestres & Cardinaux. Suyuant laquelle ordonnance, encores auourd'huy se fait l'election condignement & canoniquement, sans chercher ny attendre la confirmation Imperiale, car ce priuilege ne procedant de raison que de la grace & permission de l'Eglise & du Pape: auquel tous Empereurs & autres Roys se soumettent & humilient comme au superieur & chef de tous, Vicair & Lieutenant de Christ, duquel cessant la volunté & permission, cesse pareillement aux Roys & Empereurs l'vsage & la raison s'ils en auoyent quelqu'vnc.

0000000000000000000000000000000000000000000000000000000

La cause des iours Caniculaires, & pourquoy ils sont nommez,  
avec plusieurs choses notables à ce propos.

## СНАР. XX.

**L**n'est personne qui ne parle à tous coups des iours Caniculaires, & ce pour la grande chaleur qui est durant ce temps, & toutesfois tous ne sçavent pas la raison pourquoy ils sont ainsi nommez: Et encore que paraissant il y en ait peu qui ne le sçachent, nous en dirons à ce peu, la raison manifeste, selon la doctrine des Astro-



logues anciens & modernes. Or est il vray qu'entre plusieurs autre constellations & images que les anciens astronomes cogneurēt & marquerent parmy les estoilles fixes, il y en a deux nommées les chiens: l'une la grande chienne, l'autre la petite: la petite à deux estoilles, l'une de la premiere grandeur, l'autre de la quarte, & sont de la nature de Mercure, & vn peu de Mars. Ceste constellation de la Canicule estoit du temps de Ptolomee au signe des Iumeaux: & en ce temps du iourd'huy (à cause du mouuement de la huitiesme Sphere) l'une de ces deux estoilles se trouue au quinzeiesme degré, & l'autre au dix-neufquesme & demy, du signe du Cancer. De

*Plin liure 16.* ceste constellation parlant Plin, Iules Firmique. Manile, Egin & Ptolomee. Et pource que ceste cy n'est point

*Iules Fir. mi. liur. 6.* l'occasion de nos iours Caniculaires, venons à l'autre nommée la grande chienne, qui est vne image celeste

*Manile liure 5.* ayant dix-huict estoilles, que Ptolomee met aussi lors de son temps au signe des Iumeaux, fors vne, à cause du mouuement qui le fait par la huitiesme Sphere. D'Occident en Orient: & se trouuent toutes au iourd'huy au signe du Cancer, excepté vne ou deux qui ne sont pas encore sorties du signe des Iumeaux, entre lesquelles y

en a vne qu'on dit estre en la gueule de ladite chienne, que les Arabes nomment Alfabor, & les Grecs Seirios: elle est de la premiere grandeur & la plus luisante & claire que nulle autre des estoilles fixes, laquelle du temps de Ptolomee (comme appert par ses tables) estoit à dix-huict degrez & dix minutes des Iumeaux. Depuis, Alphonse Roy de Castille verifia lesdites tables, & trouua ladite estoille au quatriesme degré quaratehuiet minutes du Cancer: & au iourd'huy nous la trouuons au huitiesme degré de mesme signe du Cancer: sa latitude est Meridionale (selon les anciens) de seize degrez & dix minutes, & est invariable, nonobstant l'opinion des modernes touchant le mouuement de trepidation: car encor qu'elle soit certaine, si est-ce que la mutation de ladite estoille n'est point notable. Sa declination est meridionale de quinze degrez cinquante minutes. Et combien que toute la constellation de ceste image celeste ait grande force & grande influence, si ne parlerons nous

princi



principalement que de la plus grosse estoille, pource que tous les autres anciens & modernes en font grand estime, & à son occasion sont nommez les iours Caniculaires. Elle est de telle efficace & force que pendant le temps qu'elle & le Soleil sortent ensemble d'Orient, les vapeurs & rais du Soleil, s'eschauffent tellement avec la force de sa propriété, qu'elle cause vne esmerueillable alteration & chaleur en terre, en mer, & en toutes autres choses: Ce que Pline note entierement, aussi fait Auicenne. Hypocrate en les Aphorismes defend par expres, que pendant que le Soleil va en ceste constellation nul homme prene médecine pour estre le temps pestiferé & de dangereux effets: lesquels sont si euidens & certains que tout le monde les cognoist, & en ont les anciens auteurs fort parlé, spécialement Pline, disant que pendant ce temps le vin se trouble & gaste: en quelques endroits de la mer on voit les poissons morts sur l'eau, & que les chiens viennent à enrager. Pareillement Columelle, conseille aux pasteurs de faire paistre leurs brebis pendant ces iours Caniculaires, depuis le matin iusques à midy, en les conduisant rousiours de l'Orient en Occident, afin qu'elles ayent le Soleil aux espaulles, & depuis midy vers le soir les remenant de l'Occident en Orient, afin qu'elles n'ayent iamais le Soleil sur les yeux: Car il dit que tels iours sont fort dommageables, & causent aux hommes des grands inueniens. Encores Iules Firmique est d'opinion que ceux qui neissent pendant ceste saison Caniculaires doyuent estre hommes de mauuaise inclination, fort prompts à faire de grands maux, superbes, cruels, furieux, & dangereux, plains de vantance, seditieux, & redoutez: Ce que Marc Manile afferme. Ciceron pareillement dit, que les habitans de l'Isle de Cee voisine de Negrepoint, voyant la cognoissance de ceste estoille, iugeoyent de tout le reste de l'annee, & si la saison deuoit estre saine ou malediue, car si elle seroit hors obscure ou nebuluse, ils iugeoyent l'air deuoit estre humide, gros & mauuais, & que telle seroit toute l'annee, & si elle naissoit claire, illustre, & reluisante, elle signifieroit l'air pur, sain, & net, & de là prognostiquoyent salut aux hom-

Pline li. 2.

Auicenne

li. 6. Hyp. 5.

Colum. li.

7. de l'a-

gricuture.

Iules Fir.

Marc

Manile.

Ciceron. li.

1. de diui-

nation.



Thomas  
d'Aquin  
li. 6. de sa  
Metaph.

mes. Ces choses sont escrites par Ciceron, encore que tel iugement ne soit suffisant pource qu'une seule estoille ne suffit à prognostiquer de toute l'année. Vray est, que quelquefois en les iours caniculaires, il fait froid, & le temps est pluvieux, ce qui vient de la conionction du Soleil avec Saturne, ou de quelque autre estoille froide, dequoy parle saint Thomas d'Aquin. Encore pourroit Saturne estre cause de ceste indisposition du tēps, estant opposite au Soleil ou en quart aspect avec ledit Soleil. Voila les effects de ceste estoille & de sa constellatiō qui durent quelques iours qui commencent lors que le Soleil monte avec elle sur l'orison, ce qui merite bien estre noté, pour sçavoir en quel temps de l'année c'est. Et pour l'entendre, il faut sçavoir que chacune estoille est dite saillant ou naissant, & aussi qu'elles se mettent en plusieurs sortes, les aucunes ayans respect à l'orison, les autres au Soleil qui parfois s'eslongne d'elles, & par fois s'approche: mais nous parlerons de celles qui sont à nostre propos, lesquelles vne fois l'an montent avec le Soleil sur l'orison, ainsi qu'en ont escrit, cogneu & senty ceux qui en ont traité, & lors commencent les iours Caniculaires. Or ce mouvement de naissance, n'est pas commun en tous lieux ny en tout temps, pource que le mouvement (comme nous auons dit) qui se fait selon la succession des signes, ceste estoille sortit iadis en vn certain temps de l'an, & maintenant en vn autre: car estant l'estoille en moindre degré de longueur, ainsi comme le Soleil va selon l'ordre des signes, il venoit plustost au point du Zodiaque qui sortoit quand & luy vers Orient, en quelque part que nous le vueillons considerer. Par ainsi en vn mesme lieu, & vn mesme orison, l'apparition de ceste estoille estoit plus auancee au temps passé qu'elle n'est maintenant, & aussi par la diuersité des finiteurs ou bornes de la veüe, elle commençoit plustost à sortir en aucuns lieux qu'aux autres, & partant les iours Caniculaires commençoient plustost aux prochains de l'equinoxe qu'aux plus Septentrionaux, selon l'assiete des orisons plus obliques: ainsi fait-il à noter, qu'encore que ceste estoille soit au huitiesme degré du Cancer, si est-ce qu'elle montera ou naistra d'une seule parallèle



ralelle en ce mesme degre: mais à tous les autres diuer-  
 tiersement plus ou moins, selon qu'elle s'esloignera de  
 l'equinoxe, elle sera plus tardive. Dont nous prendrons  
 pour exemple Seuille, qui est à la fin du quatriesme cli-  
 mat en trente sept degrez de largeur. Du temps d'Aui-  
 cenne, selon qu'il en a escrit, qui fut il y a environ qua-  
 tre cens ans, les iours Caniculaires y commençoient  
 le quinziésme Iuin, & toutesfois en ce temps-cy quand  
 le Soleil aura fait deux degrez & vingtcinq minutes du  
 signe du Lyon, ceste estoille sortira de l'orison quand  
 & le Soleil. Ce que j'ay esgalé par la direction de Jean de  
 Mont-royal, grand Astrologue & Mathematicien, & se  
 peut voir & cognoistre par l'astrolabe. Ce qui aduiét or-  
 dinairement le dixseptiesme iour de Iuillet; & lors com-  
 menceront veritablement les iours Caniculaires en no-  
 stre ville de Seuille, tellement que c'est erreur de dire  
 qu'ils commencent communement le dixiesme iour de  
 Iuillet, bien qu'il fust veritable en quelque temps, & que  
 pareillement il soit à croire que par quelques iours en  
 aucuns de ces effects se montrent à la terre auparavant  
 que le Soleil soit parfaitement esleué en l'orison avec  
 leur estoille. A ceux qui se tiendront en lieu plus esloigné  
 de la ligne equinoxiale, & qui seront plus prochains du  
 Septentrion, les iours Caniculaires commenceront plus  
 tard, pource qu'il montera avec plus de degrez du signe  
 du Lyon, & partant plus de iours de Iuillet seront passez.  
 Aussi au paralelle de quarate & vn degre ou sont Rome,  
 Tolere, & autres lieux, ceste estoille motera avec le So-  
 leil, lors qu'il arriuera au sixiesme degre du Lyo, qui sera  
 le vingt & vniesme de Iuillet, & lors leur commenceront  
 les iours Caniculaires. Et à ceux qui seront sous le qua-  
 rasept, quaratehuict, ou quarantenueufiesme degre, co-  
 me sont Paris, Strasbourg, & Vicane en Autriche avec  
 autres villes ceste estoille motera sur l'orison avec le So-  
 leil, lors qu'il entrera au douze, onze, & dixiesme degre  
 du Lyo, qui sera le vingtquatriesme ou vingtcinquierme  
 iour de Iuillet. De là faut cōclure que les iours Caniculai-  
 res ne cōmencent pas tousiours en tous lieux & en tou-  
 tes annees en vn mesme tēps de l'an. C'est donc erreur de  
 dire qu'ils ont leur commencement par tout le dixiesme







ne tesmoingns d'autorité, l'homme le peut asseurer franchement il me souvient que des mon enfance l'oyois parler aux vieilles, du poisson surnommé Colas, qui avoit vraye proportion & figure d'homme, & alloit nageant par la mer, duquel on recitoit maintes merveilles fabuleuses, que j'ay tousiours iugees telles, iusques à tant que par la lecture de plusieurs liures, j'ay trouué par escrit des choses aussi pleines d'ambition, de sorte que si ie les eusse apprises d'hommes de peu d'autorité, ie les eusse tenues pour vaines & menlongeres. Quant à ce que les vieilles & le vulgaire en content fabuleusement, ie pense que ce soit ce qu'en dient deux excellens hommes, de nō moindre autorité que doctrine: l'un est Pontan. grand humaniste, orateur & poëte: & l'autre est Alexandre d'Alexandrie Iuriconsultre, excellent & biē con-  
*d'Alexandrie au li. des iours geniaux.*  
 nommé aux lettres humaines, qui en parle en son liure nommé, Des iours geniaux. Tous deux escriuent que de leur temps en Caranie ville de Sicile, y avoit vn homme que chacun nommoit le poisson Colas, lequel des son enfance fut si enclin à s'aller baigner en la mer, qu'il n'auoit nul plus grand plaisir, fut de iour ou de nuict: ceste coustume creut en luy de petit en beaucoup, & depuis en telle extremité, que quand il estoit vn iour sans estre la plus grande partie d'iceluy en l'eau, il disoit souffrir tant de mal & passion en l'estomach, qu'il pensoit mourir. Continuant donc en cest exercice, & parueni à l'aage viril, sa force & dexterité fut telle en l'eau, qu'écōre quil y eust grande tempeste sur la mer, si la transnoüoit-il sans crainte ou peril aucun, & si racontent ces deux auteurs, qu'une fois il luy conuint nager par force, bien cinq cens stades, sans trouver terre, ny pouuoir se reposer, lesquelles stades montent seize ou dixsept lieues: & quelquefois il s'en alloit noüant par la mer vn iour ou deux ainsi qu'un poisson, vagant d'une part & d'autre par la coste de la mer: où il estoit rencontré le plus souent des nauires, criant à ceux qui estoient aux vaisseaux: lesquels le tiroient à mont, & apres qu'ils s'estoient enquis de son voyage, luy donnoient à manger & à boire: ainsi se tenoit quelque peu de temps avec eux en soulas & plaisir, puis ressaüoit en la mer pour retourner d'où il




estoit venu tellement que par ce moyen il portoit souuent aux villes prochaines des nouuelles de ceux qu'il auoit rencontré en la mer. En c'este façon vesquit cest homme long temps sain & dispos, iusques à ce qu'a vne feste & solemnité que le Roy Alfonse de Naples faisoit à Messine ( notable port de mer en Sicile ) lequel pour esprouuer le nager de tel homme & d'autres aussi ( qui se vantoyent d'estre bien experimenterz nageurs ) fit ietter en la mer vne couppe d'or d'assez grande valeur, la donnant en prix à celuy, qui plustost la trouueroit, pensant bien y ietter encore d'autres choses apres qu'on l'auroit retiree. Il y auoit en l'assemblee plusieurs excellens nageurs pour s'esprouuer, entre lesquels estoit ce Colas, qui avec les autres se coulans au fond de la mer, en l'endroit où la couppe estoit tombée, mais onc puis il ne fut veu, ny ne fut ouï nouuelles de luy: lon péle que par son defastre il entra en quelque fosse, qui (peut estre) estoit au fond de la mer, & que ne pouuant en sortir il y mourut. Ceste histoire recitee par deux auteurs, si approuuez, me fait croire que c'estoit là mesme chose que les vieilles racontent pour fable du poisson Colas. Le mesme Alexâdre en ce mesme chapitre, dit auoir cogneu vn autre homme qui estoit pauvre marinier, & ne viueit quasi que de pescherie. Cestui-cy, comme il dit, estoit, si bon nageur qu'en vn iour il alloit & retournoit d'une isle, qui estoit vis à vis de Naples, nommee *Aenarie* iusques à Prochite, qui est en terre ferme, & y a de l'vn à l'autre distance de 50. stades, & qu'un iour aduint d'auanture qu'ainsi qu'il se iettoit en mer pour faire son voyage, il y auoit d'autres hommes qui estoient en vn basteau pour passer aussi iusques là. mais il ne leur fut possible (encore qu'ils eussent de bons rameurs) d'atteindre cest homme nageant. Telles choses sont veritablement merueilleuses, & dient les Astrologues, que cela procede de l'influence des estoilles en la naissance des hommes, & que ceux qui ont le signe des Poissons en ascendant, sont fort bons nageurs. Les philosophes naturels soustiennent que l'homme qui aura les bras fort petits sera bien adroit & agile à nager. L'habilité d'aller sous l'eau est fort esmerueillable en quelques hommes des



Indes Occidentales d'où viennent les perles, car on dit qu'ils vont au fond de la mer, & y demeureront si long tēps qu'il semble chose impossible. Les anciens ont nommé ces gens là Vrinateurs, & maintenant sont nommez Gu-fans. Tous les historiens racontent choses merueilleuses d'un nommé Delie, tellement que cest un commun proverbe de dire, le nageur Delie. Et combien qu'à la verité le nager ne soit vertu, & que l'homme n'est point obligé à l'apprendre, si est ce que le sçavoir faire n'est vituperable. Aussi les anciens Romains, comme le décrit Vegete, les gens nouveaux à la guerre que lon nommoit Tritons, ils les efforçoient d'apprendre à nager. Il y avoit aussi une coustume en Rome, que les ieunes enfans apprenoyent à nager en un certain lieu situé à la rive du Tybre, pres du champ appellé Martius, & là s'exercitoient iugeans le nager agreable passetemps, & necessaire pour des cas qui peuvent survenir en guerre, tant pour passer des rivières & des lacs, que pour resister aux infortunes de la mer,

*Vegete li.ii.  
de l'art  
militaire.*



*Des hommes marins, & d'aucunes choses notables.*

CHAP. XXII.

C'est une chose merueilleuse, & qui tire l'homme en grande contēplation des faits de Dieu, que la grande diuersité des poissons de la mer, & pareillement des animaux terrestres. Plin Albert le Grand, Aristote & plusieurs autres philosophes naturels en traitent beaucoup. Je sçay bien que l'homme raisonnable ne se trouue que sur la terre, & les hommes n'habitent point en l'eau: toutesfois selon que j'ay leu, il y a des poissons en la mer, qui ont forme d'homme: entre lesquels y a male & femelle & la femelle à la mesme forme de femme, & sont nommez Nereides, & les males Tritons: dequoy ie ne reciteray plusieurs choses qu'en dient grand nombre d'hommes legers & de peu d'autorité, desquels j'ay ouy à ce propos dire choses fort estranges & variables: ce neantmoins ie diray ce qu'en escriuent plusieurs auteurs graves & dignes de foy. Entre lesquels Plin disoit que du tēps de l'Empereur Tibere, les habitans de Lisbonne ville

*Plin,  
Albert le  
grand.  
Aristote.*



ville de Portugal, lors fameuse, & encore à present, en-  
uoyèrent ambassadeurs à l'Empereur, pour le certifier  
qu'ils auoyent veu vn de ces Tritons, ou hommes ma-  
rins, se retirer & cacher quelquefois en vne caverne pres  
la mer, & que là il chantoit avec vne coquille de mer. Et

*Plin. liu. 6.* dit Pline encor dauantage qu'Octauian Auguste fut cer-  
tifié qu'on auoit veu en la coste de France plusieurs Ne-  
reides, ou femmes marines, lesquelles neantmoins  
estoyent mortes au riuage de la mer: & aussi à Neron, que  
entre plusieurs poissons que la mer auoit ietté sur la  
grecque, il y fut trouué des Nereides, & autres especes de  
bestes marines, à la semblance de plusieurs bestes terre-  
stres. Elian en escrit tout autant. Et outre que les anciens

*Elian liure  
des bestes.* recitent ces choses & beaucoup d'autres semblables, les  
modernes en dient d'aussi merueilleuses: comme entre  
autres Theodore Gaze, homme fort docte en diuerses  
sciences, & qui estoit du temps de nos peres, duquel  
quelques vns ont escrit, & par special Alexandre d'Ale-  
xandrie, qui dit, qu'estant Theodore en Grece sur la co-  
ste de la mer, il vid qu'apres forte tempeste elle ietta sur  
la riuée grande quantité de poissons, entre lesquels estoit  
vne Nereide, ou poisson de face parfaitement humaine  
& de femme fort belle iusques à la ceinture, & quand au  
reste par bas estoit forme de poisson, finissant en quené  
comme vne anguille, & tout en la sorte, que nous voyés  
depeindre celle qu'on nome Serene de mer, & que ceste  
Nereide estoit sur l'arene, monstrant à son geste qu'elle  
estoit en grande peine & tristesse. Dit plus Alexandre,  
que ce Theodore Gaze la print, & au mieux qu'il peut  
la mist en l'eau, ou n'estant quasi entree, elle commença à  
nager fort gentiment se dispaissant de luy, en sorte  
qu'onques puis ne la vid. George Trapezonle, homme  
de non moindre doctrine & autorité, afferme pareille-  
ment auoir veu en passant sur la riuée de la mer vn pois-  
son s'esleuer sur l'eau, que tout ce qu'on en voyoit de-  
puis le milieu en amont estoit vne femme fort belle. de-  
quoy il demeure non moins espouuanté qu'esmerueillé,  
& ainsi se cachoit & descouroit iusques à ce qu'elle s'a-  
perceut qu'on la voyoit, au moyen dequoy elle se remit  
en l'eau, & onques puis ne fut veüe. Tout cela est esmer-  
ueilleux

*George  
Trapezon-  
le.*



ueillable: & toutesfois qui est ce qui ne croiroit tels hommes, estans encore fortifiez de ce que i'en diray: Alexandre d'Alexâdrie dit, que de son temps il a esté aduerty de certaine assurance, qu'en Epire maintenant nommée la Romanie, y à vne fontaine pres la mer, en laquelle les enfans alloient querir de l'eau, & que de là aupres sortoit vn Triton, qui se cachoit dedans vne cauerne, s'y tenant en aguet iusques à ce qu'il vist quelque fillette seale, laquelle il prenoit & emportoit quant & luy en la mer, ce qu'il fit plusieurs fois: de quoy aduertis les habitâs, ils mirent des espies en telle sorte qu'il fut prins & conduit deuant la iustice du lieu, où lon le trouua en tous ses membres semblable à l'homme: & pour ceste cause ils essayèrent de le garder, luy donnant à manger, mais il ne goustâ de chose quelconque qui luy fut presentee: par quoy il mourut, tant de faim, que pour estre par trop de iours en eslement à luy estrange, du tout diuers, & contraire à son propre naturel. Ceste histoire est aussi racontée par Pierre Glie auteur moderne, es liures qu'il a fait des bestes, & dit plus, que demeurant à Marseille, il ouyt dire à vn vieil pecheur, homme fort veritable, que son pere luy auoit affirmé pour verité, qu'il auoit veu homme Marin pareil à ceux que nous auons dit, qui fut présenté au Roy René de Prouence. Par ainsi donc vne chose approuuée de tant d'auteurs, & que le monde tient pour certaine, ne doit estre reputée mensonge, ains tenue pour veritable.

*Alexâdre  
d'Alexan-  
drie, liu. 3.  
des iours  
geniaux.  
chap. 8.*

*Pierre  
Glîe.*

*En quelle sorte on parloit au commencement du monde,*

*& la diuision des langues.*

#### CHAP. XXII.

**L**ors du premier aage du monde, & auparauant le deluge. & encor quelque temps apres, les hommes généralement parloyent vne seule langue, car il n'y auoit point diuersité de langage, ny homme qui n'entendist l'autre, quand il parloit. La diuersité & cōfusion des langues, qui à fait tant de dommage, cause tant de trauaux, & qui les alleste continuellement, par les pechez des hom-



hommes leur a esté enuoyee de Dieu. Ce que Moÿse recite en l'histoire de Genesé, & raconte, que croissant la malice & presumption des hommes, naquit Nembrot arriere nefueu de Noé par la ligne de Cam & assez d'autres audacieux de la mesme nature, lequel determina faire vne tour qui ioindroit au ciel, & cela faisoit-il pour la souuenance du deluge: car il auoit ouy dire, que Dieu l'auoit enuoyé en terre, par ainsi il pensoit resister au vouloir de Dieu. Iosephe en parle aussi disant qu'il trouua tant de gens qui luy ayderent à bastir ce merueilleux edifice, que l'œuvre creut haut & superbe; & si escrit Iosephe, qu'il en firent les fondemens si profonds & si larges, qu'encore qu'elle fust de ceste incredible hauteur (dont sont mention les lettres) si est ce qu'elle sembloit plus large que haute. Mais Dieu voulant chastier ceste outrageuse entreprinse, non toutesfois avec la peine meritee, leur donna incontinent tant de maniere de parler, & tant de langues confuses, que ceux qui premierement s'entendoient en vne seule lague, furent diuisez en septante deux: au moyen dequoy, tel discord s'esmeut entr'eux, par defect de s'entendre, que non seulement l'œuvre encommencé demeura imparfait, mais chacun se tirant avec ceux qui les entendoient s'en allerent habiter en diuerses contrees: & pour ceste cause fut nommee tour Babel, c'est à dire confusion. Isidore dit, qu'elle estoit haute de cinq mil, cent soixante & quatre pas, toute faite de pierre de brique, liee avec argille, au lieu de ciment: de laquelle argille y à de beaucoup de sortes en ce pays là. En ce lieu là mesme où fut bastie la tour selon Iosephe, Isidore, Sainct Augustin, & Orose, fut aussi edifiee la tres fameuse cité de laquelle sont racontees tant de grandes choses, nommee Babylone, sur la riuier d'Eufriates, de laquelle prendrent leurs noms, les terres, & contrees circonuoinnes, comme Caldee, & Mesopotamie. L'Escripture sainte mesme en est d'accord, disant que le commencement du regne de Nembrot fut en Babilone, parquoy il faut estre de mesme opinion avec ces auteurs, que Nembrot edifia ceste renommee cité de Babilone, laquelle fut depuis emmuraillee & fort ennoblie par Semiramis, & Ni-

*Iosephe li. 1.  
des Antiquitez.*

*Isidore liu. 15. des Etimologies.  
Iosephe 1.  
August.  
Orose.*

*Genes. 7.*



& Ninus: Or pour retourner au propos des langues, la question est digne d'estre mise en dispute, à sçavoir laquelle estoit celle que tous les hommes parloyent auparavant la confusion & diuision d'icelles. Sainct Augustin meut l'argument, & determine que la premiere langue estoit l'Hebrayque, & celle mesme que les Iuifs tiennent encore, laquelle selon ce qu'on peut tirer de la Bible, & que Sainct Augustin en iuge fut conseruee en Eber, de qui vint Abraham & les Hebreux: pource que luy ny pas vn seul de son lignage ne se voulut trouuer à l'edification de ceste tour: au moyen dequoy sa famille qui n'auoit voulu consentir à tel peché ne sentit point de la peine: partant est à presumer qu'en Eber, & en sa famille demeura saine & entiere l'ancienne & premiere langue nullement confuse, & qu'elle demeura ferme on ceste maisonnette, estant perdue en tous les autres: de là vint que d'Eber fut depuis nommee la langue Hebraïque. Plusieurs Hebreux ses successeurs l'affirment: tellement que ceste langue est celle que parloit Adam & ceux du premier aage, conseruee en Eber, & ses successeurs Abraham & Iacob, & celle-la mesme en laquelle escriuoit Moysé. Telle est l'opinion de S. Augustin & d'Isidore, qu'on doit plustost croire que ceux qui dient la Caldäyque estre la premiere, & lesquels neantmoins peuuent estre excusés, pource que ces deux langues sont fort voisines & coniointes, ayant grande conformité aux caracteres de leurs lettres, & en beaucoup d'autres choses. Encores est-on en doute, si deux enfans, ou plus grand nombre venans de naistre estoient nourris & esleuez en lieu où personne ne parlast, quelle langue ils parleroient, les vns dient que ce seroit en Hebreu, autres, que ce seroit en Caldeen: mais Herodote dit que l'experience en a esté faicte sur la contention aduenue entre les Egyptiens & les Frigiens: pource que chacune nation se pretendoit premiere, & plus antique que l'autre, & estre les premiers qui habiterent les villes. Pour vider lequel different, ils accordent qu'on nourriroit deux enfans en la sorte cy dessus declaree, & en lieu, où ils n'ouysent aucunement parler, & que la langue en laquelle ils commenceroient à proferer naturelle.



rellement fust repute'e la premiere : & par consequent ceux qui là parloyent les plus anciens: il dit apres, qu'un Roy d'Egypte leur fit nourrir deux enfans en desert, ausquels nul homme ne parla en quelque sorte que ce fust : & paruenus à l'aage de quatre ans, il les fit mener deuant luy, & ils dirent en sa presence par plusieurs fois ce mot Ber, qui signifie pain, en l'ague Frigienne: pour ceste cause, ceux de Frigie furent de tous appelez les plus anciens. Herodore l'escrie, & plusieurs autres l'approuent & recitent: toutesfois si la chose est tenue pour veritable, il peut estre que ce seroit, que par accident ces deux enfans auroyent entendu, & ouy la voix de quelques brebis ou autre beste par les champs ainsi beillant & prononçant, & qu'ils l'auroyent appris de là. Mais qu'à moy, ie suis d'aduis, que quand deux enfans seroyent ainsi nourris, qu'ils parleroyent la premiere langue du monde, qui est l'Hebraïque: encore oseroy-je bien dire qu'ils feroient naturellement, & d'eux mesmes, un langage nouveau, & donneroyent noms estranges aux choses, comme nous voyons que les enfans de leur propre nature s'imposent à ce qu'ils demandent: en sorte qu'il semble, que leur naturel les enseigne, à former un langage tout neuf, auparauant que d'apprendre celui de leurs peres: par ce moyen l'experience nous pourroit bien tirer de doute, si quelque homme trop curieux le vouloit faire. Non pourtant, chacun se peut arrester à l'opinion qui luy semble meilleure, puis que cela n'importe.

La diuision des aages du monde, & des choses notables aduenues en iceux. Et aussi du commencement des regnes.

#### CHAP. XXIIII.

**C**ombien que chacū prenne plaisir à parler des aages du monde, & des choses aduenues en l'un, & de ce qui a esté veu en l'autre: si est-ce qu'il y en a beaucoup qui ne scauent pas comment s'en fait la diuision, ny quels ans se donnent à chacun d'iceux. L'aage & la vie du monde iusques aujourdhuy est diuisee par la plus grande partie des auteurs en six parts ou aages: encore que quel-



quelques vns se persuadent qu'il y en ait sept, qui est la division qu'en ont fait les Hebreux. Mais ie suyuray Eusebe, & la commune opinion de tous les historiens qui en mettent six. En apres sur la diuision de ces aages, il y a encore si grande confusion & difference entre eux, qu'on ne s'y peut asseurément resoudre. Il semble principalement que les auteurs les diuisent en deux parts, l'une desquelles suit la computation des septante-deux interpretes qui ont traduit le vieil Testament de la langue Hebrayque en la Grecque, les autres suyuent les Hebreux, & le texte commun de la Bible. De tous lesquels ie reciteray les opinions. Le premier aage du monde se conte par l'opinion commune, depuis que Dieu le crea iusqu'au Deluge vniuersel, qui fut l'enfant de ce monde, lequel aage dura long temps : & si est à croire que pendant ce temps il est aduenü entre les hommes beaucoup de choses notables, encorres que n'en ayons histoire ne memoire aucune, sinon en ce que l'Escripture sainte dit, qu'apres que Dieu eut creé Adam & Eue, & auparauant luy, toute autre chose, & qu'il luy eut donné la Seigneurie de tous les animaux de la terre, & Poissons de la mer, Adam engendra deux enfans qui furent Cain & Abel, lesquels mirent sur terre plusieurs autres enfans, dont sortirent grands peuples. Moysé escrit apres que Cain edifia en Orient vne ville qu'il nomma Henoc, comme vn fils qu'il auoit de la premiere ville portant ce nom. En ce temps Lameth fut le premier bigame, & qui eut la hardiesse de prendre deux femmes, de l'une desquelles il eut vn fils nommé Tubal, qui trouua la musique des voix, des Violes, & des Orgues. Cain trouua l'art de forger & d'engrainer. Pendant cest aage furent les Géans, desquels plusieurs auteurs escriuent, & dient qu'ils estoient de merueilleuse grandeur & force, malins & robustes outre la puissance humaine : & finalement pour le peché des hommes, vint le general Deluge sur la terre, par lequel tout humain lignage fut noyé, excepté Noé, & ceux qu'il reserua quant & luy en l'arche. Et dura cest aage, selon les Hebreux, mille six cens cinquante six ans, à quoy s'accordent Philon, Beda, saint Hierosime, & le

*Le premier aage du monde.*

*Edificatio de la premiere ville du monde, & son no.*

*Contrariété d'opinions sur la loquesse du temps du premier aage.*



L'aage se-  
cond.

\* liure 2.  
des anti-  
quitez.

Commen-  
cement du  
regne des  
Scites.  
Troe Pom-  
pee, Iustin  
Cham su-  
nommé Zo-

commun texte de la Bible: selon les septante interpretes, Eusebe, & autres historiens, il dura deux mille deux cens quarante deux: S. Augustin dit deux mille cent septante deux: & Alphonse Roy d'Espagne deux mille huit cens octante deux. Le second aage commença en Noë apres qu'il fut sorti hors de l'Arche, & dura iulqu'à la naissance d'Abraham qui eut de duree selon les interpretes, Eusebe, Isidore, & la plus grande partie des Chroniques, neuf cens quarante deux ans: mais les Hebreux en dient beaucoup moins, & se le font que de deux cens nonante deux ans: de laquelle opinion sont Philon & Iosephe: saint Augustin le fait de mille septante deux ans. Il nous est pareillement demeuré bien peu de certitude des choses aduenues en ce temps, & ne s'en trouuent point d'histoire particuliere, ains seulement d'aucunes choses en general, touchant le commencement des regnes, & des habitateurs des Provinces. Noë sortit de l'Arche & planta la vigne, & luy aduint ce que chacun scait: il engendra, & ses enfans aussi, plusieurs autres hommes, de sorte que le monde commença fort à se peupler, Cham second fils de Noë engendra Cus, duquel sont descendus les Ethyopiens: il engendra aussi Mesrain, duquel sont venus les Egyptiens: & Canaan d'où sont venus les Chanaanens. L'autre fils nommé Iaphet engendra Gomer & Magog, desquels sont descendus autres peuples, ce qui seroit long à reciter. La tour de Babel fut en ce temps edifiee, & aduint la confusion des langues, par le moyen de laquelle est aduenue (selon Iosephe \*) que les hommes se separerent en diuerses Prouinces & isles pour y demeurer, Durant cest aage, Tubal fils de Iaphet vint habiter en Espagne, qu'il erigea en Royaume, & y commença son regne: quelques vns disent qu'il auoit nom Subal, ou Tubal fils de Falec neveu d'Eber. Le regne des Scites commença aussi en ce temps-là es parties Septentrionales, & ont tousiours pretendu leur regne preceder tous autres en antiquité, ainsi que recite Troge Pompee & Iustin: tellement qu'entr'eux & les Egyptiens il y eut pour raison de ce, fort grande controuersie. Dès lors fut trouué l'art magique & les enchantemens par Cham qui encores fut nommé Zoroastres. Sur la fin de cest



cest aage, & peu auparavant la naissance d'Abraham se *voastres*  
 lon Eusebe & Beda, le tres-puissant regne des Assyriens *inmenteur*  
 se commençoit à esleuer, ayans pour le premier Roy de l'art  
 Bellus, qu'aucuns dient estre Iupiter : & le second Ni- *magique.*  
 nus, au temps duquel naquit Abraham, & lequel Ni- *Le regne*  
 nus conquist grande quantité de villes & provinces. En- *des Assi-*  
 cor y auoit-il en Egypte vne autre sorte de regne nom- *riens.*  
 mé Dynastie, où le premier regnant fut nommé Veyor  
 ou Vezor, selon Eusebe, lequel met pareillement sur la  
 fin de cest aage le regne des Sicions en Pelopponese,  
 maintenant appelée la Moree, d'où Agesilaus fut le pre-  
 mier Roy. En ce mesme temps commença l'idolatrie &  
 Gentilité. Voyla ce que nous pouuons confusément sca-  
 uoir du second aage, en la fin duquel la tres-renommee  
 cité de Ninie fut edifiée en admirable grandeur : car *Edificatio*  
 selon l'Escripture elle auoit trois iournees de circuit. In- *de Ninie.*  
 continent apres commença le troisieme aage en la nais-  
 sance d'Abraham, continuant iusques à David, & dura  
 sans contrariété d'auteurs neuf cens quaratre deux ans,  
 ausquels le seul Isidore en adioust deux, lequel aage  
 nous pouuons bien nommer l'adolescence du monde, *Le tiers*  
 pource qu'en iceluy toutes choses alloient en grande *aage.*  
 augmentation. Au commencement se faisoient les me-  
 morables actes de Semiramis, femme de Ninus, laquelle  
 se feignant estre le ieune Ninus son fils, & ayant mué  
 son habit feminin regna long temps, & conquist avec les *Semira-*  
 armes grandes terres & provinces, elle reedifia & enui- *mis.*  
 ronna de murs la fameuse cite de Babilone. En ce mes-  
 me temps fut la pefgrination d'Abraham par le com-  
 mandement de Dieu, & la victoire qu'il eut sur quatre  
 Roys, pour sauuer Loth qu'ils emmenoyent prisonnier.  
 On met aussi en ce temps là le commencement des *Commence-*  
 Amazones. Et pareillement florissoient en Egypte les *ment des*  
 Roys appelez Faraons. Aussi furent destruites Sodome *Amazo-*  
 & Gomorre. Au temps d'Isaac commença le regne des *nes.*  
 Argiens en Theffalie, & du temps de ses enfans Iacob &  
 Elau commencerent à regner les Roys de Celse, dont le  
 premier se nommoit Acie. En apres Ioseph fut vendu aux  
 Egyptiens, ainsi l'histoire le recite: & pareillement, côme  
 son pere & ses freres, & leurs enfans allerent en Egypte,



\* S. Aug.  
es liures  
de la Cité  
de Dieu.

où le peuple d'Israel qui estoit descendu d'eux, vescu quatre cens trente ans selon Beda, & \* Saint Augustin durant cest aage, Hercules de Libie passa aux Espagnes, ou il regna, apres que Iuer Brige, Taga, Beto, Gerion & autres y eurent regné, desquels Berole & autres auteurs font mention. En ce temps fut fondee la ville de Seule qui n'en recognoist au monde vne seule plus ancienne, selon ce qu'on peut recueillir de Berole, & autres. Premièrement elle estoit nommee Ispalis, du nom d'Ispale fils ou nepueu d'Hercules, qui regna en icelle, & lequel comme on dit, la fit edifier, cōbien que Isidore die qu'elle fut nommee Ispalis, pour auoir esté bastie en lieu marcescageux, & que pour l'edifier il falut faire des palis: quoy qu'il en soit toutesfois ceste ville d'Ispalis fut depuis nommee Espagne, ainsi le certifient Troge Pompee, Iustin & plusieurs autres. Vray est que depuis Iules Cesar la nomma Seule, & l'ennoblit grandement, & si fut faite Colonie, & demeure des Romains: ce neantmoins, elle estoit auparauant grande & noble. Mais pour reuenir à nostre propos, par succession de temps Moysse vint à naistre, sous la conduite duquel les Hebreux sortirent d'Egypte. En ce temps fut aussi Iob le iuste: puis apres vint le deluge de Theffalie, & commencement à croistre beaucoup de regnes en diuerses prouinces. En Ethyopie regna premierement Ethyope: en Sicile, Sicule: en Boecie Boece, ainsi les contrees receurent les noms de leur Princes: vn autre nommé Sarde, se fit Seigneur de Sardagne. Lors florissoit la ville de Troye, & fit Iason la conqueste de la roysen d'or, d'où procede l'histoire de Medec. Les Amazones estoient lors en leur grande force: & commençoit le regne des Latins en Italie. En ce mesme aage Paris raut Helene, qui fut cause de la guerre & destruction de Troye, & de la venue d'Enee en Italie, avec plusieurs autres choses qui ne peuent supporter briefueté, & adonc faillit le tiers aage, qui ceda au quatriesme, entrant au commencement du regne de Dauid, second Roy des Hebreux: Lequel quatriesme aage dura iusqu'à la transmigration & perigrination des Iuifs en Babilone, & fut de quatre cens octante cinq ans: Beda dit quatre cens septante quatre.

Le deluge  
de Theffalie.

Les quatre  
ages.

C'est



C'est aage se peut nommer la ieunesse du monde, pendant laquelle sont aduenues infinité de choses, dont les histoires sont pleines. Là eurent leur origine les victoires du bon Roy David: Il veinquit les Philistins: Il se vengea des Amoniens pour l'iniure qu'il firent à ses ambassadeurs, & si tua le capitaine des Assyriens. Apres luy succeda au regne le sage Roy Salomon, qui edifia le riche temple de Ierusalem: luy mort son regne fut diuise, & succeda Ieroboam à dix familles, & Roboam son fils à deux. Depuis l'Empire des Assyriens, qui auoit duré plus de douze cens ans, fut ruiné par la mort de Sardanaple, qui en estoit Seigneur, & le plus puissant Roy du monde, lequel fut rusé par Arbaces, & vint l'Empire aux Medes. En ce mesme aage entrerent en regne les puissans Roys de Macedoyne, & comencerent les Grecs à conter leurs ans par Olympiades, qui estoient festes, & luirs, lesquelles se faisoient de cinq en cinq ans. avec certains prix, pour le mieux faisans. Aussi fut edifié par Didon la puissante cité de Carthage, & peu apres Rome par Romulus & son frere Remus, où commencerent les Roys à regner. La grande ville de Bizance fut aussi edifiée en ce temps là, qui depuis a esté nommée Constantinople. Encore aduint il de grandes guerres & mutations de Seigneuries en plusieurs parties du monde, dequoy les histoires sont pleines, & principalement en la fin de cest aage. Nabuchodonozor Roy des Medes & de Babylone, alla sur Ierusalem qu'il destruisit & le réple pareillemét, puis emmena le peuple de Iudee, prisonnier avec luy: & de là est nommée la transmigration de Babylone. A laquelle commence le cinquième aage du monde, qui va jusqu'à la Natiuité de Iesus Christ, Dieu & homme, nostre Sauueur & Redempteur: & dura tel aage cinq cens octante neuf ans, par la computation de tous. Durant ce temps y eut des puissans Roys & grandes Republiques au monde, en sorte que c'est merueille de lire & contempler les choses grandes qui y sont aduenues, les mutations, les ruines des estats, les ordres des grosses armées, bref il est meilleur s'en taire que les tant abbreger. Quasi à la venue de cest aage commença la monarchie des Perses, desquels le regne fut lors le plus puissant de

*Nota de  
bien enten-  
dre ce mot  
Inuenire.*

*Les s. aages.*

*La monarchie des Perses.*



*Tomiris  
Royne des  
Scites. Ro-  
me gouuer-  
nee par Cō-  
suls.*

*Les armes  
et les let-  
tres en Gre-  
ce. Philippe  
de Mace-  
done.*

*Les plus  
excellens  
hommes de  
Grece.*

tous, par le moyen des victoires de ce grand Cyrus, qui regna trente ans, pendant lesquels il veinquit & desconfit le riche Roy Cresus de Lidie, puis fut desconfit & mis à mort par Tomiris Royne des Scites. Septente ans accomplis de cest aage, les Hebreux sortirent de leur captiuité & fut fait & reedifié le temple, qui auoit esté destruit. En l'Europe les Romains chasserent leur Rois, & se gouvernerent par consuls: dont le premier fut, L. Iun. Brut. & puis L. Colatin. En Grece aussi florissoyēt les armes & les lettres, qui amenèrent tant de Philosophes & d'excellēs capitaines. Xerxes y vint avec vn exercire innumerable, mais il fut contraint se retirer avec grande perte & vergongne. Depuis vint à florir en Macedone le Roy Philippe, qui subinga la Grece, mere des lettres & des armes: & laquelle en ce temps-là produisoit les Demostenes, les Temistocles, les Epaminondas, les Agisilas, les Zenons, les Platons, les Aristotes, & autres semblables. Apres la mort de Philippe, son fils Alexandre sortit hors de Grece & entra en Asie, qu'il conquesta, destruisant l'empire de Perse, & par la victoire qu'il eut sur le Roy Darie, il demeura le reste de sa vie monarque de tout le monde: mais luy mort, ses Capitaines diuiserent entre eux les Seigneuries: en quoy faisant discord s'y mesla, qui suscita des guerres & batailles par toute l'Asie, & en grande partie de l'Europe. Semblablement creut outre mesure la puissance des Romains & des Cartaginiēs, car chacun d'eux contendoit & pretendoit commander à tout le monde, & s'attribuer l'Empire. Ces deux forces combattirent par plusieurs fois l'une contre l'autre: en sorte que chacune de ces deux villes produit des Capitaines fort excellens en armes. Cartage mit en auant asdrubal, Hannon, Hannibal: Rome les Fabiens, les Scipions, les Marcells, les Emiles, & tels autres. Finalement apres grande quantité de sang respendu, Rome demeura victorieuse & Cartage desolee, destruite, & l'Afrique tributaire. Ceste victoire obtenue, les Romains superbes & enuieux de la Grecque prosperité, chercherent occasion de guerre, en laquelle la Grece fut prinse & faite tributaire. Non contents de ce, leur auarice les fit passer en Asie, où ils veinquirent Antiochus, puis Mitridates, se



tes, se faifans Seigneurs de toute l'Asie mineur, comme  
aussi ils firent de Syrie, de la Palestine, & d'Egypte: & du  
costé de deçà, de France, d'Espagne, d'Angleterre, & de la  
plus grande parrie d'Alemaigne. Desquelles conquestes  
estās ministres Metellus, Sylla, Marius, Luculle, Pompee;  
Cesar, & maints autres semblables, il aduint que les en-  
uieuses ambitions leur enflerent les cœurs dont s'esmeu-  
rent les guerres ciuiles, voulant chacun d'eux comman-  
der aux autres: mais à la fin l'Empire demeura à Cesar:  
auquel apres maintes fortunes aduenues succeda son  
nepueu ou fils adotif. Octauian, qui apres auoir vaincu  
tous ses ennemis; en iouit pacifiquement, de maniere  
que se voyant en paix & concorde avec tous les Roys &  
republicques du monde, il se fit fermer les portes de son  
Dieu Ianus, qui iamais ne furent fermees en temps de  
guerre. Puis venant l'accomplissement du temps, finit  
le cinquiesme aage du monde: & naquit le Sauueur &  
Redempteur Iesus-Christ, vray Dieu, & vray hommie, en  
l'an de la creation du monde selon les Hebreux, trois  
mil neuf cens cinquante deux ans, & selon les septante  
interpretes, Eusebe, & la plus grande partie des histo-  
riens, cinq mil cent nonante neuf, selon Orose cinq mil  
vingt ans, selon Isidore vn peu moins: & selon Alfonso  
six mil neuf cens octante quatre, qui est beaucoup plus  
que nul des autres. A ceste naissance du Seigneur est co-  
mencé le sixiesme aage, qui a duré iusques aujourd'huy, *Les 6. Ages.*  
& durera iusques à la fin du monde. Et pendant lequel  
grande partie des hommes s'est gouuernee par vn seul  
homme Empereur des Romains. Ces Empeteurs se sont  
maintenus en prosperité par quelque temps de succes-  
sion en autre, mais depuis sont venus les Goths & au-  
tres nations, & encor Mahomet, qui ont donné tant  
de trauerses à cest Empire qu'il est beaucoup diminué,  
en sorte qu'il s'en est fait en maints endroits des Royau-  
mes & seigneuries particulieres: par lesquelles discordes  
& refroidissement de foy, les ennemis de l'Eglise de  
Christ, ont eu moyen de molester les fideles Chrestiens,  
leur ostant plusieurs de leurs terres & prouinces. Ces  
computations du temps des ages, que j'ay recitées sont  
prinses des auteurs alleguez, sainct Augustin, Isidore,



Beda, Eusebe, Philon, Orose, singuliers historiés, Vicent Historial: & pour modernes Pierre d'Aliaque, & par dessus tous Jean Driedon sur les escriptures ecclesiastiques. Les poëtes donnent au monde quatre aages & non plus: Le premier d'or: le second d'argent: le tiers, d'airain: & le quart de fer: monstrant par là, que venant la malice des hommes à croistre, se diminuait aussi l'excellence des métaux, auxquels ils comparoyent le monde: & ainsi en parle Ouide au premier de ses Metamorphoses.

~~~~~

*De l'estrange vie de Diogenes le Cinique, & de ses senten-  
tiuses proportions & responses.*

CHAP. XXV.

**I**L y a eu cinq Diogenes, qui tous ont merité, qu'on fit mention d'eux: toutesfois nous parlerons seulement de Diogenes le Cinique, qui fut excellent en vie & doctrine, les mœurs & conditions duquel, furent estranges, & neantmoins estoient fondees en vertu & bonté. Il veltout toujours en pauvrete volontaire, exposant son corps en toute peine & travail. En Esté il se couchoit sur la sable à la veüe du Soleil, pour se rendre patient à supporter le chaud: & en hyuer il embrassoit les statues de neige, pour s'accoustumer au froid: il mangeoit grosses viandes & mauuaises, afin de n'auoir iamais faute de viures: il n'auoit point de lieu arresté pour sa demeure, en quelque lieu que ce fust, il beuuait, mangeoit, & dormoit: il ne parloit qu'il n'en fut besoin: & ne vestoit le iour que la mesme robe, dont il se couuroit la nuit: il auoit vne poche où il mettoit sa viande telle quelle, & vn baston qui luy seruoit de cheual: quand il estoit malade, il auoit vne escuelle de bois en laquelle il beuuait allant par les champs: mais il la rompit voyant vn enfant boire en sa main, & la mettant en pieces dit: il n'estoit besoin chercher instrument pour boire, puis que nature m'en auoit donné vn: autant en fit il d'vn taillouier de bois, voyant qu'un autre en auoit fait vn de son pain. Ce Philosophe passa la plus grande part de sa vie en Athenes, où il estoit tenu pour auoir esté banni de son pays. Pour loüer, il eut par longue espace de réps vn tonneau desfon-

sé, il



se, il ne se prisoit de chose quelconque, fors de la vertu, & de n'auoir commis peché: tout le reste des honneurs & richesses ne luy estoient rien, il les desprisoit, & aussi ceux qui les possedoyent: il estoit coustumier de dire qu'il s'esmerueilloit fort de ce que les hommes querelloient & se tuoient l'un l'autre pour l'honneur d'un saut, & d'un pas, mais de contendre à qui seroit plus vertueux il n'en estoit aucune memoire. Il comparoit le riche ignorant à la brebis d'or: & quand il demandoit quelque chose qui luy estoit necessaire, il disoit qu'il ne demandoit pas, mais repetoit, donnant à entendre, que ce qu'a le riche procede du pauvre. Il faisoit vne autre chose laquelle pour apparence qu'elle eut de folie, si auoit elle en soy quelque mystere. Car maintesfois il alloit aux images de pierre leur demander l'aumone, comme si elles eussent esté persônes viues: & disoit faire telle chose pour s'accoustumer à patience, lors que les hommes luy refuseroyent. Et quand il demandoit l'aumone en quelque sorte que ce fust, il vsoit de ces termes, si tu es coustumier de donner aux pauvres, baille moy quelque chose, car ie suis le plus necessiteux de tous, & si tu n'as encores donné à personne, commence me faire present. Vn iour il entra au logis d'un homme qui autresfois auoit esté fort riche & prodigue, & neantmoins estoit devenu pauvre, si qu'alors il ne se souppoit que de laitues ameres, au moyen dequoy luy dir si tu eusse tousiours ainsi mangé, tu ne soupperois pas maintenant de telle sorte: voulant luy donner à entendre, que le trop qu'il auoit fait auparauant, l'auoit reduit à ce peu. Vne autrefois quelqu'un demanda quelle morsure de beste estoit la plus dangereuse, & il luy respondit: Quant aux bestes furieuses, celle du mesdisant: & quant aux douces, celle de l'adulateur. On luy demanda encore pour quoy l'or estoit jaune (ou pour mieux dire passe) pource, dit il, que chacun l'assaut, & rient en aguet. Quelqu'un l'enquit, deuisant avec luy: s'il auoit point de seruiteur, il dit que non: & l'autre luy repliqua, qui l'enueleiroit apres la mort, celuy, dit il, qui voudra demeurer en ma maison. Interrogué d'auton quand on se deuoit marier. Le ieune, dit il, se mariera bien tout à temps: quand au



vieil, il n'en est plus de besoin. Par là vouloit-il inferer  
 qu'il estoit bon ne se point marier : toutesfois on pen-  
 soit qu'il le dit, plus par mocquerie, que pour opinion  
 qu'il en eust. Or tout ainsi que Diogenes estoit libre de  
 sa vie, aussi l'estoit-il en paroles : car passant vn iour par  
 vne rue, où estoit vn fort beau logis appartenant à vn  
 seigneur de mauuaise vie, & mal renommé, & voyant  
 en escript sur le portal ces mots : Que rien de meschant  
 n'entre par ceste porte: il se retourna par deuers plusieurs  
 personnes là presens : ausquels il demanda : Par où est-  
 ce que le maistre de leans entre en son logis ? Allant vn  
 iour par les champs, il arriua en vne fort petite ville, &  
 moins peuplée, les portes de laquelle estoient fort  
 grandes : au moyen dequoy il se print à escrier, en di-  
 sant : Citoyens fermez les portes de peur que la ville  
 ne sorte hors. Il voyoit vn iour des arbaletiers qui ti-  
 roient à vne butte, entre lesquels il y en auoit vn qui  
 tiroit tres-mal, & donnoit tousiours fort loin du blanc,  
 venant le tour duquel Diogenes se mit contre la butte à  
 l'endroit du but, dont chascun s'esbahissoit, & il dit, ie  
 me mets icy afin que cestuy-là ne me frappe, pource qu'il  
 tire si loing du lieu où vous visez, que ie ne sçay où me  
 tenir plus leurement qu'à l'endroit mesme de la butte. A  
 vn ieune fils qui estoit beau & bien dispos, mais malin  
 & deshonneste, il demanda pourquoy il pourtoit vne si  
 meschante espee en vne si belle gaine. Quelques vns  
 louoyent vn homme de ce qu'il auoit fait vn certain  
 don à Diogenes, & Diogenes leur dit : mais que ne me  
 louiez vous plustost moy qui ay meritè de l'auoir, vou-  
 lant ce sage philosophe monstrier par sa responce qu'il  
 est meilleur meriter le benefice que le faire. Vne fois il  
 demandoit contre la coustume (car il ne requeroit ia-  
 mais argent en don) à vn qui estoit fort prodigue, vne  
 aismone de grand prix : parquoy l'autre s'enquit pour-  
 quoy il demandoit à luy seulement vne si grande som-  
 me: C'est, dit-il, pource que des autres i'en pourray auoir  
 plusieurs fois, mais de toy ie n'en auray iamais plus : ta-  
 rant par là sa despense desmesurée. Estant vn iour en-  
 quis d'où procedoit que les hommes donnoient plu-  
 stost aux boireux, borgnes, bossus, gouteux, & stropiés,  
 qu'aux



qu'aux philosophes & hommes de sçauoir, il fit responce fort ardue, & de vis esprit, disant: Ils le font pource qu'ils craignent de venir plustost boiteux, & maleficiiez, que philosophes, & sçauans: & partant ils secourent plustost ceux qui sont en l'estat ou ils pensent quelques-fois estre. Les sentences & sages responses de ce philosophe sont infinies, lesquelles nous rairons pour estre assez vulgaires. Il estoit fort sage & docte en toutes sciences: il fut disciple d'Antistenes, du temps de Platon & d'Aristote: Il desprisoit les arts & sciences qui estoient sans profit, & ceux qui estudioient plus pour sçauoir, que pour exercer la vertu. Il reprenoit les astrologues qui se trauailloyent à contempler le ciel, & cependant ne regardoyent à ce qu'ils auoyent entre les mains. Il disoit au musiciens qu'ils sçauoyent bien moderer les instrumens, & non pas les affections & inclinations mauuaises. A vn Astrologue qui parloit fort asseurement du cours des estoilles, il demanda combien y auoit de temps qu'il estoit reuenu du ciel. A vn logicien, qui avec ses Sophistiques argumens vouloit prouuer qu'il n'y auoit aucun mouuement, il ne fit autre responce en commençant à cheminer: Cela te semble il point mouuement: Or estoit la renommee de ce philosophe desistant espendue par le monde, que venant Alexandre le Grand en Athenes, il voulut le voir & visiter, & deuisa avec luy de quelques points concernans la vertu, puis Alexandre luy dit. Le voy bien, Diogenes, que tu es pauvre, & as besoin de beaucoup de choses, pource demande ce que tu voudras, ie le te donneray. Auquel Diogenes respondit: lequel te semble de nous auoir le plus de necessité, ou moy qui ne desire que ma rasse de bois avec vn petit de pain: ou toy qui estant Roy de Macedoine, t'exposes à tant de perils pour estandre ton Royaume, tant qu'à peine le mode suffir à ton auarice. Diogenes fut vne fois prins de certains courlaixes Atheniens, toutes-fois il ne perdit iamais le cœur ny la parole en la prison, & estant conduit en la place pour estre vendu au plus offrant, quelqu'un se trouuant là, demanda au trompetre qui auoit charge de vendre, quelle autorité il auoit de l'exposer & mettre en vente, & s'il estoit fers ou non.

Dioge-



Diogenes dit adonc au trompette, respons-luy que tu  
 vens vn seruiteur qui sçait commander aux maistres &  
 les gouverner. Aulugelle & Macrobe dient qu'il donna  
 ceste response à Geniades, qui fut celuy qui l'acheta, & le  
 fit pedagogue de ses enfans. Le iour qu'il acheta, en le  
 menant en son hostel, Diogenes luy disoit (comme s'il  
 eust esté l'acheteur :) Regarde Geniades, il faut que tu  
 m'obeisses en tout ce que te conseilleray & comman-  
 deray. A quoy luy respondit Geniades, ce seroit contre-  
 droit & raison que le seruiteur commandast au maistre:  
 & Diogenes luy dit, ne te semble il point si vn malade  
 achetoit vn docte medecin, qu'il feroit bien de luy obeir  
 & suyure son cōseil: & tout en pareil cas vn marinier s'il  
 achetoit vn pilote? Si donc cela est veritable pour la  
 maladie & infirmité corporelle, combien plus celuy qui  
 à besoin de doctrine & de conseil pour l'ame, doit il  
 obeir au philosophe & sçauât. Toutes ses choses obserua  
 Geniades: car il prenoit l'aduis de Diogenes sō seruiteur  
 en toutes les affaires, & le fit maistre de ses enfans, les-  
 quels despuis il instruisit & enseigna. En ceste sorte &  
 avec ces exercices Diogenes vescu nonante ans. Quel-  
 ques vns dient qu'il mourut par la morsure d'un chien:  
 autres dient que ce voyant vieil & caduque, sans force &  
 annuyé de viure avec ceste mesme constance qu'il auoit  
 vescu, il se causa la mort le mesme iour que mourut Ale-  
 xandre le Grand. Vn peu deuant qu'il rendist l'ame, ses  
 disciples le voyans fort vigile & pres de son trespas, luy  
 demanderent par la bouche de l'un d'eux, ou il vouloit  
 estre enseveli: ausquels il respondit, qu'il vouloit qu'on  
 le laissat sur la terre: dequoy eux tous esmerueillez, luy  
 dirent qu'il estoit mal conseillé, pource que le laissant  
 ainsi, les oiseaux & les bestes le mangeroient: & il leur  
 fit response, que pour empescher que les oiseaux & les  
 bestes ne s'approchassent, on mit sō baston aupres de luy.  
 De laquelle response ils se prindrent tous à rire, luy di-  
 sant que cestoit folie de faire telle chose, car les morts  
 ne voyent ny ne sentent: & si n'ont ne vüe ny sentiment:  
 dit encore, que me chaut il si plustost les oiseaux me be-  
 querent, & les bestes, me mangent, que d'estre deuoré  
 des vers de la terre? Diogenes n'auoit point desir d'em-  
 ployer;



ployer son thresor en sepulchre, cōme font auourd'huy les hommes aueuglez.

*Des variables natures des hommes, outre les naturelles inclinations, & d'ou procede la cause.*

CHAP. XXIV.

**L**A diuersité des cōplexions & inclinations des hommes est chose esmerueillable, & moult à considerer, car entre tant qu'il y en a, il ne s'en voit point, ou bien peu, qui soyent conformes de nature l'un à l'autre. On trouuera vn homme qui aura en horreur vne sorte de viande, & les autres diront n'y en auoir point de plus saueuse. Les vns dient ne pouuoir manger qu'en compagnie, & les autres n'auoir plaisir en leur repas, s'ils ne sont seuls. Toutes lesquelles choses rendent tesmoignage de la grande puissance de Dieu, & de son infini sçauoir, qui a sçeu & voulu donner tant de variables complexions entre tant de multitude. Pareillement on cognoit combien grande est la force des estoilles & corps celestes, comme secondes causes sur l'inclination des hommes. Car posé le cas que l'homme ait tousiours son liberal arbitre, si est-ce, que les diuerses dispositions & actions, les variables promptitudes, complexions, & cōditions sont causees, apres la volonté de Dieu, par l'influence des estoilles & planettes, comme causes secondes & instrumens, avec lesquels Dieu est seruy, parce qu'ils operent es corps inferieurs. Et pource qu'en ceste infinie multitude il y a des choses plus notables & apparentes que les communes, nous traiterons d'aucunes choses tirees d'auteurs bien approuuez. Seneque escrit d'un nommé Senecé, qui estoit riche, mais de cōplexion fort estrange: car tout se qu'il vouloit pour son seruice, il le cherchoit excessiuelement grand, & n'en vouloit point autrement. Les tasses en quoy il beuuoit, il les achetoit si grandes, qu'à peine le pouuoit-il soustenir à deux mains: il cherchoit cheuaux de monstrueuse grandeur, & ce qui estoit encore plus ridicule, c'est qu'il chaussoit des souliers plus grands quatre ou cinq points que ses pieds. Il alloit à grand pas, & sur le bout des pieds, pour sembler plus



plus grand qu'il n'eſtoit. Il auoit en horreur les petites femmes, ay moit & cherchoit celles qui eſtoient de hauteur deſmeſuree. Il ne mangeoit iamais de figues, oliues, pois, chiches, & ſemblables autres petits fruits: il auoit ceſte meſme fantaſie en toutes autres choſes. Il portoit ſes robes ſi longues, qu'elles trainoyēt en terre: le ſemblable faiſoit-il en lits & en tables: en ſorte qu'il eſtoit ſurnommé Senece le grād. Plinc eſcrit de Marc Craſſe ayeul de l'autre Marc Craſſe Triumuir, qui fut occis par les Parthes, & le nôme Agelaſte, pource qu'il ne fut iamais veu riant: Nous trouuons de Socrates, que iamais on ne le vid ny ioyeux, ny melancolique, plus à vne fois qu'à l'autre. Et de Pomponius le poëte, que iamais il ne rota. De Marc Antoinc, qu'il ne cracha onques. C'eſt auſſi choſe contre toute cōmune nature, ce que de ſoy meſme dit le doctc Pontan, qu'il ne ſentit onques aucune poignure, ou douleur en ſon corps: & quelquefois il ſe laiſſoit choir tout expreſ, & neantmoins n'en ſentoit rien. Au meſme lieu, qui eſt dans le liure des choſes celeſtes, il recite auoir eſté vn homme, qui ne but iamais ny vin ny eau: & qu'une fois le Roy Ladislas de Naples luy en fit boire, mais il ſentit bien que cela luy faiſoit grand mal. Je ne ſçay ſ'il eſt plus eſmerueillable, que ce que Theopraſte eſcrit d'un nommé Penin, que tout le temps de ſa vie ne mangea, ny ne beut autre choſe que de l'eau. Ariſtore eſcrit d'une fille, laquelle ayāt eſté en enfance nourrie de venin, s'en nourrit tout le reſte de ſa vie, comme nous de viandes naturelles. Albert le grand aſſeure auoir veu à Cologne en Alemaigne vne ieune fille, qui s'accouſtuma de tirer les areignes des murailles, & les mägea, tellement que le reſte de ſa vie elle en veſcut. C'eſt auſſi choſe digne de grande merueille que S. Auguſtin eſcrit, auoir veu en ſon temps vn hōme qui remuoit ſes oreilles ainſi qu'un cheual, maintenāt l'une, tantōſt l'autre, & ores toutes deux enſemble, combien qu'Ariſtore main-  
 tienne l'homme ſeul entre tous les animans ne pouuoit remuer l'oreille. Il dit encore plus que ſans remuer la teſte, & ſans y toucher des mains, il ſouſleuoit tous ſes cheueux, & les iettoit ſur ſa face, puis les releuoit & retour-  
 noir derriere ſon cheſ: choſe certainement eſtrange, &  
 de mer



de merueilleuse dextérité. Raconte d'auantage, qu'il y auoit des hommes qui contrefaisoyent le chant des oyseaux, avec telle perfection que les mesmes oyseaux estoient trompez, telmoin le Viscontin moderne. Aussi recitoit-il encore estrange dextérité, assez sale toutesfois, d'un homme, qui avec le vent inferieur, & sortant des parties basses de l'homme, faisoit tel son qu'il vouloit, & avec telle mesure, qu'il sembloit qu'il chanrast. Bref, on lit vne infinité de choses contre le commun usage, soit ou au sens de l'ouïe, de la veüe, ou en legereté de course. Solin & Pline escriuent d'un qui estoit nommé Strabon, lequel (du temps de la guerre Punique) voyoit d'un des promotoires de Sicile partir les nauires du port de Carthage en Afrique, & les contoit toutes, encor qu'il y eust plus de cinquante cinq lieuës de distance. Et de Anistis Lacedemonië luy estât opposé Philonide nourri & esleué d'Alexandre le Grand, ils coururent mil deux cës stades, qui sont plus de cent soixante mil pas. Ils racontent encore d'un laquais de l'aage de neuf ans, qui du temps de Pline auoit couru depuis midy iusques à la nuit, la distance de septante cinq mil pas. Quinte Curse en l'histoire d'Alexandre, escrit d'un nommé Philippe, qui estoit frere de Lisimaque, lequel estant armé suiuit sans repos Alexandre qui cheuauchoit à grãde haste iusques à deux cens stades, qui sont vingt quatre mil pas en Geometrie. Platon escrit de Socrates, que homme viuant ne pouuoit supporter tant de peine que luy, ny iamais ne se reposoit, encore qu'il le peut faire: au contraire il supportoit sans peine la faim & la soif qui tuoyent les autres, & quelquefois alloit à la guerre sans se trouuer las ny debile, & quand il auoit abondance de viande il ne mangeoit point plus que les autres. Au réps des grãdes froidures & gelees que nul n'osoit sortir hors des tentes & des loges sans estre bien fourré, Socrates sortoit seulement vestu de la mesme robe qu'il portoit en Esté, & si marchoit sur la neige à pieds nuds, sans souffrir plus que ceux qui estoient bien chauftez: Aucunesfois il se tenoit tout vn iour debout sur pieds sans bouger de la place, ny se remuer, & passoit puis apres toute la nuit ensuiuant sans faire vn seul semblant de sommeil. Pline  
fait



*Excellence  
du ſcul-  
pteur Ca-  
licrates.*

*Pli. liu. 7.  
chap. 2*

*Bon reſ-  
moignage  
de Plin.*

ſait mention d'un homme ayant la veuë ſi excellente, & la main ſi ſubtile, qu'il eſcruiſt toutes les Iliades d'Homere en vne carte ſi petite & deſſiee qu'on l'enfermoit entierement dedans vne coque de noix. Le meſme Plinẽ & Solin dient d'un nommé Calicrates, qu'il eſtoit ſi bon graueur & ſculpteur qu'il faiſoit en Yuoire des mouches & des formis entieres & parfaites, & ſi petites, qu'il falloit auoir la veuë bien ſubtile pour le voir. C'eſt encore choſe fort eſmerueillable de la propriété & qualité de pluſieurs hommes, ſoit en biẽ, ſoit en mal. Car il eſt tout notoire qu'il y a des hommes & des femmes en certains endroits qui ont les yeux venimeux: & que ſeulement en regardant ententiuelement quelque choſe, moyennant l'acuité de la veuë la rendent infecte, & y font dommage manifefte, ce qui s'appelle enſorcellement pour le regard des enfans. Auſſi Solin & Plinẽ dient qu'il y a eu en Afrique vne famille qui auoit ce priuilegẽ que regardant vn prẽ par courroux, il ſe ſechoit incontinent, & pareillement les arbres, & ſi faiſoyent mourir les enfans. Il y auoit auſſi en Scitie des femmes de ceſte meſme qualité. Les medecins antiques affermẽt y auoir des hommes au monde qui ſont venimeux, non ſeulement de la veuë, mais auſſi de la ſaline. Et que le ſang d'un homme rouſſeau, ſ'il eſt tiré luy eſtant en courroux, c'eſt venin: & au contraire, Dieu a donné priuilegẽ à quelques hommes de guarir la morſure d'un chien enragé. Ces propriétés ſe cognoiſtrẽt encore en cas de moindre efficace: car caſt choſe certaine, que telle perſonne tuera vne piece de volaille, qui viendra ſoudain à ſi grande putrefaction qu'on n'en pourra manger: encore ſera-il telle heure, que telle perſonne ſalera de la chair qui ne prendra ſel, ains ſe corrompra incontinent: ce qui n'aduiendra pas à d'autres. Le meſme Plinẽ aſſeure que de ſon temps il y auoit pres de Rome vne lignee, dont les hommes paſſoyent par dedans le feu ſans bruler, & vne autre famille qui eſtoit nommée Marſes, qui guerifſoit les morſures des Serpens. avec le ſeul toucher de la main: dequoy ſont d'accord pluſieurs auteurs Et ſi eſt choſe aſſeuree, que quãd Plinẽ afferme quelque choſe pour certaine, que chacun luy preſte foy, encore qu'il die maintefois des choſes qui meri-



meritent peu de creance: mais si faut il noter que iamais il n'affirme ce qu'il a ouy dire à autrui, ains seulement ce qu'il a veu & expérimenté. C'est aussi chose esmerueillable ce que Suetone escrit de Tybere Empereur: il dit, que quand il se leuoit de nuict, bien qu'il fust en lieu obscur & sans lumiere, il voyoit clair par longue espace de temps, comme s'il y eust eu vne chandelle allumee, puis apres il perdoit la veuë entierement. Quinte Curse & plusieurs autres dient que quand Alexandre le grand suoit, la sueur rendoit vne odeur douce & suauë. Beaucoup d'autres escriuent de plusieurs autres hommes qui furent ainsi priuilegez en aucunes choses: mais pource que l'ay tousiours protesté d'estre bref, ie m'en tais, presupposant que pour monstrier la diuerse propriété des hommes il suffira des exemples alleguez qui sont vrais, & tesmoignez par anciens historiens dignes de foy: & non par Poëtes, dont ie ne fais cõte, pour en tirer verité, car ils ne recitent que choses trop merueilleuses: comme Virgile escrit de la legere promptitude de Camille Royne des Volsque: Carule, d'Achile, Ouide, d'Atlante: & ce qu'escrit Stace de Fidin: Et Sidonie, d'Olset marinier d'Alexandre, Iguine, d'Orion fils de Neptune, Claudian de Licaiste, & plusieurs semblables de maints autres.

~~~~~

*De la grandeur de l'Empire Romain, & comme, & en quel temps il commença à decliner.*

CHAP. XXVII.

**I**L ne semble point qu'il y ait consideration qui donne cognoissãce plus certaine & entiere de l'instabilité des choses mondaines, que celle de la grandeur en laquelle estoit iadis l'Empire de Rome, l'accomparã à ce que les Empereurs Romains en possèdent maintenant. Car anciennement la plus part de ce qui est cõtenu & habité en Europe & Afrique, estoit subiect à l'Empire Romain, & pareillement grande partie de l'Asie. Ils auoyent soumis à eux, France, Espagne, Angleterre, Allemagne, avec toutes les Prouinces d'Italie, & isles Mediterranees, toute la Grece, Thrace, Macedone, Hongrie, Poulongne,



Dace, & comme nous auons dit, la plus grande part de l'Afrique, Mauritanie, Numidie, Carthage, Libie, & beaucoup d'autres Royaumes, & Prouinces, Egypte, & tous les confins : En Asie, l'Arabie, Syrie, Iudee, la Palestine, Mesopotamie : & si passerent & estendirent leur Seigneurie iusqu'aux renommez fleues de Tygris & Euphrates : ce qui fut au temps de l'Empereur Traian, qui estendit ses limites iusqu'aux Indes Orientales, ayant subiugué les villes de Seleucie, Ctesiphonte & Babilone, & requit en Prouinces l'Armenie, & l'Albanie. Auparuant ils auoyent toute l'Asie mineur, le Pont, Pamphilie, Cicilie, Galacie, Bitinie, Cappadoce, & plusieurs autres regions. Toute laquelle longueur & largeur d'Empire s'est restraite (par la pusillanimité de quelques Empereurs) en vne seule & petite partie d'Allemagne & d'Italie, dont nous dirons comme, en quelle sorte, & quand s'est commencé à diminuer l'Empire. La principale donc & plus notable playe qu'ait receu l'Empire de Rome, & le commencement de sa ruine proceda des Goths gens fort renommez en armes, descendus de la Scirie Septentrionale pour destruire & ruiner tout le reste du monde : & pour en dire la forme, ie retourneray quelque peu en arriere pour reciter briuefuet l'histoire : car vouloir amplement escrire combien de fois les Goths ont molesté & affrôré cest Empire, quâtes Prouinces ils ont destruites, & par quantes fois ils ont esté repoussez, quelles victoires ils ont eues, & aussi qu'ils ont esté vaincus par les Empereurs & Capitaines Romains, le discours en seroit trop long : parquoy suffira d'atteindre seulement l'endroit qui nous enseignera la fin de nostre propos commencé. Je laisseray aussi (pour fuyr la confusion des opinions) à disputer, de quelle part de la Scirie ils descendirent, & pareillement à declarer lesquels furent qui se nommoient Ostrogots, & quels les Visigots, pour ce qu'en cela n'y a autre difference, fors que les Ostrogots tirent plus vers Orient. Conclusion ils estoient tous Goths, & ainsi les nommeray ie sans faire difference entr'eux. Or laissant donc plusieurs choses sans en faire mention, Corneille Tacite escrit que du temps de l'Empereur Domitian les Goths prindrent l'audace de mener



mener guerre à l'Empire Romain, contre lesquels fut vne fois enuoyé Oppie, Sabin, & apres luy fut enuoyé Corneille Fufan : qui tous deux vainquirent les Goths, & les chasserent de toutes les terres de l'Empire. Et quelque peu de temps apres, l'Empereur Traian leur accorda la paix, ayant premierement receu assurance d'eux, avec promesses qu'ils se tiendroyent en leur pays en repos : ainsi demurerent nonante ans. Mais ce terme expiré, recommencerent à s'esmouuoir, & entrèrent derechef és terres de l'Empire, à quoy s'opposa l'Empereur Antonin, & les vainquit. Vingt ans apres ils s'esmeurent encore, essayans passer le Danube, ce qui fut empesché par l'Empereur Gordian. Dix ans passez aduertis de sa mort, & au temps de l'Empereur Philippe ils leuerent vn exercite de trois cens mille hommes, & subiuguèrent le pays de Thrace & de Misie, sans qu'on peust leur faire resistance. Enorgueillis de ceste victoire, & long temps apres la mort de Philippe renouellerent la guerre lors du regne de Decius son successeur : & entrans par le pays de Rome, Decius alla au deuant en bon equipage, & leur donna bataille, en laquelle (apres cruelle effusion de sang) les Romains perdirent : & y demeura Decius, qui onques puis ne fut veu, ny vis ny mort, & y mourut pareillement son fils. Depuis quasi tous les successeurs de ce Decius se sont tousiours foiblement portez és guerres qu'ils ont eues contre eux : en sorte que du temps de l'Empereur Valerian, qui fut vaincu de Sapor Roy de Perse, les Goths conquirent la Thrace & Macedone, & pareillement en Asie la Bitinie & Nicomedie. Depuis ils furent vaillamment combatus & desconfits en Achaïe par Mactrin. Apres ces choses, vint à succeder à l'Empire Claude second de ce nom, qui leur presenta bataille, voire l'une des plus cruelles & mortelles dont les histoires facent mention : car on tient pour certain qu'il y mourut trois cens mille Goths, du reste desquels l'Empereur fut victorieux : & les chassa hors de tous les pays qu'ils auoyent gaigné auparavant : outre ce qu'il print si grãde quantité d'eux qu'il n'y auoit maison en l'Empire où il n'y eust vn Goth esclau. Ce qu'ils se sont tant de fois restaurez & assemblez en guerre,




apres tant de desfaites receuës par plusieurs Empereurs, est vn clair argument & tesmoignage de leur grande multitude & puissance: car tousiours apres leur destruction on les voyoit retourner les armes en main, tout ainsi que s'ils n'eussent en aucune aduersité. Aduint quel que temps apres que l'Empereur Emilian se presenta contre eux en bataille, où fut tué Canobie leur Roy avec cinquante mille Goths, qui auoyent voulu commencer la guerre, tellement qu'ils furent quasi du tout ruinez: mais s'estans commencez à repeupler par la reuolution de trente annees, ils recommencerent à refaire nouueaux amas de gens, pour se venger des ruines passees, & leuans grand nombre de combatans occuperent la Sarmacie. Au moyen dequoy l'Empereur Constantin le grand, qui estoit passé en Constantinople pour y tenir son siege Imperial, chemina contre eux, les vainquit, & desfit, en sorte que les Goths las de vaincre & d'estre vaincus, demanderent à Constantin la trefue, puis la paix, & le vindrent seruir en la guerre contre Licinie, ainsi qu'ils auoyent fait auparauant avec Maximian Empereur contre les Parthes: & ainsi par plusieurs fois comme confederes & amis des Romains, ils en receurent solde, pour ce qu'ils estoient reputez hommes vaillans & aguerris. Depuis ceste derniere route ils se reposerent plus de soixante ans en la Scitie, dont ils estoient premierement partis, & ne les craignoit on plus à cause qu'ils estoient encores rompus des trauaux passez: parquoy ils viuoient là en paix & repos. A la fin duquel temps, aduint que quelques autres peuples nommez Huns, qui estoient pareillement de la Scitie, & plus prochains des monts Rifees que les Goths, ayans guerre & haine contr'eux, pour ce qu'ils estoient voisins en furent finalement victorieux, & comme les plus forts chasserent les Goths de leurs terres, lesquels se voyans chasser & en grande multitude, contrains par necessité, enuoyerent leurs Ambassadeurs vers l'Empereur Valens, le prier qu'il leur voulast donner quelque pays où ils peussent habiter, & comme ses vassaux luy faire obeysance. Ce que l'Empereur leur accorda, & leur faisant passer le Danube leur laissa le pays de Misie, ainsi que l'escriit Orose, où ils se tindrent en paix,



paix, iusqu'à ce que deux capitaines de l'Empereur Valens, nommez Maxime, & Licinie, qui leur auoyent diuisé & party les lieux où ils deuoyent demeurer, & qui estoient là pour la garde du pays, les traitterent mal, les pillans tyranniquement, & les faisans souffrir, par leur extreme auarice vne faim intolerable. Pour ceste cause furent-ils contrains prendre les armes pour occuper par force ce qui leur estoit denié par amour. Et passant plus outre que ne s'estendoit leur demeure, ils entrerent par la Thrace, destruisans le pays, & s'accageans les bourgs & les villes. Contre laquelle impetuosité l'Empereur Valés s'opposa, leur presentans bataille, en laquelle il fut vaincu, & estant frappé d'un dard, se mit en fuite, & se cacha en vne maison de village, où les Goths victorieux l'attaignirent, & le bruslerent là dedans. Puis suyans leur victoire assiegerent la ville de Cōstantinople, qui fut vaillamment defendue par l'Emperiere Dominique, femme de Valens. A cest Empire succeda son nepueu Gratiā, pendant le regne duquel les Goths glorieux d'une telle victoire assaillirent l'Empire Romain, & y firent la guerre en tant de lieux, qu'il fut en grand danger d'estre perdu. Ce que voyant Gratian, & cognoissant le danger & la peine où il estoit, aduerti de la renommee de Theodose natif d'Espagne, qui estoit tres-vailant homme, en paix, & en guerre: l'esleut pour compagnon en l'administration de l'Empire, & le fit capitaine contre la furie & fierté des Goths. Et comme l'Empereur Nerva successeur de Domitian, se voyant vieil, & l'Empire aller en decadence, auoir iadis appelé pour succeder apres luy, le bon Traiā natif de la mesme ville d'Espagne, lequel avec sa prudence & valeur, non seulement defendit l'Empire, mais l'augmenta en grandeur de terres & de richesses, plus que nul autre. En ceste sorte Gratian esleut Theodose, que plusieurs estimoyent estre du lignage de Traian, & lequel deuint si excellent capitaine, & depuis si sage Empereur, qu'il eut maintes victoires sur les Goths, desquels il fit mourir si grand nombre qu'il les contraignit à demander paix, & les rendit tributaires à l'Empire, en leur offrant tout ce qu'ils auoyent usurpé, & tellement les abbatit, que tout le temps de sa vie ils luy furent paisiblement subiects,



& prenoient ſolde de luy pour le ſeruir en ſes guerres, & ſi n'eurent pendant ce temps Roy ou capitaine qui ne leur fuſt donné par luy. Ainſi demeura l'Empire de Rome en paix, qui fut reſtauré par luy en ſa premiere autorité, bien que ce ne fuſt ſans peril de ſa perſonne, & ſans grans travaux. Mais apres la mort de Theodoſe, telle Seigneurie retomba, encore qu'elle ſe fuſt touſiours augmentee depuis onze cens ans, & depuis ce temps vint en telle decadence qu'onques puis elle n'a peu ce releuer: ains par la nouuelle recheute qu'elle à eue par Mahomet elle eſt quaſi retournee en celle pauvreté, en laquelle ſa grandeur print ſon origine.



*L'aſſaut & prinſe de Rome par les Goths.*

CHAP. XXVIII.

**T**heodoſe mourant laiſſa deux fils, l'un nommé Honorius, & l'autre Archadius, avec vne fille appellee Placide: entre leſquels il diuiſa l'Empire: & pource qu'ils eſtoient encore fort ieunes & incapables de regner, il leur laiſſa deux notables tuteurs, l'un nommé Ruſin, & l'autre Stilicon: Ruſin pour la partie d'Orient, & Stilicon en Italie & Occident: Ce Stilicon eſtoit fort bon capitaine & ſage, & l'autre pareillement tres-vaillant, & homme de grande entreprinſe. Au moyen dequoy l'ambition & enuie de dominer ſe mit entre eux, leſquels voyans les enfans trop petits determinerent chacū d'eux de pratiquer l'Empire: Ruſin pour ſoy-mesme: & Stilicon pour ſon fils: Et pourtant que cela ne ſe pouuoit faire facilement, & à cauſe que ceux de l'Empire portoient affection aux enfans de Theodoſe, ſe ſouuenans de la vertu & bonté du pere, chacun d'eux le plus couuertemēt qu'il pouuoit, deſiroit & cherchoit le moyen que l'Empire fut en guerre & neceſſité, afin qu'eux eſtant hommes de grand fait peuſſent touſiours cōmander, & auoir autorité ſur tous: & que par l'election qu'on feroit d'eux, comme autrefois on auoit fait de conſuls & capitaines, ils peuſſent (venant l'occafion) s'immicer en la domination de l'Empire. Le premier d'eux qui ſe deſcourrit, fut Ruſin: car ayāt par quelque moyen ſuſcitē les eſtrangers à faire



à faire guerre, & estât esleu capitaine, essaya se faire nom-  
mer Empereur, à quoy il faillit: & pour ceste cause fut  
mis à mort par l'ordonnance d'Honorius, qui estoit desjà  
grandelet. Stilicon qui estoit plus accord, sceut mieux  
prendre le temps, mariant Archadius avec vne de ses  
filles, ce qui deuoit estre occasiō de luy oster ce mauuais  
propos. Ce neantmoins cherchant par tous moyens de  
mettre son entreprise à fin, sollicita secrettement les  
Goths, les Vandales, les Huns, & autres gens barbares, à  
s'esmouuoir contre l'Empire, en les assaillant luy mesme  
quelquefois, & prouoquant à guerre: & encore leur en-  
uoyant des gens, qui leur donnoient esperance de pou-  
uoir conquerir quelque pays sur l'Empire. Ce qu'il fai-  
soit sous espoir d'estre esleu capitaine se sentant le plus  
excellent en armes qui fust en ce temps-là: car encore  
qu'Honorius & Archadius fussent desjà adolescens; si  
est-ce qu'ils n'estoyent gueres ententifs au gouuerne-  
ment de l'Empire. Or venans les Goths à main armee, &  
estant Stilicon esleu capitaine contr'eux, il eut quelques  
victoires, mais c'estoit en telle sorte qu'elles n'estoyent  
generales, afin que la guerre ne fust si tost finie: en quoy  
faisant il s'acquit telle reputatiō, que tout ce qu'il faisoit  
estoit approuué. Cependant les Goths esleurent Alaric  
pour leur Roy, qui avec grosse armee vint en Italie,  
contre lequel se presenta Stilicon en grande puissance,  
& bien qu'il eust beaucoup endommagé le Roy des  
Goths, si est ce que lon voyoit appertement, qu'il eust  
peu leur faire beaucoup plus de dommage. Au moyen  
dequoy Alaric homme de bon entendement & bien  
preuoyant, s'aperceut que Stilicon ne vouloit du tout  
finir la guerre pour ne perdre le moyen de commander,  
disant que pour vaincre du tout il n'attendoit que la de-  
scente de quelques autres nations Barbares, nommez  
Vandales qu'il disoit, pour certain venir contre l'Em-  
pire, du lignage toutesfois desquels il estoit descendu,  
tellement qu'il esperoit par leur faueur & secours s'em-  
parer facilement de l'Empire, & y mettre son fils. Par  
aini estant Alaric deuement certifié des menées de Sti-  
licon il en aduertit Honorius, le priant de luy accorder la  
paix, pource qu'il ne cherchoit qu'un petit de pays pour y



demeurer avec ses gens, offrant luy faire fidele seruice, l'Empereur aduerti de ceste entreprinse & de plusieurs autres menees, avec les soupçons qui luy suruindrent à propos, cōmença à cognoistre clairement l'intention de Stilicon, toutesfois il fit semblant de ne s'en estre apperceu pour l'heure, accordant la demande d'Alarie, auquel il permit d'habiter en vne portion de la Gaule. Durant que ces choses se faisoient se passerent plusieurs iours, eiqnels fut deliberé & conclu contre l'intention de Stilicon. Et combien qui suyuant l'accord, Alarie se fust remuë avec son armee, pour aller prendre possession du lieu qui luy estoit assigné pour sa demeure. Ce neantmoins Stilicon prattiqua secretement avec vn capitaine de sa gensd'armerie qui estoit luif, nommé Saul, lequel feignant auoir quelque particuliere querelle contre les Goths trouua moyen qu'un iour de Pasques auquel les Goths (comme Chrestiens qu'ils estoient) celebroyēt la feste, il les print au despourueu, les assaillit, & en tua ce qu'il peut, pensant que par ce moyen la guerre renouuellerait, & qu'il seroit de nouueau remis en son office & dignité, qui finissoit en temps de paix. De fait le luif en assouuit son desir, & assaillant les Goths en fit grād boucherie, mais à la fin il en paya l'amande, par la perte qu'il y fit de sa vie, car s'estans les Goths assemblez se ruerent sur luy & ses gens, & le ruerent avec la plus grand part des siens. De laquelle tromperie Alarie fort animé ramena ses bandes contre celles de Stilicon, qui fit semblant d'en auoir peur, & ne vouloit en quelque sorte que ce fut, prendre iournee: partant de pescha vne trompette pour demander plus grand secours à l'Empereur: lequel aduerti des façons de faire de Stilicon, & ayant crainte de luy enuoya au camp, avec grosse armee telle gens qui le ruerent. & son fils aussi, oubliant par tout la raison de sa mort, & la trahison qu'il auoit deliberée. Et combien que Honorus eut bien pourueu à ce scandale & danger, si ne peut il mettre bon ordre à la creation d'un nouueau capitaine assez excellent, & digne de son camp: tellement qu'Alarie pensant, peut estre, que cela fut adueni par la propre volonté de l'Empereur, ou plustost pour auoir cogneu le tēps luy estre propice avec opportunité,



En alla droit vers Rome sans trouuer aucun empeschem-  
ment, & mettant à feu, & à sang tous les pais par ou il  
passoit, mit le siege deuant la ville, en l'an de la fonda-  
tiō, onze cens soixante quatre ans: mais ayant trouué au  
premier assaut que par la bonne defence des Romains  
il ne l'auoit peu prendre, il assiegea de toutes parts fort  
estroitement &, y dura ce siege deux ans entiers. Plusieurs  
auteurs ont ainsi escrit de l'assaut & prinse de Rome par  
Alaric, & toutesfois ils ont si briefuement descrit les actes  
& armes qu'on y fit, qu'il ne s'en trouue quasi rien. Ceux  
qui en ont escrit, sont, Paul Orose au septiesme liure, &  
Paul Diacre en l'histoire d'Honorius. Iornandes en l'hi-  
stoire des Goths, saint Augustin au premier, & septies-  
me liure de la cité de Dieu, saint Hierosme au com-  
mencement de son epistre, comme chose aduenue de son  
temps: Isidore aussi en parle en l'histoire des Goths, avec  
autres modernes, lesquelles s'accordans ensemble dient  
qu'il aduint ainsi. Encore dit on, que cōme Alaric alloit  
marchant contre Rome, ainsi que Chrestien bien que  
furieux & cruel, au deuant de luy vint vn moyne de grā-  
de autorité, & sainte vie, toutesfois n'a esté possible  
de sçauoir de quel lieu il estoit, qui ayant audience d'A-  
laric, l'admonesta & conseilla de laisser ce mauuais pro-  
pos, luy disant qu'il se souuinist d'estre Chrestien: que  
pour l'amour de Dieu il moderast son ire: aussi qu'il ne  
denoit prendre plaisir à voir espandre tant de sang  
Chrestien, veu que Rome ne l'auoit en rien offensé.  
Auquel Alaric respondit: Tu dois sçauoir homme de  
Dieu, que ce n'est point de ma propre volonté que  
i'ay contre Rome: au contraire l'assure que chacun  
iour il me vient vn homme au deuant qui m'y con-  
traint & m'en importune, me disant aduance toy, va cō-  
tre Rome, destruis là toute entierement, & la mets en  
desolation. Dequoy le religieux estonné ne luy osa plus  
repliquer: par ainsi ce Roy suivit sō entreprise. I'ay trou-  
ué cela escrit aux Annales de Constantinople: de sor-  
te qu'il semble que ceste aduersité de Rome soit vne spe-  
ciale verge de Dieu. Paul Orose l'affirme aussi disant que  
tout ainsi que Dieu tira Loth de Sodome, qu'il auoit de-  
libéré d'abîmer: aussi deliura il le Pape Innocent I.



qui quelques iours auparauant le ſiege, eſtoit ſorti de-  
 hors pour aller voir l'Empereur Honorius qui eſtoit à  
 Rauenne: toutesſois Platine dit que ceſte aduerſité ad-  
 uint à Rome au temps du Pape Zozime, mais il peut  
 eſtre qu'elle commença durant la Papauté de l'un, & ſe  
 finit au temps de l'autre. Sainct Hieroſme eſtoit auſſi en  
 ces ans là hors de Rome, & faiſoit penitence eſ deserts  
 d'Egypte. Eſtant donc Rome aſſiegee, ou les Goths &  
 Romains firēt de grands exploits d'armes: Les Romains  
 tindrent ſi bien que la famine les aſſailit en ſorte que  
 ſainct Hieroſme dit, que quand la ville fut prinſe, il s'y  
 trouua peu de priſonniers, pource que la famine enra-  
 gea les auoit conſomméz & fait mourir quaſi tous, iuſ-  
 qu'à leur faire manger des viandes infectes, & que l'un  
 mangeoit l'autre: la mere ne pardonnoit pas à l'enfant  
 qu'elle nourriſſoit, car la faim la contraignoit de le re-  
 mettre en ſon ventre, d'où il eſtoit ſorti peu auparauant.  
 Il y a entre les auteurs variété, en quelle ſorte Rome  
 fut prinſe Procopie Grec, dit, que voyant Alaric les for-  
 ces ne ſuffire à la prendre, ſe determina de l'auoir par  
 tromperie, parquoy faignant vouloir leuer le ſiege, fit  
 vne certaine maniere de trefues, & enuoya dans Rome  
 trois cens priſonniers de la ville, qu'il auoit pratiqué  
 pendant leur priſon, & auſquels il ſe conſioit, leur ayant  
 donné l'inſtruction de ce qu'ils auoyent à faire par le  
 moyen de leur promiſe liberté, avec grandes promeſſes:  
 & venu le temps deſigné, les priſonniers qui eſtoient en  
 liberté en la ville, en nombre de trois cens, prindrent  
 l'une des portes malgré les gardes d'icelle, & y entra de-  
 dans Alaric avec ſes gens en grande impetuofité. Au-  
 tres dient, que par le commandement & induſtrie d'une  
 grande Dame de Rome, cete porte fut miſe entre les  
 maints des Goths, & que ce qu'elle en fit procedoit de la  
 pitié qu'elle auoit, de voir ſouffrir extremes maux aux  
 pauures gens: iugeant en ſoy-meſme que les ennemis  
 ne pourroyent tant faire de mal en la ville, que faiſoyent  
 les meſmes Romains. Il y en a d'autres qui dient qu'elle  
 fut prinſe à force d'armes, ne pouuant plus ceux de de-  
 dans reſiſter contre les Goths. Mais quoy qu'il en ſoit, ils  
 ſont tous d'accord qu'aparauiſt que perſonne y entraſt,



le Roy Alaric fit crier sur peine de la mort, que nul de ses gens fut si hardi de toucher à créature vivante de ceux qui s'en seroyent fuis à sauueté dans les Eglises, principalement de celles de saint Pierre, & saint Paul, ce qui fut obserué, tout le reste de la ville fut saccagé & pillé: & y mourut plusieurs milliers de personnes, & beaucoup qui furent prins prisonniers: entre lesquels fut la sœur de l'Empereur nommée Placide, laquelle fut prise en la puissance d'Attaulfe vn des principaux de l'armee, & parent bien prochain d'Alaric lequel Attaulfe quelque temps apres, la print à femme. Le iour ensuyuant, ils se firent entierement Seigneurs de la ville: & pour faire plus d'ignominie à l'Empire, & pour leur passe-temps, les soldats firent Empereur vn nommé Attale, & le menerent par la ville en habit d'Empereur, & le lendemain, le firent seruir en esclave. Ainsi demeurerent les Goths trois ou quatre iours dans Rome: puis ayât mis le feu en certains endroits de la ville, en sortirent d'autre costé. Et l'Empereur Honorius, avec ces piteuses nouvelles estoit à Rauene, sâs se soucier de la misere en laquelle estoit la ville, dôt il portoit le tiltre d'Empereur. C'est la premiere fois que Rome depuis quelle fut en sa force, a esté soumise au pouuoir des estrangers, car de ce que les François y entrerent du teps de Brenne, ie n'en fais point de conte, pource que ce fut au temps que Rome ne faisoit que comencer, & qu'elle n'estoit pas si forte qu'elle a depuis esté. Mais apres ce temps des Goths, la ville & Empire ont tousiours tourné en decadence, & maintes autres fois depuis, elle a esté destruite, & assubiettie, dont nous en conterons bieufement les plus notables succez, afin que le lecteur cognoisse la fragilité des regnes, & puissances mondaines, & comme Rome iadis Dame des nations vniuerselles, a esté faicte seruo, & subiette de toute maniere de gens. Peu de iours apres qu'Alaric fut sorti de Rome, il voulut faire voile vers Sicile, mais fortune le repoussa en Italie, & mourut à Consence ville de Calabre: par la mort duquel les Goths esleurēt pour leur Roy cest Attaulfe, qui auoit prins à femme Placide fille de l'Empereur Theodose: lequel se voyât Roy, retourna à Rome, en intention de l'acheuer de ruiner iusques aux fonde



fondemens, luy oſter ſon nom, & la depeupler entièrement: ce qu'il euſt fait, ſi les larmes de ſa femme ne s'y fuſſent entrémêſſées par interceſſion. Ces choſes exécutées avec maintes autres, les Goths ſortirent d'Italie, mais quarante ans après les Vandales, qui ſont auſſi peuples Septentrionaux y ſurindrent, ſous la conduite de leur Roy, nommé Genſeric, & entrèrent en Italie, avec force gens d'Afrique, ſur leſquels ils auoyent dominé: & venans à Rome, y entrèrent ſans aucune reſiſtance, pour ce que la plus grâde partie des habitans s'en eſtoit fuy: La dedans demeurèrent les Vandales, & leur Roy Genſeric par l'eſpace de quatre iours, pendant lequel temps, ils la pillèrent & s'accagerent, puis mirer le feu dedans en pluſieurs endroits. Vingtſept ans enſuyuans la prinſe faite par les Vandales, qui fut en tout ſeptâtedeux ans, après que les Goths eſtoient entrés ſous Alaric, le Roy des Eſrules & des Toringues nommé Odoacre, vint avec grande puiffance contre la ville de Rome: quoy voyans les citoyens, & qu'il ne pouoyent reſiſter à ſi grande force ſortirent dehors, & le receurent amiablement, & en paix: ſi que, ſe faiſant nommer Roy de Rome, il y regna par quatorze ans. Deſpuis venant Zenon à ſuccéder à l'Empire, enuoya de Conſtantinople, où il demouroit, Theodoric Roy des Goths, qui en ce temps eſtoient amis de l'Empire Romain, & vint Theodoric contre Odoacre avec groſſe armee pour recouurer Rome: ce qu'il fit, & ayant victoire contre Odoacre, le chaſſa non ſeulement de Rome, mais auſſi de toute l'Italie: & print pour luy le nom & le Royaume, & s'en fit Seigneur par l'eſpace de trente ans en paix, & ſans contredire: luy mort, ſon ſils Alaric y regna encore huit ou dix ans avec ſa femme Amalaſonge. Depuis & après quelques trauaux de guerre, ayant Juſtinia ſuccédé à l'Empire, les Goths retournerent derechef en Italie, ſous l'enſeigne de leur très-cruel Roy Totile, eſtans Bellifaire & Narſes hommes très-excellens, & de ſupreme valeur en armes, & capitaines en Italie pour l'Empereur Juſtinian, leſquels veinquirent les Goths par diuerſes fois, en l'an de noſtre Seigneur, cinq cens octante. Ce Totile après auoir par pluſieurs fois aſſiéſſié Rome: & en maintes cruelles batailles, finalement par



par la trahison de quelques vns qui estoient dedans, il l'obtint: estant Pelage souverain Euesque, qui fut trouué dedans: par les larmes & prieres duquel, fut esmeu Totile à faire moderer l'occision & cruauté dont ses gens vsoient enuers le peuple. Cela fait, le cruel Roy enuoya ses ambassadeurs demander paix à Iustinian, & pource qu'il ne luy accorda liberalemēt, ains le remettoit à Bellisaire; qui lors estoit capitaine general en Italie contre luy, en fut grandement despitē, à cause dequoy il executa ce qu'il auoit mandé à l'Empereur, qui luy refusoit la demande: car il destruisit quasi entierement la ville, & ne resta pas seulement la tierce partie des murs: il fit brusser le Capitole & la plus grande partie de la ville, voire tout ce qu'il peut, commandant aux habitans de vider dehors. De fait, apres les auoir diuisez en plusieurs villes circonuoisines, il emmena quand & luy plusieurs des Senateurs, & des plus apparens de Rome, laissant la ville tout inhabitee: & les plus beaux & somptueux edifices, entierement desolez: & en fut telle la ruine & destruction, qu'onque puis on ne la peut remettre en sa premiere forme: encore que Bellisaire (apres y auoir entré) reparaist grande partie des murs & des logis, & donnaist aide aux Princes Romains, fortifiant leur ville au mieux qu'il pouuoit, & faisant retourner en Italie les habitans dispersēz aux lieux voyzins pour y demeurer de nouveau: aussi fut Rome tellement reparee, qu'elle estoit forte assez pour resister à la seconde fois, que Totile y retourna mettre le siege: Mais pource qu'au partir que Bellisaire fit d'Italie, il auoit emporté quand & luy le courage, par lequel ils estoient efforcez de se defendre, y suruenant Totile pour la seconde fois, il la print, vltimement d'effets contraires aux premiers: car au lieu de la destruire, il se trouua de la restaurer en ce qu'il l'auoit ruinee, & y fit retourner les citoyens, qui s'en estoient fuis, auxquels il fit grand chere, & bien venuē. Quelques auteurs dient, que la cause de ceste mutatiō proceda de ce qu'il auoit enuoyé en France demander en mariage vne des filles du Roy, qui luy fit responce qu'il ne la luy vouloit point donner pour ne le recognoistre Roy d'Italie: car s'il en eust esté Roy, il ne l'eust pas destruite, ains  
se fust



ſe fut efforcé de la maintenir en ſes droits. Autres afferment que ſe repentant de ſa cruauté paſſée, il auoit voué à ſainct Pierre & ſ. Paul de reſtaurer Rome : mais quoy qu'il en ſoit, il en aduint ainſi, & fuſt ceſte la dernière fois que les Goths entrèrent en Rome : laquelle ils perdirent bien toſt apres, eſtans veincus par l'excellent Narſes, capitaine de l'Empereur Juſtinian, qui les ietta totalement d'Italie, où onques puis ils ne s'entrèrent. Toutesfois ils monſtrèrent aux autres nations, que Rome pouuoit eſtre veincüe & priſe: Car peu apres les Longobards ſuruiurent en Italie leſquels ſe faiſans ſeigneurs de la Gaule Cifalpine, qui à leur occaſion eſt maintenant nommée Lombardie, trois ans apres la ruïne de Totile vindrent ſous le Roy Clouis, & tindrent le ſiege deuant Rome, faiſans de grands dommages aux lieux circonuoyſins, encore qu'il ne priſſent la ville. Quelque temps apres, & viuant le Pape Gregoire troiſieſme, Liutfrande leur Roy l'aſſiegea pareillement, & eſtant pres de la prendre, il en laiſſa l'entreprinſe, à la priere de Charles Martel. Depuis lequel & en l'an ſept cens cinquante deux vn autre Roy de ces Longobards, nommé Attauſe, l'aſſiegea encore, au temps du Pape Eſtiene ſecond : & combien qu'il n'entraſt en la ville, ſi fit-il aux enuirs la plus cruelle enuahie qui euſt eſté depuis le temps de Totile, ne que luy meſme euſt faite. Et ſi Pepin Roy de France, & pere du grand Charlemagne, n'y fuſt allé au ſecours, certainement ils fuſſent entrez dedans, & l'euffent entierement deſtruite, ainſi qu'ils auoyent deſia commencé par dehors. Ceſte calamité paſſée, Rome eut quelque reſpir par la faueur de Charlemagne, & auſſi pource que l'Empire paſſa en Occident. Toutesfois par ſucceſſion de temps, & en l'an de noſtre Seigneur 833. eſtant Pape, Gregoire quatrieſme, & Empereur, Louys, les Mores, Sarrazins, diſciples de Mahomet, avec gros exercite deſcendirent en Italie, & ayans deſtruit Cencelles (à preſent nommée vieille-ville) allerent contre Rome qu'ils aſſiegerent, & la prindrent, profanans le temple de ſainct Pierre: puis ayans fait maintes ignominies, & brûlé tout ce qu'ils peurent, retournerēt en leurs nauires, chargez de pluſieurs priſonniers.



niers, proyes, & despoüilles. Rome ayant enduré toutes ces infortunes, Gregoire septiesme vint à succeder au pontificat, qui eut de grandes guerres contre Henry Empereur d'Allemagne: lequel poursuivant la haine amenes gés deuant Rome, en laquelle il assiegea le Pape: mais les Romains se defendirent courageusement, & luy resisterent, avec telle obstination, que le siege dura long temps. Toutesfois en vne bataille qui se fit, il print la ville, au moyen dequoy le Pape se retira au chasteau de S. Ange, auquel lieu estant assiégué, il eut pour secours grand nombre de Normans, & voyant l'Empereur qu'il ne les pouuoit bonnement atteindre, il destruisit premierement plusieurs edifices de Rome, puis s'en partit laissant en la ville la plus grand' part de son armee, pour la defendre avec quelques Romains, qui estoient de sa faction. Estans donc les Normans arriuez avec quelques autres du parti du Pape, ils entrerent en la ville, où les deux armees combattirent ensemble par plusieurs fois: & en fut tel le dommage que la ville receuoit de chacun costé, que la plus grande part en fut bruslee: car par special tout ce que les Normans pouuoient attraper de leurs ennemis, fussent maisons ou autres choses, il estoit bruslé, abbatu, & mis par terre. Le Capitole, mesme, qui auoit esté refait de nouveau, & où les gens de l'Empereur Henry s'estoient fortifiez, fut derechef bruslé. Finalement les Normans, & la partie du Pape, furent victorieux, estant Rome tellement ruynee & desolee, qu'onques depuis elle ne fut restauree, ny ne sera iamais en son premier estat. Ceux qui en ont escrit afferment que Totile, ny iamais aucune autre nation, ny firent onque si grand dommage, qui soit à comparer à celuy qu'elle reçut pour lors. Qu'il soit vray, on y voit pour le iourd'huy des vignes, des iardins, & autres places vuides, où il y auoit en ce temps là des Eglises, & autres choses fort notables, la grande ruine desquelles, est aduenue en l'an mil octante deux. Partant quiconque considerera bien ces infortunes, trouuera qu'il n'y a quasi nation au monde, ayant iadis esté subiecte à Rome, qui ne soit venue en diuers temps la saccager. Et pour dernier exemple en nostre temps, à cause de nos pechez, & particulièrement de



de ceux qui habitoient leans, l'exercite Imperial, qui estoit des Espagnols, & Allemans par secret iugement de Dieu. s'en alla deuant ceste ville qui fut prise & saccagee & pource qu'au premier assaut, feu Charles, Duc de Bourbon, prince François, & l'un des plus braues hommes de son tēps, qui pour lors estoit capitaine general de l'Empeur, y fut tué: estans les soldats en liberré, ils firent, des cruantez enormes: voire toutes celles qu'on pouuoit penser, excepté de mettre le feu aux Eglises. Ce qui proceda (comme il est à presumer) par la iustice de Dieu, encore que les executeurs d'icelle ne fussent sans grand pēché: car il est besoin qu'il vienne scandale, mais malheur à qui le commettra.

L'excellence & les loizanges du trauail, & dommage  
qu'engendre oysiueté.

СНАР. XXIX.

Nous auons par la loy & commandement de Dieu, qu'il faut trauailler en ce mode: car le premier homme, ayant enfreint le commandement de Dieu, fut chassé de Paradis terrestre, & la terre luy fut baillee pour en iouyr, à la charge neantmoins de la laboure, en continuél trauail, qui ne luy fut point limité à temps, ains éstoit qu'il viuroit: & encore non seulement au premier homme, mais aussi à toute sa posterité. Et toutesfois encore que par la sainte Escriture ce trauail soit donné à l'homme pour penitence, si est-il propre medecine pour remedier au mal passé: pource que par son trauail on vient à regagner ce qui a esté perdu en mangeant: & de tant plus (bien que ce fust pour chastiment) que Dieu n'a point commandé chose qui ne fust bonne de soy, tellement qu'il a donné à l'homme le trauail pour iouyr de la terre: lob dit que l'homme est né pour trauailler. Voyez nostre Sauueur & Redempteur Iesus Christ, qui à l'exemple de nous tous, a trauaillé continuellement en pénible exercice iusques à la mort. En vne de ses paraboles il reprent & blasme les vierges qui dorment, & sont oyssies parmi la place, & fauorise celles qui trauail-  
lent.



lent, disant en vn autre passage : Venez vous qui estes chargez, & ie vous soulageray : Si nous nous mettons à lire, nous trouuerons que les anciens Saints ont tousiours employé le temps en continuel exercices & labours. Qui plus est, le travail est non seulement salutaire à l'ame, mais sain aussi au corps, car il le rend agile, dispos, & fort : il accroist les bons esprits, & consume les mauuais humeurs. Et quand à l'ame, il luy oste l'occasion de mal faire, la destournant des mauuais pensees. Cela est certain que iamais de chose de grande consequence ne sortit bon effect sans peine. & si les aises qu'on obtient moyennant la peine en semblent meilleurs. Qui prend le travail, prend aussi le repos, pource qu'à l'homme las, toutes choses sont douces & agreables : le manger luy est sauoureux, le dormir luy est facile, & si reçoit tous autres plaisirs en bonne affection. A celuy qui ne se travaille & ne se lasse, le repos ne peut donner parfait contentement. Or le travail rend l'homme discret, esueille, bien aduilé & sage, toutes bonnes choses en procedent. C'est travail qui rend habille l'homme, luy fait des logis pour demeurer, voyes pour cheminer, nauires pour nauiger, armes pour se defendre : bref, les biens qui en viennent sont innombrables. Par travail, les terres steriles sont faites fructueuses & abondantes : à celles qui sont seches, il donne de l'eau, ouurant le ventre de la terre par où passe l'humour : il hausse la terre où il en est besoin & abaisse les montagnes qui nous empeschent : il fait contourner les fleues droits, & couler par terres seiches & sans eau, & si à puissance d'orner & farder nature, & la contraindre quelquesfois d'engendrer ce qu'elle ne feroit de sa propre volonté : il appriuoise les bestes furieuses : il rend les esprits des hommes prompts & subtils, & pareillement les autres sentimens & puissances de l'homme : chascun qui s'employe sçait quel grand guerdon s'obtient par travail. Dieu n'a voulu que les siens parussent au ciel sans peine. Si les somptueux edifices, les grands palais, & les villes peuplées te semblent grandes choses, sçache que c'est du labeur, & de la sueur de tes predecesseurs. Si pareillement les arts & sciéces te



contentent, souuiène toy que c'est le spirituel travail des doctes hommes du temps passé, quand tu verras de beaux champs, iardins delectables, & vignes accoustrees, sois seur cela proceder de l'œuvre du travail: pource qu'oyssiueré ne fait rien faire, ains plustost desfait les choses faites. Par travail les hommes atteignent à ceste grande & notable renommee. C'est ce qui a fait sages, Platon, Aristote, Piragoras, & le reste de tous les hommes doctes, qui ne cesserent onques de travailler leurs corps & leurs esprits, estudians, escriuans, enseignans, disputans, ne se soucians de dormir, de manger, ny de vestir leurs corps: & encore quand ils en prenoyēt, il leur estoit de beaucoup plus sanoureux qu'aux oyssifs & paresseux glouttons. Qui est-ce qui fit Hercules tant illustre & renommé, sinon ses douze travaux? Qui est-ce qui a rendu tant fameux Alexandre le Grand, Iules Cesar, & tous ces excellens Roys & Capitaines, sinon l'exercice & le travail? Et au contraire Sardanapale & autres semblables Princes lascifs & ocieux, ont esté ruinez & oppressez, & sont morts infames. Par là on peut aisément cognoistre, que si le travail estoit osté du monde, tout seroit aneanti: les offices tomberoyent en decadence: les arts mecaniques, les lettres, les estudes, les biens, les souuenances, la iustice, les loix, la paix, ne pourroyent estre soustenues sans le travail. Toutes les vertus se tiennent par son moyen, & sans luy ne se peuuent exercer: pource que celuy qui veut administrer iustice, doit travailler. Pour conclusion, nulle vertu ne se peut mettre en œuvre sans travail. C'est pourquoy Hesiodé dit qu'il faut acquerrir la vertu par sueur. Si nous voulons exactement contempler toutes les choses que Dieu a créé, nous trouuerons que de tant plus elles sont parfaites en vn certain moyen, tant plus pouuons nous dire qu'il leur a donné grand travail. Voyons pour les superieurs: le Soleil se meut continuellement: la Lune n'est iamais arrestee: les cieux & les planettes, ont esté, sont & seront tousiours en continuel mouuement: le feu ne se peut tenir sans faire quelque operation: l'air va tousiours d'une part ou d'autre. Des parties basses, l'eau, les fontaines, les riuieres s'écoulent incessamment, & la mer se meut sans cesse. De



la terre, bien qu'elle soit immobile, car il le faut & est nécessaire, afin que les hommes puissent aller & venir sur elle & s'y reposer) toutesfois elle n'est jamais en repos: ains produit continuellement herbes, arbres & plantes, comme celle qui est tenuë de maintenir & nourrir tant d'hommes & de bestes. Par ainsi donc, si nous mettons toutes ces choses en consideration, nous trouuerons que nature n'est ententie à autre chose qu'au continuel trauail, pour créer, former, faire, desfaire, produire, corrompre, alterer, organiser & besongner, sans s'arrester ny reposer en quelque sorte que ce soit. Que ce que ie dy soit vray, les sages Philosophes du temps passé le donnerent à entendre, quand iamais ils n'ont esté las de louer le trauail & exercice corporel. Virgile dit que le labeur cōtinuel surmonte toute choses. Horace en ses Satyres, dit que Dieu n'a rien donné aux hommes sinon avec peine & labeur. Euripide dit que le trauail est pere de renommee: que Dieu ayde à celuy qui trauaille: que le voyage de vertu se fait par le trauail: & que sans ice-luy il n'y a renommee, loüange, ny bonne aduërure. Menandre escrit, & sagement, que l'homme sain qui est oysif, est de pire condition que celuy qui a la fieuë. La sentence de Democrite me semble fort spirituelle: quand il disoit, le labeur volontairement prins ne donne point de peine aux forces. Hermicon enquis de qui il auoit appris la science qu'il auoit, respondit de trauail & d'experience. C'estoit la sentence du grand Piragoras, que l'homme deuoit eslire bonne vie, & l'executer en trauail, qui rend la coustume douce & aisee. Salomon dit aussi que le paresseux doit prendre exemple aux formis. S'il me falloit raconter les exemples de tous ceux qui ont trauaillé, ie n'aurois iamais fait. Il suffira donc de dire qu'onques homme ne fut illustre par armes, par lettres, par exemple de bonne vie, ny encores par autres arts, sans se trauailler grandement, & qu'à la verité iamais gens ocieux ne furent grands, ny cognus, & si d'aduanture quelqu'un estant né grand, a vescu oysif, il est certain que par oysiueté son estat a esté ruiné, ou il a perdu son renom, sa vie, ou son repos, estant la perte le vray fruit de paresse, par laquelle les vices se multiplient, con-



me le tesmoigne l'Ecclesiastique, disant oyſiueté enseigne  
 beaucoup de malices. Aussi Ouide afferme que Cupido  
 n'a de force sinon sur les oyſifs, & à bon droit: car en oy-  
 ſiueté se songent les malices, s'inuentent les trahisons, &  
 s'exercent les pechez. Ezechiel nombre oyſiueté entre  
 les iniquitez, pour lesquelles Sodome fut destruite. Quāt  
 à moy ie ne ſçay chose quelcōque qui ne soit ruinée par  
 oyſiueté quand elle s'y fourre. Nous voyons du feu s'il  
 n'est entretenu, qu'incontinent il s'esteint: l'air pareille-  
 ment veut estre tousiours mouuant: & s'il est enfermé &  
 retenu il se corrompt: l'eau retenue en lieu où elle ne  
 puisse courir se gaste & putrefie. Si la terre n'est labourée  
 & ouuerte, elle ne peut produire que ronces, espines,  
 chardons & autres herbes inutiles. Nous voyons euidē-  
 ment que l'or n'estant mis en œuvre ny esclarci, ne mon-  
 stre sa beauté, & le fer & autres metaux s'enrouillent, si  
 on ne les fait seruir. Les Provinces & terres non habitees  
 ny labourées, sont pestilentielleſ & steriles: de maniere  
 qu'il semble que l'vsage les purge & guerisse. Les mai-  
 sons & logis s'ils ne sont habitez se gassent & ruinent. Les  
 chemins non vſitez se referment & referrent: au moyen  
 dequoy on peut cognoistre que les choses qui ne sōt em-  
 ployees & mises en labeur se desfont & perdent: voire  
 iusqu'aux esprits des hommes, s'ils ne s'exercent ils de-  
 meurent paresseux, & l'ame & le cœur se consomment: les  
 forces du corps s'en affoiblissent, & s'en trouuent flaquēs.  
 N'ay-je pas dit par cy deuant que le trauail rend l'hom-  
 me agile & dispos, & maintenant ie dy que par le contrai-  
 re, oyſiueté gaste la complexion, corrompt les bōnes hu-  
 meurs & les mauuaises viennent à maistriser. Galien dit  
 qu'il est impossible que l'homme se puisse tenir sain s'il  
 ne trauaille. Auicenne tient la mesme opinion, avec Cor-  
 nelle Celse, & autres excellens medecins. Les cheuaux  
 & telles manieres de bestes, en les tenant oyſifs deuien-  
 nent inutiles. Les nauires qu'on tient arrestees aux ports  
 & hayres se pourrissent, & en nauigeant se conseruent.  
 Les gens de guerre s'aneantissent quand on les tient en  
 repos. Encore dit-on que l'oyſiueté d'Annibal en Ca-  
 puē fut cause, que les Romains eurent victoire sur luy.  
 Il est aduis aux paresseux que toutes choses donnent  
 peine



peine. Celuy qui marche le mieux en guerre, combat à plus grande seureté, mais à celuy qui s'arreste en vn lieu aduient plus d'inconuenient, & le Soleil le brusle d'auantage. Aussi nous voyons que l'archer ne tire à l'oyseau volant, comme à l'arresté. Lon voit encore ordinairement que les voix & les instrumens qui ne sont mis en ceuvre, se diminuent, & deuenient enroiez & discordans: & au contraire, l'usage les affine, accorde, & adoucit. Il y a quelque sorte de vins qui veulent estre remuez & maniez pour les conseruer & rendre meilleurs. Les pierres precieuses si elles ne sont poulies & fardées ne monstront point leur beau lustre, mais accoustrees & mises en ceuvre on void leur perfection: voire iusques au fer mesme, que plus il est employé, plus est resplendissant & clair. Entre les bestes brutes, celles qui plus portent de peine sont plus estimees des hommes. Lon pourroit en cest endroit amener tât d'autoritez de poëtes & philosophes qui blasment oysuete, que par le moyen d'icelles on pourroit accomplir ce qui defaut à rendre parfait ceste remonstrance. Les Saints la maudissent, les philosophes la condamnent, Ouide, Platon, Horace, Claudian, Virgile, & tous les autres poëtes chantent contre elle: toutes les histoires sont pleines des maux qui en deriuent. Platon & Aristote condamnant oysuete, exaltent fort l'art qui se nomme Gimnastique, par lequel toutes les choses necessaires à la guerre sont enseignées. L'Empereur Adrian auoit esleué & nourri vn nommé Turbe tres diligent & labourieux negociateur: vn iour l'Empereur voyant qu'à son aduis ce Turbe trauailloit trop, il luy dit qu'il ne se tuast pas & qu'il eust plus de soin de sa santé: auquel Turbe respondit, mô Seigneur, l'homme nourri, esleué, & fauorisé d'un Empereur, doit mourir sur les pieds en trauillant. Quinte Curse recite que les maladies d'oysuete, se guerissent par trauail. Les Romains auoyent accoustumé commencer le iour à minuit, afin qu'à l'apparition & sortie du Soleil ils commençassent tous à trauailler, & qu'il leur fust aduis que desia la moitié du iour fust passée sans auoir rien fait. Vn Romain persuadoit au Senat qu'on ne destruisist point Carthage, afin que les Romains deue-







moder, ains pour leur dōner exemple : & si disoit, que ce-  
 luy qui ne veut trauailler ne doit manger. Il fait le sem-  
 blable aux Corinthiens, leur racontant les trauaux pour  
 leur donner exemple. & autant en fait-il maints autres  
 lieux. Employons donc d'oresnauant le temps en bons  
 & honnestes exercices, & fuyons oysuete, qui iamais ne  
 sçeut faire chose qui vaille. Si ne faut-il pourtant exposer  
 ces choses avec telle rigueur, que d'en laisser le boire,  
 manger, dormir, & prendre honestement son repos. car  
 l'hōnestre repos & recreation est quelquefois licite. Pour  
 ceste cause Ciceron exalte & prise Scipion qui disoit n'e-  
 stre iamais moins en repos que quand il se reposoit : &  
 dit Ciceron, que ceste parole estoit notable, pource que  
 par icelle il monstroït qu'en son oysuete il pensoit à ses  
 affaires : & que lors de sa solitude il se conseilloit avec  
 soy-mesme. Le moral Senecque allegue, qu'oysuete sans  
 lettres ou estude, est la mort ou sepulture de l'homme : &  
 que ceux là seulement qui s'exercent en sapience, sont  
 ceux qui sçauent & ont la vraye oysuete Plutarque veut  
 que le sage despense son temps en l'exercice de science &  
 prudence. Que les hommes donc considerent bien com-  
 me ils font employ de leur iēps, qui va si viste, veu qu'ils  
 rendront conte iusqu'à vne seule parole oysue. Caron  
 tout Payen qu'il estoit, disoit que les hommes grands &  
 illustres, sont aussi bien tenus de rendre conte de leur  
 temps perdu, que celuy qu'ils ont bien employé. Pour  
 conclusion nous deuons faire si bonne mise de nostre  
 temps en honnestes exercices, que nous en ayons le  
 fruct, & nous soit aloüé au Royaume descieux, qui est  
 appresté à ceux qui sōt appelez en la vigne du Seigneur  
 pour trauailler : car apres ils seront payez de leurs salai-  
 res. Aussi à ce propos saint Iean dit : Bien heureux sont  
 ceux qui meurent au Seigneur, pource que leurs esprits  
 se reposent de leurs labeurs, & emportent quant & eux  
 leurs ceures & leurs trauaux. Ceste authorité prouue  
 bien que le travail est la marchandise de ce monde qui  
 se vend, s'achete, & liure au ciel : comme S. Paul mesme  
 l'approuue, disant que chacun receura son salaire, & paye-  
 ment selon qu'il aura trauaillé icy bas.



Pourquoy la Palme est attribuee aux victorieux, & le Laurier signe de victoire.

## CHAP. XXX.

Plin. li. 6.  
Aristote  
en ses pro-  
blemes.  
Theo. li. 5.  
Aulu. li. 3.  
Plutarque  
en ses sim-  
poses.

C'EST chose asseuree, qu'anciennement les Romains donnoient la Palme aux victorieux en signe de triomphe: & cela est si vray qu'escriuant en Latin ce mot Palme, il est entendu pour victoire: & comme dit Plutarque au traicté des cōputations, a chacune sorte de victoire estoit designee vn espeece de couronne, avec lesquelles estoient couronnez ceux qui les obtenoyent, les vnes faites de Rameaux d'Oliuier, autres de Laurier, de Chelnes & autres arbres; entre lesquels la Palme estoit le signe general de victoire: Et dient les anciens que la cause de luy auoir attribué ceste signification plus qu'aux autres, procede de la merueilleuse propriété de ce bois: laquelle sans estre autrement esprouuee, & rendue certaine par l'autorité de ceux qui en escriuent: comme sont Plin. Aristote, Theophraste, Aulugelle, & Plutarque: tous lesquels afferment que tant plus ce bois de Palme ou l'une de ses branches est chargée de grand fardeau, de tant plus il resiste à la pesanteur: & qu'au lieu que tous les autres bois ployent sous la charge, & sont surmontez du fais, ceste Palme au contraire resiste: pource que plus la charge est grande, & plus elle se dresse contre-mont. Pour ceste cause dient Plutarque & Aulugelle, que celuy qui vient à veindre vn autre ne le laisse surmonter de peur du peril: ny s'affoiblit, mais plustost en travaillant, & resistant poursuit sa victoire: & pourtant vn tel homme est accomparé à cest arbre qui à la mesme nature de veindre & resister au fardeau, c'est pourquoy il est donné en signe de victoire. Autres dient que ceste chose a esté pratiquée par les Gentils, pource que la Palme fut consacree à Phœbus premierement que le Laurier, & qu'elle est tref ancien signe de Victoire, aussi Plin. & Theophraste en escriuent maintes autres propriétés desquelles ie ne tairay ceste cy affermee de tous: c'est que comme la Palme a contraires effets à tous les autres arbres, aussi y en a-il des masles & de femelles: & que les femelles



femelles sont celles qui produisent les Dattes, & les mas-  
 ses seulement fleurissent: ou bien quand il aduient, qu'ils  
 portent fruit, il est petit & sans goust, ny profit. Et si  
 faut noter que les femelles en quelque lieu qu'elles so-  
 yent, s'elles n'ont des masses aupres, ne portent aucun  
 fruit, & si d'auanture le male est couppé ou esbraché, la  
 femelle (comme vefue) ne portera de là auant aucun  
 fruit. Or laissant à part la Palme, il faut noter qu'aux  
 triumphes de Rome, les triomphateurs estoient cou-  
 ronnez de Laurier, & le capitaine qui triomphoit,  
 en portoit en la main vne branche. Ainsi est descrit le  
 triomphe de Scipion l'Africain par Appion Alexan-  
 drin, & de plusieurs autres: dont Plin en donne quel-  
 ques raisons, & dit que le Laurier est consacré à Apollon  
 ou Phœbus: pource que sur le mont de Parnasse il y en  
 a grande abondance, & qu'il croit que pour ceste rai-  
 son les triomphateurs se couronnent de Laurier: encore  
 dit-il vne autre raison de la merueilleuse propriété: c'est  
 qu'il est naturellement ennemy du feu, & que les foudres  
 & tonnerres ne le peuuent toucher: & que pour ceste  
 cause, si tost que l'Empereur Tybere oyoit tonner, il pre-  
 noit vne feuille de Laurier qu'il mettoit sur sa teste, iu-  
 geant par ce moyen estre hors du danger de la foudre,  
 ainsi que l'escriit Suetone en sa vie. Les Prestres diuina-  
 teurs de Rome se couronnoient pareillement de Lau-  
 rier, puis en le faisant bruiser, deuinoient par le son qu'il  
 faisoit, ce qui estoit à venir: c'est pourquoy Claudian ap-  
 pelle cest arbre diuinateur des choses futures. Plin &  
 Suetone au commencement de la vie de l'Empereur Gal-  
 ba, racontent vne chose fort estrange, disans que Liue  
 Druille, qui depuis fut mariee avec l'Empereur Augu-  
 ste, allant de Rome en vn lieu hors la ville nommee Ve-  
 lectan, s'assit sous vn Laurier, où tost apres vn Aigle vo-  
 lant par l'air laissa tomber en son giron à trauers les  
 branches de l'arbre, vne poule blanche comme neige, qui  
 portoit en son bec vne branche verte de Laurier. de quoy  
 Liue fort estonnee fit nourrir la poule, qui depuis en fit  
 tant d'autres, que pour ceste cause la grange où elle fut  
 nourrie fut nommee Gallina. Elle fit pareillement plan-  
 ter le rameau qui deuint si beau, & produisit si bien, que



ce fut chose esmerueillable à voir les arbres qui en sort-  
 tirent tellement que tousiours depuis Octavius. Aug.  
 & ses successeurs par vne certaine coustume & supersti-  
 tieuse religion, quand ils vouloyent triompher en coup-  
 poient des rameaux qu'ils portoyent en leurs mains,  
 puis apres le triomphe passé, les faisoient replanter au-  
 pres de ceux, d'où ils auoyent esté coupez, & tous croi-  
 foyent comme les autres. Voila ce qu'en escriuent ces  
 deux auteurs: aussi fait Suetone, de qui l'autorité est en  
 grande reputation: & si il adiouste encore vn autre cho-  
 se qui m'estonne: C'est que toutes les fois qu'il se mou-  
 roit vn Empereur, se sechoit aussi la plante, & les bran-  
 ches qui estoient sorties de ce rameau qui auoit esté  
 planté lors de son triomphe. Et quand Neron mourut  
 qui estoit le dernier du lignage des Césars, se seche-  
 rent tous les Lauriers qui auoyent esté produits du pre-  
 mier apporté au bec de la poule, & plâté par Liuié, & aus-  
 si moururent toutes les poules qui estoient venues de  
 la premiere branche: & qu'au palais imperial cheurent  
 quelques tonnerres qui firent tomber les testes des sta-  
 tues des Empereurs, qu'on auoit là mis: & pareillement  
 tomba par terre le sceptre qu'Auguste Cesar portoit en  
 la main. Il y auoit continuellement vne couronne de ces  
 Lauriers sur la cornisse des maisons des Empereurs.  
 Ouide entre les autres dit en ses Metamorphoses, que  
 les Romains tenoyent le Laurier pour vn arbre sacré, &  
 ne s'en aidoyent en choses viles, sales & prophanes, ains  
 le tenoyent pour signe de paix, le nommant Laurier pa-  
 cifique. Pline dit que le Laurier approprié contre la pe-  
 ste, & contre les serpens venimeux. Ouide recite que  
 Daphné fut couuverte en cest arbre, & que pour ceste cau-  
 se il fut consacré à Phœbus, lequel (entre les autres vani-  
 tez) estoit de ces vieux Romains adoré pour Dieu.

Combien est detestable le vice de cruauté avec plusieurs

exemples à ce propos.

CHAP. XXXI.

**E**Ntre tous les vices qui plus repugnent à l'humanité  
 & qui plus rendent les hommes môitruëux & abhor-  
 minables



minables, il me semble que cruauté est le souverain: veu  
 que l'homme qui est animal noble, fait à l'image & si-  
 militude de Dieu, & né pour faire douceur, est rendu  
 par cruauté, ainsi qu'une beste brute, terrible, furieux,  
 mal voulu, & ennemy de Dieu, qui est souveraine cle-  
 mence: & encore tel homme se resioiit du mal d'autrui.  
 Aristote dit que cruauté sierré & inhumanité, est vice de  
 beste sauvage & furieuse. Senecque au second liure de  
 Clemence la nomme felonnie de l'ame, & de là il con-  
 clud, qu'elle est contraire & opposite à la vertu de cle-  
 mence. Cruauté est grande ennemie de iustice & de rai-  
 son: & est ce vice beaucoup pire qu'orgueil & ire: pour  
 ce qu'il semble que le courroux procede d'un desplaisir  
 de voir faire mal à autrui. Mais des cruels, nous en trou-  
 uons beaucoup, qui en riant, & sans aucun desdain, ains  
 seulement de pure malice & cruauté donnent tourment  
 aux hommes; & les font mourir: par ainsi elle est enne-  
 mie capitale de iustice, qui deffend & ne permet qu'au-  
 cun reçoive dommage; ou mal sans coulpe: & si veus  
 qu'aux coupables on donne temperce & douce correc-  
 tion. Senecque au liure des mœurs dit que si on nomme  
 bourreaux ceux qui ont la correctiō des vices n'ont me-  
 fite: que doit on dire de ceux qui oppriment & tuent les  
 innocens: Les exemples des cruels sont finis: entre  
 lesquels fut Herodes Roy des Iuifs, regnant au temps de  
 la naissance de nostre Seigneur Iesus Christ. Car apres  
 la mort de tant d'Innocens, pensant tuer, parmy eux, ce-  
 luy qui estoit venu pour nostre redemptiō, voulut mon-  
 strer sa cruauté; non seulement pēdant sa vie, mais aussi  
 en sa mort: & pource se sentant prochain d'icelle, il  
 appella tous les principaux de Hierusalem: lesquels venus  
 il fit prendre, & enfermer en un lieu où il estoit donnant  
 charge à sa seur qu'au poinct qu'il rendroit l'ame, elle  
 les fust tous mourir: à quoy il faillit, car Dieu y pourueut  
 au contraire. Or faisoit il ces choses ainsi qu'il le con-  
 fessa lors de son trespas pource qu'il sçauoit bien que  
 le peuple de Hierusalem seroit fort ioyeux de sa mort:  
 & afin qu'il succedast au peuple autrement qu'il n'es-  
 peroit, luy esmeu de vouloir malin, pour faire que  
 chacun receust tristesse en ce iour là, deliberoit de faire  
 faire



se faire ceste occision & horrible meurtre. Les cruantez d'Abimelech fils du Grand Gedeon furēt aussi fort merueilleuses, car pour auoir seul le Royaume, il fit mourir soixante de ses freres, & n'en eschappa qu'un seul nommé Ionathas, qui s'enfuit par volōir de Dieu, pour faire que le traistre ne fut iamais sans soupçon. Mais ie ne sçay si à ceste-cy, l'autre luytiāre fūt plus grāde ou moindre qu'il exerça contre les Sichimites, en vengeance de ce qu'ils l'auoyent chassé de leur ville: en laquelle estant r'entré par force & de nuict, il tua tous ceux qui y estoient, hommes & femmes, & grāds & petits, & pource que quelques uns s'en estoient fuys aux temples, il les fit enuironner de tant de bois, qu'y ayant mis le feu, la chaleur fut si grande avec la fumee, qu'ils en moururent tous, destruisant la ville, puis apres y mettant la charuē la fit semer de sel. Fort grāde aussi fut la cruauté des Carthaginiens enuers Attila Regule, lequel estant prisonnier, l'enuoyerent sur sa parole par deuers les Romains, pour moyenner paix, sous la permutation des captifs & prisonniers: & a son retour vers eux (où il se rendit de sa propre volonté pour conseruer sa foy) le mirent dedans un tonneau, qui estoit enuironné de cloux de fer fort agus, tellement que ne se pouuant aucunement appuyer ny reposer en aucun endroit, le firent ainsi mourir miserablement. Tous les tyrans sont coustumiers d'estre cruels de nature, mais dessus tous est execrable le sanguinaire Phalaris tyran de Sicile: qui tua infinité d'hommes, sans aucune coulpe, & si estoit plus cruel (à bien le considerer) en affection, qu'en effet: pource qu'il auoit un toureau de bronze, que Perillus luy auoit fait, dedans lequel estāt celuy qu'il vouloit mourir, & allumé le feu à l'environ, le patient prononçoit sa voix par dedans, comme si ce fut le mugissement d'un toureau: & cela ce faisoit afin que par le cry de la voix humaine il ne fust esmeu à compassion. Une seule chose a esté faicte bonne par luy: c'est que Perillus, inuiteur de ce supplice, y fut mis le premier. Si ne sçay-ie toutesfois avec quelle autre cruauté se pourroit esgaler à celle de Tullie fille de Tarquin Roy de Rome, qui fit tuer son propre pere, afin d'heriter le Royaume, que luy mesme de bonne volonté luy eust donné, elle eust quelque peu



peu attendu, & ce qui est encore plus à noter de sa cruauté, c'est que gisant le pere mort en terre, elle estant montée sur son chariot, passa par dessus : & combien que les cheuaux qui la menoyent espouuantez de la personne morte, refusassent de passer, & que le cocher qui les conduisoit, sentant l'eguillon de pitié, voulust les faire tourner de l'autre part, afin que le Roy mort ne fut despecé, si print elle plaisir en la cruelle affection, ce que les bestes meues de pitié fuyoyent de faire : car en despit des cheuaux elle les fit dresser à son vouloir ; & passer par dessus le corps de son pere. Les Scites, gens furieux & vaillans en guerre sont aussi noyez par les historiens pour fort cruels, mais entre leurs cruautés admirables, ceste cy en est l'vne. Ils tuoyent les bestes grandes, comme cheuaux & ioureaux, & mettoient dedans les hommes qu'ils vouloyent tourmenter : & les lioyent en telle sorte qu'ils ne pouuoient remuer ny sortir hors, & là leur donnoient à manger, à fin qu'eux viuans, la chair de ces bestes mortes se corrompist, & les vers sortans d'icelle mangeassent les hommes vifs, & qu'ils mourussent en ce cruel tourment. Nous lisons que Maximin Empereur de Rome en fit autant ; ayant pensé la plus horrible cruauté que cœur d'homme peust deuiner : il faisoit lier les hommes vifs, avec les corps des morts, & les laissez ainsi, iusques à ce que le mort eust tué le vif. Virgile en escrit autant de Maxence. Nous lisons aussi des cruautés fort estranges d'Alexandre Phereen qui faisoit ensepuelir les hommes vifs, liez face à face l'un contre l'autre. Il en faisoit vestir d'autres de peaux d'Ours, & autres bestes sauvages : puis les iettoit emmy les champs, parmy les mastins, afin qu'ils les deschirassent & mangeassent. Je ne sçay si on pourra ouyr la cruauté d'Altiages Roy des Medes enuers Harpale l'un des principaux & plus grands amis de son Royaume, sans en estre grandement esbahi. Cest Altiages ordonna qu'on fit mourir vn sien petit fils, à cause d'un songe qu'il auoit fait, & qui seroit fort long à raconter, & en donna la charge à Harpale, lequel meü de la pitié que luy faisoit cest enfant innocent (qui depuis fut nommé Cyrus le grand) & aussi pour la crain-



te de la mere de Cyrus, qui estoit fille d'Astiages ne le  
 voulut point tuer, ains fit diligence qu'il fust bien nour-  
 ri. Long temps apres Astiages fut aduertý que l'enfant  
 n'estoit pas mort, pourquoy sans en faire mauuais vilage  
 le retira avec luy: toutesfois en payement de la pitié  
 qu'Arpale auoit exercee en la salutation de la vie de Cy-  
 rus, le Roy fit secrettement tuer vn sien enfant: & le iour  
 ensuyuant le conuia à disner, auquel entre autres vian-  
 des luy fit seruir la chair de son propre enfant, dont le  
 pere mangea de bon appetit, n'ayát en horreur sa propre  
 chair, & ce pour autant qu'il n'en sçauoit rien. Astiages  
 encore non content de si cruelle tromperie, fit vn autre  
 tres-cruel acte: car au lieu du dernier fruit il fit mettre  
 en plats la teste, les pieds, & les mains de l'enfant, & pre-  
 senter deuant le pere, afin qu'il sceust que tel desiert pro-  
 cedoit du corps de son fils. Entre ces deux capitaines  
 Marius & Silla capitaux ennemis, fut fait tant de tyran-  
 nie, qu'il sembloit qu'ils ne pensassent autre chose qu'à  
 regarder, lequel des deux la feroit plus grande. Silla fit  
 tuer en vn iour quatre legions de soldats. Aussi les Pre-  
 nestins, peuple d'Italie, qui luy demandoient misericor-  
 de, de ce qu'ils auoient regu le capitaine Marius à sau-  
 ueté, ne furent pourtant exempts de sa tyrannie: Car il  
 les fit tous tuer, & ietter aux champs, pour estre viande  
 aux Vautours, & Corbeaux. Autát en fit Marius: par ain-  
 si furent tous deux esgaux en cruauté. Je ne sçay s'ils s'en  
 trouuera vn au monde, qui se puisse esgaler à l'Empereur  
 Tybere, successeur d'Octauius. Car apres sa feinte cle-  
 mence, au commencement de son regne, il ne laissa pas-  
 ser iour qu'il ne respandist le sang humain des innocens.  
 Dauantage, il imagina vne sorte de cruauté, dont iamais  
 n'auoit esté ouy parler, il defendit sur peine de mort,  
 que nul fust si hardi de plorer, ny faire semblant d'auoir  
 douleur de ceux, qu'il faisoit innocemment mourir.  
 Cruauté veritablement estrange: car ie ne pense point  
 qu'il y ait plus grande peine, que celle qui empesche le  
 cœur affligé, d'adoucir & descharger sa douleur par lar-  
 mes. Ce qu'il faisoit apres aux filles, est pour faire clorre  
 les oreilles à chacun, afin de ne l'entendre: Auparauant  
 que les faire mourir, il les faisoit desflorer & violer par  
 les



les bourreaux, afin qu'avec la mort elles perdissent l'honneur & la Palme de victoire. Il estoit si affectonné à faire mourir, que sçachant qu'un qu'il auoit condamné à mort, s'estoit tué soy mesme, il soupira à haute voix, disant: O comme ce Cornulie m'est eschappé (ainsi se nommoit le condamné: / car il faut entendre qu'il tourmentoit les patiens en sorte, auparavant que les faire mourir, qu'ils reputoyent la mort leur estre vne grande grace. Il n'y a personne qui ne s'esbahisse de l'invention qu'il auoit des tourmens & des morts. Il faisoit beaucoup boire ceux qu'il vouloit faire mourir, puis incontinent apres qu'ils auoyent bien beu, leur faisoit fort estroitement lier les conduits de l'vrine, en sorte qu'ils ne pouoyent pisser, & les laissoit ainsi iusques à tant qu'ils mouroyent d'excessive douleur. Encore pour son plaisir seulement, d'une haute riuie, qui estoit en vne isle, nommée Capraire pres Naples, il faisoit ietter les hommes en la mer, & pource qu'il luy sembloit que mourir en l'eau estoit vne mort douce & agreable, il faisoit descendre & mettre en bas des mariniers & autres qui auoyent des piques & autres armes, avec lesquelles ces pauures hommes ainsi iettez estoient rompus, & mis par pièces, auparavant qu'ils fussent tombez en l'eau. Apres la mort de ce Tybere, telle qu'il la meritoit, Caius Caligula eust l'Empire, lequel suyu ses predecesseurs, voire les auança en affection. Il souhaitoit que tout le peuple de Rome n'eust qu'une teste, afin que d'un seul coup il le peust tuer. Il sentoit infortuné, & se plaignoit de la felicité de son temps, & de ce que pendant ses iours il n'y auoit de famine, de pestilence, de deluges, de ruynes, & subuersions de pays, & autres grâdes malheuretez. Quelqu'un se presenta deuant luy, qui auoit esté banni par Tybere, auquel il demanda, qu'il faisoit pendât son ban: l'autre luy respondit par adulation qu'il prioit Dieu sans cesse, que Tybere mourust, afin qu'il succedast à l'Empire: quoy entendu par Caligula, & d'autant que tant de milliers d'hommes qu'il auoit bannis & releguez n'en fissent autant de luy, commanda qu'on les chassast tous, & fussent mis à mort. Il vouloit que ceux qu'il condamnoit mourussent petit à petit, & qu'on



commençaſt par petites playes , afin que la peine duraſt plus lōg tēps:& ſi auoit accouſtumé de dire à ſes bourreaux, faites en ſorte qu'ils ſe ſentēt mourir: Il diſoit auſſi, ce que les autres eſtoient couſtumiers de dire, les gēs me veulent mal, pource qu'ils me craignent. A ce Caligula ſucceda Neron à l'Empire, & nō moins en la cruauté & fierté pource qu'il en fit vne: en laquelle ſeroient encloſes les autres, que tous les hommes pourroyent imaginer: Car ſans auoir eſgard aux choſes ſacrées, ny aux perſonnes, fuſſent priuées ou publiques, il fit mettre le feu en la ville de Rome, avec deſenſe à tous de l'eſteindre, & ſi ne permit à aucun de ſauuer ſon bien: ainſi demeura le feu ſept iours & ſept nuits bruſlant la ville: & luy eſtant en vne haute tour quelque peu loin de là s'eſiouyſſoit du ſpectacle de telle inhumanitē: il tua ſa propre mere, & fit mourir les maris d'Octauię & Sabine, avec leſquelles il ſe maria, puis apres leur fit ſemblablement perdre la vie. A la verité, ce fut celuy qui paruint au plus haut degré de cruauté: car il fut le premier qui perſecuta les Chreſtiens, & de ſon temps fut la premiere, & plus grāde perſecution de l'Egliſe, il mōſtra bien qu'il paſſoit tous autres en meſchaceté, & qu'il eſtoit Prince de toute brutalité furieuſe, veu qu'oyant prononcer vn vers Grec qui diſoit ainſi: Apres ma mort le ciel & la terre puiſſent confondre enſemble: Et moy, dit-il, ie voudrois pluſtoſt que telle choſe aduint pendant ma vie. Il ſerois bien content de prendre les exemples des peuples Barbares, ſans plus toucher les Empereurs Romains: mais les ſucceſſeurs de ceux cy, & qui les imiterent ne me permettent, pource qu'ils furent tels en tyrannie qu'il n'eſt beſoin d'en chercher ailleurs, & neantmoins ie laiſſeray celles de Domician, Vitellius, Commodus, Maximinus, & autres ſemblables: mais celles que Diocletian vſoit contre les Chreſtiens, & leſquelles ſont recitees par Euſebe en ſon hiſtoire Eccleſiaſtique, ie ne me puis garder d'en dire quelques vnes: afin que les blaſphemateurs & mauuais Catholiques de maintenant, voyent ce que les Chreſtiens de la premiere Egliſe ſouffroyent, pour ne nier le nom de Chriſt. Ce meſchant en faiſoit trainer quelques vns par les rues aux queuēs



queuës des chevaux, puis ainſi rompus & brifez, or-  
donnoit qu'ils fuſſent remis en priſon deſſus des liëts  
faicts de pots caſſez, & autres vaiſſeaux de terre rompus,  
aſin que le repos leur fuſt plus cruel que le martyre. Au-  
tresfois il faiſoit abbaïſſer à grand' force les brâches des  
arbres: & à l'vne lier vne iambe, & l'autre iambe à l'autre  
branche: puis au laſcher & à l'impetuofité des arbres qui  
retournoyent en leur naturel, eſtoyent les bien heureux  
martyrs mis en quartiers. En la ville d'Alexandre il fit à  
pluſieurs couper les oreilles, le nez, les leures, les mains,  
& arreils des pieds, leur laiſſant ſeulement les yeux pour  
leur faire endurer plus de peine. Il faiſoit menuiſer des  
eſchardes de bois, & leur mettre entre la chair & les on-  
gles. Il faiſoit encore fondre du plomb ou de l'eſtain, &  
ainſi ardant qu'il eſtoit leur faiſoit ietter ſur le dos nud,  
& ſur les parties honteuſes: & aux femmes il faiſoit met-  
tre des fers ardans tout le long du dos: & par ce moyen  
en aſſiégeant & deſtruïſant les corps, ſans ſçauoir ce qu'il  
faiſoit, il enuoyoit au ciel grande quantité d'ames, ſain-  
tes & belles enuers Dieu, qui bien ſouuent prend le meſ-  
chans pour luy ſeruir d'inſtrumens à glorifier les bons,  
& les rēdre parfaits. Toutes ces cruauëz ſont eſcrites par  
fideles autheurs, dont nous auons la plus grande part en  
la ſaincte Eſcriture, le reſte eſt recitē par Joſephe en ſes  
Antiquitez, en la guerre Iudaïque, & par Suetone Tran-  
quil, Plutarque, Tite Liue, Juſtin, Valere, le Grand, Euſebe  
Paul Oroſe, Iules Capitolin, & autres de non moindre  
authorité.

Comme ſouuent les Roys mauuais & tyrans ſont miniſtres de  
Dieu, & que neantmoins ils ſont touſiours mauuiſe fin.

## CHAP. XXXI.

Ceux qui ont eſté & ſont ſubieds à ces tyrās malheu-  
reux, doyuent conſiderer pour leur cōſolation, que  
bien ſouuent encore qu'ils ſoyent tref meſchans, ils ſont  
neantmoins miniſtres de Dieu. En pluſieurs lieux l'Eſcri-  
ture les nomme ſeruiteurs de Dieu, pource que par eux  
Dieu chaſtie les mauuais, & approuue & rend parfaits



les bons. Les Hebreux ayans esté gouvernez par iuges & anciens, & Samuel devenu vieil, aussi croissant au peuple les malices & le mépris de Dieu, il leur fut donné des Roys, & fut le peuple mesme qui demanda le chastiment qu'il meritoit, requerant vn Roy, qui luy fut donné: & fut Saül bon du commencement, mais depuis tyrannique & cruel, car il leur ostoit leurs biens & leurs liberté, & combien qu'il fut entaché de si meschans vices, si est-ce qu'il estoit nommé l'Oingt du Seigneur, par le moyen duquel Dieu les mit tous en esbahissement & crainte: mais laissons à part cestuy cy, & les autres qui ont vescu deffous la Loy de Dieu, & le cogneurent: & venons aux idolatres, lesquels sont aussi nommez par la sainte Escriiture Ministres de Dieu: ainsi dit le Seigneur par la bouche de Elaye: *Que les Capitaines entrent par la porte de Babilone: i'ay commandé à mes sanctifiez, i'ay appelé mes hommes forts & dispos en mon ire, afin qu'ils se glorifient en ma gloire.* Le Prophete disoit ces mots pour le Roy Cirus, & pour le Roy Daire. Voyez donc comme il appelle les Medes & les Perses ses sanctifiez, qui neantmoins n'estoyent ne saints ne iustes, ains seulement executeurs de la volonté de Dieu, pour chastier Babilone. Et en autre lieu par Ezechiel: *Je meneray mon seruiteur Nabuchodonosor, & pour ce qu'il m'a bien seruy pres de Tyr, ie luy donneray aussi Egypte.* Si n'estoyent-ils pourtant seruiteurs de Dieu, puis qu'ils ne le cogneurent ny le seruirent, ny creurent en luy: & toutesfois ils estoient executeurs de sa iustice, & avec ceste intelligence furent nommez seruiteurs. Le cruel Totila Roy des Goths, estoit nommé fleau de Dieu, & pour tel réputé. Le grand Tamburlam, qui regnoit au temps de nos ayeuls, tres puissant & cruel Capitaine, & qui vainquit & subingua tant de Prouinces: enquis pour quoy il estoit si furieux & inhumain enuers les hommes qu'il vainquoit, respondit en grâde cholere: Pensez vous que ie sois autre chose que l'ire de Dieu? De là faut conclure que bien souuent les cruels & mauuais sont instrumens, avec lesquels Dieu chastie les pechez, & approuue les vertus: & toutesfois ils ne delaisent pour cela d'estre meschans & dignes de punition de ce qu'ils font: pour ce que selon la parole de nostre Seigneur il est necessaire qu'il vienne



viennent scandale, mais malheur à ceux par l'occasion desquels il vient. Aussi est ce chose asseurée que iamais Dieu ne les laisse impunis en ce monde, outre la punition perpetuelle de l'autre vie, & ne s'est point veu qu'un cruel soit mort autrement que cruellement. Phalaris tyran de Sicile mourut malheureusement dans le taureau où luy-mesme faisoit mourir ses sujets, rendant à sa mort celle-mesme harmonie qu'il auoit prins plaisir d'ouyr par la mort des defuncts. Plutarque recite que Sylla fut vilainement mangé des poux, qu'il ne fut possible d'y remédier en nulle maniere: & encore Plinie dit qu'il mourut en se rongeant & mordant, & s'arrachant luy-mesme sa chair, Marius son capital ennemy, & aussi cruel, inhumain & mauvais que luy, fut réduit en tel desespoir, s'enfuyant pour se cacher, qu'il alla mettre sa teste entre les mains de Ponce Tescelin, afin qu'il la luy coupast. L'Empereur Tibere, suffoqué avec un oreiller, mourut entre les siens. Suetone dit toutesfois que sa mort fut causée du venin. Caligula ayât reçu trente playes par les mains de Cherea, Corneille Sabin, & de plusieurs autres leurs cointez, perdit finalement la vie. Le cruel Neron auant que mourir se vid priué de l'Empire, & iugé ennemy de Rome, & s'estant caché en des cavernes toutes infectées d'excremens humains, se tua soy-mesme: encore luy defailloyent les forces à executer ceste volonté, & eut besoin d'aide, & là faisant de tres-vilains gestes de visage, selon ce qu'en dit Suetone, rendit l'ame à tous les diables. Diocletian ayant aussi laissé l'Empire mourut du venin que luy-mesme s'estoit donné. Domitian aussi mourut ayant reçu sept playes par Estienne, Saturne, Maxime, & autres. Tullie dont nous auons parlé estant banny de Rome mourut pauvre miserable. Astiages ayeul de Cyrus qu'il auoit voulu faire mourir par l'aide d'Arpale, auquel il fit manger son propre fils, fut despoillé de son Royaume par Cyrus. Herode aussi & tant d'autres semblables, dont le recit seroit trop long, moururent de pareilles morts. Que ceux donc qui commandent au monde soyent cruauté, & embrassent la clemence, afin qu'ils soyent bien aimez de leurs vassaux: car la plus grande asseurance d'un Roy est d'auoir l'amitié des siens.



De l'estre en ce cas aduenü à vn des fils de Cresus Roy de Lybie,  
 & à l'enfant d'un autre Roy. Parmy lesquels il y a vn  
 discours, à sçauoir si le parler est chose naturelle à l'homme,  
 & si l'homme seul à la parole.

## CHAP. XXXIII.

**H**erodote escrit vn merueilleux cas aduenü à vn fils  
 du Roy Cresus de Lybie, & pour tel est aussi repeté  
 par Aulugelle. Ce Cresus fut vn riche Roy, que Cyrus de-  
 struisit, lequel cependant qu'il viuoit prosperement en  
 son pays, eut d'une sienne femme legitime vn fils beau,  
 sain & accompli de tous les membres & sentimens, le-  
 quel paruint à l'aage conuenable de pouuoir former la  
 voix & parler: toutesfois par le moyen de quelque inco-  
 gneu lien ou empeschement de la langue, il ne parloit  
 point ny long temps apres, encores qu'il fust ja grand, &  
 dispos à toute bonne entreprise: au moyen dequoy on le  
 reputa muet & empesché de sa langue, combien qu'il  
 ouyst & cognoist ce qui est contre l'ordre de nature: car  
 iamais on ne vid muet qui ne fust sourd. Or aduint que  
 Cresus fut vaincu, & la ville de Sardes prise des enne-  
 mis, tellement que les soldats allerent iusqu'au palais,  
 dedans lequel estant cest enfant muet, caché avec son  
 pere en vn coing, & retrouuez d'un soldat qui ne les co-  
 gnoissoit, le soldat tira l'espee, & s'approcha de Cresus  
 pour le tuer: dont le fils espouuanté de tel spectacle, print  
 si forte passion en soy, & fut l'efficace qu'il mit à parler si  
 grande, que moyenant l'extreme Seigneurie que l'ame  
 eut sur le corps, incontinent les organes corporels obe-  
 rent à la forte determination de la volonté: en sorte que  
 rompant les liens qui tenoyent la langue, il prononça v-  
 ne forte voix, & parla, disant, Hé ne le tuez pas, regardez,  
 c'est le Roy Cresus mon pere. Quoy entédu par le soldat  
 retira son coup & ne frappa le Roy, qui pour l'heure es-  
 chappa la mort, & de là en auant parla tousiours cest en-  
 fant comme si tout le precedent de sa vie il eust parlé. Ce  
 qui est chose esmerueillable, & si ne sçay quelle raison  
 naturelle y pourroit estre suffisamment donnée: Aristote  
 dit que tous les hommes naissent communement sourds  
 & muets,



& muets, pource qu'ils ne sortent point avec telle disposition de ces deux sentimens, ny en telle perfection qu'il est besoin : & qu'apres en croissant ils se disposent & esforcent à commencer premierement à ouyr, & apres qu'ils ont ouy plusieurs iours ils commencent à parler. Plin. li. 11. c. 2.  
 Plin. dit aussi que celuy qui naistra & demeurera sourd, il est force qu'il soit muet : car c'est chose certaine, que si le sourd oyoit, il apprendroit à parler, & qu'il est impossible, d'enseigner celuy qui est entierement sourd. Dir aussi Aristote, qu'il peut bien aduenir que quelque enfant prononce quelque parole auparauant le temps ordinaire, & toutefois il recommencera à perdre ceste parole, iusques à ce que le temps concédé aux enfans pour parler soit venu, & auquel communement ils parlent. A ce propos Plin. raconte de cest enfant de Cretus, & dit qu'à cinq mois il prononça quelques paroles, qui furent reputees prognostication de la ruine du pere, & s'il semble que de tel prognostic soit sorti effect, car il ne parla onques depuis, sinon aduenant les cas que nous auons allegué. Il me souuient de vne autre aduventure en pareil cas, recitee par Al-ben Ragel en son iudiciare, auquel il parle comme tesmoin d'auoir veu qu'un Roy, en la cour duquel il demeuroit, eut un enfant qui dedans les vingt quatre heures de sa naissance commença à parler parfaitement, & à remuer les mains, dequoy tous les assistans esmerueilliez entendirent qu'il dit à haute voix : Je suis né malheureux, veu que ie viens annoncer que le Roy mon pere doit perdre son sceptre, & que son Royaume doit estre destruit. A la fin desquelles paroles il eut aussi fin de sa vie, telle chose fut espouuantable, & toutefois il me semble plus roste que ce fust un aduertissement enuoyé de Dieu, que ceste merueilleuse de la nature. Les Astrologues certifient que celuy qui à sa naissance aura Mercure ascendant & Oriental, parlera plustost que les autres, qui ne parlent que selon le cours ordinaire de nature. Il me souuient encore d'une autre chose conforme à ce que nous auons dit : c'est qu'il y en à eu quelques uns d'opinion que le parler n'estoit chose naturelle en l'homme, mais acquise & aprinsé comme les autres arts & sciences,



Autres dient que ce que nous parlons naturellement, n'est chose propre & particuliere à l'homme seulement. Les premiers qui eurent opinion que le parler n'estoit point chose naturelle, s'efforçoient de la prouuer, en disant que c'est force que ce qui conuient naturellement à vne espece, soit conuenable à tous ceux de ceste espece: tout ainsi cōme nous voyons l'abayre à tous les chiens, le bugler aux taureaux, & aussi en pareil cas à toutes les autres especes des bestes: & neantmoins nous voyons aux hommes les vns parler d'une maniere, autres d'une autre, en sorte qu'ils ne s'entendent point naturellement: partant il semble que la parole viēne plustost d'art que de nature. Encore selon Plinē s'est trouuē des peuples qui ne parloyent point, ains estoit leur parler plustost vne forme de hurlement que de parole: ce qui ne fust pas aduenū, si tous parloyent par don de nature, car si ainsi estoit, ils eussent tous parlē d'une mesme sorte. Quant à l'opinion des autres qui dient que la parole n'est particulièrement propre à l'homme, ils se sont fondez sur ce que dit Laclance Firmian, que nous auons aucunes parties, qui nous semblent propres seulement en l'homme, & neantmoins nous les trouuons es autres animaux, comme la diuersité des voix aux oiseaux: par le chant desquels nous discernons l'un de l'autre, & si voyons qu'ils s'entre-entendent, tellement qu'il semble que ce ne soit qu'une mesme forme de ramage. Encore priēnent ils leur argument sur ce qu'ils voyent plusieurs oiseaux parlans, comme Papegais, Pies, & autres semblables. Mais la verité de ceste chose est (bien que leurs opinions ayent quelque apparence de vray) que la parole a esté donnée de Dieu à l'homme, non pas qu'il se l'acquiere par art, & qu'elle luy est propre & puculiere, & non point à autre animal. Vray est que les autres animaux ont voix, & toutesfois il n'ont pas parole, & telle en est l'opinion de Quintilien, & pareillement d'Aristote. Aussi auons nous bonnes responses aux raisons contraires: quand au premier argument, lon respondra qu'une chose peut estre naturelle vniuersellement, mais en particulier elle se peut exercer à la volonté. C'est naturellement mal fait, & celuy-là meriter peine, qui eue vo  
autre



autre, ou luy desrober son bien: & neantmoins luy donner plustost vne peine, qu'une autre, procede de la volonté des iuges. Partant combien que les hommes parlent diuerses langues, si n'est-ce pas à dire que la parole ne leur vienne, de nature. & de tant plus en est fort l'argument, que telle diuersité & confusion des langues, a esté pour les peines de l'orgueil de ceux qui edificierent la tour de Babel: car il n'y auoit qu'un langage au monde qui encore estoit naturel. Et quant aux Troglodites qui ne parloyent quasi point, on dit que cela procedoit de ce qu'ils auoyent la langue trop barbare & imparfaicte, & ne sentoient quasi rien d'humanité, & neantmoins c'estoit vne langue par laquelle ils s'entendoient l'un l'autre. Et à ce que lon dit encore, qu'il y a quelques oyseaux qui parlét, comme le Papegay, que recite Louys Celie, qui estoit au Cardinal Ascanio, lequel en sa presence prononça mort apres autre tout le Credo en Latin sans faillir d'une seule syllabe. On respondra que cela n'est parler, car ils ne sçauét qu'ils dient, ains est vne certaine coustume enseignée par beaucoup de iours pour former telles voix: & puis la vraye parole auparavant que d'estre prononcée, se conçoit en l'ame, dequoy les oyseaux ont defaut. Et aussi à cest argument qui dit, que nous cognoissons les animaux par la diuersité de leurs voix, & qu'ils s'entendent, & s'appellent l'un l'autre entr'eux: si n'est-ce pas à dire que telle voix soit parole formée, car comme dit Aristote, la voix se pert: aussi pouuons nous sans parole former, signifier & donner à entendre la ioye ou le desplaisir, & toutes autres vniuerselles passions: comme nous voyons par la voix qui se fait en riant, & avec plaisir, & par les gémissements & cris, qui se font par les douleurs. Et pour le respect des bestes brutes qui ont difference, ou en leur chant ou en la voix, on cognoit quand elles sont mal contentes ou allaires par un remuement d'ailes, ou par voler haut, ou elles font quelque autre signe selon l'effect. Par ainsi le parler & la parole, par lesquels on monstre particulièrement le profitable, le necessaire, le dommage, la malice, le iuste, l'iniuste, l'honnesteté, le bon, & par lesquels encore on raconte le passé, & preuoir lon au



futur par raisons & paroles qui le declairent: & se font les autres choses dont s'enluyuent les profits de la parolle, ils sont donnees seulement à l'homme, & si les à de sa propre nature.

¶ D'une femme qui fut mariee beaucoup de fois: & d'un homme qui auoit eu plusieurs femmes, lesquels à la fin se marièrent ensemble: & de l'incontinence d'une autre femme.

CHAP. XXXVII.

**I**L semble que communement on taxe l'honneur des vefues, qui se remariant deux ou trois fois. Et cōbien qu'il semble exterieurement, que ceux qui ainsi les blasment ayent raison: si est ce pourtant que nul doit iuger de la secrette conscience d'autrui. Le mariage est sacrement de l'Eglise, saint & permis de droit: & partant il ne doit, ny peut iamais estre repris: encore que lon ne puisse nier que la chasté, & non suiette au mariage, est plus parfaite, & qu'on la deuroit estre comme la meilleure: toutesfois la bonté ne diminue en rien celle de l'autre, qui n'est si bonne. Si donc la vefue se marie elle n'offence point Dieu en cela: & encore, quant au monde, lon peut dire que c'est la moindre faute qu'elle pourroit faire. Et afin que le lecteur ne s'esbahisse de ce que ie veux amener à ce propos, ie ne diray d'une vefue que ce que S. Hierosme en recite, & auquel nous deuons prester foy, à cause de sa grande saincteté, & religion. Il dit, qu'au tēps du Pape Damase, il vid & cogout à Rome vne femme qui auoit esté legitiment mariee avec vingt-deux hommes: & qu'elle estant vefue du vingtdenxieme il se trouua vn homme qui auoit aussi en vingt femmes, & estoit lors veuf de la derniere: & ainsi se trouua tous deux libres, estans esgaux en estat & de basse condition ils contracterent mariage ensemble, qui fut chose fort notable, & qui rendit vn chacun de Rome tres desirieux de voir lequel des deux mourroit le premier: ce qui aduint finalement à la femme: aux obseques de laquelle, tout le peuple Romain courut, & pour congratuler le mary, comme victorieux d'une grāde bataille, luy mirēt vne couronne de Laurier sur la teste, le faisant aller apres le



le corps de la femme, tenant vne Palme en la main, en signe de la victoire, & vne infinité de peuple l'accompagna en son triomphe. Ce bien heureux saint, raconte encore, vne autre chose notable, qu'il disoit luy auoir esté recitee pour vraye, par personnes dignes de foy: C'est qu'une femme pour faire aumône, print vn petit enfant de ceux que l'on expose à l'hospital, qu'elle nourrit comme son propre-fils, le faisant manger à sa table, & coucher en son lit: lequel paruenü à l'age de dix ans, elle fut si incontinente, qu'elle se conioignit à luy, tellement qu'au bout de six mois elle deuint enceinte, contre l'ordre & reigle de nature, qui ne permet que l'homme puisse engendrer à dix ans: ce qui sembla auoir esté permis de Dieu, afin que la turpitude & deshonesteté de ceste femme fut descouuerte. En sorte que combien que l'autre femme eust esté mariee vingt-trois fois, si peut-il estre qu'elle n'y pecha point: au moyen dequoy il eust esté meilleur à ceste autre femme de faire ainsi, que de commettre vn si desordonné peché: car comme dit S. Paul, il vaut mieux se marier que brasser.

*D'un grand cas qui aduint à deux princes de castille.*

CHAP. XXXV.

CHacun sçait qu'un soudain desplaisir, peut faire soudainement mourir l'homme. A ce propos, ayant regné en Castille Dom Alfonso onzième qui fut pere du Roy Dom Petro: ce Dom Petro demeura Roy fort ieune: au moyen dequoy le Royaume fut gouverné par deux princes du pays, oncles du Roy l'un nommé Dom Petro, & l'autre Dom Iean, & aussi de la Royné Marie son ayeule. En l'an mil trois cens seize: ces deux princes qui estoient oncle & nepueu, ayans par plusieurs fois comme vaillans hommes mené guerre aux Mores pour exalter la foy: & rapporté plusieurs victoires, avec maintes espreuues de notables capitaines, delibererent ensemble mener guerre au Royaume de Grenade, & faire courses & dommagés aux pays des Mores, ayans avec eux Alcantar & Galatrane grands maistres de saint Iaqués en Galice, & l'archevesque de Tolere. Venus donc à l'effect



avec grande quantité de gens de cheual & pied, com-  
 mencerent à enuahir le pays, & firent si bien qu'avec  
 bonne execution ils paruindrent deuant Grenade, com-  
 batans & prenans aucuns chasteaux, entre lesquel ils  
 eurent Eliore: & venu le temps qu'il estoit bon se retirer  
 retournerent en arriere par la terre des Chrestiens, & che-  
 minans en bon ordre, Dom Petro estoit en l'auantgarde,  
 & le Seigneur Jean en l'arrieregarde, où il fut chargé de  
 telle multitude de Mores qui s'estoyent assemblez de  
 routes parts, que force luy fut de mander à Dom Petro  
 qu'il retornast en arriere pour le secourir: ce que vou-  
 lant faire Dom Petro, & marchant avec grand courage,  
 trouua ses gens tant ancantis qu'il ne luy fut possible de  
 les faire retourner: au moyen dequoy il entra en telle al-  
 teration & desplaisir, que voulant de nouveau essayer à  
 faire marcher, tant ceux de pied que de cheual, & ne pou-  
 uant en auoir raison, tira son espee pour en frapper quel-  
 ques vns, afin d'intimider le reste, & que la crainte les  
 rendist obeissans: mais son troublement & desplaisir fut  
 si excessif, voyant qu'il ne pouuoit secourir son oncle, que  
 sans pouuoir manier l'espee, il perdit tout soudain la pa-  
 role, & aussi tout le sentiment, & cheut de son cheual  
 mort en terre, sans se remuer ne parler à personne. Ceste  
 pauvre aduanture fut soudainement rapportee par quel-  
 ques vns de ses gens au prince Jean qui combattoit fort  
 vaillamment contre les Mores: lequel cognoissant l'oc-  
 casion de telle mort si soudaine, print en soy vn si grand  
 desplaisir, & en receut si grande alteration, qu'il cheut  
 tout incontinent, perdant la force de ses membres, ny  
 onques puis ne peut parler: parquoy il fut prins de ses  
 gens, & ainsi tenu depuis midy quasi iusqu'au soir. Pen-  
 dant lequel temps, voyans les Mores que les Chrestiens  
 estoient ainsi rassemblez, n'en sçachans l'occasion, com-  
 mencerent à craindre, pensans qu'ils se fussent ainsi reti-  
 nis pour les assaillir de nouveau, & peu apres qu'ils eu-  
 rent recommencé à marcher en bataille, & que le corps  
 de Dom Petro fut mis sur le trauers du vn cheual, le Sei-  
 gneur Jean donna le dernier soupir: chose dont iamais  
 n'auoir esté ouï parler, & fort notable pour monstrex  
 que l'homme peut mourir de desplaisir.



*Des estranges & diuerfes complexions de deux philosophes,  
dont l'un pleuroit & l'autre rioit de l'estat &  
gouuernement du monde.*

ΚΑΡ. XXXVI.

**A**V recit que fait Diogenes Laercien sur la vie & diuerfité des philosophes, il raconte particulièrement de deux, l'un nommé Heraclite, & l'autre Democrite, pource que chacun d'eux eut la cōplexion & nature fort estrange. Heraclite auoit accoustumé de pleurer toutes les fois qu'il sortoit pour aller parmi les rues, & incessamment respendoit larmes, pour la compassion, qu'il auoit de l'humaine nature: car il luy estoit aduis que toute nostre vie ne cōsistoit qu'en misere, & tous les trauaux à quoy les hommes s'exerçoient, luy sembloient dignes de compassion, tant pour les peines que pour les pechez par eux cōmis. Ce qui est mieux & plus amplement certifié par vne lettre qu'il enuoya au Roy Daire, comme le recite le susdit Diogenes, ou il dit ces mots. Tous les hommes qui vont sur la terre, sont fort esloignez de iustice: ils seruent tous auarice & vaine gloire, avec trop de cupidité & paresse perdue: & moy ie n'ay iamais pensé chose mauuaise, & afin d'eniter la peine que ie sens en voyant & cognoissant ces choses, ie voudrois me tenir en lieu ou ie ne visse les hommes, veu aussi que ie me contente de ce qui m'est necessaire seulement. Nous lisons de ce philosophe chose toute conforme à c'est aduis: c'est qu'il viuoit la plus grande partie du temps en solitude, & par les champs, se nourrissant d'herbes & de viandes de peu de substance: cependant qu'il estoit ieune enfant, il disoit ne rié sçauoir, & depuis qu'il fut grād il disoit sçauoir tout, & que nulle autre chose ne l'auoit enseigné que la contemplation. La complexion de Democrite ne fust pas moins estrange que ceste cy: toutesfois qu'il sortoit de son logis, & qu'il frequeroit les hommes, il se rioit desmesurément de toutes les œuvres & actions humaines: disant la vie des hommes estre vanité & folie, & que tous appetits & desirs estoient fols vrais subiers, & matiere de rusee. Et fut telle l'imagination de ce philosophe, que c'estoit assez pour le faire aller riant par les



rués comme l'autre alloit pleurant. Et considerant les peines & travaux des hommes il sembloit que chacun d'eux eut raison suffisante de faire ce qu'ils faisoient. Senèque au liure de la tranquillité de la vie, parle de ces deux philosophes, approuuant plus l'opinion de ce Democrite riant, & si conseille d'imiter plustost son ris, que le pleur d'Heracrite. Il semble que Iuuenal soit de ceste mesme opinion, quand il parle de ces deux, disant qu'il s'esbahit d'ou, & commēt cest Heracrite peut auoir pris tant d'humeur, pour satisfaire à tant de l'armes. Aussi à la verité de ces deux folies (car ie iuge ces deux cōplexions estre telles) Democrite s'est le mieux trouué, pource que comme homme, qui ne prenoit desplaisir de chose quelconque, il a vescu cent neuf ans. le trouue de luy, qu'il mangeoit fort souuent du miel, & qu'un iour estant enquis quelle chose estoit boane pour conseruer l'homme en santé, il respondit, le miel dedans, & l'huile dehors: donnant à entendre par cela, qu'il estoit bon manger de miel, & s'oindre d'huile. Laërcien raconte plusieurs choses de luy, par lesquelles est demonstré combien son sçauoir estoit grand en la cognoissance des choses naturelles. Il dit qu'un iour entre les autres, on luy porta du lait, & apres qu'il l'eut regardé, dit le lait est de cheure qui a fait les petits, & si est la premiere portee, & la verité estoit telle. Vne autrefois rencontra vne ieune fille en son chemin, à laquelle (en luy faisant la reuerence) il dit Dieu te gard fillette & l'autre iour ensuyuant la rencontrant encore, il luy dit: Dieu te gard femme. Dequoy esmerueillez ceux qui auoyent oüy l'une & l'autre salutation, sceurent que ceste nuict elle auoit eu compagnie d'homme, ce que Democrite cogneut au visage de la dame seulement. Tertulien dit aussi de ce Democrite qu'il se creua les yeux, afin de n'estre tenté des concupiscences charnelles, qui sont ordinairement causees par la veüe des femmes: & Aulugelle dit que ce fut pour mieux s'addonner à la contemplation des choses naturelles, pour lesquelles ce philosophe fut fort recommandé des doctes. Ciceron escrit de luy, aussi fait Plin, & beaucoup d'autres: Plin dit en plusieurs endroits, qu'il estoit grand astrologue & magicien & que pour en apprendre tous les



les arts, & les pratiquer avec les sçauans, il chemina par toute l'Asie, l'Arabie, & l'Egypte, & beaucoup d'autres Prouinces. Et fait Solin mention de ses disputes contre les magiciens. Quant à moy avec vne merueilleuse chose, ie mettray fin à parler d'un tel homme, qui par le seul moyé de la lumiere naturelle, cercha & creut l'immortalité de l'ame, & la resurreccion de tous les morts, en laquelle cõtemplation, & assez d'autres semblables il despenfa la longue vie que nous auons dite. Mais Heraclite, par sa complexion mauuaise, & pour ne manger que des herbes, & autres viandes, qui tousiours le tenoyent affamé, mourut erthique & tout plein de goutes, estant enucloppé en vne peau de bœuf, où il s'estoit fait mettre pour se medeciner. & disent aucuns qu'estant ainsi enucloppé, il fut mangé des chiens, qui ne le cognoissoyent pour homme: il fit neantmoins des liures de grande doctrine, esquels il se rendit si obscur, que peu de gens le peurent entendre: qui est un vice, où plusieurs grands personnages ont failly par presumption & arrogance.

*Solin en son Polistor.*

~~~~~  
*D'aucunes choses notables, qui sont aduenues en vne mesme sorte, plusloft en un lieu, qu'en un autre.*

CHAP. XXXVII.

**C**E que nous auons dit au chapitre precedent donna grande merueille en la consideration des hommes deiquels les conditions & opinions sont si extremement alienees les vnes des autres, que la mesme chose qui incessamment faisoit plorer l'un, faisoit rire l'autre sans cesse. Mais c'est aussi chose digne de contemplation, de voir, qu'en telle varieté des choses humaines, & entre tant de difference, il s'en trouue aucunes qui semblent estre forcees: & qu'il faille de necessité qu'en aucuns endroits les aduentures aduennent particulierement, comme nous verrons par le propos suyuant. Premièrement c'est chose esmerueillable ce que nous auons dit de la ville de Constantinople, que le premier Empereur qui l'edifia, & y fit sa demeure, se nommoit Constantin, & sa mere Helene: & si est aduenü depuis que le dernier qui y à regné, & pendant le temps duquel la ville a esté perdue, se nommoit aussi



aussi Constantin, & sa mere estoit pareillement nommée Helene. C'est aussi chose digne d'admiration, qu'il y ait eu deux hommes tres vaillans, Hercules, & Sanfon: & que tous deux encommencerent leurs grands faits d'armes par la victoire que chacun d'eux fit d'un Lyon, & que tous deux furent trompez & surmontez par femmes, comme si l'un estoit obligé d'auoir fortune pareille à l'autre. C'est encore chose notable, qu'en l'Arabie heureuse, Cam fils de Noé, & ses successeurs abandonnerent l'adoration du vray Dieu, pour prendre l'idolatrie des hommes, & que de la mesme prouince, apres grandes & longues reuolutions d'annees est né & sorti Mahomet, persecuteur de la vraye foy, & doctrine donnée par Iesus Christ, Dieu & homme. La ville de Carthage tres puissante Republique eut tant de forces en armes que nul Roy, ny capitaine luy pouuât resister, ce nonobstant par deux fois elle a esté suppéditee par deux capitaines Romains, portant vn mesme nom, & appelez Scipions: tellement qu'il semble qu'en ce nom consistoit la puissance de la vaincre. Il est pareillement noté en l'histoire des souverains Euesques, que quasi tous les Papes nommez Alexandre ont eu des Antipapes, & qu'en leur temps il y a eu des schismes, comme du temps d'Alexandre second, troisieme, cinquieme, & sixieme. Vne autre chose esmerueillable a esté veüe en Espagne, que communément tous les Roys nommez Ferdinans, ou Alfonses, ont esté Roys bons & excellens. Cesar & Pompee furent deux capitaines de Rome fort fameux & tres puissans, grands ennemis & competeurs l'un de l'autre: or est-il aduenü que tous deux moururent à pareil iour de leur naissance, de mort violente & par armes. Ce furent aussi d'excellens capitaines qu'Annibal de Carthage, le Roy Philippe, pere d'Alexandre, le Roy Antigone, pere de Demetrie, Sertorie Romain, Viriat Espagnol, & de nostre temps Federic Duc d'Urbin, & quelques autres, lesquels se sont ressemblez aux façons de faire, & gouvernement de guerre: mais en vne chose ils ont voulu estre tous egaux, car ils furent tous boyteux, & si perdirent tous chacun vn oeil par infortune. L'Empereur Charles cinquieme naquit le iour saint Matthias Apostre: & à pareil



pareil iour fut en bataille le Roy François prins par ses gens: eut la victoire de la Bicoque: fat esleu & couronné Empereur de Rome, & luy sont aduenues plusieurs bonnes fortunes. Le ne laisse pourtant de reprendre ceux qui en leurs œuures prennent garde à ces iours & à ces noms, pour commencer leurs besongnes, toutesfois puis que celles choses se lisent & considerent, ie ne m'en estonne point tant. Nous voyons que plusieurs nations tiennent quelques iours pour infortunez, & que pour rien du monde ils ne s'y mettoient au combat, pource qu'à tels iours il leur est coustumierement suruenü quelque infortune: se reputant heureux en quelques autres, pource que iamais il ne leur y aduint perte, ny aucün malheur. Toutes ces choses nous donnent esbahissement, d'autant que nous n'en sçauons pas la cause, si est-ce pourtant qu'il y en a reigle & raison: mais Dieu le sçait, & en ordonne. Des choses qui sont aduenues, & des faits notables succedez par mesme moyen aux Romains, & aux Grecs, Plutarque a fait vn traicté appellé Parallele, où il met infinité de beaux exemples, que les curieux d'histoires pourront voir.

~~Que beaucoup d'hommes se sont tellement ressembler, que bien souvent l'un a esté prins pour l'autre.~~

## CHAP. XXXVIII.

L'Occasion s'offre à faire mention de quelques vns qui en la figure & aux gestes ont esté fort ressemblans les vns aux autres. Or est-ce vn des grands secrets & merueille de nature, de voir en telle infinité d'hömes, la variété de leurs gestes, & que tous n'öt qu'une mesme forme, & neantmoins l'un ne ressemble à l'autre, toutesfois il semble que ce soit encore cas plus estrange quand en telle variété il s'en trouue deux qui se ressemblent bien: desquelles deux choses nous dirons les causes naturelles, apres auoir amené pour exemple quelques vns qui se sont bien fort ressemblez. Et pour le premier, nous parlerons d'un nommé Artemia, qui estoit en la court du Roy Antiochus de Syrie, lequel selon Pline &



ne & Solin, estoit de basse condition, combien que Valere le grand dit qu'il estoit parent du Roy, auquel il ressembloit si fort, que la Royne ayant fait mourir Anthiochus, cela sa meschanceté par le moyen de cest Artemie, qu'elle auoit accointé par quelques iours: puis le mit coucher au liét du Roy, disant estre son mary qui estoit malade: & pour tel fut visité de tous les princes de son Royaume, come si vrayemēt c'eust il esté: Ainsi sous l'esfigie, & figure du Roy il fist son testamēt, nōnant pour son heritier au Royaume celuy que la Royne voulut, en quoy il fut obey, car chacun pēsoit obeyr à son Roy naturel, qui fut vn cas fort estrange. Mais à ce propos, l'aduanture de la Royne Semiramis d'Assirie est bien plus estrange, & de laquelle tant de loüables auteurs ont escrit de si grāds faits. Iustin & plusieurs autres dient que son fils Ninus luy ressembloit si bien, tant en paroles & aux gestes, qu'à la disposition du corps, qu'après la mort du Roy son mary, elle se vestit en habit d'home: & representant la personne de son fils, tint & gouerna le Royaume par l'espace de quarante ans, avec croyāce de tous qu'elle estoit Ninus son fils, pource qu'ils se ressembloyēt eux deux, en sorte que chacun y fut abusé. Du temps de Pompee il y auoit à Rome deux hommes, l'vn nommé Biblie & l'autre Publicie, qui ressembloyent tant à Pompee, que s'il n'y eust eu autre difference que de la figure, il eust esté fort difficile (comme le recite Plin) de pouoir cognoistre, lequel d'eux eust esté Pompee: & si iugeoit chacun ceste ressemblance venir de pere en fils par succession. Et du temps du pere de Pompee, il y auoit aussi à Rome vn cuisinier nommé Menogenes qui luy ressembloit en sorte, que pour ceste cause le peuple imposa le nō de l'vn à l'autre: ce qui est assuré pour vray par Plin & Solin. Il y eust aussi vn nōmé Turannie, qui mena dās Rome deux enfans esclaués d'vn mesme aage, qui en gestes, & en toutes autres choses estoient semblables si bien que chacun les alloit voir par grandes merueilles: aussi Turanie disoit qu'ils estoient freres bessons, ce qui estoit faux, car l'vn estoit d'Asie, & l'autre d'Allemagne. Et pource qu'ils auoyent telle ressemblance, Marc Antoine, cousin du grand Octavius les achepta: mais apres qu'il



qu'il fut aduerti de la tromperie, & qu'ils n'estoyent freres, il manda le vendeur, & luy dit qu'il rendist le prix de l'achet, qui estoit vne grande somme, d'autant qu'il l'auoit trompé, luy faisant à croire que ces esclaves estoient freres: dequoy Turannie se desueloppa subtilement, disant, que pour ceste cause il deuoit les acheter dauantage, veu que c'estoit plus grande merueille, que ces deux enfans nez en diuerses nations fussent ressemblans, que s'ils estoient nez en vn mesme iour, & d'une mesme mere: laquelle defense fut acceptee de Marc Antoine, luy semblant la raison estre bonne, & s'en tint pour content. Il aduint aussi à l'Empereur Octauius vne petite gaudissérie, sur ce propos de ressemblance: car d'auanture alla demeurer dans Rome vn ieune fils qui auoit les traits de la face, & le corps si semblable à Octauius, qu'aucun Romain ny trouuoit rien de difference: ceste chose venue à la notice de l'Empereur, il le manda, & lors fut encore mieux cogneu le pourtrait de l'un à l'autre. Ce que voyant l'Empereur qui estoit fort recreatif & affable, & qui volontiers disoit le petit mot pour rire, dit au ieune homme: dy moy frere, ta mere vint-elle iamais à Rome? voulant par là inferer que son pere la pourroit auoir cogneu: dequoy le ieune homme s'aperceuant & cognoissant l'industrie & facecie de l'Empereur, luy respondit aussi facecieusement: De ma mere, Seigneur, elle ne vint iamais à Rome, mais mon pere y est venu maintesfois. Plaine escript d'un nommé Surra Proconsul de Sylla, qui estoit de Sicile de la semblance duquel vn pescheur approchoit en façons de faire, & en paroles, car tous deux estoient fort begues, & encore en toutes autres choses, en maniere, que s'ils se fussent vestus d'une mesme sorte; il n'eust esté possible en faire aucune distinction, & n'eust-on seu dire lequel eust esté pescheur, ou le Proconsul, qui est chose merueilleuse. Si est ce que celle que Albert le grand escript en son liure des bestes, l'est encore plus. Il dit auoir veu & cogneu en Allemagne deux enfans jumeaux, qui se ressembloient en sorte, que quand ils estoient separez on ne pouuoit discerner l'un de l'autre: & encore outre les gestes & actions, ils auoient telle conformité au demeurant, qu'ils ne pouuoient viure



l'un sans l'autre : tellement que s'ils se venoient quel-  
quesfois à separer, ils en enduroyent merueilleuse pei-  
ne : ils parloyent d'une mesme maniere, & quand l'un  
estoit malade, aussi l'estoit l'autre : par ainsi il sembloit  
que ce fussent deux corps en vne mesme nature & com-  
plexion. Quant à moy, ie dy que cela doit proceder de  
ce qu'ils auoyent esté engendrez en vn mesme instant,  
& d'une mesme matiere estant fort disposee : & que  
toutes parties estoient esgalement & parfaictemēt con-  
ditionnees. Sainct Augustin au liure de la cité de Dieu  
en recite vn de mesme. Et combien que ces choses sem-  
blent merueilleuses, si ne doit on laisser de les croire,  
consideré la puissance de nature, & l'autorité de ceux  
qui l'affirment. Encore pouuons nous reciter, ce qui  
est aduenü de nostre temps. En Espagne le Seigneur Cô-  
te leon Giron, ressembloit en telle maniere à son frere,  
le grand maistre de Galatrane, lequel fut tué par les  
Mores, que bien souuent leurs mesmes parens & do-  
mestiques prenoient l'un pour l'autre. Il me souuient  
auoir leu en l'histoire des Ducs de Milan, que Fran-  
cois Sforce auoit en sa gendarmerie vn gentilhomme  
de la compagnie des cheuaux legers, qui luy ressem-  
bloit si fort que pour ceste cause il estoit nommé Duc.  
Je pourrois amener assez d'autres exemples, que ie lais-  
se pour n'ennuyer le lecteur. Seulement ie diray l'occa-  
sion de ceste ressemblance, dont y en a trois principa-  
les. La premiere, que nature se pene & force tousiours  
de faire le mieux qu'il luy est possible, & ceste raison  
est l'opinion de tous les Philosophes naturels. De là  
vient que quand elle essaye faire plustost male que fe-  
melle, & la rendre plus semblable au pere qu'à la me-  
re, à la similitude du peintre, qui pourtrait vne chose  
sur le naturel de l'autre : & si quelquesfois nature est  
veüe defaillir en cela, ou en partie, c'est tousiours par  
le defect & debilité de la matiere : car quand l'hom-  
me n'a en soy la perfection necessaire à engendrer, il  
forme vne femelle. Aussi aux gestes & en la figure,  
quand la vertu qui fait la forme ( que les Philosophes  
appellent vertu informatiue ) est plus forte & puissante  
en la partie de l'homme, l'enfant ressemble plus au  
pere.



pere qu'à la mere, mais quand en ceste vertu il a quel-  
 que indisposition & defaillance de force, & que la vertu  
 & partie de la femme est plus forte, les enfans luy res-  
 semblent. Il y a encore d'autres causes comme nous di-  
 rons cy-apres: & principalement en cela sert beaucoup  
 la bonne ou mauuaise disposition de la matiere des deux  
 parties generatiues. En premier lieu il faut que la fem-  
 me soit comme la partie souffrant, & l'homme comme  
 l'agent, qui fait l'œuvre: pource que selon la disposi-  
 tion nature besongne en la similitude: & n'ont seulement  
 la vertu de la partie paternelle ou maternelle, en la simi-  
 litude des gestes, & des membres: mais aussi en la com-  
 plexion & la disposition & force, & encore en aucunes  
 passions, maladies & autres choses, comme souuent  
 nous voyons que les enfans des hommes chauues, de-  
 viennent chauues: & des sourds sourds. Et bien sou-  
 uent (ainsi que dit Galen) les enfans sont heritiers des  
 maladies des peres, comme de podagre, de goutte ar-  
 thritique: Auicenne y adiouste aussi la lepre, & la pthi-  
 fique. Et qui est encore plus esmerueillable, nature en  
 se trompant soy-mesme, baille quelquesfois aux enfans  
 les marques des playes, que les peres ont eues, qui est  
 pour monstrier que tousiours elle essaye de faire son  
 semblable. Columelle soutient aussi ceste mesme chose.  
 se: & pareillement Pline le ieune, en vne epistre qu'il le, liure 8.  
 a fait, parlant de la femme de Corneille, dit qu'elle des choses  
 mourut des gouttes, qui estoit la maladie de son pe- rustiques.  
 re & de sa lignee: & dit cest autheur que les infirmi. Pline lo  
 rez descendent de pere en fils, & bien souuent aux en- ieune, liu.  
 fans des enfans, comme il aduint à Nicee le poëte, natif 1.  
 de Constantinople, duquel Pline escrit, que ses pere & Pline liure  
 mere estant blancs, il naquit noir, pource que son ayeul 7. chap. 12.  
 de par sa mere estoit noir. Nous voyons ces choses par  
 esprouue en cheuaux & autres animaux, qui ressem-  
 blent le plus souuent à leurs peres, tant en couleur qu'en  
 grandeur & disposition. C'est la raison d'Aristote &  
 d'Empedocles. En ceste sorte se forme la varieté des  
 gestes des hommes: & la disposition & taille des mem-  
 bres, selon celle du pere & de la mere, lors de l'action  
 generatiue. La seconde raison est pareillement prise d'A-



*Aristote* ristre & de *Pline* : qui dient que c'est l'imagination des  
 au lin. de peres en cest instant : & aussi l'affection ou passion qu'ils  
 l'air & de ont en l'ame : car la veüe ou imagination presente, im-  
 l'eau. porte beaucoup en cela : & est tres-forte occasion estant

*Empedo-* iointe à la premiere, pource que le pere ou la mere pen-  
 eles decla- sant à quelque beauté est grande occasion d'engendrer  
 ré par plu- beaux enfans, & les rendre semblables au subiect imagi-  
 narque au né. Et pource que bien souuent il aduient que les peres  
 liure, ont diuerses imaginations, aussi engendrent ils diuersi-  
 De placi- té & difference de gestes : tellement que l'enfant ressem-  
 tis ph. ble à diuerses personnes. Et est ceste chose reputée de  
*Albert lin.* telle importance, qu'*Empedocles* dit qu'il s'est trouué  
 18. des be- des femmes qui ont conceu & fait des enfans qui ressem-  
 blent.

blent à des statues & figures qu'elles tenoyent dedans  
 leurs chambres, lors de la conception. Que ceste chose  
 aduienne aux bestes, il est assez probable par l'histoire de  
*Iacob*, qui mettoit les verges pecees estans blanches &  
 verdes, au lieu où les brebis conceuoient, dont il nais-  
 soit des agneaux bigarrez. Et si est encore à noter, que  
 non seulement ceste imagination à force és membres  
 corporels, mais aussi en l'ame des enfans. Pour ceste  
 cause les Philosophes naturels ont conseillé que quand  
 vn homme est en courroux, ou melancholique, ou yure,  
 il n'habite avec la femme : pource que communement  
 les enfans sont de la complexion en laquelle estoit le pe-  
 re, lors de l'action generatiue : en sorte que bien souuent  
 vn pere ioyeux & delibéré de nature, engendrera vn en-  
 fant melancholique. Sur ce propos *Alexandre Afrodisee*  
 dit vne chose fort notable : que quelquesfois les enfans  
 bastards & adulterins sont mauuais & vicieux, à cause  
 de la mauuaise imagination, & crainte qu'auoyent leurs  
 peres lors qu'ils engendroyent. Et de ceste mesme raison  
 sera prise la responce de la suyuantte demande : d'où vient  
 qu'entre les hommes seulement y a tant de difference en  
 la figure ce qui n'est pas aux bestes : La dessus dit *Aristo-*  
*te*, que c'est pource que les bestes n'ont soucy, pensement  
 ou imagination, fors seulement en leur action presente :  
 & pourautant que les hommes ont leurs penrees en plu-  
 sieurs lieux & plusieurs choses, aduient que les enfans  
 qui naissent ne ressemblent à pere ny mere. Le mesme  
*Aristote*




Aristote donne quasi ceste response à telle question, pourquoy c'est que de peres sages naissent enfans fols: il dit que les hommes qui sçauent peu (comme nous auons parlé des bestes) sont fort ententifs en cest acte generatif, par ainsi estant la matiere disposee & sans alteration aucune, les enfans en naissent parfaits, d'autant que nature n'est en ce mesme instant occupee à autres choses: mais aux gens doctes il n'aduiet pas tousiours ainsi: pour ce qu'ayans communément l'esprit plus subtil & penetratif, ils l'ont la plus part du temps occupé en plus de pensees, qui les empesche de se pouoir totalement employer à telle œuvre. De là vient que n'estant la matiere parfaitement disposee, nature ne peut parfaitement besonguer. La troisieme raison qui se baille pour respondre à ce doute, est d'Astrologie, causee de l'influence des estoiles selon l'opinion que dit Ptolomee: car par la disposition du Ciel, & limage ou ligne qui monte, & les aspects qu'ont les planettes, lors de la conception & naissance de l'homme, les mœurs s'influent: se rendans semblables ou differens au pere, selon la proportion & conformité du pere ou de l'enfant au temps de la generation. Nous pourrions icy reciter les influences de ces planettes par leurs proprietiez, mais ce seroit vne grande longueur: & puis Ptolomee en parle emplement, aussi font Iules Firmique, Aliben Raselle, Guy, Bonat & autres: & puis raison est si forte qu'elle ne peut estre niee, voyant & sçachant l'influxion, & puissance que les corps superieurs ont sur les inferieurs avec leurs effects. Or puis que cela procede du mouuement, qui est cause de la generation & corruption, & est celuy qui premier dispose la matiere, & puis la forme, il s'ensuit que come le mouuement des temps n'a iamais cessé, & qu'il y a diuers temps & diuers mouuemens, & qu'encore (comme nous auons dit) ils ont diuerses natures, aussi la matiere se dispose diuersement, & se causent variables faicts & dispositionns es creatures, quelquefois ressemblans l'une à l'autre, selon la conformité qui est au ciel, en vn temps, & en vn autre. Aussi quelquefois, ces causes & occasions sont toutes ensemble occurrentes: aucunesfois vne ou deux, & bien souuent l'une est contraire à l'autre: d'où

*Ptolomee  
en son Cē  
siloque.*

*Ptolomee  
en son qua  
dripartis.*



precedent ces diuers effects qui se voyent. Par ces mesmes occasions nous voyons d'où viennent les beaux enfans aux peres laids, & semblablement le contraire: & pareillement qu'elle est la bonne ou mauuaise disposition de la matiere, & l'imagination de ceux qui engendrent, & l'influence celeste en cest instant, tout cela nous l'a uôs demonstrent comme les autres choses douteuses.



D'un estrange cas aduenü en vne mesme sorte & en diuers  
temps, à deux cheualiers Romains.

СНАР. XXXIX.

**L**Es principaux chefs des conspirateurs de la mort de Iules Cesar (selon Plutarque & autres qui ont escrit) furent Brutus, Cassius: lesquel depuis avec leurs adherans furent persecutez & declarez ennemis du peuple de Rome, par Octauius, Lepidus, & Marc Antoine, qui s'estoyent emparez de la ville. Entre les complices de Brutus, & Cassius estoit Marc Varron, l'un des principaux lequel se trouuant en bataille qu'Octauius & Marc Antoine eurent contre les coniuereux: & ou fut Octauius victorieux, luy pour se sauuer la vie, changea d'habit, afin de n'estre prins que pour soldat: & feignant estre vn des prisonniers, se mit parmi eux, & fut vendu avec les autres ainsi confusement, en sorte que d'auanture il fut achete par vn autre cheualier Romain nomme Barbulas: qui quelque peu de temps apres, voyant sa bonne nourriture, & facon de faire, soupconna qu'il estoit Romain, encore qu'il ne le cogneust point. Vn iour estant en ce doubte, il le retira a part, & le pria tres-instamment qu'il luy dist, quel il estoit, luy promettant de poursuivre son pardon enuers Octauius & Marc Antoine: mais Marc Varron ne se voulut aucunement manifester, ainsi fe dissimuler tellement que Barbulas se persuada le contraire de sa premiere opinion, disant en soy-mesme, qu'il n'estoit point Romain comme il auoit pense. Peu apres Octauius & Marc Antoine retournerent a Rome, & Barbulas aussi avec son esclaue, qui (peut estre) estoit plus que luy.



luy mesme: Aduint vne autre journee que Marc Varron e-  
 star à la porte du cōsul, attendant son Seigneur qui estoit  
 leans pour quelques affaires, fut recogneu d'un Romain;  
 qui en aduertit incontinent Barbulas, lequel (sans faire  
 semblât d'en rien sçauoir, & sans luy en dire vn seul mot)  
 fit tant enuers Octavius (qui dominoit dans Rome) qu'il  
 obtint son pardon: au moyen dequoy il le mit en liberté,  
 & le mena vers Octavius, qui le reçut benignement, &  
 de là en auant, le tint du nombre de ses amis. Quelque  
 temps apres Octavius & Marc Antoine, furent en discord  
 ensemble, qui fut cause que Barbulas se tira du parti de  
 Marc Antoine, lequel estant vaincu, & Barbulas d'outant  
 Octavius, eut recours au mesme remede, dont auoit vsé  
 Marc Varron, c'est à sçauoir changer d'habit, & se fein-  
 dre vn autre: Marc Varron qui ne le recognoissoit, tant  
 à cause du long temps qu'ils ne s'estoyent vus, que prin-  
 cipalement pour le changement d'habit, l'acheta. Mais  
 quelque temps apres venant à le recognoistre, il fit si bie-  
 enuers Octavius, qui luy pardonna l'offence, le remettant  
 en liberté: tellement qu'en satisfaisant à ce qu'il estoit re-  
 tenu, & payant le bien qu'il auoit reçu, il nous laisserent  
 exemple de l'inconstance des estats de ceste vie avec do-  
 ctrine & reigle à tout homme, que pour quelque pro-  
 perité en quoy on se voye, on ne doit laisser de craindre  
 la cheute. ny en aduersité, pour grande qu'elle soit, ne de-  
 sespérer du remede.

*De la distinction de l'aage de l'homme, selon la doctrine  
 des Astrologues.*

CHAP. XL

Par la commune diuision des Astrologues Arabes,  
 Caldees, Grecs & Latins: & particulièrement de Pro-  
 cle autheur Grec, Ptolomee, & Aliben Raselle. la vie hu-  
 maine est diuisee en sept aages, sur chacun desquelles,  
 regne & domine vn des sept planettes. Le premier aage  
 se nomme Enfance, contenant l'espace de quatre ans,  
 durant lesquels maistrise le plus prochain planete de la



*Lune.*

reare, qui est la Lune: parce que les qualitez d'Enfance, les contraignent dire, que l'influence de ceste planette est du tout conforme à cest aage, duquel le corps est humide, delicat, rendre, foible, mobile, & du tout semblable à la Lune: car pour 'peu de chose il s'altere: ses membres pour vn bien petit de travail s'affoiblissent: & croissent leurs corps en peu de temps & à veuë d'œil. Ces choses aduiennent en general en toutes personnes, à cause du gouuernement de la Lune: toutesfois plus aux vns qu'aux autres, & non esgalement: pour autant que les autres qualitez particulieres, qui ne tiennent rien de la Lune, se doyuent prendre ainsi que l'enfant vient au monde, selon l'estat & disposition des autres planettes. Le second aage dure dix ans, en sorte qu'il vient iusques à quatorze, lequel les Latins ont nommé *Pueritia*, qui donne fin à l'enfance, commencement à l'adolescence. En cest aage

*Mercur.*

regne vn autre planette nommé Mercur, assis au second ciel, cestuy en vn corps celeste, aisé à changer, estant bō, avec les bons, & mauuais en l'aspect des mauuais. Pendant ce temps dont nature se compose à la qualité de ce planette: Car lors les ieunes enfans font quelque principe de la monstre de leurs esprits, soit en lisant, escriuant, ou chantant: & sont lors traictables & dociles, toutesfois legers en leurs propos, inconstans & muables. Le tiers aage est de huit ans, nommé par les anciens, Adolescence, & se continue depuis quatorze iusques à vingt deux accomplis, durant lesquels domine le tiers planette nommé Venus. Car l'homme alors commence à estre prompt par la nature, habile, & puissant pour engendrer: estant enclin à l'amour & aux dames, adonné à la musique, au ieu, aux voluptez, banquets, & plaisirs mondains. Et cecy se doit entendre, si le naturel prouoque l'homme à ce faire: car on doit croire que l'homme retient tousiours son liberal arbitre, pour laisser ou prendre telles inclinations & influences: & entendez, que ny la force des planettes, ny la puissance des estoilles n'ont que mordre sur telle liberté encor qu'elles enclinent l'appetit sensitif, & les membres, & organes du corps humain. Le quatriesme aage se poursuit iusques à ce que l'homme

*Venus.*

me



me ait quarante deux ans accomplis, & s'appelle Jeunesse, le cours de laquelle dure dixneuf ans: & à pour son gouverneur & maistre le Soleil: qui est au quatriesme ciel, nommé par les plus anciens Astrologues, la fontaine de lumiere, loeil principal de tout l'vniuers: Roy des planettes, & cœur de tout le monde. Semblablement cest aage est le prince de tous les autres, & fleur de la vie, durant laquelle les sentimens & puissances du corps & de l'esprit tiennent, & acquierent leur entiere force: & lors estant l'homme bien entendu, & hardi, sçait cognoistre & eslire le bien: il desire & pourchasse richesses, d'estre excellent & renommé, tousiours enclin à bien faire: bref en toutes choses generales il monstre euidentement que le Soleil regne sur luy. Le cinquiesme aage nommé Viril, a quinze ans de duree: par ainsi va sa poursuite iusques à lan cinquantesixiesme, suict au planete de Mars: qui est de soy-mesme mauuais, dangereux, & chaut, inclinant les hommes à l'auarice, & les rendant coleres, maladifs, temperez au boire & manger, & constans en leurs faits. Puis en adioustant douze à cinquantesix, vous trouuerez soixantehuiet ans, qui font la fin du sixiesme aage, nommé Vieillesse, dont Iupiter est le grand gouverneur: qui est vn planete noble, significateur d'equite, religion, pieté, temperance, & chasteté prouoquant les hommes à fuyr toute peine, & tous hazards, & à chercher repos. Les hommes en ce temps font toutes œures saintes aiment la temperance & la charité, appetent l'honneur accompagné de loüange: sont honnestes, & craignans honte & deshonneur. Le septiesme & dernier des sept aages, a esté limité depuis soixantehuiet, iusques à quatre vingts & huit, & peu de gens se treuuent qui y paruiennent, Il se nomme Caduc & decrepit, à cause dequoy Saturne commande sur luy, comme le plus tardif, & plus haut planete, & qui enuironne tous les autres sulsdicts: sa completion est froide, seiche & melancholique, facheuse, & ennuyeuse. Par ce moyen il attire les vieilles gens à solitude, cholere, chagrain, delirain, & despit. Il affoiblit leur memoire & leur force, puis les charge d'ennuis, longues tristesses, mala-

Soleil.

Mars.

Iupiter.

SATURNE.



dies langoureuses, pensees profondes, & d'un grand desir d'entreprendre choses secretes & cachees: & qui plus est, ils veulent estre tousiours maistres, superieurs, & obeys. Et si quelqu'un se trouue, qui paruienne au dessus de cest aage (dequoy on se doit esbahir auourd'hui) vous cognoistrez qu'il deuendra & retournera comme en enfance, & aura encore vn coup la Lune pour planette, qui fut le gouuerneur de ses premiers ans: à cause dequoy ces bonnes gens sont le semblable que vous voyez faire aux petits enfans, ensuyuans leurs conditions & inclinations. L'ay allegué cy dessus, telle diuision d'aages estoit de l'inuention des astrologues, mais vn chacun en croist ce qui luy plaist. Or venons à la diuision des philosophes, medecins, & poëtes, qui sont de diuerses opinions: & pource qu'en ce discours, il y a des choses notables, nous en traiterons quelques vnes, afin que les esprits s'y puissent exercer. Le grand philosophe Pitagoras pour longue que soit la vie de l'homme, n'en fait que quatre parts, la comparant aux quatre temps de l'annee: disant que l'enfance est le Printemps, auquel toutes choses sont en fleur, commence à croistre & à s'augmenter: la ieunesse s'accompare à l'Esté par l'ardeur & force que les hommes ont en ceste aage: l'aage viril à l'Automne, pource quen ce temps l'homme à l'experience, est meur de bon conseil, avec cognoissance certaine de toutes choses. Et se presente la vieillesse par l'Hyuer, temps sans fruit, ennuyeux, & qui n'a le bien d'aucuns fruits, sinon qu'ils soyent precedez des autres temps. Marc Varron, homme fort docte entre les Romains, diuise la vie de l'homme en cinq parties, attribuant à chacune d'icelles l'espace de quinze ans: en sorte qu'il nomme les quinze premiers. Puerilité: les seconds, Adolescence, c'est à dire accroissement, pource qu'en ce temps les hommes croissent: les autres quinze vont iusques à quarante cinq ans, & se nomme Ieunesse, qui vient de ce verbe Latin (*iuuare*) pour signifier temps d'aide, pource qu'en tel on se sert des hommes en fait de guerre & affaires de republique, & est cest aage la fermeté de la vie. Depuis quarante cinq iusques à soixante se nomme l'aage d'homme meur, pour



Pource qu'en Latin tels hommes sont nommez (*Seniores*) c'est à dire vieillissans au respect des autres precedens, pource qu'en ce temps les hommes vont en declinant, & cheminent vers la vieillesse, qui accomplit tout le reste de la vie, apres les soixante ans. Voila comme Varron diuise la vie humaine selon que recite Censorin. Hippocrates l'a diuisee en sept aages: Le premier & le second de chacun sept, qui sont quatorze: le troisieme de quatorze, & va iusques à vingthuit: les autres deux de chacun sept, & vont iusques à quarantedeux: le sixieme de quatorze ans iusques à cinquantesix: & le demeurant de la vie, il l'attribue au septieme aage. Le philosophe Solon, selon le mesme Censorin, met ces sept parties en dix, diuisant la trois, la six & la septiesme par le milieu, en sorte que chacune de dix parties dure sept ans. Et là est la description faite par les philosophes. Mais Isidore l'a distinguee en six aages, s'accordant des deux premieres avec Hippocrates, faisant chacun de sept, & nommant le premier, Enfance, & le second Puerilité, depuis le quatorze iusques à vingthuit, il met l'adulescence, ou aage croissant de vingthuit à quarante, il se nomme Jeunesse, qui est le quatrieme en ordre, le cinquiesme qu'il appelle declin, & commencement de vieillesse il se fait de vingt ans, & sont en tout soixante: le reste de la vie il l'attribue à vieillesse, la nommant le sixieme aage. Horace poëte excellent diuise aussi laage de l'homme, mais c'est en quatre parties seulement, comme aussi fait Pitagoras: Sçauoir est puerilité, jeunesse, aage viril, & vieillesse, lesquels il décrit elegamment en son art poëtique, avec ses conditions qu'ont les hommes en chacun de ce temps. Et toutesfois, selon la reigle de philosophie naturelle, la vie de l'homme ne se deueroit diuiser qu'en trois aages: le premier de cognoissance: le second, auquel l'homme se tient en vn estat, le tiers de diminution: pource que selon Aristote toute chose qui s'engendre, à augmentation retenue d'essence & diminution: ainsi se deuoir donner à l'homme trois aages, les medecins Arabes ont esté de ceste opinion. Ce neantmoins Auicenne homme fort docte, distingue nostre vie en quatre

*Hippocrates  
au liu. des  
iours de la  
natiuité.*

*Isidore li.  
11. des Esti-  
mologies.*

*Horace en  
l'art poëti-  
que.*

*Aristote  
liu. 3. de  
l'ame.*

*Auicenne  
en la pro-  
partie du  
1. cha. des  
opletions.*

etc.



tre aages ou parties principales: la premiere est qui dure trente ans, il la nomme adolescence, pource que pendant ce temps toutes choses vont en croissant, la seconde depuis trente iusques à quarante cinq, & se nomme aage arresté ou de beauté, car en ce temps l'homme est en perfection: de là en aduant & iusqu'à soixante ans, il la nomme secrette diminution & chemin de vieillisse: & ce que l'homme vit par apres, il le nomme claire & descouuerte vieillesse, & aage caduc. Si faut-il toutesfois noter qu'encore qu'il face ainsi ceste principale diuision, il ne laisse pourtant de diuiser la premiere de ces quatre qui est de trente ans, & fait trois pars: tellement que nous pounons dire qu'il se conforme à ceux qui l'ont diuisé en six. Or apres auoir considéré ces variables opinions, ie ne sçay à laquelle me prèdre pour la plus vraye, aussi à la verité on ne sçauoit donner reigle assurée ny certain but, tant pour les diuerses complexions & dispositions des hommes, que pour habiter diuerses terres & prouinces, & se nourir de bônes, ou mauuaises viandes: par le moyen desquelles choses les hommes arriuent plustost ou plus tard à la vieillesse. Pour ceste cause disoit Galien, qu'on ne peut donner temps limité aux aages: ce que bien considéré, fera que toutes ces discordances de plusieurs auteurs ne sembleront tant estranges, veu que chacun y à eu diuerse consideration. Ainsi qu'eut Seruie Tulle, Roy de Rome, lequel (selon Aulugelle) n'auoit esgard qu'au bien commun, lors qu'il diuisa le peuple Romain en cinq estats. Et ne separa la vie de l'homme qu'en trois parts, nommant l'aage premier de dixsept ans, Puerilité, & puis iusques à quarantefix il declaroit les hommes habiles à la guerre, & les faisoit mettre en escrit: & apres les quarante six, il les nommoit hommes mœurs, & gens de conseil. Ceste diuision ne contrarie aux autres, pource qu'elle est vniuerselle, & encloist en soy les moindres & particulieres: & semble qu'il se conforme aux communes diuisions, qui ont accoustumé de separer l'aage verd, & le meur, & le vieill.

c. Le verd, deslors que nous naissons, iusques à la fin de ieu-  
nesse, qui va iusques à quarantecinq ans, peu plus ou  
peu moins: aussi Virgile dit: *Viridisque iuuentus*, qui est  
à dire

*Galen. li.  
6. du regi-  
me de la  
santé.*



à dire, verte ieunesse : L'age meur ensuyuant iusques à soixante ans, lequel Seruius attribue aux hommes sages & de bon conseil : & le reste est dit decrepitée vieillesse : lesquelles trois parties se peuvent diuiser en moindres, & par ce moyen conformer la variété, qui semble estre entre les auteurs.

~~~~~

*D'aucunes certaines années de la vie humaine, que les anciens ingèrent les plus dangereuses, & pour quelle cause.*

CHAP. XLII.

**L**Es anciens philosophes & astrologues ont prins garde, que certaines années de nostre vie mortelle, estoient moult perilleuses, lesquelles ils nommerent Climateriques, à cause de la diction Grecque. Climas, c'est à dire eschelle, ou degré : pour denoter que telles années sont limitees en façon de degrez, mais difficiles à passer, durant le cours de la vie humaine : car tout ainsi qu'ils soustenoyent les iours septiesme, neufuiesme, & quatorziesme estre dangereux durant les maladies & infirmités des hommes : au cas pareil ils prindrent garde que tel nombre limité auoit lieu és années de la vie humaine, à cause de la force des nombres, desquels ont fait si grand cas Pithagoras, Temistius, Boëce, Auerrois, & plusieurs autres : & aussi pour le regard des influences & dominatiōs des mauuais planettes, comme ie puis dire de Saturne, qui regne en diuerses saisons, & diuers ages : en sorte qu'ils sentoient (ainsi que tesmoignent Marsil Ficin, Censorin, & Aulugelle) que toutes les années septenaires portoyent grand changement : & iugeoyent estre quasi impossible passer tels termes sans grand hazard, ou alteration de vie, d'estat, santé, ou complexions. Et à ceste occasion l'an septiesme, quatorziesme, vingt vnielme, vingthuietieme, trentecinquesme, quaranteneufuiesme, & ainsi chascun septiesme année estoit à craindre. Et pource qu'ils maintiennent le nombre ternaire, estre semblablement de grande efficacé,



efficace ils disoyent que trois fois sept, qui est vingt & vn, estoit de grande importance. Autant en disoyent-ils de l'annee quaranteneufuiesme, parce qu'elle est composee de sept fois sept, mais la plus à craindre de toutes estoit l'annee soixante troisieme: car tout ainsi que le nombre vingt & vn prouient de trois fois sept: tout ainsi le nombre soixante troisieme s'engendre de trois fois vingt & vn, ou de neuf fois sept, ou de sept fois neuf, qui sont nombres celebres & recommandez des plus sages. Et quand vn homme venoit à l'entree de cest aage de soixante trois ans, il estoit soigneux de garder sa santé & sa vie, attendant de iour en iour le changement d'icelle, & ce qui en pourroit aduenir, ainsi que Iules Firmique l'affirme en ses liures d'Astrologie. Aulugelle à ce propos fait mention d'une missive de l'Empereur Octavius, par laquelle il signifioit à son nepveu Cassius (estant eschappé de celle annee dangereuse) le grand aise qu'il auoit d'estre entré en l'annee soixante quatrieme, & d'auoir euité la soixantetroisieme: de sorte qu'il auoit bonne intention de celebrer sa seconde natiuité. Par ces raisons les anciens redoutoyent ceste annee soixantetroisieme, voyans que plusieurs mouroyent à l'arriuee d'icelle, durant laquelle mourut Aristote, & autres notables personnages. Et comme i'ay dit cy dessus, le nombre neuuieme estoit fort à craindre: & pourtant ils disoyent que celui qui franchissoit les soixante trois ans, ne passeroit point les bornes de quatre vingts & vn, parce que tel aage estoit composé de neuf fois neuf: auquel mourut le diuin Platon, le grand Geographe Eratostene, Zenocrate Platonicien Prince de l'antique Academie, Diogenes le Cinique, & autres excellens personnages. I'ay voulu escrire ces choses, Messieurs, plus par curiosité & exercice que pour foy que i'aye adiousté, encore qu'elles ne soyent du tout impertinentes, n'y hors de raison naturelle: car, comme nous voyons que la maladie & les humeurs prennent fin à l'homme, & qu'ez animaux les dents se changent, les barbes croissent, les voix s'augmentent, & que nature faict autres effects & notables changements sur les complexions qui sont cognues aux termes des ans: pourquoy ne croirons nous que par mesme moyen



moyen tels temps limitez ne facent autres changemens  
 & impressions? Pourquoy ne croirons nous que le corps  
 humain n'ait communication avec les celestes influen-  
 ces, comme avec les humeurs, par quelque moyen qui  
 nous est caché, encore que l'homme soit subiect à la vo-  
 lonté & gouvernement de Dieu? lequel, combien qu'il  
 ait formé toutes choses miraculeusement & surnaturel-  
 lement, veut toutesfois, que les œuvres soyent na-  
 turelles, excepté celles qui ont esté par luy  
 formées contre les loix de na-  
 ture, selon les secrets,  
 & ineffables in-  
 gemens.

*Fin de la premiere partie.*





## SECONDE PARTIE DES CHOSES MEMORABLES.

*Par combien de diuers moyens François Sforce, & Nicolas  
Picchinin ont acquis la renommee des plus sçauans en  
l'art militaire, qui ayent esté de leur temps.*

### CHAP. I.



L semble, selon la raison naturelle, que celuy qui a acquis aucun degré en quelque art ou faculté que ce soit, s'y doit du tout accommoder suyuant son commencement, pour y acquerir reputation: toutesfois nous voyons ordinairement, que par diuers moyens, les hommes paruiennent à vne mesme fin: nous en auons infinité d'exemples differens: entre lesquels me conuient nommer François Sforce, qui depuis fut Duc de Milan: & Nicolas Picchinin Italien, fort excellents en armes, qui furent du temps du Roy Alfonse d'Aragon, & de Naples: & de Louys Marie Duc de Milan. Ces deux capitaines furent fort contraires & enuieux l'un de l'autre, pource que chacun d'eux pretendoit auoir l'honneur des armes par dessus son competitor. Pour ceste cause tous deux monstrerent tellement leur esprit & dextérité, que par long temps on fut en doute, lequel estoit à preferer: & iusques à ce qu'apres longues annees & plusieurs batailles, Picchinin y demeura veincu: au moyen dequoy Sforce ayant de son costé le droit tout euidant, eut le pire, & fut Duc de Milan, demeurant maistre, ou du moins mieux fortuné. Ces deux cy (comme i'ay dit) paruiendrent par diuerses manieres en grand estime & reputation: Nicolas Picchinin estoit si petit de corps, que pour ceste cause

seule



seul il estoit nommé Picchinin : mais cōme il auoit petite stature, aussi estoit-il au contraire de grand cœur, & vaillant : il auoit peu de paroles, & encore mal ordonnées, toutesfois il comprenoit en icelles beaucoup de grandes choses : il estoit avec les soldats fort recreatif, & à ses amis liberal, mais aspre & furieux à ses ennemis : en guerre il estoit fort desirieux de venir aux armes : aussi toutes les fois que l'occasion se presentoit, il donnoit bataille, en laquelle il estoit de fort bon conseil, & prudent à s'exposer au peril : il ne pouuoit se tenir en repos, & si estoit si prompt que bien souuent il prenoit ses ennemis à despourueu : il desiroit tousiours faire eschauguettes & embusches, & s'aidoit plus en guerre de gens de cheual, que de pied, & vouloit que ses gens fussent vaillans, aspres de nature, & terribles. Ce Capitaine fut de si grand cœur, que iamais il ne s'esbahit, ny monstra signe de peur, encore que ses ennemis fussent en plus grand nombre : il auoit singuliere grace & dexterité à faire marcher ses gens, & conduire à sauueré : pour conclusion il obtint plusieurs excellentes victoires en diuerses parties d'Italie, avec renommée d'un tres bon Capitaine. Et quant à François Sforce son competeur, il auoit les conditions & façons de faire toutes contraires à celles de Picchinin : il estoit grand de corps, bien proportionné, & fort de ses membres, de gentille cōtenance, les yeux esuillez, chaue, fort beau, copieux & bien orné en paroles, vif d'esprit, & bien aduisé, desirieux de paruenir à grandes choses, patient en aduersité : il fuyoit tousiours le moyen de rompre la guerre : il s'efforçoit plustost de vaincre tenant siege, ou temporisant, que combattant, iamais il ne donnoit bataille s'il n'y estoit forcé, ou qu'il ne se vist en grande aduanture : il vouloit que ses gens marchassent en bon ordre, & par bon moyen : qu'ils fussent vaillans, & toutesfois gracieux, & si faisoit plus de cas de l'infanterie que de la gendarmerie : & la mettoit plustost en cœure, cōme celle qu'il estimoit le plus : il estoit ferme & constant en ses entreprises, vif & sage à rompre l'ennemy, & à descouurir les fallaces algarades qu'on luy faisoit ou vouloit faire : & quant aux inuentions nouuelles, il estoit tousiours sur ses gardes : encor estoit-il homme de bon conseil en toutes



ehoses. Avec lesquelles regles (bien qu'elles fussent fort différentes de celles de l'autre) il fut en estime de tresbon Capitaine : & si paruint par plusieurs & diuers moyens à la Duché de Milan, & à estre l'un des premiers hommes de son temps. De ces deux si notables hommes plusieurs modernes historiens ont escrit, principalement Eneas Syluius depuis Pape en la Cosmographie, & Antoine Sabellic en ses Eneades, où les lecteurs pourront voir de braues gestes de ces deux hommes.

Que le Lyon a peur du Coq, avec mairtes autres choses notables de la bonié, & douceur du Lyon.

## CHAP. II.

**D**ieu n'a point fait de creature si puissante au monde, qu'il ne luy ait laissé cause de crainte, & quelque chose qui luy puisse nuire: aussi n'y a-il rien au monde de ferme & assésuré, car vne chose est destruite par l'autre, laquelle apres est pareillement ruinee par vne autre: tellement que ne sçauons dequoy nous garder, ny quelle chose conserue ou gaste. De la vient, que bien souuent nous suyons ce qui nous peut nuire, & encourons par autre voye, au peril que ne cognoissons. Outre ce, il y a entre les animaux & autres choses créées certaine amitié, ou haine naturelle, par vne secrette propriété: au moyen dequoy les vnes se cherchent & suyuent, & les autres se fuyent. Quel animal est plus fort que le Lyon Prince des bestes? nul: & pour ceste cause à ce nom, d'autant que (selon aucuns) Lyon en Grec, signifie Roy: ou bien, selon quelques autres, voir: & que pour auoir la veüe fort bonne il est ainsi nommé. Mais quoy qu'il en soit, ceste puissante beste que chacun craint, dès qu'il void le Coq il s'enfuit de peur, & ce par vne secrette propriété de nature, ainsi que le lieure fuit le chien, & non seulement le fuit en le voyant, mais aussi en le sentant de loin, ou l'oyant chanter il en a merueilleuse crainte. Encore ne fuit-il pas seulement cest animal, mais aussi le bruit d'un chariot allant par les chemins: & pareillement il fuit sans aucun arrest dès qu'il void vn homme portant lumiere en la main



main: ce qui semble estre incredible, & que ceste beste  
 furieuse soit espouuantee pour si peu de chose: toutesfois  
 on l'a veu par experience, outre ce qu'en escrit Plutarque  
 en son liure de la difference de haine, & d'enuie, & Plinc, S. Ambr.  
 & S. Ambroise: Albert le Grand le tient aussi, & dit que  
 si le Coq est blanc, il donne dauantage de frayeur à ceste  
 beste. Si ne peut-on de cela donner raison assuree,  
 pource que telle chose prouient (comme i'ay dit) d'une  
 lecrette proprieté de nature. Toutesfois Lucrece ancien  
 Poëte dit que le Coq & son pennage ont certaine pro-  
 prieté ou qualité, que le Lyon le voyant en reçoit gran-  
 de douleur, & ne la pouuant supporter il fuit. Quelques  
 autres attribuent ceste peur aux causes supremes & cele-  
 stes influences, & non aux sentimens & à la mariere:  
 pource, disent ils que ces deux bestes sont suiuettes au So-  
 leil, la vertu duquel, touche plus le Coq que le Lyon: &  
 de la vient que l'inferieur & moins vertueux en ceste  
 partie (bien que maieur en grandeur & force) craint &  
 obeyt au superieur: & disent encore que pour estre le  
 Coq de la nature du Soleil, il se resioyt & chante du ma-  
 tin à la venuë & leuee d'iceluy. En quelque sorte que ce  
 soit, le Lyon est le plus fort, & de plus grand cœur que  
 toutes les autres bestes: & combien qu'il soit ainsi fier &  
 cruel contre les furieux & terribles, si est-ce que de luy  
 nous auons infinité d'exemples, manifestans sa douceur  
 & clemence: de partie desquels & mesmes des plus appa-  
 rens, ie vous feray quelque recit. Apion Grec escrit (selon  
 que recite Aulugelle) cōme de chose qu'il a veüe, ce que  
 pareillement est affermé par Elian au liure des animaux,  
 qu'en certaines festes qui se faisoient à Rome fort so-  
 lennelles, ou auoit accoustumé qu'au grand Theatre, an-  
 quel estoient mises plusieurs sortes de bestes sauuages  
 & cruelles, comme Lyons, Leopards & autres, on y iet-  
 toit les hommes condamnez à mort, pour combattre  
 ces bestes, afin d'estre ou deuorez par elles, ou qu'ils  
 s'en defendissent vaillamment, spectacle à la verité fort  
 cruel. Or aduint vn iour, qu'entre les autres criminels  
 qui y furent mis, on y exposa vn nommé Androde, serf  
 d'un Senateur de Rome: & entre les autres bestes qui  
 estoient en ce Theatre, y auoit vn Lyon de grandeur &

Plutarque  
 Plin. liu. 8.

liure 9. de  
 son ex-  
 mer.

Albert le  
 Grand au  
 liure des  
 bestes.

Lucrece  
 Poëte.

Elian liu.  
 des ani-  
 maux.



puissance insigne, & tres-cruel, lequel auoit esté amené d'Afrique, & sur iceluy chacun arrestoit sa venë: ce Lyon regardant la part où auoit esté ietté Androde, & l'ayant vn peu considéré & recogneu, s'en alla incontinent vers luy pas à pas & tout doucement, donnant neantmoins opinion à tous, qu'il l'alloit mettre en pieces, mais il aduint au contraire: car le Lyon avec le chef enclin, s'approcha gracieusement d'Androde, qui tout tremblant attendoit la mort: toutesfois le Lyon, en le costoyant amiablement, se mit à luy faire grandes caresses, baisant & leschant ses mains & genoux, tout ainsi que les chiens sont coustumiers de faire festes à leurs maistres qu'ils n'ont veus de long temps: Androde voyant la douceur & priuauté du Lyon, reprint courage, & festoya le Lyon, luy planissant le poil, & en le regardant ententiuement le recogneut, & luy monstra grand signes de ioye: dont le peuple estonné voyant cest estrange cas, se print à bruir en voix publiques, & en parloit chascun à sa fantasie. Au moyen dequoy l'Empereur fit tirer Androde hors de là, & l'amener deuant luy, pour enquerir & sçauoir la cause de telle cognoissance & priuauté, & en quel lieu il auoit premierement veu ce Lyon: à quoy il respondit que luy estant en Afrique, du temps que son maistre estoit Lieutenant general & grand Gouverneur de ceste Prouince, pour les grands outrages & excès que luy faisoit sondit maistre, fut contraint se rendre fugitif: & n'ayant lieu de seur accez pour se retirer, se mit en vne grande forest, & entra dans vne cauerne qu'il y trouua, où tost apres arriua vn Lyon, qui non seulement ne luy fit aucun mal, ains en s'approchant luy monstra vne de ses pattes qui estoit blesee & sanglante, comme s'il luy eust voulu demander remede & guerison: dont luy s'aduilsant print la iambe, & voyant qu'il auoit vne espine ficee en la patte, l'arracha le plus doucement qu'il peut, & luy estancha le sang, tellement que la douleur s'appaisa. Ce fait, le Lyon se mit à reposer & dormir en son giron, & de là en aduāt, par chascun iour, le Lyon luy apportoit la meilleure partie du gibier & proye qu'il prenoit à la chasse, & la luy faisoit cuire au Soleil de midy par faute de feu, puis la mangeoit: mais apres auoir esté en ceste sorte, l'espace



l'espace de trois ans continuellement avec le Lyon, il s'ennuya de ceste maniere de viure: & voyant vn iour que le Lyon estoit alié à ses pourchas ordinaires, s'en partit pour chercher son aduanture: or ne fut il guere loint hors du bois qu'il fut rencontré par aucuns qui le recogneurent, & le renuoyerent à Rome vers son maistre, qui incontinent le iugea digne de mort; comme serf fugitif, & le fit mettre avec les autres criminels, pour estre exposé aux bestes en plein Theatre, où il fut recogneu par le Lyon, comme vn chacun auoit peu voir. Ces choses entendues par l'Empereur, & à la clameur du peuple, Androde fut deliuré & mis en liberté, ensemble le Lyon, duquel il auoit reçu ceste grace: lequel deslors & long temps apres alloit par les rues de Rome en la compagnie d'Androde, sans faire mal à personne: qui fut cause que plusieurs citoyens de Rome l'aimoyent, & luy faisoient presens, le nommant le medecin du Lyon: & le Lyon, l'hoste d'Androde. Ceste infortune aduint au Lyon d'auoir l'espine dans la patte: & Dieu, par instinct naturel, luy donna cognoissance de recourir à l'homme pour sa santé. Cela semble bien veritable, pource que nous en trouuons assez d'autres exemples, escripts par plusieurs auteurs dignes de foy. Plin au lieu preallegué raconte d'un Siraculain nommé Mutor, lequel estant en Syrie, rencontra vn Lyon qui se presenta deuant luy, & se couchant par terre, faisoit plusieurs signes de supplication dont le Siraculain estonné de peur se mit en fuite: mais le Lyon tousiours le suyuoit & deuançoit, le flétant & leschant: en fin le Siraculain aduisa que le Lyon estoit blessé au pied, & le print, & luy en osta vn escot de bois qui estoit dedans, & ainsi le Lyon fut guéri. Ceste histoire depeinte par le mesme Mutor en vn tableau qui est en Siracuse, en fait le tesmoignage. Le mesme auteur recite pareillement d'un nommé Elpis, natif de Samos, lequel s'estant desembarqué en Afrique, vid assez pres du port venir vers luy vn Lyon rugissant, & se plaignant merueilleusement, dont il eut si grand peur qu'il se sauua sur vn arbre, au pied duquel le Lyon, faissant plusieurs cris & plaintes, se renuersa par terre, haussant & luy monstrant sa patte toute sanglante, comme voulant



esmouuoir l'homme à commiseratiō: dequoy s'aduisant Elpis, en s'asseurant descendit de l'arbre, & tira l'espine du pied du Lyon: lequel en recognoissance de ce bienfait, tout le temps que ceste barque fut à bord, il y portoit la chair de la chasse, qu'il faisoit en la forest, de laquelle Elpis, & ses compagnons furent long temps alimentés. Ceste chose est rendue plus croyable, par le semblable cas aduenū à saint Hierosme, par vn autre Lyō, qui fut guerri d'vne pareille playe, lequel puis apres recogneut le bienfait, car il accompagnoit l'asne chargé de bois, iusques à ce qu'il fust en l'hermitage. Nous lisons encores que Godefroy de Bouillon, apres auoir conquis la terre sainte, & allant vn iour à la chasse parmy la Iudee, trouua vn Lyon combattant avec vn serpent, qui le tenoit estroitement lié & ceint, avec sa queue en grand peril de mort: & ayant le serpent esté tué par Godefroy, le Lyon en remuneration de ce benefice, le suyuit & accompagna tousiours, sans partir de sa garde: & quand il alloit à la chasse, il luy seruoit de leurier. Aduint depuis qu'en vne navigation que fit Godefroy, estant le Lyon demeuré à terre, & ne voulant son maistre retourner pour le mettre en sa nauire, le Lyon afin de le suyure se jetta en l'eau, ou il fut noyé aduant qu'on le peust secourir. Quant est des Lyōs qui ne firent en Babilone aucun mal à Daniel, ny des autres, qui du temps de Diocletian, & Numeriā Empereurs de Rome, ne faisoient mal aux Chrestiens, qui leur estoient iettez pour viande & pasture, ie ne les mets pour exemple du naturel des Lyons, d'autant que telle chose procedoit par miracle de Dieu. Entre les choses notables de la noblesse de ceste beste, on dit qu'il ne fait mal aux hommes, s'il n'y est contraint par grande necessité de faim: & s'il rencontre l'homme & la femme ensemble, il s'adresse plustost à l'homme qu'à la femme: & iamais, ou peu souuent ne fait mal aux enfans. Il semble que le Lyon à l'imitation de l'homme, ait quelque audace ez choses qui touchent l'honneur, avec vne crainte d'y deroger: car s'il se sent pourfuyui & seait estre veu, il fuit d'vn pas lent & tardif, pour ne mōstrer faute de courage en sa fuite: mais s'il seait estre à couuert parmy les bois, & qu'on ne le voye, il fuit tant qu'il peut. Et disent plus ceux, qui en ont

escriit,



escriit, que quand il va ainsi fuyant il ne regarde iamais derriere luy, pour monstrier le mespris qu'il fait de ceux qui le suyuent. Le Lyon par vn instinct naturel, est de si grande cognoissance, que si quelqu'un le blesse de quelque sorte d'armes, encore qu'il soit entre plusieurs hommes, si est ce que le laps du temps n'empesche qu'il ne le recognoisse & en prenne vengeance s'il peut. A ce propos Elian recite d'un ieune enfant, nourri & esleue par Iuba Roy de Mauritanie: lequel vn iour allant à la chasse avec le Roy, frappa vn Lyon d'une lance: mais le Lyō quelque temps apres guerit, & passant le Roy par celle mōtaigne accompagné de plusieurs ieunes hommes, ce Lyon recogneut celuy qui l'auoit auparauant blesse: parquoy d'une grande fureur, se mesla impetueusement parmy eux: en sorte que sans que le pauvre ieune hōme peust estre defendu, il le mit en pieces. Les mesmes auteurs disent encore vne autre grande merueille, que si la Lyonne à eu compagnie d'un autre Lyon, son malle le cognoit à l'odeur, & l'en chastie & l'a bat grieuement: & quand le Lyō est si vieil, qu'il ne peut plus combattre, ny chasser aux autres bestes, les ieunes Lyons plus forts, & puisans aident à pourchasser la proye: laquelle ils tuent, puis le conduisent, ou elle est, pour en manger. De toutes ces choses sont auteurs Plin, Aristote, & Albert le grand, & si en escriuent beaucoup d'autres choses que ie ne di point. I'ay voulu seulement raconter ces exemples, en la confusion des hommes ingrats & cruels, leur monstrier que mesme ez bestes brutes se trouue de menue, & recognoissance de bien-faict.

Qu'il fut le premier qui apprivoisa le Lyon: & ce que Lisimaque capitaine d'Alexandrie fit à vn.

#### CHAP. III.

Ceste puissante beste, dont nous auons parlé au chapitre precedent, combien qu'elle soit furieuse & cruelle, peut neantmoins estre apprivoisee par la dextérité & diligence des hommes. Le premier qui y paruint, fut vn Carthaginien nommé Hannon: mais la remune-



ration qu'il en eut, fust d'estre banni du pays : car ils disoyent, que cest acte de dompter le Lyon, estoit vn indice de se vouloir faire Seigneur du pays : & Pline dit que les Carthaginois le bannirent, pource qu'ayant dompté le Lyon il pourroit aisemēt persuader, & faire ce qu'il voudroit des citoyens de la ville. Il raconte semblablement de Marc Antoine, cousin d'Octavius, qui fit tellement apprivoiser les Lyons, & reduire à telle douceur, qu'il les mettoit sous le ioug, & faisoit tirer son char par tout où il alloit. Il se trouue que le semblable a esté fait par l'Empereur Eliogabale. Le Roy Iean de Castille, second du nom, auoit vn Lyon si domestique & priué, que toutes les fois qu'il tenoit son siege, il le vouloit auoir auprès de luy. Messire Jaques de Desse, Archeuesque de Seuille, en auoit vn semblable. Louys Celie escrit auoir leu en vn autheur approuué, qu'une brebis cōceut, & façōna vn Lyon, chose fort monstrueuse en nature. Encore lisons nous de plusieurs hommes, qui avec leurs propres mains ont tué des Lyons, comme Samson, Hercules, & David. Et si me souuient auoir leu, que Lyfimaque, vn des Capitaines d'Alexandre le Grand, tua vn Lyon en la sorte que s'ensuit. Alexandre auoit en sa compagnie le philosophe Calisthene, lequel comme homme libre, & sage, faisoit quelquefois des remonstrances, & reprehensions à Alexandre: au moyen dequoy il en fut par luy mal traité: en sorte que quelquefois il se faisoit mettre en vne cage avec les chiens (vergongne & ignominie, certes impossible à porter, à l'esprit libre & vertueux de Calisthene, qui aimait mieux la mort volontaire) à quoy il fut secouru par le venin de Lyfimaque son disciple, qui estoit fort dolent de telle chose: dequoy aduertit Alexandre, il le fit ietter par grand despit à vn Lyon pour le deuorer: mais Lyfimaque, homme courageux s'arma secrettement le bras droit & la main: puis estant exposé au Lyon, & voyant que la beste venoit à luy pour le deuorer, luy d'un grand cœur luy mit le bras armé dedans la gueule, sans receuoir aucun mal de ses dents, & luy print la racine de la langue avec la main: de telle sorte que (encore que le Lyon l'esgrainast cruellement avec ses ongles, dont depuis fut en danger de mort) il ne laissa iamais la prise,







& fut Roy en son lieu, son frere Balduin homme egal aux merites du defunct: pendant le regne duquel, entre les autres qui passerent par delà, furent neuf gentils-hommes, fort grands compagnons & amis: desquels il ne se treuve que deux nommez (qui peut estre) estoient les principaux, l'un Hugues de Paganis, l'autre Gadefride de saint Adelman: lesquels arrivez en Hierusalem, & ayans bien contemplé le pais & tous les lieux voisins, ils trouuerent qu'au port de laphe, & autres endroits de leur voyage, il y auoit plusieurs guetteurs de chemins, qui chacun iour tuoyent & voloyent les passans: au moyen dequoy, apres meure deliberation, conclurent avec l'aide de plusieurs autres (car il est à presumer que ils s'allierent avec autres gens de leur vouloir) firent vœu (pour faire agreable seruice à Dieu) d'employer toute leur vie, à rendre le chemin seur & facile, ou mourir en ceste entreprinse, pendant que les autres Chrestiens estoient empeschez en autres lieux à combatre les infideles. Et perseuerans en ce saint exercice ils prirent pour leur retraite, & lieu assigné vne Eglise nommee, Le saint temple, par la permission de l'abbé du lieu: & pour ceste cause furent appelez Templiers, comme tousiours ils ont esté depuis. Ce que voyant le Roy, & le Patriarche de Hierusalem, & telle chose estre sainte & loüable, ils leur administrerent toutes choses necessaires: & en ceste sorte vesquirent dedans ce temple religieusement, en grande chasteté: & qui plus est multiplioient & s'augmentoient de iour en iour. Toutesfois encore qu'ils fussent en grand nombre, si n'auoyent ils habbits ne reigle designee, ains viuoient ainsi en commun, obseruans leur vœu, par l'espace de neuf ans: pendant lequel temps, pour le grand seruice qu'ils faisoient à la Chrestienté, leur credit, & bonne reanommee s'auoient grandemēt, avec le moyende leur bon exemple. Ils creurent semblablement en grand nombre: qui fut cause, que le Pape Honoré second, à la priere & conseil d'Estienne Patriarche de Hierusalem, leur fit depuis vne reigle, & ordre de viure, & ordōna qu'ils seroyent vestus de blanc. Depuis le Pape Eugene troisieme, leur adiousta vne croix rouge en l'estomach: ce qu'ils promirent par vœu solem



solemnel d'observer, comme font les autres religieux, & leur fust distribuee, & baillée par la main de S. Bernard, tressainct docteur: qu'ils esleurent incontinent pour chef & maistre de leur ordre, ainsi que font les autres religieux cheualiers. En bref temps apres, ils creurent en si grand nombre, & firent de si hauts faits d'armes, que non seulement ils gardoyēt les chemins du saint voyage: contre les larrons & brigans, mais aussi par mer & par terre, ils faisoient de grandes incursions, & fortes guerres sur les infidelles: dont la bonne renommee en fut si bien esparse par toute la Chrestienté, que les Roys & Princes de plusieurs parts leur ordonnerent de grandes rentes qu'ils employoient en ces guerres, comme vrais cheualiers de Iesus Christ. Et par succession de tēps accrourent tellement d'heure à autre, en puissance & richesse que par toutes côtrees & prouinces, ils auoyent de grâdes villes & lieux forts, avec force subiects, principalement en la terre sainte, ou residoit ordinairement le grand Maistre de l'ordre, avec la plus grande part d'eux, tenant continuellement armee, tant là qu'aux autres lieux, ou il leur sebloit le plus necessaire. Depuis aduint, par les pechez des hommes, par le discord meü entre les Chrestiens, & par la negligence des Princes, que la ville de Hierusalem & autres lieux ainsi acquis furent reconquis par les infidelles, nonante ans apres la conqueste de Godefroy de Bouillon: Ce neantmoins, c'est ordre de cheualiers Templiers ne delaiſſa ce saint labour: ains chassiez de là, se vindrent ranger en d'autres lieux, faisans de grandes guerres aux ennemis de nostre foy: & durerent encore six vingts ans, apres la perte de Hierusalem, gardans ce qu'il leur estoit demeuré en Orient: & iusques en l'an mil deux cens dix, ou environ, que tel ordre de Templiers qui auoit duré environ deux cens ans fut entierement destruit par le Pape Clement cinquiesme, qui lors tenoit sa cour en la ville de Poyctiers, qui est du pays de France: & ce (comme quelques vns dient) à la poursuite du Roy Philippe le Bel. Ce qui aduint, ou pour la prosperité & grandes richesses qu'ils auoyent, par le moyen desquelles ils deuiendrent meschans & se ruinerent eux-mesmes, ou,

peut



peut estre, que Philippe Roy de Frâce lors regnât, ayant esté seduit par faux rapports, ou encore, parauanture, pour auoir les biens de ceste religion, persuada au Pape de faire telle chose. En cela son fort variables les opinions de ceux qui ont eserit : toutesfois c'est assez de dire qu'ils furent condamnez, & les biens de ceste religion confisque. Pour à quoy paruenir (pource qu'ils estoient fort puissans) fut contre eux faite vne secrette inquisition (fut fausse ou vraye) apres laquelle, le Roy mit tel ordre en toutes les parties de son Royaume, que en vn certain iour assigné, tous les Tēpliers qui peurent estre trouuez, furent prins & leurs bien saisis, & mis en la main de Iustice: ce fait, lon besongna à leur procez, & en fut le iugement executé tel que nous le dirons. Quāt aux crimes qu'on leur mit sus, furent ceux-cy : que leurs predecesseurs auoyent esté cause de perdre la terre sainte : qu'ils eslisoyent leur grand Maistre en secret : qu'ils auoyent de mauuaises superstitiōs : qu'ils tenoyent quelques propositions heretiques : qu'ils faisoient leur profession deuant vne statue, ou image vestue d'vne peau d'homme, qu'ils beuoyent sang humain : qu'en secret ils iuroient de s'aider l'vn à l'autre, leur attribuant, par ce moyen l'abominable peché contre nature, & qu'ils en estoient tous coupables. A ces causes, fut fait le procez contre le grand Maistre nommé Frere laques, natif de Bourgongne, homme yssu de grande maison : & apres par consequent, contre tout le reste des Religieux. Finalement le Pape par sentence definitive, les condamna au feu : plusieurs desquels furent executez, & leurs biens confisque : dont grande partie fut appliquee à l'ordre des cheualiers de saint Iean de Hierusalem, qui environ ce temps, ou vn peu auparauant, auoyent conquis l'isle de Rhodes dessus les infidelles. autre partie de ces biens fut ordonnee à d'autres ordres : l'autre partie (par permission du Pape, ou autrement) demeura entre les mains des Princes, qui s'en estoient saisis & emparez lors de ladite prinse. C'este sentence fut publiee par toute la Chrestienté, & si est approuuee bonne & iuste par les croniques de France & par Platine en la vie du Pape Clement V. & aussi par Raphael Volaterā, & Polidore Virgile. Tous-  
cesfois



resfois quelques autres soustiennent, que ceste sentence fut iniuste, & donnee sur faux tesmoins, chargeans principalement de ceste faute le Roy Philippe: disans que pour desir d'auoir leurs biens, il pourchassa leur destruction: & disent encore qu'au temps qu'ils furent iusticiez, le commun peuple les tenoit pour saints, & martyrs, reseruant des pieces de leurs habillemens pour reliques. De ceste derniere opinion ont esté saint laques de Margonce, Naucles, & Antoine Sabellic en leurs histoires, & Jean Bocace au liure de la ruine des Princes: & dit l'auoir entendu de son pere, qui se trouua present à l'exécution de la sentence. Il semble aussi que saint Antonin Archeuesque de Floréce soit de ceste opinion, & recite la chose estre aduenue ainsi qu'il s'ensuit. Estât le Pape Clement, *Antonin en la 3. partie de son histoire.* & la Cour Romaine en France, où elle residoit: & se voyant fort stimulé de Philippe Roy de France, de tenir la promesse qu'il luy auoit faite, en le faisant eslire souverain Euesque: qui estoit de condâner le Pape Boniface, & faire brusler ses os, ce que le Pape delaissoit à faire pour luy sembler fort difficile: aduint qu'un cheualier de l'ordre des Templiers, Prieur d'une des Commanderies nommé Monfaucon, fut prins en la ville de Toulouse, & mené prisonnier à Paris, par l'ordonnance du grâd Maître, à cause de quelques crimes par luy commis, & encontre (comme quelques vns dient) pour heresie. En ce mesme temps fut aussi mis en la mesme prison, un autre natif de Floréce, Cheualier de ce mesme ordre, par le commandement de leur grand Maître, à cause de plusieurs autres delits. Ces deux ensemble, cognoissans que pour leurs malesices il n'y auoit aucun espoir de sortir, delibererent, pour se deliurer de prison, & pour se venger (comme meschans qu'ils estoient) de leur grâd Maître, d'accuser la religion, des crimes que nous auons dit cy dessus: & pour ce faire appelerent avec eux en ce cōseil, & pratique quelques officiers du Roy, accusans de ces choses le grand Maître, & les autres cheualiers, disans qu'ils estoient dignes de mort, & que le Roy, comme homme de bien, & de bonne iustice, y deuoit pourvoir: consideré mesme le grand profit qui luy en viendroit, sçachant les biens d'icelle maison. Quoy entendu par le Roy



Roy, il y presta l'oreille, ordonnant qu'on en parlât plus amplement à ces deux prisonniers: puis le fit inconuenient à sçauoir au Pape, luy remonstroit que tel ordre deuoit estre ruyné & mis à sac: le Pape apres auoir ouy les prisonniers, ou bien la relation qui luy en fut faicte par d'autres, ou plustost pour se deliurer de l'importune requeste que luy faisoit le Roy contre le Pape Boniface, sans en faire plus ample inquisition ny procez contre eux: ains seulement avec ces indices, escriuit secretement par toute la Chrestienté, qu'en vn certain iour deputé, tous ces cheualiers Templiers fussent prins, & tous leurs biens sequestrez: & à pareil iour, que ces lettres furent expediees, le grand Maistre (qui pour lors se tenoit à Paris) fut prins, avec soixante cheualiers des principaux: lesquels apres les preuues faictes, & venans aux confrontations, nierent fermement & par grande assurance auoir fait telles offenses, non pas seulement pensees, & qu'ils estoient bons Chrestiens. Ce nonobstant fut le procez conclud contre eux: & tous soixante (hors mis le grand Maistre, & quatre autres, qu'on reserua pour vne autre fois) furent tirez hors de Paris, & mis sur vn grand eschaufaut faict expres: sur lequel ils estoient iettez à la veüe du peuple, l'vn apres l'autre, dans le feu: afin que si quelqu'vn d'eux confessoit les fautes, ou partie d'icelles, dont ils estoient accusez, on leur peust sauuer la vie. Mais combien qu'ils fussent par leurs perens & amis exhortez à confesser le faict, encores qu'ils ne fussent coupables, afin au moins de sauuer leur vie, si est-ce qu'ils le nierent tousiours, appellas Dieu en tesmoignage de leur innocence: & furent ainsi bruslez sans iamais rien confesser. Cela fait, le grand Maistre, & vn autre nommé Frere Daufin, & Frere Hugues, & les autres qui auoyent esté officiers en la Cour du Roy, furent menez où demouroient l'Empereur & le Pape: par lesquels il leur fut faict grands promesses, afin qu'ils confessassent ces pechez, dont ils estoient accusez: desquels ils recogneurent partie, par le moyen de tant d'importunitez & autres choses: apres laquelle confession furent menez au supplice, où leur procez fut leu premierement, & la sentence, par laquelle le Pape condamnoit le grand Maistre, & tous les

Cheua



Cheualiers de son ordre. Cependant qu'ils estoient en ces entrefaites, le grand Maistre se leua sur ses pieds, disant qu'il deuoit estre ouy: puis dit, que veritablement il auoit merite la mort pour tât d'offences qu'il auoit faites enuers Dieu: tout estoit que de ces crimes dont luy & les cheualiers estoient accusez en ce procez, ils estoient innocens: & que s'ils en auoyent confessé quelque chose, ce auoit esté par crainte, & à la suscitation & priere du Pape, & que ce qu'il disoit alors estoit veritable: autant en dit Frere Daufin, & voulans dire d'auantage, ils furent exposez au feu, & bruslez, appellans incessamment Dieu, avec vne grande constance & deuotion: mais Frere Hugues, avec son compagnon pour sauuer la vie, confesserent encore ce qu'ils auoyent confessé par le procez: lesquels neantmoins vesquirent peu de temps apres, & moururent miserablement: comme aussi firent les deux autres Cheualiers prisonniers accusateurs, l'un desquels fut pendu & estranglé, & l'autre fut tué: ce qui sembla au peuple vn grand mystere de Dieu. Au moyen dequoy plusieurs grands personnages & de grád sçauoir tenoyent pour certain, que telle sentence estoit iniustement donnee, & mal executée contre les Templiers, & qu'ils estoient condamnez pour auoir seulement leurs biens. Toutes ces choses sont recitees par saint Antonin au lieu preallegué, avec les autres auteurs: qui est la raison pour laquelle ie ne feray point de resolution là dessus, pource qu'il semble fort à croire, que le Pape ait faillí en chose de telle importance. D'autre costé il n'est pas croyable que tout vn ordre, où il y auoit tant & si grande diuersité de Cheualiers, fust entierement si meschant. Or ce secret & beaucoup d'autres, qui nous sont cachez maintenant, nous seront decouuers au iour du iugement: car toutes les coulpes de chacun seront cogneuës.



*Par quel moyen le siege du Pape fut transferé en France, combien il y fut, & comme il retourna dans Rome.*

## CHAP. V.

**P**Vis que nous auons raconté l'histoire des Tempeliers, il semble venir bien à propos de faire mention pour quelle cause du temps de ce mesme Pape Clement cinquiesme, le siege Papal a esté transporté en France. Et faut entendre que mort le Pape Benoist onzieme, qui fut excellent Pontife, & duquel le corps fit plusieurs miracles apres sa mort, comme on dit, l'Eglise de Rome fut treize mois sans souuerain Euesque, au moyé du schisme & discord qui estoit entre les Cardinaux electeurs: qui pendant ce temps ne bougerent du conclaue, sans iamais le pouuoir accorder en l'election: parce qu'entreux il y auoit deux factions & brigues, l'une tenoit la voix de la nation François, & se traualloit d'eslire vn homme qui fust à l'appetit de leur Roy: l'autre faction estoit de Cardinaux Italiens, qui essayoient faire vn Pape de leur nation: & pour autant que l'une & l'autre partie estoit egale en force & en nombre, demurerent ainsi par long temps suspens, sans qu'aucuns d'eux peussent paruenir à leur intention. Quoy voyant les Cardinaux François, s'aduiferent d'une finesse, avec laquelle ils deceurent les autres: car ils leur firent vn parti, c'est à sçauoir, qu'ils nommeroyent trois Italiens, l'un desquels seroit esleu par les Italiens pour estre Pape: & s'ils ne vouloyent ce parti, eux mesmes nommassent trois François tels que bon leur sembleroit, l'un desquels seroit esleu par les François à leur volonté. Or les Italiens (pensans estre en leur puissance d'eslire trois François si ennemis de la couronne, qu'encore que le moindre d'eux fust Pape, il seroit neantmoins à leur intention) accepterent le parti de les nommer: par ainsi en nommerent trois, fort ennemis du Roy, lequel pour lors estoit mal estimé de l'Eglise Romaine, à cause des grands differens qui auoyent esté entre luy, & le Pape Boniface, predecesseur de Benoist onzieme. L'un de ces trois fut l'Archeuesque de Bourdeaux, nommé Bertrand. De ceste nomination les Cardinaux François aduertirent le Roy, afin qu'il trou-  
uast



uait le moyen de se reconcilier avec l'un d'eux, & ce fait, qu'ils les en aduertist en toute diligence: parquoy le Roy enuoya tres affectueusement prier l'Archeuesque de Bordeaux, de se trouuer incontinent en vn certain lieu deputé, pour chose de grande importance, touchant son honneur & profit, l'asseurant du grand desir qu'il auoit de se tenir avec luy en amitié: à ceste cause l'Archeuesque sans arrester, se retira au lieu designé par le Roy: où assemblez, le Roy luy dit qu'il le vouloit faire Pape, sous la condition de quelques promesses qu'il vouloit: ce que entendu par l'Archeuesque, il ne fit difficulté de promettre ce que le Roy luy demandoit, pourueu qu'il paruinist à vne si grande dignité. Finalement par le moyen de plusieurs promesses signees & sceelées de iuremens solennels faits entr'eux, le Roy luy promit l'eslire par dessus les deux autres nommez: puis avec la plus grande diligence qu'il fut possible de faire, il escriuit aux Cardinaux qui fauorisoyent & tenoyent son parti, qu'ils nommassent cest Archeuesque de Bordeaux: tellement qu'en son absence, il fut esleu souverain & grand Euesque, en l'an de nostre Seigneur selon Platine, 1205. & se fit nommer Clement; lequel ayant nouuelle de son election & à la priere, & requeste du Roy s'en alla en la ville de Lyon, où il fit venir les Cardinaux, & toute la Cour de Rome, qui estoit vne des promesses qu'il auoit faite au Roy. Au moyen dequoy les Cardinaux Italiens, se cogneurent deceus & trompez, & encore contrains, contre leur volonté, de venir en France, pour satisfaire au vouloir du Pape: par ainsi la cour de Rome s'arresta en France, & y fut continuee avec son grand honneur, & domage de toute l'Italie. En ceste mesme ville fut fait le sacré & couronnement du Pape Clement, en grande solennité: mais comme ils estoient embesongnez, & tout le mode attristif à y voir faire les ceremonies accoustumees, il cheut vn pan de mur du lieu où telles choses se faisoient, qui tua plus de mille hommes: entre lesquels mourut le Duc de Bretagne, & autres grands personnages, & si aduint que la foule du peuple qui fuyoit, fit tomber le Pape de son cheual à terre, où il fut en danger de perdre la vie: pareillement le Roy se trouua en grande

*Note de voir Platine pour accorder ce passage de temps avec celui du chap. precedent.*



peine, qui sortit de la presse nauré, & mal mené. Ces choses exécutées, le Pape fit plusieurs Cardinaux nouueaux, qui tous estoient du party de France: & enuoya trois Cardinaux à Rome pour gouverner l'estat de l'Italie, se delibérant de mourir en France, où il tint siege huit ans onze mois. Et luy succeda le Pape Iean vingtroisiesme du nom, qui vescu aussi en France, mettant sa cour en Auignon, pays de Prouence, & dit-on qu'elle appartient à l'Eglise, pour auoir esté acheptée par le Pape Clement sixiesme, de madame Ieanne Royné de Naples, & Contesse de Prouence. Il y eut six Papes qui y demurerent l'un apres l'autre: le siege desquels dura soixante ans: d'où prindrent occasion quelques Italiens de le nommer, la transmigration de Babilone, & dura iusqu'au tēps de Gregoire onziésme comme docte. Or fut le siege remis en ceste maniere: car passant par deuant luy vn Euesque de sa cour, luy demâda pourquoy il n'alloit gouverner son Euesché, & que ce n'estoit point chose conuenable, de voir les brebis viure sans pasteur, & l'Euesque luy respondit, mais vous Pere saint, à quelle fin me dites vous cela? veu que vous mesme, qui nous deuez donner exemple, n'allez pas resider en vostre Euesché, qui est si long temps delaissee de son pasteur. Au moyen desquelles paroles ce Pape esmeu, & cognoissant combié de maux estoient suruenus en Italie, pour l'absence du Pontificat, & encore, comme quelques vns dient, suscitē par les lettres & admonitions de sainte Catherine de Siēnes, il determina s'en aller à Rome: pour à quoy paruenir, il fit faire secrettement vingt & vne galere, seignāt les vouloir employer à quelques autres affaires, & les fit mettre sur le Rosne, & fournir de tout ce qui estoit necessaire, puis vn iour entra dedans & paruenus à la mer, quelques iours apres il arriva à Genes, & de Genes à Cornette, où prenant terre il tira droit à Rome, en l'année 1364. où il fut reueu en grāde magnificence & incroyabable plaisir, ainsi qu'un pere fort desiré de ses enfans: lequel peu apres, comme bon pasteur, reedifia les temples & edifices de Rome, qui estoient tombez en ruine, par vieillesse & negligence des hommes: esquelles ceures & autres saints exercices il despensa le reste de sa vie, laquelle



laquelle il finit en l'an mille trois cens soixante & huit; puis fut enseveli avec autant de plaintes & larmes, qu'autre qui eust esté auparavant luy. Apres le trespas duquel, ny pour schismes, ou autres discords qui soyent surueus en l'Eglise, ses successeurs n'ont point laissé de demeurer quasi tousiours à Rome. De ces choses sont auteurs Platine & Martin en la vie des Papes, Sabelic, Volateran, Antonin, & Naucier en leurs histoires.

~~~~~

*Quel danger il y a de murmurer contre les Princes, avec les los de leur clemence.*

CHAP. VI.

**I**L y a vne sentence prise és proverbes des anciens, qui dit, les Roys auoir les mains & les oreilles fort longues, inferant par là, que les Roys & puissans hommes, peuuent de loin prendre vengeance, de ceux qui les offensent: & aussi qu'ils entendent tout ce qu'on dit d'eux en secret. Car il y a tant de gens qui cherchant de se faire aimer par ceux qui commandent, que rien ne leur est caché. Pour ceste cause les sages conseillent, qu'on ne die rien de son Roy en secret, d'autant qu'en ce cas les murailles oyent & parlent: & Plutarque dit, que les oyseaux portent les paroles par l'air Si donc nous voyons que pour leur dire verité & parler librement, l'homme tombe en grand peril, que iugerons nous de celuy qui murmure contre les grands; Les exemples qu'on pourroit amener à ce propos sont infinis; entre lesquels on lit és histoires Grecques & Latines, qu'Antigonus vn des Capitaines & successeurs d'Alexandre le Grand, estant son armee à la campagne, & luy couché en son pavillon, vne nuict, ouyt au dehors quelques vns de ses soldars qui murmuroyent contre luy, ne pensans pas estre entendus: toutesfois il n'en fit autre semblant, siuon qu'en faignant sa voix, comme si ce fust vn autre, leur dit tout bas, que pour teuir tels propos ils se denoient retirer plus loin de la tente du Roy, afin qu'il ne les entendist. Vne autre fois cest Antigonus faisant cheminer de



nuict son armee par vn chemin fort fangeux, les gens qui  
 se sentoient las, s'en alloyent murmurans, & disans  
 beaucoup de mal de luy, pensans qu'il fust loin derriere,  
 & qu'il n'en ouyst rien: & neantmoins luy qui estoit  
 present, & qui auoit entendu beaucoup de leurs paroles  
 inurieules, sans qu'il fust cogneu, à cause de la nuict,  
 apres auoir aidé à releuer, de tout son pouuoir, partie  
 de ceux-mesme qui disoyent mal de luy, leur dit, en  
 changeant sa voix, dites contre le Roy ce qu'il vous plaira,  
 pour vous auoir conduit en ce lieu fangeux: mais si  
 est il raisonnable que vous me benissiez & aimiez, puis  
 que ie vous ay aydé à en sortir. La patience de Pyrrus  
 Roy des Albanois ne fut pas moindre: car alors qu'il  
 faisoit la guerre contre les Romains, en Italie, estant  
 logé luy & ses gens en la ville de Tarente, il y eut quelques  
 vns de ses ieunes soldats, apres auoir soupé ensemble,  
 qui commencerent à parler mal de luy à table: de  
 quoy aduerty, & les ayant mandez deuant luy: leur demanda  
 s'il estoit vray qu'ils eussent dit telles paroles: auquel l'un  
 deux respondit hardiment: Ouy, Sire, nous auons dit tout  
 ce que vous direz, & soyez certain, que si le vin ne nous  
 eust failli à table, nous en eussions beaucoup dit dauantage:  
 voulant par la monstrer en s'excusant que le vin les auoit  
 induits à mesdire de luy: desquelles choses Pyrrus non  
 seulement ne se fascha, mais au contraire, s'en prit à rire,  
 les renuoyant en leur logis sans autrement les reprendre.  
 L'Empereur Tybere, encoré qu'il fust grand tyran, entre  
 autres choses nous a laissé à ce propos de notables  
 exemples: car scachant que on auoit fait contre luy vn  
 libelle difamatoire, & que tant de gens murmuroient  
 de ses cruantez, estant persuadé à en faire iustice &  
 correction respondit magnaniment que les langues  
 deuoient estre libres en la ville encoré estant  
 incité par quelques vns du Senat de faire enquerir  
 qui estoit l'inuenteur de ce libelle, ne le voulut pas:  
 disant qu'il n'estoit point si hors d'affaires, qu'il se  
 deust empescher à cela. La grande douceur de Denis  
 tyran de Sicile (bien qu'il fust tres-cruel) fut merueilleuse  
 enuers vne vieille: car estant aduerty que ceste  
 vieille prioit deuotement les dieux pour sa santé &  
 prosperité, l'enuoya



l'enuoya querir & l'a fit amener deuant luy; puis l'enquie pour quelle cause elle prioit ainsi pour luy, veu que tout le reste du peuple, vniuersellement desiroit sa mort: à quoy la vieille fit response: Sçachez Sire, que quand i'estois ieune, nous auions en ce pays vn tyran tref-cruel, parquoy ie priay deuotement les dieux pour sa mort; & mon desir fut accompli: à cestuy-là succeda vn autre, qui tyrannisa ce Royaume encore plus cruellement que le premier, & ie desiray pareillement sa mort: tellement qu'en grandes prieres & requestes ie requerois tref-instamment les dieux, que comme ils m'auoyent exaucez du premier, aussi fissent du second, ce qui aduint, & mourut: au lieu duquel tu es apres venu, encore pire que les deux autres: & pource que ie crains qu'apres toy il en vienne vn autre, qui soit pire que tous les trois, ie prie continuellement les dieux qu'ils te maintiennent en vie longuement. Telle libre & audacieuse response de la vieille, ne despleut pourtant, ny indigna celuy qui desdaignoit tous les autres: ains la laissa s'en aller ioyeusement & librement. Quand Platon, Prince des Philosophes, qui auoit long temps demeuré avec ce tyran Denis, luy demanda congé pour s'en retourner en Athenes, & il l'eut impetré. Denis en le conuoyant, luy demanda qu'il diroit de luy en l'Academie de tant de philosophes en Athenes: auquel Platon en grande audace & liberté respondit: ceux qui sont en Athenes ne sont point tant oisifs, qu'ils ayent le loisir de parler de toy ny de tes faicts: Denis entendit bien qu'il le reprenoit de sa mauuaise vie & neantmoins il le supporta patiemment. Il me souuiet de deux autres vieilles, qui avec non moins de liberté parlerent à leurs Roys, ce qu'ils supporterent en patience: l'une fuyt de Macedone, au Roy Demettrius fils d'Antigonus dessus nommé: & l'autre Romaine, à l'empereur Adrian; ausquels, toutes deux firent pateille response, quand en demandant iustice leur eustre administrée, fut respondu par Demettrius & Adrian qu'ils n'y pouuoient entendre: elles dirent, que s'ils n'y pouuoient entendre, qu'ils delaissent donc l'Empire: & toutefois nul de ces deux ne se facha de la response, ains les ouyrent, & leur firent bonne iustice. Philippe Roy de



Macedone disant adieu aux Ambassadeurs des Atheniens & leur faisant de belles offres, comme on à de coutume faire en tel cas, leur demanda, s'ils vouloyent qu'il fist autre chose pour eux : à quoy l'un d'eux nommé Democrates, sçachant bien que Philippe auoit les Atheniens fort en haine, & ne pouuant celer son desir, respondit : Nous voudrions que tu te pendisses par la gorge. De laquelle responce tous ses compagnons furent troublez, & aussi ceux qui estoient la presens, pour crainte qu'ils auoyent que le Roy ne leur en fit quelque mal : mais avec sa naturelle clemence, ou peut estre simulee, n'en fit autre semblant : fors que se retournant vers les autres Ambassadeurs, leur dit, Vous direz aux Atheniens, que celuy qui supporte telles paroles est beaucoup plus modeste, que les sages d'Athenes, qui n'ont eu la discretion de se taire : Demarate Corinthien alla voir ce Roy Philippe du temps qu'il estoit en courroux avec sa femme & son fils Alexandre : & entr'autres propos le Roy Philippe luy demanda, s'il y auoit paix & vnion entre les villes de Grece : & Demarate, qui cognoissoit biẽ que le Roy prenoit plaisir à voir ses republiques en discord, luy respondit, à la verité trop librement, considéré comme il conuient respondre à vn tel Prince. Certainement Roy, pour ce que tu es en discord en ta maison, tu demandes quelles sont les dissensions de nos villes : mais si tu estois en paix avec les tiens, il te seroit plus louable, que de t'enquerir des aduersitez d'autrui. Et toutesfois le Roy ne s'en facha point : ains cõsiderant qu'à bon droit il estoit taxé, pourchassa la paix avec sa femme & son fils. Quant est de la liberté & audace, avec laquelle Diogenes parla à Alexandre, & en quelle modestie il le supporta, il en est fait ample mentiõ au chapitre de la vie de Diogenes. Et si nous voulons exẽple des Chrestiens : celuy du Pape Sixte quatrième, qui estoit religieux de l'ordre S. François, viẽdra bien à propos Luy estant paruenue à la Papauté, vn de ses freres religieux fort ancien, l'alla voir avec son habit de cordelier : auquel le Pape ayant monstřé quelques bagues & ioyaux qu'il auoit bien riches, luy dit : Frater ie ne puis pas maintenant dire comme saint Pierre : Je n'ay or ny argent. Il est vray, respondit franchement le fre-



le frere : mais aussi ne pouuez-vous dire comme luy aux  
impotens & paralitiques, leue sus & marche : luy donnant  
à entendre par là, que les Souuerains Euelques estoient  
desia plus ententifs à deuenir riches que saints : & le Pa-  
pe qui cogneut bien le frere auoir raison, le supporta pa-  
tiemment. Il aduint quasi le semblable a vn Archeuesque  
du Colongne, avec vn laboureur des champs. Car vn iour  
que ce bon laboureur estoit aux châps a trauailler, l'Ar-  
cheuesque passa au pres de luy, ayant faitte de Sateillites  
armez à la coustume d'Allemagne : & le rustique, au pas-  
ser de l'Archeuesque, se print fort à rire : de quoy ils aper-  
ceut, & luy demanda qui le mouuoit à rire, le villageois  
luy dit : le me ris de saint Pierre Prince des Prelats, qui  
a vescu & est mort en grande pauueré, pour laisser ses  
successeurs riches : l'Archeuesque qui se sentoit picqué,  
pour se iustifier luy dit. Mon amy, ie vois ainsi à belle  
compagnie, pource que ie suis Duc aussi bien qu'Arche-  
uesque : ce qu'entendu par le laboureur, il se print à rire  
plus que deuant, & luy demandant encore l'occasion de  
plus grands ris, il respondit fort ardent. Ie voudrois  
bien, Seigneur, que me disiez, si ce Duc, que vous dites  
estre, estoit en enfer, ou pensez-vous que seroit lors l'Ar-  
cheuesque ? voulant inferer par là, que deux professions  
ne peuent estre en vn homme, car pechant par l'une, il  
ne se peut iustifier par l'autre : à laquelle response l'Ar-  
cheuesque baissant la teste sans respondre, & sans faire  
aucune iniure ou desplaisir au laboureur, s'en alla tout  
confus son chemin. Pour parler des Gentils, Artaxerces  
Roy de Perse sceut qu'un capitaine nommé Aclides, qu'il  
auoit trotté de iennesse, murmuroit fort contre luy : de-  
quoy il ne le chastia point autrement que par luy man-  
der, qu'il pouuoit dire de son Roy ce qu'il luy plaisoit,  
pource que le Roy pouuoit aussi luy dire, & faire tout ce  
qu'il voudroit. Philippe pere d'Alexandre, ayant entendu  
que Nicanor disoit publiquement mal de luy, fut con-  
seillé par quelques vns de le mander pour faire son pro-  
cez : ausquels il respondit que Nicanor n'estoit point le  
pire home de son Royaume, qu'il vouloit scauoir s'il  
auoit besoin de quelque chose, pource qu'il se sentoit  
tenu de l'en aider : parquoy estant aduerti que Nicanor



souffroit grâde pauvereté , au lieu de le chastier du despris qu'il auoit fait, luy fit vn riche present, cela fait, celuy qui l'auoit accusé, dit au Roy, que Nicanor s'en alloit par les rues disant beaucoup de bié du Roy, auquel dit: Or voyie bien Simice (ainsi se nommoit l'accusateur) qu'il est en ma puissance de faire bié, ou mal dire de moy par les hommes. Ce Philippe fut encore conseillé de bannir de ses terres vn homme fort mesdisant, & qui le scandalisoit beaucoup: à quoy il respondit, qu'il ne vouloit aucunement que telle chose se fist, pource que puis qu'il l'auoit vituperé en son propre pays, il ne vouloit pas qu'il en alast faire autant aux autres contrees estranges: donnant à entendre, que ce qu'il faisoit par clemence & magnanimité, procedoit de prudence: ce Prince là fut en ces choses, & plusieurs autres assez excellent. Il disoit estre fort tenu de rendre graces aux gouuerneurs & principaux d'Athenes, pource que par le moyen qu'ils disoyent continuellement mal de luy & de ses faicts, afin de les faire menteurs, il auoit tousiours de bien en mieux, amendé & corrigé son gouuernement. Il ne vouloit iamais chastier ceux qui disoyent mal de luy, mais bien leur en oster l'occasiõ. Lesquelles reigles estans denous bien obseruees nous feroient deux grands proffits: l'vn l'amandement de nostre vie: l'autre qu'il n'y auroit pas tant de detractions. C'est veritablement grande vertu, ne faire cas de mal que lon scait estre dit de soy en absence: toutesfois c'est plus grande temperence, ne s'esmouuoir ou aigrir par l'iniure qui nous est inferree en presence.

Que l'imagination est vne des principales puissances interieures, prouuee par vrais exemples, & notables histoires.

#### CHAP. VII.

TOut ainsi que les sens exterieurs sont cinq en nombre, comme chacun scait: scauoir est, l'ouyr, le voir, & les autres: aussi y a il cinq sens & puissances interieures en l'homme: & encore quelques vns les reduisent en quatre: toutesfois la premiere est l'opinion vulgaire, scauoir est, le sens commun, l'imagination (dequoy nous voulõs maintenant parler, le iugement, la fantasie, & la memo-



memoire. De l'office & vertu desquels sens nous n'auons pas entrepris traiter maintenant, ains parlerons sans plus de l'imagination, la propriété & charge de laquelle est retenir les images & figures que le sens commun reçoit premierement des sens extérieurs, & puis elle les enuoye au iugement, d'où elles vont apres à la fantasie, & de là en la caisse & coffre, qui est la memoire. Et si peut l'imagination s'alterer & esmouuoir avec ceste representation, quoy que les choses representees soyent absentes: ce que ne peut faire le sens commun, sinon les ayant en presence, en quoy est demonstree la grandeur & merueilleuse force de l'imagination. Nous voyons aussi que l'homme en dormant, & reposant ses sens, son imagination ne laisse de trauailler, & représenter choses toutes, comme si elles estoient presentes, & l'homme bien esueillé. L'imagination est suffisante à esmouuoir les passions & affections de l'ame: & si peut diuersement prouoquer le corps, & muer les accidens, tourner les esprits le dessus dessous, & mettre le dedans dehors, & pareillement produire diuerses qualitez aux membres. L'imagination peut faire vn homme malade, ou le guerir, & ainsi voit-on des autres effects. Quand l'imagination conçoit quelque chose de plaisir, la ioye iette les esprits dehors & si c'est de peur, La crainte les retire au dedans: La ioye fait esuanouyr le cœur, & tristesse le reserre: l'imagination de peur, engendre froid, fait fremir le cœur, chasser la chaleur, & fait trembler la parole: la misericorde causee & poussee de l'imagination de voir souffrir autrui, fait bien souuent plus esmouuoir, & changer l'imaginatif, que le parist: ains qu'on cognoit en ceux qui aucune fois se passent plus, en voyant saigner autrui, ou penser, & medicamenter les playes, que ne fait le patient mesme. La forte imagination a encore vertu de transmuier les choses: qu'il soit vray, qu'ad nous oyons, ou voyons quelqu'un qui mange choses aspres ou aigres, cela nous fait sentir ie ne sçay quelle aigreur en la bouche, & voyans manger choses douces & sauoureuses, il semble que le regardant sente en la bouche ie ne sçay quoy de doux: autant en aduient il des choses ameres. Si nous voulons des exemples d'estranges imaginations, nous en pour-



*Aulin. 4.  
de la cité  
de Dieu.*

rons ouyr beaucoup. Sainct Augustin dit, auoir cogneu vn homme, qui toutes les fois qui vouloit, faoit fort abondamment, esmouuant par imagination la vertu expulsive. Il recite au mesme lieu, d'vn autre, qui au son d'vne chanson ou voix douloureuse qu'il eut entendue (comme si vn homme ploroit-il commençoit à imaginer, puis s'esuanoüy soit en telle sorte qu'il demouroit arreste sàs aucun sentiment: & pour quelque chose qu'on luy fist; voire l'eust-on bruslé, il n'en eut rien senti, toutesfois il se reuenoit quand on chantoit aupres de luy quelque chanson ioyeuse, comme s'il l'eust entendue de loin. Pline raconte quasi le semblable, d'vn nommé Hermetim, lequel quand il se mettoit en imagination, il s'alloit de soy en sorte que l'esprit s'en alloit hors du corps; & puis luy reueni en son premier estat, il recitoit ce qu'il auoit veu. Guillaume de Paris dit auoir cogneu vn homme lequel en voyant seulement vne medecine, sans la goûter ou fierer, prenant sans plus, la similitude d'icelle par son imaginatiō s'en purgeoit, tout ainsi qu'vn autre qui l'eust prinse. Il en est ainsi de ceux qui songēt: car posé que ce soit l'imagination qui fait cest œuvre, si est-ce que s'ils songent qu'ils se bruslent, ils en sentent peine & tourmēt, encore qu'il n'y ait point de feu qui brule. La forte imagination peut, avec telle force, esmouuoit les especes ou genres qu'elle imprime (en soy la figure des choses imaginees, puis elles la mettent en œuvre en leur sang; & est ceste chose de telle force, que mesme elle s'estend aux membres de tierces personnes: comme l'on void en la femme grosse, laquelle par le moyen de la puissante imagination qu'elle a sur la chose dont elle desire manger, elle imprime sur son enfant plusieurs signes: voire & quelquesfois l'enfant en meurt. Telle fois aduient que celuy qui est mordu d'vn chien enragé, par l'imagination qu'il a de ce chien il imprime en son vrine vne figure de chien. Quelques vns escriuent d'vn nommé Cypus qui fut Roy, lequel ayant par grande attention, veu combattre deux taureaux, il se mit vn iour à dormir, ayant ceste imagination au deuant, mais au resueil, il se trouua des cornes de taureau, qui luy estoient venues en la teste. Si cela est vray, il doit proceder de ce qu'est la ver-



la vertu vegetatiue aidee & pousse de l'imagination, elle porta en la teste les humeurs propres à engendrer cornes, & les produit. Et selon ce que nous auons dit, la vertu imaginative a telle force sur le corps des tierces personnes que Marc Damascene recite, que sur les confins de Pise, en vn lieu nommé Pierre sainte, vne femme accoucha d'une fille sauuage ayant la peau de la forme & semblance de celle du Chameau: ce qu'il aduint pour ce que lors de la conception de c'est enfant: la mere contemploit l'image saint lean Baptiste qu'elle auoit en sa chambre: par ainsi, l'imagination à telle puissance quelle peut faire ressembler les enfans aux personnes imaginees par les peres, Auicenne est aussi d'avis, que l'imagination peut estre si forte, qu'elle rend vn homme quand il luy plaist, perclus de ses membres & le prosterner par terre, le tourmentant, comme s'il estoit enragé. Encore dit il, que le forcellemét qui se fait par les yeux, trauerse vne personne en autre par l'imagination de celui qui fait le sort. Aussi S. Thomas, parlant apres Auicenne, dit: Qu'est ce qui peut plus tuer le propre corps, ou l'imagination me lancolique, ou l'agreable responce; la violence de l'un ou de l'autre: car la ioye chasse dehors tous les esprits & laisse l'homme sans vie: l'autre les resserre si fort dedans, qu'il en suruiuent vne violence suffocation. Lon vid en Seuille, Iagues Orose, qui fut prins du Roy Catholique, lequel Orose par la forte imagination de la peur qu'il eut, deuint tout vieil & chenu en vne seule nuit, estant le iour precedent bien fort ieune. Encore voit-on bien souuent, que l'imagination fai& deuenir les hommes fors, & telle fois si fort malades que c'est grande merueille de les effects.

*S. Thomas  
li. 3. du son-  
maire con-  
tre le Gen-  
rils.*

De quel pais fut Pilate comme il mourust: du Lac nommé le  
Lac de Pilate: de sa proprieté: aussi de la  
Cauerne de Dalmacie.

CHAP. VIII.

Pilate, le plus meschant & inique iuge qui iamais fut  
& sera estoit selé l'opinion commune, natif de Lyon  
en



en France: toutesfois quelques vns de ceste natiō, n'ayā  
 telle chose agreable, dient que ce nō, Ponce, vient d'une  
 maison d'Italie, & de Ponce Thelesin capitaine des Sam-  
 nites, qui veinquit les Romains aux fourches Caudines.  
 Quoy qu'il en soit, ce Pilate (ou fut pour le respect de sa  
 personne, ou de sa parenté) paruint à estre des plus appa-  
 rens de Rome: & estāt cognu de Tybere successeur d'O-  
 ctavius, selon Iosephe & Eusebe, fut enuoyé par luy, en  
 l'an douzième de son Empire, pour gouverner Hierusa-  
 lem, & se nommoit en sa dignité procureur de l'Empire.  
 Ainsi donc Pilate gouverna la sainte cité, & toute la pro-  
 vince de Judée, qui se nommoit Palestine, & dura son  
 office par dix ans: au septiesme desquels qui fut le dix-  
 huitiesme de l'Empire de Tibere selon Eusebe, & Beda, il  
 donna la sentence de mort contre le Sauueur & Redem-  
 pteur de toute humaine generation, nostre Seigneur Je-  
 sus Christ Dieu & homme: auquel temps aduindrent les  
 choses, que les saints Euangelistes recitent en sa mort &  
 passion: la resurrection duquel fut si euidente & publi-  
 que en Hierusalem, encore qu'on s'essayast grandement  
 de la cacher, qu'il fut aduis à Pilate (bien qu'il fut mes-  
 ehant) que telle resurrection & miracles de Christ n'e-  
 stoyent point de puissance humaine, ains de Dieu. Pour  
 ceste cause, selon que le recitent Paul, Orose, Eusebe, &  
 Tertulian en vne Apologie, il en aduertit l'Empereur Ti-  
 bere, car c'estoit la coutume que les consuls & procon-  
 suls mandassent à l'Empereur, ou au Senat, les choses qui  
 suruenoyent en leurs provinces. Ces nouvelles esmer-  
 ueillerent grandement l'Empereur, qui les fit referer au  
 Senat, & mettre au conseil, à sçauoir s'il sembloit bon  
 que ce Prophete fust adoré pour Dieu: ce qu'il faisoit,  
 pource que sans l'autorité du Senat, il ne pouoit faire  
 adorer à Rome aucun Dieu nouveau, outre & par des-  
 sus la vanité de leurs dieux. Mais comme la diuinité n'a  
 aucun besoin, & ne se peut confirmer par la probation  
 des hommes seulement: Dieu permit que les Senateurs  
 n'en voulurent rien faire: au contraire ils furent mal  
 contents de ce que Pilate ne leur en auoit aussi bien escrit  
 qu'à Tibere: ce neantmoins Tibere defendit la persecu-  
 tion des Chrestiens. Apres ces choses demeurant Pilate  
 à Rome



à Rome, & confirmé par le diable pour son loyal serui-  
 teur, il ne fit onques puis en son office que choses iniu-  
 stes & iniques. Dequoy estant accusé deuant Caius Ca-  
 ligula, successeur de Tibere, & aussi d'auoir profané le  
 temple, y mettant des statues & images : & encore d'a-  
 uoir desrobé les deniers communs, & autres grands cri-  
 mes & malesces, il fut banni en la ville de Lyon : autres  
 disent à Vienne en Dauphiné : & pource que ce lieu luy  
 fut assigné pour exil, quelques vns dient que c'estoit le  
 lieu de sa naissance, ou il fut tellement traité que luy-  
 mesme se tua de sa propre main : ce qui aduint par la per-  
 mission de Dieu, afin qu'il mourust par la main du plus  
 meschant homme du monde. Ceux qui en ont escrit sont  
 les auteurs alleguez : & Bede au liure des temps, & l'hi-  
 stoire ecclesiastique sur les Actes des Apostres. Et dit  
 Eusebe que telle mort aduint huit ans apres la mort de  
 nostre Seigneur : de laquelle ce malheureux Pilate ne  
 voulut tirer aucun profit, d'autant qu'il mourut comme  
 desesperé : car la bonté de Dieu est si grande, que com-  
 bien qu'il eust condamné son fils à mort, si est ce que  
 s'il se fust repenti de son peché, celuy mesme qu'il auoit  
 condamné à mourir, luy eust donné la vie eternelle. A  
 propos de Pilate, il me souuient de parler d'un Lac ainsi  
 nommé : ce Lac est en Suisse pres d'une ville nommee Lu-  
 cerne : en vne plaine enuironnée de fort hautes monta-  
 gnes, du plus haut desquelles (comme disent aucuns) il se  
 ietta en l'eau : & si est la commune voix, que tous les ans  
 il se monstre là en habit de iudicature, mais que celuy,  
 soit homme ou femme, qui d'auanture le voit, meurt de-  
 dans l'an. Outre ce, & par dessus la commune renommée,  
 ie vous amene en ieu pour tesmoin Ioachin Vadiâ hom-  
 me docte, qui a commenté Pomponius Mela : lequel  
 escrit aussi vne autre notable chose de ce Lac, bien cer-  
 taine, & merueilleuse, disant qu'il a telle propriété, que si  
 quelq'un iette dedans ou pierre, ou bois, ou quelque  
 chose que ce soit, ce Lac s'enfse & croist en telle impe-  
 ruosité & tempeste, qu'il sort de ses limites en grande fu-  
 ric, tellement qu'il noye beaucoup de ce pays, d'où pro-  
 cedent grandes pertes, tant sur les semences, que sur les  
 arbres & les bestes : & toutesfois si ces choses n'y sont  
 iettes,



*Plin. li. 2.  
des choses  
naturelles.*

iettees tout expres, il ne s'enfle aucunement. Et dit encore ce Ioachin, qui est natif de Suisse, qu'il y a des ordonnances qui defendent, sur la vie, à tous de ietter aucune chose dans ce Lac, & que plusieurs qui ont passé par dessus les defences en ont esté iusticiez. Que cela procede naturellement, ou de miracle, ie n'en sçay rien: combié que les eaux ont de merueilleuses proprietéz, de partie desquelles on peut rendre raison, des autres non. Pline recite vne chose semblable à ceste cy: & dit, qu'en Dalmacie il y a vne fort profonde fosse, de laquelle si on iette vne pierre, ou quelque autre chose pesante, il sort vn air si furieux, qu'il engendre aux cirouuoisins de là vne dangereuse tempeste. Il pourroit bien estre (ce que ie n'asseure pourtant) que le corps de Pilate fut la ietter, & que le diable par permission diuine execute tels effets en ce lieu là.

De l'inuention & vſage des Cloches, quel profit il en vient: & quel fut le premier qui conuina les diables.

#### CHAP. IX.

**C**ombien qu'il semble que ce soit vn bas subiet, que de parler de chose si commune que les cloches: si est-ce qu'en considerant qu'elles sont necessaires au seruice diuin, & conuocation du peuple Chrestien, avec autres effets que nous dirons, il est à presumer que l'inuention & vſage d'icelles en l'Eglise de Dieu, n'est point sans quelque bonne raison. Au vieil Testament le Seigneur commanda qu'on fist des trompettes de metal, desquelles les Prestres sonnoyent afin d'appeller le peuple aux sacrifices diuins. Et nostre Seigneur parlant de sa venue au iour du iugement, dit entre autres choses, qu'il enuoyera les Anges avec des trompettes pour assembler les esleus. Or suyuant cest exemple, venant le peuple Chrestien à s'augmenter en sorte, que pour assembler si grand nombre en vn mesme temps, pour faire les oraisons & autres sacrifices aux temples, les trompettes qui auoyent esté saintement instituees à cest affaire, ny les voix des hommes n'estoyent suffisantes: il fut necessaire d'in-  
uenter



uenter vne sorte d'instrument, par le moyen duquel on les peut aisément assembler. Et pour ce faire, entre tous ceux que les hommes peurent songer, l'usage de la cloche fut trouué le meilleur & plus propre, comme le plus fort sonnant, & qui se pouuoit ouyr de plus loin. Ceste inuention donc fut veritablement merueilleuse, & digne d'un tant excellent personnage, comme fut Paulin Euesque de Nole, viuant du temps de Saint Augustin, & de S. Hierosme, lesquels luy escriuirent plusieurs lettres, qu'on lit encore aujourd'huy. Cestuy dōc fut le premier qui introduisit en son Eglise & Euesché l'usage des cloches, lequel depuis a esté continué par toute la Chrestienté, comme chose fort necessaire, & de là vient que Nola en Latin, signifie cloche. Et si est à noter qu'elles sont non seulement pour cela bonnes, car elles ont un autre merueilleux effect: c'est que les diables qui vōt par l'air fuyent tel son, & l'ont en horreur, comme chose instituée pour appeler les hommes à seruir Dieu: pource que, comme ils se delectent en la Musique, qui prouoque les hommes à mal, tout ainsi fuyent-ils le son des cloches, qui leur fait nuisance: & au contraire, il esmeut le Chrestien à resueiller son esprit, comme chose qui ramentoit Dieu, & le temps esquels les hommes luy font des sacrifices & oraisons: car d'autant qu'elles sont à cela dediees, elles esmeuent l'homme interieurement, & si esleuent son ame à oraison. Elles ont encore un autre propriété fort profitable: c'est que le son d'icelles fend l'air, & chassie les nuës, departissant les tonnerres, & resistant euidentement aux tempestes: pource que par la force & promptitude de tels sons, les nuées tempestueuses se viennent à fendre & separer: & par ce moyen cesse ceste fureur & force, comme nous voyons chacun iour par experience, que quand il se fait quelque grand vent & tempeste, en sonnant multitude de cloches, telle tempeste commence à cesser. Je ne nie pas pourtant que les deuotes oraisons que les fidelles Chrestiens font alors, ne soyent de plus grande efficace & vertu: & toutesfois ce que i'ay dit est certain, & chose bien naturelle, dont nous auons quelque apparence en vne grand troupe de gens allans par les champs, car iceux se met



se mettans à crier, petit à petit l'air se depart, en sorte que si d'avanture quelque oyseau voloit par dessus eux, il tomberoit à terre par faute d'air pour le soustenir: ce qui aduient, pource qu'à la verité les voix & les sons qui se forment, vont penetrans & separans l'air iusques au lieu où est leur but, & qu'elles finissent leur force. Or pource que quelques vns pourroyent trouver estrange ce que j'ay dit, que les diables fuyent le son des cloches, d'autant qu'ils n'ont ny sentimēt pour ouyr, & estre touchez, & qu'ils ont simplement intelligence incorporee: à cela ie respons, que les choses qu'ils ne peuvent comprendre avec sens corporel, qui leur defaut, ils comprennent par cognoissance intellectuelle: & voila comme les esprits malins sont tormentez par feu. Aussi nous lisons que saint Paul commandoit aux femmes, qu'estans aux temples, elles se tinssent honnestement, & voilees par la teste, pour la presence & reuerence des Anges, encore qu'ils n'ayent ny yeux, ny oreilles. Aussi est-ce chose tres-certaine que l'Ange Raphaël dit à Tobie, qu'il offrit à Dieu les oraisons qu'il faisoit: & que Dauid avec sa musique chassa le diable, qui tourmentoit Saül. A cest exemple il est escrit au sixiesme chapitre de Tobie, que l'Ange Raphaël allant avec le ieune Tobie, apres qu'il eut tué le poisson du fleuve de Tygris, il luy en fit garder le foye, disant qu'en le iettant dedans le feu, la fumee qui en sortiroit, auroit pouuoir & vertu de chasser le diable, du lieu qui en seroit parfumé, & que iamais apres il n'y pourroit retourner. Et depuis au huitiesme chapitre nous lisons, qu'il ietta ce foye sur de la braise ardente, & avec le parfum qui en sortoit, il chassa le diable qui auoit fait mourir les sept maris de Sarra, dont luy fut deliuré. De chasser aussi les diables, & les conjurer par paroles saintes, & autres choses, comme on fait auourd'huy, est chose tant ancienne, que Iosephe escrit en ses Antiquitez, que Salomon en fut inuenteur, & le premier qui avec les paroles chassoit les diables, estant pour ce faire illuminé de Dieu. Il certifie aussi auoir veu vn Hebreu, nommé Eleazar, qui en la presence de l'Empereur Vespasian, & de toute sa gendarmerie, guerissoit les demoniacles: & pour ce faire, leur mettoit contre le



nez vn anneau, où estoit attachée la racine d'une certaine herbe, qu'il disoit auoir esté enseignée par Salomon, & que moyennant l'odeur de ceste herbe, ou l'herbe mesme baillée au patient, le diable s'enfuyoit incontinent de luy. Retournons donc aux cloches: tous afferment que le son d'icelles afflige, tourmente & chasse les mauuais esprits: & pour ceste cause, en despit de luy & à la confusion, il ne se trouue secte ny religion de foy ou de loy quelconque, qui se serue des cloches, fors la Chrestienne & Catholique Eglise.

~~~~~

*D'un combat qui fut entre deux Cheualiers de Castille,*

*auquel aduint vn cas notable.*

CHAP. X.

**I**L est quelquefois suruenu de grandes aduantures en des duels & combats singuliers, dequoy on pourroit par raison faire speciale memoire: toutesfois pour estre chose manifeste, ie n'en parleray point, sinó d'une, pour ce que le cas est fort notable. Au temps du Roy Alphonse de Castille, qui fut pere du Roy Dom Pedro, s'engendra vne querelle entre deux Cheualiers de la cour, l'un nommé Ruypaez de Viedme, & l'autre Pay Rodriguez d'Auñile. La querelle vint de ce que Ruypaez dit en la presence du Roy, quant lors à Valdoly, que Pay estoit traistre, pour ce que luy estant né de Castille, & vassal du Roy, il estoit venu avec l'armée de Portugal, au preiudice de Castille, & contre son propre Roy, sans qu'il se fust tiré hors de son vasselage, ce qu'il luy offroit prouuer par telmoins & par armes, & quelque autre maniere de preuue à quoy il pourroit estre obligé, & sur ce le desfia Pay Rodriguez qui pour lors estoit absent, quand il en fut aduerti, escriuint au Roy, qu'il n'estoit point tenu de respondre, pour ce que Ruypaez estoit traistre, & qu'il auoit voulu tuer son propre Roy Alphonse, dont il feroit preuue par les armes, & que sur cela il les desffoit. Et pour ce que la preuue qu'il entendoit faire, estoit sur crime de leze-majesté, beaucoup plus grand que ce qui luy estoit imputé, peust au Roy luy donner sauf-conduit, moyennant lequel il se peust presenter seurement à la cour, pour faire sa



preuue par combat. Ce qu'entendu par le Roy, & estant en doute, lequel des deux estoit aggresseur ou defendeur, considerant que l'un auoit premier accusé, & que l'autre estoit plus aggraué, eut sur ce conseil & fut resolu de donner le sauf-conduit à l'accusateur de leze majesté: au moyé dequoy il vint en cour. & fit son accusation en la presence du Roy, dont l'accusé le dementit. A ceste cause le camp fut assigné par le Roy: venu le terme duquel il fut prolongé de nonante iours, pource que Ruypaez demoura malade. Au iour escheu furent menez au camp, & apres les solennitez accoustumees, comencerent à combattre, où s'estant faits quelques playes, la nuit suruint qui les separa sans victoire l'un de l'autre. Le iour ensuyuant furent remis au camp, auquel comme bons cheualiers, chacun d'eux s'efforça de vaincre: & combien qu'ils y missent tout leur pouuoir, & le fissent plusieurs playes, si est-ce qu'à nul d'eux ne defaillit, ny force ny valeur, ains consumerent tout ce iour sans qu'on peust discerner lequel d'eux auoit auantage: parquoy ils furent sous egale victoire tirez encore vne autre fois du camp, avec grande merueille & compassion de voir deux si vaillans cheualiers en peril de mort. Reuenue l'autre iour ils furent encore mis au camp, avec ce mesme cœur qu'ils auoient auparauant, bien qu'ils n'eussent plus leurs premieres forces, & là venus, continuerent iusqu'à l'heure de vespree sans aucun auantage. Quoy voyant le Roy, & luy semblant grand dommage de perdre deux si vaillans gensdarmes, delibera les separer, considerant mesmemet, qu'il en auroit besoin en sa guerre contre les Mores, qui fut cause qu'il les fit cesser & oster les armes: disant par son iugement que puis que Pay Rodiguez auoit fait tout ce qu'il auoit peu, pour tuer Ruypaez, sans le pouuoir vaincre, il croyoit que l'accusé n'auoit point machiné sa mort, & le iugeoit homme de bien & loyal cheualier: & au semblable il absoluoit Pay Rodiguez de la coulpe que l'autre luy attribuoit, pource qu'à son aduis en trois iours qu'auoit duré la bataille, Dieu auoit monstré l'innocence de l'un & de l'autre en toutes les deux querelles, les iugeant bons & loyaux cheualiers. Ainsi furent tirez du camp en grand honneur.




*De plusieurs choses esmerueillables.*

## CHAP. XI.

ENCores que les œuvres de nature soyent merueilleuses, & argument de l'infinie puïssance du Createur des choses : si est ce que celles qui sont desia ordinaires, & que les sçauans ont entendues, me donnent plus d'admiration: comme font les naissances des hommes, des bestes, & des plantes, & la productiō de leurs fructs, & toutes autres semblables choses ordinaires. Il y en a encore d'autres, non tant vulgaires, qui neantmoins ne nous esbahissent point par leur nature : combien que soyons esmerueillez de les voir repugner à la commune essence & ordre des choses, comme sont celles que les hommes de grande autorité afferment. Pontan, homme tres-docte dit que luy & d'autres ont veu en vne haute montagne sur la mer pres de Naples, vne grande piece de pierre ou caillou, qui estoit tombé par fortune: dedans lequel caillou estoit vn grand arbre si bien lié & conioint à la pierre, qu'il sēbloit que nature l'eust faict croistre ainsi avec la pierre : voire que ce n'estoit qu'un mesme corps, combien qu'il fust vrayemēt bois. Ce qui semble ne proceder d'ailleurs que de la terre, ou de l'eau meslee qui estoit contre l'arbre, & laquelle se vint à conuertir en pierre, en le serrant de toutes parts : ce neantmoins, pource qu'il estoit (peut-estre) en lieu, où peu souuent, les hommes hantent, & que c'est chose bien rare, cela semble difficile à comprendre. Vne autre chose est recitee par Alexandre d'Alexādre, aussi fort esmerueillable, qui est aduenue à Naples, où il estoit demeurant : c'est qu'en taillant vne pierre de marbre, pour certain edifice, & la sciant par le milieu, il fut trouué dedans vn diamant de grand valeur, qui estoit tout poly & accoustré de main d'homme. Le mesme Alexandre recite qu'en accoustrāt encore vn autre marbre, & le voulāt partir par le milieu il fut trouué fort dur, tellement qu'il le falut rompre avec des pics, & y trouua-on au milieu grande quantité d'huile enfermee, cōme si c'eust esté en vne bouteille ou autre vase, & que



cette huile estoit claire, belle, & de bien bonne odeur. Baptiste Fulgose, au premier liure de son recueil, dit auoir veu, qu'en vne montagne assez loin de la mer, fut trouuee en la profondeur de cent brasses en terre, vne nauire terrassée, desia cōsommee de la terre: nō toutesfois tāt qu'on ne cogneust bien sa forme, où il trouua pareillement les ancrs de fer & les maists & antennes, bien que rompus & consummez: & ce qui est plus esmerueillable, c'est qu'on y trouua les os & restes de quarante personnes, & fust ceste chose veüe en l'an 460. Quelques vns qui la virent, jugerēt, qu'elle auoit esté couuerte de terre, dès le temps du deluge vniuersel (si auparauant il y auoit des nauires & qu'on nauigeast) ce qui est facile à croire, d'autant qu'au-  
parauant le deluge, quasi tous les arts, auoyent esté trou-  
uez. D'autres furēt d'opinion que ce pouuoit estre quel-  
que nauire, qui auoit esté submergee en la mer, & que  
par l'interieure concauité de la terre, l'eau la poussa ius-  
ques là, où depuis par la mutation des temps, la terre est  
demeuree seiche, par ainsi elles s'arresta là plantee: mais  
quoy qu'il en soit, l'auanture en est admirable. Ce mesme  
auteur recite encore, qu'estant vne pierre partie par le  
milieu, on trouua dedans vn ver tout vis, auquel estoit  
impossible tirer nourriture d'ailleurs que de la pierre. On  
presenta aussi au Pape Martin cinquieme vn serpent au  
milieu d'une autre pierre, & sembloit que nature l'eust  
créé là dedans, & que sans autre nourriture il prinst sub-  
stance de la seule vertu & propriété de la pierre.



*Les variables opinions des Philosophes touchant l'humain  
lignage: & du mariage avec son origine.*

CHAP. XXII.

**D**ieu crea l'homme, 'apres auoir créé toutes autres  
choses, dont il le fit Seigneur: cela est veritable  
& le deuous tenir pour article de foy: mais ceste verité  
& lumiere estoit incogneue aux anciens Philosophes,  
quand ils imaginoient, & cherchoient l'origine du  
monde, & de toutes choses quelconques, Diodore Si-  
cilien recite les opinions qui ont esté à ce propos, & dit  
que

*Diodore  
liure II.  
111*







pour verité, que l'homme fut formé de Dieu createur de toutes choses, & que pour multiplier ceste humaine generation, il fut conuenable de creer la femme, ce qu'il fit de la coste du premier homme: & afin qu'il ne se conioignist indiscrettement à elle, comme font les autres bestes ensemblement, il institua le mariage entre eux, leur disant: *Croissez, multipliez, & remplissez la terre, & la possédez.* Cecy est tesmoigné par moÿse en Genes, & par Iosephe en son premier liure des Antiquitez. Tous resfois les Gentils, priuez de ceste sainte sacre e histoire, en attribuent l'inuention à d'autres: entre grand nombre desquels, Troge Pompee dit que Crecrops, Roy d'Athenes, inuenta le mariage. Finalement le Redempteur de tout le monde est venu, & l'a approuué, l'honorant de sa presence, & reprouuant la repudiation permise aux Iuifs, pour oster la rigueur de leurs courages: comme saint Matthieu le recite au dixneuuesme chapitre & aussi saint Marc & saint Paul. Le mariage fut donc institué, conioignant vn homme à vne femme, & non avec plusieurs: ny vne femme à plusieurs hommes: ce qui est bien fait, pource que le contraire contredit totalement à la raison naturelle, outre que telle chose est par ordonnance & loy diuine. D'auantage qu'elle chose peut estre plus conforme à la reigle naturelle (encore que ny la loy ny la foy ne le commandassent) que d'auoir vne seule compagnie, & non la confusion de deux ou plusieurs femmes: en laquelle confusion quand on ne veut, on doit demeurer avec son mari, les autres se retirent: ce qui est contre la loy de nature, qui defend faire a autrui, ce qu'on ne voudroit estre fait à soy-mesme: & puis l'amitié consiste en certaine partie de personnes. Comment est ce donc que l'amour & l'amitié pourra estre parfaite, où il y a tant d'inegalité: & que l'homme ait liberté avec plusieurs femmes, & qu'elles soyent astraintes & subiettes à vn seul homme? Il n'est possible que la vraye & parfaite amitié se puisse ainsi départir & estendre d'un à plusieurs, comme le prouue bien Aristote. Ce seroit plustost vne espee de seruitude, ainsi qu'on le voit entre les Barbares, qui ont plusieurs femmes, desquelles s'aident plustost par forme de seruantes que



Que de compagnes ou amies : & puis la multitude des femmes, empesche le bon ordre qui se doit tenir es affaires domestiques. Encore voyons nous naturellement qu'en toutes especes de bestes, les peres ont quelque sollicitude & respect à leurs petits, tant à les esleuer que nourrir, & sont tousiours, ou le plus communément aparez, car le male n'a point plus d'une femelle, comme on voit en tous oyseaux, & en beaucoup de bestes à quatre pieds. Par là cognoit on combien les hommes portent ou doivent porter d'amour à leurs enfans, & que nul homme ne doit auoir plus d'une femme : puis donc qu'il en est ainsi de la part des hommes, par les mesmes raisons se preuue, que la femme ne doit auoir plus d'un mari : d'autant que si elle en auoit d'auantage, il en suruiendrait de tels inconueniens, voire plus grands : pource que les enfans qui naistroyent de ceste femme mariee à plusieurs, ne pourroyent auoir pere certain : au moyen dequoy, le soin d'esleuer les enfans se petiroit, avec l'amour & reuerence paternelle : outre ce, la difference du lignage, & parentee ne seroit discernée, partant s'ensuiuroient les damnable & illicites copulations. Le premier homme, qui osa contre la loy de nature, auoir deux femmes, fut Lamech septiesme homme, à conter d'Adam en descendant par la ligne du pervers & mal-heureux Cain, comme il se trouue au cinquiesme de Genese : à l'exemple duquel Lamech, plusieurs Iuifs & autres nations Barbares & bestiales, s'accoustumerent à tenir plusieurs femmes, en quoy ils faillirent & pecherent grandement. Iacob & David, & plusieurs autres saincts de la loy, eurent plus d'une femme pour quelques occasions : mais les autres Iuifs qui en eurent de leur particuliere dispense, ils pecherent : & avec eux aussi ont failly plusieurs nations Barbares, comme conformes à leurs brutales inclinations. Entre lesquels furent les Numidiens, les Egyptiens, les Indiens, les Perles, les Parthes, les Thariens, & quelques autres qui renoient autant de femmes, qu'ils en pouoyent nourrir. Aussi le mal heureux Mahomet en la faulxe loy le permet, afin d'attirer à soy les Iuifs & tous ces autres charnels. Mais les Romains & Grecs, & autres nations



qui ont eu meilleures loix & coustumes n'eurent plus d'une femme, ny vne veſue plus d'un ſeul mari.

De quel eſtat, & à quel aage ſe doyuent marier  
l'homme & la femme.

CHAP. XIII.

**L**Es anciens philoſophes moraux eurent diuerſes opinions ſur l'aage, auquel l'homme & la femme ſe doyuent marier: afin que l'aage, de l'un ſoit proportionné à l'autre. Ariſtote prenâr (peut eſtre) ſon argument ſur ce que naturellement les femmes conçoient & enfantent iuſques à cinquante ans, & que les hommes peuuent engendrer iuſques à ſeptante, dit qu'ils ſe doyuent marier enſemble en tel aage, qu'en un meſme temps ils deſlaiſſent tous deux d'engendrer & concevoir: en ſorte que par la reigle d'Ariſtote, le mari doit auoir vingt ans ou enuiron plus que la femme. Heſiode poète Grec, & Xenophon Philoſophe, leur donnent un peu moins, diſans que quand ils ſe marient, la femme doit auoir quatorze ans, & le mari trente ans. Lycurgue legiſlateur de Lacédemone, ſe conforme quaſi avec Ariſtote: car par ſes loix il deſendoit que nul homme ſe mariaſt pluſtoſt qu'à trente ſept ans & la femme à dix ſept ans. Ceſte loy de Lycurgue à eſté approuuée de quelques vns, afin que plus facilement la femme ſ'accouſtume aux mœurs du mari, venant en ſa puiſſance & eſſors de ſon bas aage: car comme dit Ariſtote en ſon Economie, la diuerſité des mœurs & conditions, empêche l'amitié & vraye amour: toutes fois ie n'approuue point ceſte loy d'Ariſtote qui donne à l'homme vingt ans plus qu'à la femme. & ma raiſon eſt, pource que nous voyons, que quand l'homme paruiet à ſoixante ans, encore qu'il puiſſe engendrer, ſi eſt-ce que le plus ſouuent, s'il paſſe outre, le reſte des iours eſt avec tant de maladies & paſſions, que ſi la femme demeure alors en l'aage de 40 ans, il luy eſt pluſtoſt vne grande charge & peine que mari. & conſolation: parquoy quand il y a moins de différence en leur aage, leurs affectiōs ſe morri-



mortifient quasi vn mesme temps, & sont leurs vouldoirs & intentions plus conformes, que quand il y a si grande inegalité en l'age. Je ne di pas que l'homme ne doive estre plus vieil, mais il suffiroit que ce fust de huit ou dix ans, sçavoir est, que l'homme fust de vingtcinq ans & la fille de seize ou dixsept au p'us ayant esgard aux aages, & vies de nostre temps. Or que l'homme doive prendre femme ieune, & peu fine & encore fille, plustost qu'agee & vesue, ia imbue des complexions d'autrui, ie le soustien: pource que certainement en la rendre ieunesse on imprime mieux & plus facilement les mœurs & conditions que l'on veut, la rendant suierte & obeyssante. A ce propos nous aurôs pour exemple, Timothee l'excellent iouïeur de fleurs, & qui pour l'argent en monstroït à ieunes gens. Il auoit ceste coustume auant que de prendre vn disciple, de sçavoir s'il auoit quelque commencement de ieu: car il en prenoit plus grand prix la moytié, que de ceux qui ne sçauoyent rien: la raison est, pource qu'il auoit plus de peine à ôster le mauuais de ses disciples, que d'enseigner le bon à ceux qui n'y eurentoyent rien. C'est exemple est pour les vesues qui ont esté enseignées par d'autres, & partant mal aisees à changer les complexions estranges du premier mari. Pour ceste cause, ie prefere le mariage des filles à celui des vesues, outre ce que coustumierement les femmes ont singulier amour & memoire de ceux, avec lesquels elles ont leur premiere accointance. Quant à la parenté, & aux richesses de la femme, il se trouue qu'un ieune homme Grec s'adressa vn iour à Piraque, l'un des sept sages de Grece, & luy demanda conseil de son mariage: disant, on me presente deux femmes, l'une egale à moy en biens & parenté: l'autre me passe de beaucoup: à laquelle me prendray-je? Piraque luy respondit, voila des enfans qui veulent iouïr à l'escrime; va vers eux, ils te conseillerônt, ce qu'il fit: & comme il approchoit, ils commençoient à se mettre teste à teste pour iouïr: parquoy eux voyans venir ce ieune homme qui les passoit en force & grandeur, pensans qu'il vouldoit iouïr avec eux, luy dirent, chacun se prenne à son pareil: Au moyen dequoy il cognoit qu'il se deuoit marier à sa pareille. Plutarque au



traicté de la nourriture des enfans, dit que l'homme ne doit marier s<sup>on</sup> fils à femme plus riche que luy, ny de plus gr<sup>and</sup> estat: disant, que celuy qui s'alie à ceux qui sont plus riches que soy, au lieu d'acquiescer des parens, il acquiesce des maistres: & que si la femme riche se marie avec un homme pauvre, iamais orgueil ne luy sortira de la teste, & si est le plus du temps indomptable & incōpatible, par le mespris qu'elle fait de son mari. Le Philosophe Menandre disoit, le pauvre qui se marie avec femme riche, se donne en mariage à la femme qu'il espouse, & non pas la femme à luy. Lycurgue ordonna par loy aux Lacedemoniens qu'ils mariaissent leurs filles sans leur faire aucun doüaire, afin que chacune d'elles travaillast à se doüer de vertu, & que par ce moyen elles fussent requises en mariage. Encore que ceste loy semble rigoureuse à quelques, vns si ne l'est elle pourtant guiere: pource que si elle estoit gardee en vne personne, elle le seroit en l'autre: car si le pere n'auoit eu le mariage de sa femme en argent, ou autres biens, il seroit moins tenu d'en donner à sa fille: & par là peut on cognoistre que l'homme qui se marie, ne doit auoir esgard aux richesses. Mais quoy? ce seroit temps perdu le penser persuader, veu que les hommes sont si accoustumez à c'est abus, que le mariage (pour le iourd'huy) ne se procure pour autre chose. Si di-je neantmoins que quand l'homme riche se marie il ne deueroit point regarder aux biens, ains à femme vertueuse & noble: prenant l'exemple d'Alexandre le grand, lequel (bien qu'il fust si grand Roy que l'on sçait) print pour femme Barsine fille d'Arbasse, sans biens, mais ieune, vertueuse & de royale lignee, & toutesfois celuy qui est plus riche, cherche plus ceste utilité. De là vient le mescontentement: car en tirant à part les deniers qui couuroient les vices, tels vices demeurent nuds, & manifestes, lesquels on ne voyoit point par l'auuglement d'auarice: ou bien faisoit on semblant de ne les voir. Je ne desprise pas aussi, qu'en pareille noblesse, l'homme cherche la meilleure, pour le regard de quelque chose tout ainsi que ie blasme celuy qui est content de prendre femme vile, pour les biens. Il n'est besoin de beaucoup me rauailler en cela, car la terre nous l'enseigne: pour ce que



que semant en terre aspre, & non labourée, il en sortira fruit sans goust n'y saueur, encore qu'il procedast de lieu bien delicat: & au contraire: en semant vn fruit peu saoureux en bonne terre, ce qui en prouient est bon & doux. Si pareillement nous faisons eslire de bonne race, pour auoir de bons cheuaux, combien plus deuons nous auoir esgard aux enfans & successeurs? A la verité l'homme tiendra peu de conte de foy, & satisfera fort mal à l'obligation, pour laquelle il est né, s'il ne laisse à ses enfans vn aussi noble lignage, que celui dont il a herité de son pere, ce qu'il ne fait pas, leur donnant mere de pire condition qu'iceluy. Et d'auantage s'il a l'honneur en reputation, il accroistra a ses enfans plus de biens & dignitez, qu'il n'a eu de son pere. Combien plus donc est grande sa debte à leur laisser vn bon lignage & bon sang: voire plus grand qu'il ne luy à esté delaisé, afin de ne donner occasion à ses enfans de se plaindre de luy. Paul Emile recite, que Manestras d'Athenes, fils d'Isocrates excellent capitaine, & duquel la mere estoit de basse condition & pauvre lignee, laquelle neantmoins Isocrates auoit prinse à femme, fut enquis, qu'il aimoit le mieux, ou son pere, ou sa mere, il respondit, ma mere: de quoy ceux qui l'interroguoyent esmerueillez, luy demanderent, pourquoy? Pource (dit-il) que mon pere pour son regard me fit natif de Thrace, & fils de pauvre mere: mais elle m'a fait naistre Athenien & fils d'un excellent capitaine. Quant à la beauté, en laissant derniere les opinions de ceux qui dient, qu'on ne la doit prendre ny belle ny l'aide, ains le moyen des deux: ie di qu'on doit tousiours aux mieux que l'on peut, eslire la belle, pourueu qu'elle soit vertueuse, comme nous auons dit, car autrement ie conseilerois plustost prendre la laide vertueuse, que la belle de mauuaise nature: & la raison pourquoy on doit plustost prendre la belle, est à cause de la generation & posterité, & afin que les enfans soyent beaux. Virgile racôte, que la deesse Iuno voulant faire grande promesse à Eolus, dit qu'elle luy donneroit vne des plus belles Nimphes qu'elle auoit, afin qu'elle luy fist de beaux enfans. Nous lisons aussi que Archidame Roy d'Athenes fut condamné en amende pecuniaire, pour



pource qu'il estoit marié à vne femme de petite stature disans les iuges, qu'il laisseroit race de Roy, petite de corporance. Ce que l'en di ne sera prins pour commandement, ains pour conseil qui se peut prendre & faire sans conception de personnes, car le mariage qui se fait avec la laide, est aussi saint cōme celuy d'avec la belle, & avec la riche, comme avec la pauvre, avec la vefue, qu'avec la fille : pource que par tout où est vertu & charité, toutes les choses differentes prennent egalité.

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

*De la cordiale amitié de mariage, avec aucuns exemples de l'amour des mariez.*

CHAP. XIII.

**L'**Amour & la charité qui est entre deux conioints, doit bien estre louable, puis que le mariage est chose excellente, tant pour le respect de celuy qui la institué, qui est Dieu, & le lieu de l'institution, qui est Paradis, que pour ce qui en procede, qui est la propagation & perpetuité de la generation humaine, avec remède contre les malignes concupiscences. Toutes les autres amitez de ceste vie humaine, avec quelques hommes que ce soyent, sont amours impropres: mais ceste amitié est diuine: & à la verité c'est celle qui vnit & les corps & les esprits, aussi est-elle scellée & confirmée par la force du Sacrement, & n'y a aucune chose qui entre deux conioints soit particulierement propre, d'aurant que le cœur & le corps sont cōmuns entre les bons & loyaux mariez: ce qui n'est pas aux autres amitez, car il faut peu de chose pour les destruire, & petites occasions les separent: & qui pis est, la plus longue dure peu de temps. Qu'ainsi soit, il s'en est veu peu qui ayent duré iusques à la mort, que la volonté humaine est si muable, que bien souuent on voit vn nouuel ami priuer le premier de son lieu: mais le vray amour d'entre le mari, & la femme ne peut estre séparé ny par infirmité, pauvreté, infortune, ou desfaueur, estant par la mort seule séparé: & si semble encore qu'elle dure apres la mort, comme l'on voit quelquesfois aux personnes vefues, dont les extolles sont infinis: entre lesquels sera par dessus tous considéré l'a



l'amour d'Adam & Eue: veu que leur estat le fruit de vie  
 defendu sur peine de la mort, Adam neantmoins pour  
 complaire à la femme s'exposa & submit à tout peril.  
 Quand Pauline, femme du sage & docte Seneque de  
 Cordouë, sceut que Neron le cruel, auoit fait mourir son  
 mari, & qu'il auoit esleu sa mort: se faisant inciser les ve-  
 nes, ne voulut pas seulement l'accompagner par mort,  
 mais encores avec la mesme maniere de mourir, &  
 pour se faire, se fit fendre les veines, cōme on auoit fait  
 à Seneque: dequoy aduertit Nerō, & cognoissant que telle  
 chose procedoit d'amour notable: la fit en grande dili-  
 gence sauuer du peril de la mort: car estat quasi à la fin il  
 luy fit lier les veines & garder qu'elle ne se fit mourir: au  
 moyē dequoy la bōne dame vescu le reste de sa vie fort  
 affligee, & sans couleur, en signe de l'amitié & loyauté  
 qu'elle auoit à son mari. On trouue en la vie des Empe-  
 reurs, que Lucius Vitelle frere de l'Empereur Vitelle, es-  
 tant de uuiēt en perillense baraille, sa femme, nommee  
 Triate, l'aimoit d'amour si grand' qu'elle se mit entre les  
 soldats pour accompagner son mari, & luy aider en la  
 mort & en la vie, combattant comme le plus vaillant de  
 tous: par ainsi son grand amour luy fit oublier sa debilité  
 feminine, sa vie, & son propre salut. Quinte Curse recite,  
 que le Roy Daire estant veincu par Alexandre: & priuē  
 d'une grād part de son Royaume, supporta tout patiem-  
 ment & d'un grand cœur, sans se troubler ou monstrier  
 aucun signe de tristesse: mais quād on luy rapporta que sa  
 femme estoit morte, luy pour monstrier qu'il l'aimoit  
 plus que sa dignité royale, ne se peut contenir de plorer  
 amerement. Ouide, Iuuenal, Marcial, & autres, parlans  
 de l'excellente femme du Roy Admetus, disent qu'elle,  
 pour donner la vie à son mari malade, se tua, ayant ouy  
 la responce de l'oracle qui disoit, qu'il seroit sauué si vn  
 des plus grands amis mourroit pour luy: toutesfois, à  
 cause du peu de creance qu'on donne aux Poëtes, ie m'en  
 fusse teu, si S. Hierosme n'en eust fait mention. Le ieu-  
 ne Pline en vne sienne lettre, escrit qu'un pescheur estoit  
 malade d'une griefue & incurable infirmité, de laquelle  
 chacun iour il enduroit grandes peines: dequoy sa fem-  
 me esmeuē à grāde compassion, & l'aimant sincerement,  
 voyant



voyant l'esperance de guerison perdue, bien qu'elle l'eust  
 cherchée par tous les moyens à elle possibles, consella  
 son mari de ne plus viure en telle peine: luy disant, que  
 puis qu'aussi bien il luy falloit mourir, que par sa mort il  
 finir sa douleur: & à ce cōseil s'accorda la mort: parquoy  
 estans montez sur vn haut rocher, la femme se lia bien  
 estroittement avec luy, puis se ietterent du haut en bas,  
 & se briserent en pieces. Baptiste Fulgose recire d'un la-  
 boureur du pays de Naples, lequel cheminoit avec sa  
 femme le long de la mer, & elle s'esloigna vn peu de luy,  
 pour quelque sien affaire, cependant arriua d'auanture  
 aupres d'elle vne fuste de Mores, qui la prindrent, par-  
 quoy le mari ne la voyant plus, ains seulement la fuste,  
 qui s'esloignoit du bord de la mer, cogneut bien que sa  
 femme estoit prinse: dont il se mit fort à plorer & à na-  
 ger par la mer apres la fuste, escliant à ceux de dedans  
 que puis qu'ils auoyent prins sa femme, ils voussissent  
 aussi le recevoir avec elle, ainsi fut reçu au nauire, non  
 sans grand esbahissement aux Mores & forces larmes  
 de sa femme: puis furent menez tous deux par deuers le  
 Roy de Thunes, à qui estoit le vaisseau, & luy reciterent  
 le fait: dequoy meu à compassion, les deliura tous deux.  
 Pour aussi tesmoigner l'amour qu'Artemise portoit à son  
 mari Mausole, il ne faut considerer que le sepulchre  
 qu'elle luy fit bastir, & nommer de son nom Mausole,  
 l'artifice duquel est mis au nombre des sept merueilles.  
 L'amour que Tiberius Graccus portoit à sa femme, es-  
 toit aussi fort merueilleux: & encore que l'exemple en  
 soit assez commun, recité par Valere le grand, si en di-  
 rons nous quelque chose: luy ayant trouué deux serpens  
 en la chambre où il dormoit, en demanda l'augure: à  
 quoy luy fut respondu, qu'il falloit tuer l'un de ces deux  
 serpens, & que s'il tuoit le masle, il mourroit premier  
 que sa femme, mais si la femelle estoit tuee, sa femme  
 mourroit, & il demurerait vif: luy donc qui aimoit  
 mieux sa femme que soy-mesme, le monstra bié par ef-  
 fect, quand il choisit plustost la mort, que voir mourir sa  
 femme: car il mourut, tuant le masle, & elle demeura veuf-  
 ue: mais on est en doute à sçauoir si elle fut plus heuren-  
 se ayant vn tel mari, qu'infortunee en la perte d'iceluy.



ne ſçauois de moy meſme iuger, lequel des deux actes ſuyuans, eſt argument de plus grand amour: ſçauoir eſt, qu'une femme ſe tue ſoy-meſme, pour le deſplaiſir & triſteſſe qu'elle a de la mort de ſon mari: ou bien ſ'en con- triſter, en ſorte que le ſeul deſplaiſir la tue. Quāt au pre- mier point, nous en auons deſia parlē: du ſecond il y en a notable exemple en Iulie, fille de Iules Ceſar, & femme de Pompee, à laquelle eſtant portee vne robbe de ſon mari, toute ſanglante, & penſant que ce fuſt ſon mari qui euſt eſté tué: elle (auparauant qu'en pouuoir entendre la cauſe) en receut telle alteration & deſplaiſir, qu'elle per- dit le ſentiment, & enfanta vne creature dont elle eſtoit enceinte, puis mourut incontinent, par la mort de la- quelle finit la paix du monde, qui par ſon moyen ſe maintenoit en la parenté d'entre Iules Ceſar pere, & Pompee ſon mari. La loyauté de Lucrece enuers ſon eſ- poux eſt tāt notoire, qu'il n'eſt ia beſoin d'en faire men- tion: car pour n'eſtre diffamee, elle ſe laiſſa forcer par l'adultere, puis ſe tua à cauſe de telle force. L'amour de la femme du Contre Fernard Gonçalves eſt enco- re fort notable, & pareillement le moyen par lequel elle de- geut le Roy: car elle demeurant priſonniere en habit d'hom- me, le mari ſ'enfuit & ſe ſauua eſtant veſtu des habits de ſa femme. Il y a ſur ce propos infinité d'exemples, les- quels (encore qu'en noſtre loy ne ſe permette de ſe tuer) ſont neantmoins dignes d'eſtre bien conſiderez, attendu qu'ils ont eſté executez par Payens & Gentils, n'ayant aucunement la lumiere de noſtre foy.

De diuerſes caſtumes que tenoyent les anciens  
aux mariages.

CHAP. XV.

LE mariage ſe contracte avec le ſeul conſentement de l'homme & de la femme: mais afin que ce con- ſentement ſoit mieux authoriſé, eſt requis de le moſtrer par paroles & ſignes extérieurs, pource que le Seigneur Dieu ſeul cognoit & penetre les cœurs. De là vient que



*Ciceron en  
ſes topi-  
ques.*

que les hommes ont inſtitué pluſieurs ceremonies, & paroles ſolennelles. Quant à celles des Chreſtiens, elles ſont aſſez notoires, parquoy ie traiteray ſeulement de quelques couſtumes que les nations Barbares, & les Romains auoyent en leurs mariages, dont (peut eſtre) la diuerſité pourra donner plaſiſir. Les anciens Romains, ſelon Ciceron, ſe marioyent en deux ſortes, auſſi auoyent-ils deux manieres de femmes, ſelon les diuerſes ceremonies des mariages: l'une eſtoit plus commune, & ſe nommoit *Marrone*: l'autre ſe nommoit *Mere de famille*. De celle cy, il ſemble qu'elles ſe marioyent quaſi comme ſont maintenant les Chreſtiens: car le mari demandoit à la femme, ſi elle vouloit eſtre mere & dame de ſa famille, & elle reſpondoit, ouy: elle en pareil cas demandoit au mari, ſi il vouloit eſtre ſon pere de famille, & il reſpondoit qu'ouy: adonc ils ſe prenoyent & touchoyent dans les mains, & eſtoit ceſte forme de mariage tenue pour la plus excellente: par ainſi ceſte femme gaignoit en la maiſon & famille du mari vn tel lieu, qu'elle euſt eu, ſ'elle euſt eſté la fille de la maiſon, pource qu'elle eſtoit miſe au nombre du propre lignage, & comme fille, venoit à ſuccéder à l'heritage du mari. Boëce en parle amplement, eſcrivant ſur le ſecond des Topiques de Ciceron: l'autre ceremonie eſtoit commune, & par paroles ordinaires, & ne ſe prenoyent point pour meres de familles, ores qu'elles fuſſent appellees *Marrones*. Les Romains auoyer encore ceſte couſtume, que menant l'eſpouſee au logis du mari, elle ſ'arreſtoit à la porte, & n'y entroit iuſques à tant qu'elle y fut tiree par force, donnans à cognoiſtre par là, qu'elles alloient par contrainte au lieu où ſe deuoit perdre leur virginité: puis quand ils donnoyent la femme en la uiſſance du mari, ils la faiſoyent ſoir au giron de ſa mere, où le mari la deuoit prendre par force, & la fille ſe tenir fort à la mere, & l'embrasser eſtroittement: & cela ſe faiſoit en memoire de ce, qu'anciennement les filles *Sabines* auoyent eſté prinſes de force par les Romains: au moyen de laquelle force, eſtoit ſuccédé bien & accroiſſement à ce peuple. Toutesfois aupaſſant que venir à ces choſes, il falloir que la mariee touchaſt le feu, & l'eau, ce qu'ils faiſoyent, ſelon *Plutarque*, & La



& Lactance, pout signifier la generation par ces deux *Plutarque*  
 elemens, pource que ce sont les deux principales causes *en ses Pro-*  
 generatives de toutes choses: autres disent que c'estoit *blemes.*  
 afin de monstrier à la femme la sincerité du cœur, & lo- *Lactance*  
 yauté qu'elle deuoit garder: pource que l'eau laue & net- *liure 2 des*  
 roye les immondices, & que par le feu se purgent les *institutions*  
 mauuaises mixtions, & s'affinent les metaux. Ils tiennent *diuines.*  
 pour mauuais augure les mariages qui se faisoient au  
 moys de May, & ce, pour quelques vanitez & supersti-  
 tions qu'ils auoyent entr'eux: ces choses sont certifiées  
 par Ouide, & Plutarque. Ils auoyent outre par coustume, *Ouide &*  
 que quād l'espousee entroit par la porte du logis de l'es- *ses fastes.*  
 poux, iceluy disoit à haute voix, Caia Cecilia, & elle Caio *Plutarque*  
 Cecilio: & cela se faisoit pource que Tarquin Prisque, *en ses Pro-*  
 sepietisme Roy des Romains, auoit vne femme tres-cha- *blemes.*  
 ste, sage & douée de beaucoup de vertus, qui se nom-  
 moit Caie Cecilie, & auparauant qu'elle vint à Rome  
 s'appelloit Tanaquile: parquoy le mary prononçoit ces  
 mots, pour donner souuenance à la femme de l'ensuy-  
 ure. On portoit aussi vne quenouille chargée de laine,  
 avec le fuseau au deuant de la mariee en allant au logis  
 de l'espoux, pour luy ramentenir qu'elle se deuoit exer-  
 cer à filer: de ces choses parle Plaine. Ces Romains a- *Plin. li. 8.*  
 uoyent encore vne autre coustume, que quand vn homme *chap. 40.*  
 se marioit à vne vefue, les nopces se faisoient vn iour de  
 feste: mais quant aux filles, elles se faisoient à vn iour  
 ouurier: Macrobe & Plutarque en sont les auteurs: & dit  
 Plutarque, que la celebration des nopces qui se faisoit le  
 iour de feste, estoit expres, afin qu'estant tout le peuple  
 occupé à plaisir & recreation, les espouailles des vefues  
 fussent moins veuës, & au cōtraire, on celebroit les nop-  
 ces des filles aux iours d'œuvres, afin d'estre veuës de  
 tous: mais Macrobe dit, que les filles n'estoyent mariees  
 en iour de feste, pource que se faisoit la ceremonie de la  
 prendre par force au giron de sa mere, ce qui ne se pou-  
 uoit faire vn iour de feste. Je laisse à dire encore d'autres  
 ceremonies des Romains, pour venir à celles des Babi-  
 loniens: desquels la forme de marier leurs filles estoit,  
 qu'en vn certain iour de l'annee ils mettoient en li-  
 u public les filles de la ville, & la plus belle de toutes estoit



mariee, non pas pour doüaire qu'elle donnast, car elle estoit liuree à celuy qui plus bailloit d'argent pour l'auoir : & le mesme ordre se tenoit des moins belles en moins belles, & de degré en degré, iusqu'à ce qu'on venoit aux laides : lesquelles apres ils marioient avec argent à celuy qui moins en prenoit : & ce doüaire procedoit des deniers baillez par ceux qui auoyent acheté les belles : & par ce moyen, les laides estoient aussi bien mariees que les belles, sans bailler argent. Marc Antoine Sabelique dit que c'estoit anciennement aussi la coustume des Venitiens : toutesfois il faut entendre que celles qui estoient de moyenne beauté, ne bailloient point de doüaire, ne ceux qui les prenoient, ne les achetoient point. Les anciens Gaulois afin que leurs filles ne se plaignissent d'estre mariees outre leur gré, auoyent accoustumé le iour qu'ils les vouloyent marier, de conuier grand nombre de ieunes hommes, de la qualité routesois de ceux qui leur sembloient conuenables à leur estat : auquel conuie ils permettoient à leurs filles d'essire vn mary, entre tous ces conuiez : pour monſtrer par ſigne celuy qui plus luy estoit agreable. Elle luy bailloit l'eau à lauer les mains. En vne ville d'Afrique, nommee Leptine, estoit la coustume que le premier iour que la femme entroit au logis de son mary, elle enuoyoit emprunter vn por de terre à sa belle mere, laquelle faisoit responce de ne luy vouloir prester : ce qui se faisoit, afin qu'elle s'accoustumast dès le premier iour à supporter la belle mere, & qu'avec la mauuaise responce faite, elle apprinst à endurer la vraye. Les Massageres prenoient chacun vne femme en mariage, & routesois vne femme estoit commune à tous, & toutes les femmes communes à vn. Eusebe dit que les anciens Bretons auoyent toute telle coustume. Les Arabes de l'Arabie heureuse, auoyent anciennement accoustumé, que la femme qui se marioit estoit commune à tous les parens du mary : & selonc Strabon, quand quelqu'un alloit vers elle, il laissoit à l'entree de la porte vne bagnettes, afin que si quelque autre venoit, il cogneust que la place estoit prinſe, & qu'il n'y entraſt point : car ils auoyent ee respect entr'eux : & si estoit puny de mort celuy qui entroit avec vne femme, s'il n'estoit

*Eusebe li.  
6. de la  
preparatio  
euangelique.*



Roit de la parenté. Or il aduint qu'une femme fort belle, estoit pour ceste cause souvent visitée des parens du mary, au moyen dequoy importunée de la si frequente visitation, elle mit à sa porte vne baguette, afin que quiconque d'eux viendroit, pensast qu'il y en eust vn autre: & dura ceste tromperie par plusieurs iours, que nul homme n'y entra, iusqu'à ce qu'un iour estans tous les parens du mary avec luy en certain lieu, l'un d'entre eux delibera de la visiter, & trouuant le signe à la porte, & se souuenant d'auoir laissé tous les parens ensemble, pensa que quelque adultere y fust: parquoy il en alla incontinent aduertir les autres, & mesme le mary, lesquels là arriuez la trouuerent seule, qui leur confessa la cause pourquoy elle auoit fait telle chose: ce que considéré, & eust son intention fondée sur vertu, afin de fuir la conuersation deshonneste de la grande quantité des parens de son mary: & encore pour viure en plus grande temperance & chasteté, qui estoit contre la brutale coustume du pays, & ayant selon leur opinion iuste raison, elle en fut plus tost loüee que blâmée.

De l'excellence de la peinture.

CHAP. XVII.

Il y a eu entre les Romains & les Grecs, des hommes fort excellens en l'art de peinture. Et combien qu'en nostre temps il y en ait de singuliers en cest art, si ne croy ie point qu'ils se puissent comparer aux anciens: veu l'excellence que nous lisons auoir esté en leurs ceuures: comme de deux tableaux faits par Aristides, peintre bien renommé, lesquels furent, selon Plinie, achetez par l'ul-  
les Cesar, octante talens, pour les dedier à la deesse Venus: car encore que Cesar fust Prince tres puissant, si est-ce que tel prix estoit excessif, attendu que le talent selon l'opinion de Budée, & quelques autres curieux, valoit six cens escus d'or de maintenant: par ainsi Cesar acheta ces deux tableaux, quarante huit mille escus. Il est aussi escrit par le mesme Plinie, que le Roy



Atale bailla cent talens, qui valoyent soixante mille escus pour vn tableau peint de la main de cest Aristides. Il est donc à presumer, que par la croissancē ou diminution de prix, croissent aussi ou diminuent les arts & les sciences. Bref en ce temps là fut la peinture tant honnoree, qu'elle merita estre au nombre des sept arts liberaux: car Pline le dit, & qu'elle fut mise en telle reputation, qu'en Grece il n'estoit permis aux seruireurs de l'apprendre; seulement les enfans des nobles & grands Seigneurs s'exercoient à peindre & pourtraire, tant estoit cest exercice reputé vertueux & singulier: & non sans cause, veu qu'il est besoin que celuy qui veut estre parfait, cognoisse beaucoup d'autres choses: car la Geometrie luy est necessaire, pour entendre la Perspective: & si faut qu'il ait diuersité de sciences, afin qu'il puisse obseruer parfaitement la peinture, les raisons & proportions deuës, avec le naturel de chacune chose: tellement qu'il luy est besoin, comme au bon Poëte, d'auoir cognoissance de toutes choses: car la peinture est nommee morte poësie. D'auantage il faut que les figures pourtraites soyent parfaites, que la veüe se trompe soy-mesme à cognoistre la difference du certain, ou representé: comme nous lisons estre aduenü à Zeuzis & Parrasie excellens peintres, sur le different de leur preference: pour lequel vuidē, determinerent que chacun d'eux feroit la plus parfaite peinture qu'il pourroit: & que celuy qui feroit le mieux, seroit reputé le plus excellent. Zeuzis presenta vn tableau, dans lequel estoient peintes deux grapes de raisin, si bien au naturel, que volans au deuant d'iceles quelques passereaux, ils s'arresterent dessus pour les becqueter, pensans que ce fussent vrais raisins: ce qui fut iugé merueilleux & singulier. Parrasie au contraire presenta vn tableau, ou estoit peinte vne couraine ou rideau, avec telle perfection; qu'estant mis en presence de Zeuzis, lors espris de vaine gloire d'auoir trompé les oyseaux, il creut veritablement que c'estoit vn rideau là mis pour couvrir la besongne, & qu'il y eust dessous quelques peintures. Au moyen dequoy il dit assez brusquement, que l'on tirast le rideau, luy



luy mesme mit en effect pour tirer ; mais apres se cognoissant estre deceu, donna soy-mesme le iugement, disant que Parrasie estoit à preferer à luy ; d'autant que par son ouurage, il auoit trompé celuy qui estoit maître en cest art, & que c'estoit beaucoup plus, que d'auoir trompé des oyseaux. Vne autrefois ce Zeuzis peignit en vn autre tableau vn enfant, qui portoit en vn plat certains raisins si parfaitement bien faits, que les oyseaux s'y trompoient aussi, descendans de l'air pour les becqueter, comme vrais raisins : dequoy le peintre fort indigné, & mal content, dit que s'il eust aussi parfaitement peint l'enfant que les raisins, les oyseaux n'eussent eu la hardiesse de descendre en bas pour les becqueter. Plin qui raconte ces choses, dit que Zeuzis estoit fort riche homme, pource que ce qu'il faisoit estoit tel, qu'il le vendoit à prix excessif : & si tenoit ses œuvres en telle reputation, que s'il ne les pouuoit bien vendre, il les donnoit plustost que d'en prendre petit prix : & disoit qu'il n'y auoit argent, qui peust payer ce qu'ils valoyent. Ce Zeuzis peignit vne Penelope en si grande perfection, que luy-mesme s'en contenta : en sorte qu'il escriit au dessous vn vers fort estimé de tous ; qui disoit ainsi : *Il sera plus facile à celuy qui verra cecy, d'en auoir enuie, que de l'imiter.* Il fit d'auantage plusieurs autres grandes choses excellentes ; & qui furent tant estimees, que plin dit que iusques à son temps il y auoit vne Helene à Rome, & autres choses peintes de sa main, soigneusement gardees, & neantmoins, selon que dit Eusebe, il y auoit depuis le temps de sa mort iusques alors que Plin escriuit ces choses, cinq cens huit ans. Les Agrigentins luy voulurent faire faite vn pourtrait pour l'offrir à leur Déesse Iuno, mais il n'en voulut rien faire, iusques à tant qu'il eust veu vne grande quantité de filles nues : entre lesquelles il en esleut cinq qui luy semblerent les plus belles & les mieux formées de tous membres : & tirant de chacune d'elles la partie qui luy sembloit la plus belle, il en forma ceste excellente peinture. Nous trouuons aussi que Parrasie son compere fit des œuvres merueilleuses : Strabon dit qu'entre autres cho-



ses il peignit en l'isle de Rhodes vn Satire, pres d'une colonne, sur laquelle estoit vne perdrix: mais combien que la colonne & le Satire fussent parfaitement bien fait, si est ce que la perdrix les passoit en perfection, pource qu'au iugement de tous elle sembloit viue, tellement que sans auoir esgard à tout le reste du tableau chacun s'amusoit seulement à la perdrix: & si fut la perfection de la peinture de cest oiseau si accompli, que y mettant des perdrix priuees (comme auourd'huy on en peut nourrir en des cages) elle la reclamation en debatant des ailles, & chantoit en la voyant ainsi peinte: au moyen dequoy Parrasie, pria les magistrats de Rhodes qu'ils luy permissent l'effacer & oiter de la, pource qu'elle abarardissoit l'autre peinture, qui estoit tant excellente. Plinie en escriit aussi de merueilleuses choses, & dit qu'il y auoit encore quelqu'un de ses œuvres dans Rome: & si dit plus, que parmi ses perfections, il auoit vne si subtile maniere de faire en ses peintures, que outre la perfection d'icelle, il donnoit beaucoup d'autres choses à entendre, comme lon dit de l'idole des Atheniens, qu'il depeignit en sorte, qu'en la seule peinture se cognoissoient les conditions, mœurs, & coustumes de ces Atheniens: car s'il estoit excellent en son art, aussi estoit-il en autres choses de singulier esprit, & n'auoit en ses traits moins de hardiesse, que douceur & gayete: c'est pourquoy il disoit, que la peinture l'auoit accompli en sçauoir. Or puis que nous sommes tombez en ce propos il ne sera mauvais que nous facions mention de l'excellent Apelles, Prince des peintres: & de Protogenes pareillement, singulier en cest art.

De l'excellent peintre Apelles: & de Protogenes autre peintre de son temps.

#### CHAP. XVII.

**C** que ie fais deux chapitres en vn mesme subiect, est pour deux causes: l'une, pource que la longueur ennuye



instruyre bien souuent les lecteurs, & fait oublier le commencement pour la fin: l'autre pour la dignité de celuy dont nous voulons parler, que merite bien auoir son chapitre à part, afin de demeurer mieux imprimé en l'esprit des lecteurs: cestuy-là est Apelles, qui en cest art de peinture fut Prince de tous: il apprint sous vn grand personnage en ceste science, nommé Pamphile, si excellent, qu'il ne prenoit disciple à moindre pris que d'un talent Antique par an, valent six cens escus de maintenant. Du temps de cest Apelles il y auoit vn autre tres fameux peintre, nommé Protogenes, si docte en cest art, que lon ne cognoissoit point l'excellence de l'un à l'autre: au moyen dequoy Apelles aduerti de sa bonne renommee, determina de l'aller voir: & pour ceste cause fit voile à Rhodes, ou demouroit Protogenes, là arriué, delibera de se dissimuler, & estre là venu par cas fortuit: venant donc à la porte du logis, d'auant que Protogenes n'y estoit point: si le demanda à vne vieille qui là estoit: puis voulant partir, la vieille luy dit: qui diray-je qui l'a demandé? lors Apelles print vn pinceau qu'il trouua sur vne table, Puis dit à la vieille tu diras à Protogenes, mais qu'il vienne, que celuy qui a fait cela en ce tableau, l'est venu chercher: & disant ces mots peignit vne ligne droite si bien elaborée, qu'elle n'eust peu estre faite d'autre main que d'un excellent ouurier. Estant Protogenes retourné à son logis, & aduerti par la vieille de ce qu'elle estoit chargée, il considera la perfection de ceste ligne, puis dit: Apelles a fait cecy, autre ne le pourroit faire: adonc print vn autre pinceau, & sur la ligne de Apelles, il en fit vne d'autre couleur si desliée, & bien proportionnée, qu'autre que luy ne l'eust peu faire, & commanda à la vieille, que si Apelles retournoit, elle luy monstroit, & qu'elle luy dit que c'estoit de la façon de celuy qu'il cherchoit: peu apres Apelles retourna au logis ou n'estoit lors Protogenes, & la vieille luy monstra ce que son maistre luy auoit commandé. Apelles tout honteux de voir tel aduantage dessus luy print le pinceau, & sur la subtilité de la ligne que Protogenes auoit faite sur la sienne, combien qu'elle semblaist inuisible à l'œil tant estoit de xtrement tirée, toutes fois par la grade de xerite



de la main d'une troisieme couleur, il en fit une autre si subtile, qu'elle diu. soit les deux premieres par le milieu, & si fut faite en telle extreme perfection, qu'il ne laissa aucun espace pour en faire d'autre. Protogenes reuent au logis, & voyant ceste chose, se consella vaincu, & s'en court soudainement au port pour trouuer Apelles, afin de luy faire honneur, & le loger chez luy. Depuis ce tableau avec les lignes seulement, fut reputé miracle, & par long temps gardé à Rome, où lon l'auoit apporté, & ce, iulques au temps de Cesar, qu'il fut bruslé par inconuenient de feu. Apelles auoit ceste coustume quand il acheuoit une ceuvre, de le mettre à la porte de son logis en la veüe des passans, & luy se cachoit derriere, pour scauoir si quelqu'un avec raison y reprendroit quelque chose, & afin d'entendre le iugement du peuple: dont vne fois aduint qu'il fut repris par un cordonnier d'auoir mal peint les courroyes d'un escarpin. Il mettoit dessous les tableaux ces mots notables: *Apelles faisoit cecy, & ne l'a parfait*, donnant à entendre, qu'il ne les tenoit pas pour parfaits. Or aduint que cest excellent homme florissoit du temps d'Alexandre, le plus grand Roy qui fust, duquel il furent telle estime, qu'il defendit par edit public: que nul autre que Appelles fist son pourtrait, encore n'estoit-il point honteux d'aller souuent le voir en sa boutique: qui est un bien grand argument, que cest art estoit en grande reputation en ce temps là, & qu'Apelles estoit tres excellent. Encore môstra bien d'auantage Alexandre de quel amour il l'aymoit, car Appelles ayant par son commandement tiré sur le vif & à nud une des fauorites d'iceluy nommée Campaspe, il la trouua belle en telle perfection qu'il s'en enamoura: ce que veu à la cognoissance de Alexandre, conclud de se l'otter à soy mesme, ce qu'il fit, & la donna pour femme à Apelles: & si n'est point cest acte indigne d'estre mis au nombre de ses plus grandes victoires. veu que veinquant sa propre affection, (qui est la plus digne victoire) il se priua de s'amie pour la donner à autrui. Quelques uns dient, que depuis Apelles peignit sur ce pourtrait de Campaspe, la figure de la Deesse Venus. Il estoit si excellent aux pourtraits du naturel qu'un



qu'un iour Ptolomee Roy d'Egypte, & l'un des successeurs d'Alexandre, dès le temps duquel, ce Ptolomee luy vouloit mal fit vn festin auquel, Appelles fut par trôperie, inuité au nō du Roy, & s'y trouua, dequoy Ptolomee fasché, luy demanda qui estoit celuy qui l'auoit semondé à ses conuiues: quoy entēdu par Appelles, il print vn charbon dans le brasier du feu qui estoit là, & sans dire autre chose peignit tout soudain vn visage, qui fut incontinent recogneu estre d'un nommé Plin: maintes autres choses merueilleuses ont esté peintes par luy, qui seroyēt trop longues à raconter. Les histoires recitent qu'il depeignoit les choses, qui ne se pouoyent peindre, comme les rayons du Soleil, les foudres, les tonnerres, & autres choses semblables. Ses œuvres estoient tant singulieres, qu'un tableau, où estoit peinte Venus sortāt de la mer, & qui fut mis par Octauius au temple de Iules Cesar fut depuis gasté en quelque endroit: mais il ne se trouua iamais homme qui eust la hardiesse de racoustrer ce qui estoit gasté: cognoissant n'auoir le moyē de le cōformer à sa perfection premiere. Sur la fin de la vie, il cōmença à faire vn autre portrait de Venus, tant belle & tant bien proportionnée, que mourant sans l'acheuer, ne se trouua homme qui l'osast parfaire, pour la rendre conforme à son commencement. Vne autre fois il auoit peint vn cheual, apres le vis duquel aucuns peintres en ayans peints d'autres voulans faire experience du plus parfait, on fit tirer des cheuaux vis hors de l'estable, puis mettre deuant eux les cheuaux peints des autres peintres: mais quād ce vint à presenter celuy qu'Appelles auoit fait, les vis commencerent à s'esmouuoir & hennir, ce qu'ils n'auoyent fait pour la presence d'aucuns des autres à quoy fut iugé le grand aduantage de l'œuvre de cest excellent Appelles. Toutesfois son bon esprit ne fut pas cogneu seulemēt en la peinture, ains aussi en ses notables propos: car Protogenes le loūant fort de ce qu'il passoit tous les autres en peinture, respondit: vous mesmes estes aussi bons maistres que moy en cest art: mais vous auez vn seul defaut, c'est que vous ne cessez iamais de peindre: monstrant par là, que la trop grande diligence & continuel labeur surpassant le deuoir, est nuisible: pource



que l'esprit se gaste & est confus, quand on se tient tant sur vn œuvre, & que de se diuertir à autres choses pour quelque temps, soulage beaucoup le principal exercice. Vn peintre luy monstroir vn de ses tableaux, & se vantoit qu'il l'auoit fait en grande diligence: auquel respondit Apelles: ie le voy bien à la peinture, sans que tu le me die. Nous pourrons bien aussi parler de Protogenes, & de ses forts louables œuvres & sentences, combien qu'il suffiroit assez à sa gloire seulement que fit Demetrius, estant au siege deuant Rhodes: car vn iour il eust peu facilement entrer en la ville, s'il eust fait mettre le feu en vn certain endroit: toutesfois il ne le voulut aucunement permettre, estant bien assuré qu'en ce mesme endroit y auoit vn tableau peint de la main de Protogenes, & ayma mieux faillir à prendre la ville, que brusler ce tableau, tant il l'auoit en estime & grand prix. Le iour que la ville fut assiegee, Protogenes estoit en vn iardin au dehors, ou le trouuerent les gens de Demetrius: car encore qu'il sceust leur venue en armes, si ne voulut-il pourtant laisser sa besongne encomencee: estant donc amené deuant Demetrius, ce Roy luy demâda pour quelle assurance il estoit ainsi demeuré hors la ville: ie m'asserois (dit-il) que tu auois la guerre seulement contre les Rhodiens, & non contre les arts: ce fait Demetrius le bailla incontinent en garde à quelques vns de ses soldats, afin qu'on ne luy fist aucun desplaisir en parfaissant son œuvre, & souuentefois l'alloit voir besongner. Il y a eu en c'est art de souverains & excellens ouuiers, & tant qu'il seroit impossible les nommer tous: Aristides en fut, Asclepiodore, Nicomache, Panee frere de Fidias, & maints autres dont Plin traicte de son 35 liure. Et afin que les hommes seuls ne prennent ceste chose à leur aduantage, il y a eu aussi des femmes fort singulieres en c'est art, & qui ont fait des œuvres merueilleuses: Thimarette fille de Miconis peignit Diane; en vn tableau qui fust long temps conserué en Ephese. Il y a eu vne Irene, vne Calipse, & vne vierge nommee Lala Cizicena, & semblablement Olympia, & autres. Vray est qu'en nostre temps il y a des hommes fort excellens: mais ie m'en tais



tais en cest endroit afin que parlant d'un où de deux, ie ne tourne aux autres.

*Quelle forme doit auoir l'homme, pour estre bien proportionné.*

CHAP. XVIII.

**P**Vis qu'aux chapitres precedens, nous auons parlé en beaucoup de sortes de peintres tres-excellens: il me semble venir maintenant bien à propos, de parler de ce grand peintre, Createur de toutes choses, qui a voulu garder la reigle & art en la composition de l'homme. Entre les autres merueilles que nous auons à considerer en la composition de l'homme, faut scauoir qu'il est composé d'une mesure si parfaite, & chacune partie si bien compassée avec le tout (comme nous monstrerons presentement) que les anciens architectes & edificateurs, ayans egard à la proportion gardée par Dieu en la creation de l'homme, en ont tiré leur composition & mesure, pour edifier leurs maisons, eglises, chasteaux, tours nauires, & instruments de guerre, & de là ont prins leurs proportions. Et en bien considerant les mesures de la stature, & membres apres, autres, ils ont trouué tel compas, qu'il en ont basti leur labeur, & de merueilleux edifices: ce que confessent tant les modernes, que les antiques qui en ont parlé: & principalement Vitruue, encore que l'experience le nous enseigne. Or partie de ceste proportion par eux trouuée & considerée, est que, que combien qu'en la stature de l'homme, il n'y ait mesure certaine ni arrestée, pource que les vns sont plus grands que les autres: toutesfois les anciens iugerent, que pour former l'homme de parfaite grâdeur, il doit auoir six pieds de l'og, ou du moins, qu'il ne passe point sept: & que ceux qui ont passé ceste mesure estoient faits contre la reigle naturelle. Aussi Vegece parlant de quelle stature se doyuent estre les hommes pour aller à la guerre, dit que le consul Marius esliisoit les nouveaux soldats, de six pieds de hauteur, ou du moins de cinq pieds & dix pouces, qui sont les dix parts des douze portions d'un pied.



Et pour confirmer ces choses, Vitruue dit aussi au lieu allegué que le pied de l'homme fait la sixiesme partie de sa longueur: toutesfois ceste regle prinse par le pied commun, est incertaine: car i'ay veu des hommes & des femmes plus grands, que ne portoit sept fois la longueur de leurs pieds. Pour accorder donc Vitruue & Vegece ensemble, il faut sçauoir que Vitruue entendoit des pieds de Geometrie, qui estoient de quatre paumes de main, chacune paume de quatre doigts, & chacun doigt de quatre grains d'orge: car tous les auteurs anciens & modernes, qui en ont escrit assurent que le pied de mesure vient à la grandeur de douze points que nous appelons, poudes. De ces pieds là, l'homme en doit auoir six, pour estre de bonne hauteur: & celui qui vient à sept est fort grand, & quiconque le passe doit estre nommé geant & monstrueux, selon la regle du tressage Marc Varron, recitée par Aulugelle, à quoy s'accorde Suetone en la vie d'Octauius parlant de la forme. ou il dit, qu'il estoit de petite stature, non tant toutesfois qu'on s'en apperceust, à cause de l'egale proportion de ses membres, sinon quand il estoit auprès de quelqu'un, qui fust plus grand que luy: & dit que sa mesure estoit de cinq pieds & neuf poudes, & pour ceste cause le defaut de six pieds le faisoit nommer petit: Venons donc à la proportion des membres, & combien les vns auct les autres doyuent auoir de longueur. Or en premier lieu, les anciens philosophes ont trouué, que la figure ronde & circulaire (comme la plus parfaite de toutes les autres) est parfaitement en l'homme: car l'homme se couchant sur terre, la face vers le ciel, & estendant les bras & les mains, aux mieux qu'il peut, & pareillement les iambes & les pieds, pour ouuoir vn compas de six pieds, & en mettre l'une des pointes droit au nombril: comme en vne centre, & tourner le compas à l'entour par les extremittez, il fera vn rond & cercle parfait, à prendre par les bouts des pieds & mains. Cela est vne regle certaine commune en tous hommes, d'une bonne & bien commensurée proportion. Vitruue le dit au lieu preallegué, aussi font plusieurs autres auteurs. Plin e scrit, que la figure de l'homme est angulaire & quadrangle, pour ce qu'en



qu'en ouurant les bras, & estendant les doigts, ceste largeur, se trouuera selon la mesure de la longueur de l'homme: de là vient, que tenant les pieds ioints, & les bras ainsi estendus, il est quadrangle de quatre lignes egales, car vne luy passe par la cime de la teste, l'autre par les plantes des pieds, la troisieme par l'une des mains, & la quatrieme par l'autre. Mais venant à la proportion des membres ensemblement, & de tout le corps avec iceux, il y a quelque differēce entre les anciens auteurs & les modernes, Vitruue dit, que la face de l'homme, à prendre du bas du menton iusques à la premiere racine des cheveux vers le front, doit auoir de longueur, vne dixiesme partie de tout le corps: & que la longueur de la main, à prendre depuis la iointure iusqu'au bout du grand doigt, a pareillement la dixiesme partie de l'homme: & depuis le bout du front iusqu'au commencement de la poitrine c'est la sixiesme partie, & de la cime du chef, iusques à ce mesme commencement de la poitrine, en est la quatre partie. Ils diuisent aussi la face en trois egales portions: l'une à prendre depuis le bout du menton en montant iusques aux narines: depuis là iusques au sourcil; l'autre & la troisieme est du sourcil à la racine des cheveux: le pied comme nous auons dit, doit estre la sixiesme partie de tout le corps, le coude la quatre partie, & pareillement la poitrine vne autre quatre partie: voila donc ce que les anciens ont eu pour regle, qu'ils ont tiree de Vitruue selon la terre. Or ceste regle doit estre en l'homme, pour auoir bonne proportion & disposition en tous ses membres. Je le di, pource qu'il n'y a si grande regle qui n'ait quelque exception, parquoy ceste cy ne se trouue pas en tous les hommes, mais bien en la plus grande partie d'eux, tellement que celuy qui sera le plus conforme à ceste regle, aura la meilleure disposition. Il y a plusieurs autres proportions entre les membres de l'homme, & de l'un à l'autre, toutes lesquelles choses seroyent lōgues à raconter (routesfois i'en diray quelques vnes pour suyuant ma coustume) estre bref entre lesquelles est ceste cy, que la plus grande iointure du gros doigt nommé le ponce, est la mesure de la hauteur de la bouche, quand elle est amplement ouuerte, &

encore



encore ceste mesme iointure, est la mesure parfaite du bout du menton, iusques à la baleute quand la bouche est serree, l'autre iointure plus petite de ce poulce, c'est à dire celle ou est l'ongle, est la distance qui est de la leure iusques au bout du nez. La grande iointure de l'autre doigt prochain, que les Larins nomment *Index*, est de la longueur du front à prendre depuis le haut des sourcils iusques à la premiere racine des cheveux: ce qui reste de ce doigt nommé *Index*, iusques au bout de l'ongle, qui sont les deux autres iointures, est la vraye longueur du nez, depuis le bout iusqu'aux sourcils. La grande iointure du grand doigt, qui est celuy du milieu, est la distance du bout du menton iusqu'au commencement du nez: & toute la main entiere est egale à la grandeur de la face. Toutesfois les petites iointures des doigts, ont telle mesure, que la grandeur de l'ongle, qui est la moitié de toute ceste petite iointure: parquoy c'est chose merueilleuse des proportions qui sont en l'homme, & des raisons d'icelle. D'auantage, la hauteur du front, la longueur du nez, & des leures, doiuent tousiours estre egales. La distance qui est entre le talon & le col du pied, doit estre egale à celle qui est depuis le col iusqu'au bout des arceils. Nous auons desia dit, que la face doit estre la dixiesme partie du corps, en sorte que toute la stature se doit diuiser en dix parties, ou faces, car les anciens en ont ainsi fait: car du sommet de la teste iusqu'aux narines, est vne dixiesme partie, & du bout du nez au haut de la poitrine, est vn autre partie: de là, à la bouche de l'estomach vne autre: de l'estomach au nombril, la quarte partie: du nombril aux parties honteuses, la cinquiesme: la est la moitié de la grandeur de l'homme: & depuis cest endroit iusques à la plante des pieds, y a cinq autres parties: l'vne se commence au lieu du gros de la cuisse: l'autre descend iusques contre le haut du genoil, le reste en descendant se diuise en trois autres parties. La grosseur de l'homme à le ceindre dessous les esuelles, doit estre la moitié de sa longueur, toutesfois encore que ceste proportion ne se trouue iuste en tout, si est ce que celuy en qui elle sera trouuee la plus iuste, sera le mieux accópli. En sorte que les anciens sculpteurs, ima-

gers,



gers, & autres de pareils arts, considerans ces reigles, faisoient des statues de plusieurs pieces de diuerses portions qu'ils conioignoient ensemble, les rendans aussi conformes, comme si elles eussent esté d'une piece. Les modernes de nostre temps ont prins une autre reigle en ceste diuision de l'homme: car ils l'ont diuisé en neuf parts, ou faces: & le tiers d'une face. Le principal de ceux cy est Philippe de Bourgogne singulier sculpteur, qui fait sa diuision ainsi: Du sommet de la teste iusques au front, il fait une tierce partie de face: & l'autre tiers, du commencement du front iusques au bout du menton: de là iusques au haut de la poitrine, un autre tiers: de la poitrine, iusques à l'estomach un autre: de l'estomach au nombril un autre: & autant du nombril aux parties honteuses: de la longueur de la cuisse deux autres: un autre en la jointure du genouil: deux autres en la jambe, depuis le bas de la jambe iusques à la partie du pied, un tiers, qui sont en tout neuf faces, & un tiers. Icy est à voir, & bien considerer à la verité, pour satisfaire à ceux qui desirent en auoir quelque contentement, que ceste est la reigle que tiennent & observent encore aujourdhuy les modernes: De rechef soit plus considéré qu'en la composition & quantité d'iceux membres, se garde une fort conuenable & bien seante proportion, avec une harmonie tresmerueilleuse. Plinie dit que iusques à vingt & un an l'homme communément croist en hauteur, & de là en auant engrossit, & ne se hausse plus: encore dit, que quand l'enfant a trois ans, il a prins la parfaite croissance de la moitié de ce qu'il peut plus croistre. Il dit aussi que les humeurs du corps bien sain, & bien proportionné, doyuent auoir le poids qui s'ensuit. Le sang doit peser huit parties egales en poids, le flegme en doit peser quatre, la colere deux, & la melancolie une, & non plus: & par ainsi il semble que l'un se double sur l'autre, du moindre iusques au plus grand. Conclusion, cest artifice admirable, en se contemplant luy-mesme, doit bien esmouuoir l'homme à adorer & louer l'ouurier, qui est Dieu, & que puis que nous auons si belle proportion en la structure corporelle, c'est bien raison que nous rengions nos mœurs à la



à la perfection de nostre ame, afin qu'elle soit belle, & parfaite en corps beau, & bien proportionné.

*D'une notable maniere d'exil ussee en Athenes, par laquelle les principaux estoient quelquefois bannis sans offense.*

## CHAP. XIX.

**L**A republique & seigneurie d'Athenes (comme chacun sçait) fut vne des plus illustres & puissantes du monde: car depuis qu'il n'y eut plus de Rois & fut reduite en liberté, elle produisit grand nombre d'hommes excellens en lettres, & en armes, dont les histoires sont pleines. Or entre toutes les autres loix & loüables coutumes qu'ils auoyent, pour la conseruation, & entretien de leur bon gouuernement & liberté, il y en auoit vne fort estrange, qui leur sembloit propre & necessaire, pour reprimer & chastier l'ambition de quelques vns de leurs principaux, qui se faisoient si grands, que les peres ne s'en pouuoient defendre, & estoit telle. En vn certain temps, le peuple, auquel tous les estats de la ville estoient comprins, auoit puissance de bannir (encore que ce fust sans cause) par l'espace de dix ans, vn de ses plus grands personnages, tel qu'il leur plaisoit, ou, que plus ils craignoient se vouloir emparer de la seigneurie, & faire tiran de ceste republique, ou contre lequel ils auoyent quelque haine commune, & ce, se faisoit en ceste sorte. Les Magistrats auxquels estoit donné la commission de ce negoce, en conuoquant le peuple, bailloient à chacun vne pierrette blanche, ou petit tuileau, & de ceux qu'ils vouloyent estre bannis, chacun escriuoit son nom sur les tuileaux, & les bailloient aux Magistrats, lesquelles pierrettes ou tuileaux, estoient par les Grecs nommez *Ostraci*, & de là print son nom cest exil appeillé *Ostracisme*: estans ces pierrettes rassemblees avec les inscriptions de chacun, ils les mettoient ensemble & les contoyent toutes, & si d'auenture il n'y en auoit iusques au nombre de six mil (car en telles assemblees, personne n'estoit obligé de donner son buletin, s'il ne luy plaisoit) ils ne faisoient aucun bannissement pour ceste année là: mais s'il y en auoit six mil, ou plus, ils faisoient



soyent conter à part les noms de ceux qui estoient escripts dans les pierres, & celuy qui auoit le plus de voix, encore que ce fust le plus homme de bien, & le plus riche de la ville, estoit incontinent banny pour dix ans sans aucune remission, toutesfois on ne luy faisoit point de tort en son bien, & ses gens le pouuoient gouverner, & en ordonner à sa fantaisie. Et combien que cela ne fust introduit pour corriger, & chastier les vicieux, ains pour appaiser l'enuie du commun populaire à l'encontre des plus puissans, & oster toute ambition, si eût il estre aduenü, que ce peuple iouissant de ce priuilege, & autorité, ait banny tel dont il est sorty profit, & vniuersité à la République, & quelquesfois dommage, en commettant le vice d'ingratitude. Qu'il soit vray, par ce mesme moyen fut banny Themistocles, excellent Capitaine, par le conseil & diligence duquel Xerxes fut vaincu, chassé de Grece, & son armee desfaire en pleine mer: & non seulement Athenes fut par luy mise en liberté, mais aussi toute la Grece. De ce mesme salaire fut remuneré Simon Athenien, qui estoit de ce mesme temps, lequel tant de fois auoit combattu pour la liberté du pays: & mesmement ayant fait acte tant vertueux, que parantanture iamaïs homme ne peut atteindre, c'est qu'il gaigna par mer la bataille contre les Perles, où il print deux cens galeres, puis le mesme iour n'ayant à peine obtenu cest: victoire, fit descendre son armee en terre: laquelle estant en bon ordre, il presenta contre le reste des Perles, qui auoyent auparavant prins terre en grand nombre, & neantmoins les vainquit & rompit, demeurant victorieux, & sur mer & sur terre. Outre lesquelles choses vertueuses, il estoit fort liberal de ses biens, en quoy fortune l'auoit grandement enrichy: car il faisoit ouuoir ses iardins & melissaries, afin que chacun peust librement prendre des biens, qui y estoient, & si faisoit donner secrettement de grandes aumônes aux pauvres de la ville. Il auoit encore expressement ordonné à tous ses seruiteurs, que si en leur chemin ils rencontroyent quelqu'un plus vieil qu'eux, mal vestu, ils se despoillassent de leurs habits neufs, & les changeassent aux autres: D'autantage il faisoit tous les iours le festin aux pauvres mendians de la ville, en quoy



il despendoit toutes les richesses que luy auoit laissé son pere Miltiades. Toutesfois ses liberalitez ne le peurent deffendre & sauuer de cest exil & ingratitude de sa patrie, comme le tesmoigne Cratin le Comique, & Gorgias Leontin. Aussi fut iniustement banny Aristides fils de Lisimac, lequel pour ses vertus & sainte vie estoit de tous nommé le iuste: & neantmoins il ne peut viure sans estre craint & soupçonné du peuple. Aduenât lequel cas, il en aduint vn autre digne & notable: car au tēps que le peuple donnoit son opinion pour faire le bannissement accoustumé, vn des citoyens qui ne sçauoit escrire, & ne cognoissoit Aristides, sinon par renommee, s'adressa à luy-mesme, afin qu'il luy escriuit sur la pierre le mesme Aristides, pource qu'il vouloit par sa voix le bannir. Aristides esmerueillé de telle chose (car il ne l'eust iamais pensé) luy dit: Viença bon homme, Aristides t'a il fait quelque desplaisir? Non, dit l'autre, toutesfois il me desplaist de ce que ie l'oy par tout nommer Aristides le iuste. Plutarque le recite ainsi, mais Paul Emile dit que le citoyen luy fit response: ie ne cognois Aristides, ne, pourtant il me semble que c'est son des auantage de ce qu'en telle diligence il a pourchassé l'honneur d'estre nommé iuste. Et neantmoins Aristides ne luy fit aucune response, ains escriuit son nom en la pierre. Depuis estant ainsi relegué, il ne s'en courrouça point contre sa patrie, au contraire il en sortit volontairement, disant: Je prie aux dieux que les Atheniens ne viennent à telle necessité, que ils puissent auoir besoin d'Aristides. Aussi monstroyent bien les Atheniens, qu'ils cognoissoyent la faute qu'ils auoyent faite de le bannir, car auant que les dix ans du bannissement fussent expirez, mesmes dedans les six ans, par le contentement & vouloir du peuple, il fut reuocqué de cest exil: depuis lequel il fit de notables faits d'armes, se trouuant en bataille sur mer pres Salamine, où Xerxes fut vaincu, & aussi en telle place, où fut surmonté Mardonie. Par ainsi, comme i'ay dit, c'est exil aduenoit tousiours aux meilleurs & plus apparens hommes. Toutesfois encore que le dommage en fust grand, si portoit-il quant & soy vne certaine maniere de dignité & honneur, à cause de la crainte & enuie qu'on auoit qu'ils ne



se fissent tyrans, comme auoit fait Pisistrat. Plutarque recite que florissant Athene en puissance, richesse, & exercice militaire, il y auoit deux grans personages. l'un nommé Nicias, & l'autre Alcibiades: qui estoient en toutes choses curieux & ambitieux de gloire à l'enuie l'un de l'autre: & approchant le temps de l'Ostracisme, cy dessus mentionné, se deuoit faire, chacun d'eux craignoit pour soy-mesme, & mettoient chacun de son costé toutes les peines qu'il estoit possible, pour empescher de tomber en cest inconuenient. En ce mesme temps il y auoit en Athenes vn nommé Hiperbole de basse condition, toutesfois fort superbe, & encore plus seditieux: Luy voyant ceste inuention de Nicias & Alcibiades, essaya par tous moyens de semer grans discords, esperât par cela s'acquérir quelque reputation, presuppasant aussi, qu'estans (comme il croyoit) ces deux cy ennemis, l'un d'eux seroit banny par l'Ostracisme, aduenant lequel cas il gagneroit la place de sa grandeur, & seroit fait vn des principaux de la ville: mais ceste brigue venue à la notice de ces deux, & ayans honte qu'un homme de si basse condition se voulust egaler à eux, se pacifierent secrettement, & deuiendrent amis, aimans mieux déposer leur rancune que de souffrir telle honte. Ce fait chacun d'eux briga de son costé, à faire bannir Hiperbole par l'Ostracisme, en quoy ils s'employèrent si bié qu'ils le firent, luy procurât ce qu'il auoit pourchassé aux autres. Dont depuis il y eut grande risée parmy tout le peuple, voyant vn homme si vil estre passé par là où les excellens & plus braues hommes passoyent. Mais en fin, ces ris se conuertirent en courroux, en telle sorte qu'onques puis la loy de l'Ostracisme n'eut lieu.

*De plusieurs excellens hommes qui furent bannis par l'ingratitude de leur patrie.*

CHAP. XX.

**L**es histoires sont toutes pleines des ingrattitudes, desquelles ont vscé les anciennes bonnes villes & fameuses citez, a l'encontre de ceux qui les auoyent honorablement seruies & secourues en la necessité. Nous



n'en dirons donc gueres d'exemples pour estre ceste matiere assez commune aux studieux amateurs d'histoires. Le grand pere de la langue Latine, & souverain orateur en icelle, qui auoit deliuré Rome de la perilleuse conuersion de Catilina, fut neantmoins banny au pourchas & instance de son ennemy Clodius. Lequel exil fut tant ploré à Rome, qui s'y trouua vingt mille personnes qui muèrent d'habits & se vestirent en dueil, qui fut cause de le restituer en sa premiere liberte en grande ioye, & à son grand honneur. Demosthene pareillement Prince de l'éloquence Grecque, défenseur de son pays d'Athenes fut banny par les Atheniens, & encore qu'ils en eussent eu occasion, si n'estoit-elle suffisante, pour se priuier eux mesmes de la presence d'un tel homme. Il fut excessiuement dolent de se voir banny du pays, tellement qu'il s'en partit en grande melancolie, & rencontrant à la sortie quelques Atheniens ses capitaux ennemis, il se doura fort d'eux, mais ils ne luy firent aucun mal, au contraire, le consolerent, & luy aiderent à leur pouuoir de ce qui luy estoit necessaire: Ce que considéré par luy, & se voyant repris de ce qu'il plaingnoit fort le parlement de son pays il dit à ceux qui luy faisoient ces remonstrances: Comment, voulez vous que ie ne pleure point, me cognoissant banny de mon pays, où les ennemis sont tels, que l'homme seroit bien heureux, qui trouueroit en autre part les amis pareils à eux? Metelle nommé Numidique, pour recompense de la victoire qu'il eut contre Iugurte Roy de Numidie, fut banny de Rome, pource qu'il ne voulut pas accorder vne loy qu'on vouloit faire. Annibal apres auoir executé tout ce qu'un bon citoyen peut conuenablement faire pour sa patrie, combien qu'il fust le plus excellent Capitaine de son temps, si ne luy fut-il permis de viure seurement en son pays, car estant banny d'iceluy, fut contraint d'aller vagabond par le monde. Le renommé Camille estoit inuistement banny de la ville de Rome, lors que les Gaulois la prirent, & qu'ils auoyent assiégué le Capitole: parquoy cependant qu'il estoit en exil, il fut fait Dictateur, & souverain Capitaine de son pays, où retourné il deliura de prison ceux mesmes qui l'auoyent banny. Seruilius Rala, apres auoir



conferué la liberté de Rome, de l'ambition de *Spurius E-*  
*milius*, maistre des cheualiers, qui se vouloit faire Roy  
 (lequel il tua & fit mourir) pour recompence fut banni,  
 & enuoyé en exil. Je ne sçay point de Republique plus te-  
 nue à homme que *Lacedemonie*, estoit à *Licurgus*, pour  
 les loix qu'il leur auoit baillees, sur leur forme de bien  
 viure. Et cōbien qu'il fust homme de sainte vie & loüa-  
 bles mœurs, & duquel pour ses vertus, selon *valere le*  
*grand*, l'oracle d'*Apollo Pichien*, respondit ne sçauoir s'il  
 le deuoit mettre au nombre des hommes ou des Dieux:  
 neantmoins il fut maintesfoiſ pourſuyui par les citoyens  
 à coups de pierre, & chassé hors de leur ville: & finale-  
 ment ayant vn œil creué fut chassé du pays. Le mesme  
 salaire fut donné par les *Atheniens* à *Solon*, qui leur a-  
 uoit instrué tant de bonnes & saintes loix: & desquelles  
 s'il eussent voulu tousiours vser, leur empire eust (peut-  
 estre) duré perpetuellement, ce neantmoins pour leur a-  
 uoir conquis & recouré la ville de *Salamine*, & sembla-  
 blement les auoir aduertis de l'entreprise de *Pisistratē*,  
 qui se vouloit faire leur Roy & tyran, luy en sa caduque  
 vieillesse fut banni, & ne peut tant impetier enuers eux  
 que de luy octroyer vn certain lieu en leurs terres pour  
 finir le reste de ses iours, ains pour toute remuneration  
 l'exilerent en l'isle de *Cypte*. *Scipion Nasica*, qui fut esleu  
 pour le plus homme de bien de Rome, qui ne meritoit  
 pas moins d'honneurs en l'administration & gouverne-  
 ment de la Republique, que les autres *Scipions* avec leurs  
 armes en campagne. Ce neantmoins apres qu'il eut deli-  
 uré Rome de la subiectiō & tyrannie des Grecs, cognois-  
 sant les enuies d'aucuns citoyens, & mauuaise opiniō  
 qu'ils auoyent de ses vertus, feignant d'aller en ambas-  
 sade, se retira volōtairement en *Pergame*, ou sans aucune  
 mauuaise affection à son ingrate patrie: il paracheua le  
 reste de ses iours. En semblable *Publius Lentulus*, apres  
 auoir vertueusement defendu la Republique, & reprimé  
 les furieuses entreprises des Grecs pour recompense fut  
 banni de Rome, mais auant que de s'en aller demeurer  
 en *Sicile*, pria les dieux en presence de tous qu'il ne peust  
 iamais retourner à vn peuple si ingrat. *Boëce Setierin*  
 homme illustre & fort vertueux fut banni par *Theodo-*



ric qui auoit occupé Rome, & ce pour le soupçon qu'il auoit que Boëce pourchassast la liberté de la patrie. Pour ceste mesme cause le tyran Denis bannit Dion Siracusan excellent capitaine, qui par le moyen de son exil deuint depuis si puissant, qu'il remit le pays en sa pristine liberté: bannissant Denis de sa seigneurie & l'en priuant totalement. Il en aduint ainsi à Trasibule capitaine Athenié, lequel estant banni d'Athenes par la puissance de trente tyrans qui la tenoyent en subiection, ramassa plusieurs autres bannis, puis avec l'aide de Lisandre capitaine Lacedemonien, vint contre Athenes qu'il deliura de la seruitude ou elle estoit. Pub. Rutilie consul de Rome estant banni par ceux qui tenoyent le parti de Sylla, encore depuis qu'il fut r'appellé de son exil si n'en voulut-il point iouir: disant qu'il aimoit mieux faire honte au pays de l'auoir banni sans cause, que d'estre tenu à eux pour l'auoir tire de l'exil. Tarquin le superbe, bien que ce ne fut par ingratitude, ains pour meschanceté, fut banni de Rome, & perdit son Royaume, à cause de la force, dont vn sien fils auoit vsé enuers Lucrece Romaine.

*Falaris en  
ses epistres.*

Ion Patrice Romain à cause de la mort de Clodius, bien qu'il fut defendu de Ciceron, fut neantmoins relegué en Marseille. Clistenes fut le premier qui fit la loy du bannissement en Athenes, & si fut le premier qui en fut banni. Pareillement Eustache Paimphilie prelat d'Antioche, fut banni pource qu'il contredisoit aux heretiques Ariens; au temps de Constantin le grand. Paul Diacre grand historiographe, & de grande autorité, dit que le Pape Benoist cinquieme fut banni de Rome par l'Empereur Otton, contre la loy diuine & humaine. Ce mesme Otton ayant vaincu l'Empereur Berenger, & son fils Albert, les enuoya en perpetuel exil. Ainsi ont esté bannis vniuersité de grands personages. Et si estoit à Rome estimé l'exil vne si grande peine, que nul ne pouuoit estre banni, que premierement il n'en eust esté consulté avec tout le peuple. Aussi à la verité l'amour que lon porte à sa nation, est si grande, que lon ne peut en estre chassé sans grande & extreme douleur: pour la consolation desquels bannis. Plutarque fait vn singulier traité: & Erasme en escrit vne notable epistre. Senegue aussi au liure de la

*Plutarque  
Erasme.  
Senegue.*

me en escrit vne notable epistre. Senegue aussi au liure de la



Et la consolation, adressé à Pauline, escrit vne notable sentence sur cela.

~~De deux grands personnages qui furent prins pour homicides, & lesquels furent faits Roys par le mesme moyen qu'il pensoient perdre la vie.~~

## C H A P. xxi.

**L**Es moyens par lesquels Dieu ordonne toutes choses sont si secrets au hommes, que quand ils pensent perdre quelque chose par vn moyen, c'est lors que perdue elle se trouue recouuree. En sorte qu'en quelque grand estar que ce soit, l'homme ne se doit tenir assésé, ny aussi se deffier en aduersité pour grande qu'elle soit. Dequoy suffira pour exemple ce que nous dirons maintenant. Du temps qu'en Hongrie & Boheme regnoit le Roy Ladislas fils du Roy Albert, ieune & nouuellement venu au gouvernement du Royaume: & à ceste cause, contrainst se gouverner par l'opinion d'aucuns des principaux Barons, il se meut entr'eux quelques discords, & particulièrement entre les enfans du seigneur Iean Vniades Vvayuode, qui estoit mort, peu auparauant tuteur du Roy, & qui auoit eu le plus de puissance au gouvernement du Royaume d'une part: & Henry Comte de Celie proche parent du Roy, d'autre part. Cest inimitié fut si grande, qu'estant vn iour le Comte Celie en vne Eglise d'une des villes d'Hongrie, il fut tué par les mains des enfans de ce seigneur Iean Vniades Vvayuode, qui est vn nom de grande dignité en ce Royaume là. Pour ce iour, le Roy ne fit semblant de s'en mescontenter, pour ce qu'il luy sembla n'estre à l'heure assez puissant pour chastier telle presumption: mais depuis estant retourné en la ville de Bude, fit prendre les enfans de ce Vvayuode, & au plus grand nommé Ladislas, fit trancher la teste, & quant à l'autre nommé Matthias, pource qu'il estoit encore petit, il n'en voulut pour lors faire iustice: toutesfo's le fit mettre en prison, sous bone & seure garde au Royaume de Boheme. Estant ainsi ce ieune enfant prisonnier sans esperance de vie, ny de voir la fin de sa prison: aduint qu'en ceste mesme ville (où il estoit detenu) hommes



Praga en Boheme, le Roy Ladislas mourut: au moyen dequoy le peuple de Boheme esleut vn Roy, nommé George Pog brachio. Les Longres d'autre costé, estaus aduertis de la mort de leur Roy, & meus, à pitié de ce Matthias à cause principalement de l'autorité, que iadis auoit eu son pere en ce Royaume; declarerent Matthias, Roy de Hôgrie: lequel estant en la puissance de George nouveau Roy de Boheme, qui fut aduertey de l'election des Longres fut par luy deliuré, & luy fit de beaux parais, luy donnant sa fille en mariage: par ainsi de pauvre & desesperé, se vid en vn instant Roy tres puissant: & neantmoins s'il n'eust esté en telle aduersité, il ne fut iamais paruenu à ceste grandeur d'estat, pource qu'on y eust esleu vn autre que luy: ou son frere Ladislas l'eust precedé, ou le Conte Celie, qui auoit esté tué l'eust empesché: & n'eust on point eu en son endroit le respect de pitié, & misericorde s'il n'eust esté prisonnier. Ainsi donc il paruint à la Couronne par le moyen que la perdent ceux qui l'ont; & depuis fut cestuy vn des plus excellens Roys de son temps, & qui obtint de plus grandes victoires, & fit de plus excellens faits d'armes, principalement contre les Turcs. Vn pareil cas aduint à Jaques de Lusignan, Oncle de Pierre, Roy de Cypre: car en la feste & solemnité qui se faisoit au couronnement du Roy, y eut controuersé entre les Geneuois, & les Venitiens là estans, pour la preference, car chacun d'eux vouloit auoir le premier lieu: & fut ceste chose si obstinément debatue d'une part & d'autre, que Jaques de Lusignan, qui fauorisoit les Venitiens, fit tuer quelques Geneuois: dequoy aduertis les autres, qui estoient demeurez à Genes en furent si courroucez, que pour en prendre vengeance, leuerent vne grosse armee sous la charge d'vn capitaine, nommé Pierre Fregose, fort excellent en guerre maritime, lequel s'y porta en telle sorte, que paruenu en l'Isle, il print la ville par force d'armes, en laquelle estoit Jaques de Lusignan, qui fut prins & mené à Genes: là ou par ordonnance du Senat fut mis en vne tour, en intention de luy faire finir sa vie, & y demeura neuf ans sans espoir de liberté ny bien aucun: mais en fin, fortune tourna sa rouë: car au bout de ce temps, le Roy Pierre mourut sans hoirs, au moyen de-

quoy



dequoy ceux de l'isle, dolés de la loque detention & prison de ce Jacques, ayans esgard qu'il estoit parent de leur feu Seigneur l'esleurent pour leur Roy, cōbien qu'il fut prisonnier: sans le moyen de laquelle prison, peutestre ne fust-il paruenū à ceste dignité encore qu'il leust pourchassée luy estant en liberté. Telles sont les inclinations & volontez humaines. Apres laquelle election les Cypriens enuoyèrent des ambassadeurs à Genes, afin qu'avec les meilleures conditions qu'il seroit possible, ils obriussent la liberté de leur Roy: lesquels venus à cōposition, & ayans payé sa rançon, le tirerent de captiuité en grande pompe & feste, puis le menerent & conduisirent magnifiquement dans les nauires, où entré & les voyles leuez, fut conduit en Cypre, & la reçeu pour Roy, bien obey, & y regna quelque temps.

*D'une estrange aduventure aduenue à vn prisonnier, & comment il en fut mis hors.*

CHAP. xxi.

**L**Es choses admirables se deuoyent raconter legèrement: si n'en ay-je toutesfois escrit aucune qui ne soit certifiée par fidele auteur, comme ceste-cy que ie veux dire, recitée par Alexandre d'Alexandrie, homme bien meslé en sciences, comme i'ay dit cy deuant, & si l'a décrit comme chose bien certaine. Il dit qu'en vn certain lieu d'Italie (dont il ne veut nommer le nom) auoit esté mis pour gouuerneur vn homme, (que pareillement il ne vouloit point declarer) fort tyrā & cruel. Auint qu'en de ses vassaux, homme de basse condition, luy tua d'aduantage vn leurier qu'il estimoit beaucoup, à cause dequoy ce tyrā fut si courroucé qu'il le fit mettre en vne sorte & cruelle prison, fermée à plusieurs clefs & dessous bonne & seure garde. Quelques iours apres, celui qui auoit la charge de le gouuerner, en luy portant vn iour à manger, comme il auoit accoustumé, trouua les portes tout ainsi closes & fermées, qu'il les auoit auparauant laissées: & quand il vint au lieu ou le prisonnier estoit coustumier de se seoir, il ne le trouua point: mais bien trouua les fers esquelz il auoit esté enfermé, tous entiers



& sans aucune rompure. Ce qu'estant reputé, miracle, fut rapporté au Seigneur de la ville, qui à plus grande diligence qu'il fut possible, le fit chercher par tout, & de maison en maison; & si n'en peut ouïr ne vent ne voix. Et fut le cas trouué encore plus estrange; de ce que les fers où il auoit esté enserrez, furent trouuez en la prison sans estre aucunement rompus ne brisez; & les portes de la tour fermées. Trois iours apres estans les portes closes, tout ainsi que quand le prisonnier y estoit & n'y pensans plus les gardiens, ils ouïrent etier au mesme lieu ou le prisonnier souloit estre: & quand ils y coururent pour voir qui crioit là, trouuerent que c'estoit le prisonnier qui demandoit à manger; & fut trouué emprisonné comme il estoit auparavant, la face espouuantable, decolorée & flettie, les yeux enfoncés, & ternis & esgarez, & ayant face mieux ressemblante à l'homme mort que viue. Les Concierges espouuantez de cela, luy demanderent où il auoit esté, mais il ne voulut rien dire sinon qu'on le menast incontinent deuers le seigneur de la ville & pour ce qu'il auoit beaucoup de choses à luy dire & de grande importance pour luy: ce qu'entendu par le seigneur de là, le fit venir en la presence de plusieurs, deuant lesquels vouloit dire sa charge: puis se mit à conter choses merueilleuses; luy disant que c'estant trouué en si obscure prison, il estoit entré en tel desespoir, qu'il auoit appelé le diable à son secours, afin qu'il l'emportast hors de là où il voudroit, pour eschapper ceste misere & que le diable estoit venu à luy en figure fort laide & espouuantable, avec lequel il fit complot de le tirer hors de prison, à quoy il n'eust pas à peine si tost condescendu, qu'il le vid porter en l'air sans sçauoir comment, ny par quelle maniere, & qu'à l'instant il estoit descendu par certains lieux horribles, tempestueux, obscurs, & tenebreux, & s'y auoit veu plusieurs millions de millions de personnes, qui souffroyent de grieux tourmens, tant par feu qu'autrement; & qu'ils estoient tourmentez par infinité de diables, & que-là il auoit veu de toutes sortes de gens, comme Rois, Papes, Ducs, Prelats, & mesmement plusieurs gens de sa cognoissance: & si fit particulièrement entendre à ce tyran, qu'il auoit veu là bas vn de ses grâds amis & com-



& compagnons, qui luy auoit demandé nouuelles de luy, de sa vie, & de ses mœurs, & s'il estoit encores aussi cruel tyran qu'il souloit: & que luy prisonnier luy auoit répondu, que le Roy n'auoit laissé les anciennes coustumes: au moyen dequoy cest amy luy pria que quand il le reueroit, il aduertist d'amender sa vie, sans tant opprimer & vexer son peuple de tributs & d'exces, pource que luy qui parloit, sçauoit bien que sa place estoit preparée en enfer, où il seroit griefuement tourmenté s'il ne s'amendoit autrement: & afin qu'il fust creu de ce qu'il disoit, c'est amy du Tyran donna enseignes au prisonnier, luy disant: di luy qu'il se souuienne que quand nous estions ensemble en guerre nous auions tel mor de guer: ce que le prisonnier recita amplement. Toutes lesquelles choses oüyes, ce Seigneur s'espouuanta merueilleusement, car il estoit bien certain que Dieu seul, son amy, & luy sçauoyent ce mor de guer: puis demanda à ce pauvre homme, en quel habit & en quelle forme il auoit trouué ce gentil homme en ce lieu là: l'autre luy respondit, tout ainsi qu'il estoit en ce mode veü de satin cramoisi: toutesfois que c'est habit qui sèbloit estre tel, estoit vn feu terrible qui le brusloit: qu'il soit vray (dit il) ainsi que ie pensois le toucher à sa robe, ie me suis bruslé la main: & en ce disant la monstra toute bruslée. Il recita encore maintes autres choses grandes & espouuantes. Quoy voyant ce Seigneur, le laissa aller en liberté en sa maison: & diét aucuns qu'il estoit si pale & si laid, que à peine sa femme le pouuoit recognoistre, ny ses parens aussi, & qu'il vescu peu de iours apres tout troublé de ses sens, debile & fort denué: & neantmoins tout ce qui luy resta de vie, il le dispensa au salut de son ame, à l'ordre & disposition de ses biens & en continuelle penitence de ses pechez.

Mais dequoy seruit cest aduertissement à ce

Seigneur, Alexandre n'en parle point:

ains seulement affirme ceste hi-

stoire veritable.



*Que le sang du taureau fait mourir ceux qui en boient, & que fut celui qui premier dompta les taureaux.*

## CHAP. XXIII.

*Dioscori-  
de lib. 6.  
Plin. l. 28.  
Plutarq.  
au li. de su-  
perstitio n.*

*Plutarq.  
en la vie  
de Temi-  
stocles.  
Ari. lib. 3.  
des bestes.  
Plin. l. 11.  
Dioscoride  
l. 6. Plin. l.  
22.*

**V**Eu que le taureau est si domestique animal, que nous mangeons ordinairement de sa chair : & de ce qu'il engendre les hommes sont plus alimentez, soustenus & nourris que de nulle autre viande, il semble que ce soit contre nature que son sang separé de la chair tout chaud ait puissance de faire mourir les hommes. Dioscoride toutesfois & Pline dient que le sang frais du taureau est venimeux, & qu'il tue celui qui en boit. Plutarque escriuant de Midas (celuy duquel tant d'hystoires & tant de fables font mention) dit qu'estant malade de quelques imaginations espouuantes, & allant de pis en pis, sans trouuer amandement, termina de boire du sang d'un taureau suffoqué dont il mourut incontinent. Il escrie encore, que Themistocles Athenien, excellent capitaine, qui auoit defendu la Grece des inuasions de Xerces, estant banni de son pays, s'en alla à la cour du Roy Artaxerxes, auquel (par le courroux & indignation qu'il auoit à la patrie fit promesse de luy donner le moyen de surmonter toute la Grece : mais quand le Roy se somma d'y satisfaire il aimia mieux mourir : car en feignant sacrifier à la Deesse Diane, il beut le sang du taureau qu'il auoit sacrifié dont il mourut incontinent, ce qui est certifié par Plutarque. La raison naturelle que l'on peut donner pourquoy le sang chaud d'un taureau fait mourir celui qui en boit, est deduite par Aristote. Plin & Dioscoride disent que c'est pource que le sang du taureau se caille & endurecit incontinent, voire beaucoup plus tost que le sang de nulle autre beste : tellement que paruenue en quantité dans l'estomach, il se congele & cause euauouissement & suffocation, estoupant les voyes aspiratoires & sensitiues, dont soudainement s'ensuit la mort. Plin dit que les choux cuits en sang de taureau, guarissent de l'opinion : par ainsi ce sang seul est de soy mesme venimeux, mais mis en composition avec autre chose il porte medecine. L'homme (auquel Dieu a soumis toutes choses) tire grande vtilité & seruice du taureau, & de



son espece: pour ceste cause Columelle le prefere à tous autres animaux. Aussi estoit-ce iadis vn grand crime de tuer vn taureau, & recite Plinẽ d'un homme qui fut banni pour en auoir tué vn. Le premier qui dompta les taureaux & s'en seruit au ioug, fut selon Diodore, vn nommé Denys, ou Dionysius fils de Iupiter, & de Proserpine: & selon Plinẽ au septiesme liure, ce fut vn nommé Briges, natif d'Athenes: autres dient que ce fut Triptoleme, duquel il semble que parle Virgile, disant: l'enfant maistre & inuenteur de la courbe charruë. Seruie dir, que cela se doit entendre de Triptoleme, ou d'Osiris. Je pense moy que Virgile voulut couvrir le nom de l'inueteur de chose si vile & necessaire: pource qu'à la verité ce ne deuoit point estre l'inuention d'un seul, au cõtraire, que l'esprit & l'humaine necessité l'ont trouuee, en sorte que quelques vns en inuenterent vne partie, & quelques autres le reste. Aussi Troge Pompee dit, qu'Auidis Roy d'Espagne fut le premier qui dompta les taureaux, & qui les mit au labeur: mais qui qu'en soit l'inuenteur, telle chose est fort necessaire & profitable à la vie de l'homme. Ceste beste paist l'herbe autrement que les autres, pource qu'il recule tousiours en paissant, & les autres vont tousiours en auant. Aristote parle de certains taureaux qui sont en Frigie, desquels les cornes ne tiennent point aux os, ains seulement à la peau, & se peuuent manier comme leurs oreilles: Elian en dir autant. Le premier qui courut les taureaux à Rome & les tua, fut Iules Cesar, dequoy Plinẽ fait tesmoignage. C'est animal a encore vn autre naturel, car il cognoit & pronostique quand il doit plouoir, & le montre en haussant le muse, & flairant l'air, & si se met plus à couuert que de coustume.

*Columelle en son agriculture. Diodore li. 4. &c.*

*Virgile en ses Georgiques.*

*Aristote liu. 3. des bestes.*

Combien l'eau est necessaire à la vie humaine, & l'excellence de cest element, avec le moyen de cognoistre la bonne.

## CHAP. XXIIII.

Il semble qu'il n'y ait chose plus necessaire à la vie humaine que l'eau, pource que si quelquesfois le pain defaut, l'homme se peut nourrir de chair, & autres viandes, & si le feu defailloit, il se trouue tant d'autres choses



ses bonnes à manger crues, & pourroit-on viure quelque temps sans feu : mais par faueur d'eau, ny l'homme ny autre animant ne pourroit viure. Il n'y a herbe ny aucune sorte de plante, qui peult produire semence ny frui & sans elle: toutes choses ont besoin d'eau, & d'humidité. Cela est tant veritable, que Thales Mile sien, & Hesiodé, ont pensé que l'eau fust le commencement de toutes choses, & le plus ancien de tous les elemens, & encore le plus puissant; car comme dit Plin, & pareillement Isidore, l'eau ruine & humilie les montagnes, & seigneurie la terre, esteint le feu, & se conuertit en vapeurs, surpasse la region de l'air, dont apres elle descend pour engendrer & produire toutes choses en la terre. Aussi Dieu a tâté estimé l'eau, qu'ayant conclu de regenerer les hommes par baptême, il a voulu que ç'ait esté moyénant cest elemēt. Et si quand il diuisa l'eau au commencement du monde, il l'eut en telle estime, que le texte dit, qu'il laissa & mit les eaux au dessus du ciel, sans en ce comprendre celle qui circuit la terre. La plus grande peine que donnoient les Romains aux condamnez, estoit qu'il leur interdisoyent l'eau & le feu, mettans l'eau deuant le feu pour dignité. Puis donc que l'eau est tant necessaire à la vie humaine, on doit avec soigneuse cure, chercher la meilleure, dont à ce propos ie noteray quelques proprietés alleguées tant par Vitruue, qu'Aristote, Plin, & Dioscoride, & autres parlans de l'election des eaux. Le premier enseignement est, que si l'homme va en pays estranges, & il veut cognoistre si les eaux y sont bonnes pour s'en aider là, ou en faire transporter ailleurs selon la necessité, qu'il regarde & considere les lieux circonuoi sins du fleue, ou de la fontaine, qu'elle est la vie & disposition des hommes habitans là autour. S'ils sont sains, robustes & bien coulorent en face, sans estre maleficiés, des yeux & des jambes, tels hommes portēt telmoignage de la bonté de l'eau si le contraire se trouue, qu'elle est mauuaise: mais si l'eau est trouuee de nouueau tellement que ceste experience faille, il y a d'autres espreuues: Il faut prendre vn bassin d'airain bien net & poli, & ietter dessus des gouttes de l'eau, dont on veut faire experience, & si apres que l'eau sera sechee, le vaisseau n'est point taché

Isidore li.  
3. des Etimologies.

Vitruue en son li. d'architecture.  
Arist. en ses problemes.



taché de ces gouttes, c'est signe que telle eau est bonne. C'est encore vne autre bonne espreuve, la faire bouillir en ce mesme vaisseau, puis la laisser refroidir & reposer, & apres la vuidier: si au fons il n'y demeure point d'arene, ou de limon, c'est à dire qu'elle est fort bonne, & de deux eaux celle qui en aura le moins sera la meilleure. Si en ces vaisseaux ou autres on fait cuire des grains à faire porages, cōme poids, febues, & autres legumages, la meilleure eau sera celle qui les fera plustost cuire. On doit considerer pour faire iugement certain des eaux, en quel lieu elles prennent leur source, si c'est terre sabloneuse, netre & claire, ou si elle est bourbouse, trouble, & orde, & qu'il n'y croisse point de ioncs, & autres herbes pestiferes & mauuaises: mais pour meilleur remede & plus grande seureté de boire vne eau incertaine, ou qui n'est point repute'e bonne, est de la faire cuire à petit feu, & puis la laisser refroidir. Pline dit que l'Empereur Neron la faisoit ainsi bouillir & refroidir dans la neige, & se glorifioit d'auoir trouué ceste inuētion. La raison pourquoy l'eau bouillie est plus saine, est pource que cest eau que nous beuons n'est point simple en sa propre nature, ains est fort meslee avec la terre & l'air: mais par le feu la partie venteuse s'exhale, & resout en vapeur: la terrestre par la nature du feu (qui est d'affiner & separer les diuerses natures) descēd en la partie inferieure, & là s'arreste, par ce moyen l'eau cuite demeure moins enflant, parce que la partie venteuse qu'elle auoit au commencement s'est esuaporee. Elle est aussi plus subtile & legere, pour estre purifiee de la partie terrestre, & partāt plus facile à garder & conseruer, tellement qu'elle refroidit & mouille competement, sans tant opiler ny alterer. Et par là cognoit on que l'eau des puits n'est pas si bōne que les autres, pource qu'elle participe plus de la terre, & n'est point purifiee par la chaude uisitation du Soleil, aussi est-elle plus aisée à corrompre. Toutesfois quand plus on tire de l'eau d'un puits, tant moins elle est mauuaise: pource que ce continuel mouuement empesche la corruption coustumiēre de s'attacher aux eaux enfermees, & qui n'ont point de cours, & puis nature enuoye nouuelle & fresche eau à mesure qu'on tire celle qu'elle



qu'elle y auoit mise. Pour ceste cause l'eau des lacs, & des estāgs, est la pire de toutes: car par faute de s'escouler elle se corrompt, & engendre des choses mauuaises, & bien souvent infecte l'air, qui cause des maladies aux enuirs. Il faut encore cōsiderer que les eaux qui ont leurs cours vers le midy, ne sont pas si bonnes que celles qui vont vers le Septentrion: pource qu'en la partie du midy, l'air est plus meslé de vapeurs, & humiditez, qui gastent l'eau & luy font domage: & du costé de Septentrion l'air est plus subtil, & moins humide, par ainsi il n'enfle point l'eau, ny ne l'agraue. A ceste cause là, l'eau qui est la plus claire, la plus legere, la plus subtile, & plus purifiée, est la meilleure, pource que, comme nous auons dit, elle est moins meslée des autres elemens, & encore estant approchée du feu, elle s'eschauffe plustost que les autres. Aussi est ce vne singuliere espreuue de deux eaux, de regarder à celle qui sera plustost chaude par vn mesme feu & en mesme espace de temps, & voir aussi laquelle des deux sera plustost refroidie, car ce sont deux arguments de plus subtile & penetratiue substance, & pour autant que le mélange de terre parmy ceste eau, l'arguē de pesantēur, il est bon d'eslire l'eau plus legere, laquelle se pourra experimenter en ceste sorte: il faut prendre deux pieces de toille d'une mesme pesantēur, & mettre l'une en l'une des eaux: & l'autre en l'autre, tant qu'elles en soyent abbreuees, puis les en tiret, & les estendre à l'air ou le Soleil ne donne point, & apres qu'elles seront seches les repeser. car la piece qui pesera le plus, monstrera que son eau est la plus pesante. D'autres les pesent en vaisseaux bien nets, & qui sont d'une mesme pesantēur. Aristote & Plinē dient, que la plus grande cause qui diuersifie la qualité des eaux, vient de la substance de la terre, des pierres, des arbres, & des minieres, & metaux par où passent les fontaines, & riuieres, & pour ceste cause elles deuiennent les vnes chaudes, les autres froides, les vnes douces, & les autres salees: parquoy c'est vne regle certaine, que l'eau qui n'a point de saueur ny d'odeur, est cogneuē pour la meilleure. Tous ceux qui en ont escrit maintiennent, que celle qui passe par les minieres d'or est meilleure: qu'il soit ainsi, les fleues les plus



plus notables & excellens du monde, sont ceux qui engendrent & conseruent l'or en leurs deliees arcines: mais pource que nous deuons traicter particulièrement de la propriété d'aucuns fleues & autres eaux, ie n'en donneray point d'exemple. Puis donc que nous auons parlé des eaux des fontaines & riuieres, c'est bien raison que nous parlions quelque peu de l'eau de la pluye, laquelle est prisee d'aucuns, & blasmee par autres. Vitruue, Columelle, & quelques Medecins, donnent beaucoup de loüange à l'eau de la pluye, quand elle tombe claire & nette: pource, disent-ils, qu'elle est legere & non mixtionnee, d'autant qu'elle prouient de la vapeur, qui par sa grande subtilité est montee en la region de l'air, & qu'il est à croire que le pesant & terrestre soit demeuré en terre. Et combien que quelques vns dient, que l'eau descendant du Ciel se corrompt incontinent, comme nous voyons aux estangs, qui engendrent mille ordures, si n'est ce pas à dire que cela procede du defect de ceste eau, ains pour estre arrestee en lieu où s'assemblent boubiers, infections & autres immondices, & encore par le moyen de l'ordure qu'elle emmeine quant & soy, lauuant la terre par où elle passe, lors qu'il pleut en abondance: parquoy la cause de la soudaine corruption, procede de ce qu'elle est subtile & delicate: & par le moye de la chaleur du Soleil, & humidité de l'eau, avec la mixtion de plusieurs ordures: toutesfois si ceste eau ainsi subtile, purgee & claire, estoit recueillie tombant de dessus les couuertures bien nettes des maisons: ou bien lors qu'elle tombe du Ciel, passant par l'air sans toucher à aucune chose: & si elle estoit receue en des vaisseaux bien nets, elle seroit meilleure que les autres: & se conserueroit plus long temps. Il y a quelques autres auteurs qui tiennent l'opinion contraire, mesmement Pline, & dit qu'elle est si mal saine qu'on n'en deuoit point boire: pource que les vapeurs d'où elle prouient, procedent de plusieurs choses, & diuers endroits: dont elle reçoit beaucoup de qualitez differentes, & aussi bien de mauuaises que de bonnes. Et en monstrant encores d'autres raisons, il respond à celles que nous auons alleguees: & dit que l'espreuue n'est suffisante pour la dire bone, de monstrer qu'elle est plus le-

Pline liure  
37. ch. 3.



gere pour estre tiree en la region de l'air: car telle euap-  
 ration est attraitte en haut par vne secrette violence du  
 Soleil: & qu'à semblable raison, c'est aussi vapeur cela de-  
 quoy la dureté pierreuse de la gresle est formee en l'air,  
 laquelle eau est pestiferee, & pareillement celle de la nei-  
 ge. Il dit encore qu'outre ceste defectuosité, telle eau de  
 pluye s'infecte par la vapeur & chaleur de la terre lors  
 qu'il pleut: & pour argument de son impurité, ne faut  
 que voir cōbien tost elle se gaste & corrompt: dōt se fait  
 vraye experience sur la mer, ou telle eau ne peut estre cor-  
 seruée. pour ceste cause sont reprocuez les puits & les ci-  
 sterne's. Sur toutes les opinions chacun donera la sienne,  
 ainsi que bon luy semblera: mais quant à moy ie loue  
 moins l'eau de pluye que l'autre, encore qu'elle soit plus  
 necessaire: & que Pline, qui la blasme die que les poissons  
 s'en engraisent dans les estangs, lacs, & riuieres, & que  
 quand il pleut, ils deuiennent meilleurs, & qu'ils ont be-  
 soin de l'eau du Ciel. Theophraste dit que les herbes iar-  
 dinieres, & toutes autres, pour abondance d'eau dont on  
 les puisse arrouser, ne croissent point tant comme pour  
 la pluye. Tout en pareil cas parle Pline des cannes, qui  
 pour croistre ont besoin de l'eau du Ciel, Aristote pa-  
 reillement sur l'abondance & croissance des poissons.

Par quel moyen on peut tirer quantité d'eau douce de la mer,  
 & pourquoy l'eau froide fait plus de bruit en tombant que  
 la chaude, & si vne nauire porte plus pesant sur l'eau salee  
 que sur la douce. CHAP. xxv.

Aristote & Pline disent qu'il faut faire plusieurs vais-  
 seaux de cire, creux par dedās, & les lier le plus fort  
 qu'il sera possible, & qu'il n'y ait point de trou, ny aucun  
 vent: puis les mettre en des rets, ou autres choses sem-  
 blables bien liez à des longues cordes, & les tenir en la  
 mer l'espace d'un tour entier: ce fait, les retirer, & on  
 trouuera en chacun de ses vaisseaux quand on l'ouuira,  
 quelque quantité d'eau douce comme celle de fontai-  
 ne. La raison pourquoy l'eau salee deuiant douce en-  
 trant en vaisseaux de cire, est donnee par Aristote, & dit  
 que la cire estant douce, & poreuse, l'eau la peut pene-  
 trer.



rier, & que la partie subtile de l'eau de la mer passe par à  
 trauers, & s'adoucit, laissant la partie terrestre qu'elle  
 auoit en la superficie de la cire. A la verité si ceste chose  
 est vraye (ie dy si elle est vraye, pource que ie n'en ay fait  
 esprouue) elle pourroit beaucoup seruir en maintes ne-  
 cessitez qui s'offrent ordinairement toutesfois: il me sem-  
 ble que si l'eau salee deuient douce pour entrer en des  
 vaisseaux de cire, elle deueroit aussi s'adoucir estant cou-  
 lée dans la cire, de laquelle on feroit des vaisseaux pareils  
 à ceux qu'on fait maintenant de quelques pierres, pour  
 couler & dessaler l'eau: car par mesme raison ces choses  
 tendroyent à vn mesme effect, encore qu'il semble qu'il y  
 ait quelque difference à entrer en vaisseaux vuides, ou  
 sortir de vaisseaux pleins, d'autant qu'il y a apparence de  
 plus grande force & violence, au sortir du vaisseau plein:  
 neantmoins l'homme curieux pourra experimenter l'un &  
 l'autre. Encore pour l'amour de ceux qui sont curieux de  
 telles experiences & singularitez, ie veux dire vne autre  
 chose qu'on sera ioyeux de sçauoir: c'est qu'emplissant  
 deux bouteilles de mesme mesure, & d'ouuerture egale,  
 pleines d'eau, l'une botillière & l'autre froide puis les re-  
 vider toutes deux ensemble, l'eau froide sortira plustost  
 que la chaude, & si fera en tombant plus grand bruit &  
 plus aigu: au contraire, la chaude le fera plus sourd &  
 moindre: la raison, c'est que l'eau chaude est plus legere  
 que la froide, pource qu'avec la chaleur du feu, elle est  
 plus enaporee: ainsi au commencement que l'eau froide  
 sort du vaisseau, celle qui est dedans va deuant; en sorte  
 que la pesanteur est cause que l'eau froide tombe plustost  
 que la chaude, & au cheoir fait plus grand bruit. C'est la  
 raison qu'en donne Aristote, lequel semblablement dit  
 vne autre chose que nous voyons iournellement: c'est  
 qu'une nature porte plus grande charge sur la mer, que  
 sur l'eau douce: pource que l'eau de la mer est plus grosse  
 & espaisse, & soustient sur ses eschines quelque chose que  
 ce soit, en plus grand poix que ne fait l'eau douce qui  
 est plus subtile: qu'il soit ainsi, l'experience demonstre  
 chacun iour: car si on iette vn œuf sur l'eau douce, incont-  
 nent il va au fond, mais si on le iette sur l'eau salee, il se  
 soustient dessus, & n'enfonde point.



~~La raison pourquoy tous animaux ont autant de pieds d'un  
costé que d'autre : & de quel costé ils commencent  
à marcher, & pour quelle raison.~~

## CHAP. XXVI.

**Q**uiconque aura diligemment considéré le marcher de toutes les especes d'animaux, il aura trouué que ils ont nombre de pieds en pair, tant ceux de deux, que de quatre, & plus : & si est encore à noter qu'ils leur sont en telle sorte compartis, que la moitié en est d'un costé, & l'autre moitié de l'autre, & si ne sont iamaïs non pair : dont la raison semble proceder du secret de la nature, de quoy ie parleray selon l'opinion des plus spirituels & curieux Philosophes : entre tous lesquels sera Aristote au traité de leur commune maniere de marcher : encore met il ceste dispute en ses Problemes. Et pour l'entendre faut presupposer que le mouuement des animaux est composé de repos & travail : car pour mouuoir vne partie, l'autre partie doit estre ferme & en repos, puis elle s'esmeut, en maniere que pour le mouuement du marcher, il semble qu'un pied se repose & l'autre voise. Et c'esta est vne reigle certaine & necessaire, excepté le saut qui se forme de tout le corps, sans cercher ce maniemēt des pieds l'un apres l'autre. Ainsi donc necessairement quand vne partie des pieds s'arreste & repose, l'autre se meut, puis se met en repos, tandis que la premiere partie s'auance de marcher : & par ce moyen les pieds s'esmeuent ainsi alternatiuement. Pour donc faire icelles ceuures, il fut besoin qu'il y eust plus d'un pied, & encore qu'ils fussent pareils en nombre, c'est à dire, ou deux, ou quatre, ou dauantage, pource qu'ayant trois pieds la chose n'eust pas esté bien ordonnée ny egale : car quand les deux se fussent meus, il eust fallu que le tiers eust porté tout le fardeau : & pour ceste mesme raison tous animaux quelque quantité de pieds qu'ils ayent, sont de deux ou de quatre, ou plus, tousiours en nombre pairs : ils en ont la moitié d'un costé, & l'autre moitié de l'autre, afin que plus ordonnément toutes les deux parties se puissent mouuoir en nombre egal, & en parties de travail, comme on void deux abeilles, aux mouches & scarbots qui ont



ont six pieds, & encore en d'autres vermines, qui en ont quarante, & cent, que sont également partis par moitié de chacun costé: & combien qu'en ces bestes ayans tant de pieds, il s'èble que l'inegalité fut supportable, ce néantmoins nature y a voulu mettre la plus grande perfection. C'est encore vne chose notable, ce que le mesme Aristote determine par ces mesmes liures, cy dessus alleguez: il dit que les hommes, & toutes sortes de bestes, commencent tousiours leur mouuement par la dextre partie, d'où nous auons bien euidente experience en tout ce que nous faisons. Celuy qui veut partir pour courir, met tousiours le pied gauche deuant, afin de commencer apres, la cource avec le droit: & si quelqu'un porte quelque chose pesante, ordinairement il l'a porte du bras gauche, ou sur la partie fenestre, afin d'auoir la partie dextre à deliurer, pour aller plus legerement. Par là nous voyons que l'homme quand il veut s'esmouoir à faire quelque chose, si n'est pour aucune cause expresse, ou pour quelque empeschement ou inconuenient, la premiere partie qu'il mettra en auant sera la gauche. Aussi voyons nous, quand aucun veut aller à l'enrou de quelque chose, il la tournoye tousiours à gauche, afin d'auoir le bras droit en liberté, encore quand on veut monter à cheual, ou sur quelque autre chose là où il est besoin de soustenement de la main (bien que la partie dextre soit la plus preste, pour l'œuvre manuelle, & pour se mouuoir ou monter) l'homme met tousiours le pied & main gauche pour se ieter en selle: de sorte que le premier mouuement est en la main gauche, & la main dextre est celle qui en est conductrice.

¶ Du treysiesme Roy le grand Tamburlam, des Royaumes & Provinces qu'il a conquises: & de sa discipline militaire.

## CHAP. XXVII.

IL y a eu de fort excellens capitaines entre les Grecs Romains, Carthaginiens & autres nations, lesquels comme ils furent sages & biens fortunés en guerre, aussi furent ils heureux à auoir des historiens, qui escriuient amplement leurs actes genereux. Mais en nostre temps s'est trouué vn notable homme que lon pourroit meri-



toirement egal à tous les autres, tant soyent-ils excellens, neantmoins infortuné en ce qu'il ne se trouue aucun qui ait descrit ses faits: tellement que moy qui veux parler de luy ay esté contraint le mendier enuers plusieurs autres; & encore n'en puis ie dire que bien peu & confusement. Cestuy fut le grand Tamburlan: lequel de son commencement estoit un laboureur des champs, ou (comme dient quelques vns) pauvre soldat, & neantmoins il paruint en si grandes seigneuries & victoires, qu'il ne fut moindre qu'Alexandre, ou s'il le fut, c'estoit bien peu: & regnoit cest homme excellent, environ l'an mille trois cens nonante. Quelques vns dient qu'il estoit descendu des Parthes, peuple tant redoubté, du temps des Romains: & neantmoins peu renommé. Ses pere & mere estoient pauvres: toutesfoies il fut de bonne & gaillarde condition, bien composé des membres, fort & dispos, homme vif & soudain: d'esprit aigu, & de bon & resolu iugement, & si auoit tousiours les pensées à choses hautes, tant durant le temps de sa pauvreté, que depuis estre paruenü à richesses: il auoit le courage grand, tellement que dez son enfance il estoit naturellement enclin à la guerre, & s'y adonna par telle sollicitude, & desir d'apprendre l'art militaire, qu'à peine pourroit on iuger en quoy il estoit plus heureux, ou en la dextérité & vaillance, ou en la prudence & bon esprit: avec lesquelles vertus & promptitudes, & encore avec celles que nous dirons cy apres, il acquit en peu de temps la plus grande reputation que iamais homme peut acquerir. Son commencement, selon que recite Baptiste Fulgose, fut que luy estat fils d'un pauvre homme gardant le bestail aux champs, & se nourrissant avec les autres enfans de son mesme exercice, aduint un iour que ses compagnons en se iouant l'esleurent pour leur Roy: & combien qu'ils eussent fait ceste election par ieu, si est ce qu'en iouant & gaudissant, luy qui auoit l'esprit appliqué à grandes choses, leur fit iurer qu'ils feroient tout ce qu'il leur commanderait, & luy obeyroient en tout comme à leur Roy. Apres tel serment fait leur commanda que chacun d'eux vendist son bestail, qu'ils lassent ce pauvre estat pour shyure le traint des armes & le retinssent pour leur capitaine: ce qu'ils firent & en peu de



peu de iours assembla cinq cens pasteurs & laboureurs, avec lesquels le premier acte qu'il fit, fut de piller les marchands qui passoyent par là, puis il departit le butin si justement entre ses compagnons, que puis apres il le seruirent tous en grand amour & fidelité: & fut cela occasion que plusieurs autres le seruirent encore de nouveau. Ces choses entendues par le Roy de Perse, il enuoya à vn de ses Capitaines avec mille cheuaux pour le prendre: à la venue duquel il sceut si bien faire, que d'ennemy qu'il estoit, il le fit son compagnon & coadiuteur: tellement qu'ils ioignirent leurs deux compagnies ensemble, & commencerent à faire de plus grandes entreprinles que auparauant. Pendant ces choses, aduint quelque discord entre le Roy de Perse & vn sien frere: au moyen dequoy le Tamburlam se mit du costé du frere du Roy, & par son industrie besongna si bien, qu'il luy fit obtenir la victoire, & en le faisant Roy destruisit l'autre: puis estant par ce nouveau Roy cree Capitaine de la plus grâde part de son armee, il fit semblât de luy vouloir acquerir nouvelles terres, & pour ce faire assembla encore d'auantage de gens, qu'il trouua moyen de faire renolter, & les rendre rebelles à leur nouveau Roy, contre lequel il alla tout à l'instant, & luy osta le Royaume qu'il auoit aidé à conquerir, & se fit Roy de Perse: ce qui ne se peut faire sans grands & notables faits d'armes & tresgrande industrie. Ce fait, il mit en liberté sa patrie qui auoit long temps esté serue des Sarrazins & Roys de Perse, & les tirant de ceste seruitude se fit leur Roy. Depuis se voyant auoir belle & grosse armee suscita les rebellions des Prouinces, & par ce moyen conquit par succession de temps la Sirie, l'Armenie, Babilone, Mesopotamie, la Scyrie Asiatique, l'Albanie, la Mede, & autres Prouinces, avec grandes & tres-fortes villes & citez. Et combien qu'il ne se trouue rien par escript des batailles & guerres qui se firent en l'acquisition de ces terres & Prouinces, si est il à presupposer que l'oy executâ de merueilleux faits d'armes, & de grandes inuentions: pource que tous ceux qui en ont escript disent de grandes choses de cest excellent personnage, & qu'il estoit si bie duit à gouverner son armee qu'il ne fut oncques sceu qu'il y eust aucune mutinerie.



Il estoit fort loyal, liberal, & vendant l'honneur à ceux qui le suiuoyent, à chacun selon son merite, & partant craint & aimé: il conduisoit & instruisoit ses gens par si bonne adresse, qu'en vn mesme instant quand il en estoit temps, par vn signe qui se faisoit, chacun scauoit ce qu'il auoit à faire, & se mettoit en son lieu: & si menoit vn exercite si grand, qu'il n'est point nouuelle que iamais homme en menast tât. Bref son camp ressembloit à l'vue des meilleures villes du mōde, car tous les offices y estoient par ordre, & s'y voyoit grand nombre de marchāds bien fournis de toutes choses necessaires pour vn camp. Il ne souffroit point de pilleries, larcins, forces, ny violences: ains chastioit rigoureusement ceux qui en estoient coupables: par ce moyen il conduisoit son camp aussi bien pourueu de toutes choses, que la meilleure ville de la terre au temps de la plus seure paix qu'il est possible souhaiter. Il vouloit que ses soldats se glorifiasent de leurs faits valeureux, vertus & prudence. Il les payoit fort bien les honnoroit, priſoit, & caressoit, & neantmoins il les tenoit fort subiers. Estant ainsi Roy & Empereur de plusieurs Royaumes & Prouinces en Asie, il y eut infinité de peuples de toutes parts qui s'y retirerent, sans ceux qui tenoyent de luy, & ce pour la bone renommee de sa vertu: en sorte qu'il menoit plus gros camp que ne firent le Roy Daire ou Xerces: car ceux qui parlent de luy, disent qu'il auoit quatre cens mil hommes à cheual, & six cens mil hommes de pied, avec lesquels il alla en la conquēte de l'Asie mineur: de quoy aduertit le grand Turc, nommé Baiazer, qui en estoit seigneur, & qui tenoit le siege deuant Constantinople, & lequel auoit auparauant conquis plusieurs Prouinces de la Grece, & lieux circonuoisins, se rendant le plus riche Roy, & le plus craint de la terre, il fut contraint leuer incontinent le siege, & passer en Asie avec toutes ses gens, & si en assembla encore tât qu'il en peut reconuer: & disoit-on qu'il auoit autant de gens de cheual que le Tamburlam, & grand nombre à pied, tous bien experimētez, principalement à cause des guerres qu'ils auoyent tousiours eues des long temps auparauant contre les Chrestiens. Ainsi ce Baiazer comme bon Capitaine, voyant qu'il ne pouuoit par autre voye



resister à ce puissant Empereur, delibera d'aller à l'en-  
 contre luy presenter la baraille pour la con fiance qu'il  
 auoit en la grãde vertu des siens. Parquoy s'estans appro-  
 chez sur les confins d'Armenie, & ayans chacun d'eux  
 comme excellens Capitaines ordõné de leurs gens, com-  
 mēcerent au poinct du iour la plus brauē & cruelle ba-  
 taille qui iamais fut, comme ie croys consideré le grand  
 nombre du peuple, avec l'experience que chacun d'eux  
 auoit au fait de laguerre soutenue par la valeur & dex-  
 terité de leurs Capitaines: tellement qu'ils combattirent  
 cruellement quasi tout le iour, se tuans sans se pouuoir  
 vaincre l'un l'autre, ny cognoistre de quel costé la victoi-  
 re balançoit, iusques sur la fin que ceux du Turc furent  
 vaincus & deffaits, plus de la multitude que de la force:  
 car il y mourut la plus grande partie d'eux: & dit on qu'il  
 y demeura deux cens mille hommes de sa part, le reste  
 fut desconfit, & tourna l'espaule. Ce que voyant Baiazet  
 pour donner cœur à ses gens d'armes, & les retenir, resi-  
 stoit d'un fort grand courage à l'impetuosité de ses en-  
 nemis. Toutesfois il fut tant chargé de coups, qu'on le  
 rua sus de cheual & par faute de secours fut prins, & mie-  
 né deuant le grand Tamburlam, qui le fit enfermer de-  
 dans vne cage de fer, le faisant conduire par où il al-  
 loit, & nourrir des miettes de pain qui tomboyent de sa  
 table, & des mourceaux qu'il luy iettoit, ainsi que s'il eust  
 esté un chien, (comme nous l'auons declaré en la vie de  
 Baiazet) en quoy nous deuons prendre grand exemple,  
 afin de ne nous glorifier aux blandissantes richesses de  
 ce monde: veu que celuy, qui dominoit hier sur tous les  
 hommes, est aujourd'huy reduit à ceste extremité de  
 viure comme les chiens, & en leur compagnie: & cela  
 luy est aduenü par la main d'un homme qu' auparauant  
 estoit pauvre berger, ou selon plusieurs autres pauvre  
 soldat paruenü à telle grandeur que de son temps il  
 n'a point trouué qui s'osast ny peust esgaler à luy, &  
 l'autre qui estior né en si grande hautesse & magnificēce  
 est en un iour si abiectement opprellé. Ces choses sont  
 suffisantes, pour faire entierement retirer les hommes de  
 ces desirs mondains, pour seulement aymer & suyuire  
 Dieu. Or ayant le grand Tamburlam surmonté toute



l'Asie mineur, auparavant subiecte au Turc, il tourna vers l'Egypte & rauagea toute la Syrie, la Phenice, & la Palestime, avec tous leurs voisinages, prenant par force d'armes plusieurs fameuses & norables villes & entr'autres Smirne, Antioche, Tripoly, Sebaste, & Damas, Puis parvenu en Egypte, le Soudā & le Roy d'Arabie, avec maintes autres Prouinces s'assemblerent contre luy : mais venu à la bataille, ils furent mis en route, saccagez & vaincus, au moyen dequoy le Soudan se sauua par la fuite : toutesfois le victorieux luy eust facilement osté l'Egypte, n'eust esté qu'il trouuoit tres-difficile chose de conduire par les alpres deserts vne si puissante armee : pour ceste cause il differa de poursuyure d'auantage, & neantmoins subiuga le reste des parties limitrophes. L'on dit qu'il estoit tres-aise quand il trouuoit grande resistance en son ennemy, afin d'auoir occasion de mettre son industrie en oeuvre, cōme il luy aduint en la ville de Damas : car après l'auoir prinse par force, les principaux, & plus vaillans hommes de leans se retirerent en vne fortetelle si forte, que l'on la iugeroit imprenable à toute puissance humaine : puis voulurent venir à composition avec luy, à quoy il ne voulut les recevoir, ains les contraindre à combattre, ou bien se rendre à sa mercy : & voyant que l'assiete en estoit si bonne & haute, qu'il estoit impossible de la combattre, il fit en peu de iours en edifier tout aupres vne autre, plus haute, & plus forte, & y besogna de tel esprit, qu'il ne fut possible aux ennemis de luy empêcher son dessein & entreprise, tellement que l'ayant enleuee, autant ou plus haute que l'autre, il fit commencer la batterie, qui ne cessa de nuict ny de iour, sans donner repos iusques à ce qu'il l'eust prise. L'on dit qu'en ses assaux, il estoit coultumier de faire tendre vne tente blanche, qui signifioit (cōme desia vn chacun l'entendoit) que si dans ce iour ceux de dedans se rendoyent, il leur donnoit la vie & leurs bien sauues : le second iour il en faisoit tendre vne de couleur rouge, signifioit par là, que s'ils se rendoyent, il vouloit pour sauuer les autres, que les maistres & chefs de maison mourussent : & le troisieme iour, la faisoit tendre de noir, pour monstrer qu'il auoit lors fermé la porte à clemence tellement que ceux qui



qui en ce iour, & autres ensuyuans seroyent prins, mour-  
royent tous sans auoir egard à homme ny à femme,  
grans ny petits, & que la ville seroit saccagee & puis bru-  
lée: par ainsi ne se peut nier que cest homme ne fust  
fort cruel, encore qu'il fust doué de plusieurs excellen-  
ces; & vertus: Et partant cest à croire que Dieu l'auoit sus-  
cité pour chastier ces Roys & peuples superbes: qu'il soit  
ainsi, le Pape Pie 2. qui estoit de son temps, au moins  
huit ou dix ans apres, en a escrit disant, que luy, ayant  
assiégé vne forte ville, qui ne s'estoit voulu rendre le pre-  
mier, ny second iour, qui estoient ordonnez, pour obte-  
nir misericorde, & venu le troisieme, ceux de dedans se  
confians à vn incertain espoir d'impetier de luy pardon  
& clemence ouurirent les portes, & mirent au deuant  
les femmes & enfans, tous vestus de blanc, & portans  
chacun deux en la main la branche, d'Oliuier, crians à  
hante voix, & demandans misericorde en sorte qu'il ne se  
fust trouué autre que luy qui n'en eust eu pitié: ce neât-  
moins le Tamburlam qui les vid venir en ceste equipa-  
ge, ne monstra aucun signe de douceur: au contraire,  
il appella vn Squadron de ses gens de cheual, & leur com-  
manda d'aller contre eux, & les fouler tous aux pieds  
de leurs cheuaux, sans en laisser pas vn en vie: puis fit  
ruiner & desmolir la ville iusques aux fondemens. Adonc  
estoit en son camp vn marchant Geneuois bien son fa-  
milier, & qui parloit souuent à luy, & pource que cest  
acte luy sembla fort cruel, il s'enhardit de luy demander,  
pourquoy il vsoit de telle cruauté, enuers ceux qui se ré-  
doyent & demandoient misericorde auquel marchant il  
fit réponse, en la plus grande cholere qu'il est possible de  
penser, ayant le visage rouge, enflammé, & les yeux si ar-  
dans qu'il sembloit que le feu luy saillist de toutes parts,  
& luy dit, il te semble que ie suis homme, mais tu t'abuses  
trop, car ie ne suis autre chose que l'ire de Dieu, & la de-  
struction du monde: à ceste cause garde toy bien de te  
trouuer iamais en ma presence, si tu ne veux que ie te  
chastie selon le merite de ton audace: quoy entendu par  
le marchant, il se retira tout soudain, & onques puis  
ne fut veu en ce camp. Ces choses accomplies, & ayant  
ce grand personnage conquis de grands pays, vaincu,  
& mis



& mis à mort plusieurs Roys, grâds seigneurs, ne trou-  
uât aucune resistance en toute l'Asie, se retira en son pays  
chargé d'infinites richesses, & de la cōpagnie des princi-  
paux de tous les pays par luy suppéditez, lesquels appor-  
toient quant & eux la meilleure part de leurs biens; & là  
fit edifier vne fort magnifique ville, & habiter par ceux,  
que (cōme nous auons dit) il auoit la conduits, des terres  
& pays estranges, par luy rangez en son obeissance: les-  
quelles compagnies de diuerses nations, estans grands  
personnages, & fort opulens en richesses, firent en brief  
tēps avec l'aide de Tamburlam la plus somptueuse ville  
du monde, & laquelle à cause de tant de gens, fut ample,  
& de grand circuit, la rendant, abondante & plaine de  
toutes richesses. Mais en fin ce grand Tamburlam, com-  
bien qu'il maintinst son estat en c'este grâde autorité, si  
est ce que comme homme, il paya le deuoir de nature, &  
finir ses iours laissant deux fils, non toutesfois tels que  
leur pere comme il apparut depuis par signes euidens:  
car tant à cause du discord qu'ils eurent ensemble, que  
pour leur incapacité, ne sceurent maintenir, & garder  
l'Empire cōquis par leur pere pource que les enfâs de Ba-  
iazet, qu'ils tenoyent prisonnier, aduertis de telle dissen-  
sion passerent en Asie, où avec leur grand cœur, & dili-  
gence moyenant le peuple qu'ils trouuerent de bonne  
voulonté, recouurerēt leurs biens, & possessions perdues:  
autant en firent les autres Roys & Princes, que le Tam-  
burlam auoit despoüillez par succession de temps cest  
Empire à tellement decliné, que de nostre temps il ne se  
fait aucune mention de luy, ny de son lignage. Vray est  
que Baptiste Egnace grâd Inquisiteur des antiquitez, dit  
qu'il laissa deux fils possedans le pays & Prouinces que  
le pere auoit conquises aux enuirs d'Euphrates, & que  
leurs successeurs en heriterent iusques au Roy Vslunca-  
san contre lequel Turc Mahomet eut bataille. Et  
que des heretiers de c'est Vsluncasan, selon l'opinion de  
plusieurs, s'est esleué le premier Sofi, d'ou est deriné l'Em-  
pire du Sofi, qui se maintient encore pour le iourd'huy  
fort grand enemy du Turc. Quoy qu'il en soit, il est ar-  
sé à presupposer que l'histoire de ce grand personnage  
(si elle est redigee par escript) doit estre assez belle, pource  
q'on

Robert de Beldesley



qu'on y peut voir de grandes choses: mais quant à moy, ie n'en ay veu nulle autre chose que ce que ie vous en dis: & si ne pense pas qu'il y en ait d'avantage de redigé par escrit. Vne seule chose est asseurée, par tous les auteurs qui en ont escrit, que iamais il ne vid les espauls de Fortune, iamais ne fut aucunement vaincu: iamais ne fit entreprinse dont il ne vint à effect, & ne luy defaillirent onques le courage, & l'industrie, pour la mener à fin. Au moyen dequoy nous le pourrions raisonnablement egaler avec quelque autre que ce soit des plus renommiez du temps passé. Ce que ie vous dis, ie l'ay tiré de Baptiste Fulgose, de Pape Pie, de Platine en la vie de Boniface neuuiesme, de Marthieu Palmier, & d'André Cambin Florentin, en l'histoire des Turcs.

Baptiste  
Fulgose en  
son recueil.  
Pape Pie  
en la 2.  
partie de  
la descrip-  
tion de la  
terre.

*Des estranges vices d'Eliogabale, Empereur de Rome.*

CHAP. XXVIII.

**N**ous auons traité d'un vaillant homme, qui par le moyen de ses grâdes prouesses, aspira & paruint au plus haut degré de fortune: mais maintenant i'ay desir de parler d'un Empereur le plus voluptueux & impertinēt qui iamais ait esté. Cestuy fut nommé Eliogabale Empereur de Rome, contre tout droit & raison. Je veux parler de luy, afin qu'estant ces deux cōtraires mis au Parangō l'un de l'autre, on cognoisse plus clairement la force & prudence de l'un, & la pusillanimité de l'autre. Si est-ce pourtant que le desordre, & les vices d'Eliogabale, & de plusieurs autres ses semblables, & vicieux comme luy, sont en si grand nombre, qu'il ne me seroit pas possible les conter par ordre: outre ce que i'ay estimé bon de taire, & de laisser derriere telle infamie, pour la conseruation de la commune honnesteté. Car à la verité il y a en aucuns Roys, & Empereurs si vicieux & meschans, qu'il semble bon n'en parler, pour ne disperfer ne diuulguer la memoire d'eux: & encore afin que les peuples n'en soyent abreuez: & aussi que leurs successeurs n'entendissent point que telle meschanceté ait esté supportee, & toleree par les hommes, ne si enormes & vicieux actes commis, & toutesfois ie suis contraint d'escire de cestuy



styr-cy, qui en toutes especes d'iniquité a passé tous ses predecesseurs, & duquel on ne sçauroit faire comparaison à aucun autre qui le suyue, pour meschant & pervers qu'il puisse estre. Parquoy ie dy que le philosophe naturel, qui descript la nature des herbes, ne fait pas moins de bien & profit, en declarant celles qui sont venimeuses, afin de nous en garder, que fait celuy qui en monstre les vertus pour en vser & s'en seruir: car le Prince qui vit maintenant, & celuy qui apres viendra, en voyant combien cestuy fut detestable en la memoire des hommes, fuira l'occasion de luy ressembler: & aussi vn peuple qui aura vn Roy bon & sage, cognoissant combien d'ennuis & afflictions souffroyent iadis les peuples pour estre regis & gouvernez par mauuais Princes, rendra graces à Dieu, del'heureux rencontre d'vn tant bon & notable Prince: Par ainsi prians pour la santé de tel Seigneur, ils le seruiron avec plus d'amour & loyauté: & encore le peuple qui aura le Prince moyennement mauuais, le supportera en patience, sçachant qu'il y en a eu de plus meschans. D'auantage le lecteur, en lisant les actes de ces mauuais Princes, considerera quelle malheureuse fin ils ont eue, & la briefueté de temps qu'ils ont duré en leur regne. Reuenons donc à nostre Eliogabale fils d'Antonin Caracale, quasi aussi meschant que son fils, pour la desobeissance qu'il fit à son pere: car il fit tuer son frere, & se maria avec la marastre mere du frere qu'il auoit fait mourir. Si tost que cest Antonin Caracale pere fut tué par ces propres seruiteurs domestiques, les soldats & gens d'armes du camp esleurent pour leur Empereur vn nommé Opile Macrin, qui estoit grand preuost de l'hostel, lequel au bout d'vn an de son Empire fut tué en Bitinie, avec son fils, par le commandement d'Antonin Eliogabale, qui adioignant avec soy la plus grande part de l'armee Romaine, s'estant acquis reputation en ceste armee, pour s'estre vendiqué ce nom d'Antonin tant celebré à Rome, il fut incontinent apres la mort de Macrin esleu Empereur par la gend'armie, ce qu'il accepta, & enuoya les lettres à Rome, où il fut aussi confirmé Empereur par le Senat, sous esperance qu'il seroit bon Prince. Depuis retourné en la ville, & s'y voyant



voyant bien reſeu & obey, ne tarda guieres à deſcouurir ſa vicieuſe vie : & pouſſe que ie ne me veux arreſter à ſon hiſtoire, ie viens à ſes mœurs par leſquelles il eſtoit cogneu tant impudique, & depraué en ſes concupiſcences charnelles, lubriques affectionz enuers les femmes & autres abominations en luxure, que ie ne penſe pas qu'il ſe peult trouuer homme ſi copieux en paroles, qui les ſçeut toutes reciter. Semblablement il fut ſi prodigue & grâd deſpenſier en ſuperfluitez de bouche, en delices, & autres folies, que ie crains n'eſtre pas creu de ce que i'ay à dire, encore que telles choſes ſoyent certiſſees par Auteurs approuuez. Outre, il fut ſi puſillanime & ſubiet aux femmes, que la première fois qu'il entra au Senat, il mena ſa mere avec luy pour faire ſon entree, & ſi voulut qu'on luy demandast ſon opinion & iugement ſur le different des choſes occurrentes, & qu'elle fuſt rouiſours preſente à toutes determinations, & ſtatuts du Senat: ce que iamais n'auoit eſté veu ny entendu, qu'onques femme euſt voix au Senat Romain. Non content de ces choſes, il erigea vn Senat, & congregation de femmes, pour iuger & decider de l'eſtat, & choſes concernans leur loix & couſtumes feminines: auquel Senat les ſeules femmes preſidoient. Outre ces choſes, il auoit en ſon Palais, au lieu des Pages & braues Eſcuyers, vne compagnie de femmes impudiques & communes, en la conuerſation deſquelles il prenoit tant de plaiſir, qu'il fit venir dans Rome, de toutes parts de ſon Empire, toutes les femmes qui eſtoient de ceſte quahté, & en fit vn chapitre public, où il entra en habit de femme, & leur fit (comme vn vaillant Capitaine parmy ſes gent d'armes) vne longue harangue, les nommant ſes compagnons d'armes, qui ſont les propres termes des excellens Capitaines, quand ils veulent congratuler leur ſoldats. Ce qu'il conſulta, & mit en deliberation en ce Senat de paillardes furent nouuelles & inuſitees façons de choſes impudiques, & aſtes veneriens. Il fit apres ce Senat & capitolé vn receptacle & college de maquereaux & maquernelles, & de ces meſchans & impudiques enfans qui ſe prostituoyent publiquement: pour la prouiſion & aliment deſquels, il ordonna grande



grande quantité d'argent. Cest impertinent & malheureux hōme, fut si copieux en toute sorte de vilenie, que combien qu'il fust beau personnage, si est-ce qu'il se faisoit comme les femmes, & se mōstra tellement effeminé & desireux d'estre femme, que pour y paruenir, il fit faire vne assemblée des plus excellens Medecins, & Chirurgiens de son temps, auxquels il s'exposa, & permit de faire en son corps, telles playes & ouuvertures qu'ils voudroyent, pourueu qu'ils le rendissent habile à se pouuoir joindre à l'hōme, tout ainsi qu'une femme; en sorte que pensant y paruenir il se fit à la fin couper tout ce qu'il auoit d'homme: & d'autant qu'il se nommoit Bassian se fit nommer Bassiane: mais le chetif demeura moqué & trompé, pource qu'en fin il ne fut ny l'un ny l'autre. Les plus meschans & abominables en ceste infamie de lubricité estoient les plus grands amis & fauoris: & leur bail-la durant son regne l'administration de l'Empire, & se gouuernoit par leur conseil, & si bannissoit tous les doctes & prudens personnages: entre lesquels furent deschassez ces deux tant fameux & renommez Iuriconsultes, Sabin, & Napiā. Il fut fort curieux de trouuer nouuelles inuentions lasciuies, & moyens de paillardise, qui iamais auparavant n'eussent esté excogitees. Il se faisoit trainer en son chariot par de grands & forts chiens, quelque autre fois par des Lyons pruez, mais c'estoit peu: car le plus souuent luy estant nud, seant sur son char, se faisoit tirer & mener parmi la ville, par quatre des plus belles & ieunes femmes, que semblablement il faisoit despoillier toutes nues, en manifestant publiquement son excessiue turpitude. Sa dernière intention & principale fin, estoit de s'accoustrer, polir, & cōposer, en sorte qu'il peust inciter les semblables à suyre les meschancetez. Encore viola-il vne des Nonnains, & vierges Vestales, lesquelles en la vaine religion des Romains, estoient tenuës pour les plus sacrees, & dont la chasteté estoit sur toutes choses recommandable: & en tels & semblables exercices & combats, ce venerable Empereur dispensoit sa vie. Aussi n'employoit-il point ses richesses & reuenus aux guerres, ny en publics edifices, ains à rechercher & inuenter tous les moyens pour inciter & prouoquer les



personnes à ceste insatiable luxure, voluptueuse lubricité, & autres vices que nous dirons cy apres : mesmement les dissipoit en delicates & delicieuses viandes, rares, & peu vsitees. Iamais ne se seioit sinon entre les fleurs & choses odoriferantes, musc, & ambre, & autres singulieres, & excellentes odeurs. Iamais ne mangeoit viande quelconque qui ne coustast fort cher, disant qu'il n'y auoit aucune si bonne sauce ny appetit, que de cherté: il se vestoit de robbe d'or & de pourpre, enrichies de perles & autres pierres precieuses: il n'estoit pas iusqu'à ses souliers où n'y eust des pierreries d'ineestimable valeur: car en icelles estoÿt raillees & insculpees des medailles & autres sculptures d'admirable artifice & valeur: & en ces choses dependoit le reuenu qu'aujourd'huy tiennent tous les Princes, tant Chrestiens que Payens, encore n'y suffisoit il pas: la chaire sur quoy il se seioit estoit paree & ornee d'or & de soÿe, les chambres & garderobes couuertes de roses, & autres fleurs, & depuis les chambres iusqu'au lieu où il montoit à cheual, ou dessus son char, tout estoit orné de tapisserie, à grosse perles, & riches pierres precieuses. Quand il vouloit monter à cheual, il faisoit couvrir la terre de limailles d'or & d'argent où il deuoit asseoir ses pieds, pource qu'il ne daignoit fouler ne presser la terre, comme les autres hommes. Ses chambres salles, & autres lieux de delectation, estoient tousiours couuertes de roses, violettes, & lis. Il ne vestoit iamais vne chemise deux fois, ny ne couchoit en draps de lin qui eussent esté lauez. Il ne vestoit point vn habit ny vnes chausses ou souliers deux fois: & les anneaux qu'il auoit vne fois tirez des doigts, il ne les remettoit iamais: aussi ne beuuoit-il iamais deux fois en vn vase, fust d'or ou d'argent, ains demouroit ce vaisseau à celuy qui auoit la charge ce iour la de le seruir. Les lits & matelaz sur quoy il couchoit n'estoyent point de coton ou plume: comme ceux des autres hommes, ains les faisoit faire de peaux de lieures, & des plumes du ventre de perdrix. Les tables, les couches, les coffres, les sieges, & toutes autres choses de seruice: propre à sa chambre & cuisine, & de toute sa maison, estoÿt de fin or, voire iusqu'au vaisseau employé au plus vil seruice de l'homme. Au lieu de mettre de l'huile dans les lam-



pes, il y faisoit mettre du baume fort excellent, qu'il faisoit apporter de Iudee & d'Arabie. Il n'estoit pas iusques aux vrinaux, qui ne fussent faits de riches pierres precieuses. Quand il alloit par les champs, il menoit six cens chars & litières, conduits par impudiques filles & garçons, avec les maquereaux & maquerelles: il estoit tant plein de lubricité, qu'il n'auoit iamais deux fois connoissance à vne femme. Ses viandes, comme nous auons dit, estoient de grand frais, car il ne faisoit repas qui ne coustast soixante marcs d'or, qui selon la computation commune valent deux mille cinq cens ducats de maintenant, & telle fois il en fit qui coustoient plus de soixante mille: il cherchoit tous moyens, non iamais trouuez, pour faire extremes despences: & pour ce faire, il promettoit quelquesfois à peine de deux mille marcs d'or, de faire manger d'un Fenix, qu'on dit estre seul au monde, & à faulte de ce faire, il les payoit. En plain esté il faisoit conduire des montaignes de neige en son Palais. Quand il alloit sur la riuée de la mer, il ne mægeoit point de poisson, ains des oiseaux, & autres especes de chair, qui estoient apportées de bien loin: & quand il estoit fort esloigné de la mer, il vouloit manger des poissons qu'il faisoit porter vifs par la poste, afin qu'ils coustassent plus cher, & qu'il fust quasi impossible de ce faire, autrement il ne prenoit de goust à la viande. Il mangeoit des choses à quoy on n'auoit iamais pensé. Il faisoit faire des pastes de diuerses choses, comme de crestes de coq, de langues de Paons & de Rossignols, prenant excuse sur ce, qu'il disoit que cela estoit propre contre l'epilepsie. Il faisoit manger à tous ceux de sa maison des viandes fort delicates, cōme des foyes de Paons, des œufs de Perdris, des testes de Papegais, Faisans, & Paons. Il auoit grand nombre de leurriers & autres chiens, qu'il ne nourrissoit d'autres choses que de chair d'Oyes. Les Lyons qu'il tenoit appriuoisez, il les faisoit nourrir de chair de Papegais, & de Faisans. Par là on peut voir que tout son soin estoit à faire despences incroyables. En passant par la place de Rome, & n'y voyant que choses ordinaires, il disoit qu'il auoit compassion de la publique pauvreté. Les desordres de cest Empereur estoient tels, & en si grand nombre, que



que ie ne les peux mettre par ordre, tant sont confuse-  
ment recitez. Il ordonna aussi pour le bon gouverne-  
ment de Rome, & pour nouvelle maniere de vice vne  
chose, de quoy le diable mesme ne se seroit pas aduise: car  
il commanda que les ceuures qui se faisoient ordinaire-  
ment de iour, se fissent de nuict, & celles de nuict se fissent  
de iour: aussi se leuoit il quand le Soleil se couchoit, &  
luy donnoit-on le bon soir, alors qu'on souhaittoit aux  
autres le bon iour: par ainsi donc il sembloit que le mon-  
de allast tout au rebours. Il estoit extreme en toutes cho-  
ses: les bains, en quoy il se baignoit, estoient tous pleins  
de precieus onguens: & seulement pour ceste cause, il  
en faisoit faire plusieurs en diuers lieux, pource qu'il  
ne se baignoit iamais qu'un coup en l'un des bains, puis  
le faisoit rompre pour en refaire vn autre neuf. S'il se  
trouuoit quelquesfois en vn port de mer, il y faisoit en-  
fondrer les nauires, avec toutes les marchandises dont  
elles estoient chargees. Puis estant repris par vn sien amy  
pourquoy il faisoit tant de despense, qui seroit assez pour  
le faire tomber en pauuete: il respondit, qu'elle chose  
pourroit estre meilleure que se faire heritier de soy mes-  
me, & de sa femme? Il disoit aussi qu'il ne desiroit point  
d'enfans, afin qu'ils ne conspirassent contre luy quelque  
chose: car si Dieu luy en donnoit, il luy bailleroit para-  
uanture tel qui luy seroit le semblable qu'il faisoit aux  
autres. Il auoit des farceurs & boufons, sur lesquels par  
ieu & pour son plaisir, il faisoit aucunesfois ietter tant de  
roses & autres fleurs que quelques vns d'entr'eux en  
estoyent estouffez. Vne fois il leur faisoit seruir au disner,  
tous tels mets qu'à luy mesme, lesquels mets estoient en  
grand nombre & despense excessiue: autresfois il leur fai-  
soit mettre ce mesme seruice deuant eux, mais c'estoit  
viande contrefaite de marbre ou de bois, en sorte qu'il  
les faisoit là tenir sans manger: puis leur faisoit lauer les  
mains, comme s'ils eussent mangé, & parmy ces viandes  
on leur presentoit à boire, & si vouloit qu'ils beussent.  
Autresfois il, les faisoit conuier honorablement, tous  
les vaisseaux de seruice estoient de verre, dedans lesquels  
estoit la viande contrefaite de pareille estoffe. Vne au-  
tre fois leur seruice n'estoit que de bois peint & figuré,



en sorte qu'au lieu de les rassasier il les affaioit davan-  
 tage. Bié souuent il faisoit des festins où estoient semons  
 huiet homes chaues, autres huiet bossus & boiteux, au-  
 tres huiet gouteux huiet sourds, huiet noirs, huiet fort  
 gras, huiet fort petits, & autres huiet fort grands, afin que  
 ces diuerfitez, elmeussent vn chacun à rire: puis au sortir  
 du repas il donoit aux cōuiez tout l'or & l'argēt en quoy  
 ils auoyent esté seruis. Il auoit de fort excellēs cuisiniers,  
 ausquels il donnoit de grands gages, & si faisoit de grands  
 presens à ceux qui trouuoient nouuelles inuentions de  
 friandise, & viandes inusitees. Et si quelqu'un faisoit quel-  
 que nouuelle cuisine, que luy-mesme prīst, & qui néan-  
 moins ne fust agreable à l'Empereur, celuy qui l'auoit  
 dresse ne mangeoit autre viande que cela, iusqu'à tant  
 qu'il en vint vn autre, qui par nouuellerē le contentast.  
 Depuis qu'il auoit conuie quelques siens amis à disner,  
 & qu'il les auoit fait enyurer, il faisoit fermer les portes  
 des lieux où ils estoient demeurez endormis, & mettre  
 leans des Ours, & des Lyons, sans dents & sans ongles:  
 par le moyen desquelles bestes, il s'en trouuoit aucunes-  
 fois quelques vns qui y mouroyent de peur. Il faisoit ex-  
 cellēue despence à nourrir à Rome de furieuses bestes, de  
 toutes sortes, amenees de tous pays estrāges, & lointains.  
 Voila les beaux exercices de ce bon Empereur. Mais  
 estant lassé de parler d'un si meschant homme, ie veux  
 dire qu'elle fut sa fin, bien qu'il eust determiné de se don-  
 ner la mort, autrement qu'elle ne luy aduint: pource qu'il  
 s'estoit appareillé de precieux instrumēs avec lesquels il  
 se peust faire mourir, lors qu'il se trouueroit en necessitē  
 de le faire: car il disoit que comme sa vie estoit extreme,  
 aussi vouloit il que sa mort le fust, afin qu'on peust dire  
 que iamais homme n'estoit mort ainsi. Il auoit premie-  
 rement fait faire des cheuēstres ou licols de soye, pour se  
 pendre quād il en seroit besoin, d'autant que les meschās  
 sont tousiours en crainte. Il auoit aussi fait apprester vn  
 venin pour se faire mourir, & le tenoit enclos en des fio-  
 les faictes d'esmeraudes & de iacintes, par grāde excellē-  
 ce. Encore auoit-il fait faire vne tour fort haute, toute  
 couuerte & enuironēe de fueilles & plaques d'or & d'ar-  
 gent: & leans auoit fait accoustrer des pointes de riches &  
 inesti



inestimables pierres precieuses, pour se precipiter du plus haut si d'auanture il estoit reduit à ceste extremité: & toutesfois ces choses ne luy seruirent de rien, pource qu'estant de longue main faite coniuration contre luy: apres que les soldats de la garde mesme eurent tué tous ses adherans par le palais, ils le trouuerent caché en vne petite & sale couche, là où, sans luy doner le loisir d'essire la mort, le tuerent puis l'ayant trainé, comme vn chien par les rues, & carrefours & autres places de Rome, ils luy attacherent de grosses pierres au col, & le ietterent dans le Tibre, afin que son corps ne fut iamais depuis trouué, & demeurast sans sepulture: ce qui fut fait du consentement de tout le peuple. Et quant au Senat, il commanda qu'on luy ostast ce nom Antiohin, qu'il s'estoit attribué: & que quand on voudroit parler de luy, on le nommast le Tiberin, où le trainé, pource que tels noms feroient memoire de sa mort, vrayement digne & conforme à sa vie: car l'homme qui la considerera, sera satisfait & consolé, approuuant les iugemens de Dieu. Ces choses sont racontées en la vie de cest Empereur, par plusieurs & diuers auteurs entre lesquels sont particulièrement, & à la plus grande seurété. Elie Lampride aussi, en parlent quelque peu Iules Capitolin en la vie de Macrin. Spartian en la vie de Septime Seuer, & encore Sexte Aurelie Victor, & Eutrope aussi. Et pource que ce que i'en ay dit, est de difficile creance, il m'a semblé bon vous alleguer ces auteurs pour tesmoignage & foy.

La continence d'Alexandre & de Scipion: & lequel des deux est à preserer pour icelle vertu.

#### CHAP. XXIX.

**A**Pres auoir leu les abominables faits & vices de ce mauuais Eliogabale, il est bon de raconter quelques vertueux actes d'aucuns Princes, afin de nous oster ce mauuais goust, qui nous reste encore de ses ordes & sales ceuures. Entre lesquels seront mis Alexandre & Scipion, desquels Aulugelle fait vn Probleme, à sca-



uoir lequel des deux fit plus vertueusement. Estant Scipio entré par forces d'armes en la nouuelle ville de Carthage, entre autres capifs & prisonniers, qui y furent prius, y auoit vne damoiselle ieune, & de fort grād' beauté, qui luy fut presentee: mais luy estant en la fleur de ieunesse, fut vainqueur de ses propres affections, & ne voulut faire acte deshonesté à la pucelle: ains apres auoir esté informé qu'elle estoit de grand lieu, & noble maison, & fiancée à vn grand Seigneur d'Espagne, il enuoya querir les parens & son fiancé, auxquels il la rendit entiere, luy donnant pour douaire ce que le pere auoit apporté d'argent pour sa rançon, acte certainement de grande continence, en vn capitaine victorieux enuers la captiue. On lit aussi pareillement d'Alexandre le Grand: qu'ayant vaincu en bataille le Roy Daire, ses gens prirent la femme, & la mere de ce puissant Roy fuitif: laquelle femme estoit de si grand' beauté, qu'en toute l'Asie n'y auoit point de semblable, elle estoit fort ieune & de gracieuse contenance, & luy qui estoit de l'age de la dame, n'ayant superieur à luy auquel il fust tenu rendre conte de soy-mesme: & encor combien qu'il fust assez aduerti par tous ses gens de sa grand' beauté, si n'eut il neantmoins enuers elle aucune mauuaise pensee, ains l'enuoya consoler par vn sien favori nommé Leonnat: & afin de fuyr tout soupçon & occasion, il ne la voulut voir, ny souffrir qu'elle fust menée deuant luy, ains la fit seruir avec non moindre honneur & reuerence, que si elle eust esté sa propre sœur. Ephestion auteur Grec l'escriit ainsi, Aulugelle le recite, & Plutarque le confirme. Et toutesfois Aulugelle laisse en doute, lequel des deux à vñe de plus grande continence. Lon peut bien dire qu'ils furent tous deux esgaulx, puis que tous deux determinerent de se contenir, estans les occasions esgales, mais ie veux ouurir le chemin de la dispute, sur ceste question: & me semble que celuy qui vouldra defendre la faueur de Scipion, Pourra dire qu'il s'asseuroit plus de sa continence, & auoit plus grand iugement, veu qu'il osa faire amener & conduire en sa presence celle tant belle & ieune damoiselle: par la venue de laquelle il ne se laissa tant gaagner par desordonné appetit, qu'il muast en rien son premier propos: ce que ne fit



ne fit Alexandre, qui craignit de la voir, & ne sçait on  
qu'il eust fait, s'il eust veu. D'autre part on pourroit  
alleguer en faueur d'Alexandre, qu'en cela il meritoit plus  
que Scipion, le passant d'un point; c'est ne la point voir,  
afin de ne pecher mesmement en la pensee: & qu'en la  
vertu il a eu plus grande fantasie de conseruer la conti-  
nence, veu que luy cognoissant la fragilité humaine, en  
voulut fuyr l'occasion, qui l'eust, peut estre, conduit en  
peril de tomber: en quoy nous pouuons dire, qu'il a es-  
galé Scipion en la continence, voire, & l'auoir precedé en  
la pensee, & diligence de la conseruer. J'ay touché ces  
deux points, afin que chacun puisse iuger, selon qu'il en  
pense: vray est toutesfois que Quinte Curse & Diodore  
Sicilien, escriuent en la vie d'Alexandre qu'il vid, & salua  
la femme, & la mere du Roy Daire le iour ensuyuant sa  
victoire, & que lors il profera vne parole de bonne &  
vraye amitié: car ainsi qu'il entroit au lieu ou elles esto-  
yent pour les voir, il estoit accompagné de son singulier  
amy Ephelcion, qui luy ressembloit fort en âge, & en  
habits: parquoy la mere de Daire, qui pensoit de luy que  
ce fut Alexandre, luy fit telle reuerence, qu'il appartient  
faire par vne prisonniere à son victorieux: mais depuis se  
cognoissant trompee, elle en eut honte, tellement que  
voulant s'excuser, Alexandre qui s'en apperceut, luy dit:  
Mere, ne te fasche de ce que tu as fait, il n'y a point d'er-  
reur: car cestuy cy est Alexandre comme moy: voulant  
dire par ce propos, mon amy est vn autre, moy mesme. Il  
semble que ceste uisitation contredit à ce que disent les  
autres, qu'il ne voulut point voir ces femmes, toutesfois  
les deux opinions se peuuent defendre: car ceux qui disent  
qu'il ne voulut point voir la femme du Roy Daire, veu-  
lent dire, qu'il ne la voulut voir incontinent qu'elle fut  
prinse, ains l'envoya visiter par Leonnat, & qu'apres que  
son grand dueil fut apaisé, il l'alla voir & honorer.  
Quoy qu'il en soit ce fut vn acte de grande honnesteté:  
& si elle n'est plus grande que celle de Scipion, si est elle  
neantmoins esgale.



De plusieurs Lacs & Fontaines, dont les eaux ont de grandes proprietes.

## CHAP. XXX.

*Plin. liu. 5.  
Arist. li. 2.  
en sa Me-  
teore.*

**E**N ce chapitre ou nous auons parlé des eaux, nous auons promis traicter de la propriété & effect d'aucunes eaux particulieres: dont la premiere sera celle du Lac de Iudee, nommé Asfaltide, & qui depuis a esté nommé la Mer morte. De ceste eau se racontent choses merueilleuses, par Plin & Columelle, & par Diodore Sicilien. Premièrement, on recite qu'il ne s'y engendre aucun poisson ny oyseau, ny aucune autre chose viuante, & que nulle chose viue n'enfonce: tellement que si on y iette vn homme, ou quelque autre animal, il ne s'y peut noyer, encore qu'il fut lié en sorte qu'il ne peut se mouuoir, & nager: ces choses sont recitees par Plin. Et Aristote, pour donner raison naturelle de ceste effect, dit que l'eau de ce Lac est grosse, fort salee, & espesse. Corneille Tacite y adiouste ceste propriété, que pour quelque grand vent qu'il y fasse dessus, elle ne s'en esmeut, ny fait vagues aucunes. Ces mesmes auteurs, & aussi Solin en son Polihistor, disent, qu'en certain temps il se cōcroist en ce Lac vne maniere de lie ou escume, qui est vn tref fort ciment ou colle plus forte que nulle poix qui soit: & qui est nommée par Diodore Sicilien. Bitume & Asfalte: tellement qu'il semble que ce vocable Asfalte, est deriué de ce Lac, nommé Asfaltide. Nous lisons encores d'autres Lacs qui portent de ces ciments, comme il y en a vn pres Babilone, du ciment duquel Semiramis fit ioindre les pierres des grands & renommez murs de Babilone. Dedans ce Lac de Iudee descend le fleuue Iordain, dont l'eau est excellente: mais en tombant là dedans, ceste bonne eau perd sa grande vertu par l'incommodité du Lac. L'on dit que Domician y enuoya pour en faire l'experience, qui fut trouuee telle. Plin en escrit d'un autre en Italie nommé Auerne, pres la mer ou golfe de Bayas: & cest ce Lac de relle propriété, qu'il ne passe aucun oyseau par dessus, qui ne chee mort en l'eau, & dit on que le pareil cas aduient à Pozzuolo. Le Poëte Lucrece en donne raison naturelle, disant, que pour l'espaisseur des arbres qui y sont, & à cause de



se de la grande ombre, il en sort vne vapeur si grosse & infecte, qu'elle estouffe les oyseaux: il dit encore, que ce-  
 la procede à cause des minieres de souffre qui sont là.  
 Theophraste & Plin recitent d'une fontaine nommee Li-  
 cos qui est en Iudee, & d'une autre en Ethiopie, dont les  
 eaux ont pareille effiace, & sont de la propriété de l'hu-  
 ile, pource que mises en lampes elles bruslent. Pomponius  
 Mela, & Solin escriuans d'Ethiopie, disent qu'il y a vn  
 Lac, dont l'eau est fort douce & claire, toutesfois si  
 quelqu'un s'y baigne, il en sort, aussi oingt, que s'il sor-  
 roit d'un bain plain d'huile. Autant en raconte Vitruue &  
 si dit d'auantage, qu'il y a en Cicile vn fleuve, & pres de  
 Charthage, vne fontaine, qui ont ces propriétés. Solin,  
 Theophraste, & Idore, parlent de deux fontaines, de l'une  
 desquelles, si vne femme en beuuoit, elle deueroit ste-  
 rile, au contraire, si vne sterile beuuoit de l'autre, elle  
 la rendoit seconde. Ils escriuent encore d'une autre en  
 Arcadie qui faisoit mourir incontinent ceux qui en beu-  
 uoyent. Aristote en ses questions naturelles, parle d'une  
 qui est en Trace, ayant pareil effect, & d'une autre en  
 Samarie. Pareillement, Herodote dit en sa quatriesme  
 Muse, & Plin, & Solin l'affirment, que le fleuve Hye-  
 nis, qui est grand, & qui descend de la Scirie, a son eau  
 fort douce & bonne: & neantmoins il y a vne petite  
 fontaine qui entre dedans, mais deslois qu'elle y est, l'a-  
 mertume de l'eau de ceste fontaine rend le reste du fleu-  
 ue si amer, qu'il n'est pas possible d'en boire. Ces auteurs  
 mesmes, & aussi Idore escriuent de deux autres fontai-  
 nes qui sont en Boëtie, dont l'une fait totalement perdre  
 la memoire, & l'autre la conforte: & fait que ceux qui en  
 boient se souuiennent de tout ce qu'ils auoyent oublié.  
 Et d'une qui tempere les aiguillons de la chair, & d'une  
 autre qui les prouoque. Il y en a vne en Sicile, nommee  
 Areuze, de laquelle, outre ce que l'on escrit quelle auoit  
 infinité de poissons, & qu'il sembloit que ce fust peché  
 d'en manger) ils escriuent vne merueilleuse chose, c'est  
 que dedans ceste fontaine on y a maintesfois trouués des  
 choses norables, qui auoyent esté iettees dans le fleuve  
 Alfee, qui est en Achaye contrée de Grece. A ceste cause  
 ils maintiennent tous que l'eau de ce fleuve va par les



entrailles de la terre en ceste fontaine, par dessous la mer, qui est entre la Sicile & Achaye. Les auteurs qui en traittent sont si grâds personnages, & dignes de foy, qu'ils donnent hardiesse à l'homme de l'escrire & certifier: Senèque l'affirme, Plin & Pomponius, Mela, Strabon, & Seruie sur la dixiesme Eclogue de Virgile. Solin & Isidore racontent d'une fontaine, sur laquelle mettant la main celuy qu'on faisoit iurer, & faire le serment, s'il affermoit par icelle chose contre verité, les yeux du parieur se desfeichoyent & amortissoient. Et Plin dit en pareil cas, d'un fleuve qui brusloit la main du parieur, qui auoit iuré par luy, en mettant la main dans son eau. Philostrate en son second liure de la vie d'Apollonie, Tiance dit, qu'il y auoit un fleuve, auquel lauant ses pieds & ses mains dedans, si celuy qui iuroit estoit faux & parieur, il estoit instantement rouuert de lepre. Diodore Sicilien en dit autant d'un autre fleuve: & s'il sembloit à quelqu'un que telles choses fussent difficiles à croire, il doit scauoir que Isidore homme saint, & tres-docte, & qui en a traité, suit en beaucoup d'endroits les auteurs alleguez, & en parle de maintes autres, come de la fontaine de Iacob en Idumee, disant que quatre fois en l'an elle mue de couleur, & que de trois mois en trois mois elle se trouble, enorgueillit, rougit, verdit, puis devient claire: & d'un lac qui est parmy les Troglodites, lequel trois fois le iour, & de nuit, change sa saueur douce en amere, & l'amertume en douceur. Et encore d'un autre ruisseau en Iudee: qui tous les iours de Sabbath deuenoit sec: ce qui est affermé par Plin escriuant encore d'une autre fontaine, qui est en la contree de Garamantes, laquelle de iour est douce, & si froide qu'il est impossible d'en boire, & de nuit si chaude, que quiconque y met la main se brusle: & sur nommée la fontaine du Soleil. De ceste fontaine ont escrit pour chose vraye, Adrian, Diodore Sicilien, & Quinte Curse en l'histoire d'Alexandre le Grand, aussi fait Solin: Lucree poëte naturel en donne la raison. C'est encore chose esmerueillable de la fontaine Eleusine, qui est fort claire & reposée: & neantmoins si on donne quelque instrument si pres d'elle, que l'eau en puisse vray semblablement oïr le son, elle se mettra si fort à bouillir, que l'eau



l'eau sortira iusques par dessus les bords, comme si elle se resouilloit du son de la Musique: cela est certifié par Aristote en son liure des merueilles de nature: par Solin & par le vieil poëte Ennie. Vitruue parle aussi du fleuve nommé Chimere, duquel l'eau est fort douce, & neantmoins se partissant en deux ruisseaux, l'un est doux, & l'autre amer: parquoy il est à presupposer qu'il tire ceste amertume de la terre par ou il passe, & partant cela ne semble point esmerueillable: encore qu'il soit aisé à croire, que les diuerfes proprietiez des autres eaux, dont nous auons parlé, ne nous esbahiroient point dauantage, quand nous en scaurions les occasions. Les mesmes auteurs font encore mention d'un fleuve nommé Siler qui conuertit en pierre quelque branche ou baguette qui est mise dedans. En l'Illyrie y a vne fontaine d'eau douce, qui brulle tout ce qu'on met dedans, comme si c'estoit feu. Il y a en Epire vne autre fontaine en laquelle mettant vne torche ardente, elle s'esteint, & si on l'y met esteinte, elle s'allume, tousiours à midy elle se seiche, puis venant le iour à decliner, elle commence à croistre: tellement qu'à minuit elle deuiet si pleine, qu'elle regorge par dessus. Ils dient qu'en Perse y a vne fontaine, qui fait tomber les dents à ceux qui en boyuent. Il y a en Arcadie certaines fontaines qui coulent & degoutent de quelques monts, dont l'eau est si froide, qu'il n'y a aucun vaisseau, soit d'or ou d'argent ou d'autre metal, qui la puisse endurer: car à mesure qu'ils s'emplissent ils se rompent en pieces, & ne se peut tenir en autres vaisseaux, qu'en ceux qui sont faits de la corne d'un pied de mule. Nous ne croirons pas que des riuieres (encore qu'elles soyent grandes) il s'en trouue quelques vnes qui se cachent incontinent en terre, puis vont sortir bien loin de là, si nous en voyons les exemples, mesmes de Vadiane en Espagne: Tigris le fait aussi en Armenie, qui est en Mesopotamie, & Licus en Asie: Il y a aussi des fontaines d'eau douce, qui entrans en la mer vont sur l'eau salée: du nombre desquelles est vne entre Sicile, & vne isle nommee Enarie, sur la coste de Naples. Nous scauons bien qu'en Egypte il ne pleut point, mais que naturellement le fleuve du Nil se desborde, & arrouse toute



toute la terre la laissant humide & propre à porter fruit. Il y a deux riuieres en Boetie, l'une desquelles est cause que tous les brebis qui en sont abreuees portent laine noire, l'autre leur fait porter toute blanche. En Arabie il y a vne fontaine, qui fait deuenir vermeille la laine des bestes qui en boyuent, de toutes lesquelles eaux, qui ont ceste propriété, Aristote en parle assez copieusement. Le fleuve Lincestis a ceste propriété, qu'il enyure celuy qui en boit tout ainsi que le vin. En l'isle Cea, selon Plinie, y auoit vne fontaine, que celuy qui en beuuoit demouroit tout hebeté de sens. Il y a vn lac en Trace qui fait mourir celuy qui en boit ou s'y baigne. Il y a aussi en Poëte vn autre fleuve, qui produit vne espee de pierres qui brulent, & quand il fait vent elles s'allument, & tant plus sont en l'eau tant plus brulent. Ils ont encore escrit, de diuerses eaux qui guarissent de plusieurs maladies, dont il y en a vne en Italie nommée Zize, qui guarissoit du mal des yeux: vne autre en Achaye que si les femmes grosses en beuuoient ne faisoient point mauuaise couche. Plusieurs autres aussi guarissent d'autres infirmités: comme de la pierre de la lepre, de la fièvre tierce & quarte, dont parlent Theophraste, Plinie, & Vitruue. Il y a en Mesopotamie vn autre fleuve, dont l'eau iette fort bonne odeur. Baptiste Fulgose en son recueil recite que de nostre temps il y auoit vne fontaine en Angleterre, en laquelle iettant du bois il deuenoit pierre en l'espace d'un an. Luy mesme testifie ce dequoy parle Albert le Grand d'une fontaine qui est en haute Allemagne: & dit Albert que luy mesme mit de sa propre main dedans ceste eau vne boüete qui deuint vrayement pierre, le reste qui n'entra point dedans demeura bois en son vray naturel. Le mesme Fulgose raconte vne autre propriété d'une fontaine: fort estrange: car si vn homme se promeint à l'entour, en se mirant dedans sans dire mot, il la trouue claire & coye, mais s'il parle tant soit peu quand il est auprès, ou s'il se n retourne, l'eau se trouble, & commence à boüillonner; & si en porte resmoignage pour l'auoir veu, & en auoir fait luy mesme l'experience: pource que regardant la fontaine entreteuiement, & sans mot dire, il la vit belle & claire, mais quand il parla, l'eau se troubla & se remuent,



ment, comme si on l'eust troublée, en fouillant dedans avec quelque chose. Il escrit encore qu'en France y en a vne tresfroide, & neantmoins bien souuent on voit qu'il sort de flammes de feu de l'endroit de son cours. Plin dit que plusieurs feroient conscience d'adiouster foy à telles choses, mais si se peuuent ils bié persuader, que les grands effets de nature se demōstrent plus euidentement en ce seul element d'eau, qu'en tous les autres. Et en sont les merueilles en grand nombre, qu'on n'en doit reputer aucune chose impossible : & mellement celles qui sont certifiees par tels auteurs, que ceux que ie vous ay alleguez. Encore sōmes nous assez certifiez par tesmoignage de ceux qui l'ont veu de nostre temps, qu'en vne des Isles de Canarie, nommee Ferre, il y a vn lieu fort habité de gens, duquel, & assez loin ez enuiron, les habitans ne se seruent d'autre eau, que de celles qu'ils puissent en vn timbre ou bassin auquel elle distille, & decoule abondamment de la sueur d'un arbre, qui est au milieu de ceste Isle, au pied duquel arbre, n'y a l'entour d'iceluy ny a fontaine ny ruisseau, & neantmoins l'arbre est tousiours si humide, que de ses fueilles, branches, & rameaux, incessamment l'eau degoute, & coule dedans ce bassin en si grande abondance, que nuit & iour on en reçoit assez pour subuenir aux necessitez, seruité, & vſage des habitans de ceste Isle. Ce que difficilement nous croirions, si tant seulement le trouuions par escrit. Partant nul ne doit trouuer estrange, ce que nous auons recité : car cest element d'eau est si puissant, & necessaire, que ses forces & qualitez ne sont iamais incogneues. Quant à la mer, ils dient qu'elle est plus chaude en hyuer qu'en Esté, & plus salee en Automne qu'en autre temps. C'est encore chose de plus grand esbahissement, qu'en iettant de l'huile en la mer, la tourmente & furie s'appaïse. Encore scauons nous pour certain, que iamais il ne neige aux endroits de la mer qui sont fort esloignez de terre fermé. De toutes ces choses plusieurs donnent maintes raisons, dont la plus grande partie est attribuee à la proprieté & qualité de la terre, & minieres ou croissent fontaines, & courēt les eaux des riuieres. Qu'il soit vray, il se preuue parce que nous voyons iournellement que les vins & autres fruits de la



de la terre, sont meilleurs en vn endroit qu'en l'autre: pource que les vns sont doux, les autres aigres & aspres: les vns bons & bien profitables, & les autres dommageables & mortiferes. L'air mesme se corrompt & deuiet pestilentieux en passant par vn mauuais pays. Quelle merueille est-ce donques, si l'eau qui laue & penetre la terre, les pierres, les metaux, les herbes, & racines des arbres, en prend les bonnes ou mauuaises conditions, pour estranges qu'elles soyent, & par especial estant aidee de la force des planettes, & des estoilles.

En quel iour de l'annee fut l'incarnation, natiuité & mort de  
nostre Seigneur Iesus Christ: & en quel aage il mourut: des  
heures anciennes, & de l'erreur qui est maintenant ex com-  
munes auuees:

СНАР. XXXI.

Nous auons parlé au traité des aages du monde, co-  
bien il y a de temps depuis la creatiõ d'iceluy, ius-  
qu'au temps que nostre Seigneur Iesus Christ, Dieu &  
homme, voulut prendre chair humaine, & naistre de la  
trespure, sainte, & immaculée Vierge. Parquoy il me se-  
ble bon & profitable, de monstrier & certifier en quel  
iour de l'année, & à quelle heure fut faite ceste sainte  
natiuité, & pareillement la tres sainte Incarnation, & la  
mort, selon les saints, vrais & approuuez historiens qui  
en parlent. Faut dõc sçauoir que regnãt à Rome l'Empe-  
reur Octauius Auguste, le premier qui proprement se  
pouuoit nõmer Monarque, & Empereur de tout le monde,  
pource que son oncle Iules Cesar fut seulement dicta-  
teur, & encore peu de temps: & ayant ce Monarque fermé  
les portes du temple de Ianus, & mis la paix vniuerselle  
par tout le monde, dedans le 42. an de son empire, & au  
741. de la fondation de Rome, selon Paul Orose, & au-  
tres auteurs, le 25. de Decembre nasquist nostre Sauueur  
& Redempteur Iesus Christ. S. Augustin l'atteste, sayuãt  
l'histoire Ecclesiastique, & autres historiens, & si fait en-  
tendre que ce iour estoit le plus court de toute l'année,  
pource que le Solstice de l'Hyuer estoit lors le 25. De-  
cembre



Decembre. Le mesme S. Augustin en parle encore en ses Sermons de la natiuité, & neantmoins nous dirons cy apres à quels iours de Decembre nous auons le Soltige en nostre temps. Les Saincts escriuent pareillemēt, que le iour que nostre Seigneur naskit, il estoit Dimanche: ainsi le certifie Leon Pape, & Vincent historial en les histoires, & l'heure qu'il naskit, fut minuit, ce que l'Eglise nous donne à entendre en chantant ceste authorité de la sapience. *Dum quietum silentium tenerent omnia, & nox in suo cursu medium iter haberet, sermo tuus Domine à regalibus sedibus venit.* La pluspart des historiés tiennent, qu'à la minuit aussi la salutation de l'Ange fut faicte à la vierge Marie, & qu'elle conçeut vn Vendredy en l'equinoxe de Mars. Vray est, que quelques uns maintiennent, que ceste conception fut le soir, au commencement de la nuit: & que de là est venue ceste loüable custumē obseruee en l'Eglise Catholique, de dire au soir apres Vespres la salutation Angelique vulgairement appelee le Salut: en sorte que nous cōclurons qu'il naskit le Dimanche à minuit, & fut incarné & conçu le Vendredy, & selon la plus commune opinion, à pareille heure la natiuité en Decembre, & l'Incarnation en Mars: la mort & Passion de nostre Seigneur, selon que tous sont d'accord, fut à pareil iour de l'Incarnation, ayant accompli les ans qu'il luy auoit pleu de demeurer en terre avec les hommes, & que ce fut le 25. Mars. S. Augustin le dit aux lieux prealleguez, aussi font Tertulien, S. Chrysostome, saint Cyrille, S. Hierosime, & autres saints Docteurs: & fut en l'equinoxe du Printemps, selon le mesme saint Augustin aux liures de la Trinité, & des Sermons alleguez: pareillement Paul Orose dit, qu'il venoit au vingt & cinquieme de Mars, & que ceste egalité de iours & nuicts, se liure 7. nommee Equinoxe, estoit lors en ces iours que nous disons, Les profanes historiēns se disent aussi, mesme Macrobe lin. 1. en son premier liure, & autres. A ce propos il y a vne chose à noter, en laquelle peu de gens ont prins garde, & si ne croy pas que chacun l'entende: c'est qu'à bien considerer le vray cours du Soleil, & de l'an, & le iour que nostre Seigneur vint à naistre, ce iour là ne vient point maintenant au vingt & cinquieme de Decembre.



ny la Passion & mort le 25. iour de Mars, pource que le Solstice d'Hyuer s'est aduacé, & est maintenât l'onzième de Decembre, & l'Equinoxe du Printemps est l'onzième de Mars, peu plus ou moins, comme pourra cognoistre celuy qui aura quelque commencement de cognoissance en l'Astrologie, tellement que pour le iourd'huy l'année de la naissance de nostre Seigneur s'accorde parfaitement l'onzième de Decembre: & les ans de l'Incarnatiō & Passion: l'onzième de Mars: pource qu'à present le Soleil fait à ces 11. iours ce qu'il souloit faire les 25. Et combien que ce soit chose longue à faire, de declarer la cause de ceste variation, si m'est-il aduis qu'il est bon de la monstre, pour satisfaire aux hommes de bon esprit. Or cela prouient de ce que l'an accoustumé, avec lequel on conte ordinairement, & lequel fut ainsi ordonné par Iules Cesar, ne se conforme parfaitement avec le vray an Solaire, qui contient en soy le vray cours, & reuolution du Soleil: pource que l'an commun (comme les faiseurs d'Almanacs, & autres computeurs des Calandes demonstrent) est presuppōsé auoir trois cens 65. iours & six heures, les 4. années font vn iour par dessus l'an, qui se nomme Bissexte: toutesfois en ceste obseruance, y a erreur generale: pource qu'à la verité, le vray an & cours du Soleil, a trois cens 65. iours, cinq heures quarante neuf minutes & six secondes au plus, qui sont cinq sixiesmes d'une heure, ou quelque peu moins. Par ainsi n'estans pas les six heures parfaites, ains s'en faut vne sixiesme partie, les quatre ans ne peuvent faire vn iour entier de vingt-quatre heures, y defaillans deux tiers d'heure, & quelque peu plus. Vray est que cestuy erreur est petit larrecin, destroubant en quatre ans seulement deux tiers d'heure, & quelque peu plus sur mil cinq cens & tant d'ans: & neantmoins en ceste espace de temps, ce sont quatorze ou quinze iours: partant ces iours si notables, viennent aux onzièmes iours de Decembre, & de Mars, qui souloyent estre le vingt-cinquième. C'est erreur n'est pourtant procédé des Astrologues: car ils font leur conte parfait de l'an, par le vray cours du Soleil: toutesfois les Calandaires, & computeurs tiennent l'an commun, le faisant de trois cens soixante cinq iours & six heures,



heures, combien que la quantité soit moindre, comme nous auons dit: par ce moyen il aduient souuent que Pasques & les autres feltes mobiles sont solennisees à autres iours qu'on ne les doit celebrer, à cause des reigles & ordre que les anciens ont tenues en faisant les Calendriers & Almanachs, où ils ont présupposé q l'equinoxe estoit ferme: ce neantmoins considerant que cela n'imporroit en rien au salut des ames, on n'en a point fait de cas: si seroit-il bon toutesfois de le corriger, & si croy qu'au premier Concile general on corrigea ceste reigle, & y sera pourueu comme il appartient: il se trouue que beaucoup d'hommes notables en ont escrit plusieurs traictez. cōme sont Stoeffler, Albert, Poge, Jean Fernel, & maints autres. Or pour reuenir au precedent propos, à sçauoir de quel aage estoit nostre Redempteur quand il mourut, la plus grad part des saincts Docteurs qui en parlēt, disent qu'il estoit en l'aage de trente trois ans & plus, d'autant qu'il y a du iour de la natiuité vingt cinquiēme de Decēbre, iusqu'à pareil iour du mois de Mars qu'il souffrit: autres croyent qu'il mourut à trente deux ans & trois mois: & par chascune de ces deux opinions y a des raisons biē apparentes: toutesfois ie ne veux point enuoyer le lecteur à les reciter. La Passion de nostre Seigneur fut en l'an dix-huitiēme de l'Empire de Tibere, successeur d'Octauius, selon que recitēt Eusebe & Beda, au liure des tēps. Quant à ceux qui escriuent qu'il souffrit la quinzeiesme année, comme sont Eutrope, Lactance, & autres, il me semble qu'ils ont failly, pource qu'eux mesmes disent qu'il naquī au quaratedeuxiesme an de l'Empire d'Octauius, en sorte qu'en regardant que cest Empereur regna encōre quinze ans apres, & conserant le temps à l'aage de Iesus Christ, on cognoistra euīdēment que Tibere auoit regnē dixhuit ans quād nostre Seigneur souffrit. Outre ces choses il mē souuient d'en escrire vne autre plus hautement recherchee & notee par Albert le Grand en son liure des choses vniuerselles, & qui à mon iugement est notable. C'est qu'estant chose certaine, comme il est prouué par l'autorité des saincts Docteurs, q nostre Seigneur naquī, estant le Soleil au premier degré du signe de Capricorne, & iustemēt à minuit, en ce mesme instant mōtoit



en l'orizon de le partie Orientale, le signe de la Vierge: par ainsi les estoiles monstroyent que celuy qui naissoit de la Vierge, auoit pour ascendant le signe de la Vierge. Et aussi que quād le Soleil de iustice mourūt, & fut exalté en l'arbie de la croix, qui fut à midy, comme disent les Euangelistes, la Planette du Soleil estoit au signe du Mou-  
 ton, où se fait l'equinoxe, & là où est son exaltation, & est ce signe accōpaigné de treize estoiles, qui peut signifier Christ, & les douze Apostres Si ne descrinēt-ils pour-  
 tant ces discours, que pour monstrier que toute chose obeysoit, & se rangeoit à la volonté de son Createur, ce qui est plus amplement décrit par Albert le Grād. Qu'il soit vray que nostre Seigneur souffrit à midy, ie l'espe-  
 re prouuer plus amplement. Les saincts Euangelistes escri-  
 uent qu'il fut crucifié à l'heure de sexte, & qu'il mourut à none: & faut entendre que l'heure de sexte estoit iuste-  
 ment à midy, car les Iuifs & autres nations diuisoyent anciennement tous les iours de l'an, pour grāds ou petits qu'ils fussent, & pareillemēt les nuits en douze portions esgales, qu'ils nommoient heures planetaires, tellement que les heures des iours d'Hyuer estoient petites, & cel-  
 les d'Esté grandes, & les heures de la nuit à l'opposite. Les heures du iour commençoient au leuer du Soleil, & celles de la nuit à son coucher: par ce moyen à six heures il estoit midy, & à neuf heures il estoit trois heures apres midy: pource que le iour que le Seigneur souffrit, estoit esgal à la nuit, cōme nous auons dit: & partant les heu-  
 res de ce iour là estoient esgales aux nostres. A ceste cau-  
 se il faut entendre que ces heures d'alors doiuent estre entendues pour celles dont le Seigneur parle, en disant: N'y a-il pas douze heures au iour? de ces mesmes heures est parlé en l'Euangile de la vigne, disant, que le pere de famille estant sorty dehors à onze heures, pour prendre les ouriers, il les paya tout ainsi que les autres qui es-  
 toient à la besongne dès le commencement du iour, au moyen dequoy les premiers se plaignoyent, disans: ceux cy n'ont besongné q'vne heure, les veux-tu esgaler à nous? Par là on peut voir clairement, que d'onze iusqu'à douze heures estoit la fin du iour, ainsi disoyēt-ils, ceux-là n'ont besongné qu'vne heure: car si les onze heures eussent esté  
 comme



cōme maintenant, il y eust eu menterie. Puis S. Luc Eua-  
geliste dit en l'édroit de la Passion que le Soleil s'obscu-  
rit depuis l'heure de sexte iusqu'à nonne: ainsi donc on  
cognoist encor par là, que l'heure de sexte estoit l'heure  
de midy, & dura l'obscurité iusqu'à nonne, qui est à nous,  
trois heures apres midy: car s'il eust eutendu aux six heu-  
res du iourd'huy, c'eust esté chose naturelle que le Soleil  
se fust couché, & obscurci à six heures du soir en Mars:  
parquoy estans les six heures d'alors, le midy de mainte-  
nant, ce fut vn grand merueilleux miracle.

¶ De plusieurs choses aduenues à la naissance & mort de nostre

Seigneur, recitees par plusieurs historiens, outre ce qu'ont dit  
les Euangelistes. CHAP. XXXII.

**E**Ncore que les choses certifiées par les Euangelistes  
estre par grâdes merueilles apparues, lors de la nais-  
sance & mort de Christ, soyent les plus certaines & di-  
gnes de foy: si est-ce qu'il me semble conuenable de fai-  
re quelque mention des autres choses esmerueillables  
qui furent veües par autres personnes qui l'escriuent.  
Paul Orose & Eutrope escriuans d'Octauius, & pareil-  
lement Eusebe disent, qu'au temps que Iesus Christ nas-  
quit sur terre, aduint à Rome, que dans vne tauerne pu-  
blique se descouurit & saillit vne fontaine de pur & ex-  
cellent huile, qui par l'espace d'un iour entier incessam-  
ment issoit & decouloit en grand abondance. Et semble  
que telle source d'huile voulust signifier l'aduenement de  
Christ, c'est à dire oingt, par lequel tous Chrestiens le  
sont: & la tauerne publique, en laquelle tous indifferem-  
ment sont receus & logez, signifie la vraye Eglise, la grâ-  
de hostellerie des Chrestiens: de laquelle doyuent issir  
& proceder incessamment toutes gens de bien & Catho-  
liques. Eutrope y adiouste encor, qu'à Rome & lieux  
circonuoisins, en plein iour, clair & serain, fut veu  
vn cercle à l'entour du Soleil, aussi luyant & resplen-  
disant, que le Soleil mesme, qui rendoit autant ou  
plus de clairté. Paul Orose escrit aussi qu'en ce mes-  
me temps, le Senat & peuple de Rome offrit à Octauius  
Auguste de le nommer seigneur, ce qu'il refusa, & ne



le voulut accepter, prognosticât sans y penser qu'un plus grand Seigneur q' luy estoit sur terre; à qui ce titre appartenoit. Cômestor en sô histoire scolastique, afferme qu'ê ce mesme iour, dedans Rome, le temple dedié par les Romains à la deesse Paix, tomba par terre en ruïne: & dit que dès le temps qu'il auoit esté edifié par les Romains ils cōsultèrent l'oracle d'Apollo pour sçauoir combien de temps il durerait, lequel fit response, iusqu'à ce qu'une vierge ait enfanté: ce qu'il iugerent impossible, & par ce moyen que leur temple durerait eteraellement: toutesfois à l'enfantement de la vierge, mere du Roy des dieux, il cheut par terre. Dont Lucas de Tuy, en la Chronique d'Espagne, escrit qu'il a trouué aux anciennes histoires du pays (ayant conferé & computé les temps) que la mesme nuit en laquelle nostre Seigneur nasquit, il apparut en Espagne, sur l'heure de minuit, vne nuee qui donna si grande clarté qu'il sembloit qu'on fust en plein iour de midy. Il me souuiér aussi auoir leu en S. Ierosme, que lors que la vierge s'êfuit avec son fils en Egypte, toutes les idoles & images des dieux qui y estoient, cheurerent par terre de dessus leurs autels, & que les oracles que ces dieux, ou pour mieux dire ces diables leur faisoient, cesserent & onques puis ne leur dōnerent response. Ce miracle alleguê par S. Ierosme, semble estre approuuê par Plutarque excellent hōme, bien qu'il fust Payen, lequel sans croire ces choses, ny sçauoir pourquoy elles estoient aduenues, à fait vn particulier traité du defaut des oracles: car desia de son temps, qui estoit peu apres la mort de Christ, les hommes s'apperceurent que tels oracles leur manquoient: & ne peut en ce traité alleguer autre raison, sinon qu'il mourut quelques demons: mais il le disoit cōme homme sans foy, pource qu'il n'entendoit pas les esprits estre immortels. Toutesfois ceste chose est esmerueilleable, & vrayement digne de grande cōsideration, de voir si apparemment que le diable se demonstra incontinent abatu & desconfit, & qu'apres la mort de nostre Seigneur il resta tellement vaincu qu'onques puis il ne peut donner response: & que les gentils, sans entendre la cause, eurent cognoissance de ce defaut: au moyen dequoy Plutarque fit ce traité, dedans lequel il escriuit ces mots (dont



(dont Eusebe fait mention escriuant à Theodore cōme de chose notable:) il me souuiēt, dit-il, auoir ouy dire sur la mort des demons à Emilian, orateur, hōme prudent, & humble, & cogneu de quelques vns de vous, que son pere venāt vne fois par mer vers Italie, & passant & costoyant de nuit vne isle inhabitee, nōmee, Paraxix, ainsi que tous ceux du nauire estoient en silence & repos, ils ouyrent vne grande & espouuāttable voix, qui venoit de ceste isle, laquelle voix appelloit Ataman ainsi se nōmoit le pilote du nauire, qui estoit natif d'Egypte:) & combien que ceste voix fut entendue vne fois, ou deux par cest Ataman & autres si n'eut-il onc la hardiesse de respōdre insqu'à la tierce fois, qu'il respondit: qui est là? qui est ce qui m'appelle? que voulez vous? adonc la voix prononça encore plus haut, & luy dit: Ataman, ie veux que quand tu passeras par aupres le golfe, nōmé Laguna, il te souuiēne de crier, & luy faire entendre que le grand Dieu Pan est mort. Quoy entendu, ceux du nauire, eurent grand peur, & conseilèrent tous que le patron du nauire ne se souciaist point d'ē dire mot, ny s'arrester à ce golfe, au moins si le temps estoit propre à passer outre, ains entendre à parfaire leur voyage, mais venant à iōindre à l'endroit du lieu que la voix luy auoit dit, & designé, le nauire s'arresta, & la mer fut calme, & sans vent, tellement qu'il ne pouuoit plus voguer: au moyen dequoy il determinerent tous qu'Ataman feroit son ambassade: & pource faire, il se mit à la poupe du nauire, & cria ce Noyer le plus hautement qu'il peut, disant: le vous fay à sçauoir que le grād Dieu Pā est mort: mais si tost qu'il eut dit ces mots, ils entēdirēt tant de voix crier & se plaindre, que toute la mer en retentissoit, & dura ceste plainte longue espace: dont ceux du nauire estōnnez, & ayans vent prospere, suyrirent leur chemin: puis arriuez à Rome reciterent leur aduanture. Ce que venu aux oreilles de l'Empeur Tibere: il voulut en estre informé, & trouua que c'estoit verité. Pourquoy il est enuidē, que de toutes parts les diables se plaignoyent de la Natiuité du Seigneur, pource que c'estoit leur destruction: car par la suppuration des temps, on trouua que ses choses aduindrēt au temps qu'il souffrit pour nous, ou peu deuant, lors qu'il les chassoit



& bannissoit du monde. Il eist à presupposer que ce grand Pan (à l'imitation du grand Pan Dieu des bergers) qu'ils disoyent estre mort, estoit quelque maistre diable, qui alors perdit son Empire & force comme les autres. Outre ces choses Iosephe lui escrit, qu'en ces mesmes iours, fut ouy dans le temple de Ierusalem vne voix (bien qu'il n'y eust creature viuante leans) qui disoit: Abandonnons & vuidons ce pays vistement: c'estoit à dire, qu'il s'aperceurent de la persecution qu'ils auoyent à souffrir, & qui les pressoit de pres, par la mort que receuoit le donneur de la vie. En l'Euangile des Nazariens se trouue, que le iour de la passion, cheut la porte du temple, qui estoit si somptueuse & de perpetuelle structure. Voila comme on trouue les choses admirables qui aduindrēt en ce temps-là, encore que les Euāgelistes n'en facent point de mention, cōme de chose non necessaire. Si faut-il entendre que se grand eclipse du Soleil, qui dura trois heures, auāt que Christ fust en la croix, n'estoit pas naturel, comme celuy que nous voyons quelque fois par la conionction du Soleil, & de la Lune, ains fut miraculeux, & cōtre tout ordre & cours naturel. Ceux qui ne sçauent pas cōme se fait l'eclipse du Soleil, doyuent sçauoir qu'il ne peut estre sinon par la cobionction du Soleil & de la Lune, estant la Lune interposée entre le Soleil & la terre, & toutes fois l'eclipse qui aduint lors de la Passion, fut en oppositiō estāt la Lune en son plein, & distant du Soleil de cent octante degrez, en l'autre hemisphere inferieur à la ville de Ierusalem: pour mōstrer que cela est vray, oatre ce qu'en escriuent plusieurs historiens, le texte de la sainte Escriture le prouue: car cela est certain que iamais on ne sacrifioit l'agneau, sinon le 14. de la Lune, lequel agneau fut imāgé par Iesus Christ, & ses disciples. le iour precedāt sa mort, ainsi qu'il estoit commandē en Exode 12. chap. & Leuitique 23. Et le lendemain, qui estoit la solennité des Azimes, Christ l'agneau immaculé (fut crucifié, la Lune estant par necessité en son plein & oppositē du Soleil, sans le pouuoir faire eclipser, ce que ne pouuoit non plus faire aucun des autres planettes: partant donc il fut, miraculeux, contre l'ordre de nature, & en la puissāce du seul Dieu, qui priua le Soleil de sa lumiere par cest espace de



ce de temps. Au moyen dequoy ce grand personnage S. Denis Areopagite, estant ce iour là en Arhenes, & voyant ainsi obscurcir le Soleil, & aussi cognoissant, cōme homme bien docte en Astrologie, & cours celestes, tel Eclipse estre contre la reigle de nature, dit à haute voix; ou le mōde veut finir, ou le Dieu de nature souffre. Pour ceste cause dit-on, que les sages d'Athenes estonnez de cela, firent edifier incontinent vn Autel au Dieu incogneu: ou depuis arriuant S. Paul, leur declara qui estoit ce Dieu incogneu, que c'estoit le Christ nostre Redēpteur, Dieu & hōme, qui lors auoit souffert: au moyē dequoy il conuertit beaucoup de personnes à la foy. Quelques gens ont esté en doute, alçauoir si cest Eclipse & obscurité du Soleil fut vniuerselle par tout le mōde, & fondoient leur argument sur ce qu'ils disoyent, que quand l'Euangeliste dit par toute la terre, c'est à dire, par maniere de parler, tout le pays d'environ, & fut Origene de ceste opinion: mais quoy? nous voyons qu'en Grece, mesmement en Arhenes, ceste tenebrosité fut veüe, qui me fait croire que tel Eclipse estoit vniuersel par tout nostre hemisphere, & par tout où le Soleil pouuoit estre veu: le dis ainsi pour ce qu'e tout l'autre hemisphere, où il estoit lors nuit l'ō n'en pourroit rien voir, ny estant point pour lors la veüe du Soleil: car il ne peut illuminer envn instāt que la moitié de la terre, à cause de l'ōbre qu'elle se fait à foy mesme: toutesfois nous deuōs sçauoir, qu'estant lors la Lune en son plein, & n'ayāt lueur que celle qu'elle prend de la splendeur du Soleil, & encore astāt en l'hemisphere, qui est sous nous, elle viēt à estre violement eclipsée & obscurcie, à cause seulement du defaut de la lueur du Soleil: par ainsi l'obscurité fut vniuerselle par tout le monde, pource que la Lune & les Estoilles ne peuuent dōner lumiere que premierement elles ne la reçoient du Soleil.

*De plusieurs passages cottez par maints auteurs qui ont fait mention de Christ & de sa vie.*

CHAP. XXXIII.

**I**Ay maintesfois ouy plusieurs gens doctes & curieux, qui demandoient raison pourquoy, & d'où procedoit que les Gentils & Ethniques, ont par leurs escrits si peu



fait de mention de la vie de Iesus Christ, & ses miracles, qui furent en si grand nombre, & tant publicz, & manifestez, mesmement par les disciples: veu que ces Ethniques ont bien fait mention en leurs liures d'autres choses particulieres aduenues en leurs temps, & neantmoins qui n'estoyent de si grande importace, à quoy ie respons premierement, que c'est contre verité, de dire que les historiens profanes n'en ayent point parlé: car il y en a infinité, desquels i'ameneray quelques exēples pour ceux qui n'ont pas grāde cognoissance des anciēnes histoires: ma seconde raison c'est qu'il faut considerer sur ce passage, que la sainte Foy & Loy de grace dōnee par Christ, cōmençāt par luy, & les Apostres à se publier par le mōde, fut acceptee par quelques vns qui delibērerēt de viure & mourir en icelle: autres obstinez en leurs vices & pechez, nō seulement la refuseient: mais la persecuterēt. Il y en eut encore quelques vns qui tenoyent le milieu: car biē qu'elle leur semblast bōne, si est-ce que pour crainte des tirās, & persecuteurs, & autres humaines cōsiderations, que ceste sainte professiō veult estre desprisee, ils ne voulurēt l'embrasser ny accepter. Estant donc le monde ainsi party en trois opinions, ceux qui confesserent Christ firent choses notables & merueilleuses, dont plusieurs portent grand tesmoignage de verité: du nombre desquels furent saint Denis Areopagite, Tertulien, Lactance, Firmian, Eusebe Paul Orose, & maints autres, qui seroyēt longs à reciter. Les autres mauvais, qui la persecuterent, comme chose estrāge & abhorree de leur loy, pourchasserēt totalement de la ruiner: & cacher les miracles, la vie, & la doctrine de Christ: pour ceste cause ils n'en parlerent point, ou ceux d'entr'eux qui en parlerent aucunement, le firent afin de la cōtemner & obscurcir, cōme firent les malheureux Porphyre, Iulien, Vincent, Celie, Africain. Lucian, & autres tels hōmes diaboliques: cōtre lesquels ont doctēmēt escrit S. Cyprian, Origene, S. Augustin & autres. Les autres qui par crainte, ou considerations mondaines ont delaisse à estre Chrestiens, & à aimer & cognoistre la verité, pour ces mesmes occasiōs delaisserent à en parler: & si aucuns en ont rouché quelque chose, c'a esté avec bourdes & menteries, encore assez sommairement. Et neant-

moins



moins, tout ainsi que quand on veut cacher la verité sous le voile d'aucunes coulourees mesonges. Il aduient souvent la verité certaine occulte proprieté de la verité, que celuy qui la veut cacher, la deguise, & pàsle en telle sorte que par son mesme propos se descouurent les menteries, & se cognoit la verité apparète & manifeste: aussi en est-il aduenue en ceste sorte, à ces deux manieres de gens: car encore qu'il s'efforçassent d'exterminer & destruire les miracles de Christ & sa doctrine, si est-ce que toutes les fois qu'ils en parloyent ils disoyét quelque chose par laquelle on cognoissoit leur malice & la bôre de ceste doctrine. Je pourrois bien dire beaucoup de choses, que les Sibilles en ont dit & escrit, mais pource que ce qu'elles en dirent ne procedoit de leur propre iugement: ains par esprit de prophetie, & selon que Dieu leur en auoit communiqué, bien qu'elles fussent infideles, ie m'en tairay pour venir aux autres autoritez. Le premier est plus euidēt tesmoignage, combien que ce soit le plus commun, est celuy de nos plus grands ennemis du nombre desquels est Iosephe Iuis de lignee, & de nation & aussi pour la vie, & pour la profession, il dit ces mots: En ces mesmes temps viuoit Iesus homme fort sage, s'il est licite de le nommer homme, pource qu'à la verité il fit des choses merueilleuses, & fut maistre & docteur de ceux qui aimoyent & cherchoyēt la verité il assembla & fut suiuy de grādes troupes de Iuifs & Gentils, & estoit le Christ, & combien que par apres il fust accusé par les Principaux de nostre foy, & crucifié, si ne fut il abandonné de ceux qui l'auoyent auparavant suiuy, ains trois iours apres sa mort il s'apparut vis à eux selon que les Prophetes inspirez de Dieu auoyēt predict & prophetisé de luy. & encore de nostre temps, la doctrine & le nô des Chrestiens, perseuere par le monde. Voila les paroles de Iosephe, lequel a escrit de la destruction de Ierusalem comme tesmoin de l'auoir veu, ce qui aduint quarante ans apres la passion de Christ. Pilate pareillement qui auoit donné la sentence de mort, cōme luy porta neantmoins tesmoignage de ses grands miracles, les mādāt par lettres à l'Empereur Tiberet tellement qu'il fut mis en cōseil au Senat, à sçauoir s'ils receuroyēt Iesus Christ pour Dieu: & combien qu'ils n'y donnaissent

*Iosephe li.  
2. des anti.*



consentement, Tibere deffendit neârmoins de persecuter les Chrestiens. Quant est du tremblement de terre, & obscurcissement du Soleil, pendant le temps que le Christ souffroit en croix, nous en auôs aussi des tesmoings Ethniques. Flegon historien Grec, natif d'Asie, duquel Suidas fait speciale mention, dit pour chose esmerueillable, qu'au quatriesme an la deux cés dixiesme Olimpiade, qui ioin-  
dra en bien contant, à l'an dix-huictiesme de l'Empire de Tibere, qui fut lors que le Seigneur souffrit, il y eut Eclipse de Soleil le plus grand que iamais fut veu, ne qui se trouua par escrit, & qu'il auoit duré depuis sexte iusqu'à nône: & que pendant ceste Eclipse, le tréblement de terre fut si grand en Asie, & en Bytie, qu'il y eut infinité d'edifices qui tomberent par terre. Il semble qu'outre ce Flegon, qui estoit du temps mesme qu'il escrit, que Plin ait senti & escrit la mesme chose; car il dit que du temps  
*Plin. li. 2.* de l'Empereur Tibere, le tremblement de terre fut plus grand que iamais n'auoit esté, & dit-on que par iceluy furent tombees & ruinees douze villes en Asie, sans vne infinité d'autres edifices, en sorte que les historiens qui furent Gentils, bien qu'ils ne sceussent la cause, n'ont point laissé d'escire les miracles de Christ. L'autre miracle du voile du temple qui se rompit, Iosephe le recire pareillement. De la cruelle mort des Innocens, que Herode fit mourir, en est faite mention par vn autre Iuis, nommé Philon, historien de grande autorité; en son abbrege des temps, où il dit qu'Herode fit tuer certains enfans, & avec eux son propre fils, pource qu'il auoit ouy dire que le Christ, Roy promis aux Hebreux, estoit né: & fut cest autheur du tēps de l'autre Herode nommé Tetrarque comme luy mesme le dit. Ceste histoire des Innocens est encore plus amplement recitee par Macrobe, historiē Ethnique & Latin fort ancien lequel en racontant quelques mots ioyeux & facetieux de l'Empereur Octauius (au temps duquel nasquit nostre Seigneur) dit qu'ayant l'Empereur ouy parler de la cruauté d'Herode enuers son fils, & les autres enfans, il dit qu'il estoit meilleur estre en la maison d'Herode son porc, que son enfant: & cela disoit il, pource que les Iuis ne tuent point les porcs: laquelle facetic est aussi alleguee par Dion  
Grec



Grec, en la vie de ce mesme Empereur: tellement qu'il y a beaucoup de miracles, dont les Iuifs & les Gentils, sans y pēser portēt tēlmoignage d'auoir esté faicts par Christ, outre ceux qu'escriuent les Chrestiens: Que dirons nous plus, de ce que les anciens Empereurs ont senti de nostre foy, & de ce qu'ils ont fait à l'econtre des fidelles: En premier lieu S. Pierre, & semblablement S. Paul moururent par le commandement de Neron Empereur, 36. ans apres la mort de nostre Seigneur: & alors fut grande persecution de l'Eglise, de la quelle les Gentils ne laissoient de faire mention, & particulièrement Suetone Tranquille, & Corneille Tacite, qui furent de ce temps, & de grande autorité. Suetone en la vie de Nero, parlant de quelques vnes de ses ordonnances, dit, qu'il tourmentoit & affligoit avec grandes peines, & diuers tourmens, vne espeece de gens qui se nommoient Chrestiens, & suyuoient vne certaine creance & nouuelle religion. Et Corneille traitant des faicts de ce mesme Neron dit, qu'il persecutoit, & chastioit avec des terribles tourmens vne maniere de gens, que le vulgaire appelloit Chrestiens, & que l'auteur de ce nō, estoit Christ de Ierusalem, que Pilate gouverneur de Iudee auoit fait crucifier, & que par le moyē de sa mort, & sa doctrine auoit commencé s'eleuer. Or voyons maintenant, ce qu'en escriuent les autres Gentils, qui ne sont point de moindre autorité. Pline neveu, par quelques vnes de ses elegantes Epistres, demandoit à l'Empereur Traian, duquel il estoit proconsul en Asie, comment il vouloit que fussent chastiez les Chrestiens, qui estoient accusez & menez deuant luy, & afin de bien informer son Seigneur de ce qu'il trouuoit contre eux il disoit entre autres choses, que ces Chrestiens se leuoient à certaines heures de la nuict & s'assembloient pour chāter des Hymnes & loūanges à Iesus Christ, qu'ils adoroient pour Dieu: estans ensemble en congregation, ils faisoient des vœus, nō pour faire mal ny dommage à autrui, ains promettoient de ne rien desrober: de n'estre adulteres: de ne point faillir à promesses ou serment, & de ne nier ce qui leur auoit esté presté ou baillé en garde, & dit outre ce Pline qu'ils mangeoient tous ensemble sans posseder aucune chose en ptopte. Par là peut on cognoistre quels estoient

*Corneille  
Tacite.*



estoyent lors les exercices des Chrestiens, & pour quelle chose le monde les abhorroit & persecutoit : ces choses sont escrites par vn infidelle & idolatre, 60. ans apres la Passion de Iesus Christ. Aufquelles lettres l'Empereur fit respõse: que puis qu'ils n'estoyẽt accusez d'aucuns excez ou malices, qu'il ne se souciaist point de les chastier, ny de faire aucune inquisition contre eux: toutesfois quand ils seroyẽt accusez deuant luy, qu'il cherchast le moyẽ de leur faire laisser ceste religion : mais entore qu'ils ne la voussissent laisser qu'il ne leur en fit portant aucune chose. Vray est neantmoins qu'auparauãt, cest Empereur Traian comme infidelle, & trompẽ par les accusateurs, auoit persecutẽ les Chrestiens. A l'empire duquel vint à succeder Adrian son nepueu duquel *Ælie Lampride* historiographe, escrit qu'il commença à honorer les Chrestiens, leur permettãt viure en leur loy, & luy mesme adoroit Christ, & fit bastir les temples, mais depuis il changea ce propos, & deuint odieux & cruel enuers les Chrestiens estant deceu & abusẽ par les maistres de ces faulces ceremonies, & par les Euesques de ses faux dieux, luy disans que s'il fauorisoit aux Chrestiens tout le monde seroit conuerti en ceste loy, par ainsi se perdrait la religion de leurs Dieux. Cela mesme est certifié par *Pierre Crinit*. Il se trouue en la vie de *Saturpin* qu'à ce mesme Adrian fut entoyee vne lettre par *Seuerin* Consul, ou il manda qu'il y auoit en *Egypte* plusieurs Chrestiens, entre lesquels aucuns se nommoient Euesques & que nul d'eux n'estoit oyfis, ains que tous traualloyent & s'employent à quel ques exercices, & qu'il n'estoit pas iusqu'aux auẽgles & gouteux qui ne vesquissent du labeur de leurs mains, que tous adoroient vn seul Dieu, lequel estoit aussi adorẽ des Iuifs. Nous lisons semblablement aux histoires qu'ayant c'est Empereur recõmencẽ à mal traiter les Chrestiens, à la persũasion de ses faux Pontifes, il y eut vn sien ambassadeur nommẽ *Serene Eramie*, *Ethiique* comme luy, qui luy escriuit vne lettre, par laquelle il luy mandoit qu'à son aduis c'estoit cruautẽ de consentir à l'oppression des Chrestiens, n'estans accusez d'autre chose sinon que d'obliuer leur religion, veu mesmement qu'ils ne se trouuoient charges d'autres crimes



crimes ou coulpe : au moyen de laquelle lettre l'Empe-  
reur Adrian defendit à Minus Fondon Proconsul en  
Asie, de condâner aucun Chrestien s'il n'estoit convain-  
cu d'autre crime, que de celuy de la religiō Chrestienne.

Quelles opinions les anciens Empereurs ont eues de la personne  
de Christ, par le tefmoignage qu'en rendent  
les historiens Ethniques.

СНАР. XXXIII.

**A** cest Empereur Adrian ( duquel nous auons parlé par le dernier chap. ) succeda Antonin le debonnaire, lequel encore qu'il eust ce nom, estoit peruers & meschant. Il sentit mal de la foy de Christ, & persecuta les Chrestiens, mais son successeur Marc Aurele fut en cela plus modeste, car au lieu de les persecuter, il les conduisoit avec foy en son armee: par l'oraison desquels elle fut deliuree du danger en quoy elle estoit, par faute d'eau que les ennemis leur adoyent coupee: pource que Dieu luy en enuoya, & à ses ennemis foudre & tonnerres. De ces choses est faite mention en l'vne de ses lettres: & Iules Capitolin en parle aussi, encore qu'il ne l'attribue pas du tout aux Chrestiens. Ces choses aduindrent enuiron 145. ou 150. annee ensuyuant estant Seuer esleu Empereur, Elie Sparrien Ethnique comme luy, escriit, qu'il fit vne loy, par laquelle il defendit sur grandes peines, que aucun ne se conuertist Chrestien, ny Iuis. Apres lequel Seuer, fut Empereur Antonin Eliogabale, daquel nous auons descript la vie & dissolution: & recite Lapidre, (qui a escriit sa vie) qu'il fit faire à Rome vn temple dedié à son Dieu seul, & qu'il vouloit que les Chrestiens y entrassent pour sacrifier, toutesfoies les Chrestiens n'en voulerent rien faire. A cest Eliogabale succeda l'Empereur Alexandre Seuer, en l'an de nostre Seigneur, 192. & fut en grád branle de se faire Chrestien. Aussi nous trouuons, qu'il auoit bonne opinion de nostre foy, & qu'il honnoroit fort les Chrestiens, & leur dona lieux & assietes à Rome, pour faire faire des temples, & lieux d'oraison. Il tenoit l'image de Christ en son oratoire: cecy est escriit par Elie

Lampride



Lampride, outre ce qu'en escriuent les Chrestiens, & si dit que plusieurs tauerriers & patissiers s'en allerent vers l'Empereur, se plaindre des Chrestiens, disans qu'ils leur auoyent osté leurs logis & maisons, pour faire leurs bigorages, & qu'ils obseruoient vne religion contraire à celle des Romains. A laquelle complainte l'Empereur fit response, qu'il valoit mieulx que Dieu y fust adoré, que d'employer tels lieux aux affaires de leurs vacatiōs. Ce Seuerus mort, luy succeda Maximin, ennemy & persecuteur des Chrestiens, mais il vesquit peu, & finit de male mort. Depuis lequel & encor deux autres qui durerent peu, l'Empire vint entre les mains de Philippe, qui fust baptisé, comme dient quelques vns, & le premier qui receut les Chrestiens, Eusebe l'affirme: toutesfoi les historiens Gentils n'en escriuent rien. Chacun iour Dieu illuminoit de plus en plus les cœurs des hōmes & grand nombre s'en conuertissoit à nostre Foy, malgré l'Empereur Decius, & Diocletian, & autres semblables, & iusqu'à ce que laissez de les persecuter, ils les dissimulerēt & souffrirent quelque temps, comme ils les dissimulerent par vne lettre de Maximin Empereur, cōpagnon de Diocletian qui fut deux cens tant d'ans apres nostre redēption: laquelle lettre dit en nostre langue ce qui s'ensuit: Cesar Maximin inuincible, grand pontife de Germanie, d'Egypte, de Thebes, de Sarmacie, de Perse, d'Armenie, de Carpi, & encore victorieux des Medes, & pour ses victoires nommé dixneuf fois Empereur, & huiet fois cōsul, & pere de la patrie: au cōmencement de nostre Empire, entre autres choses que nous determinasmes faire pour le bien public, ordonnasmes que l'ordre qui se tiendrait en toutes choses, fut cōforme aux anciennes loix, & la publique discipline de Rome conseruee: & par ce mesme moyen commandasmes que ces hommes qui se nōment Chrestiens, & qui ont laissé nostre antique religiō fussent pressés, contrains, & forcéz de laisser la nouuelle, qu'ils auoyent prinse, & qu'ils obseruassent la nostre ancienne, establie par nos predecesseurs: mais estant venu à nostre cognoissance, que nonobstant ce commandement, & rigueur vsee contre eux pour leur faire obseruer ils n'ont point delaisné de suyure leur vouloir, & qu'ils sont si fermes



mes & constâs en leurs propos, qu'il n'y a force ny peines si grieues qui les puissent retirer de leur religion, & leur faire garder la nostre: ains ont plus aimé s'exposer à grief tourmēt, & mort, & qu'ils sont encor auourd'huy en ceste mesme cōstance, sans vouloir reuerer ny honorer aucūs des dieux de Rome. Nous memoratifs de nostre accoustumee clemēce & pitié, deliberons en vser enuers les Chrestiens: A ceste cause nous permettons que d'huy en auant toute personne se puisse faire & nommer Chrestié, auoir lieux pour faire assembles, & edifier temples, où ils puissent prier & sacrifier: laquelle licence & faculté nous leur concedons, par condition, qu'ils ne feront aucune chose contre nostre republique & religion, & qu'en autre chose ils obserueront nos loix & constitutions: & encor que pour recognoissance de ceste permission, ils seront tenus de prier leur Dieu pour nostre vie & santé: & pareillement pour l'estat de la republique de Rome, afin qu'estant la ville prospere & entiere, ils puissent eux-mesmes viure de leur labeur en repos & seureté. O véritablement infortuné Empereur, si tu eusses forcé les Chrestiens de laisser & renoncer leur foy, cōme mauuaise, comment eusses-tu voulu les faire prier pour toy, & les forcer à faire memoire de toy en leurs oraisons? A tout le moins ceste lettre nous seruira en ce que toy-mesme tu tesmoignes de la constance, vertu, & esprit qu'auoyēt les martyrs Chrestiens, en souffrant patiemment les tourmēs & supplices qui leur estoient donnez pour l'amour de Christ. Or quelque tēps apres Maximin vint à succeder à l'Empereur Constantin, qui fut surnomé le Grand, fils de ceste bōne Dame Heleine, qui trouua la vraye croix: qui fut enuiron 292. ans apres la redemption de l'humain lignage: il fut bon Chrestien, & fit tāt de biens en l'hōneur de Dieu, & de la sainte Eglise, & aux ministres d'icelle que ce seroit chose longue à reciter. Il permit à tous indifferēment d'estre Chrestiens, pour lesquels il fit bastir de somptueux temples, & ceux qui premierement estoient dediez aux idoles, il les dedia au seruice de Christ, & des sēs. Depuis ce tēps, combien que l'Eglise de Dieu ait souffert des scandales, & persecutions, comme furent celles de Iulian l'Apostat,

& au



& autres, si est-ce que tousiours & en plusieurs parties du monde, Christ a esté publiquement adoré. Et de là en auât toutes les histoires sont pleines des actes des Saints: encore la plus grande part de subsequens Empereurs ont esté fidelles & Catholiques, comme furent Theodose, Iustinian, & autres semblables. Je pourrois bien amener plusieurs autres autoritez d'historiens Ethniques, qui ont parlé de Christ, mais je me suis voulu aider de ce petit nombre seulement, pource qu'ils sont fameux & de grande autorité.

*Que les hommes venus de basse condition, ne doyuent laisser d'essayer à se faire illustres, & de plusieurs exemples à ce propos.*

CHAP. XXXV.

**O**N voit que naturellement les hommes descendus de naure & genereuse lignee, deuiennēt le plus souuēt grands & excellens personages, imitās la naissance noble, & ancienne vertu de leurs ancestres: toutesfois pource qu'il n'y a loy, ny reigle si certaine qui n'ait quelque exception, ceste cy se trouue du nombre: car quelquefois les peres qui sont gens de bien, doctes, & sçauans engendrēt des enfans oiseux, abiets, & inutiles: & neātmoins posē le cas, que ceste reigle fut encore plus certaine, & absolue qu'elle n'est, si est-ce que ceux qui descēdent de basse race, & aussi de pauvres parens, ne doyuent delaisser à mettre toute peine de se rendre vertueux & bien loüables: pource que les maisons, qui le iourd'huy sont tenues & reputees anciennes & nobles, ont prins leur origine de vertu, & ont rendu nobles leurs successeurs. Parquoy afin d'esmonuoir & donner cœur aux hommes d'aspirer à choses hautes, ie me delibere reciter les exemples de quelques vns nés de pauvres parens, qui toutesfois sont deuenus grāds personages, & excellens en vertu, & noble. Pour le premier nous mettōs en auant Tiriat Portugalois, tant estimé par les historiens, & mesme par les Romains, au sang desquels il a tant de fois baigné son espee. Cestuy estoit fils d'un berger, & de son ieune âge aidōit à son pere à garder les brebis: mais ayant le cœur enclin à plus grandes choses, delaisa la garde des bestes dome



domestiques & priuees, pour s'adonner à la poursuite des sauvages, & deuint grãd chasseur. Depuis venant les Romains à mener guerre en Espagne, il assembla plusieurs de ses compagnons, avec lesquels il escarmouchoit bien souuent ses ennemis, & aucunesfois ses amis: & fut si vaillant & adextre aux armes, qu'en peu de iours il assembla des gens en nombre suffisant pour dresser vne armee, & tenir camp: avec lequel il cōmença à faire la guerre aux Romains, pour la deffence de son pays, ce qui dura 14. ans: pendant lequel temps il obrint contr'eux plusieurs grãdes victoires. Era esté tāt qu'il a vescu puissant, craint & redouté de ses ennemis: mais à la fin il fut malheureusement occis en trahison, au grãd regret de toute la gendarmerie, par laquelle il fut noblement mis en sepulture. Arsaces Roy des Parthes, fut de si basse & infime lignee, qu'il ne s'est trouué aucun qui ait entendu quels furent ses parés apres qu'il se fut retiré de la subiection & obeissance d'Alexandre le Grãd, il fut le premier qui constitua Royaume entre les Parthes, peuple tant renômé & craint par les Romains, & au moyen de ses grandes prouesses & vaillâces, les Roys ses successeurs, pour memoire & reuerence de son nom, encore qu'ils n'eussent le Royaume par heredité & succession, furent à cause de luy nommez Arsacides, comme les Empereurs Romains ont pris le nom de Cesar, à cause du grãd Cesar Octauius Auguste. L'excellent Capitaine Agatocles qui pour son sçauoir & grãd cœur fut Roy de Sicile, & fit cruelle guerre aux Cartaginois, estoit de si basse parenté, qu'il me semble auoir leu qu'il estoit fils d'un potier de terre: & que depuis qu'il fut paruenu à cest honneur & dignité de Roy, toutes les fois qu'il faisoit festin, il vouloit que parmy les vases d'or & d'argent, avec lesquels il estoit seruy, on entremeslast des vases de terre, pour démonstrer qu'il se souuenoit du bas lieu de son origine. C'est encore un autre grand exemple celuy de Ptolomee, vn des meilleurs Capitaines d'Alexandre, apres la mort duquel il fut Roy d'Egypte & de Syrie: & tel qu'à cause de son nom ses successeurs Roys d'Egypte furent nommez Ptolomees. Ce Ptolomee estoit fils d'un escuyer nômé Lac, qui iamais ne seruit d'autre chose que d'escuyer en Parmée d'Alexandre. Micerates Athe-



nien fut en l'art & science militaire fort illustre, car il vainquit les Lacedemoniens en bataille rangée, & résista vaillamment à l'impetuosité d'Epaminondas de Thebes Capitaine excellent: & fut celuy qu'Artaxerxes Roy de Perse, esleut Lieutenant general de son armée, quand il voulut faire guerre aux Egyptiens: Si sçauons nous pourtant (selon ce que tous en escriuent) qu'il fut fils d'un sacheur. Je m'estois oublié d'Eumenes, l'un des plus excellens Capitaines qu'eust Alexandre en vaillâce, sçauoir, & bon conseil: la vie duquel & ses grands faits d'armes sont descripts par Plutarque & Paul Emile, lequel encore qu'il ne fust fauorisé es biens & succez de Fortune, comme les autres, si ne laissoit-il pourtant marcher aucun deuant luy: quant à l'art militaire, & si acquit ses vertus & gloires de luy mesme, sans estre aduancé, que par son labeur, luy estant fils d'un homme de basse condition, qui selonc aucuns estoit chartier. Entre les humaines seigneuries & dominations, il n'y en a point eu de si grande & puissante que l'Empire Romain, lequel a esté régi & gouverné par tant de grands personnages excellens en mœurs, & vertus, & neantmoins plusieurs ont aspiré & atteint ce souverain degré de gouvernement, qui estoient de basse & infime parentee. Elie Pertinus Empereur de Rome, fut fils d'un artisan, son ayeul, auoit esté Libertin (c'est à dire qu'il auoit autrefois esté de seruile condition, & depuis auoit acquis liberté) ce neantmoins à cause de sa vertu & valeur, il paruint à l'Empire, puis afin de donner exemple aux autres de bas estat, & les inciter à vertu, il fit couvrir de marbre bien elabouré, toute la boutique où son pere souloit besongner de son mestier. C'est Empereur Elie ne fut pas seul de bas lieu: qui paruint à l'Empire: car Diocletian qui tant illustra Rome de triophantes victoires, estoit seulement fils d'un Scribe: aucuns disent que son pere estoit Libraire, & luy mesme esclave. Valentinian aussi acquit l'Empire, bien qu'il fust fils d'un cordier. L'Empereur Probus estoit fils d'un iardinier. Aurelian, de qui la renommée & vertu fut si grāde, estoit de si basse lignee, que les auteurs ne sont pas seulement d'accord du lieu de sa naissance. Marc Iules Licinie, & aussi Bonose gouvernerent l'Empire de Rome, dont le  
premier



paruenir à honneur.

307

premier estoit fils d'un villageois de Dace : l'autre fils d'un maistre d'eschole. Assez d'autres Empereurs de ce calibre furent à Rome, lesquels pour briefuete ie laisse arriere : cōme Maurice, Iustin, predecesseur de Iustinian, & Galere qui fut berger premier qu'estre Empereur. De ceste haute & supreme dignité, venons au Pontificat & S. Siege Apostolique, auquel sont aussi paruenus des homes de basse condition. Le Pape Iean XXII. fut fils d'un cordonnier natif de France, lequel pour sa vertu & scauoir vint à ce degré, & augmenta le patrimoine & seigneurie de l'Eglise. Le Pape Nicolas V. auparauant nommé Thomas, estoit fils de pauvres parens, qui alloient vendre par les rues de poules & des œufs. Le Pape Sixte IIII. premierement nommé François, & Cordelier, estoit fils d'un marinier. l'en pourrois nommer assez d'autres, que tout expres ie laisse en arriere, pource que ceste dignité ne se doit acquerir par noblesse de sang, ains par vertu. Iesus Christ nous en fait exemple : car le meilleur qui se soit assis en la chaire, & que luy-mesme y mir, fut S. Pierre qui souloit estre pefcheur de poisson, mais il le fit pefcheur des hommes. Et descendant encore aux Roys & Princes, les Romains esleurent pour leur Roy. Tarquin Prisque fils d'un marchand de Corinthe, & encore banny de son pays : lequel estant Roy augmenta les confines de son Royaume, & le nombre des Senateurs, & de la cheualerie : il institua de nouueaux estats pour le seruice & ceremonies de leurs dieux : tellement que le peuple ne se repentoit point d'auoir esleu pour leur Roy un estrange. Seruie Tulle qui fut pareillement Roy de Rome, regna par long temps avec grandes victoires, & qui triompha par trois fois, & en la fin regna Roy fort excellent, estoit réputé de plusieurs fils d'une pauvre seruante, dont il a tousiours retenu le nom de Seruie. Les Roys des Lombards, s'ils ne furent aussi anciens que les Roys de Rome, au moins furent-ils pour leur regard aussi puissans : le troisieme desquels, nommé Lamolie, estoit fils d'une pauvre fême publique, qui en accoucha avec deux autres fils tout en un coup, laquelle, comme peruerse & mauuaise mere, les jetta dans un grand fossé, où il y auoit quelque peu d'eau : d'auanture le Roy Agelmond passant par là,



vid cest enfant en l'eau, & le toucha tout doucement du bout de la lance qu'il tenoit en ses mains, afin de scauoir que c'estoit, mais l'enfant tout ieune qu'il estoit, le sentant touché empoigna le fust de la lance avec la main, sans le laisser; ce que voyant le Roy fort esmerueillé qu'une si petite creature eust monstree telle force, le fit tirer dehors & nourrir avec grand cure & soin: & pource que le lieu où il l'auoit trouué estoit surnommé Lama, il le fit nommer Lamusie: lequel deuint tel, & eut fortune si favorable qu'il fut Roy des Lombards, & dura sa succession iusqu'au Roy Albouin, en la personne duquel elle fut perdue. Vn autre cas non moindre que cestuy cy aduint au Royaume de Boëme: car vn nommé Primislas, fils d'un paylan, fut esleu pédant qu'il labouroit la terre emmy les champs: pource qu'estant les Boëmiens en doute quel ils deuoyent eslire Roy, mirent aux champs vn cheual sans bride, ny sans frein, & le laisserent aller à son vouloir, ayant ferme propos d'eslire pour leur Roy celuy auquel le cheual s'arresteroit: si aduint d'auanture que ce cheual s'arresta tout droit deuant Primislas, qui alors tiroit & labouroit la charrue aux chāps: parquoy ils l'esleurent pour leur Roy, où il se gouerna excellemment & sagement. Il fit plusieurs loix, & entourna de murailles la ville de Prague, avec plusieurs autres notables choses. Le grand Tâburlā, duquel nous auons recité les merueilleux faits, estoit pasteur de son commencement. Le vertueux & vaillant Capitaine, pere de François Sforce, les enfans & successeurs duquel furent iusqu'à nostre tēps Ducs de Milan, estoit natif d'un village nommé Cotignol, & fils d'un pauvre laboureur: mais estant naturellement enclin aux armes, avec le bon cœur qu'il auoit, laissa la vacation de son pere pour suyure vne troupe de soldats qui passoient par sa contree, & deuint treslouable Capitaine. C. Marius Consul Romain, issu de basse race, né d'un pauvre village nommé Arpinas, fut en son temps tel, & si vaillāt capitaine de guerre que chacun scait: même a esté Cōsul de Rome par sept fois, pendant lequel temps il obtint de grandes victoires, & eut dedans Rome deux magnifiques triomphes. Marc Tule Ciceron Prince de l'eloquēce Latine, & tresdoctre en toutes disciplines, fut Cōsul à Rome, & pro-



consul en Asie : & neantmoins son origine n'estoit que de ce pauvre Tuguriole d'Arpinas, & si n'estoit point de lignage plus apparent. Ventidie fils d'un homme fort abiect, estoit muletier: mais il laissa ceste vacation, & vint à estre cogneu en la guerre de Cesar: moyennant la faueur duquel il obtint par sa vertu & vaillance, qu'il fut chef de bande, puis Maréchal de Camp, & en apres fut pontife; & depuis consul de Rome: & combatant contre les Parthes, les vainquit, & triompha d'eux, & fut le premier qui en rapporta la victoire apparente & notable. Ce seroit chose fort longue de vouloir amener pour exemple, tous les descendus de bas lieu, qui par leurs sciences & lettres sont paruenus à grands estats & renommee. Virgile estoit fils d'un potier, & neantmoins il fut le meilleur poëte des Latins. Quinte Horace, qui à mon aduis n'eut son pareil en poësie. Eustache & Pepin furent enfans d'esclaves afrachis: l'excellent Philosophe Theophraste estoit fils d'un repetaisseur d'habillemens: le Philosophe Meneceme, pour la doctrine duquel les Atheniens luy dresserent vne statue, estoit fils d'un homme mecanique: il y en a encore vne infinité d'autres, dont ie ne parle point. Par ces exemples lon peut cognoistre que l'homme de quelque estat qu'il naisse, peut, s'il veut pourchasser, deuenir grand, pourueu qu'il prenne le chemin de vertu, qui s'aquiert par travail & peine, sans toutesfois s'esgarter du chemin du Ciel: pource que faisant autrement, que luy vaudroit l'acquisition de tout le monde, quand son ame souffrirait perpetuel tourment.

*De diuerses choses aduenues à l'Empeur Iust. ian. & maints autres de son temps, & celles de Louys Sforce.*

CHAP. XXXVI.

EN l'an de nostre Seigneur 486. estant reduit l'Empire en Constantinople, Iustinian second fut Empereur, qui par aucuns a esté nommé Iustin: il fut mauuais Chrestien, & subiet à tresmeschâtes inclinations. Au commencement, ses Affaires luy succederent assez bien pource que les Sarrazins qui auoyent vsurpé l'Afrique, firent paix avec les capitaines: mais à cause de sa cruauté, il fut mal voulu, tellement qu'ils reçurent la punition meritee:



car en l'an dixiesme de son Empire, fut coniuaté cõtre luy par Leonce Senateur, Cõstantinopolitain, & Galenie patriache, voire au tẽps, qu'il pensoit estre en sa plus grãde prosperitẽ. Ce Leonce, avec la faueur du peupple, & autres principaux en l'Empire, vint aupalais, ou sans trouuer aucune resistance, print Iustinia, & luy coppa le nez: quelques vns dient aussi la langue: & se nommant Empereur, il le relegua en la ville de Chersonne sur la mer de Pont, ou se trouua Iustinian seul, pauvre, & sans nez. Estãt dõc Leonce parueniu à son intention & se voyant Empereur pacifique, enuoya vn de ses capitaines nommẽ Jean, en Afrique contre les Sarrazins, qui encore la possedoyent, desquels ayant eu la victoire, & laissant la son armee au meilleur equippage, & bon ordre qu'il peut, s'en alla vers Leonce pour luy rendre compte de sa charge. Cependant s'esteua en son armee vn nõmẽ Asimare, qui depuis par les Soldats fut appellẽ Tibere: lequel se faisant Empereur du consentement de tous, la chose luy succeda si heureusement, qu'en toute diligence il vint en Cõstantinople, où il print Leonce, qui auoit estẽ Empereur trois ans, & luy fit couper le nez, comme il auoit fait à Iustinian: & le mit prisonnier en vn monastere, pour luy donner plus de torment, & puis la mort. Semblablement fit releguer & bannir en Cefalonne, vn nommẽ Philippique, pource qu'il auoit songẽ qu'un aigle s'estoit mise sur sa teste, ce qu'il luy sembloit presager que l'Empire luy deuoit venir entre ses mains. Par ce moyẽ demeura Tibere Empereur pacifique, & regna six ou sept ans sans craindre de personne: pendant lequel temps, le diable regna tellemẽt en luy, qu'il delibera faire mourir Iustinian, doutant qu'il eust machinẽ aucune chose contre luy: dequoy aduertit Iustinian, s'enfuit à recours en la maison d'un Prince de Barbarie, duquel il fut bien receu: luy promettant sa fille en mariage, & autres grandes choses. Ainsi estant là, en quelque esperance, & luy semblant n'auoir plus cause de craindre, fut aduertit que son nouueau beau pere le vouloit prendre, & l'enuoyer pour de l'argent à Tibere. parquoy il s'enfuit, & se retira vers le Roy de Bulgarie, nommẽ Vuelle, par l'aide duquel (luy ayant promis de prendre sa sœur en mariage) il assembla vne armee qu'il mena contre Tibere & le,



& le vainquit en bataille: ce qu'il n'eust iamais peu faire, si Tibere l'eust laissé en repos, sans le molester en son exil, en ceste sorte recouura Iustinian, son Empire, bien qu'il n'eust plus de nez, & qu'il eust fait experience du pouuoir de fortune, qui s'estoit lors retiree en arriere. Luy arriué en Cōstantinople, il trouua en prison ce Leode qui luy auoit osté l'Empire & le nez, lequel apres plusieurs tourmens, il fit mourir avec Tibere: & toutes les fois qu'il songeoit à son nez coupé, il faisoit mourir vn de ceux qui auoyēt coniuéré contre luy. Quand il fut reintegré en la dignité, il pensa faire vne chose, qui fut cause que derechef il perdit son Empire: & delibera de faire mourir ce Philippique, dont nous auons parlé, qui fut banni à cause du songe de l'aigle, & qui estoit en son exil sans penser ny machiner aucune chose: & pareillement il querella contre les habitās de Chersonne, disant qu'ils auoyent mal traicté pēdant son exil, & leua gens pour cest effect: ce neantmoins il fut tres-instamment prié d'auoir pitié du pauvre banni, dōt il ne voulut rien faire. Au moyē de quoy, voyāt ce Philippique, que l'Empereur alloit cōtre Chersonne, luy cōme tout desesperé, print par contrainte cōr de se deffēdre, & n'ayāt autre remede, se mit avec si peu de gēs qu'il peut assēbler, & se presenta contre Iustinia qu'il vainquit, & luy fit trēcher la teste, & aussi à son fils: ce fait, bāni qu'il estoit, demeura Empereur. Et en ceste sorte se iōia Fortune avec Iustinian, iusques à ce qu'elle luy eust fait perdre la vie, & l'Empire. Le semblable aduint à Philippique: car au bout de six mois, vn nommé Anastase s'esleua contre luy: & apres luy auoir creuē les yeux, luy osta l'Empire, le retenāt pour soy, par l'espace d'vn an seulement, pource que au bout de l'an, vn autre nommé Theodose, se bāda cōtre luy, & le fit faire Moine, en le priuāt de son Empire. Voila cōmēt Fortune se mainzēoit sur les affaires de Iustinia, & des autres, en faisant Empereurs les exilez, & exilant les Empeteur: rebailant aux depossedez puis qu'ils n'auoyēt au parauāt, afin de les despoüiller d'auantage: & si fut en fin cruelle cōtre tous, ne faisant aucū biē aux vns, pour mal que souffrisent les autres: car à aucū elle osta ce qu'elle donna aux autres, pour à la fin leur oster tout. Dés le cōmēcement elle leur



eust bien peu dōner fin, lors qu'ils n'estoyent en si grands estats mais elle les vouloit hausser pour les abaïsser d'auantage: & leur dōna beaucoup, afin de ne leur oster peu. Elle n'en fit mourir aucun en sa prosperité, ains se virent deposseder auparauint que de mourir. Et combien que ceste histoire soit certaine, & qu'elle deust seruir d'exemple, si se trouue il tousiours quelqu'un qui pourchasse & souhaite l'Empire: les autheurs de ces choses sont Blond, Platine, Antonin, & autres. J'ay recit  ce que la Fortune fit   plusieurs, maintenant ie veux conter ce qu'elle a fait   vn seul, qui fut Duc de Milan, nom  Louys, frere de Galeas Sforce Duc de Milan, qu'un nom  Iean Andr , qu'il auoit nourry. & esleu , tua en l'Eglise S. Estienne de Mil , oyant la Messe. Us furent tous deux enfans de cest Illustr  Capiraine Fr ois Sforce. Ce Louys fut nourry avec les autres freres en grand estat, & puissance, c me enfans d'un des plus apparens Princes de son temps, & qui fut pareillement Capitaine fort excellent. Par la mort de Galeas, demeura pour successeur un sien fils en gr d ieunesse nom  Iean, en la tutelle & gouuernement de Bonne sa mere, & d'un nom  Chico natif de Calabre, qui auoit est  bien fauoris  du pere & de l'ayeul: lequel Chico b nit inc r nent les freres du Duc mort: au moyen dequoy ce Louys l'un d'iceux, all  fuitif par le pais aprint   gouter les mutations de Fortune, ou pour mieulx dire, du monde: &   la verit  sa douleur estoit grande, voyant en un mesme temps,   l'entree de sa ieunesse, son frere mort par trahison, & le bi  de son nepueu, que par raison il deuoit administrer, estre mis en main d'un estr ger de basse condition, &   l'occasion duquel il ne tenoit point sa vie assuree: toutesfoi  ceste rou  se tourna, & luy c me sage & d'un grand c ur, chercha le moyen de faueur & secours, & le trouua car il entra par force d s Milan, & dechassa Bonne & Chico: parquoy il demeura pacifique gouuerneur de tout le bien paternel. S  nepueu estoit si debile, & luy si vaill t, qu'il gouuerna tout plus de 20. ans pendant lesquels moy nant son grand c ur & s auoir, il augmenta ses biens en paix & guerre, est  riche craint, & bien voulu par toute l'Italie, & luy particulierem t aim . Il acquit gr d h neur en paix, & encore plus en guer-



re principalemēt en celle que les Florentins auoyent lors contre le Pape Sixte quatriesme, & contre le Roy Ferrand de Naples: en laquelle guerre les Florentins furent en danger d'estre destruits & ruinez: mais l'autorité de ce Louis leur fut remede propice, & les mit en paix & seureté. Ayant aussi ce Roy Ferrand perdu quelques places aux guerres qu'il auoit eues contre le Turc en Calabre, il luy donna secours d'hommes & d'argent pour les recouquer. Il defendit par armes le Duc de Ferrare contre la puissance des Venitiens, qui l'auoyent reduit à telle extrémité, qu'il ne se pouuoit plus deffendre: depuis ayans les Venitiens esmeu guerre contre luy, il se defendit en sorte qu'il entra iusques dedans leurs terres, & fut en son pouuoir de leur accorder paix quand il luy fut agreable, & non plustost. Vne autrefois au Roy de Naples, estant fort empesché pour aucuns des principaux de son pays qui luy estoient rebelles, il donna tel aide & support, qu'il le conserva en son Royaume, & en ses estats. Gennes qui luy fut rebelle, avec Bonne sa belle sœur, il reduisit de nouveau en son obeissance: il donna telle aide au Duc de Sauoye, les vassaux duquel ne luy vouloyent obtempérer, qu'il les rendit tous obeysans. Cognoissant aussi que le Pape Alexandre sixiesme, si tost qu'il fust esleu, cheut en grand necessité, il le secourut gracieusement avec grande somme d'argent. Il maria le Duc son nepueu avec la fille du Roy de Naples, & donna sa niepce pour femme à Maximilian Roy des Romains. Il remit le Marquis de Saluces en ses biens & estats. Apres toutes ses prosperitez, mourut son nepueu seül, laissant vn enfant fort petit: parquoy luy comme seigneur absolu, par la permission de l'Empereur Maximilian, se nomma Duc de Milan. Alors il estoit ia vieil & se tenoit au dessus de toutes ses prosperitez & honneurs quand Fortune luy tourna le dos, & luy furent les Venitiens ennemis, en faueur de Louys douziiesme, Roy de France, qui disoit la Duché de Milan luy appartenir à cause de sa mere. A ceste cause, il eut guerre des deux costez: & combien qu'il fut fort puissant Prince: toutesfois ou pource qu'il se desioit de ses gens, ou pource qu'il luy sembloit n'estre assez fort pour resister à ceste impetuosité, sans les espalles & secours d'aucuns des Princes, qui



auoyent receu de luy tant de biens faits & aides, il conclud de ne point attendre le choc; ains en mettant par tout le meilleur ordre qu'il peut, abandonna son estât, qui en moins d'un mois fut tout perdu. Il n'arresta gueres apres que Fortune recommença son esperâce car estant fuitif en Allemagne, il y trouua faueur & secours, tellement qu'au bout de cinq mois il retourna avec gros exercite, & luy succeda son entree assez bié: car il print plusieurs lieux, & villes de son territoire & si estoit en esperance de reconquerir le tout: mais estât prest de cōbattre, non seulement les Suisses. refuserent la bataille, mais aussi le prindrent & liurerent entre les mains des François qui le menerent en France, où finalement il mourut prisonnier au chasteau de Loches en Touraine: & ne luy seruit aucunement d'auoir esté puissant & riche: pource que Fortune luy donna tous ces biens pour luy dōner en fin plus grāde aduersité. Mais quoy? ce sont des traueses qui fait faire le monde. Parquoy ie dy que celuy qui moins a & moins desire auoir, est le plus contēt & assēuré. Que les hommes donc soyent contens de leurs biens, & qu'ils vient & se seruent en paix de ce que Dieu leur donne: car i'ay leu de plusieurs qui ont desiré maintes choses, lesquelles apres qu'il les ont eues, ont esté cause de leur faire perdre la vie: & Dieu sçait où vont leurs ames apres ces entrefaites.

~~XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX~~  
 De l'opinion que les Romains & autres anciens auoyent de Fortune qu'ils mettoient au nombre des dieux: en quelle forme & figure ils la peignoient: & qu'il n'y a point de Fortune entre les Chrestiens, pource que tout se doit referer à Dieu.

CHAP. XXXVIII.

**P**Vis que nous auōs mōstré l'instabilité du monde, par les exemples de tant d'hommes (ce que chacun attribue fausement à Fortune) c'est bien raison que maintenant nous parlions quelque peu de ce que les Ethniques & Gentils ont senti de ceste vanité, puis conclure avec les Chrestiens. Entre les autres erreurs, que ces sages Philosophes ont eues en la sapience humaine, estans priuez de la vraye & diuine, fut ceste cy la principale occasiō que ne sçagnoissāt les causes d'où procedoyēt les effets, & ne sçachans



chans qui les faisoit & ordonnoit, plusieurs d'entr'eux nommerent œures de Fortune, tous soudains euemens & choses non esperees: & toutesfois ne s'arrestèrent pas seulement là ains n'estât Fortune autre chose qu'une imagination sans essence, plusieurs l'ont creüe estre vne diuinité, & particuliere deesse: à laquelle ils attribuerent tous accidens humains, fut en prosperité, ou aduersité ils la repouterent gouvernante, & administratrice de tous biens, & de tous maux: & est ceste folie venue iusqu'à tel point, que Virgile la nomme Toute puissante: & Cicéron en ses Offices a osé dire ces paroles. Qui est celuy qui ne sçait que le pouuoir de Fortune est tresgrand egallement en bien & en mal, poutce que si elle nous aide de son vent prospere, nous paruenons au but de nos desirs: si au contraire, nous sommes affigéz iusqu'à l'extremité. Saluste historiographe dit que fortune est maistresse sur toutes choses. Iuenal s'accorde avec eux disant: si Fortune veut, de simple aduocat tu seras fait consul: mais si au contraire tu deuieudras de consul simple aduocaceau: en sorte qu'ils attribuoÿt toute puisſance à Fortune. Et toutesfois c'est chose esmerueillable, qu'estant en cest opinion ils blasphemoyent si fort contre elle, qu'ils luy imposoyent des noms, & epithetes abominables, hors de toute reuerence & honneur. Plin dit: Certainement en tous lieux à toutes heures, & par toutes personnes, la seule Fortune est innoquee, elle est seule appelée, seule accusée, & pourſuyue: en elle seule on pense, seule louée, seule blasmée avec iniures & reproches, seule honnorée, estimée, & reputée muable, & d'aucuns au engle, instable inconstante, incertaine, variable, & aux indignes fauorable à elle seule on refere toutes mises & receptes, en tous les contes & raisons des hommes mortels elle tient l'une & l'autre page du liure: de sorte que nous sommes de sa telle condition, que ceste Fortune est par nous reputée Dieu, & par ce moyen nous approuuons Dieu estre incertain voila les mors de Plin. Ces antiques luy faisoient aussi des statues de diuerses formes, selon les effets qu'ils se persuadoient estre en elle: quand ils luy vouloyent attribuer victoire, ils la peignoient forte, & virile, aussi auoyent ils un temple particulier dedie à la forte Fortune



Fortune<sup>1</sup>, lequel selon Tite Liue (fut edifié par Camille consul, de la proye & butin des Getrusques : & long réps après fut ordonné, que sa feste seroit celebree le vingt cinquiésme iour de Iuin, pource qu'à tel iour Asdrubal vaincu, & desfait, & que le Roy Massinisse amy des Romains, auoit ce mesme iour vaincu le Roy Sifax. Outre cels Romains luy firent vn autre temple, à deux petites lieues pres de Rome, où elle fut depeinte en figure de femme, pource qu'en ce lieu Coriolan venant en armes contre sa patrie, auoit executé la priere de sa mere, & s'en estoit tourné pardonnant à Rome, sur laquelle il venoit de propos delibéré pour la saccager & destruire de fons en comble. Et en ceste forme de femme enleuee en statue le diable s'y estant mis, rendit responce par plusieurs fois, & la tenoyét pour oracle. Ils auoyét aussi vne autre temple particulier dedié à male Fortune : & estoient en ceste aueuglee deuotion qu'ils croyoient que celuy qui estoit fort deuotieux enuers ceste Fortune, toutes choses luy succedoyét en bien : & à celuy qui ne l'estoit point, toutes choses luy tournoyét en malheur. Et de toute ceste tro-  
perie estoit autheur le diable afin qu'il y creüssent d'au-  
tagé : cōme il aduint à Galba, auquel pour auoir osté vn collier d'or à ceste statue de Fortune, pour le dedier à Venus selō que dient les historiens, Fortune s'apparust à luy la nuit ensuyuant, le menaça, dont tost apres s'en ensuyuit la mort. La vanité de ce peuple estoit si grāde qu'il auoyent aussi vne statue de Fortune barbue, & pensoyent que les iouuenceaux qui l'auoyent en deuotion, porte-  
royét belle barbe & bien disposee, & ceux qui la mespri-  
seroyent, l'auoyent aussi tout au contraire. Toutes ces choses ils faisoient pour la diuersité des respects & cōsi-  
derations : & neantmoins pour signifier tout le pouuoir, que selon leur opinion, elle auoit, & la diuersité de sa na-  
ture, ils la figur oyent en diuerses sortes. Le Philosophe Cebes la depeignoit en figure de femme, comme furieuse, aueugle, & sans sentiment, ayant les pieds sur vne pierre ronde, pour signifier son instabilité, Vupal fut le premier en Grece qui fit statue à Fortune en la ville de Smirne : el-  
le auoit le Ciel sur sa teste, & en l'une de ses mains vne corne d'abondance. Les Scites la peignoient en femme  
sans



sans pieds, ayât toutesfois des mains & des aïles. Autres  
 la peignoient avec vn timon ou gouvernail de nauire  
 en l'vue de ses mains. & en l'autre la corne d'abondance:  
 voulans inferer qu'elle gouvernoit tout, & cōcedoit les  
 biens au monde. D'autres la faisoient de verre, pource  
 qu'elle est fragile, & se rōpt en moins de rien. Quelques  
 autres la peignoient tournant vne roüe, sur le haut de  
 laquelle aucuns estoient assis, autres vouloyēt monter,  
 & les autres en tresbuchoyent. L'vn disoit qu'elle estoit  
 cōme vne comedie, en laquelle les vns entrent quelque-  
 fois comme Roys, & grands Seigneurs, & tantost apres  
 changeans de vestement, entrent cōme esclauës & serfs:  
 pource que ceste vie humaine est ainsi gouvernee, y estāt  
 auourd'huy vn riche qui demain sera pauvre. Socrates  
 l'accōparoit à vne place publique, ou theatre sans ordre,  
 là ou le plus sonuēt aduient que les meilleurs sont au pire  
 lieu. Les anciens la peignoient aueugle: & à ce propos  
 Apulee en son asne doré, dit ces mots: Non sans cause les  
 hommes de la vieille doctrine, ont peint Fortune aueu-  
 gle, veu que tousiours elle donne ses richesses aux per-  
 uers, & indignes d'icelles, & ne fait iamais bōne election  
 entre les hommes, ains le plus communēmēt fauorise &  
 se communique aux meschans, & si elle auoit des yeux,  
 elle fuyroit. Il y a infinité d'autoritez qu'on pourroit  
 amener sus les noms bons & mauuais, qui ont esté attri-  
 buez à ceste Fortune, Valere & Clandian l'appellerēt en-  
 uieuse: Ouide en ses Fastes la nomme forte & douteuse,  
 & en ses epistres, meschante: Iuuenal en ses Satires, mau-  
 uaise & peruerse: Lucian, traistresse & pariure: Silius Itali-  
 cus, cauteleuse: Virgile en vn endroit la nōme toute puis-  
 sante, & ailleurs la nōme inconstāte, infidele, & desloya-  
 le: Ciceron, de qui nous auons parlé, & qui luy attribuoit  
 tant de puissance, qu'il l'appelloit la guide & cōduite des  
 hommes à bien viure, dit qu'il n'y a rien si contraire à  
 raison, & cōstance que la Fortune: & toutesfois la vanité  
 des anciens Romains estoit si grande, qu'ils adoroient  
 celle qu'ils cognoissent aueugle, faulse, & inconstante, &  
 luy faisoient des temples & si curieusēmēt s'employoient  
 à ses superstitiōs, que les Empereurs de Rome tenoient  
 la statue de Fortune en la mesme chambre, ou ils dor-  
 moyent.



moyent: & quand l'un d'eux mouroit, elle estoit transportee en la chambre de son successeur. Le premier qui luy fit edifier temple à Rome (selon que recite Tite Luce, fut Seruie Tulle sixiesme Roy des Romains. Et Plutarque au liure de la Fortune des Romains, dit de la Fortune virile, que bien que Marcius quatriesme Roy, fut le premier qui luy edifia tēple, si est-ce que ce Seruie Tulle, luy imposa plusieurs noms: pour chacun desquels il fit faire vn temple, l'un à Fortune virile, à la petite Fortune, à la prosperite, à la mauuaise, & autres tels noms. Le temple de la Fortune virile estoit basti aupres du Tibre, & selō quelques vns pres d'un lac: auquel temple les filles qui estoient en aage nobile, s'en alloient presenter en grande deuotion; & se despoüilloient en chemise en la presence de ceste statue de Fortune: & puis luy descouroyēt tout leur defaut, s'aucunes en auoyent sur elles, croyans que Fortune le tiēdroit occulte & cachē, y besongnat en fortune que ceux qui les prendroyēt à femme ne s'en apperceuroient point: ce que tesmoigne Ouide en ses Fastes. Et quand la puissance des Romains vint à croistre, & s'augmenter, de tant plus creut ceste religion de Fortune, luy faisant edifier des tēples selō la diuersitē des noms qu'ils luy imposoyent, & non pas seulement à Rome, mais aussi en autres contrées d'Italie. Si faut-il croire que toutes ces vanitez, & maintes autres qui se pourroyent descouurir à ce propos estoient vne vraye deception, & tromperie d'hommes cheminans sans lumiere, & qui se confioient seulement en leur sçauoir: car suyuant la verité, toutes choses qui se font en tout l'vniuersel, soyent elles en la terre, ou au Ciel, ou aux enfers, procedent & procèdent de l'inscrutable prouidence, & souveraine sapience de Dieu: ce n'est ny fortune, ny cas d'auanture, pource que routes choses ont en soy cause & ordre esmerueillable. Et plus (soit qu'entre nous hommes bien souuent ne l'entendions, ny cognoissions) aucunes causes en engendrent d'autres, qui ne viennent de cas fortuit, & en fin routes se vont arrester à la premiere cause, qui est Dieu, motif, facteur, & gouverneur de tout: c'est la verité: que doit croire, cognoistre, & tenir tout fidele & vray. Chrestien. Laënce Firmian, se moque sagement de ceux



ceux qui attribuent les aduentures du monde à Fortune. Et S. Augustin en ses retractions, se desdit de ce que par la cōmune maniere de parler, il auoit attribué à Fortune, le bon-heur d'un hōme, & loue en ce mēme endroit David, de ce qu'il attribue toutes les tribulations au iugement de Dieu: ainsi donc le Chrestien doit croire que tout prouient de Dieu. Or outre ce que plusieurs anciens ont cogneu ceste verité. Saluste dit, que chacū est la principale cause, & motif de sa Fortune: & en son Poēme de la guerre de Iugurta, dit, que les paresseux & negligēs se pleignēt de Fortune sans occasion: Iuuenal en la dixiesme Satire, dit plus clairement, que là où est prodēce, Fortune n'a force ny dignitē, cōbiē q̄ nous la fassios Deesse, & la mettions iusqu'au Ciel. Il y a eu d'autres Philosophes, lesquels encore qu'ils disent, que Fortune de sa propre vertu & puissiance, ne pouuoit rien faire, croyoient qu'elle fust ministre & instrument de la diuine prouidence, comme si Dieu auoit besoin qu'un autre besongnast pour luy, qui n'est pas moindre vanité que celles que nous auons recitees, & autres que ie laisse en arriere pource qu'il me semble que ie suis proluxe: ce neantmoins ie l'ay voulu dire, afin que le simple peuple Chrestien, trop ignorant, perde ceste mauuaise coustume, qu'ils ont de se plaindre de Fortune, quand quelque chose leur vient au contraire de ce qu'ils pensent: car il faut croire qu'il n'y a rien qui dispose que Dieu seul, auquel il faut auoir recours pour les necessitez humaines.

~~~~~

*Qu'outre les proprietēz des choses elementaires, il y a beaucoup d'autres proprietēz occultes & merueilleuses, qui ne sont des elemens.*

CHAP. XXXVII.

**A**Yans quelques vns des anciens Philosophes descouuert par leur science infinies proprietēz & vertus des herbes, des planettes, & des pierres, ie dy de celles que l'esprit & industrie des hommes a peu atteindre outre ce que la necessitē & le tēps, avec l'experience en ont monstré, & d'oū tant de remedes & biens sont venus, & aussi pource que l'intelligence humaine n'a aucun repos,

& ne



& ne luy est iamais aduës qu'elle seache parfaictemēt les choses, iusqu'à ce qu'elle cognoisse les causes & raisons, & en voye les qualitez & effets: ils se font mis à perscruter & sonder l'origine d'où prouiennent telles forces & vertus: & ont trouuë en ceste contēplatiō maiotes occasions certaines qui se pouoyent entendre & cognoistre, ayans mesmemēt aucuns principes naturels, & cognoissance de la qualite des elemens, dequels sont composees toutes choses inferieures, ainsi que sōt les causes & proprietēz des choses qu'on nomme elementaires: comme eschauffer, refroidir, humecter, & desseicher, qui se nommēt qualitez principales, ou premieres. Ces Philosophes ont cogneu que cela procedoit des quatre elemens, eau, terre, air, & feu: dont les qualitez sont, froideur, & sechesse, humidité, & chaleur. Il y a encore d'autres qualitez ez choses qu'ils ont cogneu deriuer semblablement des elemens, & par la mixtion d'iceux, & les ont nommez qualitez secondes: comme vne chose auoir proprietē d'adoucir, vne autre de mollifier, ou affermir, de conseruer, estre doux, ou amer: lesquelles proprietēz ou forces, se trouuent ez choses cōposees de quatre elemens, encore que cela ne se cognoisse point aux quatre elemens simples: pource que la meslange d'iceux cause telles proprietēz. Par ainsi ces hōmes là qui entendent d'où procedent ces causes, les tiēnent pour claires & certaines: toutesfois il y a d'autres proprietēz & vertus ez choses qui se nommēt occultes & merueilleuses, pource qu'on ne sçait d'où elles viennent, & n'en est point la raison entendue: combien qu'on cognoisse clairement, que cela ne se deriue des qualitez elementaires: & de ces choses cy, nous parlerons cōme des choses les plus desirées, & les moins entendues. Nous voyons que la pierre d'aimant autrement nommee Calamite, esleue de terre les pieces d'acier & de fer, qui pesent le quart de son poids, & si l'occasion n'en est point manifeste, encore qu'on cognoisse bien que ceste qualite ne procede des elemens: ce n'est point la chaleur du feu, qui la cause, ny la secheresse de la terre: ains est vne autre vertu secreete & cachee. Encore ceste pierre de Calamite n'a pas seulement ceste proprietē en soy, ains la communique aux autres choses: qu'il soit vray, si on en frotte



frotte la pointe d'un cousteau, ceste pointe reçoit & participe tant de ceste vertu, qu'elle esleuera un clou ou vne esguille, ou quelque autre petite piece de fer ou d'acier, sans y toucher du cousteau. Encore l'acier ainsi touché, prend aussi vne autre propriété merueilleuse de la mesme piece: car estant mis en liberté, il se dresse & tourne vers le pole artique: & à ceste occasion les Mariniers ont inuēté l'usage de la bonzole, & si ne sçauōs pourquoy ny commēt. On sçait aussi pour chose certaine d'un poisson fort petit, nommé en Grec Echeneis, & en Latin Remora, s'il s'attache à vne Nauiŕe, encore qu'elle voise à voile ouuert, il la retient, & ne la laisse aller: si void-on bien qu'il est impossible que cela se face par sa force, estant si petit, ains par quelque propriété & occulte vertu. L'agarie purge le flegme, la Rubarbe desseiche & purge la cholere, l'herbe nommee Epitimie, nettoie la mélancolie, sans qu'on sçache d'où leur vient ceste propriété. Si quelqu'un dit, c'est pource que ces drogues sont chaudes, il s'ensuyuroit que l'Orpiment qui est chaud feroit semblable effect: & toutesfois nous voyons que de sa nature il eschauffe, & resstreint. L'autruche mange & consomme le fer, & ce par secrette propriété, & non pour estre fort chaud: car le Lyon l'est d'auantage, & si ne le fait pas. Les cailles mangent de l'hélebole sans qu'il leur face mal, & si les autres oyseaux en mangent ils en meurent incontinent. Le feu bruste & consume toutes choses, & neantmoins quelques vns disent que la Salamandre, & un papillon nommé par les Grecs Pirausta, par un secret de nature s'y nourrissent. On dit que si un homme ayant vne chiēne avec soy, frappe vne fois vne coleuure, elle meurt, & s'il la frappe deux fois, elle sera guerie: le Iaspe & quelques autres pierres estanchent le sang, l'Escharboucle illumine & reluit de nuit & en tenebres: la Iacinte selon aucuns est bonne contre la foudre: la Turquoise est bonne pour garder l'homme d'une cheute casuelle, car en se brillant dans le chaton l'homme est sauué du mal: le Diamant est bon aux femmes grosses, & si on demande d'où viennent ces proprietiez, peu d'hommes le sçauront dire. En ces proprietiez & forces ainsi secretttes & merueilleuses, y a vne autre chose digne de considération: c'est qu'au-



eunes, de ces choses ont telles proprietéz en toute la  
 mesme chose, & non en partie: comme nous auons par-  
 lé du poisson Echeneis, qui est suffisant à retenir le cours  
 d'une nauiure: ce qui n'est propre en vne seule partie de  
 ce poisson, ains en tout le corps: aussi l'ombre de la Hie-  
 ne fait les chiens rauques, & enrouëz: mais il faut enten-  
 dre que c'est l'ombre de tout le corps, & non partie d'i-  
 celuy. Il y a d'autres choses qui ont la propriété en leur  
 tout seulement, & non en partie, comme l'herbe Ce-  
 lidoine nommée Esclere en François, qui est bonne  
 pour la veüe en tout, & en partie, aussi bien les racines  
 comme les feuilles, & la semente. D'autres y a qui ont de  
 secrettes vertus seulement en partie de soy, comme on  
 dit des yeux du loup, que s'il void l'homme premier, que  
 l'homme l'ait veu, cest homme deviendra enrouë. La  
 mesme Hiene à particuliere propriété aux yeux, car si el-  
 le regarde quelque beste arrestee en vne place, elle l'en-  
 dort, & fait deuenir si estourdie qu'elle ne se peut mou-  
 uoir. Le Basilic à seulemēt le venin aux yeux, & tue avec  
 le regard. On dit que les formis fuyent le cœur de la hu-  
 pe, & non pas les pieds ny la teste. Aucuns disent que le  
 cœur du chien a telle propriété que celuy qui le portera  
 sur soy, fera fuyr de luy les chiens; & que le fiel de chieure  
 mis en vn vaisseau d'airain, en lieu où il y ait des gre-  
 nouilles, elles s'assembleront toutes a l'entour. Encor est  
 à sçauoir que quelques vnes de ces choses, & mesmement  
 les bestes n'ont ceste propriété, que pendant qu'elles sont  
 en vie, & les perdent par la mort: autres durent apres la  
 mort comme l'Aigle, laquelle comme pendant sa vie est  
 victorieuse de tous les oiseaux, aussi apres sa mort, sa plu-  
 me mise avec les autres, les deuore & consume. La peau  
 d'un Lyon gaste les peaux des autres animaux: & celle du  
 Loup, mange & consume celle de l'agneau. Nous voyons  
 pareillement aux herbes, que depuis qu'elles sont seiches,  
 elles ne laissent pas d'auoir, & conseruer leur propriété.  
 Ces vertus, & quelques autres ont esté veües, & cognues  
 par la curiosité de l'homme qui ne les a nommees secret-  
 tes & occultes, pource qu'elles ne sont tenues pour bien  
 certaines: encores qu'elles ayent esté experimentees: &  
 qu'on ne sçache la cause d'où telle vertu prouiēt. Alexan-  
 dre



dre Afrodise au commencement de ses Problemes les appelle incognûs, & dit que seulement Dieu auteur de tous les cognoist: aussi y a il eu quelques auteurs qui ont escrit de la propriété des choses, faisant les causes d'icelles, comme chose estant hors de leur cognoissance: & en ceste sorte sont passez Theophraste, Dioscoride, Isaac Luif, & plusieurs autres. Toutesfois il y en a eu d'autres, qui ne voulans confesser leur ignorance en cela, en ont donné quelque origine, mais ils sont differens en leurs opinions. Platon & les Academiques attribuent l'origine de ceste vertu immediatement aux Idees de routes choses, qu'ils mettent en Dieu, comme origine, principe & premiere cause. Autres Philosophes naturels attribuent les causes de ces operations aux esprits celestes, ou aanges. Albert le Grand le dit provenir de la speciale forme & substance de chascune chose: à quoy se conforme Leonard Camille au second liure du miroir des pierres. Hermes & maints autres Astrologues, avec lesquels s'accorde Marcile Ficin, en attribuent le tout aux estoiles & figures celestes: & ceste cy est la plus commune opinion que nous suyons maintenant, encore qu'il semble que ils soyent d'une opinion par conformité de suiet, s'arrestans tous en Dieu, qui est la premiere cause, & createur de tout. Mais revenons à nos estoiles & planettes, qui sont les instrumens & gouverneurs de ce bas monde: car ces secretes & particulieres proprieté, dont nous parlons, en deriuent. Et si faut entendre que ces forces secretes des choses, sont aussi variables & diuerses, comme elles sont suiettes à diuerses & variables estoiles & images celestes: pource que des diuerses natures & forces de l'influxion qu'ont les estoiles avec leur lumiere (moyenant le mouvement celeste és choses inferieures qui particulièrement leurs sont suiettes) se causent les excellences particulieres d'aucunes choses: & si aduient encore, qu'une chose peut auoir deux vertus & proprieté secretes, par l'influence de diuerses estoiles. Et ces forces ainsi singulieres, sont de plus grand effect & efficace, quand les qualitez elementaires de la chose ne sont contraires & repugnantes. Et pource que les exemples rendront les choses plus claires, nous en donnerons



quelques vns : & quiconque en voudra voir dauantage, lise Porfire, Sinefe, Marfile Ficin au liure de la triple vie, Leonard Camille au miroir des pierres, Corneille Agrippa, Albert le Grand & autres.

Plusieurs proprietes merueilleuses d'aucunes choses, & à quelles estoilles & planettes elles sont suiettes.

## CHAP. XXXIX.

**P**Remièrement le Safran à la force de resueiller les esprits, & la vertu va incontinent iusqu'au cœur, provoquant risée & allegresse: & dit-on que telles proprietés luy procedent par influence particulière du Soleil, à qui il est suiet: à quoy il est encores aidé par sa nature subtile, luisante & aromatique. Le Myrrhe, l'Encens, le Baume, le bois d'Aloës, l'espy de Narde, sont aussi suiets au Soleil. On dit encore que l'or pour estre de la nature du Soleil, à la vertu de conforter & resiouyr le cœur & d'estre reluisant. Le mesme Soleil donne à l'escarboucle la vertu de reluire de nuit, & d'estre propre contre le venin. La propriété qu'à la Jacinte contre la foudre, ils disent qu'elle vient de l'influence du planette Iupiter, & que pour ceste cause il est bon que l'homme la porte sur soy. La pierre du nid de l'Aigle, entre les autres vertus, est merueilleusement propre à l'enfantement des femmes, quand elles en sont touchées, ce qui vient par la vertu de Venus, & de la Lune: Rasis afferme l'auoir expérimenté. Si on se touche de l'herbe nommée Piuoine, mesmement du malle, la personne touchée sera defendue du mal caduc, ce qui aduient par l'influence du Soleil, auquel ceste herbe est suiette. Le Coral & la Calcidoine sôt de mesme efficace par particulière influence de Iupiter & Venus. Par la vertu que le Soleil communique au Gingembre, s'il est prins avec les viandes, il est propre contre la debilité, & desuoyement d'estomach. Iupiter donne vertu à la Sauge contre la Paralysie. Les animaux qui sont suiets au Soleil, & qui de luy reçoient l'influence, sont vaillans & courageux, aimans les Seigneuries, & à dominer les autres: entre lesquels sont le Lyon plus que tous les autres, le Crocodile & le Taureau: & selon qu'une planette ou vne estoille influent



fluent dauantage qu'une autre sur vne beste ou autre chose, aussi a ceste chose, receuant influxion, plus d'excellence entre les autres choses, ou animaux subiects à ce planete: & voila comment il aduint au Lyon, duquel nous auons dit qu'il craint & fuit le coq, pour estre tous deux subiects au Soleil, & que le coq est superieur en cest ordre. La force & vertu de l'aimant est infuse de l'image celeste, nommee Ourse mineur, qui contient vingtlept estoilles. Et pource que l'acier est suiet à ces mesmes estoilles, & que la pierre est plus qualifiée, & en plus grand degré, elle est suffisante à l'esmouuoir & attirer à soy, & encore luy communiquer ceste vertu. Aucuns dient l'aigle est subiecte au Soleil, autres dient à Iupiter, & de Iupiter luy aduint ceste propriété, de ne pouuoir estre frappee de foudre. Et à cause de l'influence du Soleil, elle a vne autre merueilleuse propriété, qui est d'estre dame, & se faire craindre des autres oyseaux, & auoir la veüe plus forte que nul des autres: & encor que ses plumes mangent & consomment celles des autres oyseaux, si elles sont mises ensemble. La Lune communique tant de vertu à la pierre nommee Selenites, qui se trouue en Arabie, & de laquelle parle Plin que dans le corps de ceste pierre se monstre la Lune, & croist & descroist cōme le cours du Ciel. Les chats ont vne propriété par la domination de la Lune, que les paupieres des yeux leur croissent & descroissent chacun iour, selon le cours diurnal de la Lune & ses aspects: ce que pourra voir celuy qui en voudra faire experience par chacun iour. Entre les plus renommées pierres du Soleil, celle qui a le plus de force, est la pierre nommee Pantaure, que lon dit auoir esté trouuee par Apollon Tiance, & à laquelle le Soleil donne tant de puissance, qu'elle tire à soy toutes les autres pierres, comme l'aimant tire l'acier: & à celuy qui la porte, nulle poison ne peut faire mal: & si dit on d'auantage, que ceste pierre seule a en soy toutes les propriétés des autres pierres. Plin & autres dient, que la pierre Acates pour la domination de Mercure, aide à la veüe de celuy qui la porte, fait bien parler & libremēt, & si oste encore tout venin. Le mesme Mercure, par l'influxion qu'il donne à quelques bestes qui luy sont suiettes: cōme chiens, singes, renards, & autres telles bestes, leur



leur dōne engin & aduis merueilleux. La palme & le Laurier sont pareillement subiets au Soleil, & de luy ont leurs particulieres proprietez contre le foudre, tēpeste & orage, & contre toute poison & venin. Pour ceste mesme occasion le Lierre, le Cedre, & le Fresno, sont propres contre le venin: & sont verds tout le lōg de l'an. Pareillement la pierre, nommee Heliotrope, de laquelle Plin & plusieurs autres disent choses merueilleuses, c'est qu'elle prolonge la vie, & qu'elle fait les hōmes constans & bien voulus: & encore, qu'elle peut rēdre l'homme inuisible, pour la propriete que le Soleil luy influe. La pierre lacinie, par la communication du Soleil, à qui elle est particulièrement subiette, & semblablement de Iupiter, si l'homme la porte sur soy, & quelle touche à la chair tant soit peu, elle le preserve & defend contre tout venin, & aussi contre toutes les mauuaises vapeurs & ait corrompu: elle resjouit & cōforte le cœur & l'esprit: & dit on encore plus, qu'elle rend les hommes fort aimables & bien voulus. Il y a aussi vne autre sorte de lacinie nommee Crisolite, qui tire sur la couleur de vergay, & participe de la vertu du Soleil, elle est propre & fort bonne contre la frenaisie, & humeur melancholique, contre les fantosmes & mauuaises visions. Le Scarabee qu'en François nous nommons fouille-merde, petit & vil animal est si merueilleusement subiet à la Lune, qu'il se trouue par escrit, & par experience, qu'il fait & amasse des pelottes d'excremens humains & y enferme les petits œufs, lesquelles pelottes il tient cachees vingthuit iours pendant lesquels la Lune, fait son cours: & le vingtnueufiesme il les tire hors puis les recache sous terre: & cependant que la Lune est coniointe avec le Soleil, ce que nous disons communement nouuelle Lune, ils sortent dehors tous vifs & esleuez. La Lune a pareillement Seigneurie & domination sur beaucoup de choses, & particulièrement sur les blanches & sur les verdes & sur l'argent entre tous les metaux. Pour ceste cause tous les arbres en la croissāce & decours de la Lune, estendent ou resserret leur humeur & force: aussi luy sont subiets tous oyseaux, qui hantent, qui viuent ez riuieres, & les marins, & semblablement le Cameleon, qui d'elle prend la propriete de changer & muer selon la couleur qui



qui luy est approchée. Les proprieté des Mirobalas sont  
 infinis, ils preseruent la vie de tous ceux qui en mangent  
 bien souuent, prolongent la ieunesse, & fortifient les sen-  
 timens, avec les esprits de l'homme, & la bonne memoire  
 & confortent l'estomach, & reiouyssent le cœur. Tous  
 ces dons & vertus prouiennent des planettes Iupiter &  
 Mercure, selon que le certifient plusieurs doctes person-  
 nages. Le laspe, par l'influence du planette Saturne, a la  
 force & puissance de mitiguer & esnouoir les esquil-  
 lons de la chair, & arreste le sang qui descoule par le nez,  
 ou par la playe. Nous pourrions dire & reciter beaucoup  
 d'autres proprieté, & qui sont meueilleuses & grâdes,  
 & des excellentes qualitez des pierres & autres choses,  
 que les sept planettes, & principales estoilles estans ez  
 orbes des cieux influent ez choses qui sont inferieures:  
 mais ce que nous en auons pen dite nous suffira: & dirôs  
 seulement des vertus de certaines choses, qui prouiennent  
 des estoilles fixes du huitiesme Ciel lesquelles ont grâ-  
 de domination & force sur les choses qui participent ez  
 qualitez, que les autres planettes influent. L'estoille nom-  
 mee teste de Meduse donne vertu & force au Diamant,  
 & l'Armoise nommee herbe de S. Iean, donne hardiesse  
 cœur à celuy qui la porte: & est ceste estoille de la nature  
 de Iupiter, & de Saturne. Les estoilles Pleyades ont puis-  
 sance sur le Christal, & sur la greine de Fenôil: de la vie  
 qu'elles conforte la veue, pource que telles estoilles sont  
 lunaires & martiales. L'Armoise, la Mandragore, la Mé-  
 te, le Safir, le Rubis, reçoient vertu des estoilles Boui-  
 nes, & dient que celuy qui les porte est rendu aimable.  
 La vertu que nous auons dite est pareillement en la pier-  
 re Agate, & dient qu'elle prouient d'une autre image ce-  
 leste nommee la petite Chienne, la vertu de l'Esmeraude  
 & de la Sauge, leur est communiquee par l'estoille nom-  
 mee l'Espé de la Vierge. La vertu de la Celidoine & du  
 Mastic, pour reprimer l'humeur melancolique, prouient  
 de l'estoille nommee cœur de Lyô, ou l'estoille royale, qui  
 est de la nature de Iupiter & de Mars. Le laspe reçoit  
 la vertu de restreindre le sang, de l'estoille Ariamech  
 ou Bootes en Grec. La Topace & la Tresse, qui ont la  
 propriété de chasteté, & de reprimer la chair, & de don-



ner allegresse à qui les porte, reçoient ceste vertu de l'estoille nommee Alpherat, ou Couronne septentrionale, de la nature & de Venus, & de Mars : l'Amatiste & l'herbe nommee Aristolochie, ou la Sarrazine, & aussi le Saffran font beau teint. & l'esprit vis à qui la porte. & encore chassent les malins esprits, & leur est ceste vertu communiquée par l'estoille appelée cœur de Scorpion, de la nature de Jupiter, & de Mars. Par ainsi donc ces secretes propriétés des choses, qui ne procèdent des elements, ains de l'influence des estoilles, doivent estre fort estimees non pas desprisées, mesmement estant escriptes par si grâs personnages, & par experiences approuuees. Puis nous lisons au troisieme liure des Roys, & 9. de Sapience, que Salomon cogneut l'occasion des choses, la nature des animaux, & les forces des herbes, Iosephe (afin que ie ne sois si long) escrivit en son liure de la guerre Iudaïque d'une racine nommee Barharas, qui croissoit pres d'un lieu nommé Mecherante, & dit qu'elle reluisoit de nuit comme feu, & qu'elle avoit vertu de guerir les demoniacles, & autres bonnes propriétés: mais il y avoit tant de peine à la cueillir, que personne ne la pouvoit arracher: pource que combien qu'elle se vid de bien loin, toutesfois quand on s'en approchoit, nul ne la pouvoit prendre ny toucher iusques à tant que (faisant experience de ce que le diable ou plustost l'ange descouvrit) lon cogneust qu'en se baignant en l'urine de femme qui eust ses fleurs, on la pouvoit prendre & cueillir: toutesfois celui qui l'arrachoit en mouroit, sinon qu'il portast une autre pareille racine quant & luy: ou que pour plus grande seurété, quand on voyoit la racine apres s'estre baigné comme j'ay dit, ils fouyssoient la terre d'alentour: puis faisoient un lacs d'une forte corde à la racine, & à l'autre bout de la corde ils lioient estroittement un chien, lequel se voyant lié tiroit si fort, qu'il arrachoit ceste racine, & puis mouroit incontinent: ce fait chacun la pouvoit prendre qui vouloit seurément, & s'en servir. Les auteurs de ces choses sont ceux que j'ay alleguez au chapitre precedent, & encor plusieurs autres que ie laisse pour abbreger.



Que les bestes brutes ont enseigné aux hommes plusieurs medecines, & la propriété de beaucoup d'autres choses.

## CHAP. XL.

**C**En'est point de merueille, si les hommes ont en cognoissance la propriété, des choses, veu que les bestes par vn instinct naturel en cognoissent beaucoup, desquelles se seruent à se medeciner, & si pouuons dire d'auantage, que les bestes ont monsté la medecine aux hommes, voyans que plusieurs d'elles se guarissent, & cherchent leurs remedes sans medecins: & toutesfois les hommes ne scauent point d'autres cures, que celles dont ils oyent parler, & qu'ils apprenent par autrui. Au moyen dequoy à bonne cause Pline dict que les hommes doivent rendre graces aux bestes de plusieurs medecines, & remedes qu'ils ont apprins d'elles. Les Cerfs nous monstrent que l'herbe nommee Dictame, est bonne pour tirer le trait, ou les pieces de fiesche, de celuy qui en est feru, puis que les mesmes Cerfs, quand sont naurez, vsent de ce remede. Aristote dit que les Cheures sauuages de Candie, sont le semblable. Les Cerfs, quand ils sont piquez d'une espee d'araignees venimeuses, nommees Falages, se guarissent en mangeant des escriuisses. La propriété de l'herbe Celidoine, autrement nommee Esclere, nous a este enseignee par les arondelles, & quelle estoit propre pour la veüe, voyans qu'elle en visoyent pour les yeux de leurs petits: La tortue en mangeant la marjolene sauuage, se defend des serpens: & de là est cognue la propriété de ceste herbe contre la poison. La bellere mange la rue pour combattre rats. Les porcs sangliers se guarissent de leurs maladies, en mangeant du lierre ou bien des escriuisses, mesmement celles que la mer pousse au riuage. La couleure, pour des-pouiller la peau gastee de s'estre tenue l'hiuer en terre prend du ius de fenouil, & pour se nettoyer la veüe quelle auoit gastee & esblouye. estant si long réps sous terre en tenebres, elle se frotte les yeux de fenouil, q̄ les Crees appellent *Maratrum*, qui luy restaure, & refraichit les yeux, & par là peut on cognoistre la vertu de ceste herbe. Les Ours enuenimez du fruct d'une herbe, nommee



mandragore, se purgent en mangeant des formis. Nulle herbe pour venimeuse qu'elle soit ne peut nuire au Cerf qui a mangé d'une espèce de chardon que Pline nomme Cynara. Le dragon en mangeant des laitues sauvages, se purge & cure. Nous voyons tous les iours, que les chiens en mangeant une herbe que Plue dit ne pouuoir estre cognue, se prouoquent à vomissement pour nettoier l'estomach. Les ramiers, les iais, les merles, les perdrix, vissent des fucilles de Laurier pour leur purgation. Les autres, pigeons, totterelles, & poulailles, pour se purger, prennent de la Paritoire, que Pline appelle Helxine, c'est une herbe qui vient sur les murailles, les canars, les oyes, & autres oyseaux de riuieres, se seruent aussi pour leur santé de l'herbe nommée Siderité, ou espargoute. Les grues, & oyseaux semblables vissent de iouc de marais. L'oiseau nommé Ybis, quand il sent auoir besoin, de son propre bec se purge avec de l'eau, par la partie inferieure: & dit Pline que de cest oiseau les hommes ont trouué le remede de clisteres: les chiens ne reçoivent aucune playe, qu'ils ne se guarissent eux mesmes, s'il y peuvent atteindre de la langue pour la lescher. Quand à la Panthere qu'Auicenne nomme Leopard, a mangé d'une herbe venimeuse, nommée Pardalianche, elle se guarit en mangeant de la fiente, & excrement de l'homme: ce que cogneu par les chasseurs, il en mettent dans vn vaisseau qu'ils pendent à une haute branche d'arbre, là où la Panthere s'arreste, & amuse sous esperance de l'auoir: tellement que les chasseurs ont le moyen, & loysir de la tuer. Aristote l'escriit, & Pline plus amplement que luy, & Albert le Grand. Et encore Pline, que par le bon aduis des bestes, les hommes pourroyent esuiter plusieurs perils, & quelquestois la mort: Pource dit il, que quand aucun edifice est en danger de tomber, les rats & souris sortent & s'enfuient, & l'abandonnent, monstrans aux hommes qu'ils doyent faire le semblable: & que les araignees cheent toutes des murs estans en ruine, prest à tomber. Encore escriit il que les arondelles ne se reposent iamais, ny ne font leur nid en lieu qui soit prest à tomber.

*Aristote  
des ani-  
maux.*

*Pline li. 8.*

*Albert le*

*Grand des*

*bestes.*



*Que plusieurs bestes, par instinct naturel, ont cognoissance des choses à venir: & de plusieurs pays que petites bestes ont rendus inhabitables.*

## CHAP. XII.

**N**On seulement l'instinct naturel d'aucunes bestes, a esté suffisant pour nous donner cognoistre la nature Propriete de quelques choses, & à quoy elles nous pourroyent servir, fust par medecine, ou autrement: mais encor plusieurs d'icelles tant terrestres, que volatiles ont cognoissance de la mutation des temps, s'il doit faire vents, pluyes, tēpestes ou beau temps: & en donnent certains signes aux hommes: Cōme nous voyons que les moutons en l'autant çà & là, se resiouyssans, pronostiquent pluyes. Le pareil nous est demōstré par le bœuf, quand il se leche à cōtre poil, & hausse le muse vers le Ciel: & encōre quād il mugit & fleur la terre, & s'efforce de manger vistemēt & plus que son ordinaire. Ce que fait pareillement la brebis, quād elle gratte la terre avec les pieds: & aussi les cheures, quand elles dormēt fort pres l'vne de l'autre; & quād les formis marcher plus dru, & en plus grand troupe q de coustume, se renconstrans l'vne l'autre comme estourdies, elles denotent la pluye. Si les Lyons vont habiter d'un pays en autre, c'est certain signe que l'annee doit estre seiche. *Elia*n escrit des cheures de Libie, qu'elles cognoissent la venue des iours caniculaires: & sētēt & monstrēt quand il doit pleuvoir. Quand on voit que les loups entrēt aux maisons, & aux terres labourables, & s'approchent des gens, on dit qu'ils fuyent la grande tempeste prochaine. Les poissons ont aussi vne merueilleuse propriete à sentir la mutation des temps. Quand les Dauphins sautent, & se descouurent sur l'eau, c'est à dire qu'il viendra grands vêts du costé dont ils sortēt, & quand ils troublent l'eau, & se debattent en icelle, c'est signe de serenité, & beau temps. Quand la Grenouille chante plus haut, & plus fort que de coustume, c'est signe de pluye & de tēpeste. Les oyseaux ne sont frustréz de ce privilege: car nous pourrons autant ou plus parler d'eux à ce propos que de toutes les autres bestes. Quand les oyseaux aquatiques sortent de la mer, & viennent assez avant sur la



terre, c'est signe de pluye & de tempeste. Si les grues volent en l'air sans faire bruit, c'est signe de beau tēps, & si elles crient & vont sans ordre, c'est signe contraire. Quand la corneille va droit vers la mer, c'est pronostication de pluye & pareillement quand elle se tient sur le bord de la mer en melancholie, & que son chant est triste. Si la Cheuesche, chante beaucoup en temps de pluye : cela denote que le temps se veut esclaircir, & si au contraire elle chante en beau temps c'est signe de pluye, Plutarque dit que quand le corbeau, chante en voix enrouée, & qu'il se bat des aïles, c'est signe de vents & tempeste. Ceste mesme chose nous est par eux descouuerte si estant le Soleil bas en Occident, ces corbeaux, corneilles, & pies se mettent à chanter & sauter, en voletant vers le Ciel, puis se laisser tomber en bas, & recommencer cōme deuant : car par ces mines ils menassent le froid & la pluye. La congregation de plusieurs oyseaux blācs, se fait ordinairement en precedant grandes tempestes. Quand les poules, & autres oyseaux domestiques se battent des aïles, & sautent en chantant, & se resiouissant, c'est signe qu'ils sentent venir le vent & la pluye. Quand l'alouette chante fort la matinee, & les cannars se baignent volontiers, & se peignent espeluchent, & dressent leur plumes avec le bec, c'est signe de vent & tempestes. Si lon voit que les arondelles volent si pres de l'eau qu'il semble qu'elles frapent cōtre, cela denote qu'il pleurra bien tost. *Ælian* dit que l'oyseau nommē Ybis cognoit le croissant & decours de la Lune. Mais ô mes amis, ie crains d'estre importun avec d'exemples que iay alleguez : parquoy nous parlerons d'aucunes bestes qui ont chassé les peuples & habitans de plusieurs contrees : & non pas seulement grandes bestes, mais des plus petites. A ce propos *Ælian* escrit d'aucuns lieux en Italie, ou grande multitude de rats, par la destruction qu'ils firent es racines des arbres & des herbes, sans qu'on y peust mettre remede, causerent telle famine que les habitans furent contrains abandonner la contree. *Marc Varron*, dit qu'en Espagne y eut vn gros bourg situé en pays sablonneux, qui fut tellement fouy & caué par les cōils, que finalement il fut ruiné. Et non seulement telles choses son aduenues en terre ferme : mais

aussi



aussi en des isles enuironnées de mer, les rats & souris ont  
eu ceste audace, & malignité, qu'ils ont dechassé les ha-  
bitans du lieu: dont porte tesmoignage l'une des isles Ci-  
clades, nommee Gyare, qui par le moye de telles beste-  
demeura inhabitee. Ces mesmes auteurs dient, qu'il y a  
eu en Fracevneville redue inhabitable, à cause de la mul-  
titude des grenouilles, en Afrique pareil cas aduint par  
des locustes & sautereaux. Theophraste escrit d'un autre  
pays les chenilles frir des habiter. Vne autre province  
en Libie fort fertile, fut abandonnee par les homes dechaf-  
sez des Lyons: toutesfoies ce ne fut point grade vergogne  
aux homes d'estre surmontez des Lyons: mais la debilité  
humaine est bien declaree, parce que Plinie recite, d'une  
province sur les limites d'Ethiopie, ou les formis, scor-  
pions, & autre petite vermine, en exilerent les hommes  
qui l'habitoyent. Les mouches frir fuir de leur contree  
les Megarensiens en Grece: & les Guespes, les Ephesiens.  
Antenor escriuant de l'isle de Crete, selon qu'en parle  
Elian, dit qu'une quantite d'abeilles chassa d'une ville  
tous les habitants d'icelle, & de leurs maisons ils en firent  
des ruches. Maintes autres telles choses sont aduenues  
au monde, qui se peuent voir ez histoires anciennes.



santeur que denoit auoir la couronne, qui fut faite fort ingenieusement, & de grand artifice, & du mesme or qui pource faire auoir esté baillé; toutesfois l'orfeure cōme laron subtil la falsifia. y meslant quelque quantité d'argēt parmy l'or. La courōne acheuee. on l'apporta deuant le Roy, qui la fit peser & trouuant son poids en fut trescōtent, & satisfit entierement l'ouurier de sa façon. Mais en fin ayant esté certifié, qu'il y auoit mesle de l'argent, le Roy eut desir d'en sçauoir la quantité sans desfaire la couronne. Et pource qu'Archimedes estoit en grande reputation au pays, il fut presenté au Roy pour ce faire, qui luy en donna la charge. Or ainſi qu'il en songeoit le moyē, aduint qu'il se mit en vn bain pour se lauer & nettoyer, & s'estant mis dans la cuue pleine d'eau, il considéra qu'il sortoit de ceste cuue autant d'eau que sō corps occupoit de place, & tellement y mit son entendement qu'il en sortit fort ioyeux, disant auoir trouuē leans ce qu'il cerchoit. Puis fit faire deux lingots de mesme poids, l'un d'or, l'autre d'argent: & estoit la pesanteur de chacun lingot pareille à celle de la couronne. Apres il fit faire vn vaisseau assez grand, fort bien fait, & l'emplit d'eau, & là dedans y mit le linge d'argent, adonc sortoit du vaisseau autant d'eau que le lingot tenoit de place: & pour sçauoir combien d'eau s'estoit respandue, fit subtilement tirer hors le lingot, & avec vn autre vase de mesure, fit par conte remplir d'eau le vaisseau, & avec ce conte & mesure (car il sçauoit bien le poids du lingot) il cognoissoit combien le marc ou la liure d'argent, iettoit d'eau dehors, par le moyen de ce qui restoit d'eau dans le vaisseau, & par le poids du lingot. Quand il eut fait ce conte, disant en soy mesme, le marc ou la liure d'argent tient place de tant de mesure d'eau, il vouloit aussi sçauoir en pareil cas de l'or, qui estoit de semblable poids que celuy d'argent: mais il ne sortoit pas tant d'eau qu'il auoit fait, quand on y auoit mis le premier lingot d'argent, combien qu'ils fussent egaux en poids, pource que (comme chacun sçait) le pareil poids de l'or ne tient pas tant de lieu que celuy de l'argēt par ainſi resp<sup>d</sup>it moins d'eau. Apres ayant recité l'or, il fit remplir par mesure le vaisseau, comme on auoit fait au poids de l'argent. & en  
contant



contant les vaisseaux qu'on y versoit, il fit conter combien chacū marc ou liure d'or, auoit peu ietter d'eau dehors. Cela fait, en retenant biē ces deux mesures il print la courōne que l'orfeure auoit faite du mesme poids que chacun de ces deux lingots, d'or & d'argent, la mit dans le vaisseau, & l'eau se respandit selon la grandeur, & retirant la couronne dehors, il mesura l'eau, qui ne suffisoit pas pour remplir le vaisseau, & se trouua qu'elle auoit ietté plus d'eau dehors que n'auoit fait le lingot d'or, & moins que celui d'argent, & scachant desia combien de poids s'en faillloit, pour correspondre à chacune mesure, il fit son conte en ceste sorte: Ceste couronne iette tant de vases d'eau dehors, plus que ne fait le lingot d'or: consequemment il y a autant d'argent meslé parmy l'or en la courōne, comme elle iette dehors plus d'eau que le lingot d'or: ce qui est facile a entendre: car si la courōne eust esté toute entierement d'or, elle n'eust ietté plus grande quantité d'eau hors du vaisseau, que le lingot d'or: mais pource qu'elle en auoit ietté plus, ce plus donna à cognoistre ce qu'elle auoit en soy d'argent meslé: car on scait bien que deux lingots d'un mesme poids, & d'un mesme metal, doiuent necessairement estre d'un mesme corps, & quantité: par ainsi mis en un vase plein d'eau, ils doiuent ietter pareille quantité d'eau dehors, d'autant que deux corps ne peuvent estre en un mesme lieu, ains en mettant le corps de l'or ou de l'argent dedans l'eau, il faut que l'eau sorte, & leur face place: & tant plus le corps est grand, tant plus fait vuidier d'eau. De là vient que la courōne ietta plus d'eau dehors, que le lingot d'or pource que la courōne occupa le lieu, avec poids egal. A la verité ceste inuention d'Archimedes fut ingenieuse & subtile, encores que d'autres choses de plus grande importance ayent esté trouuees par l'esprit & industrie de cest hōme. Et qui voudra voir de luy choses merueilleuses, lise Plutarque en la vie de Marc Marcel, & Tite Liue, au quatriesme & cinquiesme de la troisieme Decade: ou lon trouuera, que seulement les machines, & engins faits de l'inuention de cest Archimedes, furent suffisans pour defendre par long temps Siracule, contre les Romains: & entre autres choses se recite, que n'ayant peu toutes



les forces humaines tirer vn gros nauire hors de l'eau, avec infinité d'instrumens, Archimedes seul la tira par terre, comme si elle fust allée vogant par la mer. Pendant que les Romains tenoyent Siracuse assiegee, il fit de telles machines, que iettant de dessus les murs de grands crocs de fer attachez à de puissantes chaines, & faisant le contrepoix dedans la ville, il enleuoit en l'air vne Galere, de laquelle il faisoit tomber, & perir tous les hommes dans la mer: car il la faisoit tomber à plomb, en sorte qu'elle se rompoit par pieces, & avec d'autres instrumens, & agraffes, il enferroit les galeres & nauires de telle force, & les tiroit de telle impetuosité cõtre vn roc, qu'il les brisoit en pieces. Encore bastissoit-il de pareils engins sur terre, avec lesquels il faisoit ordinairement mourir plusieurs des ennemis. Et fut telle la resistãce que faisoit Archimedes dãs Siracuse, que Marc Marcel excellent capitaine des Romains, fut contraint changer de forme de faire, pour assaillir la ville: auquel siege il se vid en grand peril & confusion: car Archimedes auoir mis en telle crainte les soldats Romains, que quand ils voyoyent descendre des murs de la ville quelque chaine, ou seulement vne simple perche, ils se retiroient & fuyoyent au loin, craignant les inuentions & machines de cest excellent

*Cicerõ au* ouurier. Ciceron attribue aussi à ce Philosophe, d'auoir  
*1. lin. des* inuenté & fait la sphere materielle, en laquelle se voyoit  
*Tusculana-* à l'œil le mouuement de toutes les planettes, avec leurs  
*nos.* cours, passions, & aspects: & Claudian dit, qu'il en fit vne  
*Ouid. 6.* de cristal: ce qui semble auoir esté confessé par Ouide. Il  
*des Fastes.* n'estoit pas moins studieux & contemplatif, que docte, & sçauât. Et venât Siracuse à estre prinse par force, apres toutesfois auoir esté par luy seul deffendue long temps, Marcel deffendit q̃ nul fust si hardi de tuer Archimedes, sur peine de la mort, encore qu'il eust tã fait mourir de Romains. Toutesfois, d'auenture vn soldat le rencontra sans le cognoistre, faisant vne figure en terre, & luy demandât le soldat qu'il estoit (autres dient qu'il luy cõmandâ d'aller parler a Marcel) Archimedes ne luy respondit mot, ou ne vouloit faire, tã il estoit entêtif à son cercle, de quoy le soldat courroucé le tua: ce qui despleut grandement a Marcel, & luy fit faire hõnorable sepulture. Cecy est












dales, & grandes mortalitez : mesmes aux familles particulieres, on voyoit le fils se diuiser du pere, freres contre freres, & ce seulement pour s'affectionner l'une partie aux Guelphes, l'autre partie aux Gibelins: voire iusqu'à chasser l'une partie l'autre. Encore voyoit-on que les plus forts ruinoyent & mettoient les maisons des deschallez par terre & en destruction, & si estoit ceste querelle si grande qu'elle n'eust sceu causer dauantage de cruauté, entre les infidelles & les Chrestiens. Antonin Archeuef-que de Florence escrit que pour ces factions il y eut en ceste ville de Florence, trentecin maisons des plus apparentes mises bas à rez terre : & que ces mesmes. contentions estoient par toute l'Italie. Plusieurs peuples prindrent le party de l'Empereur, chassans dehors les Guelphes, & les autres aussi faisoient le contraire. Desia la plus grande part de Rome estoit en voye de prendre le party de l'Empereur. Ce que voyant le Pape, il fit faire vne solennelle procession, où furent portees les clefs de S. Pierre & S. Paul, suppliât Dieu qu'il luy pleust tirer ceste cruauté hors du cœur des hommes. Et apres la procession, il fit vne oraison publique au peuple, ou pour mieux dire vn sermon, remontrant qu'elle folie c'estoit de persecuter & tuer ainsi les hommes, pour la faueur seulement de ces deux noms que le diable auoit mis aux champs, pour la persecution publique de l'Italie. Outre ce, il remonstra plusieurs autres choses, de si grande efficace, qu'il prouoqua le peuple à misericorde, & a laisser son opinion: au moyen dequoy ils s'accorderent à defendre le souverain Pontife contre l'Empereur Federic, qui pensoit ruiner & destruire la partie des Guelphes. Ceste playe par le peché des hommes dura long temps en Italie, par laquelle en moururent plusieurs milliers d'hommes, & y eut grand nombre de bannis & destruits, plusieurs edifices ruinez, & maintes maisons brulées. De ces choses sont autheurs, Platine en la vie du Pape Gregoire neuuiesme, & Antoine Sabellie en la troisieme partie de ses histoires, & plusieurs autres hommes de grand scauoir.

*Fin de la seconde partie.*





# TROISIEESME PARTIE

## DES DIVERSES LECONS

de Pierre de Messie, gentilhomme  
de Seuille.

*Combien fut profitable l'inuention des lettres : qui les a trou-  
ués : & comme les caracteres Hebraïques, ont significa-  
tion : ce que n'ont pas les autres.*

### CHAP. I.



I l'on doit estimer loüables & dignes de grandes graces, ceux qui ont esté inuen-  
teurs des arts liberaux & mecaniques, &  
pareillement ceux qui ont trouué diuerses  
choses & doctrines, tant celles qui appar-  
tiennent à la culture & reigle de l'ame & de l'esprit  
comme à l'exercice & vïage corporel : combien plus  
cest honneur est il deu à celuy qui a inuenté les lettres,  
lesquelles sont conseruatrices & garde certaine de tou-  
tes les autres inuentions : car sans icelles nulle inuen-  
tion ne se peut conseruer : veu encore outre cela, que les  
lettres rendent les hommes quasi immortels. Elles font que  
les choses passées il y a mille ans nous sont presentes, en  
nous les communiquant, tout ainsi que si le temps ne nous  
en eussent separé par icelles on fait & apprend toutes les  
disciplines : elles font scauoir aux hommes d'auioürd'huy  
ce que ceux de iadis sçeuënt & appindrēt, pour nous l'a-  
uoir laissé par escrit : & ce que les hommes de maintenant  
trouuent ou inuenterent, est conserué par les lettres aux  
hommes à venir : Elles monstrent & representent ce qui a  
vnē fois esté fait : en sorte qu'il semble qu'il a tousiours de-  
puis duré, ce qui ne fust aduenu si ce n'eust esté les lettres.  
Platō ny Aristote, ny grād nōbre d'autres sages Philoso-  
phes, ne fussent en la reputatiō que nous les tenōs pour  
conclusion, il n'en faut dire autre chose, sinon que la plus  
grande



grande & meilleure des inuétions humaines: est celle des lettres qui ne les voudra croire, considere & regarde ce qui en est escrit, afin de cognoistre que tout cela seroit perdu, & n'en seroit point des nouuelles sans les lettres. Puis donc qu'elles sont cause d'un si grand bien, c'est raison que nous sçachions de qui elles furent trouuées. Toutesfois il y a grãde difficulté à le biẽ certifier, pourceque les opinions en sont fort diuerses. Les Gentils discordent en cela aux Chrestiens, & les Chrestiens n'en sont point ensemble conformes. Plin met plusieurs opinions & y donne la sienne, qui à mon iugement approche plus de la verité que les autres. Premièrement il dit que les lettres furent trouuées par les Assyriens en Assyrie, & que d'autres dient que Mercure les trouua en Egypte. Autres diẽt que les Pelagiens les porterent en Italie, & qu'elles furent portees en Grece par les Pheniciens, avec Cadmus. leur capitaine qui n'en porta que seize: & qu'en la guerre de Troye, Palamedes y en adiousta quatre: mais apres que Plin a donné plusieurs opinions, il conclud que selon son opinion les lettres furent eternelles, qui est quasi à dire, quelles cõmencerent avec le monde. Que les lettres ayent esté portees en Grece par les Pheniciens, Herodote & maints autres l'affirment: les Egyptiens aussi se veulent glorifier de l'inuétion des lettres & des arts. Diodore Sicilien tiẽt que Mercure les a trouuées en Egypte, cõbien que le mesme Diodore en son 4. liũ dit que quelques vns ont opinion que les Ethiopiens ont eu premièrement les lettres, & que les Egyptiens les ont apprises d'eux: par ainsi nous ne pourrions tirer de ces auteurs la verité que nous cherchons. A ce propos il y en a d'autres tant Iuifs que Chrestiens, qui afferment Moysẽ le premier qui trouua les lettres au monde: car il fut plus ancien qu'aucunes autres lettres, ny escritures des Gentils: pource que Cadmus, duquel nous auons parlé, estoit du tẽps d'Ochoniel, Duc & capitaine d'Israel, qui regna 47. ans apres que les loix escrites furent baillees à Moysẽ. Ceux qui sont de ceste opiniõ, entre lesquels sont Eupoleme & Artaban historiens Ethioques, afferment que les Egyptiens ont appris les lettres de Moysẽ, & qu'ils les donnerent à ceux de Phenice, d'oũ depuis Cadmus les trans-

*Plin. liu. 7.*

*Cadmus.*

*Herodo.*



porta en Grece. Cest Artaban soustient que ce Mercure, que tous dient auoir enseigné les lettres en Egypte, estoit Moÿse, nommé Mercure par les Egyptiens. Philo Hebreu, homme de grâde autorite, fait les lettres plus anciènes: car il dit qu'elles furent trouuees par Abrahâ: mais à la verité elles furent inuentees par Adâ, ou du moins par ses fils, ou arriere fils au premier aage du môde, auparauât le deluge, & furent cōseruees par Noë & les successeurs, iusques à venir à Abraham. & puis à Moÿse. En voila le iugement & opinion de S. Augustin. Ce qui est encore plus verifié par l'autorité de Iosephe disant, que les neueux d'Adam fils de Seth, firent deux colonnes l'une de pierre, & l'autre d'argile, dâs lesquelles, ils escriuirent & insculperent tous les arts: & si afferme auoir veu l'une de ces colônes en Syrie. Nous trouuons aussi que S. Iude, allegue en vne siene epistre, le liure d'Enoc, qui fut auparauant le deluge. Tellemēt qu'il ne faut point doubter qu'Adam & ses enfans n'ayent esté les inuenteurs des lettres: & que Noë qui estoit docte & lettré les sauua en l'Arche: cōbien que depuis en la confusion des langues, aduenue en l'edification de la tour de Babel, il peut estre que la plus grâd part du monde perdit la cognoissance d'icelles lettres, qui demoura en la seule famille d'Eber, de qui sont depuis descendus les Hebreux, lesquels comme nous auons dit, ne perdirent leur premiere langue. S. Augustin le certifie au liure preallegué, aussi fait Eusebe au liure 1. de la preparation Euangelique, & pareillement la plus grande part des doctes de nostre tēps. Parquoy Philo, & ceux qui ont pensé que Moÿse auoit trouué les lettres, ont eu de grâdes occasiōs pour s'abuser en ce qu'ils en pensoÿent, pour ce que c'est chose notoire que les liures, & histoires ecrites par Moÿse, sont premieres que nulle autre qui soit ny que la philosophie & sagesse des Grecs: cōme le prouue suffisamment, S. Augustin au mesme lieu, & Iosephe cōtre le grammairien Appion, & semblablement Eusebe & Iustin martirs. Il faut dōc conclure que les lettres estoÿent auant que Moÿse, pource que nous trouuons par escrit, que Moÿse apprint en Egypte tous les arts & sciences des Egyptiens: si ne scay ie comme il l'eust peu faire, si auparauant ils n'eussent eu des lettres, encore que nous



ſachions qu'ils auoyēt des figures appellees lettres hieroglyphiques, par leſquelles comme nous auons dit, ils s'entendoient. Nous concludrons donc que les lettres eſtoient dès le temps d'Adam. & depuis Abraham en eut cognoiſſance en Sirie. De là vient que Plinē à varié à tenir l'opinion, dont nous auons parlé. Il n'eſt point toutesfois beſoin de chercher l'origine & cauſe des caracteres des lettres, pource qu'ils peuuent eſtre faicts à la volonté, cōme nous voyōs auourd'huy, que chacun ſait des chiffres à la volōté, & des ſignes au lieu des lettres: cōme S. Ieroſme au prologue des liures des Loix dit, que quand Eſdras grād ſcribe & docteur de la Loy, la reſcriuit & reſtitua, il trouua de nouueaux caracteres des lettres, dont les luifs ſe ſeruoient encore au temps de S. Ieroſme, cōme ils font encore auourd'huy, leſquelles lettres Hebraïques ont vne propriété, qui n'eſt point en nulle des autres natiōs: car la voix & nom de chacune d'elles donne ſignification de quelque choſe. La premiere qui eſt nommee Aleph, ſignifie diſcipline: la ſecōde Beth, ſignifie maiſon: Gimel, qui eſt vne autre lettre, ſignifie rempliſſement & abōdance: & Daleth, tablettes ou liures, les autres lettres ſignifient d'autres choſes, que ie laiſſe pour n'en nuyr. Le curieux les pourra trouuer en Eulebe, liure premier de la preparation Euangelique.

En quoy les anciens eſcriuoient auſſi auant l'inuention du Papier, & avec quel instrument: comme le Papier & le parchemin furent trouuez: qui a inuente l'Imprimerie, & de quel profit elle eſt: & encore par quel moyē les auēgles peuuent eſcrire.

## CHAP. II.

Nous auons aucunement parlé de l'inuention des lettres, au chap. precedent, maintenant il nous reſte voir en quoy les anciens eſcriuoient: & bien que ne puiſſions bonnement dire en quoy eſcriuoient les premiers peres, au premier aage precedent le deluge, pour eſtre la choſe doubteuſe, à ſçauoir ſi deſſors ils auoyent lettres, encore que nous l'ayons prouué par l'autorité de Joſeph, aidé de quelques raiſons, ſi eſt ce que ſelon ce



que tous en disent les premiers escriuains n'auoyent point de papier, ains escriuoyent en fueilles de palme, de là viét qu'aujourd'huy on dit le feuilliers du liure. Depuis ils escriuient en escorces d'arbres, & principalement de celles qui plus aisement se separoyent de l'arbre comme le Bouleau, le Platan, le Fresnoe, & l'Orme, dôt ils prenoyent l'escorce interieure entre le bois & la grosse escorce noire: desquelles desliees escorces tirees subtilement, ils faisoient des liures, les conioignans artificiellement l'une avec l'autre: & pource que telle escorce estoit anciennement nommee par les Latins, *Liber*, de là ont prins leurs nos les liures, encore que maintenant ils ne facent plus de telles choses. Depuis on trouua encore moyen d'escrire en lames de plomb fort subtiles, desquelles aucunes curieuses & particulieres personnes faisoient des colonnes & liures, ou s'escriuoyent tous les actes publics. Les anciens trouuerent encore la maniere d'escrire sur des drapeaux de lin, lizez & polis avec une certaine sorte de couleur. Et si faut entendre qu'ils n'escriuoyent point avec des plumes, ains avec une petite canne que nous appellons en Latin *Calamus*, dôt quelques uns s'aident encore aujourd'huy. Apres on trouua une autre sorte de carte à escrire, qui se faisoit de certains petits arbrisseaux nommez Papiers, qui est une espeece de ioncs, qui s'engendrent & croissent dans les marais du Nil: & dit Plin qu'il y en a encore en la Syrie pres du fleuue d'Euphrates, nommez Papiers, qui ont certaines petites fueilles, ou toilles entre l'escorce & le bois, lesquelles estans subtilement tirees avec la pointe d'une esguille, & accoustrees avec une certaine colle faicte de farine bien passe, & destrempee en eau bouillie & en vinaigre, on en faisoit du papier, & escriuoit-on dessus, & que de la plus prochaine du bois se faisoit la meilleure & plus deliée: par ainsi selon la sorte & difference on les nommoit diuersement. Et pource que tel ionc ou arbuste est nommé Papier, ce nō est demeuré au papier, sur quoy l'on escrit maintenā qui est fait de labeaux & drapeaux de toile de lin vsee. Marc Varron dit que la premiere inuention de faire fueilles de ces papiers & ioncs fut trouuee du temps d'Alexandre le Grand, lors qu'Alexandrie fut

Plin. 13.  
cha. 11. 12.



fut fondée : toutesfois Pline la preuue plus ancienne par les liures que Cn. Terence trouua en faisant fouiller dās vn de ses heritages, lesquels liures auoyent esté à Numa Pompilius Roy de Rome, & furent trouuez en vne tombe où il auoit esté inhumé, & en estoient les fuicilliers de ceste escorce de papier. Or nous tenons certainement que Numa auoit esté long temps auparauant. Alexandre encore que Tite Liue recite de ceste robe autrement disant qu'il y auoit deux qui furent trouuees par L. Parilius. Avec ce Tite Liue, s'accordent Lactance & Plutarque en la vie de Numa, ce neantmoins l'intention de Pline est approuuee. Quelques vns disent que ce nom de Carte a prins son origine d'une ville assise près de Tyr, nommee Carta, d'où print Dido son nom, & la nomma Carthage. Les anciens escriuoient encore en tablettes cirees & biē lissées, & formoyent leurs lettres avec des poinçons fort agus qu'ils nommoient stils : de là vient par vſage que celuy qui escrit bien, on dit, il a bon stile d'escrire, prenant le nō de l'instrument. Encore faut il noter qu'au parauant que le papier sur quoy nous escriuons fut trouué, c'estoit de coustume ancienne que sās chercher tous ces remedes, on escriuoit en parchemin fait de peaux de moutons, dōut parle Herodote, laquelle inuention est attribuee par Varron, à ceux de Pergame ayans pour leur Roy Eumenes que de là il est appellé en Latin *Pergamentū*, que nous disons en François parchemin. Et encore qu'en Latin quelques vns le nomment *Membrana*, si print il le nom de l'inuenteur. Toutesfois à mō iugement l'on escriuoit en peaux, beaucoup au parauant le temps y assigné par Varron & referé apres luy par Pline pource que Iosephe dit, que les liures des Hebreux, qui precedoyent de long temps. Eumenes & plusieurs autres liures, estoient escrits en peaux. Aussi quād il recite qu'Eleasar Prince des Prestres enuoya les liures de la S. Escriture à Ptolomee avec les septante deux Interpretes afin de les luy traduire de la langue Hebrayque en la Grecque, il dit que le Roy Ptolomee Philadelphie s'estonna & s'esmerueillā fort de la subtilité & cōiunction de ces peaux en parchemin. Par là cognoit on que l'escriure qui se faisoit en parchemin, estoit plus facile & de longue duree, que l'autre des escorces & des



feuilles, encore qu'elle fust plus antique. Au moyen de  
 quoy cest vſage de parchemin, ne s'est iamais perdu : &  
 puis le papier dont auourd'huy nous vſons, est si facile à  
 faire, & de telle abondance, que cela aide à promouoir  
 aux lettres vne infinité d'hommes. Mais sur toutes choses  
 nous faut librement confesser, que l'Imprimerie par le  
 moyē de laquelle on Imprime tant soudainement vne si  
 grande quantité de liures, fut & est auourd'huy la meil-  
 leure inuention du mode, de laquelle on dit estre auteur  
 vn Alemā de la ville de Magōce, nōme Iean Faulst (cō-  
 bien que Polidore le nomme Pierre) & que là fut faite la  
 premiere Impression de liures, en l'an 1453. Et quelque  
 tēps apres vn autre Alemā nōmé Cōrad, apporta cest art  
 en Italie. Volaterran neantmoins dit, que c'estoyent deux  
 freres Allemans qui allerent en Italie, & que l'an 1465. ils  
 imprimerēt à Rome, & que les premiers liures d'impres-  
 sion furent les liures de la Cité de Dieu, & les diuines in-  
 stitutions de Lactāce Firmian. Depuis il y a eu en cest art  
 des excellens personnages, tāt en Allemagne & en Fran-  
 ce qu'en Italie, lesquels outre leurs impressions estoient  
 fort doctes, cōmme furent Alde Manuce, Balde, Colinet,  
 & Frobene très-diligens en la correction & verité de la  
 lettre, & plusieurs autres desquels ie laisse les noms pour  
 briefueté. Au moyen de quoy tant de liures qui estoient  
 perdus & cachez, sont venus en lumiere, au grand profit  
 & vtilité des hōmes, avec l'aide desquels se sont faicts tant  
 de gens doctes, que l'on voit par toute la Chrestienté : &  
 auparauant pour paruenir à tel degré on auoit beaucoup  
 de peine : posé le cas que ce n'en soit point la cause prin-  
 cipale, si croy-ie que s'en est la plus grande pource qu'à  
 moindre peine on recouure les liures qui sont plus cor-  
 rects, & voit-on dedans de diuerſes causes & matieres qui  
 estoient corrompues & gastees par la faute de l'escritu-  
 re, & s'il s'en trouuoit de corrects, ils estoient si difficiles  
 à auoir que les estudes ne se trouuoient tant vniuersel-  
 les que de present. Vray est que depuis l'on a prins ceste  
 licence desmesuree d'Imprimer les liures de fables & de  
 peu de fruct, en sorte qu'il seroit meilleur, que pour tels  
 liures il n'y eust point d'Impression pource qu'ils destrui-  
 sent & aneantissent les esprits, principalement des ieunes  
 gens



gens, & les abastardissent des bonnes & saintes estudes & leçons. Laisant donc à parler de l'impression, & venant à l'écriture manuelle, ie peux dire qu'elle est pour le iourd'huy en plus grande perfection quelle ne fut onc selon mon iugement. Pour en prendre la perfection, Quintilien donne quelques reigles qu'on y peut tenir, aussi fait le docte Erasme, au liure qu'il a fait de la prononciation: & de ceste la seulement ie parleray avec laquelle Erasme dit, que quelques aueugles ont appris à fort bien escrire. Ils faisoient faire vne table du Porfire ou d'or, ou metal, & dans icelles engraver toutes les lettres a, b, c. Puis l'aueugle prenoit vn poinçō, dont la pointe estoit si fort aiguë & subtile qu'il pouuoit librement la mener par toutes les lettres engravees en la table, estant sa main conduite par quelqu'un: & cela faisoit-il tant de fois, qu'il sentoit à tastons la forme de chacune lettre, & s'y accoustumoit, tant que petit à petit avec grande attention, il s'imprima si bien en la memoire l'image de chacune de ces lettres, que puis apres il s'aprint à les faire sur autre chose que sur ceste table: tellement que quelques fois il faillloit & quelques fois en faisoit bien: finalement il apprenoit, en sorte qu'avec vne plume il escrivoit ce qu'il se representoit en l'esprit.

~~~~~

De la premiere librairie du monde, & de maintes autres notables: & comme en icelles on mettoit l'image & portait des hommes doctes.

#### CHAP. III.

**I**L est à croire que les premiers Liures & librairies qui ont esté au monde, estoient entre les mains du peuple Hebreu: car cōme il est certain que là estoit premierement les lettres & l'usage d'icelles, aussi est il à presumer qu'il auoyent soin de conseruer ce qu'ils escrivoient. Et cela se verifie par l'autorité de Ioseph cy dessus allegué, & aussi parceque nous lisons de la sainte écriture. Ildore recite qu'apres que les Caldeens eurent bruslé la librairie Hebraïque avec tous les liures de loix, estans les Hebreux retournez en Ierusalem, le prophete Esdras illuminé du saint Esprit reparea la faulte, escrivant de nouueau ses liures: & qu'il les reduisit au nōbre de vingt



deux liures qui estoit le nombre de lettres de l'Alphabet. L6 void par là, q̄ puis que Moysé eut escrit, les Hebreux eurent librairie pour la conseruation des liures de la Loy, tant ceux, que nous voyons maintenant du vieil Testament, comme des autres, desquels nous auons desia fait mention: entre lesquels est le liure d'Enoc, allegué par S. Iude, Apostre, en son epistre, de laquelle auons d'agueres parlé, & le liure des guerres, du Seigneur, duquel est fait mention au 21. chap. des Nombres, & le liure des Iustes du Seigneur, allegué au 2. liure des Roys 1. chap. & le liure de Samuel le Prophete, allegué au dernier chap. du liure Paralipomenon, au liure de Natan le Prophete, & maints autres qui semblent auoir esté tous troubiez & perdus. Par ainsi lon peut voir que les Iuifs auoyent librairies, & que toutes celles des Gentils sont posterieures & plus recètes. Tous les Grecs dient que le premier, qui fit publique librairie, fut Pisistrate tyran d'Athenes, qui depuis fut augmentee par les Atheniens: & que venant Xerxes en Athenes, il fit enleuer tous les liures & transporter en Perse, mais que depuis & long temps apres, le Roy Seleuque nommé Nicauor les rachepa, & fit rapporter en Athenes. Ces choses sont certifiees par Aulugelle & Isidore, disans que ceste librairie fut depuis bien fort augmentee. Toutesfois celles d'Alexâdrie en Egypte que fit le Roy Ptolomee Philadelphie, fut à la verité la plus excellente de routes les autres du monde, pource qu'en icelle estoit l'ancien Testament, & route la sainte Esriture des septante deux interpretes, & aussi pour la grande multitude des autres liures qui estoient. Plinie dit, neantmoins, que le Roy Eumenes en fit vn autre en la ville de Pergame à l'enuy de Ptolomee. Aulugelle & Ammian Marcelin dient, qu'en la librairie d'Alexandrie en Egypte, y auoit sept cens mil liures: Seneque est quasi d'accord du nombre: & combien qu'il semble excessif, si est-ce que celuy qui aura leu les despenses & grands frais des Roys d'Egypte pour faire faire des obeliques, pyramides, temples, edifices, nefes & autres choses d'ineffimable coust, de partie desquelles choses parlent Budee aux annotations des Pandectes, & Lazare de Bayf, de l'art nuaire, ceste librairie ne semblera à son iugement impossible.



sible. On y atoit apporté des liures de toutes les nations du monde, & en toutes langues, & ceux qui en auoyent la charge estoient gens tresdoctes. Les vn pour les liures de poésie, les autres pour les histoires & en toutes les facultez & sciēces: mais tout cela fut bruslé par les soldats de Iules Cesar, quād il suyuit Pompee iusques là, & qu'il cōbatit les gens de Ptolomee frere de Cleopatra. Quand à l'autre librairie qui estoit à Eumenes en Pergame, Plutarque en la vie de Marc Antōine, dit qu'il y auoit deux cens mille volumes. De la Biblioteque de Grece, Strabon dit qu'Aristote fut le premier qui fit librairie, & assembla liures en la ville d'Athenes: ce qui contredit aux autres historiens, qui dient que ce fut Pisistrate, lequel estoit long temps auparauant Aristote: parquoy il faut entendre que Strabon vouloit parler d'un homme particulier, qui n'estoit Roy ny Prince, encor qu'il fut aisé à croire qu'en cela Aristote eut esté fauorisé & secouru par Alexandre. Les librairies & dernieres lettres, furent en la ville de Rome, & le premier qui y fit publique librairie fut Asinius Pollio, duquel Pline dit qu'il fit de l'esprit des hommes vne chose publique. Le premier qui y conduisit grande quantité de liures fut Paul Emilie, ayāt vaincu Perseus: & depuis luy, L. Luculle de la proye de Pont. Iules Cesar augmenta & enrichit fort les librairies qu'il mit en la garde de Marc Varron: toutes lesquelles estans à Rome furent depuis quasi bruslees & mises à neant par les frequentes armes, & saccagemens qui se faisoient en ceste ville: mais ce dommage fut réparé par l'Empereur Domician, car il fit chercher force liures par tous pays, & manda en Egypte que la Biblioteque qui y estoit fust transportee à Rome, qui donc assez à cognoistre, que les liures de Ptolomee n'auoient pas esté tous bruslez comme nous l'auons dit, ou bien qu'apres en auoit esté recouuré grande partie. Or Paul Orose me fait croire que tout ne fut pas bruslé, quād il dit qu'il fut bruslé quatre cēs mil liures, car par le recit des autres historiens nous trouuons qu'il y en auoit sept cēs mil, partant il semble qu'il en fut sauué trois cens mil, & toutefois il semble que les historiens veulent inferer que tout a esté bruslé. Or pour reuenir à la librairie de Rome, le  
mesme



mesme Paul Orose dit, que du temps de l'Empereur Commode, elle fut vne autre fois bruslee, & que depuis Gordian assembla septante & deux mil volumes, & ce qui est plus notable il en herita par le testamēt de Seran Samonique, auquel ils estoient, selon que dit Iules Capitolin. Il y eut assez d'autres grandes & belles librairies entre les anciens, tant aux personnes priuees qu'aux Princes. Le premier d'entre les Chrestiens qui fit librairie, fut selon Isidore, Pamphile martyr, la vie duquel est escrete par Eusebe, & auoit en sa librairie trente mil volumes. Vne notable coustume que les anciens auoyent en leur librairies, c'est qu'ils tenoyent en icelles les portraits ou statue d'hommes, qui auoyent esté fort excellens es lettres. Pline dit, que Marc Varron, estant encor viuant, merita par sa doctrine que sa statue fut mise en la librairie d'Alinie Polion. Ciceron escript à Fabien Gaulois qu'il achete des statues pour mettre en sa Bibliothèque. Le ieune Pline escriuāt à Iules Seuer, dit qu'Erenie Seuer, hōme docte, vouloit mettre en sa librairie, entre autres images celle de Corneille, & de Titus Arius: nous auons assez de tesmoignage de ces choses. Or ces librairies & celles de plusieurs autres doctes hommes, & des Princes qui sont depuis ensuyuis ont esté destruites & desfaites par les Gots, Alains, & Vandales, & iusques à ce que par la bonté de Dieu, de nostre temps & de ceux de nos peres, il s'est trouué plusieurs hommes studieux & doctes, qui en ont encor fait des amas, bien que ie croye que ce n'en soit pas la dixiesme partie de ceux que les anciens ont laissé par escrit. Et encor ceux qui ont esté trouuez sont fort incorrects, corrompus & mal escripts, en sorte que sans la grande diligence qu'y ont mise quelques grands personages, à peine eussent ils esté reduits à bonne correction.

*De l'amitié & inimitié qui par secrette propriété sont entre plusieurs choses.*

CHAP. IIII.

L'Ance philosophe Heraclite, & plusieurs autres depuis luy, ont eu opinion que toute chose estoit cauee par concorde & discorde, & que par la paix & inimitié



rié (qui est en toutes choses humaines) prouient la generation & corruption d'icelles, de laquelle Philosophie ie ne traicteray pour le present, tant pource que la matiere seroit difficile pour moy, que pource que le lecteur en recerroit peu de plaisir. Toutesfois nous parlerons de l'amitié & inimitié qui est entre plusieurs choses, sans que personne sçache vraiment d'où procede la cause: qui à la verité est chose fort merueilleuse. Comme celle qui est entre le Chien & le Chat, entre l'huile & la poix, le Cerf & la Coleuure, & tels semblables, dont nous parlerons, qui se hayent naturellement, sans que telle inimitié procede des elemens: car la cōtrariété, & inimitié qui est entre les choses qui en sont composees, est toute claire: comme nous voyons que l'eau est ennemie du feu, pource que le feu est chaud & sec, & l'eau est froide & humide, en sorte que ces deux elemens sont totalement contraires. L'eau & la terre sont amis: entant qu'ils sont tous deux froids: mais ils ont contrariété, entant que l'eau est humide, & la terre seiche. Entre le feu & la terre y a conformité à cause de la seicheresse d'eux deux, & difference pour la chaleur du feu, & froideur de la terre. Par ainsi entre les elemens y a contrariété, & neantmoins en partie d'eux, il y a quelque conformité. Estans donc toutes choses cōposees des elemens, c'est de necessité, qu'entre elles soyent ces cōtradictions & conformitez qu'ont ces elemens, desquels elles sont composees. Parquoy la chose en quoy domine plus la qualité elementaire, préd le nom de la qualité, & la nommons chaude ou froide, humide ou seiche, les aucunes en plus haut degré que les autres, selon que plus est qualifiée la chose d'une de ces quatre premieres qualitez, & voila comme vne chose est contraire à l'autre faisant diuers effects: laquelle contradiction est fort manifeste, & si sçauons bien que nous en venons de rendre la raison. Mais ceste autre inimitié qui ne vient point des elemens, ains de propriété occulte & secrette, ou d'influence superieure, requiert bien qu'on contemple, & recherche d'où en procede la cause. Le Chien & le Chat (comme nous auons dit) se veulent mal, & si ne sçauons pourquoy. Nous voyons aussi d'autres choses qui s'entr'aiment, & si cest amour  
ne



ne deriue point des elemens dont ils sont composez. Les Asnes desrent, & trouuēt bonne vne herbe nommee Ferule, qui est venimeuse aux autres bestes cheualines. Les Renards sont amis des Couleueures, qui sont ennemies de toutes les autres bestes. Cецy n'est pas de moindre consideration entre les hommes qu'entre les bestes: veu que sans sçauoir pourquoy ny comment, vn homme qui en verra vn autre de prime face, sans iamais l'auoir veu l'aura en desdain, & en haine, vn autre luy sera agreable: & quelquesfois si tost qu'il en verra vn qu'il ne cognoistra point, il luy portera affectiō, & l'aura en reuerence, & honneur encore qu'il soit moindre de luy: autres seront desprizez, bien qu'ils soyent grands personnages, & grands Seigneurs. Il s'en trouue d'autres qui semblent estre nez pour endoctriner. Encore voit on deux homes dōr l'vn se laisse gouverner par l'autre, & en cela bien souuent le Seigneur par le seruiteur: en sorte qu'il semble que naturellement il luy soit subiet, sans en sçauoir dōner raison. Tout en pareil cas voit-on aduenir aux bestes telles furiētōs & inimitiez cōme lon voit entre l'Aigle & le Cigne, entre le Corbeau & le Milā & bien souuent voit-on que le Milā arrache la proye des grifes du Corbeau. Il y a pareillemēt haine entre le Millan, & la Chouētre, l'Aigle hait l'Oye, tellement que si on met vne plume d'Aigle avec celles d'une Oye, elle les consomme toutes. Le Cerf persecute les Couleueures, car avec forte respiration qu'il fait à l'entree du trou de la Couleueure, il la tire hors par son halaine & la mège: qu'il soit vray qu'eux y ait telle inimitié, il se prouue en faisant brusler de la corne du Cerf car toutes les Couleueures enfuyent la fume. Il y a aussi grāde haine entre le Corbeau, & les Asnes, & Taureaux, pource que le Corbeau rasche tousiours de les frapper de son bec, & leur creuer les yeux: L'Aigle plus grand de tous les oyseaux persecute la Poule d'eau: la Poule d'eau veut mal à la loüete, & luy casse les œufs. L'oiseau nommé Floxe contrefait le hannissement du Cheual, l'espouuante & estonne pareillement le cheval luy. Les plus grands ennemis du Loup, sont le Aenard, l'Asne & le Taureau. Il y a aussi tousiours querelle naturelle entre le Vautour, & l'Aiguille. Le Lion crain & fuit le Cog, il fuit le feu, & le bruit.



bruit du charroy: la Pantere à la Hienne pour ennemie, le Scorpion veut mal mortel à la Tarentule, que les Latins appellent Falanges, de laquelle la morsure (côme on dit) ne se peut guerir que par musique: & y a si grande haine entré ces deux bestes, que celui qui sera mordu du Scorpion, guérira avec de l'huile où les Tarentules auront esté suffoquees. L'Elephant qui est vne puissante beste, craint & fuit la Coleuvre, & a peur du mouton, & encore s'estonne du grongnement d'un porc. Les Cheuaux, Asnes, & Mules fuyent les Belerres & s'en espouuantent: les Francolins & les Coqs se portent grande inimitié. Il y a vne espee de Faucon qu'Aristote nomme Tico, qui a vne grâde guerre & debat contre les Renards, & toutes les fois qu'il peut il les bat & persecute. Alian certifie qu'il y a grande inimitié entre le Corbeau & vne espee de Faucon qui se nomme Pelagie: & encore entre le Corbeau & la Tourterelle. Haine naturelle est entre le Hiboux & la Cigogne, & entre la perdrix & la Tortue. Le Pelican persecute la caille sur tous autres oyseaux: & le Cheual a plus peur du Chameau que de nulle autre beste. Il y a aussi entre les poissons grand discord & inimitié: l'Escreuice de mer fuit la Pulpe: les Dauphins sont ennemis des Balenes: le Congre est naturellement ennemy de la Lamproye, des Pulpes & des Anguilles. La Pulpe a telle domination sur l'Anguille, & l'Anguille a telle peur de la Pulpe, qu'elle meurt en la voyant. Il y a grande guerre entré le Loup marin & un poisson nommé Mongille ou Mugre. Si la Coleuvre void l'homme vestu, elle luy veut mal, & a bien la hardiesse de l'offencer, & si elle le void nud, elle s'enfuit. Les Rats & les Coleuvres sont grands ennemis, quand elles couvrent leurs œufs l'hiver, & qu'elles ne sortent point dehors, il les persecutent & leur font la guerre: & elles, qui par instinct naturel cognoissent cela, sont en leurs nids provision de viures pour les Rats qui s'amusent à manger, & les laissent. Le Rat a si grand peur de la Fouine, que si on n'auoit mis tant soit peu de movent de Fouine dans le caillé dont on fait le fromage, jamais apres le Rat n'en mangeroit. La haine du Loup & des brebis est si naturelle que si on faisoit vn tabourin de la peau d'un Loup, les brebis fueroient le son, tout



ainsi que si le Loup estoit encore viuant pres du trou-  
 peau. Plus, il y a aussi quelques auteurs qui dient, que si  
 on faisoit les cordes de violes des boyaux d'un Loup, &  
 d'une Brebis, il ne seroit possible de les accorder ensem-  
 ble, ny d'en faire bonne harmonie. Si la peau d'un Loup  
 est pendue en l'estable, ou au lieu où les Brebis doiuent  
 manger, la peur qu'elles en auroient leur fera cesser la pa-  
 sture. La Guenon fuit merueilleusement la Tortue. Les  
 Rats par secrète propriété sont si contraires au Scorpion,  
 que la morsure du Scorpion se guarit quand dessus on y  
 met un Rat. La Couleuvre & la Vipere craignent naturel-  
 lement le Cancere, qui a sur ceste espee si grande puis-  
 sance, que si le Porc est mors de la Vipere, il se guerit en  
 mangeant du Cancere. Et ce qui est encore plus esmer-  
 ueillable, quand le Soleil est au siege de Cancere, les ser-  
 pens souffrent douleur. Le Scorpion poisson, & le Cro-  
 codile se guerroyent continuellement, & se tuent l'un  
 l'autre. La Pantere craint l'Once, en sorte qu'on dit  
 qu'elle se laisse tuer sans se defendre: & si la peau de la  
 Pantere est pendue aupres celle de l'Once, celle de la Pa-  
 ntere se pellerà toute & consumera. L'inimitié de la Cor-  
 neille avec la Chouette est si grande, qu'Aristote dit,  
 qu'elles se desrobent les œufs les unes aux autres. Les  
 moufches Guespes ont ordinairement la guerre contre  
 les Araignes, aussi ont les Poules d'eau, & Canards, avec  
 les Rats, & se tuent & entre-mangent leurs petits. Le Mi-  
 lan & le Renard se hayent pareillement. Il y a une sorte  
 d'oiseaux de proie fort petits, que Plin nomme Esalos,  
 qui veulent si grand mal aux Corbeaux qu'ils en cherchent  
 les nids: & leur cassent les œufs. Les Porcs hayent natu-  
 rellement les Belettes. Les Loups seruiers & les Lyons se  
 hayent mortellement, & en sorte que le sang de l'un ne  
 se peut mesler avec l'autre. Les Taupes ont les Formis  
 en telle horreur, qu'elles fuyent l'arbre où il y en a. L'A-  
 raigne a guerre avecques la Couleuvre, & dit Plin,  
 qu'elle l'a fait mourir ainsi: quand l'Araigne void que la  
 Couleuvre dort sous l'arbre où elle demeure, elle se laisse  
 descendre par le fil qu'elle fait, puis entre au cerueau de  
 la Couleuvre, où elle la mord & s'y attache en sorte qu'elle  
 ne la laisse iusqu'à tant qu'elle l'ait fait mourir de son  
 venin.



venin. Il y a encore entre les autres choses inanimées naturelle contradiction & inimitié : car l'huile est ennemie de la poix, pource que mettant de l'huile en vaisseau poissé par dedans, la poix consume toute l'huile : l'huile est encore ennemie de l'eau, aussi l'est la chaux, mais l'huile & la chaux se ioignent ensemble, & s'aiment naturellement. L'olive à naturelle propriété contre les charnels & luxurieux, & telle qu'il se trouue par escrit que si vne femme impudique la plante, elle meurt & ne prend aucune racine. Les choux ne profitent point s'ils sont auprès de l'herbe nommée Mariolaine d'Angleterre. L'eau salée devient douce si elle est meslée avec de la fleur de farine, en sorte que dans deux heures apres, on la peut boire. Nous pourrions amener tant d'exemples de ces naturelles haines qui sont entre les choses animées & non animées, que ce seroit grande longueur : & pareillement des choses qui s'entr'aiment, comme les Paons aiment fort la compagnie des pigeons, les Tourterelles avec les Papegais, & les Merles avec les Griues. Aristote dit qu'il y a tant d'amitié entre vne sorte de Passereaux, & les Crocodiles, que ceste grande beste ouure la bouche, afin que ces petits oyseaux lui voient cuter & nettoyer les dents & genciues avec leur bec, & que ces Passereaux se nourrissent de cela. Ils disent aussi qu'il y a bien grande amitié entre le Renard & le Corbeau, entre la Corneille & la poule d'Inde, & semblablement entre l'Alouette & vn oiseau qu'on appelle l'onc : le Renard n'est point disconuenable avec les Couleuvres : les oüilles aussi ne sont point en danger avec les Couleuvres : les Pigeons & Tourterelles conuiennent bien ensemble, & les Perdrix avec les Pigeons Ramiers. La Taupe marine est tant amie de la balene, que Plin dit qu'elle va nouant au deuant d'elle, & l'auertit des fosses & profondeurs. Voila des œuvres merueilleuses de nature, dispersées par l'ordre & volonté de Dieu, par l'influence des estoiles & planettes : & de quoy sont auteurs Plin, Aristote, Albert le Grand, Elian, & le Poëte Marbodee au liu. des pierres, avec maints autres auteurs anciens & modernes qui ont escrit de la nature des bestes & d'autres choses.



*Par quel moyen les amitez & inimitiez procedent des influences celestes. Et pourquoy un homme aime, ou hait un autre.*

## CHAP. V.

Comme nous auons dit au chapitre des chose occultes & cachees : il y a quelques planettes & estoiles qui ont dominatiō particuliere sur certaines choses plus que sur les autres, & influent de particulieres proprietiez, qui ne sont causees par la qualite des elemens : & toutesfois on ne peut proprement dire que les planettes, estoiles & signes du Ciel, ayent quelque inimitié entr'eux. Ce neantmoins les anciens Philolophes & Astrologues, considerans les diuers & contraires effects des influences que les estoiles & planettes causent es choses par leur mouuement & lueur, leur ont attribué diuerses qualitez, & pareillement des inimitiez entr'eux selon Guido Bonati, Schonner, & maints autres. Mars & Venus sont ennemis du planette Saturne. Iupiter & Mercure sont ennemis aussi, le Soleil & la Lune & tous les planettes sont amis de Iupiter, excepté Mars qui est ennemy de tous, fors de Venus. Iupiter & Venus aiment le Soleil, & les contraires sont Mars, Mercure, & la Lune : Venus est amie de tous, excepté de Saturne. Ainsi donc il y a entre eux telle amitié inimitié que ie les laisseray à dire pour briuete. Or estant ainsi, les choses qui sont sous l'ordre & gouvernement d'un planette, seront par naturelle inclination amies ou ennemies de celle qui sera obeyssante à un autre planette, signe, ou constellation, selon la conformité ou diuersité, qui sera entre ces estoiles dominantes les choses : & si est ceste inimitié plus grande & de plus d'efficace, quand entre les natures & qualitez des planettes à qui elles sont subiectes, il y a plus de repugnance : & au contraire l'amitié sera trop plus viue, quand plus la conformité sera grande entre ces planettes. Et s'entend aussi bien cela sur les hommes que sur les bestes : toutesfois les hommes estans de franche & libre volonté, encore qu'ils sentent ceste repugnance ou inclination, ils y peuuent resister par grace : mais les bestes qui sont priuees & hors de ce priuilege, se laissent gouverner selon leur naturelle inclination, & la mer-



teint en effet le plus qu'ils peuuent : aussi font les herbes & les plantes. Quand est de l'amour d'entre les hommes, les astrologues disent, mesme leur Prince Ptolomee, que les hommes qui à leur naissance auront vn mesme signe pour ascendant, ils s'entraimeront volontiers, & pareillement ceux qui auront le Soleil & la Lune en vn mesme signe : encore disent ils qu'à ceux qui ont vn mesme signe pour dominateur en leur natiuité, cela engendre & infuse naturellement amour & conformité de nature : & encore que ce ne fust vn mesme planete, il suffit que les deux planettes soyent amis, & non ennemis, ou qu'ils se regardent de bon œil : ce qui se pourra cognoistre en faisant les figures de la natiuité de l'vn & de l'autre : & qui aide encore bien fort à leur cōformité, c'est auoir la partie de Fortuné en vn mesme signe ou maison, & que la maisō ou signe où sera la Lune à la naissance de l'vn soit en bon respect vers l'autre : car selon que plus ou moins ils auront de ces conditions, aussi sera plus ou moindre l'amour naturelle. De là vient que deux hommes ayās à faire vne mesme chose, cest homme prendra plus estroite & particuliere amitié à l'vn, & au contraire il portera haine & mal-vueillance à l'autre, sans qu'il ait en riē offensé : ce qui pourroit aduenir à deux personnes qui auroient leurs signes ascendans contraires en leur qualité, & de cōtraire triplicité, & les planettes Seigneurs de leur natiuité ennemis & contraires : cōme le Soleil & la Lune en oppositiō & signes diuers, & que ceux d'vne naissance regardent de mauuais œil ceux de l'autre : car ces choses & autres que nous pouuons dire, sont cause qu'vn homme en voyant l'autre, à plaisir ou deplaisir interieur (cōme il est apparent en voyant deux hommes iouer ensemble, disputer ou combattre) poutce que lors sans estre obligé à l'vn ny à l'autre, ny cognoistre quels ils sont, celui qui les regarde est plus affectiōné à l'vne partie qu'à l'autre, & luy desire la victoire. Touchant l'autre, dont nous auons parlé, qu'il semble qu'vn homme sans aucune occasion craint vn autre, & se laisse gouverner par luy, bien qu'il soit plus grand & son superieur, nous le voyons aduenir souuent. De ces choses le mesme Ptolomee dōne raison, disant que celui qui à sa naissance aura vn



signe ascendant, comme par grace d'exemple l'vn en O-  
 rient, & l'autre sur le Midy, celtuy. là aura naturellement  
 vne maniere de subiection & seigneurie. Le pareil adui-  
 en celuy qui à la naissance a le signe dominant, & l'autre  
 l'a obeyssant. Et si deux ont vn mesme signe pour ascen-  
 dant, ou pour seigneur vn mesme planete: celuy qui en la  
 force & ordre de ce planete, sera superieur (comme nous  
 auons dit des bestes) aura la naturelle domination sur  
 l'autre. Or quád cest auantage vient en celuy qui est amy  
 & fauori de l'autre, il en a tant de faueur qu'elle le gou-  
 uerne: & si c'est en l'endroit d'vn seruiteur il est seruiteur  
 fidelle, loyal & bien obeyssant: si ceste chose adui-  
 ent entre deux amis esgaux en biens, & qualité (côme on void  
 souvent) ils se trouuent fort grands amis, & semble que  
 l'vn gouuerne la plus grande part de l'autre.

D'où vient qu'un chemin de pareille longueur plus est court & uni, moins il ennuye, & s'il est fort long & uni, plus il fasche & pourquoy le marcher en tournant fait tomber.

CHAP. VI.

**E**Ncore que ce chapitre n'estoit de telle importance que le preceder, si ne doit on despriser le doute qui y est debatü, puis qu'Aristote n'a desdaigné de le determiner. Nous voyons souuentefois que celuy qui va par vn chemin qui est court, comme vous ditez de demy lieuë, peu plus ou moins, si le chemin est vny sans môtaignes ouualles, on ne s'en ennuye pas tant que s'il estoit bossu: mais si le chemin estoit long, cōme de huit ou dix lieuës, peu plus ou moins, & tout vny à la verité il ennuyeroit dauantage que s'il y auoit quelques môtaignes & uallees à passer: la raison c'est qu'on le lasse pour deux causes: la premiere pour estre le travail fort long & durable encore qu'il ne soit point fort aspre. & l'autre pour estre aspre, bien qu'il dure peu. Pour le premier point dont nous auons parlé, qui est que voyage court, môtueux & costier, lasse plus que celuy qui est plain & vny de la mesme longueur. Il faut entendre que ce fatigue bien qu'il soit petit est plus aspre que si on alloit par plaine, pource que c'est chose plus repugnante à nostre nature, d'aller sautant & grim



Impant, que d'aller vniment nostre chemin. Mais que le voyage long & plein doie plus lasser que l'autre qui a quelques môtaignes ou valleses, la raison vient d'un lōg & semblable chemin, pource que les membres vōt tousiours d'une façon sans muer d'allure, qui ordinairement donne quelque repos, en sorte qu'encore que le monter semble aucunement plus penible que d'aller par le chemin vny, si est-ce que ceste mutatiō donne repos & soulagement, pource que les mēbres priēnt nouuelle forme & est leur mouuement d'autre maniere: comme nous voyōs qu'il aduiēt quelquefois à ceux qui vont à cheual, lesquels (bien qu'il soit plus penible d'aller à pied) descendent neātmoins, & marchent quelque temps pour se reposer. Il aduiēt donc par ce moyen au chemin vny & en pleine, que les mēbres n'ōt qu'un esgal mouuement d'une mesme sorte, sans estendre ny retirer les membres, plus vne fois qu'à l'autre: & partant quād le voyage dure long temps, il est plus ennuyeux: & combien que le monter & descendre durast plus que la planeure, si est-ce que le chemin plat qui seroit parmy, ameheroit avec soy une mutation, par laquelle les membres reçoient quelque soulagement & repos: dont nous pourrōns prendre exemple sur ce qu'on se lasse d'estre long tēps assis & en repos, sans cheminer: tellement que quelquefois on estend ses membres, puis on les retire & resserre. Voila les opinions d'Alexandre Afrodise en ses problèmes, de Macrobe au liu. i. du songe de Scipion, & de Platō en son Timee. Et si font encore ceste demande, pour quoy l'homē en tournoyāt, ou estant menē d'un autre, cela luy est si nuyisible qu'il tōbe esblouy. A quoy tous deux respondent, & principalement Macrobe, que les mouuemens de toutes les choses corporelles sont sept en nombre, dōc l'un est pour le mouuement du bas au haut, & l'autre pour du haut au bas: & qu'il y a mouuement pour un lieu en auant, & un autre pour un lieu en arriere sans monter ne descendre, un autre pour le costē dextre, l'autre pour le senestre, & le dernier est de tourner à l'entour, qui n'est ny par haut ny par bas, ny à gauche, ny à droit, ains en rōd & circuit: ce qui est le propre mouuement du ciel, la propriété duquel est de tourner ainsi, & n'est point commun ny ordi-



naître à l'homme, comme les autres six on chacun d'eux. De là vient, que pour n'auoir iamais esté veu, ny fait par l'homme, quand il s'y esmeut par luy, ou par autre, il s'en espouuante & trouble, & luy en aduient vn accident, & mutation notable, pource qu'il trouble au cerneau tous les esprits, & altere les humeurs de la teste, en telle sorte que les organes des sentimens ne peuuent receuoir la vertu & puissance animale. Ainsi la charge & pesanteur corporelle, n'estant soutenue de l'ame, chet en terre, sans force, sans veüe, & sans le pouuoir soutenir. Mais si l'homme faisoit le mouuement petit à petit, nature ne s'en fâcherait, ains sans aucun dommage, il le pourroit bien faire.

Combien la memoire est excellente, & pourquoy ceux qui ont l'esprit aigu, ont la retention debile: & encore pourquoy les hommes ont si bonne souuenance de leur ieunesse.

CHAP. V I I.

**E**Ntre les sentimens intérieurs de l'homme, la memoire est la plus excellente, & est le tresorier & garde de tous les autres. Le bien que Dieu a fait aux hommes, en leur donnant memoire, est si grâd que seulemēt les louanges d'icelle, & le recit des biens qui aduiēnent à l'homme par ce moyen, pourroyent cōsommer grand temps à l'escrire & reciter, & y faudroit beaucoup de papier. Cicerō dit que la memoire est l'argumēt de l'immortalité de l'ame, & diuinité de l'homme. Plinē l'appelle bien extremēt necessaire à la vie: & Plutarque Antistrophe de diuinité, c'est à dire, equivalent ou semblable à la diuinité, veu que du passé elle en fait le present: pource que le tēps passé ressemble à celuy qui porte de l'eau courante, mais la memoire le retient, & semble qu'elle y dōne resistance avec essence à ce qui n'est point. Autres appellent la memoire, le tresor de science. De là vient que sapience est fille de la memoire & l'experience, d'autāt quē la memoire est vn coffre, ou cabinet de tout ce que nous apprenōs, entendōs, & voyōs. Le Sauueur & redempteur de tout le monde l'a beaucoup estimée, veu que quād il nous laissa le S. Sacrement de son corps, il dit que nous le deuions receuoir en memoire de luy. L'Eglise chante, & dit que les



les iustes seront en la memoire eternelle. Il faut donc dire que le lieu du bien de ceste memoire est fort grand. Memoire des biens que nous auons receus: memoire des maux que nous auons fais pour nous desplaire. nous seront auoir ceste memoire eternelle. Mais venant aux lettres humaines nos orateurs la mettent pour vne des principales parties d'oraison. Nous sommes enseignez en vain (dit Quintiliã) si nous oubliõs ce que nous auons apprins: parquoy luy mesme comãde, que ceste puisãce soit souuent exercee, pource que l'usage & exercice l'augmente. C'est chose merueilleuse que la metrat en œuvre, & l'ayât en recoẽmandation, elle se souuiet du passé: celui qui l'aploie d'affection, est moins capable d'apprendre: & celui qui en cela s'est donnẽ le plus de peine, pour retrouver le passé, se rend plus habile pour l'aduenir. Or ceste vertu a deux moyens. Vn homme qui a la memoire & preste & prompte à receuoir l'ẽsẽgnemẽt qui luy est donnẽ, ne le garde pas long tẽps, & l'autre qui est de longue apprehẽsion la conserue biẽ. Surquoy Aristote nous donne la raison naturelle, disant que les hommes qui ont l'esprit vif & aigu sont de prime face faciles à enseigner, & debiles à la retencion au contraire, les lourds & rudes d'esprit, apprennent & conseruent par grande difficultẽ: mais ils retiennent mieux. Plutarque dit que ces choses aduient aux hommes ainsi, qu'il fait aux vaisseaux qui ont bouche & entree petite, & partant difficiles à emplir: mais aussi ils ne sont pas en si grand danger de se repandre, ne si tost: & dit que les vaisseaux representent les hommes de rude entendement, & que ceux qui ont l'esprit si prompt, sont comme les vaisseaux qui ont grande ouuerture d'entree, lesquels plus facilement on emplir: aussi plus facilement respendent ce qu'ils cõtienent. S. Thomas qui n'a rien laissẽ (ou bien peu qu'il nait fort doctemẽt espluchẽ ou examinẽ) dit à ce propos, que par les diuerses dispositions corporelles paruiennent les diuerses promptitudes & operations de l'ame: car comme nous voyons que les choses où on fait quelques impressions & caracteres à peine & difficultẽ, comme sont les metaux où la pierre, conseruent plus ces impressions, que ne sont les autres choses, esquelles on imprime plus facilement, comme est



la cire, & autres choses molles, aussi la memoire ( qui est gardienne de ce que l'on apprend ) estant au chef d'un homme de dur entendement, quand elle recoit quelque chose bien imprimee, elle est mieux conseruee en ceste dureté qui l'a receuë avec peine & difficulté: mais quant à ceux qui sont vifs & prompts, & qui recoiuent ces choses à moindre travail, ils les laissent aussi tomber de rât plustost. Il y a vne autre chose en la memoire, qui est sèblablement digne de noter, c'est que nous voyons que ce qui s'imprime en ce tède esprit d'enfance nous ne l'oublions point deuenans hommes. Auicène li. 6. des choses naturelles dit q. cela viét de ce que ceux qui ont l'entendement à repos & sans charge de grands pèsemés, ont memoire plus certaine & pour ceste cause ce que les enfans apprennent en leur grande ieunesse, ils le retiennent par long tēps, car ils ne sont point molestez de pensées & travaux. Toutesfois S. Thomas dōne encore vne autre raison, selon mon aduis, plus valable: c'est que la chose qui est occasiō de plus notable mouuement en l'homme demeure plus ferme en sa memoire, comme sont choses fort nouuelles & merueilleuses: par ain sicōme aux enfans toutes choses sont fort nouuelles, & semblent grādes, aussi est ce la cause que les s'impriment fermement en leur memoire. Mais laissons l'enfance, & reuenons aux hommes, desquels il s'en trouue de rāt capable & singulier entēdemēt, qu'il semble estre chose trop merueilleuse: Plin. Solin, & Quintilian en donnant plusieurs exemples. Nous lisons de Cyrus qu'il cognoissoit tous ceux de son armee, qui estoit fort grāde, & les nommoit par nō & surnom, chose veritablement esmerueillable. Solin en escrit autant de Lucius Scipion, & toutesfois, bien que cela soit merueilleux, il semble que par la conseruatiō frēquēte & continuee par long tēps, il se peut faire. Mais ce que l'on dit de Cinas Ambassadeur du Roy Pirrus vers les Romains, dōne plus d'esbahissement, pource qu'estāt arriué de deux iours seulement à Rome, il scauoit tous les noms des Senateurs, bien qu'ils fussent grand nombre, il scauoit encore tous les noms des Gentils homes & principaux de la ville, & les cognoissoit de veuë. & si parloit d'eux par leurs nōs. Sparsia en la vie d'Adrian louë fort la memoire, disant que si on lisoit vne

Plin li. 7.  
Solin. li. 1.  
Quintilian  
li. 1.



liure en sa presence (encore qu'il ne l'eust iamais veu ny  
ouy) apres que la lecture estoit acheuee, il recitoit de mor  
à mor tout le contenu du liure sans en rien faillir, & si re-  
cognoissoit à iamais ceux qui parloyent vne fois à luy.  
I'ay leu quelques fois, qu'un iour vn homme qui estoit vieil,  
& auoit la barbe & les cheueux blâcs le requit de quelque  
chose dont il fut refuse: au moyē de quoy cest homme apres  
s'estre fait rōdre & auoir prins vne fausse perruque & ra-  
ser sa barbe (il semble par là que ce n'est pas du iourd'huy  
que telles gaillardises & deguisemens sont en regne) il re-  
tourna de nouueau vers l'Empereur & luy demanda cela  
mesme qu'il auoit desia requis: lequel estant recogneu de  
l'Empereur Adria, afin de le gaudir de ce qu'il s'estoit fait  
rōdre les cheueux, luy dit que volōtiers il luy eust accordé  
sa requeste, si n'estoit que puis peu de iours, sō pere mes-  
me luy auoit demandee, & luy en ayant fait refus il ne luy  
sēbloit pas raisonnable, d'accorder au fils ce de quoy le pere  
auoit eistē refuse: par quoy le beau mignon de ieune fils  
contrefait, s'est alla tout confus chargē de l'expedition qu'il  
meritoit. Nous lisons de Mithridates Roy de Pōt, qu'il a-  
uoit sous sō sceptre 22. lāgues, & qu'il escoutoit toutes ces  
nations sās interpretes, & respondoit à chacū en sa langue.  
La memoire de Themistocles fut pareillement bien grā-  
de: Ciceron parlāt de luy dit qu'il apprenoit tout ce qu'il  
vouloit, & qu'il desiroit oublier maintes choses des moins  
bonnes qu'il auoit apprinses, mais il ne pouuoit. Simoni-  
des luy demanda vn iour, s'il vouloit vne recepte pour a-  
uoir bonne memoire, & il respondit qu'il voudroit bien  
trouuer la maniere d'oublier quelque chose, mais pour  
auoir memoire, il n'en auoit point de besoin. Quintilian  
recite de P. Crassus, qu'en vn instant il escoutoit parler en  
5. sortes de langues vsitees en Grece, & qu'à chacū il re-  
pondit selon icelles. Senèque en la preface de ses decla-  
mations, dit que Portius Latro (qui tant illustra les escol-  
les du docte Rodolphe Agricola) auoit par nature, & art,  
telle memoire, qu'elle sembloit incroyable, pource que  
tout ce qu'il apprenoit, il le retenoit fidellemēt, & qu'estāt  
deuenu orateur, toutes les harangues qu'il auoit faites il  
les recitoit par cōr mot à mor sans faillir. Il disoit que  
c'estoit vn trauail inutile que l'escriure, pource qu'il es-  
criuoit

Valere l. 8.



escriuoit en sa memoire toutes les inuentions. Ciceron  
 escrit semblablement d'Hortensius grand orateur, & dit que  
 tout ainsi qu'il dresloit son oraison il l'escriuoit, puis la  
 prononçoit par cœur sans faillir. Senèque au lieu mesme  
 preallegue dit que ce mesme Hortensius estant vn iour à  
 voir vendre les bien d'un inuentaie, laquelle vente dura  
 le iour tout entier, apres que tout fut fait recita par ordre  
 toutes les choses qui auoyent esté vendues, disant les nōs  
 de ceux qui auoyent acheté, & tout le prix des choses ven-  
 dues, sans aucunement faillir de l'ordre qu'on y auoit re-  
 nu. De soy mesme comme bon tesmoin, escrit Senèque  
 qu'en sa ieunesse il auoit telle memoire que si on luy eust  
 dit deux mil noms de choses, il les reduisoit toutes par le  
 mesme ordre qu'ils eussent esté nōmez, sans y faire faute  
 aucune. Il dit encore d'auantage que du temps qu'il appren-  
 noit telles fois deux ces disciples alloient deuant son mai-  
 stre, reciter chacun vn vers different, & tout aussi tost  
 qu'ils auoyent acheuē de reciter, ils recommençoit à les  
 repeter vn à vn sans y faillir d'un seul mot. Entre les ex-  
 ples de grande capacité, se peut nōmer celuy de Iules Ce-  
 sar qui en vn mesme temps escriuoit à quatre personnes  
 choses differentes, avec quatre secretaires. Plinē escrit de  
 luy qu'en vn mesme tēps il nōmoit vne lettre à vn secre-  
 taire, & lisoit en vn liure, & oyait parler vn autre. Spar-  
 cian en escrit quasi autāt de l'Empereur Adriā. A ce pro-  
 pos il me souuiet d'une subtile responce de Scipion A-  
 fricain le petit, qui contendoit avec Apius Claudius pour  
 l'office de contreroleur de Rome, lequel Claudius pour  
 attirer le peuple à soy nommoit chacun Romain par son  
 nō disāt que c'estoit bien signe qu'il les aimoit tous, veu  
 qu'il auoit memoire de les nommer tous, & que Scipion  
 n'en cognoissoit pas vn, & si ne scauoit point de leurs nōs:  
 à quoy Scipio respōdit: Vray est Claude, que ie n'ay point  
 pourchassé d'en cognoistre, mais i'ay rasché de faire en  
 sorte qu'il n'y eust hōme de la ville qui n'eust cognoissāce  
 de moy. Je vous pourrois encore donner beaucoup d'au-  
 tres exēples de la grande memoire des hommes, mais le  
 curieux lecteur les pourra voir aux Tusculanes de Cice-  
 ron & en Quintilian, & semblablement dans les histo-  
 riques cotrez par Iean Camers sur le 7. chap. de Solin.



*Que la memoire se peut maculer, & si peut estre  
fortifiée par art.*

## CHAP. VII I.

**T**Out ainsi que la memoire est excellente, aussi est-elle delicate, & plusieurs choses la peuuent corrompre & empescher: comme font les maladies, les playes & naureures, en la teste, la vieillesse, soudaine peur, & cheute de haut. Toutes telles choses troublent la memoire, pource qu'elles endommagent le lieu, les organes, & instrumens d'icelle. Ceci est encor à noter, qu'aucuns par la debilité de leur memoire s'oublent en toutes choses: aucuns en vne seule la sentent esgaree: cōme Pline escrit de Messale Coruin, qui à cause d'une maladie, demeura en telle sorte, que jamais ne se souuenoit de son propre nom, mesme quand il en estoit enquis. Valere parlat des merueilles, recite d'un hōme docte, q d'un coup de pierre qu'il eut en la teste, oublia tout ce qu'il auoit appris des lettres & sciences, neantmoins il auoit bonne memoire en toutes autres choses: vn autre homme, à cause d'une cheute perdit la cognoissance de sa mere, & de ses parens. J'ay leu & ouy dire à plusieurs, que François Barbare hōme de nostre tēps, fort docte, mesmement ez lettres Grecques, par vne certaine maladie qu'il eut, oublia particulièrement tout ce qu'il scauoit en Grec, demeurāt au reste comme auparauant: chose à la verité fort merueilleuse. On dit que George Trapelsonce homme fort docte, & qui fut du temps de nos peres, oublia en sa vieillesse tout ce qu'il auoit peu apprendre. Or comme il se trouue que particulièrement la memoire se destruit par quelque occasiō, aussi s'est-il trouué des hommes qui de leur nature l'auoyent fort debile. L'Empereur Claude estoit de memoire si labile, que Suerone escrit en sa vie, que quelquefois ayant sa femme couchee aupres de luy, apres auoir parlé à elle, il ne s'en souuenoit plus, & en la demandant, vouloit qu'on dist la cause pourquoy elle ne s'en alloit coucher: vne fois il auoit fait mourir vn homme, & le iour ensuyuant il le demanda pour aller au conseil. Herodote le Sophiste eut vn fils de si pauvre memoire & entendement, qu'il ne pouuoit en aucune maniere appren

*Plin. li. 7.  
chap. 24.*



apprendre ne retenir les lettres de l'alphabet, & le pere eut tel desir qu'il apprint, que pour luy en donner moyé, il faisoit nourrir avec luy 24. enfans de son aage, & à chacun d'eux il imposa vn nom de chacune des lettres de l'alphabet, afin qu'en les nommant & cognoissant il apprint ces lettres là. J'ay dit par cy deuant que la soudaine peur ou alteration est coustumiére d'empescher la memoire: aussi est il vray que bien que telle peur ne destruisse du tout la memoire: si est ce que pour quelque temps elle fait oublier à l'homme ce qu'il auoit bien arresté & fiché en la memoire: comme il aduint à Demosthene orateur tres-illustre, lequel estant allé en ambassade par deuers le Roy Philippe de Macedone, il entra en telle alteration se voyant en la presence d'un tel Roy, qu'ayant encommencé son oraison qu'il auoit composee & retenue en sa memoire, il demeura court & l'oublia totalement sans pouuoir dire mot. Nous en lisons tout autant de Theofraste, qui vouloit orer en la presence du conseil des Areopagites, & pareillement d'Herodes Athenien estant en la presence de l'Empereur Marc Antoine, & d'Eraclides Licie en la presence de Seuerus Empereur, selonc que recite Philostrate. Quasi de nostre temps Barthelemy Socin natif de Siene, bié docte en loix estant ambassadeur de sa patrie par deuers le Pape Alexandre, commença son oraison qu'il auoit fort bien estudee: mais il s'altera tellement de la presence des Princes là estans, qu'il l'oublia du tout, & ne peut prononcer vne seule parole. Moy-mesme traducteur de ce liure, porte tesmoignage, que telle alteration que celle de Demosthene (non que ie me compare à luy) m'est aduenue en presence de gens de iudicature, & ce pour la grâde affection que i'auois à la iustice de mon oraison, qui m'altera en sorte qu'il ne me fut possible de continuer le peu de mon commencement, bien que i'eusse assez estudié mon ordre. Or que la memoire puisse estre aidée & conseruee par artifice, c'est chose toute certaine, & se trouue plusieurs auteurs qui en ont escrit. Solin en son Polihistor en traite, & Quintilian plus au long. Seneque moral, au lieu allegué, fait cest art si facile, qu'il dit qu'en peu de temps vn homme le pourroit faire. Et se trouue par

escriit



escrit que Cineas Ambassadeur de Pirthus l'auoit practi-  
 quee, Plin & Quintilian disent q̄ Simonides fut inuen-  
 teur de l'art memoratiue, combien que le mesme Plin  
 die, que Metrodore la mit à perfectiō, & qu'il s'en aidoit  
 merueilleusement bien. Ciceron en son liure de l'Orat-  
 teur, & Quintilian, & Valere en ses merueilles aussi, diēt  
 qu'estant Simonides conuiē en vn festin, avec plusieurs  
 autres, la sale où ils banquetoyent cheut, & y mouru-  
 rēt tous, fors Simonides, qui auoit esté en l'instar appel-  
 lé par quelqu'un, & estoit sorti dehors sans auoir sçeu qui  
 l'auoit appellé, & par ce moyen sauua sa vie. Et disent ces  
 historiens, qu'en recherchant les morts qui auoyent esté  
 conuiez, & qui estoient en grand nombre, Simonides  
 les marqua tous, declarant en quel ordre ils estoient as-  
 sis à table quand la sale cheut. Vne autre chose est à no-  
 ter, c'est que les Philosophes naturels, & principalement  
 Aristote, font difference entre la memoire & le souuenir  
 pource disent-ils que la memoire peut aussi bien estre  
 aux bestes comme aux hommes, bien que ce soit im-  
 parfaitement: mais le souuenir est en l'homme seule-  
 ment, qui est se recorder avec discours, & pēser la chose,  
 comme en contemplation, discourtant du general au  
 particulier, de la circonstance, & du temps, avec confide-  
 ration & intelligence: pource que les bestes se souuen-  
 nent du lieu où elles sont vne fois cheutes: vn cheual du  
 lieu où luy aura esté fait mal, & autres bestes pareille-  
 ment plus ou moins en diuers degrez. Mais comme  
 nous auons dit, le souuenir de l'homme est plus parfait,  
 avec discours & intelligence, en courrant d'une chose en  
 autre. Par ainsi, selon Aristote, celuy des hommes qui a  
 l'entendement plus vif, a plus de souuenance, encore  
 que l'autre ait plus de memoire: pource que le souuenir  
 est vne maniere d'investiguer, qui esueille la memoire à  
 quelque chose pour faire recorder: parquoy le meilleur  
 & plus vif entendement fait donner meilleur moyen, &  
 pour ceste cause il y a meilleure souuenance. Les Grecs  
 entre autres vanitez de leurs Dieux auoyent vne Deesse  
 de Memoire, en sorte que ce sentiment memorial a tou-  
 iours esté en grande estime. Voila pourquoy les hom-  
 mes doiuent bien rendre graces à Dieu, de ce qu'il leur  
 a donné







ges & sçauans. Alexandre le Grand voulant destruire & ruiner la ville de Thebes, commanda premierement que la maison du Poëte Pindare demeurast en son entier. De vous dire combien Virgile estoit prisé & honoré par Octauius Auguste, c'est chose cogneüe & notoire à tous, sans que ie le die, veu que ce peuple de Rome l'auoit en ceste reputation, que selon Plin, liure septiesme, quand il entroit au Theatre pour pronôcer ses vers, tout le peuple se leuoit en pied, luy faisant toute telle reuerence qu'à l'Empereur mesme: qui plus est, Syluius Italicus Poëte Espagnol, celebroit chascun an le iour de sa natiuité, voire plus deuotement que le sien propre. Les dons & presens que luy faisoient Octauius & Mecenas, & plusieurs autres, furent si grands, selô que dit Sernius, qui a escrit de luy, que son bien valut en peu de temps six mille sesterces, qui montoient deux cens cinquante mille escus: & si auoit en Rome yn fort honorable Palais: au moyen dequoy Iuuenal Satire 7. le met au nôbre d'vn des riches de ce temps-là. Vn iour Virgile en la presence d'Octauius & de Liue sa femme mere de Marcel, prononça quelques vers de ses liures des Eneides, mais venant à la fin du 6. où tant elegamment il parle de ce Marcel, qui desia estoit mort, le cœur de la mere s'esmeut si fort, que perdant sentiment, elle cheut esuanouie, sans pouuoir ouyr le reste: & depuis qu'elle fut reuenue à soy, commanda, que pour chacun vers qu'elle auoit perdu à ouyr, on donnast à Virgile dix sesterces: parquoy y ayant de reste 21. vers, ce don monta la valeur de cinq milleducats du present. Il se trouua par escrit, que les Siracusains auoyent quelques prisonniers Atheniens, qui sçauoyent par cœur certains vers d'Euripide Poëte Grec, & les prononcèrent: pour laquelle occasion seule en l'honneur de ce Poëte, ils les deliurerent & laisserent aller librement en leur pays. Scipion l'Africian durant sa vie auoit tousiours en ses guerres la statue d'Ennius, puis en mourant ordonna qu'elle fust mise en son propre sepulchre. L'Empereur Domitian fut trois fois Consul de Rome. Siluius Italicus, diligent Poëte natif d'Espagne, comme tesmoigne Marcial en vn Epigramme qui commence, *Augusto pia thura*. Mais quoy: de nostre temps ie ne sçay quel



honneur les Princes modernes ont fait à vn Politian, à vn Pontan, à vn Saumazar, & autres excellens Poëtes: mais ils sont encore dedans le temps d'y paruenir, pour ce qu'ils sont ieunes d'age, & vieux de sçauoir & intelligence, tous lesquels se pourroyent esgaler à plusieurs des anciens. Le Roy Mithridates (pour parler des anciens) eut Platon & sa doctrine en telle reputation, que voulant auoir sa statue, il fist chercher vn homme Silan pour la faire, pource qu'il estoit fort excellent ouurier car c'estoit en ce temps le grand honneur d'auoir aux lieux publics vne statue: & ne s'y en permettoit mettre, si elles n'estoyent d'homme qui eust fait quelque acte de vertu notable. & pout grande doctrine & dignité. Pour ceste cause ceux d'Athens en eurent vne de Demosthene, avec vn titre de plus grand honneur qui iamais eust esté donné à d'autres: & disoit ce titre, que si la force & puissance de Demosthene eust esté esgale à son esprit & sçauoir, le Roy de Macedoine n'eust point surmonté les Grecs. Ioseph le Iuis estant du nombre des captifs de Ierusalem, fut conduit prisonnier à Rome, & toutesfois à cause des liures qu'il auoit faits de l'antiquité des Iuis il merita d'y auoir statue. Les Atheniens considerans la doctrine & prudence de Faleric, disciple de Theophraste, firent mettre sa statue en trente parts de la ville. Or si ceux-là estoyent grandement honorez, ils s'estoyent moins salariez, car Athenes escrit au liure 9. des Gimnosophistes, qu'Aristote pour son liure des animaux, reçut d'Alexandre huit cens talens, lesquels à la monnoye qui court maintenant en France, valoyent quatre cens octante mille escus: ce qui est verifié par Plin liure huictiesme, disant qu'Alexandre desiroit si fort que ce liure fust fait par Aristote, qu'il enuoya plusieurs milliers d'hommes par toute la Grece & l'Asie, avec lettres & commandemens expres, qu'ils fussent obeys en tout ce qu'ils voudroyent, touchant le fait de la chasse du vol, & de la pêche, & autres semblables exercices, afin qu'ils peussent entendre & sçauoir les proprietéz & natures de toutes sortes de bestes, oyseaux & poissons, pour en aduertir Aristote. Si Homere le meilleur de tous les Poëtes Grecs, eust esté du temps d'Alexandre, il est à presumer



mer qu'il y eust fait de pareils biens & benefices qu'à Aristote : pource que luy estant présenté vn coffre, dans lequel le Roy Daïre tenoit ses plus précieux onguens, luy estant ce coffre fort agreable, il dit : le seray que ce coffre sera conseruateur d'un autre plus précieux thesor & là dedans fit mettre les œuvres d'Homere, auxquelles il prenoit plaisir les lisant continuellement. L'Empereur Traian à cause des lettres seulement, honnora tant le Philosophe Dion, que quand il alloit par les champs, il le faisoit seoir tout au plus pres de luy en son propre chariot, & ainsi le conduisit dans Rome y faisant son entree triomphale. En la guerre que l'Empereur Octavius fit en Egypte contre Marc Antoine, il disoit qu'il auoit laissé de destruire Alexandrie, ayant respect à ce qu'Alexandre l'auoit edifiée, & encore pour l'amour du Philosophe Arrian. Ce mesme Empereur fit Cornelius Gallus Tribun du peuple, pour ce seulement, qu'il estoit Poète elegant. Suetone en la vie de Vespasien, monstre quels gages on donnoit anciennement aux lettrez : car il dit, combien que Vespasien fust noté d'auarice, il fauorisoit neantmoins les exercices & les arts, & donnoit pour pensions à chacun maistre d'icelles, telles quantités despeces d'or, que les reduisant à nostre monnoye, selon Beroalde & Budee, leurs gages valoyent deux mille cinq cens ducats. Par le témoignage de Plin en son septiesme liure escriuant d'Isocrates Orateur Grec, on cognoist en quelle estime furent les lettres : car il dit que cest Isocrates ayant fait vne oraison pour vn homme, il luy vendit vingt talens, qui valoyent selon la computation presente douze mille escus. Il se trouue aussi par escrit en la vie de l'Empereur Antonin fils de Seuer, qu'il fit donner à Oppian auttant de ducats d'or qu'il y auoit de vers en vne grande œuvre qu'il auoit faite, touchant la nature & propriétés des poissons. L'Empereur Gratian scachant qu'Ausone composoit bien en vers, luy donna pour icelle occasion le Consulat, qui estoit la plus grande dignité apres celle de l'Empereur. Domitian, bien qu'il fust tres meschant, fit de grands honneurs & presens au Poète Eustathie, & en vn solennel festin le fit seoir à sa ta-



ble, & couronner de Laurier, qui est ce dequoy anciennement les Poëtes se couronnoient. Seleye Basc Poëte Lyrique, fut caressé par l'Emperere Vespasien avec paroles honorables, non moins que cest autre, avec presens de grandes sommes de deniers. Arrien pour l'histoire qu'il auoit faite en Grec des faits d'Alexandre le Grand, & aussi pource qu'il estoit homme leturé, il fut fait Consul de Rome par Adrien & Antonin. Encore ne furent ces hommes doctes honnorez pendant leur vie seulement, mais, aussi apres qu'ils furent morts, comme on void de Ptolomee qui estoit Roy d'Egypte, qui fit faire à Home-  
re vn temple & statue comme à ses autres dieux; de Virgile aussi fut faite la statue dans Maitouë long temps apres sa mort. L'excellent Poëte Horace, encore que ne soyons certains s'il fut fort riche, eut neantmoins par Octauius de grandes dignitez à Rome. Le pourrois amener beaucoup d'exemples à ce propos, que ie delaisse pour n'estre importun. Et si quelqu'un me veut alléguer que le sage Senèque mourut par le commandement de Neron: ie vous respõs que ce fust le tres cruel Neron qui fit cela, & qu'auparauant sa mort il obtint en Rome de grands biens & dignitez, par le moyen de ses lettres. C'est vn proverbe veritable que les honneurs & les presens, font les arts & augmentent les sciences: aussi trouuons nous que du temps que les Roys & Emperereurs fauorisoyent les studieux & lettrez, il se trouuoit des hommes bien fort doctes, comme du temps d'Octauius, de Claude, d'Adrian, & de Vespasien, & d'Antonin: & pour modernes, de l'Emperere Sigismond, de Robert Roy de Sicile, de Nicolas cinquieme souuerain Euesque du Roy Alfonse de Naples, de Matthias Roy d'Hongrie: comme aussi on fait en Florence ceux de la maison de Medicis: la fleur de laquelle, pourtant pour le iourd'huy la couronne de la France sur son chef, en porte encore bon témoignage en ce Royaume, ayant retenu l'exemple de ses predecesseurs, & par special du bon Roy François: du temps duquel la France c'est tant enrichie de doctes hommes, qu'elle se peut nommer vne autre Grece.



Que les lettres sont fort necessaires aux Princes, & semblablement aux capitaines qui suivent l'exercice d'art militaire.

## CHAP. X.

**I**E pourrois alleguer plusieurs histoires, outre les vraies & bonnes raisons que les anciens Princes cognoissent, que pour bien gouverner, les lettres sont necessaires; mais pour estre maintenant telles choses notoire, i'en parleray seulement vn peu. Nous lisons que le Roy Philippe voyant Alexandre luy estre né, & sçachant aristote estre en Athenes, il luy enuoya vne lettre fort notable recitee par Plutarque & par Aulugelle, au liure 15. chap. 4. par laquelle il remercioit Dieu, non tant pour auoir eu ce fils pource qu'il estoit né au temps d'Aristote: Par là veritablement on voit en peu de parolles, combien ce Roy estimoit la doctrine & le sçauoir pour son fils; afin qu'il deuint tel capitaine & Roy qu'il fut depuis: aussi tout incontinent qu'il deuint grâdelet il luy donna pour maistre, Aristote, & luy fit de grands presens: & pour l'amour de son fils il reedifia vne ville qu'il auoit destruite & luy fit bastir vne escole d'vne merueilleuse sorte & sculpture, là où le Philosophe Aristote y pouuoit enseigner. Le Roy Antigone de Macedone, sachant combien la doctrine estoit necessaire pour se bien gouverner, & stimulé de la renommée de Zenon singulier Philosophe, & Prince des Stoiciens, il desira fort de l'auoir avec luy, & tascha de le pratiquer par lettres & autres ambassadeurs: desquelles lettres, Diogenes Laercien en recite vne en ceste sorte: Antigone Roy, à Zenon Philosophe salut. Je cognois bien que ie te passe en biens & faueurs de fortune, & en la reputation de telles choses: toutesfois ie cognois aussi que tu as beaucoup par dessus moy, en la vraye felicité, en la science, & discipline ez études & arts liberaux: A ceste cause i'ay desiré que tu fusses avec moy; ce que ie te prie m'accorder, afin que ie puisse iouyr de ta conuersation & compagnie: en quoy faisant, sois certain que tu ne seras seulement maistre de moy, ains enseigneras aussi tous les Macedoniens pource que celui qui instruit le Roy, & le rend vertueux, il enseigne force &



bonté à tous ses subiets. qu'il soit vray, on void communément que tel le Roy, tels les vassaux, & tel le capitaine, tels les soldats. Ces lettres receues par ce venerable philosophe, il ne luy fut possible, à cause de sa grande vieillesse, condescendre aux prieres de ce Roy, mais bien luy enuoya deux de ses disciples des plus sçauans & doctes qu'il eust: par lesquels il fut fort bien appris & enseigné. La doctrine d'Aristote, sous lequel Alexandre apprit cinq ans continuels, eut telle efficace enuers le disciple, qu'il deuint si excellent Roy, qu'il n'y en a point eu au monde qui ait esté plus grand que luy. Estant au milieu des armées, il ne delaissoit iamais l'estude: ains faisoit tousiours mettre avec son espee au cheuet de son lit, les Iliades d'Homere, & autres liures: & si semble qu'il estima tant les lettres & la philosophie, qu'il les apprenoit aussi bien, comme il conqueroit les Royaumes. Et dient Plutarque, Aulugelle & Temistocles: qu'estant Alexandre en la conqueste d'Asie, il fut aduerti qu'Aristote auoit publié certains liures de philosophie naturelle, desquels il auoit esté auditeur sous Aristote: au moyen dequoy il luy escriuit vne lettre, disant ces mots: Veritablement, Aristote tu as mal fait d'auoir publié ces liures de philosophie speculative par toy composez: car à ton aduis en quoy pourray ie passer les autres hommes, si ceste science que tu m'as apprise, vient à estre commune à tous: sçaches que ie voudrois plustost precéder tous hommes en science & doctrine, qu'en richesses & dominations. Quoy entendu par Aristote, il salut que pour le consoler, luy mandast que ses liures mis en lumiere, estoient si obscurs, qu'il n'estoit possible les entendre sinon par l'interpretation de luy-mesme. Purhus excellent capitaine & Roy des Epirotes qui eut grandes guerres contre les Romains, & quelquesfois les veinquit, s'exerçoit, non seulement en la lecture des sciences, mais composoit des liures, entre lesquels estoient les preceptes de la guerre. Que dirons nous de Iules Cesar premier Empereur, & sans comparaison le meilleur capitaine de tous ceux qui ont mené guerre: nous pouuons dire à la verité, qu'il estoit aussi enclin aux lettres comme aux armes, car il se fit



se fit lettré auparauant que soldat : & depuis toutes les fois qu'il auoit loisir, il s'en alloit aux Academies des Poëtes, & en cheminant il lisoit & escriuoit. Vne fois estant en Alexandrie d'Egypte pour se sauuer d'un grand peril, il se mit à nager en l'eau portant en l'une de ses mains les liures qu'il auoit escripts : monstrant par là qu'il les tenoit aussi chers que sa propre vie, puis qu'il mettoit aussi grande diligence : à sauuer l'un que l'autre : & pour sçauoir quelle estoit sa doctrine, ses Commentaires qu'il à laissé par escrit le demonstrent. Non seulement Cesar, mais tous les autres Romains portent testimony de ce que nous disons, lesquels à mon opinion sont tenus & reputez bons Capitaines & Gouverneurs : en la premiere chose qu'ils faisoient à leurs enfans, c'estoit de les endoctriner, leur donnant de bons Precepteurs qu'ils faisoient venir de Grece. Chacun sçait combien les deux Catons furent excellens en lettres & en guerre. Le grand Censorin fut extremement adonné aux lettres. il à laissé des liures qui en font foy : il fut grand orateur, historien, & plein de beaucoup de doctrine : sur la fin de son aage, il apprint la langue Grecque. L'autre Caton Uticensis, encores qu'il n'eust l'esprit bien adroit pour apprendre les sciences, chercha neantmoins d'excellens precepteurs : entre lesquels estoit le Philosophe Antipater, & s'adonna tellement à l'estude, que Ciceron dit en son liure des Fins, qu'il ne faisoit autre chose que lire : que mesme dans le Senat il auoit tousiours quelque liure sur luy, pour lire quand il pouuoit. Scipion Africain victorieux d'Annibal aimoit souverainement les lettres, & si auoit tousiours le Poëte Ennius avec luy : apres toutes ses victoires il se remettoit de nouveau aux lettres, & à la lecture. Annibal son competeur, bien qu'il fust d'Afrique, auoit des liures en ses tentes & pavillons, ny pour le temps de guerre ne delaissoit les lettres : ains en quelque lieu, & pour quelque temps que ce fust, il auoit tousiours Silan & Sallus Lacedemoniens : si estoit fort bien instruit en la langue Grecque. Nous auons leu par cy devant que Denis tyran de Sicile, eut Platon pour maistre, & qu'en sa compagnie estoient tousiours de doctes hommes de



puis estant chassé de son Royaume, quelqu'un en se moquant luy demanda, que luy seruoit la Philosophie qu'il auoit apprinse de Platon: auquel il respondit, elle me sert à supporter en patience la presente aduersité. Themistocles capitaine excellent ne monstroir moins de diligence aux lettres qu'aux armes: son maistre fut Anaxagoras Milesien Epaminondas, & les autres Capitaines de Grece, furent tous studieux, & grands orateurs. Mitridates en la guerre qu'il eust contre les Romains, par l'espace de quarante ans, pour la futeur des armes ne desista d'estudier & menoit quant & luy des precepteurs & Philosophes. Octauius Auguste auoit des heures certaines au iour pour son estude: & ne laissoit iamais l'estude en temps de guerre, ayant pour ceste occasion des maistres excellens, comme Apollodore de Pergame, le Philosophe Asperance, A sinius Pollio, Valere, Messale, Virgile, Ouide, & maints autres. Il y auoit auparauant cest Empereur vn excellent Capitaine nommé Lucius Lucullus, qui pendant la guerre s'adonnoit à l'estude: les guerres cessées il mettoit grande diligence à entretenir & caresser les hommes lettrez. Paul Emile victorieux du Roy Persee, outre ce qu'il estoit fort docte, mit peine de faire que ces enfans le fussent aussi, tellement qu'à son instante requeste, les Atheniens luy donnerent Metrodore pour les endoctriner. Pourquoy pren ie peine d'en nommer tant l'un apres l'autre? Pompee, Quinte, Fabien le grand, Marc Brute, Traian, Adrian, Marc Antoine, furent tous doctes & composerent liures & oraisons & lettres de grande doctrine. Somme, si ie ne faux grandement, il me semble qu'il se trouue peu de Capitaines anciens, qui ayent esté excellens sans lettres. Il y en a deux desquels on ne trouue point par escrit qu'ils fussent lettrez l'un nommé Caius Marius, l'autre Marc Marcel: toutesfois on lit, que Marcel aima & fauor la fort les hommes de sçauoir, tellement qu'il est à croire qu'il fut aussi lettré, encore qu'on n'en euesque rien: & le demonstra par la deffence qu'il fit (comme nous auons dit, en la prinle de Siracuse qu'Archimedes ne fust tué: toutesfois nonobstant les deffences il le fit, non sans estre bien regretté dudit Marcel. Or donc que les Capitaines de maintenant dient tant qu'ils voudront,



dront, que les lettres ne leur sont necessaires (ie dyde ceux qui le maintiennent) eherchans avec leur opinion, voire obstination couvrir leur louldise & ignorance. Nous voyons bien que les anciens estimoient autant les lettres & les liures, comme la vaillance & la force d'une infinité de Capitaines, qui furent affectionnez aux lettres, comme est faicte mention en vn liure de la guerre faict par Robert Valturin.

*D'aucunes proprieté de la Vipere, & comme seurement l'on peut manger sa chair.*

CHAP. XI.

LA Vipere est vne espee de serpent assez cognüe de plusieurs : & combien qu'elle soit petite, est neantmoins fort venimeuse, car d'une petite pointure elle tue l'homme. Mais comme le Seigneur Dieu n'a rien faict sans profit, aussi ceste beste avec tout son venin, sert aux hommes pour quelques medecines & maladies, & principalement pour la douleur de la gorge, c'est chose fort bonne par secrette propriété porter de la teste de la vipere, en sorte que viue elle tue & morte elle guarit. Le Theriaque est propre contre le venin : & faut qu'en faisant la confiture, il y ait de ceste beste, à fin qu'elle soit plus parfaite, & de plus grand efficace : & est ainsi nommé Theriaque, pource que Thirion en Grec signifie Vipere, où beste venimeuse : vray est que quelques vns donnent vne autre etymologie & raison à ce nom. Mais auant que nous disions les profits qui viennent de la Vipere, il est bon reciter ce qu'en dient Pline, Isidore, & Alian. Ils dient que quand ceste beste conçoit, le male met sa teste en la bouchée de la femelle, dont elle reçoit telle delectation, qu'avec ses dens aiguës elle estreint & tronche la teste du male : parquoy elle demeure veufue & emprainte, & que ce qu'elle conçoit sont des œufs, qui se forment dans son corps comme aux poissons : desquels œufs sortent Viperes à son temps convenable de faire les petits ; & en vuidant chacun tour vn, iusques à vingt : & pource qu'ils sont beaucoup, ceux qui demeurent dedans ne pouuans plus attendre la sortie, creuent le ventre de leur mere, tellement que par la mort ils naissent & vivent : s'il est ainsi

pli. liu. 2.

chap. 62.

Isi. liu. 11.

des etimo-

logies

Actiā liu.

des ani-

maux.



*Aristote  
liv. 5. des  
bestes.*

*Dioscor. li.  
2. ch. 2.*

la chose est bien esmerueillable, car il semble que les enfans vengent la mort de leur pere. Avec ceste opinion de Pline, s'accordent plusieurs autres, comme Plutarque au traitté qu'il a fait contre les gaudisseurs. Toutesfois il y en a beaucoup qui contrarient à cela, & nient que la Vipere meure en son faonnement : à laquelle opinion ie me arreste : pourcé que l'autre ne me semble naturelle ; & que ie n'en ay point veu l'experience, & si ny a personne qui die l'auoir veuë : aussi Philostrate y contrarie en la vie de Apollonius Tianceen, introduisant Apollon, qui recite auoir veu vne Vipere, qui après auoir acheué de faonner leschoit les petits, & estoit saine. On en peut autant recueillir des paroles d'Aristote, qui dit ainsi la Vipere seule entre les serps fait ses petits, pource que premierement se forment en son corps des œufs, comme ceux des poissons : puis les ayant formes, ils demeurent trois iours enuelopez en vne tendre pellicule, qui rompt au bout du temps, & restent les petits en liberté. (à cause dequoy Apulee en son Apologie les appelle. Oviperes, & non Viperes, c'est à dire, enfantans des œufs) & bien souuent aduient que ceste toile se rompant au ventre de la mere, sortent chacun iour vn, iusques au nombre de plus de vingt : voila les mots d'Aristote. En vn autre lieu liure troisieme des bestes, il dit en parlant du faonnement des serpens : la Vipere auparavant qu'elle face ses petits, forme les œufs au dedans. Et ie pense que de là procede, ceste opinion de dire que les petits rompent le ventre de la Vipere : car il a semblé à ceux qui le soustiennent, que quand Aristote parloit de ce premier fondement, il vouloit dire qu'ils rompyent & creuoient le ventre de leur mere. Or en laissant ce propos, ie dy que la Vipere pour mauuaise qu'elle soit, donne secours à l'homme. Dioscoride dit, que la chair de Vipere cuite, se peut manger seulement, & qu'elle est fort medicinale pour les nerfs & pour la vuë : & que pour la mager il faut luy offer la teste, la queuë puis escorchée & bien appareillée, la faire cuire en vin & en huile avec force anis. Il dit aussi que de ceste chair ce fait vne maniere de sallé ou saupoudré, qui donne grand appetit : & s'appareille de ceste sorte : il faut prendre vn pot de terre tout neuf & mettre dedans la

Vipere



Vipere, acoustree ainsi que ie l'ay dit, puis y mettre du sel & des figues pilees avec quantite competente de miel: & le pot estant bien couuert, la mettre cuire, & rostir par l'og temps en vn four, & apres la piler & reduire en pou-dre &, quiconque en vouldra par apres vsier avec les au-tres viandes, la trouuera fort profitable & sauoreuse. Paul Eginete dit aussi, que la chair de Vipere est fort sin-guliere contre la lepre & ladrerie: & pour ceste cause il estime fort ce saupoudré dont ie viens de parler: & dit Plin. li. 9. chap. 2. Pline que certaine nation des Indes mangent la chair de Vipere. Dioscoride dit aussi que quelques vns qui sou-loient manger de ceste chair, vesquirent long temps, & fort sains. Contre la morsure de c'est animal, il y a beau-coup de remedes, mais Theophraste en met vn, disant, qu'à celuy qui en est mors, le son & chant melodieux aide beaucoup: pource que la musique est fort medecina-le, comme nous dirons. Galen dit que ceste beste ne man-ge point tout le long de l'Hiver: quelle se tient comme morte cachee en terre: & qui la trouueroit lors & la rou-cherait & manieroit, elle ne mordroit point, & que venant l'Esté, elle reprend ses forces. Autant en raconte Plin des Lesars, Couleuvres, & toutes autres sortes de reptiles. Plin. li. 8. Aristote dit qu'elles se tiennent ainsi trois ou quatre mois cachees sans manger. Ari. li. 3. Elian dit que les Viperes qui croi-sent en la prouince d'Arabie, encore qu'elles mordēt, leur morsure n'est venimeuse, pource qu'elles mangent du baume, & se couchent dessous son ombre. Et dit Aristote qu'elles sont fort desireuses de boire vin, & que plusieurs gens les prennent en mettant des vaisseaux de vin au lieu où elles sont, d'autant quelles s'enyurent, puis on les prend en dormant. Il y a encore assez d'autres choses à dire de la qualite & proprieté de la Vipere, que ie laisse pour estre bref.

De l'admirable proprieté d'une persie beste, la morsure de la-  
quelle se guarit par le son de la Musique, & aussi de quelques  
autres infirmités, qui se guarissent par ceste mesme medecine.

CHAP. XIIII.

CE qu'au chapitre precedent nous auons dit par l'au-  
thorité de Theophraste, que la morsure de la Vipe-  
re se



L. Cel. Rho  
digin l. 6.  
chap. 16.

re se peut guarir avec musique, rendra plus croyable ce que nous dirons maintenant. Alexandre d'Alexandrie en son liure des iours geniaux, & Pierre Gilie autheur moderne afferment & dient qu'en la Pouylle, contree d'Italie, y a vne espece d'Araignes, que ceux du pays nomment Tarantule: (L. Cel. Rhodigin la nomme Phalange) qui sont au commencement de l'Esté si venimeuses, que quiconque en est mordu, s'il n'est bien soudainement secouru, il perd les sentimens & meurt & si quelqu'un s'escape de la mort, il demeure infensé & totalement hors de soy auquel mal l'experience a trouué vn remede, qui est la musique. Ce que les autheurs dient est comme de temoins de l'auoir veu disans que si tost que quelqu'un en est mordu on fait venir le plustost qu'on peut deuant iuy des gens qui iouent de violes, de fleutes & autres instrumens, dont ils sonnent & chantent diuerses chansons: la quelle musique entendue par le nauré, il commence à baller en faisant diuerses muances, & cadances, comme si tout le temps de sa vie il auoit esté accoustumé au bal: en laquelle furie & force de baller, il continue, iusques à ce que ce venin se dissipe. Et dit cest Alexandre auoir veu qu'un pauré de ceste beste, ballant ainsi, les ioueurs se trouuans las, cesserent, & le pauvre balleur cheut en terre comme mort, ayant perdu ses forces: mais si tost qu'ils recommencerent à sonner, il vid le pauvre malade se releuer de nouueau, & recommencer & baller avec telle force qu' auparauant, iusques à ce que la playe fust entièrement guerie. Encore dit-il plus, qu'il est aduenü que quelqu'un qui n'auoit pas esté bien guarü avec ceste musique, aucun temps apres oyant sonner instrumens, commençoit à demener les pieds, & estoit force qu'il allast iusques à plaine guaisonce qui est veritablement esmerueillable en nature. Asclepiades eserit, que le chanter, & sonner doucement en musique, aide beaucoup aux frenetiques. Nous lisons aussi qu'Ismenias le Tebain, a guarü plusieurs maladies & douleurs en sonnant doucement des flutes. Theophraste & Aulugelle dient que la musique appaise la douleur de la Sciartique & de la goutte. Encore trouuons nous en l'escriture sainte, que David avec la musique, ostoit à Saul la passion que le mauuais esprit



esprit luy donnoit, tant est grande ceste propriété qui procede à cause de la grande amitié que la nature de l'homme porte à la musique. Et si on vient à bien considérer, on ne trouue point estrange, que plusieurs infirmités soyent gueries par ce moyen de musique, veu que nous voyons qu'il y a des bestes qui tuent en riant; autres en plorant, & autres en dormant, comme Plutarque escrit de Cleopatre.

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

*D'une medecine estrange, avec laquelle Faustine fut guerrie de l'infirmité d'amour deshonnestes, & de plusieurs autres remedes contre ceste passion.*

CHAP. XII.

**Q**ue l'affection & prison de la volôté qu'on nomme ordinairement amour, soit vne forte passion & de grand effect en l'ame, qu'on en demande iugement aux hommes qui par experience l'ont cogneu, & desquels les exemples sont tous notoires: mesmement es fort excellens personnages qui se sont laissé transporter de la volôté iusques là, que quelques vns en sont morts. Iules Capitolin, entr'autres exêples, recite ce qui aduint à Faustine fille d'Antonin, & femme de l'Empereur Marc Aurelle: laquelle s'en-amoura d'un Gladiateur, en sorte que pour le desir qu'elle auoit de se trouuer avec luy, elle en fut en danger de mort, tant elle se consommoit: quoy entendu par Marc Aurele, incontinent il assembla grand nombre d'astrologues & medecins, pour trouuer la dessus conseil & remede: finalement il fut conclu qu'on feroit mourir le Gladiateur, & que de son sang on en baileroit secrettement à boire à Faustine, & qu'apres qu'elle l'auroit beu, l'Empereur son mary se couchast apres d'elle. Ce remede fut merueilleux, car il luy osta ceste affection, en sorte qu'onques puis elle ne se souuint de luy; & dit l'histoire que de ceste copulation que l'Empereur eut alors avec elle, fut engendré Antonin Commode, qui deuint si sanguinaire & cruel qu'il ressembloit plus au Gladiateur, du sang duquel la mere auoit beu lors de sa conception qu'à Marc Aurele, duquel il estoit fils: à cause dequoy ledit Commode estoit ordinairement avec  
les



les Gladiateurs, telmoïn Eutrope en la vie dudit Com-  
mode. Les medecins Grecs, & les Arabes mettent ceste  
maladie d'amour entre les grieſues infirmitèz du corps  
humain, & ſur cela donnent pluſieurs remedes. Cadmus  
Miſeſien, comme recite Suidas en ces collectes, en eſcrit  
vn liure; traittant des remedes particuliers: pour chaffer  
dehors ceſt amour. Ouide auſſi en dit aſſez en ſon liure.  
Donques entre les autres remedes que les medecins  
donnent ſur ceste maladie, c'eſt qu'à vn paſſionné d'a-  
mour, on luy mette en main de grans affaires, importants  
choſes, ſe retire de l'imagination qui luy donne peine: ſi  
dient encore, qu'il luy faut laiſſer faire careſſes & con-  
uerſations avec d'autres femmes. Pline dit que contre  
ceſt ardeur il eſt fort bon prendre de la poudre ſur la-  
quelle vne mule ſe fera veautre, en ietter ſur l'amou-  
reux, & l'empoudrer, ou bien de la ſueur d'une mule  
eſchauffee, comme affirme Cardan en ſon liure de la  
ſubtilité. Les medecins enſeignent auſſi, à quoy on peut  
cognoiſtre, quel perſonnage eſt aimé de l'amoureux, &  
eſt là meſme reigle par laquelle Eraſiſtrate medecin du  
Roy Seleuque, cogneut l'amour qu'Antiochus portoit à  
la Roine Stratonique, ſa maratre: car luy eſtant malade  
à l'extremité, & mieùx aimant mourir que deſcourir  
la cauſe de ſa maladie, procédant de l'amour qu'il por-  
toit à la femme de ſon pere, elle entra dedans ſa cham-  
bre lors que le medecin tenoit le poux de ſon patient,  
qui s'eſmeut ſi fort voyât entrer la Roine, qu'Eraſiſtrate  
cogneut qu'il eſtoit amoureux d'elle, & q̄ c'eſtoit la cau-  
ſe de ſon mal: parquoy il trouua façõ de le faire entédrè  
au Roy par ſi bon moyen qu'il ſeroit long à reciter, &  
auſſi que l'hiſtoire en eſt aſſez commune, ce qu'expéri-  
menté par le meſme pere, & le voyant en danger, s'il n'y  
pouruoyoit, trouua bon (bien que ce fut contre l'inté-  
tion du fils, qui choiſiſſoit pluſtoſt la mort, que de guer-  
rir avec la perte de ſon pere) de ſe priuer ſoy meſme de la  
Roine, pour la donner à ſon fils malade, auſſi à la verité,  
l'aage, la beauté de la dame, & pareillement le mariage,  
eſtoient trop plus conformes avec le fils, qu'avec le  
pere, & cela fut cauſe qu'Antiochus veſcut ſain, & gail-  
lard



lard par longues annees, avec sa bien aimée Stratonique l'histoire en est fort belle, & recitée par Plutarque en la vie de Demettrie. Voila pourquoy les Medecins dient qu'il faut taster le poux de l'amoureux, & luy nommer plusieurs noms, entre lesquels sera le nom de celle qu'il aime, car lors qu'il l'entendra nommer, le poux luy battra dru & fort, par ce moyen on cognoistra celle qu'il aime. Par assez d'autres signes on peut cognoistre quand quelqu'un est amoureux, & de qui : lesquels signes les laisse à dire pour estre assez cogneus à tous.

0000000000000000000000000000000000000000000000000

De l'estrange & furieuse amour d'un ieune Ashenien, & du  
ridicule amour du Roy Xerxes, & comme les bestes ont  
maintesfois aimé les hommes & les femmes.

СНАР. XIII.

**D**E voir l'homme affectionné à la femme, & la femme à l'homme est chose naturelle & digne d'estre creüe, mais l'auenglissement en est venu à tel but, que ce que ie me delibere de dire, semble impossible & incroyable. Les Historiographes escriuât pour chose vraye qu'en la ville d'Athenes il y auoit vn ieune homme yllu d'honneste maison, riche competemment, & qui estoit fort cogneu: lequel ayant curieusēēt regardē vne statuē de marbre fort excellemment elaboree, qui estoit en vn lieu public d'Athenes, il s'en amoura tellement, qu'il ne pouuoit s'esloigner du lieu où elle estoit assise, ains l'embrassoit moult doucement, & tout le temps qu'il n'estoit auprès d'elle, il se trouuoit mal content & esplorē. Si vint ceste passion à telle extrēmitē qu'il recourut au Senat d'Athenes, où faisant offre de grands deniers, il supplia qu'on luy fist grace de la pouuoir emporter chez luy: il ne sembla point au Senat, que de son authoritē il peust permettre cela, ny vendre vne statuē publique: tellement que celle requeste luy fut refusee: dont il regreut en son cœur vne merueilleuse tristesse, & s'en alla vers la statuē qu'il enrichit d'vne couronne d'or, luy donnant vestemens & ioyaux de grandes richesses, puis l'adoroit, & contemploit, & avec ceste folie perseuera



par plusieurs iours, iusques à ce que luy estant telles choses defendues par le Senat, il se tua soy-mesme de courroux. Ceste chose fut vrayement merueilleuse: mais s'il est vray ce qui se trouue par escrit du Roy Xerxes, & affirmé par tant d'auteurs à la verité, il excède en folie tous les hommes du monde. On dit qu'il s'enamoura d'un Platan, arbre bien cogneu, & qu'il l'aimoit & caressoit, tout ainsi que si c'eust esté vne belle femme. Puis donc que ces choses sont aduenues entre les hommes raisonnables, nous croirons ce qui est escrit des bestes brutes, qui ont aimé quelques hommes & femmes, mesmement quand on le trouue certifié par les grands & fameux historiens: comme nous trouuons de Glaucque tant aimé d'un mouton, que iamaïs il ne le laissoit: chacun tient que les Dauphins s'enamourent des hommes. Elian recite au liure des bestes un cas digne d'estre leu: il dit qu'un Dauphin voyant sur un riuage de la mer, où se iouoyent les enfans, un entr'autres, qui luy sembloit fort beau, il s'enamoura tellement, que toutes les fois que ce Dauphin le voyoit, il s'approchoit du bord de l'eau, & se monstroir: du commencement l'enfant estonné, s'enfuyoit de luy, mais depuis par la perseuerance que le Dauphin fit ce iour & autres ensuiuans, à monstrer signe d'amour à cest enfant, il s'assura, & sur les caresses du poisson, il s'enhardit d'aller noüant par l'eau vers luy, & iusques à monter sur son eschine, & le Dauphin le portoit par grande espace de temps au fond de l'eau, & iusques à ce que l'enfant luy faisoit signe de retourner: en ce soulas & passeremps, ils consummerent plusieurs iours: pendant lesquels le Dauphin se venoit tousiours présenter à la rive: mais vne fois l'enfant allant nud sur la mer, & n'estant pas bien aduisé, en se voulant bien tenir, il se mit dans le ventre vne de ces espines aiguës que les Dauphins ont à leurs aïsses, dont la playe fut telle, qu'incontinent l'enfant mourut en l'eau: de quoy s'apperceuuant le Dauphin, voyant le sang, & l'enfant mort sur son eschine, il retourna tout soudain vers la terre: & comme s'il eust voulu le corriger de la faute, en pageant par grand fureur, il sortoit hors de l'eau portant au mieux qu'il pouuoit l'enfant mort, qu'il aimoit tant



rant, & luy pareillement demeura mort. Ceste mesme ad-  
uanture est aussi recitee par Pline, qui raconte d'autres  
exemples de Dauphins, qui ont encore porté amour &  
amitié aux hommes : & signamment il dit, que du temps  
de l'Empereur Octavius, vn autre Dauphin tout en la  
mesme sorte, print amitié à vn enfant sur le bord de la  
mer, qui est pres de Pussol : & que toutes les fois que cest  
enfant appelloit Simon (on dit que ces poissons accou-  
rent à ce nom) il venoit incontinent à la rive, & l'enfant  
montoit dessus son dos, puis estoit porté par la mer, tant  
& si peu qu'il vouloit & raporté à terre seurement. Il dit  
aussi qu'estant cest enfant mort par maladie, & venant ce  
Dauphin par plusieurs iours au lieu accoustumé, n'y  
trouuant l'enfant mourut de douleur. Pline le second,  
nepueu du grand Pline, recite aussi merueilles d'un Dau-  
phin, au liure neuuiesme de ses Epistres, en vne Epistre  
qui commence : *Incidit in materiam veram.*

\*\*\*\*\*

*D'un qui en receuant vne playe de son ennemy, fut sauué  
d'un mal qu'il auoit, avec semblables exemples.*

CHAP. XV.

**O**N ne tiendra point incroyable ce que nous auons  
dit par cy deuant, que par le moyen de la musique  
on guerit de quelques maux, veu que nous trouuons que  
par autres modes estranges il se fait des guerisons. Pla-  
tarque en vn traicté notable qu'il a fait, pour monstres  
comme les hommes peuent tirer profit de leurs ennemis,  
racõte d'un qui auoit vn ennemy nommé Prometeus, qui  
le haïssoit en sorte qu'il cherchoit le moyen de le tuer. Si  
aduint vn iour qu'il le trouua, & luy fit beaucoup de  
playes, & entre les autres le frappa en vne cicatrice qu'il  
auoit fort grande, & de laquelle il n'auoit iamais peu re-  
cevoir guerison, & toutesfois ceste playe fut cause qu'il  
en receut santé : ainsi donc celuy qui le pensoit tuer & luy  
dõner la mort, luy dõna la vie, à tout le moins santé. Va-  
lere recitât le mesme fait entre ses merueilles, dit q l'ho-  
me qui fut guery de sa playe, par la playe, estoit nommé la-  
son Pherece Pline escrit d'un autre qui se nõmoit Falerce,  
qui auoit vne maladie incurable d'un flux de sang conti-  
nuel par la bouche, à cause d'une veine röpue, & se trou-



uant desespéré de guerison, se mit en vne bataille, & s'y presenta sans armes, afin que les ennemis le tuassent pour sortir de ceste douleur: or aduint, qu'il fut nauré en la poitrine, & de la playe sortit grãde abondance de sang, cessant le flux de la bouche: depuis les Medecins en guerissant la playe, consolidèrent la veine rompue, & demeura sain & guery de toutes les deux playes. Il escrit encore que *Quintus Fabius*, qui auoit eu la fièvre quatre par longues années: vn iour en donnant la bataille aux *Allobroges*, maintenant nommez *Sauoisiens*, la grande ardeur qu'il auoit de combatre, chassa la fièvre dehors, & onc puis ne l'eut. *Moy*, mesme se tesmoigne auoir veu & cogneu vn homme qui d'une playe qu'il auoit eu à la cuisse, estoit demeuré boiteux, sans qu'on y peust trouuer remede: depuis se trouuant en vne autre querelle il reçut vn coup au mesme lieu où il auoit esté blecé, & se faisant medeciner, les nerfs qui auoyent premierement esté coupez, se commencerent à estendre & restaurer en telle sorte, qu'estant guery de la seconde playe, sa iambe luy demeura droite. Ainsi en aduint-il à vn des fils d'*Hercules* nommé *Telefe Roy de Misie*, qui fut blecé en son pays par *Achilles*: & huit ans apres il en fut guery par le mesme *Achilles*, qui au mesme endroit le bleça deuant *Troye* lors assiegée.

Qui fut le premier qui planta la vigne, & qui commença à mettre de l'eau dans le vin, & à qui, & comme les Romains le desfondirent avec maintes autres choses notables.

#### CHAP. XVI.

**D**E tous les fruiets que la terre produit (i'entens de ceux desquels on fait liqueur) il n'y en a point à mo' aduis de plus profitable que le bon vin, pourueu qu'il soit temperément beu: pour ceste cause disoit *Anacarsis*, que la vigne produisoit trois grapes: la premiere de plaisir: la seconde d'yrongnerie, & la tierce de pleurs, & de tristesse: tellement que celuy qui passe le premier coup, c'est à dire peu & temperé, il prend honte & dommage. Les auteurs prophanes, n'õ sçachãs l'histoire de la sainte Escriture, donnent diuers inuenteurs du vin: *Diodore Sicilien* en son quatriesme liure, attribue l'inuention du vin



vin & de planter la vigne à Denis fils de Iupiter, nommé Bacchus, & pere Liber, qui fut ainsi nommé pour la liberré du vin : & pour ceste inuention luy firent à Rome vn temple au dessous du Capitole, où se celebroyét les festes appellees les Dionisiaques ou Bacchanales fort deshonnestes & de grande lubricité. Que ceste inuention fust de ce Denis, Virgile l'assure à l'entree de son 2. liure des Georgiques, encore que Marcian Capelle dit, que Denis enseigna seulement aux Grecs la maniere de faire le vin: autres dient que ce fut Icare pere d'Brigone, qui donna l'industrie de faire vin aux Atheniens, & que s'estant depuis enuyré, le peuple le tua. Ils dient qu'en Italie Saturne fut le premier sommelier, y portant les marcotes de l'isle de Candie. Plutarque escrit qu'Arrus Etrusque porta les vignes en France: Mais la vraye histoire, c'est que le premier inuenteur du vin fut Noé, & le premier qui s'en enyura: de quoy sôt auteurs ( outre ce qui se trouue par escrit au 9. ch. de Genese. ) Lactance Firmian, & Iosephe: lequel Noé, à la sortie de l'Arche, planta la vigne de sa main propre, & beut du ius du raisin, dont il s'enyura: & en dormant se descouruit, dont il luy aduint par ses enfans ce qui est escrit en Genese. Depuis les hommes cognoissans la saueur du vin, le beuoyent au commencement tout pur & sans eau: car selon que dit Pline, vn nommé Stasie, fut le premier qui mit de l'eau dedans le vin pour le temperer: par le moyen duquel aduis il est aduenü grand bien & santé au monde, pource que le vin ainsi temperé à des effects tres excellens: aussi Platon referé par Macrobe liure second, dit que le vin modere-ment pris, fortifie l'entendement de l'homme, augmente la force & vigueur, rend le cœur delibéré, & oste les ennuis, & penlemens fascheux. Pline dit que l'usage du vin temperé, multiplie les forces, le sang & couleur de la face, les nerfs sont fortifiez par le vin la veüe en est fortifiée, l'estomach en prend vigueur, l'appetit s'en resueille, il prouoque l'vrine, il atteint le sommeil, il empesche le vomissement, il chasse la melancholie, il rend le cœur gay, & si sert à maintes autres bonnes choses. Le medecin Asclepiade a fait vn liure à part de la vertu du vin. S. Paul escriuant à Timothee, luy conseille de boire vn

*Lactance  
liure 2. des  
institutions  
diuines.  
Iosephe li-  
ure 1. des  
Antiq.  
Plin. li. 7.  
chap. 56.*

*Plin. li. 23.  
chap. 1.*



peu de vin temperé pour luy fortifier l'estomac. Les medecins s'aident du vin en beaucoup de medecines, pource que le vin restaure toutes les humeurs, renforce le sang qui defaut, resiouyt le melancolique, dissipe & desseche le flegme, humecte, & aide à purger la colere. Platon introduisant Socrates, loue le vin disant, ainsi que la pluye modérée fait croistre les herbes, & que les tempestes & inondations d'eaux les arrachent & destruisent, aussi le vin resiouyt l'esprit & fortifie la vertu. & au contraire le trop & intemperé, destruit tout. Il n'est pas, iusques à l'odeur du vin qu'il ne soit fort louée entre les autres odeurs par les Philosophes naturels, pource qu'elle est confortatiue, donne grande vigueur aux esprits, & est fort viue & penetrante: mais quoy qu'il en soit, la vertu du vin est tousiours entendue quand il est temperé. Les anciens Romains osterent entierement l'vsage du vin aux femmes & aux enfans, comme dit Valere parlant des coustumes & loix Romaines: tellement que Plin ne dit qu'au temps que Romule regnoit à Rome, vn mari tua sa femme pource qu'elle auoit beu du vin, & d'autant que ce meurtre estoit enuiuy à ceste occasion, Romule luy pardonna: ils estimoyent cela si vicieux de voir boire du vin aux femmes, que Fabius Pictor escrit que pource qu'une femme Romaine auoit desrobé la clef d'un cellier pour boire du vin qu'y estoit, ses parens la firent mourir de faim: pour ceste cause: les hommes auoyent accoustumé de baisser leurs parentes en la bouche pour sentir si elles auoyent beu du vin. Il est escrit que N. Domicius, estant iuge de Rome, pria vne femme de son douaire, pource qu'elle auoit beu dauantage de vin qu'il ne luy en auoit ordonné pour sa santé. Nous trouuons que Salomon en ses Prouerbes, deffend le vin aux Roys, & leur conseille de n'en boire, pource, dit-il, que le secret ne se peut tenir avec yrongnerie, & aussi afin que par le troublement qu'on reçoit du vin, la cause des pauures ne tombe en mauuais iugement. Nous lisons aussi, qu'il fut permis aux Roys d'Egypte de boire vin moderé & par certaine mesure. Vne fois Romule Roy de Rome estant conuie, ne voulut boire vin qu'un bien peu, disant, que le lendemain il auoit à terminer

Valere li-  
ure 2.

Plin liure

14.



terminer vn affaire d'importance. Auicenne dit qu'en dormant du vin à boire aux enfans, c'est mettre feu avec du feu. Aristote defend le vin aux enfans & pareillement aux nourrices qui les allaitent. Platon par les loix qu'il a faites au liure de la Republique, encoré qu'il semble qu'au premier il permette le vin, si est-ce qu'au second il dit que l'homme en doit boire peu & bien temperé: & que ce soit depuis 18. ans seulement, iusqu'à 40. en la presence des vieillards, afin qu'il soit repris s'il excède. Depuis les 40. en auant, il permet qu'on luy en baille vn peu plus s'il en demande, pour rendre la froideur & met la colie de cest aage plus temperée: toutesfois il veut que ce soit par mesure: il veut plus que les serfs ne boyuent vin, ny aussi les Iuges & magistrats, ny ceux qui ont charges publiques: & aux ieunes qui estudiant, il donne conseil de n'en boire qu'à son opinion touchant les esclaves, elle estoit obseruee dans Rome. Auicenne met les loix de Platon pour reigle de medecine, auquel Galen se conforme. Alexandre Afrodisee, dit en ses Problemes que celui qui ne boit que de l'eau, a la veüe & les autres sens plus vifs que celui qui boit du vin. Or en la maniere & façon de tremper le vin, y à diuerses reigles & diuerses opinions. Hesiodé poëte Grec, dit qu'en vn quart de vin, il en faut trois d'eau: Athenee dit que les anciens Grecs mettoyent en deux parts de vin les cinq parts d'eau, & bien souvent trois parts d'eau sur vne de vin, qui est la reigle d'Hesiodé. Et si est à noter que les Grecs ne mettoyent l'eau en leur vin, ains mettoyent leur vin en l'eau: & Theophraste assure que par ce moyen l'vn & l'autre se mesloit mieux. Encore ces hommes anciens non seulement moderoyent ainsi le vin, mais tout trempé qu'il estoit, ils en beuoyent peu. Eubole poëte Grec le tesmoigne, introduisant Bacchus qui dit aux sages. Je ne donneray point le vin plus de trois fois: la premiere, pour la santé: la seconde, pour la saueur: & la troisieme, pour dormir: le reste est desordre & yronguerie. Apulee Paniasis qui escriit des viandes, donne pareil iugement, attribuant toute la premiere fois qu'on boit aux Graces: la seconde, à Venus & la tierce, à la honte & dommage. Iules Cesar fut fort temperé au vin, ce que certifie Suetone par le tesmoignage



de Carō, ennemy mesme de Cesar. Demosthene excellent orateur en faisoit autant. Et Appollonius Tianeus, dont tant de choses sont escriptes, ne beuvoit point de vin, ny ne mangeoit point de chair. En nostre religiō Ghrestienne la temperance du boire est fort louee. S. Iaques le mineur ne beuvoit iamais vin ny ceruoise, & ne mangeoit point de chair, imitant S. Iean Baptiste. Nous en trouuons au- tant de S. Fulgēce Euesque, & d'Emeri fils de S. Estienne Roy de Pologne. Iosephe, des antiquitez, en louant la saincteté des Essēes, qui tenoyēt l'une des trois sectes des Iuis, dont les deux autres estoient Pharisees & Saducees dit que ces Essēes ne beuoyent point de vin. En vne e- pistre, S. Hierosime reprend les prestres addonnees au vin, di- sant que S. Paul le defend, & qu'en la loy ancienne ceux qui seruoient au temple, ne beuoyent ny vin ny autre breuuage qui peust enyurer. Les bons beueurs diēt que le bon vin doit auoir quatre proprietēz, & satisfaire à quatre sentimens du corps, au goust par saveur, au fleu- rer par la bonne odeur, à la veuē par la couleur nette & claire, & à l'ouye par la bonne renommee de pays, ou il est creu. De ce bō vin, il se fait du vinaigre qui a plusieurs proprietēz, & incommuditēs aussi, desquelles ie me tais, pource que c'est chose trop commune & vulgaire.

*Iosephe li.  
8. des An-  
tiquitez.*

*De plusieurs dommages que fait le vin intemperē, & quels me-  
decins ont dit que c'est chose saine de s'enyurer aucunes fois.*

#### CHAP. XVII.

**E**Ncore que la liqueur du vin soit propre à aucunes maladies, si est ce qu'il en prouient tant de maux & de dommages, quand il n'est temperement pris, que les maux abondent des biens, tellement qu'il semble qu'il eust esté meilleur ne le cognoistre, ains se contenter de l'eau que Dieu nous auoit donnee à boire: veu qu'il ne se peut imaginer chose meilleure, & aussi que tous les autres animaux s'en contentent: considéré mesmement que le vin a esté cause que plusieurs ont perdu le sens, autres la vie, & les autres l'ame mesme, & leur propre salu. Et combien que le dommage que le vin fait aux hommes se



le cognoisse euidement, si est ce que tant s'en fait que les homes le fuyent, que mesmes ils cherchēt les occasiōs & appetis de boire, & en bon François les vns appellent tels appetis, esguillon de vin, les autres le compulsoire à vin: & tels se trouuent qui d'un osselet de iambon, feront droite relique: en sorte qu'il se passera peu d'heures au iour qu'il ne le baissent, avec bonne deuorion d'en boire cinq ou six bons coups d'auantage. Encore Pline dit, qu'il s'en trouue aucuns qui le boient sans soif: & que le vin seul a ceste propriété entre les autres breuuages, qu'il se laisse boire sans qu'on en ait besoin. Mais aussi il traicte ceux qui boient en la sorte qu'ils meritent: car il leur donne incontinent la peine du peché, pource que la vapeur monte au cerueau, & leur oste tout sentiment, en maniere qu'ils demeurent là comme insensz: puis apres qu'il s'est bien ioué d'eux, il fait cōme le chat de la souris, il les tuē, ou pour le moins il leur engendre plusieurs maux & infirmitēz, pires que la mort mesme: cōme sont goutes, trēblemēt de pieds & de mains, fait les yeux bordez d'escarlate, brasse le foye, & illumine le vilage, avec autres belles & hōnestes propriétés, & de fort bōne grace. Caton disoit qu'yronguerie estoit vne folie volontaire. Pline dit qu'elle hebe le memoire, & prouoque des songes espouuentables. Senèque escriuāt à Luculle, dit qu'il rend impotens les bras & les iābes, & fait deuenir les homes luxurieux. S. Denis Areopagite allegue Platon auoir dit, yronguerie estre un galād laiteur & biē adroit, pource que dès le commencement il fait faillir les iambes, en baillant (ce que nous disons en France) le croc en iābe: & si me semble qu'il nous enseigne à le faire, en regardant la contenance de ces soldats qui chacun iour sont yres. S. Paul, Apostre escrit aux Ephesiens, qu'il ayent à fuyr le vin, pource qu'en iceluy est la luxure. Autant en dit Salomon, qu'entre les imperfections du vin, celuy qui en boit excessiuemēt, ne peut fidellement garder un secret. A ceste cause l'ō disoit pour prouerbe anciē, que le vin va sans fouliers, c'est à dire secrettement, doucement, & en cachetes: pource qu'on ne s'en aperçoit point, & qu'il decouure toutes les parties secretes & vicieuses. A ce propos le Poëte Eschile disoit, que le miroir fait cognoistre



les gestes du corps, & le vin est le miroir de l'âme & vō-  
lonté de l'homme. Platon aussi disoit: que principale-  
ment le vin demontre apertement les mœurs & condi-  
tions de chacun. Nous en auons exemple en Noé, & en  
Loth: car le premier estât yurē descourut ses parties hō-  
teuses, dōt il fut mocqué & raille: & cōtre Loth Sodome  
n'eust aucun pouuoir, ce que depuis eut le vin, le faisant  
cōucher avec sa propre fille: voila les œuvres que le vin  
fait faire. Entre les loix que Solon, vn des sept sages de  
Grèce, dōna aux Atheniens, il estoit ordōné que le Prin-  
ce qui s'en yuroit fust tué. Pittaque vn autre des sept sa-  
ges, ordonna que les yutongnes faisant quelque delit ou  
malefice fussent doublement punis vne fois pour le delit  
& l'autre pour l'yutongnerie qui en seroit cause. Aristote  
en ses Problemes, donne la raison pourquoy les adōn-  
nez au vin sont inhabiles à engendrer: & là mesme, d'oū  
vient que des yutongnes, les vns sont plaisans, les autres  
terribles, autres tristes, & les autres ioyeux. Il y a toutes-  
fois quelques Medecins, entre lesquels sont Auicenne &  
Rasis, qui dient, que c'est chose saine de s'en yurer quel-  
quefois: mais les raisons qu'ils donnent ne me contentēt  
aucunement, ie n'approuue point leur opinion. A la veri-  
té, il y a eu de grands personages subiets au vin, mais si  
est ce que s'ils en eussent esté exēpts, leur gloire & leur  
renommee en eust esté plus grande. Alexandre le Grand  
fut taxé de ce vice, en sorte que les historiens dient, qu'e-  
stant en ceste fureur il tua quelques vns de ses amis, &  
qu'après venant à recognōitre sa faute il se vouloit tuer  
loy-mesme, encore est il croyable, qu'à cause de ses ho-  
micides il fut empoisonné. Marc Antoine, qui estoit l'vn  
des trois chefs de l'Empire de Rome, & marié avec la  
sœur d'Octauius l'Empereur, estant adonné au vin, &  
par consequent à l'acēuetez avec Cleopatre Roine d'E-  
gypte, à la fin perdit l'estat & la vie, & fut vaincu par  
Octauius, pour ce qu'il s'estoit laissé veindre au vin.  
L'Empereur Tibere fut defectueux en plusieurs choses:  
mais ce qu'il estoit grand beueur, fut cause de la plus grā-  
de partie des autres: & qu'au lieu de son nō Tiberius fut  
quelquefois appellé Biberis, & fina malheureusement.  
Dēnis le plus ieune, tiran de Sicile, fut tāt adonné au vin,  
qu'il



qu'il luy diminuoir la vuë, tellement qu'il deuint quasi aveugle. Cleomedes Roy des Spartians, voulant imiter & ensuiure les Scites à boire beaucoup de vin, à la fin deuint fol demeurât insensé & sans iugemēt. L'on dit q̄ le Philosophe Archefilas mourut de grāde yurongnetie. Le Poëte Anacreon fut grād beuueur, & en beuuant s'estiā gla d'un pepin de raisin lec qui luy entra dedās la gorge. L'euelque Flaue historiē digne de foy, escrit q̄ l'Empereur Bonose estoit si adōné au vin, qu'Aureliā dit de luy, qu'il n'estoit point né pour viure : mais pour boire, & si auoit en cela vne propriété merueilleuse : car pour grāde quātité de vin qu'il beust il n'estoit iamais yure : ie pense que telle chose procedoit de ce qu'il vuidoit par la verge tout ce qu'il beuuoit : toutesfois il receust en fin ce qu'il meritoit, pour ce qu'estant vaincu de Probus Empereur, il fut pendu & estranglé. L'on dit que le Roy Antiochus, qui fut vaincu par les Romains, beuuoit tant qu'il dormoit la plus grād part du temps : pour ceste cause il donna la plus part du gouuernement de son Empire, à deux de ses plus fauoris : & pour autant qu'il s'estoit adonné aux banquets, & aux amourettes d'une ieune Damoiselle, quand ce vint à combattre avec les Romains, son armee fut rompue & luy vaincu. Artheuee escrit, que Eschile Poëte Grec s'eyuroit, parquoy Sophocles luy disoit : Eschile ce que tu deuines & fais, est cas d'auanture : & non par cognoissance que tu en ayes, ou que tu l'entendes. On a voulu faire telle experience du vin, que Pline dit, que pour planter & faire croistre les plantes, il y faut verser du vin à la racine.

~~XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX~~  
*Aucuns enseignemens pour faire hayr le vin : & pourquoy deux choses semblent trois aux yurongnes.*

CHAP. XVIII.

**Q**uelques vns dient, qu'il y a des receptes, ie ne scay si elles sont certaines, par lesquelles le vin, en quelqu'il sorte & grande quantité qu'il soit beu, n'a point ces fascheux effets recitez par le precedent chapitre. Pline & Solin dient, qu'il ya vne pierre noire ayant des veines vermeilles nommée Dionise qui a propriété, que si elle est mise en l'eau, elle donne parfaite saueur de vin, & que celui qui boira de ceste eau tant qu'il voudra, ne se pour-



ra enyurer. Les Medecins dient que pour ne s'enyurer, il faut auant que boire manger du miel, ou autres choses douces: & à celuy qui est yure, qu'on le face vomir, puis mâger vne soupe trepée en miel, & qu'il sera incontinent guarir, pource que le miel empesche que les vapeurs mōtent au cerueau. Druſus fils de l'Empereur Tibere, auoit vn medecin, la medecine duquel fut merueilleuse, pour le garder d'enyurer, encore qu'il beut plus de vin qu'homme qu'il fust de son temps: car il résistoit contre tous: sans iamais s'enyurer ny perdre le iugement: dequoy chacun estoit esmeruillé. Mais en fin l'on ſceust qu'il estoit couſtumier auparavant qu'ētre en ſes beuveries, de manger de cinq ou ſix amandres ameres, la force & propriété deſquelles empeschoit que le vin luy alienaſt les eſprits: dōt l'experience fut depuis cognue, car en luy oſtant le moyē de mâger de ces amēdres ameres, & le faiſant boire comme auparavant, il s'enyuroit comme les autres. Que les amēdres ayent ceſte propriété, Plinē l'aſſerme, & dit ainſi, que mâger raues auparavant le boire empesche l'yui ongerie. Il dit auſſi que les choux mâgez auant le paſt gardēt d'enyurer & manger après ils deſenyurent, & pareillement le Safrā prins tout de meſme. Pluſieurs autres remedes ſ'y trouuent, que ie laiſſe, & en diray vn ſeulement recitē par Plinē: il dit que prenāt quantité de vin meſlé en des œufs Chucas, puis en faire boire par deux ou trois iours, celuy qui en boira, hayra tellement le vin q'iamais il n'en voudra boire. Il dit encore qu'il faut prendre l'Arondelle, & la bruſter tāt qu'elle ſoit en cendre, puis la piler & meſler avec du mirthe en du vin, & celuy qui en boira ne s'enyurera point: ce remede fut experimentē par Horus Roy des Aſſiriens. Ariltote en la tierce partie de ſes Problemes, & Auicenne au 6 des beſtes, donnent la raiſon pourquoy à vn yurogne quand il regarde vne choſe, il eſt aduis qu'il en void deux: & combien que tous deux donnent pluſieurs raiſons, ſi n'en ameneray ie q'vne de chacū la premiere ſera d'Ariltote. qui dit que par l'exceſſiue chaleur des vapeurs du vin qui mōrēt au cerueau, les petits nerfs, nommez Optiques, qui vont aux yeux, ſe meuēt & agitent de telle ſorte, que la vertu viſiue, & les eſprits viſits ſ'en eſmeuent & alterēt, cauſe que ce que  
les



les yurongnes voyent leur semble se mouuoir bien fort, pourceque l'organe de la veuë se meut ainsi, & fait que le sens cōmun recoit les images des choses multipliees à la vuë: car tel mouuement fait sembler vne chose estre double, pour le moins à cause que ceste emotion est si soudaine & insensibile qu'elle fait apparoir à la veuë deux choses pour vne: comme le pourra experimenter tout homme qui en mettant son doigt sur la paupiere de l'œil & la remuant, il luy semblera que ce soit cela qu'il regarde, qui se remue. Auicenne dōne vne autre raison, disant que les vapeurs du vin qui montent au cerueau de celuy qui est yure, sont humides, & par tant ces petits nerfs & muscles qui tendent aux yeux, s'égrossissent par ceste humidité & plus l'un que l'autre, s'eleuant l'un plus haut, l'autre plus bas: de là vient que les rais visibles, ne partent pas egalemēt droit de tous les deux yeux, ny par vne droite ligne, qui est cause que les images des choses visibles vont à chacun œil à part soy: par ainsi la chose simple semble double, receuant le sens commun deux images pour vne seule: & pour le soustenement de son opinion il donne le mesme exemple qu'auoit donné Aristote.

~~En qu'elle sorte se peut se auoir & mesurer la rotondité de toute la terre: & combien elle a de tour.~~ CHAP. XIX.

**I**E scay bien que le sūiet de ce chapitre ne sera pas delectable à tous d'autant que pour bien l'entendre, il est besoin d'auoir aucuns des principes de Mathematique: toutes fois i'en ay voulu parler, pour le contentement de ceux qui sont enclins en la science dont il traite. Or donc pour le propos de maintenant, il est necessaire de presupposer les premiers elemēs. de telles sciences, lesquels pour ce qu'ils sont communs, ne sera besoin prouuer. Le premier est, que ce que nous auons dit de la grandeur de la terre, emporte avec soy la terre & la mer, pource que Dieu les a ainsi disposez, quand il a dit qu'elle apparoiſſe ſeiche: car des deux vnīs ensemble se fait vn corps parfaitement rond. Aussi faut-il entendre qu'en toutes actions que on donne à la terre, est aussi comprinſe la mer: car quand on dit, la terre à tant de degrez en rotondité, ou il y a tant de degrez de tel lieu en tel autre, il s'entend de la mer



mer aussi bien que la terre : & tout ainsi se considerent les eclipses, les hauteurs & largeurs, & si ont vne pareille certitude: si est-ce toutesfois qu'en ceste rotondité, ne sont cōprinſes les mōragnes & valees, ny semblablement les bois, ny les forets que la terre contient en soy: pource que telles choses ne ſoient dignes de conte auprès de la grandeur de ce merueilleux corps. Ceste rotondité d'eau & de terre, est assise au milieu du circuit du Ciel, de forte que le point & centre de ce corps rond fait de terre & mer, est pareillement le centre & nombre de tout le monde, tant du Ciel que des elemens. Outre ceste definition, il y a vne autre vraye & absolue, cest que la terre & l'eau (eu esgard au Ciel estoillé, que nous appellons firmamēt) sont si petits que le tour de ces deux elemens luy sert de centre, & est ainsi qu'un petit point au respect de sa circonférence, tellement qu'en quelque part d'icelle, que l'homme se voudra aider d'un Quadran, ou de l'Aſtrolabe, son labeur soit à tel effet, cōme s'il se faisoit au vray centre de la terre, car en quelque lieu que nous ſoyons de la terre (porueu que ce ne soit en luy profond & creux) nous descourrons lamoitié du Ciel: ce qui procede à cause de l'incomprehensible distance, qu'il y a d'icy bas iusques au firmament, avec son incomparable grandeur. Qu'il soit vray, la moindre estoille que nous voyons au Ciel, est plus grāde que toute la terre, & neantmoins elle ne nous semble, qu'un petit point au respect de tout le Ciel: de la moindre desquelles choses, lō pourroit faire preuue par suffisante demōstration, mais il fustif que l'experience le monstre. Ptolomee le preuue au 20. chap. du 1. liu. de sa Geographie: Alphangan en la 4. difference: Cleomedes liu. 7. Geber. liu. 2. & Jean de Sacrobosc, cōme aussi font tous ceux qui ont escrit sur la sphere. Cela donc presuppōsé imaginons en nostre esprit, que l'eau & la terre facent vn. cercle rond, & que le Ciel en soit vn autre fort grand, cōme aussi est-il, que ces deux cercles n'ont qu'un centre cōmun dedans: lequel ainsi imaginé on mettra deux lignes, d'egale grandeur, qui sortiront cōmunes aux circonférences de tous les deux cercles cōme l'enseigne Euclides, coupant & partissant par egales portions ces deux cercles, chacune por-  
tion



tion egalee au respect de chacun d'iceux : c'est à dire que  
fices deux lignes ainsi sortans droit, font huit parts du  
grand cercle, elles en feront autat du petit : i'entens cha-  
cune huietieme partie à l'esgard de chacune grâdeur. Or  
les anciens pour mesurer le monde aduiserent de diuiser  
le Ciel en trois cēs soixâte parts egales, que nous appel-  
lons degrez, & par consequent la rotondité de la terre, en  
autant de parts par imaginations de lignes, partans du  
centre, & faisans la diuision, de sorte que pareille quâtité  
qu'a chacū de ces degrez, au respect du tour du Ciel, tou-  
te pareille sera celle de chacun des degrez de la terre, eu  
esgard à la rotondité & circuit d'icelle. Et comme ces  
portiōs, ou degrez, sont entr'eux égaux, qui sçaura ce q̃  
l'un contient de lieuës, sçaura en multipliant ce que con-  
tiennent tous les autres. Pour dōc en sçauoir l'un degré, ils  
firent en ceste sorte : Le Pole est vn poinct fiché au Ciel,  
dessus lequel le Ciel fait son mouuement, & luy demeure  
ferme & stable. Parquoy avec vn Astrolabe, ou autre in-  
strument propre à cela, estans en vn lieu descouuert, ils  
prenoyēt la hauteur q̃ le Pole auoit par dessus l'horison,  
en la borne de la veüe mesme, & norant le lieu qui estoit  
cōuenable à l'elevation où hauteur dudit Pole, ils chemi-  
noyēt droit vers iceluy sans extrauaguer au Meridiē, ius-  
ques à ce qu'avec ce mesme instrumēt, ils le trouuoient  
en vn degré plus haut qu'au premier lieu : & par là co-  
gnoissoyēt qu'ils auoyent cheminé vn degré de la terre,  
depuis le lieu d'oū ils estoient partis, iusques au lieu où  
ils estoient arriuez, ven qu'ils auoyēt cheminé par le res-  
pect du Ciel, eu esgard aux reigles susdites des deux cer-  
cles. Puis ils mesuroyēt ce que cōtenoit ce degré par sta-  
des ou miliers : cela cogneu par eux, ils firent ainsi leur cō-  
te : si vn degré contient tant de lieuës, toute la rotondité  
de la terre en cōtiendra tant, puis qu'en icelle il y a 360.  
degrez, tels & aussi grands que cestuy-cy. Voila la forme  
& maniere qu'ils tenoyēt, & se peut encore chacun iour  
tenir pour mesurer la terre, cōme la plus certaine, Il faut  
neantmoins sçauoir, cōbien est grand chacun degré de la  
terre, & par consequent ce qu'elle contient de rotondité,  
la mesurant par la grosseur de tout, selon l'experience des  
anciens & modernes qui s'y sont estudiez. La plus com-  
mune



munee opinion qui soit, est que chacune degré ou portion de trois cens soixante contient cinq cens stades de chemin, & chacune stade est de six vingts cinq pas geometriques, & chacun pas est autant que deux de nos communs: de sorte que le degré contient soixante deux milliers & demi, qui valent soixante deux mil cinq cens pas geometriques: Ptolomee le dit, & pareillement Marcien Capelle, & la plus grand partie des sages Cosmographes anciens, encore est-ce l'opinion commune de la plus part des modernes. Oronce Finee le tient ainsi, & dit se pouvoir experimenter en allant de Paris à Tholouse. Glaucan, & Antoine de Nebrisse hommes doctes diligens & curieux, dient auoir fait semblable experience: tenant donques cela pour certain, bien qu'Eratostene & autres Grecs eussent opinion que tous degrez auoyēt 700. stades, en quoy ils se sont abusez, peut estre, pour auoir mesuré leurs pas trop petits: ie dy donc qu'estant chacun degré d'iceux, des trois cens soixante, long de cinq cens stades, tous les 360. contiennent ensemble, vingt deux mil cinq cens milliers, qui font 180. mil stades. Par ainsi la rotondité de toute la terre, comprins en icelle toute la machine de l'eau, estant reduite a mille pas, contiendra vingt deux millions & cinq cens mil pas. Et si voulez sçauoir combien tout le tour de la terre corient de lieux Françoises, il faut dōner à chacune lieuē deux mil d'Italie: parquoy si vous diuisez 22. mil 500. pas en deux, vous trouuez que le circuit de la terre contient onze mil deux cens cinquante lieux Françoises: & si le diuisez par quatre, tout l'environ de la terre contiendra cinq mil six cens vingt cinq lieux d'Allemagne: car les quatre mil d'Italie ne font qu'une lieuē d'Allemagne. Et voila quāt à la dimension de la terre selon la commune opinion.

Pourquoy c'est que la neige conuertie de paille se cōserue en sa froideur, & l'eau chaude en sa chaleur, veu que ce sont deux contraires effets par une mesme chose, avec quelques autres secrets.

CHAP. XXI.

**A**ux hommes l'esprit, & amis de la contēplatiō des crœures de nature, ne se presētera chose si legere, ny de si peu de valeur, où ne se trouue quelque chose notable



ble, & qui ne rende leurs esprits contents, apres qu'ils en ont cognoissance. On trouuera plusieurs personages, ausquels si on demandoit pour qu'elle cause la neige couverte de paille se conserue long réps en sa froideur sans se fondre, ils ne scauroyent que dire. A cela respond Alexandre Afrodisee excellent Peripatericien, que la paille n'a point de qualité manifeste & cogneuë, elle n'est ny chaude ny froide, en sorte que quelques vns l'ont nommee sans qualité: pour ceste cause estant ainsi singulierement reperee & delicate, iusques à estre quasi à ce degré de la pouuoir dire, ny chaude ny froide, elle se couuertit facilement en la qualité de la chose qu'on luy adioint: tellement que mettrà en icelle de la neige qui est froide, ceste paille en prend la froide qualité; & par le moyen d'icelle est aidée & soustenue la froidure de la neige, comme vne chose d'une qualité aide l'autre, sans luy donner aucune chaleur, pource qu'elle ne l'a pas: ainsi la neige estant accompagnée de froideur, & deffendue cōtre la chaleur, que la paille engarde d'entrer, se conserue en son estre assez plus long temps que si elle n'estoit point couverte de paille. Pour ceste mesme raison aduient effect contraire en l'eau chaude, pource qu'estant couverte de paille, ceste paille reçoit incontinent la qualité de la chaleur de l'eau, & estant ainsi incontinent eschauffee, elle aide & cōserue l'eau en sa chaleur, & deffend de l'air qui la refroidiroit. Par ceste raison nous pourrōs donc entēdre d'autres difficultez & doutes, que personnes curieuses nous ameneroyent comme ceste-cy. Nous scauōs bien qu'outre nostre chaleur naturelle & interieure, ce q nous cause chaleur en Esté, c'est l'air, qui en ceste saison est beaucoup plus chaud qu'en autre temps de l'annee, de sorte que plus l'air est chaud & plus nous sentons de chaleur: si donc il est ainsi, comment est-ce que nous sentons plus de frescheur, & moins de chaud, en vous donnant air en Esté, & en nous esmouuans pour l'auoir, veu que selon Aristote, le mouuement cause plus grande chaleur, tellement que l'air par ceste agitation, se deueroit eschauffer, & donner plus de chaleur. que s'il estoit en repos: la cause prouient, de ce que nous auons plus de chaleur en nostre corps qu'il n'y a en l'air, tant à cause de nostre naturel, que



que de ce que l'air a operé en nous: car venant l'air fraischemēt (ce di ie pource qu'il est plus temperé que nous mesmes) il nous tempere aucunement, mais demeurant en repos pres nous, il s'eschauffe en nostre chaleur: tout ainsi que nous auons dit de la paille, il nous cōserue voire augmente ceste chaleur: toutesfois s'il est agité, & souvent renouuellé, en venant plus réperé que nous ne sommes, ceste temperature & difference que nous sentons de moindre chaud, nous modere le nostre mesme. C'est la responce qu'Alexandre, & mesmement Aristote, donēt à ceste question: il faut neātmoins noter, que s'il se trouuoit vn air plus chaud que celui que nous habitōs, l'agitation de tel air ne seroit pas si bonne, pource que nous sentirions plus grande chaleur, cōme il aduient bien souvent. Ainsi voyons nous aduenir en l'eau chaude, que si nous mettons la main dedās, à peine l'y pouuōs nous tenir, & toute fois si nous y tenōs la main ferme, elle donne moins de passion, que si nous la remuons: pource que du moins l'eau qui enuironne la main froide, se tempere quelque peu à l'entour d'icelle, mais en la remuāt parmi ceste eau, elle se renouuelle en chaleur, & s'approprie à chasque fois nouuelle force: ainsi le plus puissant opere de nouueau enuers le plus debile. On demande encor pour quelle cause il fait plus chaud à la fin du mois de Iuin, & le lōg du mois de Iuillet, estāt le Soleil plus esloigné de nous, qu'il ne fait au cōmencement de Iuin, ven que lors nous sommes au solstice du Soleil, & frappe plus droit avec les raiz: à quoy respond Aristote au second de ses Metéores, que le chaud du Soleil n'est point cause, ny ne sent point d'auantage pour estre le Soleil plus pres de nous, ains quand plus il y a de temps qu'il est sur nous: pource qu'en Iuin & Iuillet il a esté plus long temps à s'approcher de nous, aussi en declinant il cause plus grande chaleur, car il reschauffe en deualant la partie & la trace de l'air, qu'il auoit desia en montant eschauffe.

¶ D'aucuns grands personnages qui sont morts estans appelez par quelques vns de ceux qu'ils auoyent fait mourir iniustement, & si moururent au tēps qui leur fut assigné avec vne histoire notable d'un Archenésque de Magonce.



**Q** Vant le secours des homes a cessé à ceux à qui on faisoit tort. si la verité est iamais celuy de Dieu ne leur failly, & cōbien qu'il n'arriue point si tost ne si visiblement cōme on voudroit bien, si est ce que Dieu scait quand & comment il doit venger les iniures qu'on fait aux innocēs, & si permet aucunes fois qu'on cognoisse en public le tort qu'on fait à aucuns, & les faux iugemens cōtre eux. Dequoy nous pourrōns amener plusieurs exēples : entre lesquels nous liſons qu'un Cheualier de ces Tēpliers (desquels nous auons parlē en la seconde partie des Diuerſes Leçons) estant selon l'opinion de quelques vns conduit à mort iniuste: ce Cheualier qui estoit Italic, natif de Naples, voyant à vne fenestre le Pape Clement cinquiesme, qui l'auoit condannē à mort, & pres de luy Philippe le Bel Roy de France, il dit à haute voix: Tres-cruel Clement, puis qu'il n'y a point de Iuge au monde, par deuant qui l'hōme puisse appeller de l'iniuste sentēce que tu as contre moy donnee, j'appelle de toy, comme de Iuge iniuste, par deuant le iuste Iuge Iesus Christ, deuant lequel ie t'adiourne, & pareillement le Roy Philippe à la poursuite duquel tu as donnē iugement de mort contre moy, & ce dans vn an à comparoir deuant le Tribunal de Dieu, pour estre à droit avec moy, & la ie propoſeray ma cause, qui se determinera sans auarice ou passion aucune, cōme vous avez fait. Or leur en aduint il ainsi qu'il auoit demandē. car au bout du temps, le Pape estant passionnē d'une douleur d'estomach mourut. aussi fit le Roy Philippe: quoy qu'il en soit, il semble que cela procedoit d'un iugement de Dieu. Le pareil cas, aduint à Ferdinand quatriesme Roy de Castile: lequel faisant mourir deux Cheualiers, plus par courroux que par iustice, & ausquels ny larmes, ny supplications ne peurent en rien aider, ils citerent le Roy deuant le Tribunal de Christ, à cōparoir dās trente iours, au dernier desquels il mourut precisement. Il en aduint autant d'un Capitaine de Galeres de Genes, duquel Baptiste Fulgose escrit, qu'en faisant vne courſe sur mer, il prit vne fuste de Carlogne, en laquelle y auoit vn Capitaine, qui iamais n'auoit fait tort aux Geneuois: ce neantmoins pour l'inimitie que ce Geneuois portoit



aux Catelans, il commanda que ce Capitaine prisonnier fust pendu, lequel en respandant plusieurs larmes, requeroit qu'on ne le fust mourir à tort, veu que iamais il n'auoit offensé, ny sa nation aussi: mais en fin ne trouuant aucune misericorde en luy, recourut à la iustice diuine, disant à ce Capitaine cruel, puis qu'il vouloit executer cōtre luy ceste iniuste sentence, qu'il en appelloit deuant Dieu, qui chastie les iniustes: & de fait l'adiourna, pour cōparoir à vn iour dit, afin de rendre conte deuant Dieu, du tort qu'il luy faisoit: auquel iour le Capitaine General ne fut pas faute, car il mourut, & alla rendre conte à celuy qui en deuoit faire raison: ie pourrois bien amener plusieurs autres tels cas, mais pour le plus estrange de tous, ie veux dire celuy qui aduint à Magonce en Allemagne, qui generallyment consta si cher à toute la ville, selon que briefuement le recite Gontier Poëte renommé, qu'il a escrit les faits de l'Empereur Federic premier de ce nom: l'Euesque Conrad le raconte pateillemēt en son histoire de plusieurs choses qui aduindrent du temps de ce Federic, & d'Henry sixiesme son fils: & en voicy le fait: En ceste ville de Magonce, en l'an mil cent cinquante, ou vn peu plus, il y auoit vn Archeuesque nommé Henry homme singulier en toutes vertus. C'est Archeuesque comme bon Pasteur qu'il estoit, chastioit seuerement les pechez publics, & ayant fort grand soin de ses brebis, estoit fort ialoux de l'honneur de Dieu, & de l'amour du prochain: au moyen dequoy les meschans luy portèrent telle haine & enuie que par fausses informations, il fut accusé deuant le Pape à Rome, comme inhabile de ceste dignité, luy mettant sus plusieurs crimes & delits. Quoy entendu par le Pape, qui le reputoit iuste & saint, & ne pouuāt neantmoins denier audience à qui luy demandoit iustice, il l'aduertit de l'accusatiō. A ceste cause pour purger son innocence, il esleut entre ses amis, celuy que plus il aimoit, & auquel il auoit fait plus de bien qu'à tous les autres, c'estoit vn Prestre nommé Arnaud, qu'il auoit fort esleuē en dignité: or estoit cest Arnaud riche d'esprit d'eloquence & de deniers: parquoy luy arriué dans Rome, institué & poussé du diable, pensa faire priuer son Seigneur de ceste dignité, & se l'appliquer à soy-mesme: pour



pour à quoy paruenir il suborna, moyennant grande sōme de deniers, deux malins Cardinaux: puis au lieu de parler en la faueur de son maistre il parla cōtre luy, disāt estre plus obligé, à Dieu, & à la verité, qu'aux hōmes, & que de vray l'Archeuesque estoit coupable de ce qui luy estoit mis sus: au moyen dequoy le Pape imbu & abusé du rapport, delibera d'y enuoyer deux de ses Prestres pour en faire information, & y enuoya les deux Cardinaux confederez d'Arnaud: pour parfaire le proces, lesquels arriuez en Allemagne firent venir l'Archeuesque deuant eux, & fut ouy en sorte qu'on donna sentence contre luy, par laquelle il fut priuē de son siege & dignité, & en son lieu fut mis Arnaud, qui l'auoit vendu cōme Iudas vendit nostre Seigneur: en prononçant lequel iugement, l'Archeuesque Henry present, dit ces mots: Dieu scait que ie suis iniustement condamné, toutesfois ie me soucie peu d'appeller icy de vostre sentence, pource que vous serez plustost creus en mesonge, que moy en verité: pour ceste cause ie recoy ce iugement en la remission de mes pechez: toutesfois i'appelle de vostre sentēce deuant le iuste Iuge eternal, qui est le Christ, deuant lequel ie vous adiourne: Ce qu'entendu par les Iuges, s'en prindrēt à rire, disans que s'il alloit deuant, ils le suiuroyent; ceste sentence fut dōnce en l'an 1156. que l'Archeuesque priuē supporta en grande patience, & s'estāt retiré en vn monastere, il y obierua l'ordre de la vie sans toutesfois prendre l'habit. Conclusion, Dieu ne voulut souffrir ceste meschanceté sans punition, afin que l'innocence du iuste fut cognēue: Vn an & demy apres Henry mourut en son monastere en grande saincteté: & cōme il est à penser il mōta en la gloire tant desirée. La nouuelle de ceste mort venue à Rome, les deux Cardinaux y estans vn iour se gaudioyent ensemble, disans qui leur falloit aller trouuer l'Archeuesque Henry: mais peu de iours apres l'un des deux estāt accoudé sur l'espaule d'un de ses gēs fut si pressé de mal, que les tripes & boyaux luy saillirent par le fondemēt & mourut: l'autre en grinçant les dents, se rōpit & mangea les mains, & mourut enragé. Quant est d'Arnaud pour ses cruautéz, & les seditions qu'il entretenoit parmy le peuple, il fut tant hay de tous qu'un iour estant



affigé en vn monastere, il y fut tué, puis laissé trois iours dans les fosses de la ville, où tout le peuple hommes & femmes exerçoient sur son corps toutes les cruautés possibles de longer à hommes.

*De deux Cheualiers qui s'estoyent persuadez par imagination qu'ils deuoient estre pendus : & en quelle sorte ils furent desloignez de ce pensement.* CHAP. XXXII. NOUO

**S**il les contes couchez sous fictions poëtiques, & inuen-  
teez, donnent quelque plaisir aux lecteurs, par conse-  
quent les veritables, & qui ne sont pas moins estranges  
meritent bien estre contez. En la prouince d'Estirie, ainsi  
nommee de tout tēps, qui est aux fins & limites d'Austrie  
& Pannonie, y auoit vn Gentilhomme fort honorable, le-  
quel, par forte tentation du diable, prit vne diabolique  
imagination, telle qu'il se persuadoit se deuoit pendre, &  
avec ceste apprehension fut par plusieurs fois en danger  
de le faire : toutesfois secours du bon ange il descouurit  
ceste intention à vn Religieux, lequel apres l'auoir fort  
bien consolé, luy cōseilla d'auoir tousiours vn prestre en  
sa compagnie, & que tous les iours il ouyst messe: car par  
ce moyen Dieu y mettroit remede, par le conseil de ce  
moyné, le Gentilhomme se retira en vn chasteau qu'il auoit  
aux champs, où il demeura l'espace d'un an entier, oyant  
tous les iours Messe, par ainsi ceste imaginatiō luy cessa.  
Vn iour aduint que ce Prestre luy demāda congé d'aller  
à vn petit lieu prochain, pour aider à vn autre Prestre son  
amy, à faire vn office solennel; ce que luy accorda le Gen-  
tilhomme, en intention de le suyure incontinent, pour y  
ouyr la Messe: mais ayant esté retardé de le suyure, pour  
aucuns negoces qu'il auoit à faire, il estoit quasi midy  
quand il partit de sa maison, bien ennuyé de ce qu'il ne  
pouuoit arriuer à temps pour ouyr Messe: tellement que  
son vieil pensement de se pendre: luy remit les premiers  
aguets & persuasions en auant. Or en cheminant, il ren-  
contra vn vilageois qui venoit de là où il alloit, duquel  
il sceut que la Messe estoit dite & le seruice fait, dont il  
receut grand desplaisir, se nōmant malheureux de n'auoir  
peu ce iour-là ouyr Messe: ce que voyāt le laboureur, luy  
dit qu'il ne s'en deuoit fâcher: & que s'il vouloit, il luy  
vendroit



vendroit le merite qu'il auoit acquis en oyant ceste Mes-  
se: à quoy s'accorda le gentil-hôme, & pour cest achept,  
luy bailla vne robbe qu'il portoit: puis arriuant à l'Eglise  
fit deuotement son oraison à Dieu: ce fait, en retournant  
en son logis, & se trouuant vn peu plus auant que l'en-  
droit où il auoit trouué le laboureur, il leua les yeux en  
haut, & le vid pendu à vn arbre: il est donc à presupposer  
que ce fut par la permission de Dieu, pource que ce vil-  
lageois auoit vendu son merite, en vendant lequel il a-  
uoit acheté le droit de la pèderie du gentil homme. De  
là en auant le gētil homme vesquit tousiours sain & de-  
het, ayant retiré de son esprit ceste mauuaise pensee. Ces  
choses sont escriptes par le Pape Pie second en sa Cosmo-  
graphie de la description d'Europe, & par M. A. Sabelli-  
que au troisieme liure de sa dixiesme Decade. En vne  
ville d'Espagne y eut semblablement vn homme, qui fut  
en pareille fantasie de se pendre, & disoit auoir vne cer-  
taine reuelation qu'il deuoit aller en enfer sans pouuoir  
estre sauué: tellement que par plusieurs fois il delibera de  
se pendre, & s'en mit en effort. Au moyen dequoy les pa-  
rens luy baillerent des gardes, essayans par toutes voyes  
luy oster ceste diabolique pensee, tant par prieres & ora-  
isons, que par admonnestemens & remonstrances de  
plusieurs religieux: & toutesfois il n'estoit possible de  
l'en diuertir. Aduint vn iour qu'il fut visité d'un reli-  
gieux de l'ordre de saint Dominique, homme bien let-  
tré & de sainte vie, lequel apres auoir essayé par tous  
moyens de le remettre en son bon sens, & voyant n'y  
pouuoir aduenir, il s'aduisa d'une finesse: & luy dit qu'il  
estoit vray que ceste reuelation luy auoit esté donnee,  
toutesfois qu'il sembloit estre vne grande folie, de ne  
pas tascher à prolonger son chemin, afin de n'aller si tost  
en enfer, & qu'il deuoit prier Dieu qu'il luy prolongeast  
sa vie, afin que pendant le temps qu'il viuoit, il fust ex-  
empt de ces peines infernales: encore de tant plus de-  
uoit il prier Dieu, à qui rien n'est impossible, afin qu'il  
luy pleust reuoker ce iugement. Ceste raison entendue  
du gentil homme tormenté, luy fut agreable, & deli-  
bera de se traouiller au plus qu'il pourroit, pour y aller  
le plus tard que il luy seroit possible: ainsi viuant en ceste



opinion, il perdit en peu de temps ceste imagination terrible, & si vesquit depuis, & mourut en bonne disposition avec l'aide de Dieu.

De la cruauté qu'Alboïn Roy des Lombards exerça contre sa femme Rosemonde, & par quel moyen elle se vengea de luy.

CHAP. XXXII.

ENTRE les peuples belliqueux qui sont sortis d'Allemagne, & de ces parties Septentrionales pour descendre en Italie, sont nommez les Longobards, qui occuperent par l'espace de 200. ans & plus, tout ce qui est pour le iourd'huy nommé Lombardie, & iusques à ce que Charlemagne les en chassa, dont l'histoire est amplement declarée par Paul Diacre, en son particulier liure qu'il en a fait: car il dit que quand ils laisserent l'Hongrie (où ils auoyent habité quelque temps) pour venir en Italie, ils auoyent pour leur Roy vn nommé Alboïn, homme de grãd esprit, & vaillât au fait de la guerre: car il veinquit en bataille Cunimod Roy des Gépides: puis luy ayã fait trancher la teste, fit faire de son test vne tasse, en laquelle il beuuoit pour triomphe de sa victoire. Et tenãt encore prisonniere la fille de ce Roy nommee Rosemonde, il la print à feme, puis vint cõquerir l'Italie ayã ceste femme avec luy, en l'an 862. Et apres auoir prins plusieurs villes & citez, paruint finalement en la ville de Paue: où depuis ses successeurs Roys ont fait leur siege & cõtinuelle residence, comme la principale ville de leur Royaume. Or ayant regné trois ans & trois mois, & se trouuant à Verone, il ordonna vn solennel festin, auquel il fit boire la Roine dãs la tasse faite du test du chef de son pere: dõt elle print tant de honte & de desplaisir, que toute l'amour qu'elle luy auoit porté auparauant fut conuertie en vne haine mortelle, concluant de le tuer, pour veger la mort de son pere, & pour ce faire s'en conseilla avec vn iouëceau nommé Helmechild, qui luy dit qu'à telle execution elle deuoit appeller vn puissant cheualier nommé Peredee: ce qu'elle fit, mais il n'y voulut cõsentir, luy semblant ceste chose estre trop grande trahison: toutesfois elle pour paruenir à son entreprise, postposa toute honesteté: car estãt aduertie que ce Peredee aimoit vne de ses damoyelles



les, elle se mit vne nuit secrettement, au lieu ou Peredee & la Damoiselle se deuoient rencontrer: où arriué, il fut lōg tēps avec la Roine, pensant que ce fut la Damoiselle. Parquoy la Roine qui n'auoit point-encore parlé, voyāt à son aduis l'heure propre, luy dit: sçais tu bien avec qui tu es maintenāt Peredee? A laquelle respondit, vous estes vne telle, & nōma le nō de s'amie. Adōc la Roine luy dit: tu faux, Peredee, ie suis la Roine Rosemonde, & non pas celle que tu penses: tu as fait chose, pour laquelle il te cōuiēt mourir de la main d'Alboüin, ou toy mesme le tueras, & pourāt aduise lequel tu aimeras le mieüx. Quand Peredee cōsidera les termes où il estoit, il cōclud de tuer le Roy, & pour ce faire, luy, la Roine, & Helmechild ensemblement aduiserent le moyen qui fut tel: que le Roy sentāt la grāde chaleur du iour, voulut dormir, & la Roine faisant semblāt de le laisser reposer plus à son aise, cōmāda que chacū se retirast de la chābre, puis print l'espee du Roy, qu'elle lia en sorte, que quand il s'en fust voulu aider, il n'eust peu ce faire, Peredee & Helmechild, qui n'attendoient que l'heure, entrerent en la chābre: toutesfois ne sçeurēt marcher si doucemēt, que le Roy ne les ouyr, & se leua, mais aussi tost qu'il vid en sa chābre venir deux hōmes à l'improuiste & si d'aguet, il eut par grand fureur recours à son espee, pour le soupçon qu'il auoit de la verité: toutesfois ne pouuāt s'en aider, les deux qui estoient armez cōmencerent à le frapper de toutes parts, parquoy il print vn scabeau avec lequel il se defendit quelque peu: ceneātmoins il fut en fin tué par eux, sans qu'aucun s'en apperceust: au moyē de laquelle mort Helmechild s'empara du Palais, pensant se faire Roy en prenant la Roine à femme: comme il fit incontinent. Mais quād les Lōbards entendirent la forme de la mort de leur Roy, ils empercherent leur dessein. A ceste cause, après auoir fait vn paquet des plus riches bagues & ioyaux du thresor Royal, furent contraints s'en fuyr en menāns avec eux Aluicinde fille d'Alboüin, & de sa premiere femme: & pour seureté se retirerent à Rauenne, où lors estoit vn Lieutenant de L'empire, nommé Longin, qui tenoit le lieu pour Tiberre fils de Constantin Empereur de Constantinople, lequel Lieutenant les reçeut courtoisement: mais quelque



temps apres, vouloit luy print de se marier avec Rosemonde, & ayant accordé avec elle, luy conseilla de faire mourir H-lmechild, & puis qu'il l'espouleroit. Elle qui auoit perdu l'amour de Dieu, & la honte des homes desirant le voir Dame de Rauenne, luy donna au sortir d'un bain vn breuuage empoisonné, luy disant qu'il estoit fort bon pour la santé, à la persuation de laquelle il print le breuuage, duquel se trouuant peu apres trauaillé dans le corps, il se cogneut estre empoisonné: parquoy tirant son espee de grād cholere, contraignit Rosemonde à boire le demeurant: par ainsi en vn mesme temps ils payerēt tous deux l'offence de la mort d'Alboüin. Quoy entendu par Longin, il fit prendre Aluisinde la fille, qu'il enuoya vers l'Empereur Tibere, avec son thresor en Constantinople, & fut pareillement conduit Peredee, qui y vescu, & finit miserablement sa vie, apres y auoir eu les yeux creuez.

~~~~~  
*D'une belle tromperie qu'une Roine fit à son mary, & comme fut engendré le Roy Iames d'Arragon, ensemble de sa naissance & de sa mort.*

CHAP. XXIIII.

**I**L me souuient d'auoir leu en la chronique des Roys d'Arragō, qui Dom Petre, Comte de Barcelone, qui fut septiesme Roy d'Arragon, eut en mariage Dame Marie fille du Cōre de Mont Pellier, neveu de l'empereur de Constantinople, assez belle & honneste. Ce neantmoins le Roy s'estoit fort adōné aux autres femmes, & n'aimoit gueres la Roine, ny luy faisoit telle cōpagnie, qu'il estoit tenu faire: dont elle se contristoit fort, pource que le Roy n'auoit aucun enfant à luy succeder au Royaume. Parquoy avec l'aide d'un sien chambellan, qui peut estre, en telles affaires l'auoit autrefois seruie, trouua moyen que sous le nom d'une des fauorites, il l'introduisit à coucher vne nuist avec le Roy, où estant secretement conioincte, & sentāt le Roy que le iour approchoit, il voulut pour son honneur la faire retirer: mais elle luy dit, Monseigneur & mari, ie ne suis pas celle que vous pēsez, ains sçachez que vous auez eu, ceste nuist vostre femme apres de vous faictes moy endurer tel mal qu'il vous plaira, si



ra, si est ce que ie ne bougeray d'icy de vostre presen-  
ce, iusqu'à ce que quelque homme digne de foy, soit tes-  
moin que ceste nuit i'aye couché avec vous, afin q si Dieu  
me fait la grace que i'aye de vous le fruiet que ie desire le  
monde sçache qu'il est vostre. Le Roy voyant l'honneste  
trôperie de sa femme, fut content, & fit venir deux de ses  
Gétils hommes pour tesmoins de ceste verité. Si pleut à  
Dieu qu'à tēps conuenable la Roine se sentit grosse, & au  
bout du terme enfanta vn fils le premier iour de Feurier  
l'an 1196. lequel si tost qu'il fust né, la mere le fit porter à  
l'Eglise, & (qui fut digne de memoire) tout ainsi que ceux  
qui le portoyent, entrerent en l'Eglise, les Prestres qui  
estoyēt dedans commencerent à chanter, *Te Deum lau-*  
*mus*. Et de là estant porté en vne autre Eglise, ainsi q ceux  
qui le portoyent entrerent dedans, les Prestres commen-  
cerent ce Psal. *Benedictus dominus Deus Israel*, qui estoit  
grande pronostication & bonne esperance de la grande  
bōté qu'il deuoit regner en luy. Et ne sçachans le pere ne  
la mere quel nom ils luy deuoyent donner, firēt allumer  
douze torches esgales, portant chacun le nom d'un Apo-  
stre avec deliberation que le nom de la torche qui pre-  
miere faudroit, seroit donné à l'enfant: la premiere qui  
faillit, fut celle de Sainct Iaques. Par ainsi on le nom-  
ma Iames pource que cest le nom que les Arragonnois  
donnent à cest Apostre. Il fut Prince excellent, & de bon  
gouuernement en paix & en guerre: il fit cruelle inuasion  
sur les Mores: il estoit fort liberal aux soldats: & entre au-  
tres choses notables, il leua vne grosse armee, qu'il mena  
en l'Isle Maiorque, qui lors estoit en la puissāce des Mo-  
res, où il eut de grandes batailles: mais apres auoir lon-  
guement tenu le siege deuant la ville, à la fin il gaigna, &  
pareillement les autres Isles voisines: puis venant sur son  
Royaume des Mores, & mesmement en la ville de Car-  
thage, il eut plusieurs enfans, tant fils que filles, ausquels  
pendant sa vie il donna grands biens & estats. Dom Pe-  
tro, qui depuis fut Roy d'Arragon, estoit son fils, aussi l'es-  
toit Dom Iaques Roy de Maiorque & Minorque: vn au-  
tre qui fut Archeuesque de Tollere, Dame Yollant qui  
fut Roïne de Castille, & Dame Isabeau qui fut Roïne  
de France, & Dame Viraque qui fut mariee avec Dō Ema-  
nuel



Prince de Castille, & D<sup>e</sup> Pierre qui espousa la fille du Roy de Nauarre. Il vesquit 72. ans, & mourut catholiquement & à sa mort print l'habit de Moine, renouçant au sceptre Royal avec propos delibéré, s'il eschappoit de ceste maladie, d'employer le reste de son aage au seruice de Dieu: mais réforçât s<sup>o</sup> mal d'heure à autre, il mourut en la ville de Valence en l'an mil deux cens soixante six, au cōmencement du mois d'Aoust.

~~~~~  
 D'une ancienne & gracieuse coustume obseruee par les habitans de la Prouince de Carinthie, au couronnement de leur Prince, & comme ils chastient cruellement les larrons.

CHAP. XXV.

**L**E Pape Pie second de ce nom, qui fut de grande doctrine, & diliger inquisiteur des histoires veritables, comme nous l'auons par plusieurs fois par cy deuant allegué, dit en sa description du monde, que la Prouince de Carinthie, est enclose au territoire, & sous la Seigneurie d'Austrie: & si recite vne coustume que les habitans de ceste Prouince tiennent au couronnement de leur Prince, qui est merueilleusement estrange, & neantmoins fort gracieuse: laquelle coustume est pareillement declarée par A. Sabellique en la sixiesme Decade, & par Sebastien Mōster en sa nouuelle Cosmographie. En ceste Prouince de Carinthie, il y a en vne grande plaine, des vieux edifices ruinez, qui representent les vestiges de quelque ancienne ville. En ce lieu là y a aussi vne grande pierre, & quand on doit donner obeyssance à la nouuelle creation d'un Seigneur, il y a vn iour deputé, auquel on met sur ceste pierre vn Laboureur, qui a ceste preeminence, à cause de son lignage, & tient en la main droite, pres de la pierre, vne vache qui a veslé, & a main gauche vne iument fort maigre & debile, & tout à l'entour y a infinité de Laboureurs: & autres villa geois: en ce lieu là vient encore comparoir celuy qui doit estre Prince, avec grand nombre de gens à cheual, fort bien en ordre, ayans douze bannieres deuant eux, entre lesquels y en a vne, plus grande & plus apparente que les autres, qui est portée par vn Comte, par special priuilege: & l'Archeduc ou Seigneur, vestu d'habit de Berger, vient à la pierre où est ce Laboureur, lequel en



le voyât approcher, s'escrie à haute voix & demande, qui est cestuy-la qui vient avec telle gloire & felicité? à quoy ceux qui sont là respondent, cestuy-la qui vient est Prince de ce pays. Adonc comme le son d'un tonnerre, ce vain cri, est il iuste Iuge: gardera-il bien la iustice? pourchassera-il bien le salut & la defence du pays? est-il franc & libre de lignage? est-il vaillant & digne d'honneur & reuerence? est-il Chrestien? est-il defendeur de la foy de Iesus Christ? & toute la compagnie luy respond, il l'est, & le sera, puis il recommence encore de nouueau à demander: quel droit & raison a-il de me venir oster de ce lieu où ie suis maintenant? à laquelle demande, le conte qui porte l'estandart, respond: pour quitter ce lieu on te donnera soixante ducats d'or: & ceste vache, & ceste iument seront à toy, & la riche robe que nostre Roy à dernièrement despouillee, sera tienne: & encore toy & ta famille serez libre de tout tribut. Apres ces mots, le Prince s'approche de la pierre, & le laboureur luy donne gracieusement vn souffler sur la iouë, l'aduertissant d'estre bon iusticier: puis en descendant de la pierre, il prend la iument & la vache, & s'en va: & le Prince apres estre descendu à pied, monte sur ceste pierre & desgaine son espee, de laquelle il fait quelque tours, & vireuolte de tous costez, promettât à tous à haute voix, estre bon Iuge & bon Prince, & ce fait, on luy apporte d'as vn bonnet pastoral, vn peu d'eau à boire, puis il descend de la pierre, remonte à cheual & s'en va avec sa compagnie ouyr la messe en vne Eglise. Cela fait, il change ses habits des champs & de laboureur en habits Royaux, & apres le repas royalement prins avec la compagnie, il retourne en la campagne, où il escoute toutes gens de iustice, ainsi voila les ceremonies obseruees à la creation de ce Prince. Vne autre coutume est obseruee à ce peuple en la punitiō des larcins, laquelle est iniuste & trop cruelle, principalement entre les Chrestiens: car ayant seulement des indices qu'un homme soit larrō, ils le font mourir sans luy faire son proces, & trois iours apres qu'il est mort, ils examine les tesmoins en grande diligence, & si par telles inquisitions il est prouué coupable, ils le laissent au gibet iusques à ce qu'il tombe par pieces: mais s'il est trouué innocent, ils l'ostent



loient de là. & luy font honorables obseques & superailles. avec plusieurs oraisons & aumosnes pour le salut de son ame. Ceux-ci chastient les larrons avec telle severité: & toutesfois il y a d'autres nations qui les ont grandement supportez, come les Egyptiens, desquels escrit Aulugelle en les nuicts Attiques: & pareillement des Lacedemoniens qui permettoyer aux enfans destre larrons, d'approcher à sauter, afin qu'ils fussent plus hardis & adroits en la guerre. Toutesfois Dracon, celuy qui donna les loix aux Atheniens, en fit vne, où il comanda que toute espee de larrain fust punie de peine de mort. Au moyen dequoy Solon disoit qu'il avoit escrit la loy avec du sag laquelle il mitigna & adoucit depuis la coustume qu'on tient maintenant de pendre les Larrons, fut premierement ordonnee par l'Empereur Federic troisieme, selon que l'escrit ce docte homme en tous arts & sciences, Loys Vives au septieme liures de ses disciplines.

*En quelle part du Zodiaque se trouverent le Soleil & la Lune, & aussi les autres planettes quand ils furent faits. & quel fut le commencement des ans & des temps.*

CHAP. XXVI.

Comme dit le philosophe, les hommes sont naturellement curieux de sçavoir: & encor en ce cas est telle leur cupidité, & l'avidité de leur humain entendement, qu'ils ne se contentent pas seulement, de sçavoir les choses qui se peuvent cōprendre avec repos: mais en outre ils cherchent & taschent par grande presumption de sçavoir & cognoistre les impossibles ou fort ardues: Siest ce pourtant que ce penible desir n'a point esté totalement vain, encor qu'il ait par plusieurs fois failli: pource que la cōtemplation & continuel estude, ont trouvé des choses qui semblent impossibles & surnaturelles pour venir à la cognoissance des hommes, comme sont les mouvemens des cieux, le cours des planettes & des estoiles: l'influence & la force d'icelles, & semblables choses: entre lesquelles est compris ce que ie veux maintenant traiter qui est de sçavoir en quel temps de l'annee, & à quel jour le monde commença, ou, pour mieux dire, quand & en quelle saison Dieu crea le monde: quand comencèrent les



les temps & l'an : & où estoit le Soleil , ou Dieu le mit  
 premierement lors qu'il commença son cours, & sembla-  
 blement la Lune, & autres planettes. Aristote se soucia peu  
 de ces questions, cōme aussi firent infinité d'autres phi-  
 losophes, qui, par faute de la lumiere de foy, croyent  
 que le monde fust eternal & sans commencement : mais  
 ceux qui n'ont pas ignoré ces choses, ains ont creu ce  
 commencement des temps, se sont quasi diuisez en deux  
 opinions. Quelques vns d'entr'eux dient, qu'en cest in-  
 stant que le mode fut créé, le Soleil se trouua au premier  
 point du Moutō, qui est en l'equinoxe de l'Esté, venant  
 en ce tēps cy à l'onzième iour du mois de Mars. Autres  
 dient que le monde commença, estant le Soleil au pre-  
 mier point des Balances, qui est l'autre equinoxe de  
 l'Hiver, communément venant en ce temps cy, au 13. ou  
 14. de Septembre. De ceste opinion furent aucuns Egy-  
 ptiens, & Arabes, & semblablement des Grecs, selon que  
 le recite Linconienne, en vn traité qu'il a fait au Pape  
 Clement, & Vincent en son miroir historial. Ceux qui  
 suyuent ceste opinion alleguent vne raison, mais à la fin  
 ie monstrey comble elle est foible & debile: car (dient-  
 ils) alors les principaux fruits de la terre estoient meurs  
 & assaisonnez: aussi qu'il estoit raisonnable que la terre se  
 presentast au commencement parfaite: & à ce propos al-  
 leguent l'autorité du Deutéronome, où il est dit que  
 Dieu fit toutes choses parfaites & accōplies. Il y en a eu  
 d'autres qui ont dit, que l'entree des temps & des ans  
 fut au plus grand iour de tous les autres, qui est lors que  
 le Soleil entre au signe de Cancér, l'onze ou douzième  
 de Iuin. Iules Firmique aucteur anciē, & de grāde autho-  
 rité en Astrologie, dit à l'entree de son tiers liure, qu'au  
 commencement du monde le Soleil estoit au 15. degré  
 du signe du Lion, qui est le signe auquel il y a plus de lei-  
 gneurie, pource qu'il est nommé la maison du Soleil,  
 ainsi dit-il en discourant des autres planettes. Mais le plus  
 raisonnable de tous tels aduis, & le plus cōforme à verité,  
 c'est que quand le temps & les cieux commencerent à se  
 mouuoir, le Soleil estoit au 1. point du Moutō, qui est  
 à nous en Mars, auquel est quasi l'entree de l'Esté: Ce  
 qui est affermé outre les raisons que nous dirons, par la  
 plus

Deuter.  
 chap. 3. 2.



plus grãde partie des historiẽs, tant Chrestieẽs qu'Echni-  
ques: entre lesquels sont S. Ierosme, S. Ambroise, S. Basile,  
& autres qui tous mettent le commencement du monde,  
& de l'an en l'equinoxe de nostre estẽ, & combien qu'il  
semble qu'il y ait quelque differẽce entr'eux, pource que  
l'un veut que ce commencement soit en Mars, & l'autre  
le veut en Auriẽ, cela se peut supporter: car ils sont tous  
d'accord que ce fut en l'equinoxe qui maintenant est en  
Mars, toutesfois cõme nous auons desia dit par cy deuãt,  
l'equinoxe n'est pas ferme, car Iesus Christ souffrit le  
vingt-cinquiesme de Mars, qui tenoit lors l'equinoxe, &  
maintenant il est en l'onsiesme: partant il est à presu-  
poser qu'auparauant il estoit en Auriẽ. Pour ceste cause  
quelques vns ont mis Auriẽ pour le premier mois, & les  
autres Mars: & neantmoins veulent tous dire, que quãd  
le Soleil entre au 1. point du Mouton, c'est l'equinoxe,  
& en est l'opinion fondee sur l'Escripture sainte, & si-  
gnamment au 12. chap. d'Exode oũ il est dit que le mois  
Nisan (qui est Mars à nous) est l'entree de leur an. Aussi  
Vincent au commencement de son miroir historial dit,  
que les Hebreux commençoẽt leur an en Mars, pour-  
ce qu'à tel mois est l'equinoxe, par oũ le monde com-  
mença. Ceste opinion est pareillemẽt tenue de quelques  
Gentils, comme Elpaco en son traitẽ d'Astrologie, oũ il  
dit que les Chaldees, fort grãds Astrologues, croyẽt aussi  
que le 1. iour auquel le monde fut creẽ, le Soleil entroit  
au 1. point du signe du Mouton, ce qu'est aussi soustenu  
par la plus part des Astrologues, tant anciens que mo-  
dernes. Quand donc le Soleil se ioignoit là, ce fut le com-  
mencemẽt de l'annee, & de là vient le principe oũ 1. iour:  
car c'est chose toute claire, que le premier iour qui a estẽ  
au monde fut fait le premier iour de l'an, veu qu'aupa-  
rauant il n'y auoit ny temps ny ans. Pour ceste cause le  
signe du Mouton est de tous costẽ premier en l'ordre des  
douze signes. Et comme pour iuger de la reuolution des  
ans & des choses aduenir, il est besoin d'egalẽ les figures  
par ce commencement du monde: aussi est-il aisẽ à prou-  
uer, que Dieu mit le Soleil au premier point de ce si-  
gne, lors du commencement du monde, & de la creation  
d'iceluy: ce qui est encore de facile cõiecture, pource que  
nous



nous auons prouué au chapitre du téps & du iour que le Seigneur souffrit, que le Soleil estoit au meſme point de la creation, lors que le grand Soleil fit la regeneratiõ du monde, souffrant mort & paſſion en chair humaine. ce qui aduint, cõme nous auons dit, en ceſt equinoxe d'Eſté qui eſt argument & preſuppoſition, qu'il le mit ainſi lors qu'il le crea. Il ſemble encor croyable que cela ait eſté fait ainſi, pource que ceux qui cognoiſſent quelque choſe en Astrologie, & en la Sphere, verront biẽ que le Soleil entrant au degré de ce ſigne, & faiſant la reuolution par l'eſpace d'un iour entier, il n'y a partie au monde qu'il ne voye & illumine de ſa clarté, ce qu'il ne faiſt point en aucun autre endroit du Zodiaque, pource qu'en quelque autre partie qu'il ſoit, il y a quelque endroit de la terre où il n'eſt point veu: mais eſtãt à ce premier point, cõme nous auons dit, il n'y a lieu où il n'eſclaire en faiſant ſon tour iournal. Or eſtoit-il cõuenable que le premier iour que le Soleil tourna, il commençãt en endroit, duquel avec ſes rais il peult viſiter toutes les parties du monde: & que ce ſoit pluſtoſt au ſigne du Moutõ qu'en celuy des Balãces, il en appert par cela q̃ nous auons dit, qu'au iour de la Paſſion du Seigneur, le Soleil eſtoit en ce meſme lieu, auſſi y a-il en ce ſigne particuliere puiſſance. Tenãt donc ceſte opinion pour la plus certaine, ie dy que la raiſon alleguee, par ceux qui diẽt le cõmencement du monde auoir eſté en l'equinoxe de Septẽbre, eſt debile, & ne leur ſert de dire que tous les fruiçts eſtoient meurs & aſſaiſonnez, pource que cela n'eſt point reigle vniuerſelle: car quand les fruiçts ſont meurs vers la latitude Septentrionale, ils ne le ſont pas en l'Auſtrale, ains ſont tout au cõtraire: & pour ceſte cauſe, ie ne me ſuis voulu aider de la raiſon de ceux qui dient que l'equinoxe de Mars, que j'approuue, eſt le commencement du Printẽps, & des fleurs par toute la terre, & que toutes choſes ſe procreeent: car ſi à nous il eſt commencement de Printẽps, il eſt Hiuer aux parties Auſtrales: ſuffiſent donc nos raiſons, & l'authorité de ſi grands perſonnages, & que nul ne ſoit plus en doute, voyãt que l'an Romain qui eſt en vſage ſemble commencer le premier iour de Ianuier: car telle choſe eſt aduenue pour la ſuperſtitiõ & deuotion, que les Gẽrils auoyent



auoyent à leur Dieu Ianus: & voulurent que leur an commençast par son nom, cōme les Chrestiens cōmencerent le leur à la natiuité de Iesus Christ, encore que de là ne commence l'annee. Aussi les Romains cōmençoient l'an en Mars, cōme l'escriit Marc Varron & Macrobe en son premier liure: Quide en ses Fastes, & maints autres. Aussi Dieu monstra son immense bōté, en mettā les premiers hommes, Adam, & Eue, en ces parties Septentrionales de la terre, lors qu'il les bānit du Paradis terrestre, & la premiere saison qu'ils virent au monde fut le Printemps, auquel ils trouuerent la terre verte, & fleurie, & l'air doux & temperé, & ce pour la consolation de leur misere & nudité, ce qu'ils n'eussēt trouuē si ce n'eust esté au Printemps. Or estant ceste chose assez prouuée sçachōs qu'il est de mesme des autres Planētes, & premierement de la Lune, cōme l'vn des principaux, laquelle aucūs dient, que le premier iour qu'elle fut créée, Dieu la mit en conioction avec le Soleil: autres dient q̄ ce fut en opposition, & qu'elle estoit au plein. S. Augustin recite toutes ces deux opinions, sur Gehese, j. cha. & dit que ceux qui maintiennent qu'elle estoit en opposition & pleine, dient pour leur raison, qu'il n'estoit pas conuenable que lors de son commencement, Dieu la creast defectueuse en aucune chose. Les autres dient au contraire, qu'il est plus croyable qu'elle fut créée en son premier iour estant pleine qu'autrement: mais pour abbreger, ie dy selon mon opinion, q̄ Dieu, lors qu'il la crea, la fit entierement pleine & en opposition du Soleil: & si semble que ceste opinion soit la plus receūt. S. Augustin au lieu alleguē, & Raban sur le 12. chap. d'Exode le dient, & semble qu'il se conforment à la sainte Escrip̄ture, où il est dit que Dieu fit deux luminaires, vn grand qui esclaire le iour, & vn moindre qui esclaire la nuit. Or en l'instā mesme que le Soleil commença sa laniere, il illumina la moitié du monde: par ainsi en la moitié du monde il faisoit iour: mais l'autre moitié ne pouoit auoir lumiere du Soleil, à cause de l'ōbre de la terre: toutesfois il semble raisonnable, qu'ē l'autre moitié de la terre où il estoit nuit, la Lune fit son office de loire, pour ce que tout ainsi qu'ils fūrēt tous deux créés en vn mesme instant, aussi firent-ils tous deux, leur office



office en vn mesme instant, & l'vn preside sur le iour, & l'autre sur la nuit, cōme dict le texte: car alors estoit verifiee la parole de la sainte Escriture, & fut le monde illumine par tout: & au contraire si la Lune eust esté en cōiunction, cela n'eust peu estre q̄ quinze iours apres, & se fussent passez trois ou quatre iours auparauāt qu'elle eust donnē lumiere à la terre, encore c'eust esté bien peu, cōme nous voyons quād elle est de quatre ou cinq iours: parquoy il est conuenable que ces deux luminaires illuminassent la terre en vn mesme instant, ie dy encore, que si la Lune eust esté en opposition du Soleil, par necessitē elle se fust trouuēe de l'autre costē au signe de la Balāte: estāt donc ainsi, elle fit ce iour là le mesme effect q̄ le Soleil, esclairāt par tout le mōde à mesure qu'elle faisoit sō tout ceste iournee là, ce qu'elle n'eust sçeu faire si elle eut esté en autre endroit: au moyē dequoy ceste opiniō semble plus vray semblable, encore q̄ Iules Firmique vueille dire que la Lune, lors qu'elle fut creēe, eut sa premiere assiete au quinziesme degré du signe du Cancer, où elle s'aime le plus: de laquelle opinion est Macrobe en son 1. liu. du songe de Scipion. Quant aux autres Planettes, il seroit plus difficile de le certifier, & moins vtile à le sçauoir, pour ceste cause, ie ne suis pas d'aduīs d'y employer beaucoup de rēps. Touresfois Iules Firmique au 2. liu. alleguē, a bien eū la hardiesse de nommer les lieux, esquels chascun d'eux estoit, disant que Saturne estoit au signe de la Cheure, Iupiter au signe du Sagittaire, Mars au signe du Scorpion, Venus en la Balance, & Mercure en la Vierge. qui sont les signes esquels ils ont plus de force: aussi sont ils les signes designez de ces Planettes. Elpaque en dit tout autant, selon qu'en recite Iean Agrican en sa somme, nommée Agricane. Macrobe au liure alleguē du songe de Scipion, s'y accorde avec Iul Firmique, & nōme signamment ces mesmes signes: & si il y en a d'autres qui ont pensē qu'en cest instant toute les Planettes se trouuerent en cōiunction avec le Soleil. Le Moine Gautier le dit en son liure des aages du monde, disant, que les antiques Indiens tenoyent fermement ceste opinion. Et quant à moy, ie suis d'aduīs q̄ Dieu mit lors les Planettes en tels lieux distans l'vn de l'autre, & mesmement du







Roy des abeilles ne les offence point, & ne fait desplaisir à aucunes d'elles: Les grands seigneurs & autres pourrôt prendre exemple d'humilité sur le Chameau, qui se baïsse quand on le veut charger. Les bons & loyaux mariez, aurôt pour exēple la bonne constume d'aucuns oyseaux, & principalement de la Colôbe & de la Tourterelle, lesquelles rāt au masle qu'en la femelle, si ce n'est par mort, ne laisseront iamais la compagnie, avec laquelle ils se serôt premieremēt conioints: Encore escrit on de la Tourterelle, que mourant l'une, l'autre qui est demeurée vesue, acheue le reste de sa vie en viduité. S. Ambroise escrit que les femmes vesues doyuent apprēdre des Tourterelles à estre chastes. Touchant la continence, quasi toutes les bestes nous en donnent exemple: car iamais depuis que la femelle a conçu, elle ne cherche ny appete le masle, iusques à vn autre long temps determiné: ils sont pareillement exemples de temperance en tous vices, pource qu'ils ne mangent point plus que ce qu'il suffit à maintenir leur vie, ny ne dorment plus que leur necessité le requiert pour apprendre à se tenir proprement & bien ordonnément, la diligence du Paon nous le monstre. Pour deffendre & maintenir sa maison, & estre liberal avec les siens, le Coq nous en donne exemple: car il oste la viande de son bec pour la donner aux gelines, & si a le soin de les caresser & garder, & encore s'exposer à tout peril pour elles. L'obligation grāde des enfans enuers leurs peres, & comme ils leur doyuent servir & subuenir, la Cigogne nous le demonstre en nourrissant ses peres vieux dās leur nids, cōme elle a esté subueue & substantee en sa ieunesse. Pourquoi l'hōme n'a il honte & vergongne de commettre fragilité & peché par crainte, cognoissant le courage inuincible du Liō: La foy, l'amitié, la recognoissance du bien fait, nous sont notāment enseignees par la feauté des chiens, qui iamais ne mescognoissent les maistres qu'ils ont eus, & tousiours les aymēt, ny iamais ne cessent de leur rendre graces du pain qu'ils ont māt. L'homme pour cognoistre la maniere de s'aider des choses d'un amy sans l'endōmager, prēdra l'exēple de la mousche, qui tire miel des fleurs sans gaster le fruit. La maniere que doit tenir l'homme à la conseruation de sa vie, nous est ensei-



gnee non par vne seule beste, ains par plusieurs qui ont  
 cognoissance des viandes qui leur peuuent nuire, & de se  
 tirer d'un lien en autre, selon la mutation des temps: &  
 encore à s'habituier és lieux conformes à leurs comple-  
 xions & natures, surpassans les hommes en cela, aussi biẽ  
 qu'en toutes autres choses. Pourquoi les hommes ne fe-  
 ront-ils dociles: & pourquoi ne voudront-ils apprendre  
 ce qu'ils ne sçauent pas, puis qu'ils ont entendement &  
 ouye, veu qu'un Elephant apprend ce qu'on luy mōstre: &  
 qui n'en aura veu l'experience, considere ce qu'on fait ap-  
 preñdre à un chien, & qu'on apprend aux oyseaux à parler.  
 Celuy qui oyt le chant du Rossignol, & d'autres sembla-  
 bles oyseaux, pourquoy ne desirera-il sçauoir chanter en  
 musique? Pourquoi l'homme ne sçaura-il edifier, voyant  
 le bastimẽt que fait l'arondelle pour se loger, & comme  
 avec diuerses matieres elle se fortifie & compose? Quelle  
 meilleure geometrie que celle de l'araignee? Quelle  
 meilleure Astrologie que celle des Formis, & d'un pois-  
 son (selon Galen) qui se nomme Vranoscope? pource  
 qu'il a ordinairement la veuë dressée vers le Ciel. Pour-  
 quoy donc les hommes ne donnent-ils iugement & en-  
 seignement de ces arts? Quant és autres industries & sa-  
 gessees sont és bestes, desquelles les hommes ont appris  
 ou peuuent apprendre? Le cōseil de faire des caues ou ca-  
 uernes en terre, & cognoistre qu'où y peut habiter, nous a  
 esté donné par les renards. Certains petits vers, nommez  
 Serez en Latin nous montrent l'industrie & la maniere  
 de filer & faire la soye, & par là se peut appreñdre à filer au-  
 tre chose. Apres, l'araignee nous apprend à filer la toïle, &  
 par mesme moyen à pourchasser & prendre les oyseaux.  
 De nager en l'eau, les bestes nous l'ont pareillement a-  
 prins: car il n'y en a vne seule qui ne le sçache faire, ce que  
 ne peuuent les hōmes s'ils ne l'apprenent. Des medecines  
 qu'ils nous ont enseignees, nous en auons parlé en autre  
 endroit: & des choses qu'elles ont faites aux changemẽs  
 de tẽps: Et toutesfois nous en faisons nos biens & prouo-  
 yaces de nos corps, en telle sorte que ie ne sçay que nous  
 ferions si ce n'estoit les bestes. Nos vestemens sont faits  
 des leurs, nous mangeons leur chair. Elles nous apportent  
 des pays loingtains tout ce qui nous est necessaire, & no-  
 y portent



7 portent pour le chercher. Elles labourent, & entament la terre, dou nous procede le pain, & la pluspart des autres fruiets : tellement qu'elles sont le principal soutien de nostre vie ; & cōbien qu'elles soyent trauaillées, perseceutes & mal traitees des hommes, iamais ne delaissent à luy obeyr, le cognoistre & suyre. En la bataille elles meurent & combattent pour nous, & en la paix elles nous seruēt & substantent. Or venons aux exemples de l'ame, comme chose de plus grande importance. De qui pourroit-on tirer meilleur exemple pour les vertus & bonnes mœurs des hommes, que des bestes ? Toutes les vertus que les philosophes naturels nous persuadent, sont fondées sur les similitudes & paraboles des bestes, d'elles se seruēt les orateurs, & tous ceux qui ont bien & elegantement escrit & parlé. Dieu & les saincts nous ont le plus souvent, en la sainte Escriture enseigné, & persuadé par la propriété & condition des bestes, la perfection de nostre vie : & les reigles de la vertu & bonnes mœurs, disant que nous deuons estre prudens comme Serpens, simples comme Colombes, doux comme Aigneaux, forts & constans comme Lyons. Ainsi doncques par exemples des bestes brutes, & sans aucune raison, nous sommes enseignez à estre hōmes raisonnables & spirituels. Aussi trouuons nous plusieurs des offices & estats de l'Eglise, appliquez & figurez par les bestes selon leur propriété. Par les Bœufs (selon S. Augustin sur le second chapitre de S. Iean) sont signifiez ceux qui publient & dispensent la sainte escripture : & en ceste opinion il dit que les Prophetes & les Apostres estoient Bœufs, qui cultiuoyēt & labouroient nos ames, semans en icelles la parole de Dieu. S. Paul & Salomon en ces Prouerbes dient : Tu ne lieras point la bouche d'un Bœuf qui laboure. Les Saincts docteurs & predicateurs de l'Eglise, qui avec leurs loix & doctrine la gouuernent & defendent, sont nommez chieus. Sainct Gregoire le dit sur ces parolles de Iob : *Quorum non dignabar partes ponere cum canibus gregis mei.* S. Gregoi. liu. 23 des Moraux. Le mesme S. Gregoire inuite l'homme à contemplation par l'imitation des cheures, qui vont tousiours aux lieux hauts, & nomme la vie contemplatiue par la Cheure, en declarant ces mots du Leuitique : Du troupeau soit offer.



re la Cheure: & si dit que les mesmes predicateurs imitent les Coqs, se fondant sur la Parole de Iob, lequel dit: Qui a donné intelligence au Coq? disant que (comme le Coq) ils annoncent parmy les tenebres de ceste vie la lumiere future & nous esueillent avec leurs voix, nous tirant du sommeil, & disans comme S. Paul: La nuit est passée, & le iour vient & l'autre encore: Il est heure de nous leuer du sommeil, voyez iustes & ne pechez point. L'Eglise mesme pure, sainte, & sans macule, est comparée à la Colombe, Salomon le montre en les Cantiques disant: O que tu es belle, tes yeux sont de Colombe, & encore: O mamie, O ma Colombe. Nous voyons aussi que des quatre Euangelistes, les trois sons figurez par trois bestes. Si ie uolois môstrer toutes telles autoritez i'aurois beaucoup à discourir: Mais sur toutes, celles de nostre Sauueur & Redempteur Iesus Christ est notable, lequel voulut estre figuré en vne beste, comme S. Iean dit en son Apocalypic: Le Lyon de la lignee de Iuda à esté victorieux, & David aux Psalmes, dit, Resuscité comme vn Lyon: & en plusieurs autres lieux qui seroyent long à dire, & luy mesme en S. Mathieu le nomme poule disant: O Ierusalem, combien de fois ay-ie voulu assembler & cōgreger tes enfans, ainsi que la geline amasse ses poussins sous ses aïsses, & tu ne l'as pas voulu. Ainsi donc, puis que le Christ compare ses œuvres aux proprieté des bestes, les hommes feront bien de prendre enseignement d'icelles, à bien & saintement viure. Au contraire ce nous est grande confusion & vergongne, de voir & cognoistre que toutes les bestes suyuent parfaitement leurs naturels, & l'homme seul raisonnable, vfe si mal du sien bon: car luy seul qui plus deuroit honorer Dieu, l'offence d'auantage que tous animaux, peruertissant, & adulterant ses œuvres, tellement qu'il y a quelques bestes, à qui les hommes doyuent plustost prendre exemple qu'à quelques vns des autres hommes: car elles ont plus de cognoissance que les hommes mesmes. Et pource dit Dieu, par Esaye: Le Bœuf cognoit son seigneur & l'Asne sa creche, & Israël ne le cognoist, ny mon peuple ne l'entend point.



*Pour quoy se concedoyent à Rome les triomphes & combien y a de triomphateurs.*

CHAR. XXVIII.

Pour parler humainement & moralement, il y a principalement deux cas qui esmeuēt les hōmes à faire grandes choses, en la paix & en la guerre. La premiere est l'honneur & la renommée: La seconde est le profit & utilité. Les cœurs nobles & magnanimes desirēt principalement la premiere; & les bas & nō nobles, cherchēt l'avarice & les salaires. Cicerō dit en vne oraison qu'il a faite pour le Poète Archias, que nous sommes tous arctitez du desir de loüange, & que le meilleur & plus grand est le plus poulx de renommée, & ne demande autre payement ou guerdon de sa vertu, que la gloire. Le mesme Cicéron en vne autre oraison deffendant Milon dit, que les forts & sages hommes ne se travaillent point tant d'exercer la vertu pour en recevoir salaire, cōme pour l'honneur qui s'ensuit. Ce cōsideré par les Romains ils ont cherché plus que toutes autres nations, d'honorer outre le salaire, & illustrer ceux qui s'efforçoyēt faire notables & vertueux faicts: tellement que de là en auant il se trouua à Rome, plus qu'en nul autre lieu, si grande abondance d'hommes excellens en armes & gouuernement, que par là il s'en acquirent l'Empire de tout le monde. Au moyen dequoy pour l'exemple & enseignemēt du temps present, & aussi pour les curieux des antiquitez il m'a semblé bon en cest endroit declarer la maniere que les Romains tenoyent pour honorer & donner renommée aux hommes, qui auoyent obtenu les victoires. Et pource qu'entre tous les honneurs le triōphe estoit le plus grand, nous en traiterons: & dirons q̄ le triōphe estoit vne forme, d'entree & biē venue, qui se faisoit à Rome aux Capitaines generaux, avec la plus grāde pompe & solemnité qui se peult faire aux hōmes; & combien que les triōphes fussent fort vitz entre les Romains, si n'en furent-ils pourtant les inuenteurs, pource que Diodore Siciliē, & Pline, dient que Denis anciēnemēt appellé Dionyse, & nōmé Pere Libre, fut le premier qui triōpha au monde. Il semble aussi que les Carthaginiens vsèrent de triōphe: car Iustin dit entre

*Diodore  
liu. 6.  
Pl. liu. 2.*



les grandeurs d'Asdrubal Capitaine de Carthage, qu'il auoit quatre fois triomphé. Nous lisons pareillemēt des triomphes des Rois d'Egypte, & principalement du Roy Sosestris. Toutesfois à vray dire iamais le triomphe n'a tant esté solennisé des autres nations, comme des Romains: car le iour que quelque Capitaine triomphoit, le peuple de Rome cessoit de toutes œures, & n'estoit permis de faire aucune chose de profir. Les habitans de tous les lieux circonuoisins y accouroyēt pour le voir: & toute la ville, temples, ruës, portes, & fenestres estoient tendues & enrichies de draps d'or, d'argent, de soye, de fucilles, de fleurs, de bonnes senteurs, & de toutes autres mignardises, & magnificences, qui donnoyent signe de ioye. Le Senat, & tous les Prestres, avec toute la noblesse de Rome, & generallyment la meilleure & plus saine partie du peuple, sortoyent aux chāps honorablement accoustrez, pour receuoir le Triomphant, qui entroit à Rome vestu de pourpre, & couronné de Laurier, monté sur vn chariot d'or, tiré par quatre cheuaux blancs. Tous les prisonniers marchoyent au deuant de luy en habit de serfs, ayans les testes rases: & le Capitaine ou Roy de ces prisonniers, qu'il amenoit vaincu, alloit plus prochain du chariot que nul des autres. Les gens de son armee entroyent par ordre tenans Lauriers en leur mains. On conduisoit aussi denant luy vn chariot plein de toutes les armes, qu'il auoit ostées aux ennemis, & pareillement les vases d'or & d'argent, & la monnoye, & tous autres ioyaux despoüilles & trophées, avec les dons & presens qu'il auoit receus des Roys, & des amis & alliez de Rome. On portoit encore des chasteaux, des tours, & autres machines de bois, faictes par grand artifice, qui representoyent les villes & forteresses qu'il auoit debellées: & en marchant faisoient aucunes representations des batailles qui estoient aduenues en celle guerre, representee si au vif, qu'elles espouuantoyent ceux qui regardoyent ces choses: & si estoient en si grand nombre, & tant diuerses, que le triomphe se diuisoit bien souuent en trois iours, afin que toutes ces representations se peüssent faire amplement. En chacun triomphe on faisoit diuerses inuentions, & beaucoup de choses qui seroyent longues



longues à raconter. Si n'estoit pas pourtant le triomphe permis & accordé à tous Capitaines, n'y pour toutes victoires, ains y auoit loix & occasiōs notables, qui estoient pour obtenir. Le Capitaine qui le vouloit demander, n'estoit point à Rome, ains le Senat luy respondoit au Vatican s'il luy deuoit estre permis, ou non. Premièrement nul chef d'armee ne pouuoit triompher sans estre Cōsul, Proconsul, ou Dictateur: car le triomphe ne se donnoit à hōme de moindre office, & par faute de cela, Marc Marcel ne triōpha point pour la victoire de Siracuse, ne Scipion pour auoir surmonté l'Espagne: & falloit que la bataille eust esté grāde & notable contre l'ennemy, & qu'il y fur mort plus de 5000. hōmes. De ces choses est auteur Valere le grand. Aussi lisons nous que Caton & L. Marius estans tribuns, firent vne loy, par laquelle ils ordonnent grāde punitiō au Capitaine qui auroit rapporté faux nombre des morts. Encores n'estoit ce point assez qu'il eust vaincu & gaigné la bataille, pour cruelle & douteuse qu'elle fust: car il falloit qu'il subiugast la Prouince, la laissant pacifique à sō successeur, & ramener avec luy son exercite victorieux. Pour ceste cause, Tite Liue dit, que le triomphe fut nié, à Titus Manlius encore qu'il eust eu grādes victoires en Espagne, pource qu'il falloit que l'acquisition fur de terre nefue, ou de nouuelle guerre, & non pas pour deffendre ce qui estoit acquis. A ceste mesme occasion le grand Quintus Fabius ne triompha point pour auoir vaincu ceux de Campagne, comme l'escriit Valere le Grand. C'estoit aussi vne coustume, que le iour du triomphe le Triomphateur couuoit les Consuls à souper avec luy, ce qu'ils refusoient faire, a fin qu'a ce festin ne se trouuaist personne, a qui l'on doit faire autant ou plus d'honneur qu'a luy. La fin du triomphe se faisoit au temple de Iupiter, dans le Capitole, ou s'offroit toute la proye conquisse sur les ennemis, la se faisoit public & solennel conui. Et a fin que ce Capitaine ne se glorifiast de la faueur & honneur qu'il receuoit, quelqu'vns dient que l'ō faisoit asseoir aupres de luy vn seruireur, qui auoit permission de le gaudir le long du iour, de telles iniures que bon luy sembloit: dont nous auons plusieurs exemples aux historiens. Or pour faire que plus ample ment

Valere le  
Grand li. 2.



ces triomphes s'estédēt, nous en reciterons quelques vns, & premierement celuy de Paul Emile excellent capitaine de Rome qui l'obtint pour auoir vaincu & prins le puissant Persee Roy de Macedone, conquerans & ruinant son Royaume: & fit son triomphe comme le recite Plutarque en ceste sorte. En premier lieu on voyoit tout le peuple de Rome & des lieux circonuoisins, fort richement accoustrez chacun taschant à prēdre place en quelque lieu ou fenestre pour voir aisēmēt ce triomphe. Tous les tēples de Rome estoient ouuerts, tendus & accoustrez de riches draps, & de verde ramee avec bonnes senteurs & parfums, & pareillemēt les rues. Et pour autāt qu'en la ville y auoit infinité de peuple, qui estoit venu de dehors pour voir, il y auoit des hommes deputez avec des bastons qui auoyent charge de faire cheminer les triomphās, & serrer le peuple & fūtēt les choses du triomphe en si grāde quātité, q ce fut forcé de le partir en trois iours. Le premier desquels à peine fut suffisant pour l'ētree des bānieres, estendues & enseignes des vaincus, & pour faire passer les Statues, Colosses tableaux & images: car tout estoit conduit sur chariots peints & bien accoustrez. Au secōd fūtēt conduits en la ville, les armes du Roy vaincu, & de tous les macedoniens, lesquelles armes riches & iustantes, estoient bien ptopremēt agēcees, sur les chariots, à cela propres & deputez. Apres ces chariots, entrērent trois mil hōmes, qui portoyent l'argent monnoyē à descouuert, dedās grands plats & vases aussi d'argent, pesant chacun trois talēs: desquels vaisseaux y auoit trois cēs cinquante en nombre, & quatre homes à porter chacune piece. Les autres qui faisoient le reste de trois mil hōmes portoyēt des sōtaines fort richement elabourees, & autres sortes de vases d'argēt grāds & magnifiques: & dura tant ceste cōpagnie à passer, q tout le secōd iour y fut employē, & à les faire marcher d'ordre. Venuē la troisieme iournee, iustēmēt, à l'aube du iour en la premiere bāde, cōmēcemēt du triomphe entrērēt fifres, tabourins, naqueres & trompettes sonnans non point delicatemēt ny doucemēt, ains en sō terrible & vigoureux comme s'ils vouloyent entrer en bataille & derriere suiuyent six vingts vaches blāches, ayās les cornes dorees, & couuertes de certains voiles, qu'ils tenoyent  
comme



cōme sacrees, avec des guirlandes & chapeaux de fleurs, conduites par les iouuēceaux dispos & bien accoustrez pour faire le sacrifice d'icelles: & les suyuoient après des enfans portant de grand plats d'or & d'argent pour le sacrifice. Apres les vaches, suyuoient ceux qui portoyēt les deniers d'or en vases d'or: & estoient en nombre septāte sept: & les suyuoient derriere ceux qui portoyent la grande tasse, ou coupe d'or, pesant dix talēs, laquelle Paul Emile auoit fait faire, & enrichir de plusieurs pierres precieuses: & ceux qui portoyent les vases d'or, estoient aucuns de ceux qui soloient estre aux Roy Antigone, Seleuque, & autres Roys de Macedone, & du mesme Persee. Apres suyuoit le charriot du Roy vaincu, avec les armes de sa propre personne le diademe & la couronne, avec le sceptre royal mis sur les armes. Derriere le charriot, marchoyent prisonniers les enfans de ce pauvre Roy, avec grand nombre de ses officiers cōme les maistres d'hostel, secretaires & autres seblables de sa famille, tous plorās & mōstrans douleur si grande, pour se voir reduits à telle seruitude, qu'ils esmouuoient à pitié tous ceux qui les regardoyent. Des enfans de ce Roy, y en auoit des masles & vne femelle de si petit aage, qu'ils n'estoyent encore capables de cognoistre leur infortune: en quoy le peuple estoit d'auantage esmeu à compassion, & luy faisoit mal de les voir en tel estat. En ce triōphe le pere suyuoit les enfans, vestu à l'vsage de sō pays, de couleur noire, & marchoit fort craintif & troublé comme il estoit raisonnable, veu le cas present, & ce qui estoit passé. Apres le Roy, suyuoient les amis & fauoris, avec grand nōbre de ces familiers, qui tous regardoyent leur Roy, en plorant amerement, & en si tristes semblans, qu'ils forcerent plusieurs Romains à plorer leur malheur. On portoit apres les courōnes d'or que les villes anciēnes de Grece auoyent presentees à Paul Emile, lequel venoit apres triomphamment monté sur vn grand chariot, & vestu de pourpre tissū d'or, portant vn rameau de Laurier en sa main, avec vne courōnne de mesme sur sa teste: & derriere luy suyuoient ses gens de pied & de cheual, armez en tel ordre, ayans les rameaux de Laurier, & les palmes aux mains, avec leurs bannieres & squadrons ordinaires chantans en l'honneur de leur capitaine triomphant de



les victoires avec autres choses delectables. Voila l'ordre avec lequel Paul fit son triomphe à Rome. Les autres pareillement le faisoient ainsi, en y adioustant toutesfois, ou diminuant quelque chose. Puis ils alloient offrir leur despoilles au temple de Iupiter dans le Capitole, & là en la forme & maniere que le requeroit leur vaine & aveuglee religion; redoyent graces à leur Dieu de la victoire obtenue. Et neantmoins qu'en ceste maniere se fissent & observassent coustumierement les triôphes, si est ce qu'il y avoit loy selon laquelle on donnoit le triomphe par le merite, faisant distinction de portes & des rues par où deduoient entrer & passer: les temps mesmes estoient ordonnez: mais quand aux autres choses comme jeux & festes de diverses manieres, il estoit permis à chacun d'augmenter & enrichir son triôphe, & du chariot pareillement car il se trouue par escrit, que c'estoit la coustume de les faire tirer par 4. chevaux blancs: & toutesfois quelques uns les firent tirer par deux Taureaux. Le grand Pompee quand il triompha de l'Afrique, entra dans vn chariot trainé par des Elephâs. Suetone dit que Iules Cesar, quand il fit son entree en triôphe, son chariot estoit conduit de 40. Elephans. Avec pareilles bestes, triompha l'Empereur Gordia. Et Flauie escrit de l'Empereur Aureliân qui estoit Roy des Gots, qui triompha en vn chariot trainé par des Cerfs. Nous lisôs aussi de Marc Antoine, qui en son triôphe fit mener son chariot par des Lyons. Ces capitaines Romains auoyent encore accoustumé quand ils triôphoient, de mettre dans leur chariot vn enfant ou plusieurs fort ieunes: dequoy Ciceron fait mention en l'oraison pour Murene. Autres faisoient mener en leur triomphe vn infiny nombre de bestes estranges & sauuages, comme Lyons, Onces, Ours, Tigres, Rinocerots, Pantheres, Dromadaires, & autres especes de bestes, comme firent Tite & Vespasie ainsi que le recite Iosephe: Il y en avoit d'autres qui entroyent avec diuersité de musique, tant en instrumens comme en voix, avec infinité d'autres semblables delectations: entre lesquels triomphes, quelques uns furent plus singuliers que les autres, côme ceux de Pompee & de Cesar, des deux Scipions freres & aussi des Empereurs: dont parle Blôd au liure de Rome triomphante & se



& selon que dit Paul Orose il y eut 320. triomphateurs à Rome, le dernier desquels fut l'Empereur Probus, du tēps duquel de sia l'Empire alloit en decadence. Il y auoit encore à Rome, vne autre maniere de solempnelle reception & bien venue, qui estoit vn peu moindre que le triomphe, & se nommoit Ouation, qui se donnoit pour les victoires, selon ce que dit Aulugelle, quand quelque cause defailloit des conditions necessaires pour aquerir le triomphe: cōme pour exemple, si le Capitaine n'estoit Consul ou Proconsul, ou auoit faict guerre sans trouuer grande resistance, ou pour auoir esté la bataille peu sanguinaire, ou pour auoir vaincu des gens de peu d'estime, ou que la guerre eust esté faite sās expresse autorité du Senat & semblables conditions: alors au lieu du triomphe, ou luy donnoit ceste Ouation, qui se faisoit comme s'ensuit. Le Capitaine entroit à Rome sur vn cheual en lieu de chariot: quelques vns au temps ancien entroyent à pied, couronnez d'herbes, qui estoient offerres à Venus, pource que tel triomphe n'estoit point Marcial, mais quasi Venerié selon que le dit, Aulugelle. Les gēs de tel Capitaine n'estoyēt point armez, on n'y sonnoit point de trompettes ny de tabourins, ou autres instrumens de guerre, ains flutes & doux instrumens de musique legere & delicate: toutesfois ils entroyēt en ordre avec leur butin, & le Senat sortoit hors la ville au deuant de luy pour le receuoir, luy faisant grāde feste, en le prisant & louāt grandement: & si se trouue que plusieurs excellēs Capitaines, ont requis & accepté cest honneur: le premier desquels fust Posthumus Libertus, ayāt vaincu les Sabins, & Marc Marcel pour la victoire de Siracuse. Suetone escrit, qu'O. Stanius Cesar y entra aussi apres les batailles Philipiques, & la guerre de Sicile. Pline pareillement escrit de plusieurs Capitaines ausquels le triomphe fut denié, & obtindrent l'Ouariō. La cause pourquoy ce petit triomphe estoit ainsi nomē, c'est pource que le sacrifice que le Capitaine, faisoit ce iour-là, estoit d'une Oueille, qui en ceste lāgue Latine se nommoit *Ouis*, & les triomphateurs offroyēt vn Taureau: par ainsi de ceste *Ouis*, fut nommē Ouariō, ceste reception & bien venue qu'on leur faisoit. Autres dient qu'elle a prins son nom, de ceste voix du peuple. *Oe* ou bien



bien Oue: mais pource que cela est de peu d'importance, il suffit dire que telle chose se nommoit Ouation, soit qu'elle vienne de l'Oueille, ou de ceste voix Oe ou Oue. Il estoit aussi permis aux triomphateurs, mettre leurs statues aux temples, & places communes, & edifier & faire des arcs & colonnes, qui se nommoient triomphes, basties de pierre de marbre, & en icelle faire insculper excellemment leurs batailles & victoires en leurs perpetuelles memoires: les vestiges en sont encor pour le iourd'huy dans Rome, & se faisoient ces choses à l'imitation des trophées, vûtes anciennemēt par les Grecs dont ils s'aidoyent comme s'ensuit: Au lieu mesme où le capitaine auoit obtenu quelque victoire, on dressoit vn grand arbre, le plus grand qui se trouuoit aux enuiers, auquel on coupoit toutes les branches, puis on attachoit au tronc, toutes les armes du veincu, en la memoire & honneur du victorieux, & se nommoit Trophée, de ce mot Grec *τrophή*, qui signifie conuersion, fuite, ou retraite, pource qu'il auoit en ce lieu là fait fuir l'ennemy: depuis les Romains se sont aidez de ceste maniere de faire. Car Saluste escrit que Pompee ayant surmonté les Espagnols planta les trophées au sommet des mōts Pyrenées, lequel vſage fut par cours de temps en tel estime qu'on les fit de pierre: mais ceste chose se monstre encore plus ancienne, & que d'autres nations s'en sont aidees, pource que nous lisons au quinzième chapitre du premier liure des Roys, que Saül ayant veincu Agag Roy des Amalechites, & paruenü au mōt Carmel, il edifia vn arc triomphal en memoire de ses victoires. Somme l'honneur du triomphe estoit estimé & desiré, plus que nul autre honneur de Rome: tellement que pour l'obtenir, les capitaines s'exposoyent à tout peril & trauail. Encore paruenoyent ces triomphateurs en grandes richesses, des despouilles des veincus, & par les presens des amis. Ce que j'ay recité ces choses, est afin que les Princes prennent exemple à honorer & remunerer leurs capitaines & gēs de guerre selon leur merite: car pour le iourd'huy, les pareilleux & faus-neant sont aussi bien & mieux venus, que ceux qui s'employent corps & biens pour le seruice de leur Prince & profit de la patrie.



*Des noms que les Capitaines Romains gaignoyent par leurs victoires.* CHAP. XXX.

**L**Es Capitaines Romains estoient encore honnorez outre leurs triôphes, par noms & surnoms à eux imputez des peuples & Prouinces qu'ils auoyent vaincu & conquis: qui fut à la verité notable maniere de les honorer: encore acqueroyêt-ils d'autres nôs pour les glorieux & vaillans faits d'armes, d'où est aduenu qu'à Rome se sont faictes des familles fort illustres. En premier lieu, nous pouuons prendre pour exemple les trois Metelles: dont l'un selon que dit Saluste & quelques autres pour auoir vaincu le Roy Iugurte, & conquis ses terres, & son Royaume de Numidie, fut nommé Numidique: l'autre Quintus Metellus pour la victoire obtenue contre le Roy de Macedone, fut surnommé Macedonique, & le 3. Cretique, à cause de l'Isle de Crete. Plus anciens que cestuy-cy, furent Martius Coriolanus, & Sergius Fidenas: le premier fut nommé Coriolanus, pour vne ville qu'il conquit & subiugua nommée Coriolis, & l'autre pour vne nommée Fidene en Italie. Finalement vn autre Metellus fut nommé Balearique, pour auoir conquis à l'Empire Romain les Isles Baleares, maintenant nommées Maiorque & Minorque, & leurs circoiuisines. L. Mûnius fut nommé Achaïque, pour auoir subiugué Achaye & Corinthe, l'autre Brut, pource qu'il sous-mit les Gaules, fut nommé Gaulois. Les deux freres Scipions, furent honnorez des noms de deux peuples qu'ils vainquirêt, l'un Affrique, & Carthage, & l'autre Asiatique, pour cela qu'il vainquit en Antioche, & en Asie, & si fut le premier qui mit les enseignes Romaines en Asie. Depuis l'autre Scipion, le fils de Paul Emile du triomphe duquel nous auons parlé, & nepeueu adoptif du grâd Scipion, fut aussi nommé Africain, pource qu'il assaillit & gaigna la grande & puissante ville de Carthage: ce neantmoins il reçut bien pour grand guerdon le nom de Numantin, & s'en fit grâd honneur, pource qu'il Espagne il destruisit Numâce, & vainquit les Numâtins. Il se trouua que mesmes les Empereurs attribuoÿt les noms des lieux conquis, & en leurs lettres & instrumens: mesme Seueré, & depuis luy ses successeurs: comme



comme pour Arabie, Parthe, Armenie, Germanie, & autres Prouinces qu'ils subinguerent, ils se nommoyent l'un Arabique, l'autre Parthique, Armenien, Germanique, & Asiaticque, chacun selon les victoires qu'il auoit obtenues se magnifioit. Encore pour d'autres choses & raisons, les Capitaines Romains estoient illustres par des noms grâds, afin de les magnifier & aggrandir: comme on void de Marc Manlie, lequel pour auoir deffendu le capitolle de la force des François, fut nommé Capitolin: La famille des Torquats pria ce nom pour auoir tiré du col d'un ennemy un collier qui en Latin se nomme *Torquis*. *Quintus Fabius le grand*, pource qu'avec longueurs & dissimulations, il entretenoit Annibal à la guerre, pour la deffence de Rome, fut surnommé *Cunctateur*, c'est à dire temporisant: & pour ceste mesme raison estoit il encore nommé le *Pauois de Rome*, ce qui tournoit à son aduantage & honneur. Et *Marc Marcel*, qui fut de ce mesme temps, pour la grande force & vaillance, & pour les continuelles batailles, que sans cesse il practiquoit sur l'ennemy fut nommé le *cousteau d'Annibal*, & cest excellent Capitaine *Sylla*, bien que cruel, fut nommé *Heureux*; à cause de ses prosperitez & victoires, *Pompee* pour les tant renommes victoires fut nommé le *Grand*, ie ne sçay quel nom l'eust plus esleué ny contenté: & tellement s'estendoit la grandeur de ces noms enuers les Capitaines vertueux, que les conducteurs & Capitaines generaux, estoient nommez *Empereurs*, qui pour le iourd'hy est nom de supreme dignité, & lequel ne se pouuoit donner sinon à Capitaine, Preteur, Cōsul, ou Proconsul, qui eust esté victorieux en quelque notable bataille. & eust desolé la Prouince ennemie, avec la mort d'un grand nombre d'ennemis: comme si deux mil des siens estoient morts: il falloit qu'il en fust demeuré de morts dix mil des ennemis, & non autrement. De ce tant heureux nom fut iouyssant *Iules Cesar* pere de *Iules Cesar*, pour la victoire qu'il eut contre les *Samaites* & *Lucans* du temps de *Sylla*. *Pompee* fut aussi appellé *Empereur*, pour la memorable victoire qu'il obtint en *Asie* contre *Domitius M. T. Cicero* estât *Proconsul* en la guerre contre les *Parthes*, fut par ceux de son armee nommé *Empereur*, pour la victoire qu'il obtint. *Iules Cesar*

*Aulugelle*  
li. 6. ch. 6.  
des mœurs  
Attiques.



Cesar aussi, auant que d'estre appellé à l'Empire, fut nommé Empereur à cause de ses victoires: mais si ce Capitaine n'auoit eu grande resistance en ses batailles, il n'estoit digne de ce nom: & toutesfois il en fut repris, tellement que Marc Antoine en murmura: & pource qu'il auoit pris vne grande ville de l'autre costé du fleuve d'Euphrates, il se voulut faire nommer Empereur. Depuis, Iules Cesar & ses successeurs, se voulans inuestir de la seigneurie de Rome, & sçachans combien ce nom de Roy estoit en horreur, & detestation enuers le peuple, se voulurent nommer Empereurs, lequel nom a duré iusqu'au iourd'huy, qui est le plus grand de tous. Si est-ce que pour tels honneurs, les Romains ne laisserent d'honorer & gratifier aussi bien leurs amis estrangers estans à leur soude, comme les propres enfans de Rome: pource que tout ainsi qu'ils furent forts & rigoureux en combattre contre les ennemis, aussi estoient-ils fort gracieux & liberaux, à ceux qui leur aidoyent, en sorte que par ce mesme benefice, ils donnoient au Roy Attale la Prouince d'Asie, avec tiltre de Roy, dont depuis il ne fut ingrat, car par son testament, il en fit lez au profit de Rome. A Eumenes freres de cest Attale, pource qu'il auoit bien aidé & seruy les Romains en la guerre contre Antiochus, le Senat luy donna toutes les villes, qui auoyent esté conquises sur Antiochus en Asie au Roy Deiotare de Galacie pour auoir aidé à Pöpee en la guerre contre Mitridates, les Romains luy donnerent la Prouince de la petite Armenie. En pareil cas fut guerdonné le Roy Massisse de Numdye, ayant esté receu par Scipion, pour compaignon & amy du peuple Romain, car il luy fut donné tout ce qui auoit esté conquis du Royaume de Siphax: qui auoit aidé les Cartaginois: encore ne faisoient ils point ces dons & presens, seulement aux Capitaines & gens apparens, mais aussi à gens de bas estat, ils faisoient des presens, prerogatiues & honneurs. Le Consul Marius, cognoissant le deuoir q̄ deux copagnies auoyent fait à combattre vaillamment contre les Cimbres peuples d'Allemagne, qui estoient descendus en Italie, les receut pour citoyens de Rome: dequoy estant repris pour auoir fait telle chose contre leurs loix, il fit responce qu'au retentissement & cliqueris des armes, il n'auoit point ouy la voix de la loy.



Des couronnes & autres recompenses & salaires que les Romains donnoient aux soldats: & la promotion des coupables comprenant en cela un fort bon ordre de guerre, & gouvernement de Republique.

## CHAP. XXXI.

**L**ES Romains ne penserent pas seulement d'honorer & gratifier leurs Capitaines par la solde ordinaire, mais en leur faisant encore infinité de grâces & presens les honoroyét de plusieurs & diuerses manieres de couronnes & ioyaux; & les tenoyét en particuliere estime & reputation, selon le merite de leurs faits d'armes: & le faisoit ainsi: Quand vn Capitaine auoit eu victoire d'une bataille notable, fust sur mer ou sur terre, ou qu'il eust pris quelque ville par force, ou fait quelque singuliere entrepise, il auoit accoustumé tout incontinent apres de faire diligente inquisition des prouesses des particulieres bandes & squadrons: puis montoit sur vn Theatre, ou apres auoir rendu grâces, aux dieux de la victoire obtenue, il louoit en general toute son armee, & signamment il collandoit les squadrons ou bandes qui auoyét plus vaillamment cobatu: puis en nomant les particulieres de celle compagnie par leurs noms, publiquement les louoit de leur vertu & valeur selo le merite, les nommant amis de la patrie: & disant que la Republique leur estoit fort obligee. Cela fait il leur faisoient dons d'or, d'argent, de couronnes, de ceintures, de bracelets, de ioyaux, & harnois de chevaux fort excellens, & faits de tel artifice, & avec telles prohibitions & deffenses qu'il n'estoit permis à personne d'en porter de semblables sans auoir merité de les receuoir en ceste sorte. Les histoires sont toutes pleines de ces choses, & particulièrement Tite Liue raconte du Consul Papirius le Censeur, qui donna des bracelets d'or à quatorze Céruriens: puis à vn squadron il donna le ne sçay quels autres ornemens: il en dit autat de Scipio estât en Espagne, & autres lieux. Les couronnes qu'on donoit, auoyent diuers noms selon les degrez & merites. Il y auoit la couronne Obsidionale, la couronne Triosphale, la couronne Ouale, la Cinique, la Morale, la Nauale, & la Cærense: Plin en parle & Aulugelle: la plus excellente & plus



plus prisee de toutes estoit l'Obſidionale, qui vient du  
 cercle ou ſiege de camp, & ſe donnoit ſeulement pour a-  
 uoir deliuré quelque exercite, aſſiegé en ville cloſe; ou  
 en cāp eſtroitement enuironné: en ſorte que par tel fait  
 d'armes la patrie ou gendarmerie ſe reputaſt deliurée de  
 mort ou de priſon: car pour nulle autre eſpreuue que ce  
 fuſt, on ne donnoit point tel honneur & prix. Ceste cou-  
 ronne eſtoit d'herbe; & ne ſe ſoucioient pas de la faire  
 d'or ny d'autre metail, ains de l'herbe meſme du camp  
 d'où les ennemis auoyent eſté chaffe: de ceste couronne  
 fut couronné le grand Quintus Fabius, pource qu'eſ-  
 tant Annibal contre Rome, il la defendit & deliura de  
 ce ſiege: Emilius Scipio en fut auſſi couronné en Afrique,  
 pour auoir deliuré le Conſul Manlius avec certaines  
 bādes: Calphurnius l'obtint auſſi en Sicile: & pareillemēt  
 le vaillant Romain L. Cincinius Dentatus, & quelques  
 autres. La couronne Cinique, ou Citoyenne, eſtoit de  
 fueilles de rameaux de Cheſne avec le fruit, & ſe donnoit  
 à celuy qui tiroit d'extreme peril quelque citoyen Ro-  
 main, tuant l'ennemy, & deſcendant le lieu où ceste choſe  
 aduenoit. Ceste couronne eſtoit tant eſtimee, que quelque  
 fois il ſe trouua homme ayant ſauué vn citoyen Romain  
 lequel a ceste deliurance tua deux de ſes ennemis: mais  
 pource qu'il ne peut defendre & ſouſtenir le lieu comme  
 il eſtoit tenu, on fut en doute s'il auoit meritē ceste cou-  
 ronne Cinique, toutesſois il fut cōclu qu'il ſeroit diſpen-  
 ſé, & luy fut accordée, veu qu'il auoit deliuré le citoyen, &  
 tué deux de ſes ennemis, en lieu tant perilleux, qu'il n'e-  
 ſtoit en ſa puiſſance le garder: ce neantmoins la loy eſtoit  
 telle. Et combien qu'on euſt deliuré vn Roy, ou vn Ca-  
 pitaine des confederez & amis; ceste couronne n'eſtoit  
 pourtant donnée, ſi non qu'on deliuraſt vn Romain. ſe  
 trouue que Plinē dit que ceste meſme couronne ſe donnoit  
 à celuy qui tueroit le premier des ennemis qui monte-  
 roient ſur les murs de quelque ville ou forterreſſe defen-  
 due par les Romains. Or ceste couronne Cinique, eſtoit  
 la plus excellente apres l'obſidionale, & ſe pouoit por-  
 ter touſiours & en tout temps: & ſi celuy qui auoit me-  
 ritē ceste couronne, eſtoit en telle eſtime, qu'en feſtes  
 ou Theatres il auoit touſiours ſon ſien au plus pres



du Sénat: & quâd il entroit le Sénat se lenoit sus en pieds pour luy faire honneur: il estoit quasi exempt & libre de quelqut office ou charge qui ce fust, s'il ne luy plaisoit l'accepter. & encore à cause de luy, en estoient exempts, ses pere & ayens s'ils viuoÿent. Plusieurs Romains obtindrent ceste couronne, & par special le tres-vayllant Cincinius Cérarus, cy deuât nommé, en obtint quatorze. L'autre, surnommé Capitolinus en eut six, & à Ciceron par particuliere dispense, en fut coneedee vne pour auoir defendu Rome de la coniuatation de Catilina: Ces courônes d'or nous auôs parlé, bien qu'elles ne fussent que d'herbes & de feuilles, que plus proprement on pourroit nommer guirlandes, ou selon les François chapeaux de fleurs, estoyent neantmoins plus estimees que si elles eussent esté d'or. Quât à la Murale, elle estoit d'or, & se donnoit à celuy qui à l'assaut du mur de ville, ou chasteau, mouroit premier en l'eschelle & franchissoit le mur, & la faisoit-on en guise de mur. Le premier, selon Plinè, qui l'obtint fut Manlius Capitolinus. Scipion aussi la donna à Quintus Trebellius, & Sextus Digitus, pource qu'eux deux ensemble gagerent premiers le mur des ennemis: que les autres. La courône Castrensè se donnoit à celuy, qui au combat entroit le premier dâs les barrières des ennemis: elle estoit aussi d'or faite à la semblance de bastions & rapats de câps de guerre. De pareil metal estoit la courône Nauale, qui se donnoit au premier qui en guerre Nauale se iettoit dans les vaisseaux des ennemis: & estoit faite en forme de proüe ou pointe de nauire. Marc Varron ne desdaigna ceste courône, quâd elle luy fut offerte par le grâd Pompee en la guerre des Corsaires: Octauius la presenta pareillemēt à Marc Agrippe & à Sylla: plusieurs autres aussi l'ont acquise dont ie me rais: & quâd quelque soldat Romain, fust noble ou ignoble, auoit fait quelque autre espreue de son corps, fust à course de lâce ou en dueil, les Capitaines Romains, selon Plinè & Suetone, estoyent coustumièrs de leur dōner des coliers d'or & d'argent, ou des bracelets ou ceintures, cōme nous auôs dit, avec d'autres priuileges & preeminences: & de ce prix, il s'en pouuoit donner aux amis qui auoyent aidé à la guerre, mais quant aux couronnes, elles estoyent reseruees seulement pour les Romains



Romains. De toutes lesquelles choses, nous trouuons notables exemples es histoires Romaines. Suetone escrit, qu'Octauius permit à Marc Agrippe, qu'il peust porter bannière d'azur, à cause d'une victoire obtenue en mer contre Sexte Pôpee: Et si dit que ce fut luy qui diuisa des coliers, des iaserans, & autres dons, qui estoient particulièrement deputez pour cest affaire, ce seroit chose loüable à réciter tout. Toutesfois est à noter, que les Romains furent si vaillans que quelques vns ont acquis toutes ces choses, ou la plus grâde partie: car Pline & Solin en nomment quelques vns: entre autres, que Marcus Sergius en obtint la plus grande part, & qu'en la guerre de Trasimène, & Creuic, ou les Romains furent vaincus par Annibal, il y acquit la couronne Cinique, & pareillement en la défaite de Cannes. Cestuy-cy fut si vaillant homme, qu'ayant perdu la main droite à la bataille, il s'adestroit si bien de la gauche, & avec vne main de fer qu'il s'estoit fait faire au lieu de la perdue, qu'un iour il desfia quatre hommes en chascun de bataille, l'un apres l'autre, & les vainquit: auquel d'eulx & autres batailles, il receut au corps par deuant seulement vingt-trois playes. Et toutesfois ce Marcus Sergius ny aucun autres n'ont point merité ny tant acquis: que Lucius Cincinius Deterus Tribu du peuple, dont nous auons parlé cy deuant, duquel escriuent Pline Solin, Valere le Grand, & Aulugelle: & dient qu'en ioyaux & presens de prix, les vns plus grand que les autres; il en obtint par grands faits d'armes trois cens vingt, & plus, & qu'il entra avec neuf capitaines, en faisant leurs triôphes, & auxquels il auoit aidé en leurs victoires. Il eut grande quantité de simples lances, ou hâtes de lances, ou piques sans fer, qui se donoyent par grand honneur: il eut 18 coliers d'or, octante trois d'argent de harnois & accoustremens de cheuaux: à cela particulièrement deputez, il en eut vingt-cinq cent quarante bracelets, quatorze couronnes Ciniques, huit Castrées, trois Murales, vne Obsidionale: & ie ne scay combien de Nauales. Il auoit esté nauré en ces batailles de quarantecinq playes toutes au deuant du corps, & par vne seule au derriere: il auoit gartré quatre fois de fermé & despoüllé l'ennemy, & s'estoit trouué en six vingts batailles rangées: Il fut si vaillant & fortuné aux armes, qu'on le



nommoit l'Achilles Romain: & cōbien que ces faits s'estoient incroyables, ce neantmoins la multitude & cōformité des hystoires les verifient. Les Romains pour les grāds faits d'armes cōcedoyent encore d'autres hōneurs & préeminences, cōme de pouuoir aux iugemens publics seoir en la chaire Curule, qui estoit le siege des Ediles & Prêteurs, ce qui fut permis à Scipion: & quelquesfois ils accordoyēt aux soldats des plus grādes autorités, selon ce qu'il estoit permis au peuple de faire: qui estoit vn degré ou estat soumis à la liberté des Patriotes, & du peuple. Ils permettoyent aux Capitaines d'esleuer statues triōphales, & de se vestrir & acoustret tout ainsi que s'ils estoient consuls. Le Senat permettoit par forme de salaire & congratulation qu'ils peussent mettre aux temples les armes & despoilles des ennemis par eux vaincus en bataille, & se nommoient ces choses Manubies, cest à dire, Butin de l'ennemy. Les Romains auoyēt encore vne loüable coustume, de donner aux enfans de ceux qui auoyēt esté tuez en la guerre, pareille solde que lō donnoit à leurs peres lors qu'ils viuoient: & aux vieux soldats, qui auoyent long tēps suiuy la guerre, on leur donnoit tāt de terre en fonds, qu'ils en pouuoient aisement viure: & les souffroyēt habiter es villes & prouinces veincues & conquisies, telles qu'ils leur plaisoit eslire. En ceste sorte la ville de Seuille fut faite par Cesar, Colonie Romaine les- quelles Colonies nous pourrons promptement nommer selon nostre diction François, nouvelle habitation, ou trāsmigratiō des peuples. Cordoue fut aussi faite Colonie par ce moyē, & vne infinité d'autres en diuerses prouinces. Sōme, les Romains ne laisserēt iamais vn bien fait irremuneré, & sans grand priuilege: pour ceste cause il c'est trouué entre eux des plus vaillans hōmes, qui ayēt esté en toutes autres nations: car chacun d'eux taschoit d'acquiescer ces degrez avec la vertu. J'ay delaisé plusieurs fortes de salaires, que les Romains faisoient à cause des armes, ce que ie fais pour en auoir assez dit: toutesfois cest chose certaine, que s'ils ont passé toutes autres nations à recognoistre & salarier les biēs faicts, aussi n'y en a il point qui en doctrine & correctiō les ait surmōtez. Car si quelcū n'estoit poussé de l'honneur & de la vertu, ou de la ne-  
cessité



cessité & du gain, si estoit, il forcé à ne faire chose vile, fust par vergongne, ou par la crainte de punition: pource que les peines estoient grâdes & rigoureuses, contre ceux qui monstroyent lascheté: car où ils perdoient l'honneur, auquel ils estoient appelez, ou l'on les flagelloit iusqu'au sang: les aucuns on mettoit aux fers comme esclaves, & s'ils fuyoyent à l'abandon, laissant leurs Capitaines en la bataille, on les emaloit ou crucifioit ainsi selon le delict leur estoit donné la peine. Tite Live escrit, que les gens d'un escadron d'Appius Claudius, auquel auoit esté donné un lieu en garde, l'abandonnerent & perdirent de quoy les voulant punir, & neantmoins user de misericorde, luy fut permis les mettre par dizaines, puis iceux au sort: & que ceux sur qui le sort tomberoit, fussent punis par mort, pour tous les autres. Jules Frontin dit que Marc Antoine en fit autant à une bande qui n'auoit pas bien defendu les rempars, auxquels les ennemis auoyent mis le feu. Ils vsoient encore de plusieurs autres punitions aux soldats desobeysans, qui seroyent longues à dire: parquoy ie diray seulement que comme en ce temps cy il y a defaut à remunerer en honneurs les biens faits, aussi y a il defaut de la punition des malfaits.

~~~~~

*Quelles furent les sept merueilles du monde.*

CHAP. XXXII.

Ceux qui ont leu les Historiens, Orateurs & Poëtes. Antiques, auront trouué qu'ils font mention en plusieurs de leurs liures des sept merueilles du monde, qui furent en diuers endroit. Tous ceux qui en ont escrit s'accordent de six, mais de la septiesme il y a des opinions variables, & pareillement differentes à les mettre les vnes deuant les autres: toutes fois ie me delibere parler premierement des murs de Babylone, qui sont mis au nombre de ces merueilles, & à bonne cause, pource que la grâdeur du lieu & son assiete semble incroyable: nous en auons parlé suffisamment au chapitre de la diuersité des langues, & dit qu'elle a esté fondée au lieu, ou Nembrot ediffia la tour de Babel, de laquelle, la ville print le nom. Les murs desquels nous parlons selon la plus saine opinion.



*Iust. li. 1.* mesme selonc Trogue Pompee, & cōme dit Iustin, ont esté  
*des histoi-* fondez par la fameuse Roine Semiramis, mere de Ninus.  
*res abre-* Diodore Sicilien, Amia Marcelin, & Paul Orose le main-  
*gees.* tiennent, avec la plus grande partie des auteurs Gentils:  
*Diodore* ce neantmoins S. Augustin & Iosephe, en ses Antiquitez,  
*liu. 3.* dient qu'elle a esté edifiée par Nembrot, aidé de ses Gens  
*Amian.* superbes: toutesfois soit ou fondation ou reparation que  
*Marcelin* fit Semiramis, il suffit qu'elle fut grandement ennoblée  
*liu. 12.* par elle. L'assiette de ceste ville est en vne pleine d'un co-  
*Paul Oro-* sté, & de l'autre passe le fleuve Euphrates. Le plan & figu-  
*se liu. 2.* re de ceste ville estoit en quadrangle, & les murs merveil-  
*S. Aug. li.* leusement hauts, & eslaborez d'un merueilleux artifice:  
*1. de la ci-* la matiere estoit de pierre iointe avec chaux viue, & ci-  
*ré de Dieu.* ment, qui croist es minieres de ce pays là par especial dās  
*Iosephe, li.* le grand lac de Indee, ou furent iadis Sodome & Gomor-  
*6 des An-* rhe, nommé Asphaltide, qui iette un limon, tenant com-  
*tiqitez.* me poix ou glus, la plus forte qui se puisse trouuer. Les  
*Pli. liu. 6.* historiens sont discordans de la hauteur & largeur de ce  
*chap. 26.* circuit, ce qui peut aduenir pour estre diuers la mesure  
 qu'ils en font. Plinē dit que le circuit de ces mars estoit  
 de 60. mil pas, tellement qu'un des quarrez estoit de 15.  
 mil: Il dit aussi qu'ils estoient de deux cens pieds de haut,  
 lesquels pieds excēdoient de trois doigts la mesure des  
 pieds Romains, & d'espeſſeur cinquante pieds de la mesme  
 mesure, qui est à la verité chose admirable. Diodore Si-  
 cilien dit, que les murs de ceste ville auoient en tout 360.  
 stades, & qu'ils estoient si larges, que l'on y pouuoit tra-  
 iner de front six chariots, sans qu'ils nuyſſent l'un à l'autre.  
 Les ponts, les roches, les tours, & les iardins, Semira-  
 mis les fit faire, ce qui estoit de grand esbahissement. Il se  
 trouue par escrit qu'elle tenoit à cest ouurage, trois cens  
 mil hommes, de tous les Royaumes qui luy estoient sub-  
 iects. Quinte Curſe y adiouſte encore huit stades de lon-  
 gueur, & les fait de cent coudées de haut: mais Paul Oro-  
 ſe dit, qu'ils estoient long de 480. stades qui montent à  
 prendre six vingts cinq pas pour stade les soixante mil pas  
 que dit Plinē. Strabon dit & affirme, qu'ils contenoient  
 trois cens octante cinq stades, & qu'ils estoient si larges,  
 que les chariots pouuoient aller dessus, sans se heurter, ny  
 empêcher le chemin. Endores dient ces auteurs choses  
 esmeir-

*Diodore,*  
*liu. 3.*

*Orose li. 3.*  
*Strabon,*  
*liu. 16.*



esmerueillables, des iardins faits sur les arches & tours, où il y auoit des arbres de demesuree hauteur: Iules So-  
lin en la lettre se conforme avec Pline. Quelques vns de  
ces auteurs dient, qu'au dehors ils estoient enuironnez de  
fossez pleins d'eau, aussi larges & profonds qu'une medio-  
cre riuere. En ceste ville y auoit cent portes de metal  
fort merueilleuses: & pour conclusion tout ce qui s'escriit  
de la grandeur & hauteur de ses murs se peut croire, pour  
ce qu'à la verité ceste ville fut la plus superbe du monde:  
& eut long tēps la monarchie vniuerselle, qui est vn grād  
argument de sa grandeur escrete par Aristote au troisiē-  
me de ses Politiques: en disant, qu'estant vne fois prinse  
des ennemis, ceux qui demeuroyent à l'autre bout de la  
ville n'en furent aduertis que trois iours apres. Le second  
lieu de ces merueilles du mōde, nous le dōnerons au Co-  
losse du Soleil qui fut à Rhodes: c'estoit vne statue où fi-  
gure d'homme, offerte par les Gentrys, dedice au Soleil,  
aucuns dient à Iupiter. Elle estoit faicte de metal, d'une  
incroyable grandeur, & hauteur, ainsi comme vne grande  
tour, de sorte qu'on ne peut imaginer cōment on l'auoit  
peu hausser & fabriquer. Pline qui traicte de toutes cho-  
ses dit, qu'elle auoit septante coudees de haut, & combien  
quē pour la faire ils fussent plusieurs bōs ouuriers con-  
nuellemēt besoignās, si furent-ils douze ans à la parfaire,  
& cousta trois cens talēs. L'entrepreneur d'icelle fut Cares  
Indien disciple de Lysippe. Ceste statue estoit si deme-  
surément grande, qu'il sembloit que la terre ne la peust  
soutenir long tēps, pource q̄ selon Pline & Paul Orose,  
elle ne fut q̄ 56. ans debout, à la fin duquel tēps elle cheut  
par vn grand tremblement de terre: apres laquelle cheu-  
te, & du temps mēme de Pline, plusieurs l'alloyent voir  
pour chose merueilleuse: pource dit-il, q̄ peu d'hommes  
se trouuerent, qui peussent embrasser le gros doigt de ce-  
ste statue: tellement que le moindre de ses doigts estoit  
plus grād qu'aucune autre statue pour grāde qu'elle fust.  
Si parle-il toutes fois de cent autres Colosses de moindre  
grandeur qui estoient à Rhodes: mais cela ne fait à no-  
stre p̄pos, selon que quelques vns ont voulu dire, qu'à  
cause de ce grand & des autres moindres, les Rhodiens  
soulouyent estre nommēz Colossenses: mais telle opinion



n'est approuuée par Erasme: car il dit que ces Colosses  
 les à qui S. Paul escriuoit, estoient peuples d'une ville de  
 Phrygie nommée Colossas. Retournons donc à ce mer-  
 ueilleux Colosse: ie dy qu'il demeura là ruiné en terre  
 fort long temps iusques au Pape Martin premier qui  
 fut en l'an six cens, que les infidelles, & Soudan d'Egy-  
 pte leur Capitaine, vindrent sur les Rhodiens: & selon ce  
 qu'en escrit Platin en la vie de ce Pape Martin, & An-  
 toine Sabellique en la troisieme partie de son liure, ils  
 emporterent ce qu'ils trouuerent des reliques de ce Co-  
 losse: & s'en trouua neuf cens chameaux chargez de me-  
 tail: Des autres Colosses qui estoient à Rhodes: & autres  
 lieux, non si grands, nous n'en parlerōs point pource qu'il  
 cest endroit nous ne traitons que des sept merueilles du  
 monde: la troisieme desquelles sont les Pyramides d'E-  
 gypte, & à la verité, ce que les historiens en dient est vray,  
 ceste chose est fort admirable. Les pyramides estoient  
 certains edifices, qui commençoient en quadrangle, &  
 alloient ainsi iusques au sommet en amenuissant, à la for-  
 me d'y ne pointe de Diamant: & toutesfois elles estoient  
 de telle grandeur & hauteur, & de tant & telles pierres, &  
 en telle perfection, qu'il seroit fort difficile de l'escrire: &  
 aussi que tous ne le voudroyent croire: ce neantmoins  
 ces choses sont rai autorisees par auteurs Chrestiens, &  
 Gentils bien approuuez, que l'on ne peut en nier la crea-  
 ce. Ces pyramides donc sont tous fort hautes, qui finis-  
 sent en pointe fort aiguë. L'etymologie de ce nom vient  
 de *πῦρ* en Grec, c'est à dire feu, pource qu'il semble que  
 le sommet vient à faillir comme flambeau de feu. Entre  
 toutes les autres pyramides, les historiens font particu-  
 liere mention de 3, qui estoient en Egypte, entre la ville de  
 Memphis, qui est auourd'hui le Caire, & l'isle que fait le  
 Nil, nommée Delta, l'une desquelles est mise au nombre  
 des sept merueilles: car on dit qu'à la faire il y auoit  
 continuellement trois cens soixante mil hommes, qui y  
 furent 20. ans entiers. Plusieurs l'observent, & particu-  
 lierement Plin en parle amplement, & allegue douze au-  
 theurs pour seurer. Diodore, Strabon, Pomponius, Mela,  
 Herodote, Amian, & maints autres: les uns disoyent que le  
 fondement & le pié de ceste pyramide empeschoit & cou-  
 uroit

Pli. li. 37.  
 chap. 12.  
 Dio. li. 1.  
 Strab. li.  
 dernier,  
 Pompo.  
 Mela. li.  
 Herodo. li.  
 2.  
 Aui. l. 2.



troit huit iournaux de terre, qui font enuiron 40 arpens : autres de 7 iournaux, & plusieurs autres de six, & autant ou peu plus de hauteur. Plinē dit que chacun quadrangle auoit 333 pieds. Les pierres estoient de marbre, apportees d'Arabie: & dit Pomponius Mela, que la plus grande part d'icelles auoyent trēte pieds de largeur: par ainsi on peut cognoistre que tāt de milliers d'hommes y estoient occupez les vns à porter les pierres, les autres à les tailler, & les autres à les asseoir sans la multitude qui besongnoit aux ferremens & autres choses necessaires. Des autres pyramides on en parle ainsi au moins des deux autres alleguees, vnē desquelles se faisoit par la vanité des Roys d'Egypte qui furent les plus riches du mōde, tāt pour la fertilité de la terre, que pour ce qu'en ce pays là, nulle personne possedoit aucune chose en propre, fors le Roy: & cē depuis que Ioseph fils de Iacob, conseilla à Pharaon de cōseruer les bleds es 7 anne'es abondantes pour le temps de la famine, pendant lequel par le moyē de ce bled, il eut toutes les terres de ses vassaux. Voila comment ces Roys estoient riches, & se faisoient seruir par leurs subiects cōme s'ils fussent serfs. Et dient les historiens, que les Roys faisoient fabriquer ces pyramides, pour dōner à mager à leur peuple qui travailloit: & aussi pour ne laisser leurs thesors à leurs successeurs: car ils aymoient mieux les dispenser ainsi entre leurs gens, que dōner occasiō à leurs heritiers d'auancer leurs trespas pour heriter à leurs biens & deniers. Il se trouue par escrit que ces pyramides seruoient de sepulchres aux Rois: & bien considera la multitude du peuple Hebreu qui seruoit en Egypte, & par lesquels Rois faisoient edifier villes & forteresses, il ne s'en esbahira point, veu q'cest chose certaine que six cens mil hommes de pied, sans grande multitude de fēmes & petits enfans sortirent de ceste seruitude, & qui tous estoient employez, & seruoient à ces ceuures merueilleuses, ainsi ce n'est point de merueille, que ces edifices peussent estre faits: car ils dient qu'en raues, aux, & ciboules pour sustenter ceste multitude d'ouuiers, il fut dispensē 200 talents qui valoyent au prix du iourd'huy. 1080000 mil escus. Diōdore dit qu'à l'entour d'icelle, & bien loin à l'entour, il n'y auoit pas vne seule petite pierre, ny apparence qu'une



qu'une seule personne y eust esté, ny signe d'aucun fondement fors l'arene menue comme sel: tellement qu'il sembloit que ceste pyramide eust esté là mise par la main de Dieu, & qu'elle y fust naturellement creuë, & sembloit que sa hauteur touchast au Ciel. Si nous laissons les anciens liures derrière, nous trouuerons des tesmoins de nostre temps. Pierre Martyr Milannois, homme docté qui fut ambassadeur pour les Roys Catholiques, D<sup>o</sup> Ferdinand, & dame Isabel, vers le Soudan d'Egypte, en l'an 1501. a fait vn liure de ce qu'il vid, & en fit son ambassade: la dedans il recite, comme aussi il fait de bouche, auoir veu de ces pyramides: & se cōforme avec ce que les auteurs anciens ont escrit: & particulièrement il parle de deux qu'il a veuës qui estoient d'incroyable hauteur, & dit qu'il mesura les quatres d'une, & qu'ils estoient chacun de 325 pas & quasi 1300 de circuit: & qu'à chascun costé il y a de fort grandes pierres assemblees pour autres edifices: Et si dit plus, que quelques vns de sa compagnie monterent en l'une d'icelles à bien grande peine, & par longue espace de tēps, & qu'ils luy reciterent qu'au plus haut il y auoit vne pierre toute vnie, si grande que trente hommes se fussent assement tenus dessus: & quand ils furent en bas, ils dient qu'il leur estoit aduis qu'ils auoient esté en nuee tant ils estoient haut: & qu'il leur sembloit qu'ilz perdoient la veüe, & que le cerueau se broüilloit & tornant le dessus dessous. Tellement qu'il dir qu'il ne faut point douter du grand nombre de gens, ny de la despée que lon dit auoit esté faite en ces choses. Le miracle estoit le Mausol.

Artemise fut femme d'un nommé Mausol, Roy de Carie province d'Asie la grande. Ceste femme (selon Aulugelle & autres historiens) ayma tellement son mary, que tous la mettent pour exemple fort notable. Le Roy mourut le premier, pour laquelle mort elle fit des pleurs & des plaintes extremes, & autres que de coustume: & si voulut luy faire faire vn sepulchre, conforme à la grande amour qu'elle luy portoit, & fut tel qu'il a esté mis au nombre des sept merueilles du monde. La pierre de tout cest edifice estoit d'un marbre excellent, qui faisoit tour & circuit de 412 pieds, & 25. coudées de hauteur, il y auoit à l'entour 26. colonnes de pierre merueilleuse, & d'admirable sculpture.

*Aulugelle  
liu. 10. de  
ses mœurs  
antiques.*



prure. L'edifice estoit couuért de tous costez, avec des arcs de 73 pieds de large. & fut basti par la main des plus excellens ouuriers qui se trouuaient lors. La partie d'Orient fut faite & insculpee par Scopas: celle du septentrion par Briax: le Midy par Timothee: & celle d'Occident par Leocrates. La perfectiõ de cest œuvre fut telle, & l'edifice si somptueux & beau que pour ce il fut nommé Mausole, à cause du Roy pour lequel il fut fait tellement que tous les autres sepulchres, que iusques auourd'hui on bastit, s'ils sont d'excellente manufature, on les nomme Mausoles. De ces choses sont mention Plinie, Pomponius Mela, Herodote, Strabon, Aulugelle, & plusieurs autres Historiens. Il se trouue qu'Artemise apres la mort de son mary, vesquit en cõtinuelles pleurs & tristesse, & qu'elle mourut auant que son bastiment fust acheuë, ayant ben en poudre les os de son mary, qu'elle fit brusler pour l'enseuelir, & luy faire vn sepulchre de son corps. Le cinquiesme edifice de ces merueilles, fut le temple de Diane, que la folie des Gentils adoroit pour Deesse, & fut basti dans la ville d'Ephese en Asie, en la prouince de Ionie. Plinie dit que les Amazones le firent edifier. De ce temple fut faicte grande mention par tout le monde, tellement qu'un nommé Democrite, en fit vn particulier liure. Plinie escriuant de ce temple dit qu'il contenoit quatre cens vingteinq pieds de longueur, & deux cens vingt de largeur. L'œuvre estoit de si merueilleux artifice, qu'on fut 220. ans à le parfaire, & fut basti en lac pour euitier le peril du tremblement de terre, & dit on qu'au fondement fut mis force poudre de charbon, & dessus de la laine pour affermir le lieu humide & marescageux. Il y auoit 125. colonnes de marbre excellent de soixante dix pieds de hauteur, & chacune d'icelles auoit esté faite faire par tous les Roys d'Asie. Les tres sept estoient de singuliere sculpture & artifice, & les autres de marbre esleu. Le principal maistre de cest œuvre, selon Plinie, fut Cresiphon, & selon Strabon ce fut Archiphron. Toutesfois ceste diuersité d'opinions est supportable, considerant par combien de temps il fut necessaire d'y besongner: & partant y auoit plus d'un maistre, mesmemet pour auoir esté raccoustré par plusieurs fois

Pli. li. 35.

chap. 5.

Pomp. Me-

la au 1. li.

Herodor.

Strab. l. 7.

Pli. li. 16.

chap. 34.



fois & en diuers temps. Solin & Pomponius Mela dient  
 que les Amazones edifierent & dedierent ce tēple, & dit  
 encore Solin, que quand le puissant Roy Xerxes alloit à  
 la conqueste de Grece, & qu'il brusloit tous les tēples,  
 il reserua cestuy-là seul. Tous les historiens dient d'un ac-  
 cord que les colonnes de ce tēple supportoyent le pla-  
 cher de bois le plus excellemment elabouré qu'il estoit  
 possible faire, & estoit ceste couuerture de Cédre, selon  
 Plin. l. 6. ch. 46. Plin. & les portes & les lambriz de Cyptes: Depuis vn  
 meschant voyant ce solemnel & souverain edifice, eut  
 volonte de le brusler, ce qu'il fit, & estant pris pour ce de-  
 lict: confessa ne l'auoir fait pour autre chose, q̃ pour lais-  
 ser renommee de luy au monde, & dit Valere le grand au  
 tētre du desir de renommee, & Aulugelle, qu'il fut defen-  
 du sur grande & griefue peine que nul escriuit son nom,  
 afin qu'il perdît ce bruit & renommee qu'il desiroit. Mais  
 cela seruit peu: car Solin & Strabon dient qu'il se nom-  
 moit Erostrate, & que de luy vint le prouerbe, que quand  
 quelqu'un se vouloit rendre fameux par vn viciex acte,  
 on disoit, c'est là renommee d'Erostrate: Encor peut-on  
 dire pour chose notable, que le mesme iour que ce tēple  
 fut bruslé naquit Alexandre le Grand, qui subiugua toute  
 l'Asie: de ce sont auteurs Plutarque en la vie d'Alexandre,  
 & Ciceron au second liure de la nature des dieux le dit en  
 deux endroits, & pareillement au liure de Diuination, &  
 si dit que pendant que ce tēple brusloit, les sages pro-  
 nostiquerent la destruction de toute l'Asie, comme aussi  
 depuis elle fut surmontee par Alexandre. Quelques uns  
 dient que ce tēple fut reedifié beaucoup plus grand & ex-  
 cellēt qu' auparauant, & que le maistre de l'œuvre se no-  
 moit Democrates. La 6. merueille, fut le simulacre ou  
 image de Iupiter Olympique, qui estoit en son tēple en  
 Achaye, entre les villes d'Elide & Pise, le lieu estoit nom-  
 mé Olympie, & pareillement le tēple, à cause de Iupiter  
 Olympique, duquel Strabon escrit, & Pōpō. Mela, & dient  
 que ceste statue ou image qui estoit en ce tēple fut re-  
 nommee, tant pour l'artifice de sa perfection & œuvre ad-  
 mirable, que pour sa grādeur. Elle estoit faite de Porphy-  
 re, aucuns dient d'Ivoire, par la main de Phidias, le plus ex-  
 cellēt sculpteur & imagier qui fut iamais: Plin. en fait  
 men

Solin cha.

24. Pōpo-  
nius Mela  
lib. 1.Plin. l. 6. ch.  
46.Aulugelle,  
lib. 2.

2. quod

-ad. quod

lib. 1. de

-obviti

-ad. lib. 2.

Str. lib. 8.

-ad. quod

Stra. li. 8.

Pōponius

Mela li. 2.

Plin. li. 34.

C. 36.

2101



mention, aussi font plusieurs autres. Strabon dir que l'excellence d'icelle estoit en la grandeur, & qu'encore la rendoit plus admirable, c'est qu'elle estoit de Porphyre & assés semblé en infinité de fort petites pieces. Ils diét que Phidias fut taxé d'une seule imperfection, c'est qu'il n'auoit pas bien cōpassé la proportiō de l'image avec le temple, pource qu'il la fit assés, & si grāde, que quand on confideroit qu'elle eut esté sa hauteur, si elle eust esté debout & sur pieds, on trouuoit qu'elle n'eust aucunement peu se tenir dedans le temple. Toutesfois la renommee de ceste image, illustra beaucoup d'auantage, & fit ce temple plus cogneu qu'il n'estoit, encor qu'il fut auparauant en grād'estime, pource qu'en ce mesme lieu se faisoient les ieux ou luites nōmees Olympiques. De là vint qu'on comptoit les ans par Olympiades, qui se faisoient de 5. en 5. ans, lesquels ieux furent premierement instituez par Hercules: depuis estant delaisé cest vsage, ils furent restituez & reestablis par Emonies, & selon quelques autres, par Sphiron 4. ou 5. ans après la destruction de Troye, mesme selon Eusebe, & là cōmença l'an de la premiere Olympiade. Quant à la merueille, aucuns dient que ce fut la tour qui estoit en l'isle de Pharos, pres la ville d'Alexandrie en Egypte. Pharos estoit vne petite Isle, longue, & estroite, assés en la coste d'Egypte: vis à vis des bouches du Nil, laquelle au temps iadis, selon Pōponius Mela, & Plinc, estoit quasi toute enclōse de terre ferme: & depuis au temps de ces mesmes auteurs elle embrassoit la terre ferme, moyennant vn pont pour lequel on alloit de l'vne en autre. En ceste terre ferme est la grande ville d'Alexandrie, edifiée par Alexandre le grand, laquelle ville fut depuis Colonie de Iules Cesar. En ceste Isle ainsi nommée Pharos, à cause du nō d'un grand Pilote qui estoit à Menelas, & lequel y fut enterré) les Roys d'Egypte firent edifier vne tour de marbre merueilleuse en hauteur, & artificie, sur vne montagne environnée d'eau: l'artifice de laquelle estoit tel, qu'elle cousta 800. talens, qui valent 48000. escus à la computation de Budée, & si ne fut edifiée pour autre chose, que pour allumer de nuit du feu dessus, afin de guider & dresser les nauires qui venoient y prendre port: laquelle selon la plus grande opinion, fut

Pōponius  
Mela, li. 2.  
Pli. li. 5.



fut construite par le Roy Ptolomee Philadelphie, & le  
*Plin.* li. 35. maistre Architecteur qui la fit, se nommoit Sistratre, ce q  
 nous est certifié par Plin. Cesar en ses Commentaires pri  
 le fort la hauteur & l'œuvre de ceste tour, & dit qu'elle  
 fut nommee Pharos, prenant le nom de l'Isle. Autant en  
 dit *Amian* Marcelin, traictant de l'histoire de ceste tour,  
 & *Marcel.* *lin.* 1. Solin en son Polythor à la fin du chap. 34. dit, que tou  
 res les tours qui depuis furent faictes, pour pareille occa  
 sion furent nommees Phares du nom de ceste cy, comme  
 ie croy que les feux qu'on porte ordinairement dans les  
 nauires pour garder de nuit les autres, à ceste occasion  
 sont nommez Phares: ainsi ceste tour est la dernière des  
 sept merueilles, encor que de plusieurs elle ne soit mise  
 au nombre d'icelles, ains en son lieu y mettér les iardins  
 p'siles de Babylone, dont nous auons parlé. Lactâce Fir  
 mian le dit, & que ces iardins estoient sur des arches, &  
 tours, en sorte que dessous on se logeoit, & au dessus es  
 toyer les arbres admirables en grandeur: avec grande a  
 bondance de fontaines: la forme de cest edifice est ample  
 ment escrit par Diodore Sicilien. Celie Rodigin traictât  
 des sept merueilles, ne met point pour la septiesme ceste  
 tour de Pharo, ny ces iardins p'siles, ains l'Obelisque de  
 Semiramis, qui estoit de melme structure & façon q les  
 pyramides: car il commēgoit ainsi en quadrangle, & finis  
 soit en pointe, & n'y auoit aucune difference entre la py  
 ramide & l'Obelisque, sinon que l'Obelisque estoit d'une  
 piece, pour cela non gueres moins haute que les pyrami  
 des, & se trouue par escrit, q quelques vnes estoient gran  
 des comme tours, & de fort belle pierre: il y en a pour le  
 iourd'huy vne à Rome nommee l'Esquille, q fut appor  
 tée d'Egypte, & est chose esmerueillable de voir sa gran  
 deur, & à considérer la maniere cōme elle y fut conduite.  
 De l'Obelisque de Semiramis que Celie, comme i'ay dit,  
 met au nombre des sept merueilles, il se trouua par escrit  
 qu'elle auoit 50. pieds de haut, & 24. pieds de grosseur  
 en quadrangle: par ainsi tout son circuit estoit de no  
 nante six pieds, & fut ceste pierre ainsi entiere, tirée des  
 montagnes d'Armenie, & par le commandement de Se  
 miramis cōduite en Babylone Caldeique: mais à la verité  
 quand



Des Sibylles & de leurs Propheties. 449

quand on considéreroit comment on la peut tirer, hauffer, & conduire, cela semble incroyable, si l'antiquité n'auoit eu des choses autant ou plus estranges, qui nous sont certifiées vraies par authears dignes de foy & autres, fort grands Obelisques que firent faire les Roys d'Egypte. *Plin. liu. ne dit la maniere de les tirer entiers hors de ces carrieres 6. chap. 6. & minieres de pierre. De ces Pyramides, Obelisques, & Statues, & Colosses fait mention le docte autheur du Polyphile au commencement de son Hypnerotomachie.*

Quelles furent les Sibylles, & de leurs propheties, & principalement de ce qu'elles ont dit de la religion Chrestienne.

CHAP. XXXIII.

L'Histoire des Sibylles est généralement tenue pour certaine, pource que chacun sçait qu'elles ont prophétisé plusieurs choses: toutesfois de sçauoir particulièrement, quand & quelles elles furent, ce qu'elles ont fait, & en quel tēps elles ont escrit & prophétisé, celuy seul le sçait qui a leu les liures antiques. Parquoy i'ay voulu recueillir icy leur histoire, d'autāt que c'est chose esmerueillable de contempler le don de Prophetie, que Dieu a donné à ces femmes en plusieurs manieres, & particulièrement à prophétiser l'aduenement du Christ, & sa vie, & passio, & autres grāds mysteres de nostre sainte foy: de quoy nous traiterōs en partie, afin que l'Ethnique Payé ne se puisse aucunement excuser, encores qu'il ne voulust lire que ses propres liures seulement, non plus que le Iuif a d'excuse en lisant les siens, & ne voulāt croire ny accepter nostre foy, ie le dy pource que d'un cōmun consentement, tels liures furent receus de toute la Gentilité, & ces Sibylles creuës, par special des Romains, qui en toutes leurs affaires & necessitez auoyent recours aux liures Sibyllins, & se conseilloyent sur iceux. Tant d'historiens Grecs & Latins escriuent d'elles, que ce sera le meilleur d'en eslire les principaux, pour n'en assembler vne si grande abondance, Diodore Sicilien, Plin, Solin, Seruie, Marcian Capelle, Lactance Firmian, Aelian, Suidas, Strabon, Marc Varron, Virgile, avec la plus saine partie des Poëtes, S. Augustin, Eusebe, Orose, & la plus grand part de nos historiens escriuēt & traitent d'icelles. Diodore dit,



que Sibyllé vaut autat à dire, cōme femme Prophetesse, & pleine de Dieu: Seruius sur le quatriesme des Eneides, & Lactance en son premier liure des Institutions diuines, les nomment conseil de Dieu: Suidas la nomme Prophetesse. Les auteurs ne sont point d'accord, combien il y a eu de ces femmes, & encore moins, & en quel tēps, pour ce que les vns en mettent plus, les autres moins. Marcian Capelle nē faict mention que de deux, autres en mettent quatre, comme faict Elian en ses diuerses histoires, Marc Varron en met dix, lesquelles Lactance Firmian raconte en son premier, que l'entens suiure. La premiere fut de Perse nommee Samberre, de laquelle faict grande mention Nicanor, qui a descript les faits d'Alexandre le Grand, autres dient qu'elle estoit de Chaldee, & d'autres qu'elle estoit Iuifue nee d'une ville assise pres la mer rouge, nommee Noé, le pere de laquelle se nommoit Berole, & la mere Erimante: elle composa 24. liures en vers, esquels elle conta de merueilleuses choses touchant l'aduenement de Christ, & ses miracles, & la vie: bien que ce fust sous conuerture, & avec artifice obscur comme mystere repele, qui n'estoit pour estre entendu de tous: à quoy toutes les autres Sibylles se cōformerent en sorte que Lactance Firmian au quatriesme liure & autres lieux, sans particulariser aucunes d'elles, descript leurs particulieres Propheties de Christ. S. Augustin faict vn sommaire d'aucunes choses que ceste cy, & les autres ont dit de Christ, & entre autres choses ces paroles. Puis il sera prins par les iniques mains des infidelles, & luy donneront des ioüees en la face, avec leurs sacrileges mains, & cracheront sur luy avec leurs sales & maudites bouches, & il leur donnera ses espaulles, permettant d'estre en icelles flagellé, & si se taira sans dire aucun mot, par ainsi on ne cognoistra point d'où procedera sa parole: il sera paraillement couronné d'espines, ils luy donneront du fiel à manger, & du vinaigre à boire. Voila le festin qu'ils luy feront: tellement que toy gent ignorante & auueglée, tu ne cognoistras point ton Dieu conuersant entre les hommes, ains le couronneras d'espines, mortant pour luy fiel & vinaigre. Apres, le voile du temple se fendra, & de plein iour à midy il sera nuict obscure par l'espacede trois heures, ains mourra le Iuste, & sa mort & dormir



*dormie dureront trois iours : & quand il aura esté aux enfers, il retournera en vie & ressuscitera.* Ces mots sont si preignans, que ce sont les propres termes des Euangelistes escriuans de Christ, & ce que les Prophetes en ont Prophetisé & principalement Esaye. Et sont ces Propheties des Sibylles tirees de Lactance Firmian, de Saint Augustin & de Ciceron, de Marc Varron & autres Auteurs Gentils, qui sont morts auparauât la naissance de nostre Seigneur, comme le prouue Lactance : qui dit encore d'elles-mesmes, qu'elles disoyent il ressuscitera les morts, les estropiés & impotens iroint & courront gaillamment, les sourds ouyront, les aueugles verront, les muets parleront librement : Et vn peu plus deuant : De cinq pains & de deux poissons il nourrira dans les deserts cinq mille hommes, & ce qui demeurera sera pour satisfaire à l'esperance de plusieurs. La seconde, ils dient qu'estoit de *Libye*, & en est faite mention par Euripide au Prologue de *Lamie*. La troisieme se nommoit *Themis* surnommee *Delphique*, pource qu'elle estoit natieue de Delphos, & d'icelle parle Chrysique au liure de deuination : à ceste-cy, selon Plin, les Romains firent vne statue, elle estoit auparauant la destruction de Troye tellement qu'Homere adioignit en ces œuvres plusieurs des vers d'icelle. Diodore Sicilien dit que c'estoit *Daphné* fille de *Tiresias*, & que les Argiues ayans subingué Thebes, l'enuoyerent en Delphos, où depuis elle se fit Prophetesse en l'oracle d'Apollo : en sorte que de là (selon luy) elle fut nommee *Delphique*. La quatrieme se nommoit *Cumee*, ou Italienne, & non *Cumane* *Amalthee*, de laquelle nous parlerons bien tost. Elle estoit natieue de Cimerie, ville de Campagne pres *Cumas* : les Propheties de laquelle sont escriptes par *Neuius*, aux liures *Puniques*, & par *Pison* en ses *Annales*, & referees par Lactance & par *Virgile* en son *Eglogue* qui commence *Sicelides muse*. La cinquiesme est ceste tant ramentuee *Egypte*, qui a Prophetisé la plus grande part de nostre religion : parquoy, comme dit Lactance, au temps iadis ces Gentils deuoyent reputer à folie & defaut de cerueau les vers de ces Sibylles, d'autant qu'ils n'entendoient point comment il se pouuoit faire, qu'vne vier-



ge enfantast, & autres choses suprenaturelles qu'elles  
dirent, recitees és liures des historiens & anciens Poë-  
tes. Apollodore escrit de ceste Sibylle, qu'allās les Grecs  
assiéger Troye, elle leur prophetisa que Troye seroit de-  
struite, c'est pourquoy tous ceux qui en parlent là font  
plus ancienne que la destruction de Troye. Eusebe la fait  
fort nouvelle, car il la fait viure du temps que Romule  
vivoit à Rome. Strabon dit qu'elle estoit du temps d'A-  
lexandre le Grand. De ceste Etytree sont les vers recitez  
par Eusebe, les premieres lettres desquels estans tradui-  
tes en François, dient ces mots: Iesus Christ fils de Dieu  
saluateur: qui est chose admirable à penser. La sentence  
d'iceux vers est mise par Saint Augustin au 18. liure de  
la cité de Dieu, & sont traduits en vers Latins, disans ces  
mots: La terre suera, signe du iugement, du ciel viendra un  
Roy, qui sera Roy tousiours, & auoir est, en chair humaine, afin  
que par sa presence il iuge le monde, par ainsi l'incredule aus-  
si bien que le fidele verra Dieu de ses yeux, esleué parmy ses  
Saints: & en la fin de ce siecle apparoiront les ames des hom-  
mes en leur propre chair, & les iugera luy mesme quand la na-  
turalité de la terre inculte sera pleine de mottes de terre. &  
d'herbe. Les hommes ietteront au loin les idoles & simulachres,  
& tous les ioyaux & richesses: il penetrera les parties infe-  
rieures, & rompra les portes du tenebreux enfer. Alors, à  
la chair des Saints sera donnee la lumiere libre & claire, &  
la flamme du feu eternel brulera les meschans. Tous secrets  
seront decouverts: chacun s'aura celui de son compaignon, &  
Dieu decouurira la conscience & les cœurs de tous: là seront  
pleurs & grincement de dents, & le Soleil & les estoilles s'ob-  
scurciron: les cieux se rompront, la Lune perdra sa lumiere,  
les montaignes s'humilieront, & les vales se feront esgales aux  
monts il n'y aura rié au monde qui soit plus haut ou bas l'unque  
l'autre. les montaignes & vales seront en plan, & toutes  
choses finiront: la terre sera dessechee & mise en poudre, les  
fontaines & les riuieres brulseront, & de ce mesme feu seront  
brulees, la terre, la mer, & l'air aussi: Adonc du ciel son-  
nera une trompette d'un son espoutantable & horrible, &  
la terre en s'ouurant decouurira l'obscurité & confusion d'en-  
fer, & les tourmens & peines des miserables condamnéz. Ces  
choses & plusieurs autres ont esté dites par ceste Si-  
bylle



bylle en ces vers: monstrant clairement Christ Dieu incarné, avec le dernier iugement, la resurrection des morts. Or ces choses, auparavant qu'elles fussent aduenues n'estoyent point intelligibles: c'est pourquoy les Ethniques & Gentils les pouuoient tenir pour folies & moqueries: aussi ceste Sibylle Erytree, cognoissant bien ce qu'en estoit à aduenir, dit de soy-mesme ces mots. Ils me repouteront propheteſſe aueuglee & moqueresse: toutesfois quand ces choses que ie dy seront accóplies & verifiees, ils se souuiendront de moy, & ne m'appelleront plus menſongere: ains propheteſſe du grand Dieu. Les Romains auoyent beaucoup de vers de ceste Sibylle Erytree, dont parle Fenestelle en ses quinze Forces: & dit qu'ils enuoyerent par ordonnance du Senat, des ambassadeurs vers elle, à cause de ses propheties, & qu'ils en raporterent des vers en grande quantité, qui furent mis au Capitole, avec ceux qu'ils auoyent eu auparavant. Elle estoit d'Erytree ville d'Ionie, prouince en Asie la mineur, & contigue de Carie; ie le dy pource qu'il se trouue plusieurs autres villes auoir esté de ce nom, comme vne en Libye, en Boëotie, en Loeres, & en l'isle de Cypre: mais que ceste soit de ceste Erytree en Ionie, Strabon en est auteur, & dit qu'il y a vn port de mer pres d'vne montaigne. Vn autre sixiesme Sibylle natie d'vn lieu nommé Phiron en l'isle de Samos; qui est dans la mer Egee pres la Thrace, ou bien dell'autre isle de Samos en la mesme mer vis à vis d'Ephese, pour ceste cause fut nommee Sibylle ~~Sammienne~~ <sup>Sammienne</sup> de laquelle eſcriit Eratoſthenes. La vij. en ordre, est la Sibylle ~~Cumane~~ <sup>Cumane</sup> nommee ~~Amarthe~~ <sup>Amarthe</sup>, autres la nomment Demophile, Suidas la nommoit Hierophile: on la nommoit Cumane, pource qu'elle demouroit & prophetisoit en la ville de Cumes en Italie, prouince de Campagne, pres Baies: ce ceste cy eſcriuent Denis de Halicarnas. Solin, Anſogelle & Seruie. Elle porta vendre à Tarquin le superbe Roy de Rome, neuf liures, toutesfois Suidas dit que ce fut à Tarquin le Prisque, pour lesquels liures elle demanda trois cens pieces d'or, monnoye d'alors: mais pource que ce prix sembloit excessif au Roy, il ne les voulut acheter: au moyen dequoy elle en brula trois en

Strabon,  
lib. 2.

6  
7



la presenſce, & ſi ne laiſſa point de demander le meſme prix pour les ſix qui luy eſtoient demeurez, dont le Roy qui trouua ceste demande encore plus impertinente que la premiere, ſe moqua d'elle: parquoy des ſix elle en brula encore trois: puis luy dit, qu'il n'auroit point ces autres qui luy eſtoient demeurez, s'il ne luy bailloit ce qu'elle auoit demandé pour les neuf. Le Roy esbahy de ceste determination & conſiance de foy, & iugeant, à ſon aduis, qu'ils deuoient cōtenir quelque grãd myſtere, acheta les trois ſeuls, le prix qu'elle auoit demadé pour tous: & furent ces trois liures mis au Capitole, ou ils furent toujours tenus en ſouueraine reuerēce & veneratiō. Plinē dit qu'elle n'auoit que trois liures en tout, & qu'elle en brula les deux & neãmmoins qu'elle eut du ſent autāt qu'elle auoit voulu auoir des trois: mais il ſuffit que ces liures furent cōſeruez en grãde reputatiō, avec ceux que les Romains eurent auoir des autres Sibylles: car cōme dit Marc Varron, recitē par Lactance, les Romains mirent toutes peines & diligences d'auoir de toutes les villes d'Italie, de Grece, & d'Asie, & faire porter à Rome, tous les vers & propheties que lō pouuoit recouuer des Sibylles, & particulièrement d'Eritree: pour la cure & ſoin deſquels liures, il y auoit quinze hommes deputez, & n'y auoit nul autre qu'eux qui y touchaſt. Fenestelle dit que quand le Capitole fut brulé, le Senat rēuoia de nouueau prier Erytree leur aider de ſes liures: à ceste cauſe il eſt a preſumer qu'il n'y auoit pas à Rome ſeulement les liures de la Sibylle Cumane, mais auſſi de toutes les autres: & que la Sibylle de laquelle Virgile fait mentiō au cōmencement du 6 des Eneides, qui ſe tenoit en Cumę, où il dit qu'Enecas ſ'embarqua, deuoit eſtre l'autre Cumee, dont nous auōs iā parlē, & nō ceste ſeptieme car il n'eſt point vray ſemblable que Virgile ait ſuppoſē vne Sibylle du temps qu'Enecas entra en Italie, ny qu'elle veſquit iuſqu'au rēps du 5 Roy de Rome. Auſſi ſeruiē interprete ce paſſage, diſant: ou biē il faut que ceste cy qui vedit les liures eſtoit nommee Cumane, encore que ce ne fut ſō nō: & neãmmoins elle mourut en ceste ille là. On dit que la 8. eſtoit natieue du territoire de Troye, en vn lieu nommē Marmife, & eſt ceste cy fort antique: car Heraclides Pōtique dit, qu'elle eſtoit



estoit du temps de Solon le Philosophe, & du grand Roy  
Cyrus. La 9. Sibylle, ils diēt qu'elle estoit du pays de Phry-  
gie, & qu'elle prophetisoit en la ville d'Ancyre. La 10. se  
nommoit Albunee natieue de Tibur, qui est onze mil loin  
de Rome: de là fut nommee *Tiburtine*. Or toutes ces Si-  
bylles laisserent plusieurs liures & vers, esquels elles pro-  
phetiserent ce qui estoit à venir, & principalement des  
fortunes de Rome, fussent bonnes ou mauuaises: telle-  
mēt qu'aux affaires d'importance, les Romains faisoient  
diligemment reuisciter les liures Sibyllins, & se gouver-  
noient par iceux: & tout ainsi que quand nous voulons  
estre creus, nous disons, c'est Euāgile, aussi eux disoient,  
ses paroles de la Sibylle, tant elles auoyent de credit en-  
uers eux. Et pour ceste cause disoit Iuuenal: *Credite me vo-  
bis folium recitare Sibylla*. Pource que l'on dit que ces Si-  
bylles dōnoient leurs respōces en fueilles d'arbres, escri-  
tes, comme le tesmoigne Virgile en la 6. Eneide. Ciceron  
parle de ces Sibylles en grande reuerence, au second liure  
de la diuination, où il dit: comme nous auons desia faict  
que des lettres capitales de leurs vers, on tiroit de grādes  
sentences & bons mots. Entre plusieurs autres choses el-  
les ont parlē de nostre religiō Chrestienne, de la naissan-  
ce, de la vie & mort de Iesus Christ, comme nous auons  
dit par cy deuant, & mesme la Sibylle Delphique dit: Le  
Prophete naistra d'une Vierge sans copulation charnelle:  
& vne autre, celuy qui est à venir viendra, & regnera en  
paupertē, cassant la seigneurie, & sortira du ventre virgi-  
nal. Et Iosephe (bien que Iuis de race & de professiō) par-  
lant de la tour de Babylone, dit ceste chose: la Sibylle s'en  
souuient, disant: lors que les hōmes n'auoyent qu'un seul  
langage, aucuns d'eux edifierent vne tour fort haute, co-  
me si par icelle ils eussent voulu mōter au ciel. mais Dieu  
y enuoya grands vents qui la ruinerent, & diuerses lan-  
gues se mirent parmi les ouuriers, & pource fut la tour  
nommee Babylon. Ces choses & autres semblables sont es-  
crites des Sibylles, par Chrestiens, Iuifs, & Gentils, ce q̄ les  
Gentils par leurs pechiez n'ont peu entendre: mais si si-  
rent bien depuis les Chrestiens, entre les mains desquels  
vindrēt ces liures, cōme Lactance Firmian, Eusebe, S. Au-  
gustin & autres: la cognoissāce desquels liures, ou du moins



de ces propheties, edifie grandemēt le Chrestien, & confond le Payen & Gentil. Il y en a eu encore quelques autres, qui furent nommees Sibylles, pource qu'elles furent reputées deuineresses & propheteres, comme Cassandre fille de Priam, & Campsie Celophonie fille de Calcas, & Mante Thessalique fille de Ciresias le Thebain: mais les historiens parlent seulement de ces dix.

~~~~~  
 Pourquoi le sommeil fut donné à l'homme, & comme le tri-  
 pte d'endormir est dommageable & vicieux.

CHAP. XXXIII.

**L**E dormir fut naturellement donné à l'homme pour la conseruation, pource qu'il n'y a œuvre naturelle qui n'ait besoin de repos. Aristote dit, que tout animant qui a sang dort, & là il preuue par raison & par expérience que les poissons dorment. Le sommeil est vn repos de tous les sentimens, & procede des euaporations & fumees, qui a cause des viandes, vont de l'estomach au cerueau, pour la froidure duquel ces vapeurs chaudes la réperent & endorment les mouuemens & sentimens extérieurs: alors se retirant l'esprit vital au cœur, tous les membres s'endorment & reposent leur travail, iusqu'à ce qu'ayant cest esprit vital (qui est l'instrument par lequel l'ame fait ses operations, gouuerne & commande à tout le corps) recouure nouuelles forces, & que cessans ou diminuans ces vapeurs, l'homme vient à se reueiller: & lors les sentimens & puissances retournēt de nouueau avec plus grande force, à faire leurs operatiōs. De ces occasions de sommeil, Aristote traite longuement au liure du Sōmeil, & du veiller. & Plutarque recite diuerses opinions des Philosophes, avec plusieurs autres naturelles. Mais combien qu'il soit repos & salut au corps, si est-ce qu'il le faut prendre moderément, pource que le log dormir selon Aristote, affoiblit les esprits corporels & animaux, tout ainsi que la moderation d'iceluy leur donne vigueur: car plusieurs choses sont necessaires, qui neārmōins sont dommageables. si on en prend excessiuelement, le manger est necessaire & sauoureux, & toutesfois s'il passe la mesure, il nuit, & n'a

*Aristote  
 au 4. liur.  
 des Ani-  
 maux.*



& n'a point de goust aussi, le travail moderé est salutaire, au contraire il fait dommage: pareillement le dormir ne doit estre prins sinon par necessité, pour la recreation & repos des sentimens, & des esprits, & aussi des membres: Or le trop dormir (outre ce que les mebres & sentimens s'en appesantissent, & deuiennēt paresseux, & s'affoiblissent par oisueré) engēdre tant d'humidités au corps, qu'il le red malade & le tue: pource qu'en dormant, toutes les humiditez du corps se retirent avec la chaleur naturelle, aux parties exterieures, & ne se fait aucune euacuation des superfluites & humiditez d'iceluy. Aussi non seulement le dormir, outre le debuoir est deffendu par les Medecins & philosophes naturels, mais encore est bien fort reprints des sages & bien nez. Aristote dit, que pendant que l'on dort, il n'y a aucune difference entre le sage & le fol, & a la verité encores que le sage n'eust point d'autre occasiō pour le faire dormir peu, sinō afin qu'il ne s'egalast à celuy qui ne l'est point, si le deuroit-il fuyr (biē que le dormir substance la vie, & soit fort salutaire) en considerant que celuy qui dort n'est point viuant. Et comme dit Plutarque au liure de la contention du feu & l'eau: Celuy qui dort, n'a nō plus de force, ny de sçauoir en dormant, que s'il estoit mort. Pline est de ceste opinion, disant que le sommeil nous oste la moitié de la vie: veu que quand nous dormons nous ne sçauons, ny sentons si nous viuons. Ouide avec d'autres Poētes & hommes doctes, appelle le sommeil similitude de mort. Et en la sainte. Escriture le sommeil est figuré à la mort. S. Paul dit, Freres nous ne voulons point que vous ignorez de ceux qui sōt endormis: en disant ces paroles il parle des morts & un peu au dessus, Dieu tirera avec luy ceux qui auront dormi en Iesus Christ. Le dormir est pareillement la figure de negligence & paresse: le mesme saint Paul le demontre, disant, mes freres, il est maintenant temps de se refueiller du sommeil. Il signifie aussi le peché, & la coulpe selon S. Gregoire qui dit, que le dormir est se tenir & se perleuer en ses pechez. Si le dormir n'eust esté enten- du pour le peché, saint Paul n'eust point dit tant de fois. Veilles iustes, & ne veuillez plus pecher. Que celuy là donc ait honte de despenfer la plus part de sa vie dans le

Pli. li. 36.

S. Paul, ch.

4. de la 1.

aux The-

sal.

S. Gregoire

au 8. des

morales.



litt a dormir : car il ne peche pas moins , que celuy qui tout le iour est assis à la table & mange: veu que ces choses se doiuent prendre pour le soustenement de la vie, & non pour le dommage d'icelle, & de l'ame pareillement : ainsi le dormir ne doit estre prins que pour le soustenir, & non pour volupré. Puis donc qu'on le doit employer au seul salut du corps, sçachons maintenant en quelle sorte l'homme se doit mettre dans le lit pour dormir , afin qu'il luy soit profitable. L'on dit, que le plus profitable sommeil pour la personne bien disposée, est de se trouuer au 1. dormir sur le costé droit, & puis la plus grande partie de la nuit sur le gauche, & à la fin du sommeil, se retourner vn petit sur le droit: la raison est, pource que l'estomach de l'homme est situé en sorte, que la bouche est vn peu plus vers le costé droit, que vers le gauche, & le fond & creux d'iceluy decline vn peu vers la partie fenestre : ainsi en se mettrà à dormir sur le costé droit vne heure ou deux, l'estomach s'estend & auale sur le foye : & de cela viennent deux vtilitez, l'vne que l'estomach se dresse, & en se dressant la viande descend plus aisement en bas : la seconde, que l'humidité de la viande, rafraischit le foye, & avec ce rafraichissement la chaleur naturelle prend force en l'estomach, pour començer à faire digestion. Apres que ces deux bons effets s'en sont ensuiuy, c'est bien fait de retourner de l'autre costé, pource qu'estant ainsi tourné, le foye vient à couvrir l'estomach, & l'embrasse avec ses ailes tellement que la viande retiēt plus du foye & ainsi se parfait la digestion, toutesfois il est bon sur la fin du sommeil, de se retourner encore sur le costé droit, afin q l'estomach se commence à redresser & descharger du foye & à deschasser l'air ou superfluité de la digestion passée. Ceste reigle est bonne, & se cognoit bien par iceluy qui a le foye temperé, & l'estomach non froid & duquel ces deux membres sont sains & temperéz : mais à celuy qui a le foye trop chaud, & l'estomach froid : comme souuent il aduiēt, il ne luy est pas bon de dormir dessus le costé droit pource que tombant l'estomach dessus le foye, & l'estreignant de toutes parts, il s'en eschauffe & enflamme excessiuellement, & demeure l'estomach decouvert de la partie superieure, & se refroidit d'auantage, avec ce, la plus grande  
chaleur



chaleur du foye emporte & prend pour soy ce peu qui est en l'estomach: de là vient la mauuaise digestion, & conséquemment la disposition mauuaise: Parquoy à celuy qui aura l'Estomach froid & le foye chaud, il luy est sain de dormir tousiours sur le costé gauche, pource que l'estomach estant de toutes parts couuert du foye, il fait sa digestion: & quand au foye estant ainsi en la partie supérieure, il est decouvert & deschargé, & par ce moyen il se rafraichir, & ne s'enflamme point. Il y en a aussi quelques vns qui s'accoustument a dormir le ventre dessous, ce qui aide & conforte la digestion, pource qu'il assemble & retient la chaleur naturelle à la partie stomachale, qui est en meilleure disposition d'euacuer les superfluités: le contraire dequoy aduient à ceux qui dorment sur le dos, aians la face au descouvert, pource que la chaleur naturelle s'estend: & par ce moyen elle debilité la digestion, & les superfluités ne peuuent courir iusques à la bouche, ny par les conduits ordinaires, ains s'arrestent en la poictine & en la gorge, ce qui cause bien souuent dez estouffemens, des epilepsies & autres infirmités. Les sages conseillent encore, qu'on ne dorme point fort estendu dans le lit: pource que la digestion en est plus debile car selon les philosophes quand les vertus & forces sont vnies ensemble, l'operation en est meilleure: & puis estant ainsi mediocrement entassé, la carnosité qui couure l'estomach se ioint mieux à luy, & l'eschaufe & fortifie d'auantage. Ces reigles que ie dy sont necessaires à ceux qui sont delicats & debiles: car au sain & gaillard, la meilleure reigle qu'on luy peut donner, c'est qu'il obserue & tienne la coustume qu'il a prinse.

¶ D'où vient l'origine qu'on auoit accoustumé en Espagne, de conter depuis la Here de Cesar. Et quelle chose est Here: Et pourquoy & quand cest usage fut deslaissé.

## CHAP. XXXI.

ON auoit anciennement accoustumé en Castille, quand on vouloit dater des instrumens & escritures, d'entre la Here de Cesar, en la sorte qu'aujourdhuy en France



France on met l'an de grace : & s'obseruoit ce mesme stile  
 és chroniques & histoires , comme peut auoir veu celuy  
 qui les a leuës : & combien que ceste chose soit veüe &  
 traitée de rous peu de gens ont voulu sçauoir l'occasio &  
 origine de cest vsage, & comme & pourquoy a esté dit ce  
 mot Here, en cecy, selon mon aduis, se peuët tenir deux  
 opinons : la premiere, que ce mot Here, s'escriit avec as-  
 piration, & ainsi l'ay-ie trouué en l'histoire d'Espagne en  
 quelque lieu , encore qu'en quelques autres elle n'y soit  
 point. Or estant ainsi , nous dirons qu'il vient de ce mot  
 Latin *Herus*, qui veut dire seigneur : & partant il s'ensuy-  
 uoit que Mere se pëut entendre pour seigneurie, & mon-  
 archie, ou regne, & que Here de Cesar veut dire monar-  
 chie de Cesar, c'est à dire, commencement de monarchie  
 qui s'entend d'Octavian. De ceste mesme opinion a esté  
 Antoine Nebricenses : car en son vocabulaire de la langue  
 Espagnole il dit Here de Cesar, sçauoir est, monarchie de  
 Cesar. Les Astrologues en leur conte, & par especial le  
 Roy Alphonse en ses tablettes, nomme le commencement  
 des regnes, Here comme celuy de Philippe, celuy d'Ale-  
 xandre, celuy de Nabucodonosor, & celuy de Cesar &  
 maints autres. Et toutesfois encore que ceste chose sèble  
 toute claire, il'y ay pourtant vne difficulté, à laquelle il  
 est besoin de satisfaire : c'est que comme Eusebe, Paul  
 Orose, & maints autres escriuent, Christ nasquit en l'an  
 42. de l'Empire d'Octanius, estât ainsi donc il semble que  
 Here deuroit anticiper de 42. ans la natiuité de Christ,  
 veu qu'il a respect au commencement de l'Empire de  
 Cesar, selon ce que nous auons considéré : ce neantmoins,  
 il n'anticipe que de 38. ainsi le met le Roy Alphonse, ce qui  
 se voit clairement par toutes les Chroniques d'Espagne :  
 parquoy le texte n'auroit pas failly, car tousiours la Here  
 de Cesar precede la naissance de Christ de trente huit  
 ans. Ce que i'en sens, vient de ce qu'Eusebe, Orose, &  
 tous ceux qui mettent la naissance de Christ à la quaran-  
 te deuxiesme année de l'Empire d'Octanius : commen-  
 cent le conte de son empire dès le premier iour qu'il en-  
 tra dans Rome, tost après la mort de son Oncle Iulés Ce-  
 sar : où luy arriué, fut fait capitaine avec les consuls Hir-  
 dius & Paulus, contre Marc Antoine : car faisant le conte  
 des



dés ce temps-là, & non autrement, la naissance de Christ vient iustement en la 42. année de son Empire: ce neantmoins ceux qui faisoient ce conte de Here, laisserent les quatre premiers ans de ce commencement. Et semble qu'ils auoyent raison, pource qu'en ces quatre premiers ans, Octavius ne commanda point à Rome, & ne tint le gouvernement sans resistance, ains de l'entree de ces quatre ans il eust guerre contre Marc Antoine: depuis allant à Rome avec gens de guerre, il eut le consulat par force au lieu de Hircie qui estoit mort, apres ces choses, il fit vn accord & conuention avec Marc Antoine, & Lepide, par lequel ils deuoyent tous trois l'un apres l'autre gouverner par certain temps, & firent la cruelle proscription, en laquelle ils firent mourir beaucoup des principaux de Rome: & encore, luy & Marc Antoine passerent en Grece à la poursuite des meurtriers de Cesar, où ils eurent bataille contre Brutus & Cassius: apres la desconfiture & mort desquels, il laissa Marc Antoine es parties Orientales, & luy retourna en Italie, où il s'eleua contre Lucie Antoine, frere de Marc Antoine, & l'assiegea en Peruse, le contraignant se rendre à luy. Ainsi ayant vaincu & chassé tous ses ennemis, il vint sans contredit à Rome pour gouverner Italie, France, Espagne, & Allemagne: car Lepide estoit en Afrique, & Marc Antoine en Asie, partant son entree & seigneurie, fut quatre ans apres la venue de Grece. Au moyen dequoy le conte de Here & seigneurie, commença à bonne cause de là, qui est trentehuit ans auparauant la naissance de Christ: tellement qu'Eusebe, Orose, & tous les autres qui mettent la naissance au 42. an de l'Empire d'Octavius, commencerent à conter du iour que Iules Cesar son oncle fut tué: ce qui se prouue clairement, pource qu'il appert par toutes les histoires, que Iules Cesar fut tué en l'an sept cens & dix, de la fondation de Rome, & nostre Seigneur nasquit en l'an sept cens cinquante deux, par ainsi il y a distace de quarantedeux ans, tous lesquels sont donnez à l'Empire d'Octavius. Pareillement selon Eusebe, Iules Cesar fut tué en l'an de la creation du monde, cinq mil cent cinquantesept, & le Seigneur, selon le mesme Eusebe, nasquit en l'an cinq mil cens nonante

peuf,



neuf, qui fait difference de l'un à l'autre des mesmes 42. ans, & en contant par Olympiades, Iules Cesar fut tué au second an de la 184. Olympiade, & Christ naquit au 3. an de la 194. inclusivement, qui est encore en la mesme difference des 32. Par ce moyē ils mettoient l'Empire d'Octavius quarante deux ans auāt la natiuité: combien que son vray Empire commençast quatre ans apres le temps que commença la Here, & 38. ans auant la natiuité: car pendant les quatre ans, il ne fut pas seigneur, comme toutes les histoires Romaines le demontrent. Plutarque, Appian, Dion, Suetone, & plus que tous les autres. Tite Liue, ou pour mieux dire, Lucius Florus, en son Epitome dit, qu'Octavius venant à Rome, quand son oncle fut tué, n'auoir que 18. ans, & fut cōsul au 19. puis estant les guerres passées, & tous les ennemis vaincus & surmontez, il retourna victorieux à Rome, & seigneur, en l'an 23. de son aage: de sorte qu'à ce conte, & pareillement au conte de Tite Liue, l'Empire d'Octavius commença 4. ans apres la mort de son oncle Iules Cesar: ce qui vient avec le conte de la Here 38. ans auant la natiuité. On peut prēdre encore vne autre opinion ou consideration sur ceste Here, qui sera en l'escriuant avec vne diphtrongue *Æ* sans aspiration, qui se dit de ce mot Latin, *Aera*, pour pecune, ex *Aere conflata*, & qu'elle a eu son origine du commencement du cens, ou tribut, qui se payoit à Octavius, & se nommoit *Ere*, ou tribut de Cesar, & non l'empire de Cesar, & qu'il se dit, *Aera*, *Aera*. Et comme on dit, c'estoit le nom du coin qu'on mettoit en la monnoye d'une certaine valeur, & que du temps que ce tribut fut aquis & imposé, se nombra & conta la *Ere*. Isidore est de cest aduis: car au cinquiesme liure de ses Etimologies au chapitre trentesiexiesme, il dit ces mots: *Aera singularum annorum constituta est à Cesare Augusto, quando primo censu exegit ato Romanorum orbem descripsit. Dicta autem Aera, quod omnis orbis as reddere professus est rei-publicae.* Partant il appert clairement que ceste maniere de conter vient & a prins son nom de ceste monnoye & cens qu'on payoit: autant en dit au chapitre subsequēt, en parlāt des annees quinquēnales, ou il dit, *Adhuc enim Consules, adhuc Aera non erat.* Semblablement il semble qu'Am.



qu' Ambroise Calepin en son dictionnaire, donne à ceste dictio telle origine, disant : *Astrologi quoque initium à quo supputationes incipiunt, Aëram vocant: dicta Aëra ex eo, quod omnis orbis as reddere professus est reipublica.* Frere Alphonse de l'ordre de saint Dominique suit ces auteurs en son Enchiridion des temps, où il dit ces mots : Autres commencemens à conter de là Ère de ce mesme Octavius, lequel ayant tout le monde en sa main, voulut sçauoir quelles gens il auoit sous son Empire, & commanda par edict, que chacun se fist enregistrer en la ville de sa naissance, afin qu'il leur donnast en signe de seigneurie, vne espee de monnoye, & pource que ceste monnoye estoit de metal, telle description fut nommée *Aëra*: tellement que selon ces auteurs ceste maniere de pombrer les ans par Heres vient du tribut qui se payoit, & s'escriuoit ainsi en Latin *Aëra*. Toutefois il reste vne autre difficulté de non petite importance, c'est qu'il semble que l'Edict de Cesar ne commença si long temps auparavant la natiuité, comme ils dient des trente huit ans que se conte la Here. Aussi semble il par le deuxiesme chapitre de saint Luc, qu'il commença en l'an que nostre Seigneur nasquit: car il dit: *Exiit edictum à Cesare.* Par ainsi ce commencement ne s'accorde point avec celui de la Here. A quoy selon mon aduis, on peut respondre, que deçà és parties Occidentales, sçauoir est d'Italie, de France, & d'Espagne: c'est Edict pouuoit estre commencé par le commandement d'Octavius, des lors qu'il se fit seigneur & Empereur paisible de Rome, qui fut 38. ans auparavant que Iesus Christ nasquit, & qu'en Assyrie & Iudee, cest Edict ne se fit, pource que ces provinces demurerent sous le gouuernement de Marc Antoine, iusqu'à ce qu'il paruint sous la monarchie de Cesar, & ne se trouue point de contradiction, que 38. ans auparavant il ne seigneuriasst France & Espagne, & qu'à mesure qu'il s'empatronisoit des Provinces, il faisoit publier la Here: parquoy il peut estre, que la premiere qui fut faicte en ces pays, sur celle dont parle saint Luc, & quantmoins il y auoit d'autres Provinces ou ceste Here auoit prins son commencement. Ce que monstre clairement Beda sur le mesme chapitre de saint Luc, exposant



la parole, ut describeretur vniuersus orbis, où il dit: *Signans hanc descriptionem, vel primam esse harum, qua totum orbem concluderunt, quia pleraque iam parte terrarum legentur fuisse descripta.* C'est à dire, & semble ceste description, estre la premiere qui fut vniuerselle à tout le monde, pource qu'auparauant icelle, il se trouue plusieurs villes particulières auoir esté descrites. S. Ambroise en dit autant sur ce chap. de S. Luc, disant qu'il se trouue maintes autres terres & prouinces, auoir esté enregistrees, Lucius Florus en l'abbreuiatiō des liures de Tite Lue, escrit que Cesar peu apres qu'il eut vaincu Marc Antoine, mit tribut à toute la France, qui fut peu moins de trente ans parauant que le Christ nasquit. Mais ou soit à cause de la premiere raison, ou de la derniere qu'on disoit Here, il suffit qu'on commença de conter par Heres, 38. ans auparavant la natiuité. Ceste coustume est fort antique, mesme-ment en Espagne, & aussi entre les Arabes & Sarrazins, & si ie pense que depuis que les Goths en yserent, elle ne fut point delaissee, tant que le regne des Romains dura. Isidore escriuant de ces Goths, & de ceste Here, en parle comme de chose fort antique. Et combien que ie ne puis dire quand on comença à s'en aider, si sçay-je bien qu'elle a esté vstee par long temps, comme on peut voir par les Chroniques d'Espagne, & iusqu'à ce que le Roy Iean premier d'Espagne, qui perdit la bataille d'Aliubarate en l'an cinquiesme de son regne, commanda que de là en auant on ne mist plus, ny en instrumens, ny en histoires, de la Here de Cesar, ains de la naissance de Christ: ce qui fut fait en l'an mil trois cens & octante trois, & en la Here de Cesar mil quatre cens & vingt & vi.

*Fin de la troiesme partie.*

QVA-



# QVATRIESME PARTIE

## DES DIVERSES LECONS

de Pierre Messie, gentil-homme  
de Seule.

*Trois notables doutes que les anciens Philosophes n'ont oncques  
seu resoudre, & pourquoy.*

### CHAP. I.



**E**s Anciens Philosophes illuminez par le don de Dieu, ont curieusement cherché les causes de toutes les choses de nature, & ont verifié toutes leurs propositions, sans contradiction ou repugnance, d'autres propositions naturelles. Toutesfois ils ne sceurent oncques resouldre trois choses douteuses & d'importance, ny cognoistre les causes de leur naissance. La premiere est, qu'ils cognoissoient estre donné à l'homme par la nature, vn desir de ne vouloir iamais mourir, ny sentir douleur, ou auoir fascherie aucune, ains viure heureusement à plaisir en ce monde, sans auoir faute de chose qui soit: & neantmoins ne pouuoient obtenir la fin d'iceluy. Et d'autre part, ayans proposition que Dieu, & la nature ne font rien en vain, & que cest appetit prouiet d'icelle, pensant en trouuer la cause: & attendu qu'en tous autres effects naturels ceste proposition se verifie, ils se fondoient, & n'en sceurent oncques venir à bout. La seconde fut, qu'ils disoyent que naturellement chacun sentiroit en soy vne peruerse inclinatio en la chair, & vne sensualité toute contraire à l'appetit sordid, de ne vouloir iamais mourir: comme en l'appetit charnel qui fait encourir l'homme en diuerses maladies, qui luy abregent la vie, voire iusques à la mort, & le semblable fait la guele: ou



ue ce plusieurs desirans paruenir à richesses & pompes, se  
 mettent à faire guerre, là où le plus souuent ils meurent,  
 ou bien en rapportent troublement d'esprit, ou quelque  
 autre grand malheur, qui est vne fin contraire à leur ap-  
 petit. La troisieme est qu'en l'ordre de nature toutes les  
 choses inferieures sont gouuenees par les superieures,  
 comme on void les elemens obeyr aux corps celestes, &  
 les cieux aux intelligences mouuantes, & toutes les in-  
 telligences à la premiere, qui est Dieu aimé & desiré: seu-  
 lement par l'homme est peruertie cest ordre, car estant  
 composé d'ame & de corps, nous voyons que la chair  
 qui est la partie plus vile, est repugnante à la raison, &  
 à l'ame partie plus noble, & qui pis est l'attire à son vou-  
 loir, & pource disoit l'Apotre, sentir en ses membres vne  
 loy repugnante à la loy de sa pensee, & l'attirer à peché.  
 Les Philosophes qui ont esté auant l'aduenement de Je-  
 sus Christ, n'ont oncques sceu trouuer l'occasio de ce de-  
 sordre: le voulans plus curieusement chercher, sont tom-  
 bez en plusieurs & diuerses erreurs. Pourtant disoit Ana-  
 xagoras, ceste monstruosité estre aduenue au commen-  
 cement du monde, & lors que toutes choses estoient cō-  
 fuses en l'antique Chaos: car separant cest intellect par la  
 discorde, & le reioignant par la concorde, il crea toute  
 chose bonne & bien ordonnee en son espee, fors l'hom-  
 me, duquel il vint la chair mal disposee & discordante  
 avec l'ame raisonnable. Et pourtant, ainsi comme en ce  
 Chaos ces deux choses estoient discordantes, ainsi de-  
 puis elles sont tousiours demeurees repugnantes contre  
 la reigle, & ordre de toutes les autres choses du monde:  
 en ceste maniere ce pauvre Philosophe donnoit la coulpe  
 du tout au diuin intellect, qui est Dieu mesme. Autres  
 disoyent cela proceder des celestes constellations, sous  
 lesquelles l'homme est engendré: & à pris naissance. Ari-  
 stote n'eust iamais la hardiesse de vouloir apertement  
 resoudre ceste difficulté, ains semble qu'il se cōtredit au-  
 cunesfois, disant la sensualité estre naturellemēt inclinee  
 au mal: combien qu'avec grande difficulté, elle se puisse  
 dompter quelquefois, avec les vertus morales. Et en au-  
 tre endroit il dit que la felicité qui s'acquiert par les ver-  
 tus morales, est don de Dieu: par consequent doncques



tes vertus morales en l'operation desquelles consiste la felicité de l'homme seroyent don de Dieu, & non pas naturelles. D'autre costé les Manicheens voyans rendre raison de ce peruers desordre, disoyent qu'en l'homme y auoit deux ames, l'une bonne, faite de la substance du Prince de la lumiere, & l'autre mauuaise, faicte de la substance du Prince des tenebres; cause qu'en l'homme estoit ce continuel debat. Origene a dit apres, que deuant la creation du monde toutes les ames estoient conseruees au Ciel, qui pecherét cōtre Dieu: pourquoy pour punition, furent colloquees en corps mal complexionnez, & que de là naist ceste controuersie en l'homme. Toutes ces detestables opinions sont confutées par S. Augustin, cōtre les Manicheens, au liure de *Duab. anim.* & au liure de *Natur. bonit.* Car avec longues raisons, il preuue que la cause pourquoy ils n'ont sçeu entendre l'occasion de la subuersion de cest ordre: & pource qu'ils n'auoyent cognoissance de la sainte Escriture, par laquelle nous est declarée la resolution de ces doutes, & voit-on par icelle, que ces deux propositions sont bonnes & vraies toutes deux en l'ordre de Nature, à sçauoir: que Dieu & Nature ne font rien hors de propos, & qu'il est conuenable que l'homme ait de la nature ce desir de ne vouloir mourir; & de mener vie heureuse, sans toutesfois le pouuoir obtenir: non pourtāt, qu'il luy ait donné ce desir en vain, car il est veritablement naturel, mais n'obtenir la fin & effect d'iceluy, est chose accidentale à l'homme, & non naturelle: car Dieu crea l'homme immortel, de sorte qu'effectuellement, selon la plus saine opinion des Theologiens, il ne fust point mort ny soumis à misere aucune, obseruant son commandement: mais l'ayant transgressé, il doit souffrir la mort, & les miseres du monde: pource donc qu'il n'a obey à son commandement; il est encouru à la mort, & aux afflictions. Tellement que par le peché d'inobedience (comme dit l'Apostre) la mort fut introduite au monde. Par ce appert doncques la mort n'auoir esté naturellement en nostre premier pgre, ny successiuelement en nous, mais accider: car ce n'estoit pas l'intention de Dieu. Ainsi donc vient à estre resolu ce doute: que le desir de ne mourir iamais, ny endurer peine, nous



est donné par la nature, & non en vain, d'autant que le popnoir nous estoit donné d'en obtenir l'effet: mais pour ce que ne fumes obteffans, nous est dementé le desir, & le pouuoir nous en est osté. Avec la mesme raison, est resolu le second doute, car nous mesmes par paillardise & gourmandise, nous pourchassons la mort, prouenant de ce mesme desordre. Pareillement le troisieme est resolu par le peché commis par Adam, pour lequel il vint à perdre la iustice originaelle que Dieu auoir donnée, qui luy seruoit de bride pour moderer soy-mesme par ieune ordre: parquoy ceste harmonie se trouua en confusion: car l'ame qui deuoit gouverner le corps, comme chose excellente & noble, est puis venue a estre gouvernee par le sens, & par le corps. Pource void-on clairement que ceste submersion n'est point naturelle, mais accidentale. Par ce moyen donc demeure ferme & vraye la proposition, que la chose plus digne & plus noble, doit gouverner la chose plus basse & moins noble, & cela ne faut point, ny peut faillir, comme bien voyons es corps celestes: & si en l'homme se fait autrement, c'est par l'accident de la coulpe, qui meritoit cela & pis, & non par nature.

CCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCCC

Les ceremonies que les Romains vsoient, deuant qu'ils mouuoient guerre.

#### CHAP. II.

Ceux qui liront les saintes ceremonies & religieuses obseruations qu'vsoient les Anciens Romains, tât aux choses de paix comme aux entreprises de guerre, ne s'esmeruilleront point des grandes victoires qu'ils ont obtenues cõtre tant de furieux peuples, & trespuissantes prouinces: & au cõtraire ne s'estonneront point de la decadence de cest Empire, laquelle commença quand eux commencerent à les mespriser: car on voit par exemples infinis d'histoires, que d'autant qu'ils estoient plus obseruateurs de la religion, tant mieux prosperoyent ces republiques, & plus heureusement succedoyent les entreprises des Capitaines d'alors: comme on void des succez de Pompee, de Brenne, & autres infinis, lesquels bien qu'ils fussent idolatres & ne cogneussent le vray Dieu, il sembloit



sembloit neantmoins que par certain moyen avec une  
terrestre retribution, Dieu favorisast ceux qui estoient  
religieux, & ce, peut estre, à celle fin que tout ainsi que  
ces gens estoient jaloux de celle religion, de laquelle ils  
n'auoyent fondement de parfaite creance, ils feroient  
par plus forte raison bons obseruateurs de la vraye foy,  
si elle leur eust esté reuelee comme à nous: Tāt y a donc  
qu'on voit par les effects, qu'il ne les a voulu laisser sans  
quelque peu de propriété, avec ces heureux succez répo-  
nels. Les ceremonies que les anciens Romains obseruoient  
en tēps de paix, sont plusieurs & diuerses, desquelles ie me-  
tais, pource que les recitant toutes, seroit chose trop lon-  
gue, & seroit mal d'en raconter une partie seulement.  
Pourtant mon intention est d'en raconter cinq seulemēt  
cōtre aucune province: afin que les Princes modernes  
voyent, cōbien ils errent à intenter la guerre inconside-  
rément & sans se consulter à Dieu, & qu'ils iugent que  
ce n'est pour autre occasion, qu'il leur en vient mal, & de  
cōbien ils sont de religion inferieurs aux Ethniques &  
idolâtres. Quand on apportoit nouuelle à Rome à la res-  
belliō de quelque province, ou de trouble, que quelque  
Prince barbare eust donné à leur propre pays, ou à leurs  
cōféderez, ils luy enuoyoyent des ambassadeurs par les-  
quels le Senat luy faisoit remonstret par bon moyen de  
vouloir reparer le dommage passé, & s'abstenir de tels af-  
faires pour l'aduenir; & s'il estoit obstiné en son entreprin-  
se, la guerre luy estoit intimee. Le Senat apres auoir creé  
le capitaine pour ceste expeditiō, faisoit appeller les sacri-  
ficateurs, auxquels estoit commandé de faire oraison aux  
dieux: car iamais les Romains ne sortoyent pour l'essuio-  
du sang de leurs ennemis, que premierement les prestres  
n'eussent ploré, & fait oraison aux tēples. En apres le Se-  
nat s'assembloit & s'en alloit au tēple de Iupiter, ou avec  
tres solēnel serment tous iuroient que toutes les fois que  
l'ennemy (cōtre lequel la guerre estoit publiée) voudroit  
nouuelle cōfederation avec eux, ou demanderoit pardon  
de l'injure passée, que la clemence ne luy seroit point de-  
niée. Cela fait, le cōsul esleu à telle entreprise, s'en alloit  
au Capitole, & la faisoit vn vœu solēnel à cil des dieux,



auquel il auoit eu plus de foy de luy offrir vne chose singuliere qu'il auoit s'il retournoit victorieux de son entre prise. Et combien que l'offrande fust de grande valeur, le peuple neantmoins estoit tenu de le payer. En apres on tiroit dehors, au camp de Mars, la banniere de l'Aigle: qui estoit l'enseigne ancienne des Romains, & cela se faisoit pour faire entendre au peuple, que dedans Rome on ne pouuoit celebrer festes ou spectacles, pendant que leurs citoyens & parens estoient à la guerre: & finalement vn Preteur montoit sur la porte Salarie, & là faisoit sonner vne trompette pour soudoyer les gens de guerre, & mettoit-on les enseignes hors pour les bailler aux capitaines. Par cela peut-on cognoistre: qu'ils ne mouuoient leur exercites, qu'il n'eussent premierement appaisé & honorer leurs dieux & discourir, que Dieu faisoit prosperer ces capitaines, à cause de la vertu qu'ils vsoient à la conquête de leurs ennemis. Car si les consuls qui estoient ordonnez à vne guerre, auoyent la puissance de subiuguer vne province, ou vne cité par autre moyé, que par là vertu, ils ne l'eussent point fait, car ce faisant eussent esté griefuement punis par le Senat. De ce y a plusieurs exemples, mais i'en reciteray deux seulement, l'un de la vertu qu'ils vsoient, & l'autre du chastiment que receuoit ce luy, qui pour estre victorieux faisoit ceure vicieuse. Fabriquer estant capé avec l'armee des Romains deuant la ville Fidene, vn maistre d'école de la ville sortit dehors avec les enfans d'aucuns citoyens principaux, lesquels (pensant luy gratifier) il luy presenta. Le Cōsul (combien que les retenar, il eust peu se faire seigneur de la ville) nō seulement ne les accepta, mais ayant fait lier le maistre, & donnant les verges entre les mains de ses enfans, pour le fouetter, les renuoya en ce poinct à leurs peres. Ceste benignité eut tāt de puissance au cœur de ces citoyens, qu'ils se donnerent en la puissance des Romains. D'autre costé l'an de la fondatiō de Rome 318. la guerre fut deliberee par les consuls cōtre les Sarmates, & autres peuples habitans le mont Caucase, lequel (selon les Cosmographes) diuisant l'Asie par le milieu, termine d'un costé la Scytie, & de l'autre finit en Inde, où par l'extreme froid, n'y croist point de vin. Lucius Pius fut cree consul pour aller à ceste



expedition, & là ayant meue cruelle guerre contre eux, il eut quelquefois la fortune favorable, & quelquefois contraire aussi. Mais durât vne trefue entr'eux accordée, Lucius careffa fort les capitaines de Sarmates: & apres les auoir souuentefois conuiez à banqueter avec luy voyât qu'ils estoient si friands du vin, pour la rareté qu'ils en ont, finalement leur fit vn festin, où il leur donna à boire en si grande abondance, qu'eux se contentant fort de luy disposèrent toute la Prouince tributaire du peuple Romain. Ceste guerre finie, & le consul retourné à Rome, il demanda le triomphe, qui luy fut non seulement denié par le Senat, mais aussi ceste forme de victoire tât abhorree, qu'ils le firent mourir publiquement, & pour plus grand vitupere, fut mis vn Epitaphe sur sa tombe, qui disoit: Cy gist Lucius Pius Consul, lequel non par armes en campagne, mais avec viandes à table, ny aussi avec la face mais avec le bon vin, vainquit les Sarmates. Le Senat n'est content encore de cela, fit crier publiquement dedâs Rome, que tout ce que Lucius auoit fait au nom du peuple Romain, estoit déclaré nul: & outre ce, fut escript aux Sarmates, que l'on les remettoit en leur ancienne liberté.

Qu'il profite assez à vn Prince, d'estre de venerable aspect.

CHAP. III.

**V**N des parties qui me semble rendre la maiesté du Prince plus venerable (parlant des graces exterieures) est la beauté du corps que nous voyons accompagnée d'vne singuliere grauité, qui donne argument de prudence & sçauoir: Et combien qu'on voye souuent fallir la reigle de Pythagoras, qui dit, qu'en corps tortu ne reside ame droite (d'autant qu'on voit souuent en corps mal proportionné regner grâde vertu) si est ce que le plus frequent est de ne voir point le contraire. Et quand l'honorable aspect, ou representation ne seruiroit d'autre chose à vn prince, si luy fait il accroistre son autorité & reuerence: mesmement s'il est accompagné, & qu'on y apperçoie quelque signe de vertu & bonté: ainsi cōme au contraire se peut diminuer par la laideur: car comme dit Cicéron,



l'habitude de vertu est de telle efficace, qu'elle nous fait  
 aimer celuy que nous sçauons la posseder. Ainsi, la mai-  
 esté de la personne d'un prince a vne veneratiõ en soy qui  
 attire les cœurs de ses vassaux à l'aimer, poussez, possible  
 d'une fantasie non expresse, que le prince doit estre ver-  
 tueux & conformer ses cœurs à la beauté de son corps.  
 Ceste raison, peut estre, a induit plusieurs peuples Barba-  
 res à iurer, qu'il n'y auoit homme capable de son esprit,  
 pour conduire à fin les grandes entreprinles, sinon ceux  
 qui estoient douez par nature de belle proportion de  
 corps & honorable prestance. Macrobe recite, qu'en Pisle  
 de Meroe sur le Nil, les habitans (que l'on dit viure la moi-  
 tié plus que nous) eslisent pour leur prince: celuy qu'ils  
 cognoissent estre le plus fort, & de plus belle prestance q  
 nul autre. Il n'y a celuy qui ne iuge que le prince laid, &  
 vertueux, est à preferer à vn beau qui est vicieux: mais  
 estans esgaulx, nostre affection plustost se ragera au beau,  
 qu'au contrefait. Demetrie fils d'Antigone, fut de si belle  
 & honorable representatiõ, qu'il n'y eust peintre ny scul-  
 pteur, qui osast entreprendre de le pourtraire: car il auoit  
 en soy vne venusté, & terreur enséble, coniointe avec vne  
 mâsuetude & grauité, qu'il sembloit estre né pour se fai-  
 re aimer & reuerer en vn mesme instât. On lit de Marius  
 qui rapporta tât de triumphes, qu'il estoit de si venerable  
 presence, qu'estant prisonnier de son ennemy Sylla, luy  
 fut enuoyé vn François pour le tuer: lequel entré en la pri-  
 son avec son espee toute nue, & voyant vn si graue & fu-  
 rieux aspect fut tellement espouuâté, que s'en retournant  
 arriere, il laissa la prison ouuerte, & par ce moyë fut cau-  
 se qu'il se sauua la vie. Alexandre Macedonien pour estre  
 de petite stature, & non trop beau de visage, se promenât  
 avec son bõ ami Ephestion, la mere du Roy Dayre voulût  
 saluer Alexâdre, s'adressa à Ephestion, & luy fit reuerce,  
 car le voyant homme de si belle & honorable represen-  
 tation, elle iugea que cestoit Alexâdre. Les hystoires reci-  
 rent qu'Alcibiade, Scipion, & plusieurs autres honore-  
 rent & agrédisent beaucoup la dignité de leur office, par  
 leur belle apparence, laquelle coniointe à leurs vertus,  
 profita beaucoup à leurs republiques. D'autre costé nous  
 trouuons que plusieurs princes & capitaines, tant anciens  
 que



que modernes, ont esté mesprizez par leur basse stature, & d'autres à faute d'honorable presence, encourir peril de la vie: desquels i'ameneray deux seulement, pour exemple, l'un ancien, l'autre moderne, combié qu'on en pourroit raconter d'autres insuis. Philopœmen Duc des Achéyens, tant renommé, fut de petite stature, laid de visage & de regard difforme, tellement que quand il se vestoit d'habits mechaniques, (côme il auoit de coustume bien souuent) il sembloit plustost estre de vil & vulgaire lieu, que digne du gouuernement du peuple. Il aimoit fort la chasse, & pource alloit bien souuent à Megare. Et un iour la grande auidité de la chasse, le transporta plus loin qu'il n'eust possible voulu: tellement qu'il arriva en la maison d'un ciroyen de ce lieu, l'un de ses singuliers amis, & lequel s'estoit nouuellement marié: & n'auoit qu'un seruiteur avec soy, pource qu'il auoit enuoyé les autres en autres lieux: quand il fut arriué à la porte du logis de son dit amy, il heurra à la porte, lors la femme se mit à la fenestre, & leur demandant qu'ils cherchoyent son seruiteur respondit, que c'estoit Philopœmen Duc des Achéyes qui venoit pour loger seans. La femme lors estoee, qu'un tel home fit à l'improuiste deubir estre son hôte: pensant que tous deux fussent seruiteurs du Duc, qui les vinssent aduertir de sa venue, mesmes les voyans tous seuls sans dire autre chose leur alla ouurir la porte: puis quand ils furent venus en la salle, elle comanda à un de ses seruiteurs qui allast en diligence en aduertir son mary, qui estoit pour lors en un village: & puis dit à Philopœmen & à l'autre, qu'ils s'assissent pedant qu'elle appresteroit le souper, & alors comença avec sa chambriere à tracailler par la maison, bié empeschee & cōfuse tout ensemble, commençant vne chose & vn autre, & rien ne paracheuoit: & peu apres, cuidant n'auoir iamais fait à temps, regardant Philopœmen, que c'estoit enuéléppé en son manteau, & qui peut estre, auoit plus de froid qu'il n'eust voulu, & avec plus de rusee, qu'il n'esperoit, de sa lourdisse: elle luy dit qu'il despoillast son manteau, & qu'il luy aidast à faire le feu, en attendant que son seruiteur seroit de retour afin q le souper fut prest à temps pour son seigneur: lors il print vne cognee, & commença à fendre du



bois ayant aduertý son seruiteur de ne faire semblant de rien, à ce que la dame ne s'aperceust de sa propre tromperie. Et pendant qu'il estoit attentif à sa besongne, le maistre du logis survint, qui recognoissant Philopœmen, l'embrassa avec grande reuerence, & luy demanda: Que faites vous monseigneur de ceste cognee? Auquel il respondit tout en riant: Mon ami laissez moy faire, car ie paye la peine de ma laideur. De nostre temps Ferdinand Roy d'Espagne, qui eut tiré de Catholique, prince fort sage & discret, mais de stature plustost petite que mediocre: cōbien qu'il eust face royale, & fut homme de grand gouuernement, si ne sembloit il point q̃ les autres membres fussent correspondans: & ioint qu'il auoit accoustumé de se vestir tousiours de drap, tellement que qui ne l'eut point cogneu, l'eust plustost prins pour quelque citadin, que pour vn Roy tant estimé. Ce Roy vn iour allát à Naples avec la Roýne Isabelle, où il estoit atreudý avec grande deuotion, arriua par mer vne marinee, & à l'impouruue à Pozzuol, avec sa seule gallere (estans les autres moins preparees, demeurees derriere) & là descendu & receu des habitans honorablement selon leur puissance: cependant que le **manger** s'apprestoít, & qu'on ordonnoit le palais, il se promenoit tout seul dans vne salle, en laquelle arriua vn pescheur du lieu, qui auoit tout alors prins vn fort beau poisson, lequel il auoit intention de presenter au Roy: ce pescheur lors ne le cognoissant luy demada ou estoit le Roy, auquel il respondit que c'estoit-il luy mesme: le pescheur se print à rire pensant qu'il se moquoit: il le pria derechef luy vouloir dire où le Roy estoit, lequel luy afferma que c'estoit luy mesme: mais ne semblant au pescheur qu'il en eust la semblance ne voyát en luy la prestance qu'il s'estoit imaginee, s'en retourne avec son poisson: dont le Roy se print fort à rire, & lors entrerent quelques vns de ses fauoris, qui apres luy auoir fait la reuerence accoustumee, le Roy leur dit en riant: Seigneurs, si vous ne faites foy à cest homme que ie suis le Roy, nous perdrons ce poisson pour ce matin: dont à l'instant retourna le pescheur, & voyant qu'il estoit si grandement honoré des siens, comprint que veritablement c'estoit le Roy, & se mettant à genoux à ses pieds,

luy



luy presenta le poisson : mais ce tōur fut fort plaisant au  
prix d'un autre, qui luy aduint, pour la mesme occasion.  
Car en autre tēps estant ce mesme Roy à Barcelone, & al-  
lant avec sa cour accompagner le S. Sacrement, le iour de  
la solēnité d'iceluy, il fut assailly par vn Espagnol à l'im-  
prouiste, qui luy donna si grand coup d'une grande dague  
à trauers du col, que n'eust esté vne grosse chaine d'or  
qu'il portoit qui soustint le coup, il luy eust osté la teste  
de dessus les espaulles: l'Espagnol fut prins & dourât qu'il  
eust des complices, fut mis à la torture pour le luy faire  
confesser; mais pour tourment qu'on luy donnast, il ne  
confessa jamais autre chose, sinon qu'il estoit meü de sa  
propre fantasie à ce faire, pour la haine qu'il portoit au  
Roy. Puis interrogé pourquoy il le hayoit ainsi, il respō-  
dit que non pour autre chose, sinon que sa physionomie  
ne luy plaisoit, point & qu'il n'estoit pas en sa grace, ioint  
qu'il ne luy desplaisoit tant, que quand on le deliureroit,  
qu'il le tueroit, quoy qu'il en fust. Veritablement voila  
d'estranges cas, que n'estans formez au gré d'un homme,  
nous deuions encourir danger de mort.

~~CHAP. IIII. D'un estrange accident aduenü de nuit en une armer.~~

*D'un estrange accident aduenü de nuit en une armer.*

CHAP. IIII.

**Q**Vi aura leu les histoires anciēnes, il ne s'esmerueil-  
lera point des choses qu'il void aduenir de son tēps  
ou oïra reciter à ceux qui les ont veuës : car on trouue  
qu'autresfois les mesmes cas ou en partie semblables,  
sont aduenus en quelque autre lieu. Entre les merueilleux  
accidēs que i'ay leu aux anciēnes & modernes histoires  
ie trouue fort singulier, & digne d'estre noté, celuy qui a-  
uint à Agathocles tyran de Sicile en Afrique. Cest Aga-  
thocles, qui estoit hōme fort vertueux aux armes, par les-  
quelles estāt de bas estat, a scauoir fils d'un potier de terre,  
il se fit seigneur de toute l'isle de Sicile : & ayant grand  
guerre contre les Carthaginois, & se voyant assiegé, tant  
par mer que par terre dedans Syracuse, par Amilcar qui  
auoit grosse armee de Lybiēs il fut de si grād cœur, qu'il laissa  
la ville à la garde de son frere Attandre, & ayant prepa-  
ré quelques nauires, il sortit par vn beau stratageme,  
avec enuiron sept mille hōmes de pied, & quelque petit  
nom



nombre de chevaux, & alla prendre terre au riuage d'A-  
 frique: là ou il assouda encore enuiron six mille Grecs puis  
 esliegea Carthage, laquelle il mit en telle terreur, que les  
 Senateurs de la ville, ne sçauoyent quel party prendre. Là  
 furent donnees plusieurs batailles, esquelles Agathocles  
 demeura quasi tousiours victorieux, pource qu'il auoit  
 attiré à soy plusieurs gens de cheual, avec le temps. Les  
 Carthaginois (outre les citoyens, & plusieurs soldats  
 mercenaires qu'ils auoyent à la garde de la ville en si  
 grand nombre, que leur cavalerie se pouuoit egaler à  
 celle d'Agathocles) firent encore venir de Lybie vn de  
 leurs capitaines, avec vne autre bonne armée qui se mit  
 en campagne, pour donner la iournée a Agathocles. Or  
 aduint qu'apres plusieurs escarmouches, vn iour Agatho-  
 cles assaillit le camp de l'ennemy (car les gens qui n'a-  
 uoyent de viures ne demandoient que de venir au fait  
 des armes) mais les ennemis qui se trouuoient en lieu  
 fort, ne vouloyent point sortir, s'ils n'estoyent assaillis en  
 leur fort, qui leur estoit grand aduantage, sçachans la ne-  
 cessité d'Agathocles, & le desespoir des siens. Agathocles  
 ne cessant de les assaillir a son desauantage porta la peine  
 de son audace: car les ennemis le repousserent avec gran-  
 de perte de ses soldats, desquels fut tué vne partie, & l'autre  
 vint en la puissance des ennemis. La nuit ensuyuant  
 apres ceste bataille, aduint vn cas que ie vous diray, de  
 merueilleux exemple, c'est que les Carthaginois apres  
 ceste victoire sacrifierent a leurs dieux pour les graces  
 de la victoire, & avec vne cruelle superstition, vne gran-  
 de quantité de ces prisonniers Italiens & Grecs: & mirent  
 si grande quantité de bois pour brusler ces corps, que le  
 feu deuiant si tres impetueux, qui brusla non seulement  
 la tente du sacrifice, mais aussi le pavillon de leur capi-  
 taine, & vne infinité d'autres avec cruel spectacle d'vn  
 chacun: par ce fait il se leua vn grand tumulte entre eux,  
 tellement qu'il y en mourut grand nombre, les vns vou-  
 lans esteindre le feu tomboyent dedans, les autres en  
 voulant fuir hurtoient entre les armes, les vns des au-  
 tres. A ceste ruine la nuit en adiousta vne bien plus grande  
 pource qu'au camp d'Agathocles il se trouuoit bien enui-  
 rō cinq mille Lybiés, ausquels il ne se fioit beaucoup, les-  
 quels







d'Egypte, lesquels commencerēt à prendre coustume de se raser les cheueux, à la mort d'Apis, qui fut adoré en Egypte pour Dieu, & depuis ils s'acoustumerent encore à se raser tout le corps, afin qu'avec la mondicité qu'ils vsoient pour sacrifier à leurs Dieux, ils n'eussent sur eux aucune ordure. Nous voyons au vieil Testament en plusieurs endroits, que la tonsure des cheueux estoit vn grād signe de moquerie, & chose ignominieuse, & mesmemēt au Paralipomenon, où on lit que David enuoya aucuns de ses ambassadeurs à Hannon, Roy des enfans d'Amon, pour le consoler de la mort de son pere, & Hannon soupçonna qu'ils fussent là venus pour espier la situation & gouuernemēt de son Royaume, pour le luy vsurper, les fit prendre, & leur fit rōgner leurs vestemens iusqu'aux fesses, pareillement leur fit raser les cheueux, en signe de moquerie & vitupere, dōt en apres se susciterent grandes guerres entr'eux. En l'histoire des Lombards on lit semblablement, que quand Archpert eut prins le Royaume, il fit raser la teste à Rotaire, lequel auoit donné faueur à Limpert. On void aussi dedans quelques liures, que quand S. Pierre preschoit en Antioche, quelques meschans pour luy faire grād vergōgne, luy firent la courōne sur la teste. Ce seroit chose de bōne consideration, que quād on voudroit consacrer quelq̃ Prestre en l'Eglise Chrestienne, qu'il pleust aux Prelats de leur raser la teste: afin que cōme la croix, qui estoit tant ignominieuse, fut rēdue digne de si grande gloire, apres que le Redēpteur du mōde eut souffert en icelle, aussi la tonsure des cheueux, qui estoit signe de vitupere, fut reuersee par les Chrestiens, puis que S. Pierre, successeur de Iesus Christ en terre, a esté moqué & vitupéré en icelle. Outre, que (cōme dit Beda *in histor. Ecclesiast. Anglorum*) par la rasure des cheueux de la teste est demōstrée la renōciation que le Prestre doit faire des biens tēporels qui luy sont superflus, n'estās les cheueux que superfluité du corps. S. Ierosme dit pareillemēt, que la rasure des cheueux d'un Prestre, est faite en signe qu'il doit resequer de soy les richesses terriēnes superflues, & que la teste des cheueux qui luy demeurent, signifia la partie que d'icelles il doit retenir pour le substantement de sa vie: autres y adioustant, que celle forme de courōne qu'on



qu'on leur laisse, denote la couronne & le guerdon qu'il aura de Dieu, si cōbatant vaillamment cōtre le mōde, il en rapporte la victoire. S. Paul, outre l'anciēne loy, descend aux Prestres de nourrir leurs perruques. Il est sēblablement prohibé par Anacler, premier Pape Romain, lequel a institué que les Prestres fussent cōsacrez par trois Euesques, & que le Pape qui estoit Euesque de Rome, fut aussi soumis à ceste loy, & qu'il deuoit estre cōsacré de ces trois Euesques, à sçauoir d'Ostie, de Port, & de Velitene. Anastase premier, fut celuy qui ordōna qu'on n'acceptast au nombre des Prestres, aucun estropié, ny mutilé de mēbres, ayant extrait ceste constitution de la loy ancienne. Car en ce tēps, apres que les Prestres furēt ainsi cōsacrez, il sembla bon aux peres, de la primitiue Eglise, que les offices concernant le seruice diuin, & la cure des ames fussent entr'eux diuisez, afin qu'ē l'exercice d'iceux, ne vint à naistre confusion, ne sçachant chacun d'eux, iusques où se deuroit estendre son autorité: Euariste donc fut premier celuy qui diuisa les tiltres aux Prestres de Rome, & institua les sept Diācres, à l'imitation de l'institution des Apostres. Depuis, & enuiron l'an de nōstre salut, 267. Denis diuisa les parroisses, tant aux Prestres de Rome, qu'à ceux d'autres lieux. Ce nom de parroisse, selon Polydore Virgile, semble estre tiré du nom d'un Magistrat des anciens Romains, qu'ils nommoient Parrochien, lesquels auoyēt le soin de pouruoir & fournir aux Legats publics, du bois pour faire le feu, & du sel, parce que sans feu, & sans sel, les Hebreux ne pouuoient faire sacrifice, dont les Chrestiens en ont prins plusieurs ceremonies: de là vient que les Prestres qui doiuent administrer à leurs subiets, les choses necessaires à salut, qui sont les Sacremens, furēt nommés en Latin Parroissiens (nous les appellons Curez) & ceux qui sont sous leur cure & charge, Parroissiens. Je sçay qu'il y aura plusieurs Prestres qui seront bien aises d'entēdre: d'où est deriué ceste custume de raser les cheueux: mais possible aussi qu'il y en aura bien peu qui se mettent à obseruer la signification du signe, qui est de renoncer au desir des richesses temporelles, retenans pour eux seulement, ce qui leur est si necessaire pour sobriété.



*Horrible tyrannie, & subiect de tragedie d'Aristotome.*

CHAP. VI.

**A**Ristorime, sous les faueurs & force du Roy Antigone, auoit tyrâniquemēt occupé la seigneurie des Eueiens, en laquelle il exerçoit sa puissance si intemperément, qu'il ne laissoit sorte de cruauté ou d'injure, par laquelle il n'affligeast ces miserables citoyens: car il estoit de sa nature, le plus inhumain & cruel qu'homme de son temps. Il adioustoit à sa cruauté le conseil d'hommes barbares & bestiaux, ausquels il auoit donné non seulement l'administration du Royaume, mais aussi la garde de sa propre personne. Entre les autres grandes cruantez qu'il commit, est digne d'estre recitée pour exēple, celle qu'il exerça cōtre Philorime citoyen assez hōnorable. Ce Philorime auoit vne fille d'excellente beauté, & merueilleuse grace, nommee Micca, de laquelle estoit ardemment amoureux vn soldat fauori du tyran appellé Lucius: lequel manda au pere de la fille qu'il l'a luy deust enuoyer: Philorime troublé d'vne si malheureuse requeste, & cognoissant le pouuoir qu'il auoit enuers le tyran, craignāt q'pis n'e aduint, luy & sa mere exortoyēt la fille d'y aller: mais la ieune fille, qui plus que sa vie aimoit sa pudicité, cōme celle qui auoit esté noblemēt nourrie, se retrant à genoux deuant son pere, & l'ēbrassant estroittemēt, le supplia ne vouloir permettre, qu'elle s'exposast à tel deshōneur, & qu'il deuoit plustost desirer la voir morte deuant soy, que si vituperablement deshōnoree: le pere esmeu de ses larmes en grāde cōpassion, cōmença à plorer chaudement, aussi fit la mere. Et ayant quel que temps demeuré sans resolution, Lucius impatient de son immoderee paillardise, & ebriété, ne l'auoyāt point venir, alla luy mesme tout indigné en sa maison: où la trouuāt à terre embrassant les genoux de son pere, par grandes menaces luy cōmanda qu'elle se leuast sur les pieds, & le suyist incontinent: lors elle recōmençant sa plainte retardant & refusant de se leuer, ce cruel hōme, luy mettant ses habillemēs par pieces, la despoilla toute nuē, & la batit tref cruellemēt: mais elle supportoit les batures avec telle constance de courage, que non seulement ne ietta vn moindre soupir, mais



mais se monstroit encore preparee à en receuoir d'auantage. Le pere & la mere meuz à compassion de si horrible spectacle, avec grâds cris & larmes continuelles, se mirēt à genoux deuant luy, le priant vouloir prendre pitié d'eulx, & d'eux: mais voyās qu'ils ne pouuoient rien obtenir de ce cruel Barbare, commencerent à inuoquer l'aide des dieux & des hommes, dequoy plus indignē ce Barbare, tira son glaiue, & tua la vierge embrassant les genoux de son pere. De laquelle horrible cruauté non seulement ne s'esmeut le tyran, mais des citoyens qui blasmoient cest acte, les vns il faisoit mourir, & les autres bannissoit: tellement que plus de huiet cēs s'enfuyrent en Etolie: lesquels depuis escriuirent au tyran, le priant d'estre content de laisser retirer leurs femmes & enfans par deuers eux: ce qu'ils ne peurent aucunement obtenir. Quelques iours apres il fit cauteusement publier par vn trôpette, qu'il estoit content que les femmes des bannis peussent librement se retirer avec leurs biens & leurs enfans par deuers leurs maris: dequoy les femmes toutes resiouyes, cōmencerēt à faire leurs fardeaux, & à cercher les vnes des chariots, les autres des cheuaux, pour emporter leurs biens & leurs enfans: mais au iour determinē, estans toutes à la porte par où elles deuoyent sortir, avec leurs chariots chargez de leurs biens & de leurs petits enfans, & comme elles vouloyent s'acheminer, suruindrent les Satellites du tyran, qui avec horribles menaces leur crierent de loin qu'elles s'arrestassent, & arriuant à elles leur commandērent retourner arriere: puis furieusement renuerferent leurs chariots par terre, avec leurs biens & leurs enfans. Les miserables, par la grande presse ne pouuoient tourner arriere, ny seurement demeurer en ce tumulte, & ce qui estoit de plus grande cōpassion, estoit qu'elles voyoyent leurs petits enfans mourir tous brisez sous les chariots, sans leur pouuoir donner secours quelconque. En apres, ces soldats ayans assemblē les femmes, avec les enfans qui estoient eschappez, les firent cheminer, cōme vn parc de brebis, avec des baltons, vers le Palais du tyran: lequel apres leur auoir ostē tous leurs biens, les fit toutes emprisonner avec leurs enfans. Ceste grande cruauté despleur grandement aux citoyens, lesquels ne



Sachans cōme mieux esmouuoir le tyran à prendre pitié  
 de ces femmes, prindrent les seize Vestales consacrees à  
 Deuis, & les firent vestir d'habits sacerdotaux, & prendre  
 les choses sacrees du temple: & en ordre de procellion les  
 acheminerent deuers le tyran, qui estoit pour lors en la  
 place, à fin de luy demâder misericorde pour ces femmes  
 & enfans, les soldats qui estoient à la garde du tyran es-  
 meus de la reuerence de ces religieuses, leur firent vne  
 aisse, à ce qu'elles peussent paruenir iusqu'à la presence:  
 Aristorime s'arresta lors pour entendre que ces Dames  
 luy vouloyent dire, mais ayant cōpris par le commence-  
 ment de leur harangue ce qu'elles demandoient, il se  
 retourna tout desdaigné à les soldats, & les reprint rigou-  
 reusement de les auoir laissé approcher de luy; parquoy  
 ces soldats n'ayant esgard au sexe, ny à la religiō, avec des  
 haltes qu'ils auoyent leur donnerent des grâds coups de  
 bastonnades: & par ce moyen furent dechassees de de-  
 uant luy, & si furent condamnees de ce qu'elles auoyent  
 fait, chacune à deux talens d'amende. Il y auoit vn noble  
 citoyen en la ville nommé Ellanique, auquel le tyran auoit  
 fait mourir deux enfans, & neâtmoins à cause de sa vieil-  
 lesse ne le tenoit aucunement suspect: cest hōme ne pou-  
 uant plus supporter l'outrage & cruauté faire à sa patrie,  
 determina trouuer occasion de la venger par la mort du  
 tyran: cepēdant les citoyens qui s'en estoient fuyz (cōme  
 nous auons dit) en Etolie, ayans fait vne assemblee de  
 quelques gens vindrent en armes au pays des Eleusiens,  
 & occuperent quelques cōfins qu'ils fortifierēt, & là s'ar-  
 restèrent, delibērans de ces lieux esmouuoir guerre cōtre  
 Aristorime: & avec eux se ioignirent plusieurs autres ci-  
 toyens, qui estoient sortis hors de la ville, tāt qu'ils auo-  
 yent desia forme d'armee. Ces choses donnerent si gran-  
 de crainte au tyran, qu'il s'en alla vers les femmes de ces  
 citoyens qu'il tenoit prisonniers: & pource qu'il estoit  
 de courage selon & cruel, il pensa plustost pouuoir ob-  
 tenir d'elles par menaces, que par douces paroles ce qu'il  
 leur demâderoit, pource leur cōmāda par paroles rigou-  
 reuses qu'elles rescriuissent à leurs maris par Ambassa-  
 deurs qu'ils se desistassent de leur entreprise, autrement  
 qu'il feroit mourir leurs enfans, & fouetter leurs fem-  
 mes



mes par toute la ville: à ses paroles les dames ne respondirent rié: parquoy avec grâde cholere s'escria qu'elles luy donnaissent resolutiō de ce qu'elles en vouloyēt faire: lors aucune d'elles n'eut la hardiesse de respondre vne parole, mais sans dire mot se regardoyēt l'une l'autre, demonstrans ne faire grande estime de ses menaces. Or entre les autres y estoit Megestene femme de Timoleon, laquelle tant par la noblesse de son mary, que pour sa propre vertu, estoit cōme principale, honnoree de toutes les autres: ceste cy à la venuë du tyran, ne se voulut leuer, & ne voulut permettre que nulle des autres se leuast, mais quand elle eut ouy les propos de ce tyran, sans soy leuer de terre, & sans aucū autre signe de reuerēce luy respondit: Si en toy Aristotime, regnoit quelque prudēce, tu ne t'adresserois aux femmes pour leur faire escrire à leurs maris ce qu'ils doyent faire: mais bien les deuois renuoyer à eux, vsant de meilleurs propos, & avec meilleure consideratiō que tu n'as fait, quand te moquant de nous, tu nous as ainsi trompees: & maintenant que tu vois que tu ne peux faire autre choses, tu presumes par nostre moyen deceuoir nos maris par paroles, comme tu nous as trompees: de fait, tu t'abuses toy-mesme, car nous ne souffrirons estre par toy derechef trompees: & ne pense point qu'ils soyēt si fols, que pour remedier à la mort de leurs enfans, & au dommage de leurs femmes, ils delaisent à faire ce en quoy ils sont tenus, pour la liberte de leur pays: car la perte de nous & de leurs enfans ne leur est point si grierue, qu'ils seront satisfaits, s'ils peuuent deliurer leur patrie & leurs citoyēs de la cruauté, Megestene vouloit encore suyure plus outre, quand le tyran ne pouuant plus refrener son ire, commanda qu'on luy apportast l'enfant de la dame, & qu'il le vouloit occir en la presence: mais tandis que les ministres le cherchoyent parmy les autres enfans prisonniers, la mere avec grande constance l'appella par son nom, & luy dit: Viença vers moy, mon fils, afin que tu meures plustost par mes mains que d'esprouuer la cruauté du tyran. Ces paroles esmeurent Aristotime à plus grand desdain, lequel mit la main à l'espee pour la vouloir tuer: mais se trouuāt pres de luy vn de ses grands familiers nommé Cilon, il l'embrassa, & le garda de



si cruellement appaier son ire: ce Cilon estoit vn de ceux qui pourchassoit avec Ellanique la mort de ce tyran, ne pouuant plus supporter ses meschancetez: ce fait, il appaisa tellement Aristotime, qu'il luy fit remettre son espee en son fourreau, luy remonstrant que c'estoit chose vilaine & indigne d'un Prince, de se souiller les mains du sang d'une femme. Peu de tēps apres aduint vn grād prodige de la mort du tyran, car estant au lect couché avec sa femme, pēdant que les cuisiniers appareilloyēt à māger, fut veuē vne Aigle voler imperueusement sur le couuert du Palais, qui laissa tomber vne pierre droitement sur le toitēt de sa chābre, & à l'endroit où il dormoit: puis iettāt vn grādcry, disparut de l'aveuē de ceux qui la regardoyēt. Le tyran lors s'esuilla par le bruit de ces gens qui auoyēt veu ce cas, & tout espouuantē de ce prodige qui luy fut racontē, fit venir a soy vn deuinateur, auquel il se fioit grandemēt, pour sçauoir que cela signifioit: lequel luy fit responce qu'il eust courage, que cela denotoit que luy prier auoit soin de luy, & le fauorisoit: mais il disoit bien le contraire aux citoyēs, auxquels il se pouuoit biē fier pour la haine qu'ils portoyent à Aristotime, car il leur disoit que pour le seur, la vie du tyran estoit menacēe du plus grand peril qui fut iamais. Pour ceste cause Ellanique & ses cōiurez penserent qu'il n'estoit plus temps d'arrēdre, & fut entr'eux resolu de le ruer le lendemain. Là nuit ensuiuant Ellanique dormant, luy sembla en songe voir deuant luy l'un de ses enfans qui auoit esté mis à mort par ce tyran, qui s'escriāt luy disoit. Mon pere pourquoy dormez vous? que tardez vous? auez vous dōute de n'estre pas demain Prince de la citē: Ellanique dōc confirmé par ceste vision, alla le lendemain de grād matin trouuer ses compagnons, qu'il exhorta dōner execution au fait desigē. En ce mesme tēps Aristotime eut des nouuelles que Cratere venoit à son secours avec forcē gens, & qu'ils estoient desia logez à Olympie: dōt il fut treshoyeux, que luy seblant n'auoir plus occasiō de crainte, sortit hors du palais accōpagné seulement de Cilon, & n'attendit point les autres qui venoyēt vn à vn: quoy voyant Ellanique, & ingēant lors auoir bonne occasion de mettre l'entreprise à execution, sans donner le signe qu'il auoit ordonnē à ses



les cōiurez, leua les mains aux cieus, disant à haute voix:  
 Qu'attendez vous vaillans hommes, que ne faites vn  
 beau spectacle au milieu de vostre cité? Alors Cilon met-  
 tant le premier la main à l'espee, tua l'vn de ceux qui  
 estoient ia sortis du palais pour accompagner le tyran:  
 d'autre costé Aristotime voyant Thrasibule & Lampide  
 esmeus contre luy, cuidant euitier leur furie, se retira au  
 temple de Iupiter, où il fut occis par ses persecuteurs:  
 puis estant son corps tiré dehors publiquemēt, fut crie  
 la liberté au peuple; là s'assembloit la tourbe, mais peu  
 de gēs y arriuerent deuant que les femmes, lesquelles de  
 prime face, iouyeusement congratulerent à ceux qui  
 par la mort du tyran auoyent rendu le pais libre. Cepen-  
 dant le monde courut vers le palais, la femme d'Aristoti-  
 me auoit entendu la mort de son mari, & se dōtant de  
 ce qui luy seroit aduenü, s'enferma dans vne chambre, où  
 de soy mesme s'estrangla. Ce tyran auoit deux fort belles  
 filles prestes à marier, lesquelles ayās sçeu la mort de leur  
 pere, s'enfermerent toutes deux en vne chambre, d'ou el-  
 les furent tirees par force par le peuple, dont quelques  
 vns les vouloyent tuer: mais Megestēē avec autres da-  
 mes deliurees, s'y opposerent, disans que ce seroit chose  
 mal faite & digne de blāme, attendu que les cruels ty-  
 rans n'auoyent eu le courage de ce faire à elles mesmes:  
 aux prieres de ces dames vn chacun s'arresta, & fut prin-  
 se resolution. qu'elles mesmes se feroient mourir de leurs  
 propres mains: eslisant telle mort que chacune vouldroit.  
 Lors elles furent mises en vne chambre, dont la plus grā-  
 de ne monstrant de visage, ny de faire aucun signe d'estre  
 espouuantee de mort, s'osta la ceinture, & l'attacha à vne  
 piece de bois pour s'y pendre, exhortant sa sœur avec  
 viril courage de faire le semblable: mais la plus ieune pre-  
 nant sa sœur par la main, la pria qu'elle la vouldst laisser  
 mourir la premiere, & elle respondit: Tout ainsi comme  
 cependant qu'il nous a esté permis de viure cōme sœurs,  
 ie ne t'ay iamais rien refusé, aussi suis-ie cōtente de t'ac-  
 corder, ce que tu me demandes en ceste dernière fin qui  
 est que ie t'uiue à toy, combien que ce qui m'afflige le  
 plus, soit de te voir mourir. Apres ces propos la ieune  
 print sa ceinture, est l'autre l'admonestoit de la biē accom-



frer pres de l'os, afin qu'elle mourust plustost & plus facilement. Quand elle fut morte, l'autre despendit son corps & le couvrit du mieux qu'elle peur. Puis se tournant deuers Megestene, la pria qu'apres sa mort, elle ne permist son corps demeurer sur la terre tout nud, & cela fait, elle se pendit aussi du mesme laqs.

Pourquoy les hommes ne peuuent cognoistre la verité des  
choses pendant qu'ils vivent.

СНАР. VII.

**I**l y a cinq causes principales pourquoy l'homme ne peut sçauoir la verité des choses pendant qu'il est en ce monde, & s'il les sçauoir, il pourroit se reputer vraiment estre sçauant. La premiere est l'ignorance de sa fin: c'est à dire, ne sçauoir à quelle fin il est creé, car c'est chose certaine que s'il le sçauoir, qu'il ne se trauueroit pas moins pour y paruenir, qu'il fait pour acquerir dignités & richesses, esquelles (parce que luy represente son appetit) il luy semble que doye consister tout son bien. Mais il luy aduint en cela, come au fils d'un Roy en son enfance, car qui luy demaderoit, qu'il aime le mieux ou la succession d'un royaume, ou vne pomme, ou des cerises, qui lors on luy monstreroit. Il n'y a point de doute qu'il choyiroit plustost la pomme ou les cerises que le royaume, d'autant qu'il les trouue meilleures, parce qu'il en a veu & experimenté: Ainsi en aduiét à l'homme, auquel si on demandoit, lequel il aime le mieux ou richesse, ou science, il esliroit plustost estre riche & puissant: ignorant que le seul sçauant est riche: & qu'il est necessaire que le sage ordonne & gouverne, & que sans la science, le pouuoir n'est puissant, mais impuissant; & priué de puissance, & aussi que la richesse sans sçauoir, est possession de bestise, abondance de presumption & accomplissement de lourdisse, mais le sçauant suffit tousiours à soy mesme, & à d'autres, ayant en luy vn thesore abondant qui iamais ne peut failir: or tout cela procede à l'homme pour ne sçauoir quelle est sa fin. La seconde cause est de l'usage des delectations corporelles, volontaires & sensibles, lesquels submergent & couurent les sentimens, non seulement du corps, mais aussi ceux de l'esprit & de l'intellect tellement que cest



homme ainsi enuelpé en la fange de ce monde, est semblable à vne belle fille de Roy, à laquelle doit appartenir le Royaume du pere, & pour auoir commis adultere avec vn esclau laid & noir, vient à perdre la succession. La 3. cause prouient de l'indisposition de la matiere, qui rend l'homme bien souuent incapable des sciences: & ce aduient quelquefois à cause des lieux & regions de sa naissance, par lesquels il vient à receuoir mauuaise complexion: comme en quelques parties Orientales & d'Afrique, ou les hommes naissent si bestiaux, à cause de la trop grande chaleur, qu'ils ne sont capables d'aucune raison: & au contraire, ez parties Septentrionales en aucuns lieux, pour l'extrême froid, & s'engendrent hommes aussi furiex que sont les Goths & Ostrogots, desquels aucuns mangent chair humaine. Et ces gens là se peuuent comparer à vne Aigle, au pied de laquelle on ait lié vne pierre qui la garde de s'envoler par la violence qu'elle fait à la nature de cest oyseau, qui est de voler par dessus les nuës. La quatriesme est la difficulté des sciences, car encore que l'homme voye que le desir de son ame, est de chercher ententiement, & scauoir la verité des choses hautes & profondes: toutesfois trouuant tant de difficulté à les entendre, il en abandonne l'entreprise, & se rend semblable à l'œil, qui se ferme ententiement à regarder le Soleil, duquel sort vne esplendeur si penetrante, qu'elle esclipse, & le trouble tellement qu'il ne la peut regarder. La dernière & plus forte de toutes, est vne affection que l'homme a prise en sa ieunesse, ez choses esquelles il a esté instruit, & mesmement quand il a esté long temps en ce desir: car lors la coustume se conuertit en nature, & pour ce est causee en l'ame de cest homme vne tresferme foy, & vn amour singulier à ces choses, ayant ce qui leur est contraire: & tout le monde est presque enuuey en cest erreur. Ne voyons nous pas les enfans des Turcs, qui deuant qu'ils ayent aage de raison, abhorissent nostre foy & semblablement font les Iuifs. Nous voyons pareillement que les paysans, pour estre accoustumez aux lieux champestres, viuans grossierement, abhorrent la conuersation des gens de cour, & des villes: & de là est venu le prouerbe qui dit: que malheureux est l'oyseau qui est né



en mauuaife vallee, car par l'vsage & cōuersation d'icelle il ne s'en peut partir, encor qu'il en voye de meilleures. Non seulement en cela se cognoit la force de ceste habitude, car nous mesmes hayons ceux d'un autre pays sans les auoir veus ou hantez, mais seulement pour en auoir eu mauuaife relation. Cest erreur est penetré iusques aux femmes, ausquelles est tant à gré ce qu'elles ont accoustumé, que combien qu'il soit mauuais, elles ont en horreur le contraire, encore qu'il soit meilleur. Finalement cest amour de l'vsage, & l'abhorrissement de ce qu'on ne scait, s'estend quasi en toutes les choses d'eslection. Pource est de besoin chasser de nos coeurs ces empeschemens, afin que puissions cognoistre (s'il est possible) la verité des choses: car en la cognoissance d'icelles, gist tout cōtente-ment en ce monde, & la voye d'auoir felicité en l'autre, imitant le bon laboureur, qui voulant bien cultiuer un champ, en oste premierement les espines & mauuaifes herbes, puis seme son grain. Aussi quand le Medecin veut donner santé à un malade, il luy purge premierement l'estomach des humeurs corrompues, parce qu'en matiere mal disposee, la forme ne se peut introduire. Nous nous deuons donc efforcer en toutes sortes, car l'homme raisonnable qui ne veut consentir à la raison, mais seulement adherer à son appetit, est comme qui voudroit nauiger par les monaignes, & baltir en la mer: car lors l'effect de l'un & l'autre seroit priué de sa propre fin.

Des choses monstrueuses qui seruoient d'augures

Des choses monstrueuses qui seruoient d'augures

au temps passé

CHAP. V III.

**A**u temps passé, quand par la permission du vray Dieu, les oracles (qui estoient aux esprits cachez en ces brouilleries) donoient responce aux idolatres, on voyoit plusieurs prodiges en l'air & en la terre. Et pource que de nostre temps, que sommes en la vraye foy, nous n'en voyons point, il nous est difficile à croire ceux là que les auteurs recitēt estre aduenus en leur tēps. Et me semble que nous y deuons adiouster foy: car puis qu'ils ont escrit les histoires des guerres & autres choses aduenues de leur temps, y estant interee la memoire de ces prodiges, nous



ne deuous point les croire en partie, ains estimer que si comme ils ont fidellement traité d'une chose, qu'ils ayent par la mesme fidelité traité des autres, mesmemēt quand elles sont confirmées par plusieurs auteurs. Entre les autres prodiges du temps des Romains, le plus notable fut celuy du Modenois, sous le Consulat de Lucius Marius & de Julius Sextius consuls: Que deux montagnes se leuerent de leurs propres lieux, & se rencontrerent de telle impetuosité, que laissant grande flāme & fumee par l'air, par leur heurt furieux, & leur retour en arriere, non seulement destruisirent les villages qui estoient entredeux, mais aussi exterminerent les bestes en la presence des voyageurs, & d'une compagnie de cheualiers Romains. Pline raconte au mesme lieu, & dit que de son temps, & sous l'Empire de Néro, Vellus Marcellus cheualier Romain, q̄ l'Empereur auoit mis pour luy au Royaume de Naples auoit au territoire Marrucin, quelques champs, l'un de ça, l'autre de là du grand chemin, l'un estā vn pré, & l'autre plein d'Oliuiers: aduint par vne esmerueillable vertu que ces deux champs changerent de place: car les Oliuiers se transporterent là ou estoit le pré, & le pré au cas pareil fut veu se trāsporter: là ou estoient les Oliuiers, qui fut iugé proceder par force de tremblement de terre. Cela n'est pas seulement recité par Pline, mais est aussi raconté aux Chroniques de plusieurs hommes de sçauoir & en vn liure de la guerre de ces deux monragnes. Combien aussi que Pline ne croye pas que les hommes soyent transmueez en Loups, il recite neantmoins, qu'Euant, auteur de non mediocre autorité entre les Grecs, raconte que ceux d'Arcadie ont escrit, qu'en Arcadie y auoit vn estang, auquel les hommes estoient pour certain temps conduits par sort à le trāuerser, & qu'ils se veautoient en l'arene d'iceluy: se trāsformans en figure de Loups, & qu'ayans demeuré en c'est estat l'espace de 9. ans, ils reprenoyent leur forme ancienne, selon que le recite Fabius, lequel adiouste ainsi que Copas, qui a escrit, l'Olimpiede, raconte, qu'un appellé Demarque, auoit mangé les entrailles d'un ieune fils, que ceux d'Arcadie auoyent sacrifié à Iupiter Lycee, & qu'il s'estoit transmué en Loup, & qu'il demeura en ceste forme 10. ans, & qu'apres



estre retourné homme, il auoit obtenu la victoire de la luite, au mont Olympe. S. Augustin au quatorzieme liure de la cité de Dieu, dit, que Varron recite le semblable. Je ne puis croire que ce soyent faictes ces transformations, mais plustost qu'elles sembloyent telles par art diabolique. On se deuroit esmeruëiller des choses merueilleuses que dit Pline, car il escrit plusieurs choses reputées impossibles comme de transformatiō de femme en homme, & toutesfois il ne le veut pas croire des choses semblables, ou moins impossibles, & qui sont apparues comme j'ay ia dit. Néantmoins qui considerera bien les escritures, possible ne s'esmeruëillera point de ces transformations realement aduenues & non faictes. Car nous scauons qu'il est contenu en Genese, que les verges des Magyciens furent non, en apparence, mais en effect par voyes secrettres, muées en serpens. Or qu'elle chose est la plus facile muer vne verge en serpent: ou en vray corps d'un homme (ie ne dy pas l'esprit) transformer en beste? L'opinion de saint Augustin est valable, parce qu'il dit, qu'il sembloit à vn certain homme que sa fille fut muée en vne ieune iument, & l'ayant mené à saint Hilariō l'ayant iceluy saint regardee, il dit qu'il voyoit vne femme, & non vne iument: pource il fit son orailon, laquelle finie, le pere reuid sa fille en son premier estre: Parquoy lon peut iuger que telle chose se monstre à l'homme, qui n'est pas, & que telle chose est apparente, & nō point existente. Mais retournons aux augures. On a veu par plusieurs fois, qu'à l'ouuerture d'une beste, on ne luy trouuoit point de cœur, comme il aduint la premiere fois que Cesar dictateur s'assit en la chaire dorée, & lors fut disputé entre les Aruspices, s'il se pouuoit trouuer vn animal sans cœur. Pline recite & Cicero de Diuin. que Caius Marius immolât en Vrique, il ne fut point, au cas pareil, trouué de cœur en la beste: mais on peut bien presumer que cela ne venoit point de la nature, ains de ce que ces faux esprits trōpoyēt ainsi les gens, ostāt le cœur des bestes lors qu'on ne sacrifioit. Scachans biē ce qui en deuoit aduenir. Il s'est aussi maintes fois trouué deux cœurs en vne beste car nous lisons qu'au sacrifice que fit Marc Marcel, auant qu'il mourut en la bataille, qu'il eut cōtre Annibal, le premier



mier iour il ne fut point trouué de cœur aux bestes qu'ils sacrifierent, & le iour suuant en l'autre sacrifice, il en fut trouué deux. Pline recite au lieu preallegué qu'en Paphagonie les perdrix ont deux cœurs, ce que pareillement dit Tehophraste, entre les philosophes tres-ex-perts aux choses naturelles, comme recite Aulugelle en son sixieme liure, quinzieme chapitre. Theopompe dit, qu'en Bisaltrie, le lieure à deux foyes: & en aucuns lieux les brebis n'ont point de fiel, comme au pays d'Euboe. En Nasse elles sont tout au contraire, car elles l'ont tres-grand, & double: & les grenouilles qu'on appelle Rubettes, ont deux foyes, l'un venimeux, & l'autre medecinal, & quand elles meurent les formis y accourent, & mangent le medecinal. On dit que le iour que mourut Pirrhus, on vid en sacrifiant les testes des bestes mortes, qui leschoyent par terre leur propre sang. L'an qu'Annibal fut vaincu des Romains, sous Publius Aelius, & Cneius Cornelius consuls, on vid les fromens naistre sur les arbres: & Aristandre Grec, recite en son liure des prodiges, (& est confirmé par C. Epide Romain, en ses Commentaires) que quelques arbres ont esté muez en autre espece d'arbres. Nous lisons pareillement, qu'en la guerre des Cimbres, fut ouy en l'air vn bruit d'armes, & son de trompettes: aussi la troisieme annee du consulat de Marius, furent vuës deux armées au Ciel qui s'alloyent rencontrer d'Orient en Occident, & plusieurs semblables prodiges, desquels fait mention saint Augustin, en son liure de la cité de Dieu.

Combien est grande l'erreur des Princes Chrestiens de permettre le duel.

CHAP. IX.

**T**Out ainsi comme l'abus est venu, quasi en toutes les choses du monde, par la froide charité qui est és hommes: & par leur malice tant augmentee, ainsi est aduenue du duel, lequel estant par les grand Princes, lors qu'ils s'exercitoient aux armes, tant honnorablement admis en certains cas, & differens de tres-grande importance, qui ne se pouoyent terminer autrement: est venu à esté



a esté tellement corrompu, que tout simple & priué soldat, pour petite occasiō presume luy estre licite de le tuer. Et ce qui me rend plus estōné, est de voir que les Princes Chrestiens seulement le permettent combien qu'à eux plus qu'à nuls autres par loy expresse il soit defendu : & est augmenté tellement cest abus, que si Dieu ny pouuoit ie crains de voir vn iour, que les prelatz d'Eglise le permettent aussi. Ce duel & combat est prohibé au Chrestien qui le fait : à celuy qui le permet, & à celuy qui le void par raison diuine & humaine, tant Canonique que Civile. Il est defendu par raison diuine par cest argument. Tout acte par lequel Dieu peut estre tenté, est prohibé au Chrestien par le commandement de Dieu : car il est escrit : Tu ne tenteras point le Seigneur ton Dieu : que Dieu soit tenté par lequel on le prouue en ceste sorte. Faire preuue des choses qui ne se peuent conduire à fin, par voye naturelle, mais seulement par œuvre diuine, les tentant, est tenter Dieu : comme il aduient aux choses de purgatiō, ou il est tout notoire, que par voye naturelle le plus adextre ; & puissant veinera le foible & moins adextre : & le contraire (qui est, que le plus fort soit vaincu du plus foible) ne peut aduenir sinon miraculeusement, mettant dōc ces personnes en vn camp si dissemblables, lon cherche la victoire en celuy qui a la raison, afin que la verité soit manifestee : ainsi donc lon tente Dieu en voulant qu'il face miracle, ce qui aduiendroit s'il foible estoit victorieux du fort, ce que seroit contre nature. On le prouue encore estre defendu par raison diuine, par cest autre argument : Quand vne loy defend vne chose, elle defend aussi de faire ce pourquoy on peut faire la chose defendue, estant donc defendu par la loy diuine de tuer personne : le duel est pareillement defendu, veu que par iceluy peut aduenir homicide. Il se prouue encore par c'est autre : Le diuin commandement defend toute action qui s'esloigne de la fontaine de charité, laquelle est guide de toutes vertus, & dechassans tout vice. L'acte du duel est aliéné de charité, vni au vice. pource que charité n'est autre chose qu'aimer Dieu & son prochain, & venant au combat on cherche de tuer son prochain, en desobeissant à Dieu. Il est pareillement prohibé, par la loy canonique, d'autāt qu'elle  
suit



suit toujours la Divine, & par la raison que l'un le defend, est defendu par l'autre. Le duel est aussi defendu par la loy des hommes, & la preuve est, que tout ce qui repugne & contredit à l'équité naturelle, est prohibé par la raison des hommes, car ceste raison est fondée sur l'équité naturelle: l'équité de la raison des hommes, veut que celui qui commet crime, soit puny, & que l'innocent soit absous: toutesfois par ce duel aduient bien souvent le contraire. Il se preuue encore par cest autre argument: l'équité naturelle sur laquelle (comme nous auons dit) est fondée la raison des hommes, est entierement pour la conseruation & augmētation d'iceux. L'action donc qui tourne en la destruction & diminution des gens, est defendue: or que ce soit le duel, il se prouue, pource que par iceluy les hommes s'entreuent, lesquels sont de plus grand prix que chose qui soit au monde. On le preuue encore par l'argument suyuant tout acte qui repugne aux preceptes de l'équité naturelle, est prohibé par la raison des hommes, car elle est fondée sur icelle cōme nous auons dit. L'un de ces preceptes est, que nul n'aquire honneur ny profit, au dommage d'autrui: l'autre que nul ne desire à autrui, ce qu'il ne voudroit pour soy-mesme: or cest acte de duel contredit à l'un & l'autre, parce que celui qui s'y conduit, cherche sa gloire, par le vitupere & dommage de celui contre lequel il combat, qui est son prochain, & desire à autrui ce qu'il ne voudroit pour soy-mesme, à sçauoir le vaincre & tuer. Il est defendu encore de raison Civile, par ceste reigle: Le droit Civil defend tout acte par lequel la iustice soit deniee aux parties, ou faire iniure: or en ce combat aduient le plus souvent le contraire, c'est que l'innocent meurt, & le coupable reste en vie, tellement que par ce moyē, la iustice n'a point de lieu.

~~~~~

Des merueilleuses proprietéz de l'Asne.

CHAP. X.

Entre toutes les proprietéz des bestes, celle de l'Asne est esmerueillable, car il est si domestique, qu'il s'adore dit que son nom est prouenu de ce mot, *Assessor*, d'autant qu'anciennement les hommes montoient dessus: ou bien de la dictiō Grecque *Asinos*, cōposée de *A*, qui est dictiō Grecque



Grecque priuatiue, qui signifie Sans: & *ois*, qui signifie Sens: tellement que ces deux dictions assemblees signifient, sans, sens, aussi dit-on qu'il a peur de passer sur vn pōt, sous lequel on peut voir passer l'eau, pource qu'ayāt le cerueau debile, il a peur par instinct naturel de rōber dedans: il craint aussi pareillement d'entrer en l'eau pour basse qu'elle soit, craignant que par le cours d'icelle, son cerueau ne se trouble, & qu'il ne se noye, ce qui procede de la cognoissance qu'il a de son imperfection. Cest animal est paresseux, & melācolique, pource qu'il est froid, sec, sans memoire, laborieux, & propre à porter faix: par sa grande fragilitē, il ne peut viure es regions froides, & s'il y vid d'auanture, il n'aime point l'action generatiue, & ne peut engendrer. Il porte mieux sur les reins que sur le dos ny sur les espauls: car estant melancolique, il a les os de derriere plus forts & plus secs, car là est le signe de la melancolie, & pource il a la peau si dure & espesse en cest endroit, que combiē qu'on le frappe de gros bastōs, on ne le peut faire mourir sinon qu'à grand peine: aussi parce qu'il est ainsi de terrestre nature il est peu disciplinable, & s'engraisse mal aisēment. Albert le Grand dit, que pour ceste mesme cause, il endure grand mal de teste, & meurt souuēt tresbuchāt la teste d'un costē, & que par la pesanteur de sa teste, il luy rōbe souuēt sus le poulmō, vne humeur espaisse & visqueuse, qui luy cause difficultē d'haleine, & le fait tomber en pasmaison. Il mange peu, & tāt plus s'enuieillit, d'autāt plus boit qu'autre animal. Sa grāde froideur & siccité, ne le permet esmouuoir à engendrer au tēps des autres animaux, à sçauoir, auant l'equinoxe hyemal, ou bien sous l'equinoxe: ains au mois de May, quād le Soleil mōte, quasi à l'angle droit de l'equinoxe, & lors sa grosse humiditē estant dispersee, & diminuee, il s'esmeut à cest acte par telle furie, qu'il semble deuenir fol, & mesmemēt quand il est ieune. La grosseur de son cuir prouient, comme nous auons dit, de tēs grosses humeurs, & celuy qui fera semeler ses souliers du cuir sur lequel l'Ane aura long tēps porté la charge, il ne les consumera point, les portast il long tēps, par lōg voyage & chemin pierreux, & à la parfin s'endurcirōt en sorte que les pieds ne les pourront endurer. Albert le grand  
le 12



Je raconte par preuue. De ceste siccité vient que le lait  
 d'Asnelle est si subtil qu'il n'a en soy point de caillé, &  
 pource on en baille aux ethiques, ou Phrysiques: encore  
 dit-on que la blâcheur de ce lait, sert de beaucoup pour  
 faire belle chair, & pour la nettoyer: pource racôre Pline,  
 que Poppee concubine de Neron, se baignoit souuent au  
 lait chaud d'Asnelle. C'est animal a par coustume d'vriner  
 au lieu où il sent qu'un autre Asne aura vriné. Il est  
 fort hay des petits oyseaux, pource qu'il rôge les espines  
 des buissons, où ils font leur nid, & avec son horrible voix  
 les iette par terre, & les fait fuir, s'ils sont dedas. Le Cor-  
 beau est son ennemy naturel, tellement que s'il a quelque  
 escorcheure sur l'eschine, il yole dessus, & l'y picque avec  
 son bec, & par ce mesme moyë les petits oyseaux aussi se  
 vengêt de luy: mais le Corbeau, sur tous les autres, tafche  
 à luy creuer les yeux avec son bec, contre lequel luy sert de  
 deffence la cōcauté d'iceux, la durté de la peau, & la pro-  
 pre agitation de ses oreilles: car en fermât les yeux, il les  
 chasse de ses oreilles. L'ours est aussi son ennemy, lequel  
 le cherche souuēt pour le ruer, desirant mâger de sa chair  
 crüe. Il ne veut boire qu'aux fontaines où il est accou-  
 stumé, & où il peut passer sans se mouiller, & ce qui est  
 esmerueillable, est, q si on luy trouble l'eau, encore qu'il *Pli. liu. 8.*  
 ait grand soif, à grand peine vouldra il boire, si on ne luy *chap. 43.*  
 baille eau semblable à ceste là: & dit Pline, qu'à fin qu'il  
 boiue, il le faut descharger de sō fardeau, si on ne l'y peut  
 contraindre autrement. L'asne aime son Asnon de si grã-  
 de amour, que pour craintiue qu'elle soit de nature, ne  
 craindra pourtāt de passer à trauers d'un feu pour l'aller  
 grouuer. Aristote dit q l'Asnelle demeurera autāt de tēps *Arist. li. 2.*  
 à conceuoir qu'on luy baillera à mâger de grains d'orge *de la gene.*  
 baignez en sãg de Mulet, & qu'à la generatiō des Mules, *ration des*  
 on ne doit prēdre lument qui ait moins de 4. ans, ny plus *bestes ch. 6*  
 de dix. Et pource que naturellement nulle beste n'habite  
 avec autre que de son espeece, les Pasteurs q veulent faire  
 engendrer un Mulet, par un Asne, & une lument, vsent de  
 cest artifice, c'est qu'ils nourrissent l'Asnon de ieunesse  
 avec lait de lument en lieu obscur, afin qu'il le prēne. Par  
 ce moyë paruenue en aage, cōme adultere, viēt à aimer les  
 lumens, & par mesme moyë nourrissent les poulains des  
 lumens



*Aristote  
ut supra.*

*Pli. li. 8.  
chap. 44.  
Arist. ch.  
3. des be-  
stes.*

lumens avec lait d'Asnesse, puis apres habitent volontairement avec les Asnesse, & s'il aduient que la lument soit prinse, & que l'Asne vse encore avec elle, incontineé sa grosseffe se corrópra, par la grande froideur de l'Asne: ainsi en aduient-il à l'Asnesse si le Cheual se joint à elle & par la mesme raison. Le Mulet qui naist de l'Asne & de la lument ne peut engédrer: la cause selon Aristote, est que estât (comme nous auons dit) la semence de l'Asne froide & à icelle se joignant la semence de la lument, laquelle (à respect du sexe feminin) est aussi de complexion froide, par tant ce qui est engédreé est si froid, qu'il ne peut estre propre à generation. Et combien que Plinc dit, qu'elles ont souuent pouliné, ce n'est pas pourtāt naturellement, ains plustost comme chose prodigieuse. Aristote cōcede aussi qu'ils engendrent: mais que le fruiēt ne se peut esleuet: Theophraste dit qu'en Cappadoce ils engendrent & poulinent. Aristote recite, que l'Asne s'engraisse plus en beuuant de l'eau trouble, que de la claire, & qu'il l'aime mieux, au cōtraire de la vache. Le poulin de l'Asnesse est de si courte memoire, qu'allāt apres sa mere, si elle s'esloigne de luy de cinq pas, il ne la suit plus, mais s'arreste là. On dit que l'Asnesse a par coustume quād elle veut pouliner, de se retirer en lieu obscur: & l'opinion d'Albert le Grand est qu'elle le fait pour la debilité des yeux de son petit. C'est chose experimentee (selon le mesme autheur) que prenant son foye, & le faisant boüillir, pour rostir en vn mesme iour, qu'il profite aux malades du mal caduc, moyēnant qu'ils en vsent: & leur fait la mesme operatiō ses ongles bruslees, en beuuant en poudre le pois de trois ducats, & tous les iours vne once: l'ēplastre qui sera faite de ces ongles dissoudra les escroüelles, & guerit les fentes qui viennent aux mains en Hyuer, à cause du froid. Ses ongles pilees & mis en poudre, puis appliquez sur vne apostume percee, seruēt beaucoup. Sō vrine est fort profitable à la douleur des reins, causee par grosse humidité, & la fiēte bruslee ou nō, si on en fait emplastre restreint le flux de sang, & si on fait de la fumee en vne maisō avec le poulmon d'un Asne, les vers s'enfuiront. Derechef la fiente baignee en vinaigre, & appliquee au nez en vn drapeau par plusieurs fois, restreint le flux de sang qui en vient



viendrait, & mettant vn emplastre au front de la mesme matiere, fait le mesme effect. Et dit Pline que son lait, & son sang seruent contre la morsure du Scorpion. Son vrine avec du nard, augmente & conserue les cheueux: & ses os pilez, & beus, deliurent l'homme de venin. Aristote, Albert le grand, & Pline recitent infinité d'autres vertus, qui sont en cest animal tant mesprisé, qui seroyent trop longues à raconter.

*La grande constance d'Arethaphile Cyrene.*

CHAP XI.

**L**A constance de la noble Arethaphile de Cyrene, est digne d'estre métiōnee par tous les siècles: elle estoit fille d'Eglator, & femme de Fedin, qui estoit par noblesse, & richesse, vn des premiers de celle ville: elle fut de son temps nō moins de beauté douce, que de prudence, & eloquence en son parler. Aduint que Nicocrat ayant occupé la tyrannie, & condamné plusieurs citoyens à mort, entre les autres cruautéz qu'il commit, il tua Melampe Prestre d'Apollo, pour encore vsurper cest office sacerdotal. En apres ayāt par tromperie fait mourir Phedin, mary d'Arethaphile, print à femme Arethaphile, par force, & cōtre sa volonté: & ne cessant de iour en iour, à s'enorgueillir enuers les citoyens, vsant & augmentāt sa cruauté, en fit par vne furie siēne mourir grād nōbre: & pource qu'il les faisoit enseuelir hors de la ville: & estant aduertty qu'aucuns feignoient estre au nombre des morts, & se faisoient porter dehors pour eschapper la cruauté, il fit demeurer ses soldats à la porte de la ville, lesquels avec dagues, & grās poingons de fer, tous rouges de feu perçoient ces corps, pour s'asseurer s'ils estoient vifs ou morts. Ces choses desplaisoyēt merueilleusemēt à Arethaphile la femme, laquelle meue à grande cōpassion de sa patrie, outre la grande haine qu'elle luy portoit, pour l'assassinement qu'il auoit vŕé enuers son bien aimé Phedin, determina hazarder sa vie pour luy faire perdre la sienne. Et combien que Nicocrat l'aimast tref-ardēment, & que pour luy cōplaire luy fist infinité de graces, non pourrāt osta de son esprit ceste magnanime delibération: & quand par la puissāce du



tyran tous les citoyens perdoient l'esperoir de la deliuranc  
 ce de ceste tyrannie, elle seule se confermoit tousiours en  
 plus grande esperance, de trouuer l'occasion de le faire  
 mourir. Elle adroustoit à sa deliberation la memoire de  
 la Thebaine Pheree, tant renommee au monde, & on des  
 siroit fort l'imitatio: mais pource qu'elle n'auoit la com  
 modité des compagues comme eut Pheree, delibera pour  
 mettre à fin son entrepriue, de faire mourir le tyran par  
 venin: par lequel moyen elle encoûrut de grands dangers  
 (côme nous dirons) d'autant qu'elle faillit par plusieurs  
 fois à son dessein, & finablement y estant surprise, ne fut  
 l'insistance sa dissimulation, laquelle fut conuaincûe avec  
 tres-certains argumens. Alors Caluie mere du tyran qui  
 grandement la haïoit comme femme de fier courage, la  
 persuadoit qu'on la fust mourir de grief supplice: mais la  
 grande amour que Nicocetat luy portoit, & le grand cœur  
 qu'elle monstroït, respondât à ses accusateurs, furent cau  
 se qu'on ne diligenta la mort: toutesfoi après grande cō  
 trainte, estant par clairs indices conuaincûe, & ne pouuât  
 plus s'excuser, qu'elle n'eust preparé ce venin pour luy, en  
 la presence des iuges courageusement luy dit: Je confesse,  
 mô mary, que ce breuuage a esté par moy appresté, pour  
 te le donner, non toutesfoi que i'aye iamais pensé, ny au  
 cunement sçeu que ce fut venin, ains vn breuuage amou  
 reux: car me voyât enuiee de plusieurs Dames, à cause de  
 l'amour qu'elles cognoissent que tu me portes: & d'autât  
 que ie suis esleuee en gloire & richesses par dessus elles,  
 doutant qu'elles ne procurent par tous moyens, de te  
 attirer à les aimer, i'ay fait ceste liqueur afin q tu m'ai  
 masses plus fermement: par quoy si i'ay failly en cela, ie ne  
 dois point estre punie, veu qu'à ce m'a incité l'amour que  
 ie te porte, & nō point par haine: & neantmoins si ie dois  
 estre punie, ie ne merite point la mort cōme empoison  
 neuse, mais bien comme femme qui ay voulu practiquer  
 des enchantemens & breudages par trop aimer mon ma  
 ry, & pour rendre son amitié correspondante à la mienne,  
 Se deffendât la Dame avec ceste constance, l'excuse sem  
 bla au tyran aucunemēt vray-semblable, pource ne vou  
 lut qu'on la fust mourir, mais il permit biē qu'on la tour  
 mentast par gehenne, pour luy faire confesser la verité.

Caluie,



Caluie, ayant fait appareiller les tourmens, luy en fit tant donner, & tant elle-mesme luy en donna, qu'elle en fust lassée, toutesfois Aretaphile ne confessa aucune chose au moyen de quoy elle fut deliuree, & iugée inculpable par Nicocrat, lequel se repêtit fort d'auoir permis qu'elle fust tourmentee: bien peu apres vaincu de grâde amour s'efforçoit avec plusieurs dons de la reconcilier en son amitié. Elle comme prudente & sage, dissimuloit de l'aimer au possible, mais retenant en son esprit le souuenir de tant d'offenses receuës, attendoit le lieu & temps de s'en venger: & pendant qu'elle resoluoit en son esprit le moyen qu'elle pourroit tenir, se presenta à elle ceste occasion: Elle auoit de Phedim vne ieune fille, de grande beauté & vertueuses coustumes, & ayât Nicocrat vn frere, nommé Leandre, ieune fort dissolu, & adonné à l'amour des femmes, elle tascha de l'attirer en l'amour de sa fille, en sorte que par enchantemens & breuages amoureux, qui luy auoyent esté enseignez, facilement l'attira à l'aimer principalement pource que la fille estoit instruite par la mere de luy monstrier signe d'amour. Apres cela, elle fit tât que Leandre pria son frere, de luy donner pour femme, ce qu'il obtint par le cōsentemēt d'Aretaphile. Apres les nopces, Leandre qui aimoit fort la ieune dame, ne se pouoit saouler de luy faire caresses, & luy donner contentemēt: parquoy vne nuit par le cōseil de sa mere, elle l'exhorta par bon moyen de vouloir procurer la mort de son frere, & faire cest acte genereux de vouloir deliurer son pays de si grande tyrânie, & qu'il se tint tout asseuré que pour recompense de ce bien, il seroit esleu par les citoyēs pour Roy legitime: ioint que s'il ne le faisoit, & que son frere vint à estre tué, ce qu'il ne pouoit auēcunemēt eschaper, sa vie mesme ne seroit pas trop seure, luy remōstrant par diuers exemples la cruauté de son frere, qui nō seulement vouloit tenir les citoyēs sous le dur ioug, mais aussi luy mesme qui estoit son frere: & qu'il soit vray, disoit-elle, regarde qu'il n'estoit pas en ta liberré de prendre femme sans l'en prier. Leandre à la persuasio de sa femme fut induit à l'instant à conspirer cōtre son frere, & mesmemēt oyant que cela estoit agreable à Aretaphile, Parquoy cōmuniquant son entreprinse à Dannides, son familier &



feal amy, avec l'aide d'celuy, vn iour le tua, & se fit Seigneur du royaume, par la possession duquel il se fit si puissant, que méprisant Arctaphile & ses exhortations, il fit par effect cognoistre au monde, qu'il estoit plustost homicide de son frere, que conspirateur de la mort du tyran : parce qu'il gouuernoit le royaume, avec iniustice, & imprudence encore qu'en apres il commençast quelque peu à auoir sa belle mere en aucune reuerence. Au moyen dequoy elle voyant n'auoir encore deliuré ses citoyens de tyrannie, delibera de le faire mourir aussi; parquoy secrettemēt elle suscita Anabe, homme fort belliqueux, natif de Lybie, de faire la guerre à Leandre : ce qu'il fit, lequel s'estant approché avec son armee, elle appella Leandre, & luy dit que ces Capitaines n'estoyēt esgaulx ny en prudence ny en force à l'ennemy, & que ce n'estoit point son aduantage d'auoir noise à personne, iusques à ce que par puissance il n'eust bien asseuré son pied dans ce royaume: pourtant le conseilloit de tacher par tous moÿs à pacifier avec Anabe : luy promettant de trouuer moyen elle mesme, qu'il pourroit parler & communiquer facilement avec Anabe: Leandre trouua bon le conseil de sa belle mere, & l'accepta, lors elle commença à pratiquer l'assemblémēt d'eux deux: mais deuant le temps designé, elle enuoya quelques siēs messagers fiables pour prier Anabe, que quand Leandre sortiroit, il le tuast, ou fust prisonnier, luy promettant pour ce faire, grande somme d'argent. A quoy le Lybien prestant l'oreille, le promit faire. Leandre craintif de nature (comme sont coustumierement les tyrans) differoit tousiours ce parlement: mais pour la hôte que luy faisoit sa belle mere, q' l'accusoit d'estre couïard & peu resolu, & voyant qu'elle s'offroit luy faire compagnie, finalement se mit en chemin, & sortant hors tout desarmé, & voyant approcher Anabe avec les siens, il comēça fort à craindre, & s'arresta, disāt ne vouloir aller plus outre, ains ar-  
 rēdre là ceux de sa garde: Arctaphile ores par remōstrances, & ores par paroles ignominieuses, blasmant sa couïardise, tachoit tousiours le pousser auant, & finalement le prenant par le bras, tant pour luy donner courage, que pour l'y pousser par force, tant fit qu'elle le conduisit deuant Anabe, & le liura prisonnier entre ses mains, lequel  
 le fit



le fit curieusement garder, attendant que la somme d'argent qu'on luy auoit promise luy fust enuoyee: Elle alois s'en retourna en la ville, ou elle manifesta tout le succes, & ce qu'elle auoit fait pour deliurer la patrie des mains du tyrā, adonc fut amassé l'argent promis, & enuoyé à Anabe, lequel liura Leandre entre les mains d'Arctaphile, laquelle le mit en la puissance du magistrat, qui le fit coudre en vn sac, & ietter dedās la mer, & sa mere Caluie fut bruslee. Adonc tous les citoyens accouroient vers Arctaphile; & se mettoyēt à genoux deuant elle, & la celebroyēt digne de grandissime loüange, pour auoir auec si grand danger de sa personne, sauue la patrie, & la forcerent de prendre avec le magistrat la charge de les gouverner: ce qu'elle fit, & s'occupa en ce gouuernement iusques à ce qu'elle l'eust reduit en estat pacifique: & depuis ayant remis son office entre les mains du Senat, se mit en vn monastere des vierges sacrees, ou elle vesquit priuement & paisiblement tout le reste de sa vie.

~~~~~

*Vne lettre escripte par le Senat d'Athenes aux Lacedemoniens.*

CHAP. XII.

**E**Ntre les Atheniens, & les Lacedemoniens, fut suscitée vne tresrueille guerre, sur le different de quelques cousins, pource estans venus en bataille campée, les Lacedemoniens furent rompus & desconfits par les Atheniens: les vaincus demanderent trefue aux victorieux, & pour plus facilement les y disposer, y enuoyerēt pour ambassadeur le renommé philosophe Euxin: lequel avec si eloquent stil parla à ce Senat en la loüange de la paix, & avec si belles & doctes raisons fit sa remonstrance, q non seulement la trefue leur fut coneedee par les Atheniens, mais aussi leur remirent pardon les cousins qu'i s'pretendoient leur appartenir, tant eut de puissance la harangue d'Euxin: par lequel le Senat d'Athenes leur rescriuit ceste lettre. Le Senat & peuple d'Athenes, mande salut & paix aux Lacedemoniens. Nous appellōs les dieux en tesmoignage, qu'en la bataille passée nous auōs eu plus de desplaisir pour vous veoir ainsi sanguineusement vaincus



qu' n'auons eu de plaisir de nous voir victorieux : parce qu'à la fin les effets de la guerre sont tels , qu'aux victorieux le dommage est certain ; & aux vaincus l'vtilité est douteuse. Nous eussions bien voulu que ce q̄ maintenāt nous demâdez, eussiez demâdé auparauāt: mais qui peut on faire si le sort est tombé sur vous. & sur nous , & que vous ayez beaucoup perdu en ceste guerre, & no<sup>s</sup> n'ayōs en aucune vtilité de vostre perte? Puis q̄ la reigle est certaine, que tout ce que les dieux ont ordonné, ne se peut sçauoir par humain iugement, ny empêcher par humaine puissance : vous nous demandez la trefue pour trois mois, afin que durant ce temps, accord soit traité entre nous: Nous vous respondons que le Senat d'Athenes n'a point accoustumé de faire trefue, pour en apres recommencer la guerre: ains à pour loy trefue ancienne, qu'il accepte librement guerre cruele, ou bien il accorde librement la paix perpetuelle. Nous nous efforçons en temps de paix d'attirer en nos Academies des hommes sages, pour nous valoir de leur conseil en temps de guerre : & iceux nous conseillent maintenant de ne faire point trefue sous condition suspecte, & nous semble qu'il nous conseillent bien: car vne paix feinte est beaucoup plus dâgereuse, qu'vne guerre ouuerte. Le philosophe Euxin vostre ambassadeur a si eloquemment parlé en ce Senat, que se seroit chose irraisonnable luy desnier chose qu'il ait demandee : aussi est ce chose plus honneste conceder la paix à celuy qui la requiert par paroles, que à celuy qui la demandé avec la lance: Or nous disons, & vous faisons à sçauoir maintenant, que nostre Senat accorde de bon cœur à vous Lacedemoniens, loyale paix, vous deliurant du soupçon de la guerre: & se faisons afin que le monde sçache que les Atheniens sont de si grand cœur cōtre les audacieux, & si grās amis des sages, qu'ils sçauent chastier les fols capitaines, & se laissent commender par les sages philosophes. Vous sçauiez bien que tout nostre different est yllu par possession des villes assises sur le riuage du fleue Milin: Par ceste lettre dont nous vous disons, & iurons par les dieux immortels, que nous vous renonçons, tout le droit que nous y pretendons, à la charge que à l'ēcouter, vous nous donnerez Euxin vostre ambassadeur,



car l'heureuse Athenes aime mieux vn Philofophe en fon Academie, que toute vne prouince pour fa republique. Et vous Lacedemoniens, ne reputes acte de legereté, d'auoir changé l'Empire & feigneurie de plusieurs, pour nous laiffer commender par vn feul homme: car ce Philofophe nous enseignera à bien viure, là ou nous donnies en ce pays là, occafion de mal mourir. Et puis que de fi anciens ennemis, nous nous declaronz vos fi vrais amis: nous voulons non feulement vous deliurer de la guerre, & vous enuoyer la paix: mais vous voulons encores donner confeil pour la conseruer: car la medecine qui conserue la fanté, est de plus grande excellence: que n'est celle qui dechasse les maladies: Or voicy le remede. Tout ainfi que vous souhaitez que vos iouuenceaux s'exercent aux armes, ainfi foyez diligēs que vos enfans apprennent les lettres, au temps: car tout ainfi qu'on fait la guerre avec les cruelles lances, aufsi avec douces paroles se obtient la paix. Ne penfez pas Lacedemoniens, que nous vous perfuadions cecy fans caufe, car en delaiffant le confeil des fages, & laiffant croistre oyfueté parmy le peuple, cela engendre les feditions, & guerres ciuiles, pour fe faire mourir l'un l'autre. Et ne voulons point pourtant que vous penfez, que nous foyons amis des grands pareurs: car nostre pere ancien Socrates ordōna que la premiere leçon qu'on liroit au difciple en l'Academie, fust que pour l'efpace de deux ans, il n'ofat aucunement parler: car il est impossible qu'aucun foit prudent en parler, s'il n'est fort patient à fe taire. Plaise vous donc que Edxin refte avec nous: & imaginez que fi nous elperons utilité de fa prefence, vous pouuez estre affeurez, que des confuls qu'il nous donnera, ne receurez aucun dommaige: car c'est vne loy fort ancienne en Athenes, que le Senat ne peut faire en reprise de guerre, que premierement les Philofophes n'ayent examine, fi elle est iuste. Nous ne vous dirons autre chofe, fors que nous prions les Dieux immortels vofres, & nofres, qu'ils foyent garde de vous & de nous, & leur plaise nous conseruer perpetuellement en ceste paix: car cela feulemement est perpetuel, qui est confirmé par la volonte des Dieux.



*Comme Dieu à ordonné le gouvernement de la republique  
des Abeilles pour l'exemple des hommes.*

CHAP. XIII.

**L**A republique des Mouches à miel, me semble si propre & conforme à la republique des hommes, qu'on ne peut en presumer autre chose, sinon que Dieu leur a donné cest instinct naturel, pour l'instruction de nostre gouvernement. Ces petites bestes sont nommees des Latins, *Apis*: qui signifie sans pieds, non pas qu'elles n'en ayent, mais pource qu'elles les retirent & ioignent si bié contre elles, qu'elles semblent n'en auoir point. Plusieurs ont escrit de leurs qualitez & proprietiez, mesmes Aristote, Plin, & plusieurs autres: & se trouue qu'au siecle ancien Hilisque Thasie voulant noter la propriété de ces bestes, & en rendre bonne raison, avec tref grande diligence se mit à la considerer par les forests, & lieux solitaires. On dit pareillement qu'Aristomaque, par l'espace de quarante ans sans faire autre chose, s'exposa à ceste mel. ne peine, & tous deux en ont eserit des liures qui ont esté fort agreables à la posterité. La premiere & plus notable chose qui en doit estre escrete, & qu'il a esté apperceu par hommes modernes & diligens en ce petit animal, vne merueilleuse religion: car auant qu'elles sortent de leurs ruches, elles croisent leurs iambes en telle sorte, qu'elles en font vne forme de croix, laquelle faisant, se baissent au deuant, comme si elles se mettoient à genoux: qui nous demonstre, qu'elles ont vn instinct de nature, de ne cōmencer aucune chose, sans premierement auoir honoré Dieu: ce qui peut seruir d'exemple à l'homme qui ne doit sortir le matin de sa maison sans faire le signe de la croix, & se recommander à Dieu afin que ses œures soyent commencees à son nom. Elles sont fort soigneuses avec le nourrissement qu'elles prennent des fleurs, à produire le miel, au benefice de nous, & d'elles mesmes, pour demonstrier que l'homme par œures vertueuses doit tascher de produire bō fruct durant qu'il est en vie, tant pour luy que pour autrui: veu que c'est le propre de l'homme, n'estre point né seulement pour soy, mais aussi pour son pays, & pour ses amis.



amis. Elles s'arrestent en leur propre demeure, & aucune ne va prendre son viure en la maison d'une autre, ce qui nous enseigne pour la paix de la Republique, que chacun se doit contenter du sien, sans conuoiter ou occuper l'autrui. Chacune ruche à son Roy : elles fuyent le vent & le bruit qui nous demonstre que nous deuons auoir vn chef en nostre Republique, à ce que les autres en soyent bien gouuernez: & que nous deuons fuir la fumee d'ambicion, d'estre plus grand l'un que l'autre en la Republique, afin qu'il y ait bonne correction: & fuir les vents, à sçauoir, les vanitez, les tumultes des partialitez, & les inimitiez. Le volet, la peine, la viande, & le fruiet est commun à toutes, pour nous donner à entendre la charité, & l'amour qui doit estre entre les citoyens, qui se doiuent aider les vns aux autres, & participer au mal l'un de l'autre: par lequel moyen les cœurs des citoyens s'enchainent par telle amitié que la republique se maintient en paix & en bon repos. Ces animaux sont sans lubricité, encore qu'ils engendrent plus que d'autres, qui nous enseignent, que pour la paix & repos du peuple, les hommes doiuent entendre à la generation des enfans, pour perpetuer leurs especes, & la republique, sans conuoiter adulteres: ains viure chastes & temperez au plaisir charnel, duquel naissent haines, inimitiez, & morts. Elles ont leur Roy en tel amour & obseruance, qu'elles reputent chose honnorable, mourir pour luy: & dit saint Ambroise, qu'elles ne sortent point hors qu'elles n'ayant premierement veu s'il veult sortir, afin de luy tenir compagnie à trouuer pasture, & autres effects pour le bien commun: & ce pour donner exemple aux hommes d'honnorer leur Prince, auquel Dieu a donné telle principauté, pour l'aider & imiter en la peine qu'il prend pour le bien du peuple, comme chef de la Republique. Elles taschent tousiours desirer pour leur Roy celuy qui est d'apparence le plus noble & le plus doux, & qui ne s'aide point contre personne de l'esguillon, duquel elles vsent à poindre pour vengeance, nous enseignans par cela à eslire gouuerneurs & magistrats, qui soyent de nature genereux, discrets, prudes & debonaires. Ces petites bestes sont telles de nature, que celles qui sont les plus grades de corps, sont les plus humaines & gracieuses qu'il y



ne nous signifie autre chose, fors que celuy doit estre le plus gracieux & courtois, lequel en la cité est esleué en plus grãde dignité, tant en noblesse de sang, qu'en richesses & vertus, lesquelles choses naturellement engendrent enuie aux autres, laquelle neãtmõis se destruit par ceste humanité, & se conuertit en amour. Elles sont tresobeissantes à leur Roy: & si quelque vne a vñe par desdain d'aucune inobedience, s'en estât apperceuë, n'en attend point la correction, mais avec l'esguillon s'occit soy mesme: par cela, sommes admonestez a porter fidelité & amour à nostre Prince, ou magistrat, & deuous craindre de l'offencer iusques à la mort. Nulle abeille n'est oy siue en la ruche: car les vnes sortent hors, pour cõbatre contre les autres en cãpaigne, les autres veillent pour chercher des viures autres contemplent le temps, pour voir s'il viendra des nuées ou pluyes: les autres composent les rayons du miel: autres mettent la cire à part, & d'icelle l'autre fait des petites logettes, carrees, ou rondes, avec ordre esmerueillable: toutesfois en tãt diuers exercices, il n'y en a pas vne qui cherche d'occuper la besongne de l'autre, ne qui pourchasse sa vie en desrobãt sa cõpaigne: ains par sa propre vertu, & labeur, se va paistre dehors entre herbes & fleurs, & apres elle raporte vne partie de sa viande en la republique. Nous auons icy vn notatable enseignemẽt, qui nous mõstre d'abhorrer, & ne point cõsëntir en nos villes les ocieus & vagabõds, qui ne viuẽt de leur mestier, ce que deuous faire à l'imitation des nobles & anciennes republiques. Car par l'oyssiueté & desbauchement des hõmes, naissent dedans les villes tous vices, qui corrompent les bonnes mœurs: pour ce que chacun doit viure de son labeur sans vsurper, l'autrui, & du superflu, en commun aider à la republique, & les necessiteux. Nature leur a donné vn esguillon pour se deffendre, & offencer ceux qui les veulent assaillir ou entrer en leur cité, & combien qu'elles ne soyent de grãde corporãce, elles ont neantmoins grãd courage & prudence: car avec gomme d'arbres elles oignent la superficie de leurs ruches, afin que les autres bestes n'y puissent entrer par aucune fente ou creuace: & si le trou en est trop large, elles rãschẽt à le restreindre: par c'est exemple, les hõmes sont admonestez à estre virils, pour la def-

fence



fence de leur pays, & prudens à preuoir qu'en leur republique ne puissent entrer les vices, qui la peuvent corrompre & enuenermer. Elles ont par instinct naturel, que chacune d'elles s'arreste en la premiere fleur qu'elle trouue, & ne se partent de là quelles n'ayent prins leur refection & nourrissement puis se chargent du reste, sans en aller chercher ailleurs. Elles frequentent fort les feuilles & fleurs de l'Oliue, & s'y tiennent long temps: ce qui ne nous montre autre exēple; q̄ la sobriete que les hommes doyent tenir quād au viure. Et paissant les fleurs des amandriers, leur miel en est plus sauoureux & tēperē: & au contraire, si elles paissent d'herbes ameres, il en est moins doux: toutes fois il est appetisat, fort mōdificatif, & profitable pour l'opilation du foye, & pour les hidropiques, & guerit la morsure d'un chien enragē. Ceux qui ont veu l'experience de ces animaux, disent, que quand leur Roy ne peut voler, il est porté par la troupe d'icelles; & cependant qu'il vit ainsi malade, les femelles sont separees des masses: & puis quand il est mort, elles conuerlent toutes ensemble: laquelle chose nous demonstre la pitié, que nous deuons auoir de nostre Prince, & de nostre pays: & que les hommes doyent volontiers supporter & endurer pour l'un & pour l'autre. L'Esquillon des femelles est plus aygu, que celuy des masses, & encore y a il plusieurs masses, qui n'en ont point: qui nous donne à entendre que les langues des femmes sont plus poignantes que celles des hommes, & causent quelques fois de grands maux: & pour ceste cause nous les deuions tenir de court & attremper afin que par leur caquer ne sorte haine & debat entre les citoyens. La bonne abeille doit estre petite: ronde, serree, courbe au milieu, & moyennement pelue. Les vnes se paissent de fleurs des montaignes, les autres de celles des iardins & lieux cultiuez: dont les premieres sont plus petites, plus fortes & robustes à la peine: & selon Plinē, de plus furieux regard, & habitent es creux des arbres, ou en quelque petite grotte. Et quel plus bel exemple nous peut donner la nature d'icelles que de la force: car les citoyens qui ne sont point nourris en delices: ains en continuels exercices d'esprit, de corps, sont les plus vtiles pour la republique: Elles

ont



ont accoustumé de se tenir sur leur ruches, pour manger ce qui leur sur-abonde de leur crousteau, cognoissant par instinct naturel que si elles ne faisoient ainsi les araignes y viendroyent & les feroÿt mourir: & quand elles n'ont gueres de miel, elles se tiennent dehors pour deffendre qu'il ne leur soit osté: ce qui lera d'exemple aux hommes de chasser de leurs republiques les choses superflues, afin que à l'occasion d'icelles, ne s'engendre entre eux le venin de haine qui les pourroit faire mourir: & aussi quand la cherté suruient dedans les villes, les citoyens doiuent estre vigilans à conseruer ce qu'ils ont, afin qu'il ne soit transporté, ailleurs de peur que le public n'en souffre. Il y a vne sorte d'abeilles, qui ne travaillent point à produire le miel, mais manger celui qui est fait, & sont icelles plus lōgues que les autres, & les bonnes cōbattent contre elles pour les deschasser de leur republique: ce qui ne nous signifie autre chose, fors que doyuent estre deboutez de la compagnie des autres hōmes, les ocieux, & ceux qui sans rien faire veulent manger le bien d'autrui. Leur Roy ne sort point dehors, qu'il ne se voye enuironné de grande multitude d'abeilles: & quand il sort ainsi, si elles trouuēt vne autre compagnie d'abeilles avec vn autre Roy, elles laissent le leur propre pour s'accōpagner avec le nouueau & s'il aduiēt qu'ils s'efforce de les retirer sous son empire, elles tuēt, & suyuēt celuy qu'elles ont nouuellement esleu pour Roy. Ces excès aduiennent peu souuent, & est l'vne des deux imperfections qu'ont ces animaux, en leur gouuernement: aussi il est necessaire qu'en toute espee il y ait quelque vice. Si d'auenture elles poignent fort, y mettāt toute la longueur de leur esguillon, elles mesmes en meurent: car leurs boyaux sortent avec l'esguillon. Leurs Rois & gouuerneurs ne poignent que bien peu souuēt, en core qu'ils y soyēt prouoquez, & disent aucū qu'ils n'ont point d'esguillon, toutesfois Plin dit n'estre certain, s'ils en ont ou nō, mais qu'ils est biē chose certaine, qu'ils n'ē piquēt point: aussi ne se souciēt elles point que leur Roy soit armé, porueu qu'il soit de bon gouuernement, vaillant & de bonne maiesstē: cecy denote que les Princes doyuent estre benins, & doux & patiens, & qu'ils ne doyuent prendre plaisir à cruauté, ains à douceur & misericorde.

Ces



Ces animaux sont fort nets, tellement qu'ils ne peuvent endurer ny sentir mauuaise odeur: pourtāt quand ils veulent retourner en leur Cité, premieremēt ils deschargent leur ventre en l'air & bien souuent par la mauuaise odeur ils deuiennent malades: si elles sientent en leur cōgregation, elles se serrent tout en vn lieu, puis le iettēt dehors, & incontīnēt que quelqu'vne d'elles meurt, les autres la iettent hors de la ruche. Elles deuiennent aussi malades pour demeurer oysīues, pource ne veulent elles point aussi souffrir les oysīues: elles meurent aussi par l'odeur de l'escreuillē cuit, & autres mauuaises senteurs. Exemple merueilleux à l'hōme, qui doit estre en son viure pur & net, sans auener vie vicieuse, & mondifiē principalement de l'ame, & puis du corps. Le vent est fort contraire à ces bestes, pource, quād il est grād on doit courir leurs ruches. Elles ayment les lieux chauds en Hyuer cōme les autres bestes, & en estē les lieux frais leur sont fort agreables. Il est necessaire qu'on vse de grāde diligēce, quand on leur oste le miel, pource que si on leur en oste trop, elles trauallerōt peu, & si on leur en laisse plus qu'il ne faut, elles seront moins diligentes à en faire d'autre: pource on leur en doit laisser raisonnablemēt, selon la quantité qu'elles font. Et quel plus grād exemple pouuōs nous auoir que cestuy cy pour mōstrer qu'en la republique on doit moyenner & mesurer les choses, afin que les trop grādes pōpes, & luxurieuses viandes, ne facent perir les familles, qui abondēt en choses superflues: ny aussi ne doyēt estre si escharsemēt traitees, que de les redre souffreteuses des choses necessaires: car en premier lieu les enfans & seruiteurs deuiennent oysīfs & negligens, & secondement iniques & desesperez. Vne autre diligēce doit vser encore celuy qui a le soin de ces animaux: c'est que quand il oit qu'ils font grand bruit dedans leurs ruches, cela signifie qu'ils s'en veulent aller & delaisser celle demeure, mais en arroulant leurs ruches, avec du vin doux ils ne s'irōt point: & de cecy se pourra aisēmēt apperceuoir le gardiē d'icelles, parce qu'ils ne font ordinairement autre bruit que de leur vol: & cecy nous enseigne, que avec nostre douceur & gracieusētē, nous pouuons appaiser les courages de nos freres indignez. Aristote en son quatriesme



liure dit, ce qu'on void aussi par experiēce, que leur pieds de deuant sont plus cours que ceux de derriere, ce qui leur a esté donné par la nature, pour plus aisēmēt le pouuoir euer de terre, & si dit encore que quand le miel se corrompt en la ruche, il s'y engendre certains vers, qui sont vne toille cōme les araignees, par laquelle ils deuiēnt malades, & meurent qui denore à l'homme, estre vigilant & se garder que la douceur de la prosperité du monde ne le corrompt en sorte que le ver d'ambition ne s'y engēdre, & ne se tue. Ils se multiplient fort en tēps de pluye, a cause de l'humidité, & au cōtraire, ils se diminuēt au tēps de seicheresse par faute d'humour. & en Hyuer leurs forces leur defaillent en sorte, à cause du froid, des neiges, & vêts Septentrionaux, qu'ils ne peuuent faire fruit, parquoy ils demeurent cachees: mais quand les febues commēcent à florir, ils sortēt hors pour trauailler, & premierement s'employent à faire leurs maisons de cire: puis à engendrer, & puis à produire le miel. Ils mettent trois rampars au deuant de leur crouteau pour leur garde: car ils font la premiere croute amere, vne autre vn peu plus douce, & vne autre vn peu plus grosse qui se cōioint au crouteau, cecy est le fondement de leur defence. Qui est enseignement aux hōmes de trauailler pour habiter au monde, & vser de diligence à faire provision, entant que lon peur, des choses necessaires, & de se marier & engendrer enfans, & de s'employer aux exercices naturels. Quand elles sortent pour quelque occasion, & qu'elles sont preuenues de la nuit, en sorte qu'elles ne puissent retourner en leurs logis, elles dormēt à l'enuers, afin que les broiillars, ou la pluye ne leur gaste les ailles, dont ne pourroyent voler pour retourner en leur maison, ou executer leur entreprise. Elles ordonnēt leurs sentinelles, qui au point du iour font bruit, auquel elles s'esueillent toutes, & se tournans sur leurs pieds, font quelq̃ bruit en se deschargeant en signe de ioye: mais aussi quād la mesme sentinelle leur fait signe, elles se taisent toutes: qui est pour nous enseigner qu'en la guerre on doit estre vigilant, biē pourueu, & non negligent. Elles ont iugement quand il doit plouuoir & faire mauuais tēps, lequel preuoyant bon, sortent le soir pour aller à leur expeditiō, & le cognoissant mauuais



mais, elles ne bougent. Il y a encore vn merueilleux ordre entr'elles, c'est que les plus ieunes vont dehors travailler, & apporter les viures, & les vieilles demeurent en la maison pour les apprester & ordonner, & ce qui est encore plus esmerueillable, quand les ieunes arriuent ainsi chargees d'herbes, & de fleurs, aucunes des plus vieilles viennent au deuant, pour les aider à descharger. Celles qui sont chargees cherchent en volât l'air doux, & craignent que quelque grâd vent ne leur face tomber leur recueille, & ne desseiche leur miel: & pource quand il fait vent elles volent pres de terre, & celles qui ne portent rien sont coustumieres de se charger de petites pierres, afin que par la pesanteur d'icelles, elles puissent mieux resister à l'impetuositè des vents. Par cela nous sommes admonestez, que les ieunes hommes doiuent travailler en la Republique: & les vieils la doiuent cōseruer, & q̄ ces ieunes gens qui se travaillent aux soufflemens d'ambitiō, doiuent voler d'vne pèlee basse & pres de terre, & ne doiuent s'estimer plus qu'hommes, & penser que le profit qu'ils font par leur travail à la republique, est par obligatiō. Parquoy nul d'eux ne se vueille tāt estimer ou hausser, pour vouloir estre de plus que les autres, sinon entāt que ce seroit la cōmodité & profit de la republique. Cependāt que ces bestes sont dehors à travailler, leur Roy demeure dedās, lequel a auprès de soy vne multitude biē armee de leurs esguillōs, pour la garde de son corps. Il sort biē peu souuēt dehors: mais quād il sort, il a pareillement grāde cōpagnie: & s'il veut aller avec son exercite à quelque expeditiō, trois iours deuant, elles font la crie de se mettre en ordre: & s'il s'esgare quelque troupe d'elles de leur ordre, elles sentēt à l'odeur par où leur Roy a passé, & se logēt en cest endroit pour le suivre. C'est chose esmerueillable cōbien elles sōt cōsolées de sa presēce: car quād elles l'ōt perdu, leur exercite se pert, & chacune d'elles se va ioindre à vn autre Roy. Plinē recite, qu'il y a certaines faulxes abeilles qui entrent dedās leurs ruches, & leur mangent le miel: mais quād elles les y attrapēt, elles les tuent. Quād l'Hiuier est fort humide, elles se multipliēt & augmētent cōme nous auōs ia dit: & au cōtraire, elles diminuent en esté: vray est qu'elles sont plus abodātes en miel. Quād la viande



viande leur deffaut en leurs ruches, la necessité les contraint d'aller impetueusement dans les ruches d'autrui, pour leur en oster, mais les autres se deffendent, & alors cōbattent en bataille régee. Elles ont quelquesfois aussi cōtentions en la presence de leur Roy, & pour biē peu de chose: mais incōtinent leurs differēs sont appeizez. Celles qui en piquant tirent hors tout leur eguillon, si elles n'en meürēt, elles ne sont nō plus propres à la generation q̄ si elles estoyēt chastrees, & encores moins peuuēt produire le miel. Quand leur Roy meürt, elles en sentēt vn si grand desplaisir, qu'elles ne mangēt point, ny sortent à la pasturage, & si on ne l'ostoit ainsi mort de deuāt elles, elles mourroyent de faim & de douleur: qui est pour nous enseigner que le desdain qu'auons l'vn contre l'autre, ne doit durer lōg temps, & quelle douleur nous deuōs auoir de la perte de nostre chef & Prince qui nous gouuerne. Et tout ainsi q̄ ces bestes sont delicates, aussi sont elles subiettes à maladies soudaines: car elles y tōbent par oisueté, & quand elles n'engendrent en saison, & leur est fort contraire le resson de l'Echo, ou ressentiment des valees qui les espouuēte. Les araignes qui entrent deffous les ruches, les rongent, & leur donnent ennuy, & y a certains papillons qui leur ostent & succent le miel, & les nuces corrompent les fleurs dont elles se paissent, & en tombent malades. Quand elles ont grand faim, & qu'elles mangent trop gloutonnement, cela leur est fort cōtraire: l'huile les tuēt, & le vinaigre leur profite quand elles en sont arrousees. Auicenne dit, que quand elles sont malades, elles ne sortent point de leurs maisons, & magent le miel, & qu'elles sont volōtiers le miel en vaisseau net, duquel elles resserrent la bouche avec quelque amertume: cela nous demōstre, que nous deuons hayr les humeurs, & ne deuōs estre aides en nostre manger outre le deuoir, ains nous contenter de peu, & au reste on cognoit leur prudence. L'ordonnance qu'elles tiennent est esmerueillable, tāt en leurs logis que dehors, car en leurs maisons elles ordonnent leurs chambres, & leur crouteau avec grande prudence, metrans communément beaucoup de miel deffous, & peu dessus, & au sortir dehors, s'eleuent en haut en forme de pyramide: Le mesme Auicēne au mesme lieu dit, q̄



le Roy de ces animaux est au double plus grand, que les autres, & qu'ils ont de nature cest esguillō duquel ils picquent, pour deux raisons: l'une pour consommer leur humidité superflue, l'autre pource qu'il fait purifier & conseruer le miel. Elles sōt molestees par aucunes mousches qui leurs percent les aïles, toutesfois elles les dechassent sans les laisser approcher: & quād elles font le miel, si les mastes les falchent elles les tuent: & mesme leur propre Roy s'il ne les gouuerne bien, ou s'il mäge trop de miel: & pour ceste mesme occasiō, elles tuēt auili les mousches longues inutiles, qui ne font point de miel & les mägant, & par leur fuite le miel en est meilleur. Voyōs donc pour nostre exemple combien' elles sont attēries à leur exercice, & cōme elles persecutent les oyseuses, qui mangent sans traquiller, afin que cela nous soit enseignement en l'ordre de nos republiques. Il y a vne sorte d'abeilles nommees Labiones, qui tuēt les autres qui font le miel, & qui gastent & destruisent leurs ruches, & sont si glouttes de miel qu'elles se plōgent dedās, d'oū ne pouans sortir, les autres suruiennent qui les tuent là dedans. Auicenne dit encore, que chacun Roy à vne multitude de ses adherans, qui tousiours luy assistent, & qui ne vealēt point d'autre Roy que celuy qu'ils ont premierement esleu: & si quel que autre avec ses complices, aspirōit au royaume, ils combattent contr'eux, & tuent s'ils peuuent celuy qui se veut faire Roy. Il n'y a creature plus ardente à la vengeance, qu'est l'abeille, car pour resister à ceux qui luy vēulent oster le miel, elle fait tout effort, & rendre se tout ce qu'elle trouue pour sortir à la deffence. Les ieunes abeilles, & qui sōt encōre vierges, sont meilleur miel que les vieilles, & si ne picquent pas si fort. Elles font le miel au Printemps, & en l'Automne: mais celuy du Printemps est meilleur à cause des fleurs. Auicenne afferme encore qu'elles boient en eau claire & bien purifiee: & qu'elles ne beūroyent aucunemēt de l'eau où elles auroyent purgē leur ventre. Il dit encore, & Plin le confirme, qu'elles aiment le son & l'harmonie, tellement que quand elles sont dehors, elles se rappellent au son de l'airain: combien qu'Aristote dit, qu'elles n'ont point de sentiment, mais que la repercussion de l'air que fait le son, les fait retour-



914. *Dein qu'on*  
ner. Or cognoissons donc maintenant, combien les repu-  
bliques de ces bestes, sont conformes aux republiques  
que les hommes deuroient tenir.

[illegible]

Combien le mal est grand de desirer auoir reuelation  
des choses de l'autre monde.

CHAP. XIII. *De la foy, & de l'esperance.*

Tout ainsi que Dieu qui nous a creéz sans nous, ne  
nous veut sauuer sans nous, aussi nous a-il donné le  
fondement de tous les moyens de nostre salut, qui est la  
foy avec l'esperance des biens qui nous a promis. en l'au-  
tre vie, pour l'ancienne loy: & lequel il nous est releué par  
son propre fils, & ne pouuons les obtenir sans croire &  
esperer en luy. Mais l'humaine fragilité, ou (pour mieux  
dire) la foy de l'homme est si debile, que quand on luy  
preche la gloire que Dieu luy a appareillée par delà, il  
dit qu'il la croit: mais toutesfois il dit, que c'est grand  
chose que de tant d'hommes qui sont morts, il n'en soit  
retourné en seul de par deçà pour nous dire les secrets de  
l'autre vie. Le plus grand signe d'incrédulité qui soit au  
cœur de l'homme, est (à mon aduis) ce grâd desir de vou-  
loir avec Dieu, auoir reuelation de l'autre vie: car puis  
que la foy consiste en croire, & esperer les choses qui ne  
sont apparentes, si elles nous estoient reuélées, ce ne se-  
roit plus foy, & partant nous seroit osté ce moyen singu-  
lier de saluation. Encore dy-ie plus, que non seulement  
par ceste reuelation la foy feroit destruite, mais aussi elle  
seroit occasion de nous faire encontreir en grande erreur  
contre Dieu, comme pourrions facilement iuger par cest  
argument. Posons le cas, que nostre pere, mere, ou frere,  
retournast en ce monde, & fust resuscité avec la mesme  
chair qu'il auoit laissée, & qu'à fin que nous creussions  
fermement que ce fust luy mesme, il conuersast, beust, &  
mangeast avec nous, (comme fit le Sauueur du monde,  
avec les Apostres, afin qu'ils ne fussent en doute, que ce  
fust phantome, ou ombre) & qu'iceuluy nostre parent  
nous peulast les choses qui sont en l'autre vie, il n'y a  
point



point de doute que l'escouterions, & croirions indubitablement que ce qu'il diroit seroit vray. Or cestuy là seroit homme, pource qu'il auroit ame & corps, & croyans à luy nous croirions à vn homme, qui de sa nature est menteur : par ainsi s'enluyeroit qu'en luy prestant foy, nous monstrierions plustost croire à vn homme, menteur de nature, qu'à Dieu qui est souueraine verité, & qui ne peut mentir, & lequel nous a dit & reiteré tant de fois, le guerdon qui est par delà appareillé aux bons, & à la punition des mauuais: Il n'y a donc personne qui ne confesse que ce seroit vn grief peché, si nous prestions foy à ceste reuelation tant desirée par l'homme, croyant plustost la creature que le Createur. Que l'homme donc ne soit plus desireux d'obtenir ce qui pourroit tourner à sa damnation, & qu'il considere tout ce que Dieu nous donne, & aussi qu'il nous denie, estre pour nostre salut, lequel il procure plus que nous mesmes. Et si tous se doiuent rengier à ceste fin, de tant plus appartient au Chrestien, auquel le Sauueur voulant demonstrier que nous deuons croire ce qui nous en est reuelé par luy en l'Escripture, dit en la parabole du riche, que pour sçauoir

Et les choses de delà, nous devons lire la sainte  
Escripture, la loy, & les prophéties, qui nous le de-  
clareront.

*Fin de la quatriesme partie.*







# LA CINQVIESME

## PARTIE DES DIVERSES LECONS, DE

Pierre Messie, Gentil-  
homme de  
Seuile.

\*\*\*

*De la premiere inuention de porter anneaux & à quelle fin ce fut: aussi de plusieurs choses antiques, & admirables fais-  
sans à ce propos.*

### CHAP. I.



**N**OTRE toutes bagues & ornemens inuen-  
tez de l'esprit & industrie, ou plustost de la  
vanité de l'homme, pour s'embellir, il n'y en a  
point à comparer aux anneaux, soit en ri-  
chesse, ou en subtilité d'ouurage: car outre qu'ils sont  
faits en figure ronde & circulaire, qui est la plus parfaite  
de toutes, ils sont d'ailleurs si subietz & legers, que mes-  
mes on les porte au petit doigt de la main. Et neantmoins  
on le fait roustours de plus riche metal de tous, accom-  
pagné des pierres les plus precieuses & exquisés qu'on  
peut rencontrer: qui sont choses les plus estimees en ce  
monde. Voila donc les moyens que l'ambition humaine  
a trouuee de porter en vn doigt la valeur d'une ville: car  
comme chacun sçait, il y a des pierres precieuses qui  
sont estimees vn monde d'or: & toutesfois cela n'empê-  
che l'exercice de la main en sorte que ce soit. Et iagoit que  
les anneaux ayent seruy & seruent encore en partie à au-  
tres effects plus necessaires que ceux que dessus: ce neant-  
moins le principal poinct qui les mit en vsage, fut pour  
reliouyr



*Anneaux  
remarqués  
richesse &  
noblesse.  
Invention  
des an-  
neaux.*

rehouyr l'œil, & pour dōner parade de noblesse, & mon-  
strer qu'on a de quoy. Et pour ce qu'ils sont fort cōmunz  
& estimez à present, ie mettray en auant certaines hilloi-  
res anciennes faisans a ce propos qui ne seront facheuses  
à ouyr. En premier lieu on ne sçait resolumēt qui en fut  
le premier inuenteur: toutesfois aucuns dient que les pre-  
miers anneaux qu'o porta fut en memoire de Prometeus  
lequel, comme feignant les poëtes, estant enchainé, par  
l'ordonnance de Iupiter, en vn roc, fut deliuré par Hercu-  
les avec la permission de Iupiter: à la charge toutesfois q̃  
pour memoire perpetuelle de sa prison, ledit Prometeus  
fust tenu porter incessamment vn anneau d'or, auquel se-  
roit enchassée vne pierre du roc où il estoit prisonnier, &  
tiennent que l'usage des anneaux ait là prins son commē-  
cement. Plin & plusieurs autres auteurs tiennent cecy  
pour fable, comme aussi tous Chrestiens le doiuent tenir.  
Et pource que c'est chose mensongere & controuuee, ie  
n'ay deliberé m'y arrester d'auantage. Quāt à moy, ie tiēs  
que l'inuētiō des anneaux n'est venue d'un homme seul,  
ains de plusieurs, & en diuers temps: veu mesme, qu'il n'y  
gist grand esprit à prédre la grosseur de son doigt avec vn  
fil, pour faire sur ceste mesure, vn anneau d'or ou de fer,  
tels que portoient anciennement les plus grās seigneurs  
de Lacedemonie, & de Rome, auant qu'ils fussent abādō-  
nez aux superfluités & dissolutions qui regnerent par  
apres en toutes choses. Et de fait, ceste coustume & cere-  
monie dura long temps entre les Romains, que l'anneau  
d'hōneur que le mary enuoyoit à son espousee le iour de  
ses nopces, fust de fer, Plin traitāt de l'antiquité des an-  
neaux, dit qu'ils n'estoyent en usage du tēps des guerres  
des Grecs, & des Troyens, veu qu'Homere, qui les a des-  
crit bien amplemēt, n'en fait point de mention: & moins  
qu'on cachetaist lors avec anneaux: & neantmoins il par-  
le assez des chaines & bracelets qu'o portoit lors, & de la  
maniere de clorre & cacheter lettres, & de plusieurs au-  
tres choses qui estoyent lors en usage: tellement que si  
les anneaux eussent esté visitez. Homere ne s'en fust reu.  
Mais le bon homme de Plin se trompe avec ses conie-  
ctures & argumens de triquenique: car nous lisons en Ge-  
nese que Ioseph (qui fust plus de cinq cens cinquante an



ans auant la guerre de Troye ) ayant declaré le ſonge à Pharaon Roy d'Egypte, fuſt eſtably dudit Prince ſuperbe intendat ſur ſon royaume: & que pour l'enlaiſſiner dudit eſtat, le Roy luy bailla l'anneau qu'il portoit en ſon doigt. Et certes les Roys ſeuls ne portoyent anneaux en ce tēps-là: car nous ſiſons que Thama voulant auoir par ſurpriſe de la race de Iuda ſon beau pere, qui eſtoit frere de Ioseph, eut ſa compagnie ſoubs couleur d'eſtre putain publique: & eut de luy pour preſent, ſa bague & ſon anneau au temps de Moyſe, qui fut plus de quatre cens ans auant la guerre de Troye: on trouue que les anneaux eſtoient en vſage: car ils eſtoient compris ez ornemēs que deuot porter le Sacrificateur Aaron, & ceux de ſa poſterité, ſelon que dit Ioseph: Et par ainſi on peut aiſement voir, que l'vſage des anneaux, eſt beaucoup plus ancien que Plin n'eſtime avec ſes coniectures: mais cōme il eſtoit Payen & ignorant des ſainctes Lettres, ce n'eſt de merueille ſi ces choſes ont paſſé ſon ſçauoir. Ce que plus il manifeſte, parlant meſme de ceux de ſa patrie: car il dit l'vſage des anneaux auoir eſté anciennement ſi rare à Rome, & principalement de ceux d'or, & qu'il n'y auoit ſtatue ancienne ou on enuid: hors mis en celles des Rois Numa, & Seruius Tullus, & q̄ toutes les autres Statues eſtoyēt ſans anneaux. Dit outre, que là ordinairement on ne portoit qu'anneaux de fer à Rome: & que la couſtume des Romains eſtoit, de donner des anneaux d'or, par maniere de prerogatiue, aux Ambaſſadeurs qu'ils enuoyoyent vers quelque Roy, ou nation eſtrange: & neāt moins ceux qui entroyent en triomphe à Rome, ne portoyent que anneaux de fer, encore qu'on leur baillaſt couronnes d'or en la teſte: & dura ceſte couſtume longuement. Du depuis les Romains deuidrent plus ſompueux & braues: toutesſois il eſtoit deſſendu à Rome à toutes gens mecaniques, ou de baſſe condition, de porter anneaux d'or, ſinon qu'ils fuſſent des ordonnances de la gendarmerie ou canallerie Romaine, qui eſtoit vn tiers eſtat entre l'ordre des Senateurs, & le commun populaire: comme encore auourd' huy eſt la Nobleſſe. Et de fait les anneaux eſtoient ſi priuilegiez, que de donner licence à quelqu'vn de porter vn anneau d'or, eſtoit auant que de



de l'ennoblir, & passer gentil-homme: car comme Pline, Dion, & plusieurs autres ont laissé par escrit, on cognoissoit les Cheualiers Romains, & ceux des ordonnances, parmi le commun peuple, aux anneaux qu'ils portoyent au doigt: tout ainsi que les Senateurs estoient cogneus à leurs longues robes de pourpre, brodees de larges testtes de cloux. C'est pourquoy le Poëte Horace attribué les anneaux à la cauallerie: les attirant de ce nom Equestre. Ce priuilege donc de porter anneaux d'or ne se donnoit si non à ceux qui auoyent paracheué quelque haute entreprinse, ou qui estoient gens de pouuoir, & de bonne maison. Et certes ceste prerogative estoit si souhaitée d'un chacun, que Iules Cesar voulant enhardir ses soldats par remunerations & promesses apres les auoir longuement preschez, haussa le doigt en signe qu'il leur tiendroit tout ce qu'il leur promettoit: mais toute son armée estimât que par ce signe il permettoit aux soldats de porter anneaux d'or, qui estoit autant que de les passer cheualiers, print meilleur courage de le bien seruir en les affaires: vray est que du temps des Empereurs ceste preeminence fut permise à plusieurs qui ne la meritoient, selon qu'on peut voir en Iuuenal, & Suetone, mesme en chroniques de Iules Cesar, & de Vitellius. Toutefois, l'edict par lequel estoit prohibé aux gës mechaniques de porter anneaux d'or, n'estoit en vigueur du temps de la seconde guerre contre les Carthaginois, & de la desfaite des Romains qui aduint à Cane: car selon que dient Pline & Tite Liue, Hannibal manda à Carthage trois muids pleins d'anneaux des Romains qui estoient demeurez en la iournee de Cane. Plutarque aussi dit en la vie d'Annibal, que les Carthaginois auoyent licence de porter auiât d'anneaux que de fois ils s'estoyent trouuez en iournees de batailles. Mesme selon que dit Cicero en son cinquiesme plaidoyé contre Verres, quand vn general de l'armée Romaine obtenoit quelque victoire, il donnoit ordinairement à son secretaire vn anneau, pour le remunerer de la fidelité: estoient en coustume de plusieurs autres choses que nous toucherons preallablement auiât q̃ mōstrer par exēples & histoires, à quelle fin on portoit anciennement les anneaux. En premier lieu donc la pluspart des anciens



portoyent leurs anneaux au prochain doigt du petit de la main gauche, selon qu'on pouuoit remarquer les statues de Numa, & Serui<sup>us</sup> Tullius Rois Romains, à cause dequoy ce doigt fut appellé Annulaire. Et certes selon qu'il dit Plin<sup>e</sup>, ce qu'on les portoit à la main gauche estoit par vne cer-

*Anneaux portez a la main gauche, & pourquoy.*  
taine modestie: estimas les Romains que porter anneaux fust chose par trop curieuse & superflue: tellement que pour les mettre en si grande monstre, ils les portoyent à la main gauche. Car comme dit le mesme Plin<sup>e</sup>, on ne scauroit dire que cela fust pour auoir la main droite plus libre à manier les armes: car aussi les soldats auoyent la gauche empeschée à manier leurs Tolaches & Pauois.

Toutesfois il y en a qui disent qu'on portoit les anneaux à la main gauche, pource qu'il y sont plus assurez, attendu qu'il est la main qu'on manie le moins: & que le doigt annulaire fut esleu pour ce mesme respect, pource que c'est le moins mis en œuvre de tous les doigts, selon que dit Macrobe, lequel poursuiuant son dire, & alleguant Plin<sup>e</sup> sur ce poinct, dit qu'il y a vne veine, ou vn nerf venant du cœur, lequel prend fin au doigt annulaire: & que pour ceste cause ce doigt merite couronne d'or. Aulugelle aussi est de ceste opinion. Les autres disent qu'on portoit les

*Anneaux portez pour medecine.*

anneaux au doigt annulaire pour medecine: & que la vertu des pierres precieuses y enchassées, penetroit iusques au cœur par le moyē de la veine susdite. Macrobe se fondant sur les nombres Pythagoriques dont les Egyptiens vsoient, allegue plusieurs autres raisons sur le faict des anneaux, lesquelles ie passe de leger, pour me sembler choses de peu d'importance. Nous nous resoudrons donc sur la derniere opinion, qui nous semble la plus receuable, encore qu'on porte differemment des bagues en tous les doigts de la main. Macrobe neantmoins dit que la principale cause de l'inuention des anneaux, fut pour seruir de cachet: car anciennement chacun faisoit graver les pierres y enchassées ce qui luy venoit en opinion pour cacheter lettres. Voila donc d'où est venu l'usage des anneaux, lequel neantmoins est bien autre à present, que du passé. Et certes les anciens estoient si curieux de bien garder leurs anneaux & signets, qu'il ne les posoyent iamais. Ce qu'il ne pense auoir esté vſité entre les Romains car

*Anneaux sermans de cachets.*



car ils estoient de si pres prenans, q̄ non seulement ils cachettoient les lettres de leurs signets: mais aussi en scelloient les coffres, les armoires & les bourses ou estoient les clefs de la maison, iusques à sceller & cacheter le vin de peur qu'il ne fut desrobé: car Cicéron dit que sa mere en vsoit ainsi. Et de fait l'usage de cachetter avec vn anneau est fort ancien, selon qu'on peut voir en plusieurs exéples & histoires, mesme en la sainte Escriture, ou est dit que la Roine Iezabel, femme d'Achab Roy de Samarie, scella avec l'anneau du Roy, le mandement par lequel estoit mandé de faire mourir Naboth: & neantmoins cela fut plus de quinze cens ans auant la fondation de Rome. Item, quand le Prophete Daniel fut mis, par l'ordonnance du Roy en la fosse des Lyons, la pierre qui fermoit la bouche de ladite fosse fut cachetee avec les anneaux des principaux du Royaume en quoy il appert que lors on se seruoit des anneaux à cachetter, comme on vse des seaux en Castille, quand le Roy veut corfermer quelque priuilege. Car anciennement on euchaſsoit és anneaux des pierres graues de plusieurs & diuerses figures, pour cachetter: c'est pourquoy le Poëte dit: le cognois la lettre, & la pierre fidelle, c'est à dire la figure grauee en la pierre de l'anneau: comme s'il vouloit dire, le cognois le cachet. A cause de quoy chacun s'estudioit de faire son anneau à cacheter, le plus riche qu'il pouuoit, & principalement les Rois & autres grands Seigneurs telmoins le renommé cachet de Polycrates tyran de l'isle de Samos. Et iaçoit q̄ plusieurs tiennent le narré de ce cachet pour chose fabuleuse, ce neantmoins Cicéron, Plin, Strabo, & Herodote le tiennent pour vraye histoire, disant que cestoit vne Esmeraude grauee dont ce Prince se seruoit à cachetter ses missiues & parentes: & de fait ce Prince ayât long temps vescu en grande prosperité, sans iamais auoir eu fortune cōtraire, & cognoissant d'ailleurs l'instabilité de fortune estre telle, qu'il est impossible à l'homme de passer ceste vie sās experiméter ses trauerſes, fut contât de tomber en vne des fortune volontairemēt, estimāt par ce moyen, satisfaire à la destinee de Fortune: à ceste cause, prenant son cachet qu'il estimoit tant, il le jecta en la haute mer pour auoir moins d'espoir de le reconuēt: ce qu'il fit selon,



que dit Herodote, par le conseil d'Amasias Roy d'Egypte son confederé. Mais aduint que quelques iours apres vn' pècheur luy fit present d'un poisson marin de grandeur fort remarquable: & comme le cuisinier de Polycrates le vouloit curer, il trouua dedans ses boyaux le cachet que son maistre auoit ietté en la mer, qui fut vn cas fort admirable, & bien aduantureux pour Polycrates. Ce qu'ayant entendu Amasias Roy d'Egypte, se departit de la ligue & alliance qu'il auoit fait avec Polycrates: luy mandant par ambassade exprès, qu'impossible estoit qu'un homme si fortuné ne tombast en peu de temps en desfortune si grande, que mesme ses amis s'en ressentiroient: ce qui aduint peu de temps apres: car le Roy Darius eut guerre contre luy, en laquelle il fut prins par Orandus, Lieutenant general Darius pour, lequel le fit prendre & estrangler: cela aduint enuiron deux cens trente ans auant la fondation de Rome. Pline dit que la pierre de ce riche cachet estoit vne Cornalline: toutesfois Herodote dit que c'estoit vne Esmeraude: mais il semble qu'il y ait fauté en cecy, car comme dit Pline, comme seroit-il possible qu'en ce temps là on grauast les Esmeraudes? En somme c'estoit vn ordinaire entre les Princes de seeller avec leurs anneaux, ainsi qu'on peut voir par Alexandre le Grand, lequel, selon que dit Quintus Curtius, & plusieurs autres voulant demonstrier à Ephestion son grand fauory, qu'il tint secret le contenu d'une lettre qu'il luy auoit monstree tira l'anneau de son doigt, & le mit en la bouche d'Ephestion, en signe de taciturnité. Suetone dit que l'Empereur Octauian estoit d'un\* Sphinx en son cachet. Et de fait, les Poëtes seignoient les Sphinx, estre vn monstre semblable à vne Arpie, lequel interrogeoit les passans de plusieurs doutes precipitant & tuant ceux qui ne luy scauoient résoudre les questions. Les Romains donc blasonnant le cachet d'Octauian, disoient communément que son Sphinx causeroit quelque doute qui seroit fort fascheuse à résoudre. & cela fit changer de cachet à Octauian, & dès lors fit graver en son cachet, l'image d'Alexandre le Grand. Mecenas grand fauory dudit Octauian auoit vne Greuille pour son cachet, & encore q'cest animal soit fort timide, ceneantmoins les Romains craignoient fort la grenouille

*L'homme  
fortuné  
espie de  
mauuaise  
fortune.*

*\*c'est vne  
sorte de  
Guenon.*



de Mécenas : pour ce qu'en vertu des mandemens cachetez de ce cachet, on payoit grâds subides & tributs. Pompee le Grand auoit vn Lyon en son cachet. Et comme les cachets estoient si respectez, que pour raison de l'anneau & cachet de Silla, s'esmeut telle guerre ciuile & tant cruelle, qu'il mena contre Marius : En ce cachet estoit grauee l'image de Boccus Roy de Cartay, que Silla print avec le Roy Iugurtha, ce que desplaist tant a Martius, duquel Silla estoit lieutenant, qu'il print occasion de là, de luy mener guerre. Plin dit aussi que la guerre Sociale que les Romains menerent contre leurs confederez, s'esmeut à cause d'un cachet, qui causa inimitié entre Drusus & Scipion. Laissons donc en arriere les cachets particuliers de plusieurs Princes, faut noter que les Romains faisoient grauer leurs figures propres en leurs cachets, Ce que bien demontre Plaute, lequel introduit vn rustien en ses Comedies, qui cogneut à l'empreinte d'un cachet, les gestes & le visage d'un soldat sien ami. Toutesfois quand les Empereurs regnerent à Rome ceux qui leur vouloyent complaire portoyent leurs images empreintes en leurs cachets. Veü donc ce que dessus, ie tiens pour certain que quasi des le commencement du monde, on a commencé à porter anneaux : maintenant encore on en vse fort en Castille car on void plusieurs armoiries & deuises grauees es pierres enchassees es anneaux que les Castillans portent ordinairement. Nous concludrons donc que les anneaux se firent du commencement pour bragardise, & pour donner seulement plaisir à l'œil, & pour autres raisons que nous deduirons cy apres. Et certes la coustume d'en porter est venue de si loüe main, que outre les exemples & histoires que dessus nous lisons de la magnanimité Iudith, qu'ayant iuré la mort d'Holofernes, elle posa son habit de deuil, & pour executer son dessein, se para de ses beaux habits, enrichissant son beau teint de bagues, anneaux & ioyaux. Les Romains aussi portoyent des bagues & anneaux en tous les doigts de la main, horsmis au doigt du milieu, qui est le plus grand de tous, lequel ils tenoyent pour infame, pour vne raison que ie ne diray pour le present. Plin dit, qu'apres la victoire que Pompee obtint en Asie les Romains s'acoustumerent fort à porter



anneaux : & que la brauete deuint si grande, qu'en Hiver on portoit de gros anneaux, mais que ceux pour l'Este estoient minces & subtils : mesmes ils nommoient leurs anneaux, selon les doigts ou ils les mettoient, ainsi que dit Iulius Pelagius. Plin dit que le second doigt ou les Romains commencerent à porter anneaux, apres l'annulaire fut le premier doigt, qui est pres du poulse : & que par apres ils en portèrent au petit doigt, dit outre q plusieurs de son temps portoyent trois anneaux à chaque doigt : toutesfois les plus mignards ne portoyent qu'un en toute la main, De là vient que toutes nations commencerent à rechercher curieusement les pierres de grand prix pour s'en seruir en cachets, & y grauer leurs deuises. Toutes fois entre les Camahus & cachets de prix, celuy de Pyrrhus, qui mena guerre aux Romains, fut anciennement iugé tres excellent. Car on voyoit en ce Camahu (sans toutesfois aucun artifice humain) le pourtrait de neuf deesses, & d'un ieune enfant sortant d'une nuee, tellement que les anciens iugerent que c'estoit le pourtrait des neuf Muses, & d'Apollon : qui est un cas fort estrange, & bien difficile à croire, toutesfois plusieurs auteurs dignes de foy le tiennent pour vraye hystoire, & specialement Plin, Et certes, selon l'opinion des philosophes, cela peut aduenir naturellement par la grace & de mesure chaleur de la matiere dont fut faite ladite pierre : ou par quelque rapport celeste & influence des astres & planettes : ny plus ny moins qu'une femme peut produire un monstre du tout diuers à la forme humaine, par les mesmes influences. Albert le Grand dit auoir veu une pierre à Cologne, en la chapelle des trois Roys, ou estoient naturellement figurees deux restes d'hommes posees sur un serpent. Leonard Camillus dit en son mirouer des pierres precieuses, q cela peut aduenir naturellement : disant outre auoir veu sept arbres tous d'une forme, naturellement pourtraits en une pierre. Et pour ne m'arrester aux tesmoignages d'autrui, j'ay veu des marbre & iaspes ou y auoit des homes pourtraits, & plusieurs autres figures qu'on pouvoit remarquer es diuersitez de couleurs & es ombrages q y estoient. Par ainsi veu q tant de ges dignes de foy escriuent du Camahu du Roy Pyrrhus, peut bien estre que neuf Muses y furent naturelle



rellement pourtraies. Au reste, ce qu'on dit de l'anneau de Gygez Roy de Lidie, semble chose estrange & incroyable. Plin attribue cest anneau au Roy Midas : mais ie pèse qu'il s'abuse. Cest anneau dōc auoit telle propriété, que le tenant au doigt, & tournant la pierre au dedans de la main, on estoit inuisible, & la remettant en dehors de la main, on estoit visible, & veu de tous comme auparavant & de fait cela estoit si public, qu'un homme se sentoit outragé quand on l'appelloit anneau de Gygez. Platon ce diuin philosophe, dit en ses liures de la republique, que par vne certaine tēpeste & tremblement de terre, la terre s'ouurit, & fit vn grand abyssine, auquel descēdant Gyges, qui estoit pasteur & homme de cœur, y trouua vn grand cheval de bronze, qui estoit creux : au dedans duquel y auoit vn corps mort de grādeur gigantesque & prodigieuse, & comme il consideroit ce corps mort, il luy veid vn anneau au doigt, lequel il print, & l'ayant mis au sien, s'en retourna vers ses compagnons garder le bestail : aduint par cas de fortune que Gygez ayant tourné vers la paume de la main la pierre de son anneau, ouyt ses compagnons parler de luy comme s'il fut absent : mais luy qui estoit cauteleux & fin, comprint incontinent que cela procédoit de la vertu de son anneau. Et de fait, se confiant en la vertu d'iceluy, il s'en alla à la Cour de Candaules Roy de Lydie, ou il fit tant qu'il acquit l'amour de la Royne : de sorte qu'ayant tué le Roy, par le moyen de sa femme, il s'empara du Royaume de Lydie, & s'en fit Roy : voila qu'en dit Plato. Toutesfois Ciceron prend ce narré de Plato pour vne fable morale. appliquee par Plato, pour donner couleur à son dire : Philostrate parlant des Serpens & Dragons des Indes, dit qu'en certaines pierres on voit des testes de Serpens, & Dragons naturellement pourtraies, & que cela se peut prouuer par l'anneau de Gygez. Veudonc qu'il y a tant de grands personnages qui font mention de l'anneau de Gygez, nous pouuons tenir ce qui en est dit pour vraye histoire, & non pour fable.



~~Des vertus & proprieté des pierres precieuses, & d'où procedent la vertu qui est en anneaux magiques.~~

CHAP. III.

**T**Ouchant l'anneau de Gygez, encore que ie ne vueil-  
les affermer resoluement ledit anneau auoir eu tel-  
le propriété, & que d'ailleurs selon qu'on void par expe-  
rience, & qu'on peut lire es auteurs, les pierres precieu-  
ses ayent de grandes & indicibles vertus: ce neant moins,  
pour ne trouuer cest anneau si estrange, les magiciens  
promettent d'exécuter par leurs forceleries de plus gran-  
des choses que l'anneau de Gygez ne faisoit. Et de fait, si  
ce qu'on escrit de Gygez est vray, n'ay opinion qu'il v fust  
plustost d'art magique que d'autres choses: comme en-  
côre font ceux qui font toutes choses par le compas de  
l'Astrologie, prenans garde au temps, & aux aspects &  
influences des astres, dequoy même ils en establisent  
reigles, desquelles nons parlerôs aucunement. Mais pour  
retourner aux vertus & proprieté des pierres precieu-  
ses, il est certain que les anciens enchassoient les pierres  
precieuses en leurs anneaux, pour se res sentir de leurs  
proprieté, les portâs au doigt. Toutesfois encore qu'el-  
les soyent douces de grandes vertus: ce neant moins elles  
n'ont les proprieté si grâdes que lon crie. Pour ne m'ar-  
rester donc à deschiffier par le menu leurs vertus, ie ren-  
uoyeray les lecteurs aux liures qui ont esté particuliere-  
ment dressés pour monst rer leur natures, me contentant  
de dire quelques mots d'aucunes particulieres. En pre-  
mier lieu on dit que le Diamant est singulier contre les  
forceleries, fortifiant naturellement le cœur par sa ver-  
tu, & principalement contre les illusions des fantosmes,  
& esprits qui pourroyent esbranler la personne. On dit  
qu'il est bon aux femmes enceintes pour conseruer leur  
fruit. L'Amethyste sert de contre poison, & garde la per-  
sonne de s'en yurer. Le Balais resserene les appetits delor-  
donnez de la chair, & ayde fort à la santé de la personne.  
Le Carboucle & Rabis est bon contre l'air pestilentieux  
& infect. Il modere les appetits de la chair, & resiouyt le  
cœur. Le Corail porté sur soy a de grandes proprieté:  
car il estanche le sang, & preserue la personne de visions  
& son-

Diamant,  
& ses pro-  
prieté.

Amathy-  
ste.

Balais.

Carboucle.

Rabis.

Corail.



& songes espouventables: mesme on dit qu'il resiouyt le cœur. Quand au Crystal, il est souverain contre ceux qui enforcellent par leur regard, & si garde de songer choses *Crystal.* facheuses. La Iacinthe resiouyt le cœur, comme fait le Corail, & preserve de peste. On dit que portant vne Esmeraudé au doigt, elle rend la personne plus chaste, comme celle qui reffrene les appetits de la chair: mesmes on dit que ceste pierre se rôpt. estat au doigt d'une fille qui perd son pucelage: elle sert aussi cōtre les mauuais esprits, contre la tempeste, & cōtre l'apoplexie. Item elle fortifie la memoire, maintient la veuë & guerit toutes morsures venimeuses. La Cornaline modere les appetits de luxure, & néantmoins resiouyt le cœur: ceste pierre est la meilleure de toutes à faire cachets, car la cire n'y prend iamais. La Topaze appaise les passios de l'esprit, modere l'impetuosité de la cholere, & frenaisie: destrépe & mitigue l'humour melancholique, & finalement purifie le sang. Voila quād aux vertus des pierres que dessus. Il y en a plusieurs autres qui sont de grāde vertu, desquelles ie me passe de leger, remettāt le lecteur à Aristore (encore q'le liure des pierres intitulé de son nom, semble n'estre de sa facture) à Albert le grād en son traicté des choses minerales, & au Poète Marbodeus au liure qu'il a fait des pierres precieuses: Serapio en son liure des simples: Isidore au sixiesme liure de ses Etymologies. Barthelemy Anglois en sō traicté de la propriété des choses naturelles, & sur tous à Leonard Camille en son miroir des pierres precieuses. Plinē aussi en a escrit en plusieurs endroits, aussi à Vincēsius & plusieurs autres auteurs dont ie me tais à cause de brièveté. Mais ie vous prie considerons vn peu la perspicacité de l'esprit humain, qui a trouué maniere d'enchasser les pierres precieuses és anneaux pour iouyr de leurs vertus & proprietēz. Mesme il y en a qui y enchassēt du poison pour se faire mourir, si d'auenture ils se trouuoient en quelque extreme desastre: toutesfois cela est venu de l'instigation du diable qui induisoit à ce desespoir les anciens Payens, selon qu'on peut voir és anciēnes histoires, mesme à l'endroit du renommé Annibal, qui portoit ordinairement du poison en vn anneau, duquel il se fit mourir en Bithinie, pour ne tomber és mains de Titus Flaminius.

*Crystal.**Esmeraudé.**Cornaline.**Topaze.**Auteurs  
qui ont es-  
crit des  
pierres pre-  
cieuses.*



nus Ambassadeur des Romains son ennemy capital, à cause du pere de Flaminius qu'il auoit tué en Italie, auquel Prusias Roy de Bythinie vouloit redre Annibal, pour acquerir par ce moyé la grace des Romains, Pline dit que Demosthenes ce grād orateur Atheniē en vsa de mesme. Heliogabalus aussi Prince fort mal conditionné portoit ordinairement du poison en vn anneau pour cest effect: toutesfois, selon que dit Lâpridius en sa vie, il ne merita vne mort si hōorable que poison: en somme Pline parle de ceste maniere de porter poison cōme d'vne chose ordinaire & cōmune de son temps. En outre les anciens obseruoient singulieremēt les aspects & influēces des astres: à forger leurs anneaux, qu'à grauer les pierres qu'ils y enchassoyent, pour leur dōner vertu: chose malheureuse, meschante & indigne d'estre recitee entre les Chrestiens. Et de fait, il y a plusieurs auteurs qui traittēt de ces images & caracteres ainsi faits sōus l'observatiō des constellations astronomiques, & qui promettent monts & merueilles par ce moyen: disans qu'outre la vertu naturelle qui est en la pierre: elle acquiert vne nouuelle force & proprieté par l'image qui y est grauee sōus l'influence de certaines estoilles, & par l'alliāce qu'elle a avec le metal auquel elle est enchassée: & dient que les astres & estoilles influent & communiquent leurs vertus à ces anneaux, ainsi scrupuleusement forgez, comme à chose subiecte à leurs influences: & que par ce moyé la vertu naturelle des pierres est fortifiée par la vertu magique qu'elles ont acquises. Et de fait, ils baptisent du nom de magie naturelle ceste liaison & messāge qu'ils fōt d'herbes, metaux, parfums, & caracteres qu'ils vnissent ensemble en vne bague: disans que les anneaux ainsi cōposez sont bons contre l'apoplexie, ou douleurs de costé: qu'il y en a qui sont propres à resiouyr le cœur, à guarir de la rage, à mitiger la furie d'un hōme insensé: & que mesmes ils seruent de cōtrepoison, & à plusieurs maladies, & que finalement ils conseruent l'hōme, mesme luy augmēter sa force naturelle. Et sōme ils attribuent plusieurs grādes proprietēz à ces anneaux, desquelles ie me tais à cause de briēfueté. Toutesfois qui en voudra estre au plein informé, pourra auoir recours au Miroir des pierres precieuses

*Anneaux  
magiques  
faits sōus  
l'observa-  
tion des  
astres.*



ses de Leonard Camille, & à Agrippa en son liure de la Philosophie occulte. Albert le Grand, & Tabit Philosophes fort renommez en ont parlé: cōme aussi ont fait Iustinianus, Stoflerius, & plusieurs autres: toutesfoiſ ie ne m'asseure beaucoup sur ce qu'il en dient, car ie n'ay experimētē la vertu de ces anneaux magiques. Vray est que ceux qui en font profession dient qu'obseruant les constellations requises, tant en la forge du metal, qu'en la graueure de la pierre enchassée en l'anneau sous la planette de Mars, ceste bague fortifie le cœur, & a la vertu retentive, & opere plusieurs autres grands effects quasi incroyables. Pareillement ceux qu'on fait sous l'influence de Mercure, ornent le parler de l'homme, & le font grā orateur, & propre à mener marchandise: & ainsi peut on dire de ceux qu'on fera sous l'observation des autres planettes. Les autres grauent es anneaux les caracteres des signes du Zodiaque selon leurs triplicitez: disans que ceux de la premiere triplicité, à sçauoir, Aries, Leo, & Sagittarius, seruent aux maladies froides, aux fieures prouenant de flegme, & aux apoplexies. Item que les caracteres de ceux de la seconde & aërienne triplicité, à sçauoir, Gemini, Libra, & Aquarius, sont singuliers cōre les corruptions & putrefactions du sang: & ainsi dient des autres triplicitez des signes, selon leurs qualitez elementaires. Et de fait ceste obseruatiō est fort antique, & pratiquée de longue main entre les anciens Philosophes, tant Chaldeens, Egyptiens, que Iuifs. Aussi tient on que les sept anneaux fortunez que le Roy Iarcas donna à Apollonius Thyaneus, selō que dit Philostrate, estoient de ceste trempe: disant que ledit Prince meritoit tous les iours vn anneau, selon la planette qui regnoit ledit iour: & que par ce moyen il se maintint cent ans estant tousiours cōme en fleur d'age. L'ayeul aussi du Roy Iarcas auoit vescu cent trente ans, par la vertu desdits anneaux ayant tousiours verdeur d'homme. Et de fait, les anciens Grecs vſoyent fort de ces anneaux magiques & sophistiques, selō qu'on peut voir es Comedies d'Aristophanes: lequel introduit vn maquereau se rebecquant contre vn certain Diseus, qui le menaçoit, où il dit ainsi: le ne me soucie des menaces qu'on me face, ayant au doigt ceste

*Anneaux  
faits sous  
chacune  
planette.*

*Anneaux  
fortunez.*

*Aristo-  
phan. in  
Pluto.*



bague que la Signore me vendit pour vne dragme. Et monstrant l'anneau, il dit ainsi: Auec cest anneau ie me garderay de sa dent, & de ses abois. Erasme aussi parlant de ces anneaux magiques dit ainsi: On porte amour d'huy des anneaux, ou y a certains caracteres grauez, sous l'observation des constellations & aspects des astres: & tient on qu'ils seruent au mal de costé, & qu'ils sont propres à plusieurs autres maladies, d'autres estimans la chose estre ainsi, les contrefont: mais le tout n'est qu'abus: car pour leur dōner celle vertu, il faut obseruer diligemment le cours des astres, & les constellations, quand on les fait: toutesfois plusieurs ne regardent point aux influences des astres, ains ont esgard seulement à la nature de la pierre qu'ils enchassent en l'anneau & aux caracteres qu'ils y grauent: cela se peut voir au liure des aïsses de Roger, & és escrits de Leonard Camille, & de Terel, & de Caclus en ses liures, qu'on attribue à Salomon pour leur donner credit, lesquels en traictent amplement. Car selon que dit Terel, vn laspe enchassé en vn anneau, où y ait l'image d'une fille grauee, preserue la personne des mauvais esprits, & de l'eau. Et y grauant vn agneau, ceste bague preserue d'Apoplexie, & guerit de la fièvre quatre. Vne Cornaline aussi y ayāt grauee la figure d'un homme tenāt en sa main quelque chose belle & respectable, estanchē le flux du sang. En somme on en dit tant de choses qui sont plaisantes à ouyr, & fort mal aisees à croire, que ie ne scay qu'en dire: toutesfois l'experience n'est trop mal aisee à faire. Pour retourner donc aux anneaux & cachets, on s'en sert en Espagne en tous contracts, en lieu d'arrest: mesme és traictés de mariage, les deux parties s'entredonnent des anneaux pour signal & confirmation de la promesse mutuelle qu'ils ont faite l'un à l'autre. Pareillemēt quand les religieuses prennent le voile en signe de profession, on leur baille des anneaux, tant du costé de la religion, que de leurs parens en signe de vray mariage. Au reste, il y a encore vn poinct à toucher sur ce fait, qui est de petite importāce, toutesfois il sert de beau-coup: c'est que plusieurs changent leurs anneaux d'un doigt en autre, pour se mieux souuenir de quelque fa-  
ciende qu'ils ont à faire. Et par ainsi qui bien considere-  
ra l'vsa



33
 ra l'usage des anneaux, il n'est tant à blâmer que Plin  
 & plusieurs autres le font : car de tout temps les gens  
 d'honneur & de vertu en ont usé. Ioint que Dieu a créé  
 l'or & les pierres précieuses pour le service de l'homme,  
 & pour le maintenir en santé, leur baillant les propriétés  
 que dessus, afin de s'en servir selon la commodité de  
 l'homme. Finalement les anneaux sont particulièrement  
 attribuez aux Euesques, en signe de dignité.

9999999999999999999999999999999999999999999999999999999

D'où est venu que ce nom de Gentil-homme a esté attribué tant aux Cheualier, q'aux enfans des Presidens & Conseillers: & quelles armoiries portoyent anciennement les Romains: & d'où est venue l'inuentio de blasoner les armoiries en escuillon.

### CHAP. III.

**L**a coustume de France, d'Italie & d'Espagne est d'appeller ordinairement Gentil-homme vn Cheualier extrait de noble maison: mesme quand il est Gẽtil-homme de nom & d'armes. Aussi quand vn Roy despesche pour ambassade quelque homme de noble maison, il met en ses patentes. Je vous enuoye vn Gentil-homme de ma maison. Les Rois & Princes tãt de maintenãt que du passẽ, auoyent ordinairement en leurs cours des hõmes doctes, & des Cheualiers qui estoient nommẽs Gentils-hommes de la maison du Roy, ou Gentils hommes seruãts. Et estoient ces Gentils-hommes yllus des plus grosses maisons du Royaume, tant de loigne que courte robe: & demouroient ordinairement à la Cour, suiuaus le Roy en tẽps de paix, & en temps de guerre: par ainsi donc Gentil-homme signifie autant qu'homme noble, & extrait de noble lignee. Toutesfois il me semble n'estre hors de propos de parler d'où sont venus les noms de Gentil-homme, & de gentillesse, ensemble la coustume de porter armes en escusson. Quãt au premier poinct, ce nõ de Gentil est venu des Latins qui appelloient Gentils ceux qui estoient d'vne mesme race & d'vn mesme nom, estans libres & de franche condition de toute anciennetẽ, & appelloient ces maisons ainsi antiques, gentiles: comme encõre auourd'huy nous appellõs les maisons nobles de race, maisons



*Cic. de cl.  
orat. &  
Act. I. in  
Ver.*

de gentils-hommes. Ce que bien demonstre Ciceron en ses Topiques, disant ainsi. On appelle gétils ceux qui sont d'un mesme nom, & qui de tout tēps ont esté de franche condition: de sorte que iamais aucun de leur race ne fut serf ny esclave, & moins degradé de l'honneur & de la bourgeoisie Romaine. Boëce aussi en ses Topiques dit qu'on appelloit anciennemēt gétils, tous ceux qui estoient issus d'une maison & race antique, franche & libre: comme estoient les Scipions, Brutus, & autres nobles maisons de Rome. Cicero prend aussi ce nom de gentil, pour un qui est de nostre race, & qui porte mesme nom & armes que nous. Le docteur Budée parlant des devoirs de parentage obleruez entre les Romains, dit qu'il y en auoit trois: c'est à sçauoir deuoir de consanguinité, deuoir de sang & de lignage en droicte ligne, & deuoir de gentilité: cest à dire, quand on estoit d'un mesme nom & armes. Ce tiltre donc de gentil & de gentilité s'attribuoit seulement aux maisons nobles. Et par ainsi ce nom de gétilhōme enuers les Romains, valoit autāt qu'hōme noble entre nos Castillās, & entre les François. Et de fait les Gétils hommes Romains mettoient ordinairement en monstres les images & deuises de leur predecesseurs, qui auoyent illustré leur memoire par leur hauts faits: & estoit ceste representation de noblesse fort estimée entre les Romains: cōme encore auourd'huy sont les armoiries anciēnes, & les penons & estédars des predecesseurs des Gentils hommes, lesquels n'oublient riē de l'antiquité de leur lignage & harāgues funebres qu'on fait & obseques de leurs parens: de sorte que tant plus les estédars & enseignes sont anciēnes, tant plus un hōme estoit estimé noble. Et c'est ce que Cicero reproche à Piso, au plaidoyé & changemēt qu'il fit contre luy: disant que les honneurs & estats qu'il auoit obrenus, luy fussent dōnez seulement pour le respect des images enfumees de ses predecesseurs, ausquelles il retireroit de couleur seulement: de sorte qu'il ne pouuoit nier qu'il ne fust Gentil-homme. Et en vne autre passage parlant de soy-mesme, il cōfesse n'auoir aucunes images de sa race: car par son sçauoir excellent, prudence admirable, & eloquence souueraine, il s'ennobliroit tellement qu'il yint, à estre Cōsul de Rome, iouyssant des autres estats & prerog



prerogatiues, comme ſ'il euſt eſté gentilhomme de race  
 & yſſu de maiſon de Senateur: ce que luy meſme cōſeſſe  
 au dernier plaidoyé qu'il fit contre Verres: diſant que luy  
 eſtant grand Voyer de Rome, pour les grâds ſeruices par  
 luy faits à la republique, luy fut permis mettre ſon image  
 en la place, & iouyr des priuileges des gentils-hōmes. Et  
 de fait, les gentils-hōmes Romains eſtoyēt fort ſoigneux  
 de ces images qu'ils appelloyent *ſtēmates*: elles eſtoyent  
 communement de cire: & les mettoyent ſur les portails  
 des maiſons: ou bien les gardoyēt curieufemēt en quaiſ-  
 ſes & armoires, ſelō que diēt Iuuenal, Martial, Seneque  
 Pline, & pluſieurs autres: & quand il eſtoit queſtion de  
 quelque ceremonie publique, ou de quelques funerailles,  
 ceux de la maiſon mettoyent en monſtre, & parade les  
 images de leurs anceſtres, avec leurs noms, ſelōn que dit  
 Pline: Lequel auſſi raconte que les Romains mettoyent  
 au deuant de leurs maiſons les enſeignēs, penons, & au-  
 tres armes & deſpoüilles qu'ils auoyent acquis ſur l'enne-  
 my en guerre: leſquelles y demeuroyent à perpetuité: de  
 forte qu'encore que la maiſon ſe vendiſt, il n'eſtoit loiſi-  
 ble à l'acheteur les oſter: car cela ſeruoit d'honneur & de  
 preeminence à ceux de la race. Et de là vient la couſtūme  
 de porter armoiries en eſcuſſon, comme encore ſont au-  
 iourd'huy les gentils hommes. Toutesfois il ſemble que  
 les blaſons des armoiries ayent prins leur cōmencement  
 des deuifes qui eſtoyēt es bannieres & enſeignēs, q̄ tant  
 les Romains, qu'autres nations eſtranges portoyent en  
 guerre: comme nous voyons auourd'huy les Empereurs  
 porter vne Aigle en leurs armoiries, pource que Iules  
 Ceſar, premier Empereur de Rome la portoit en ſes en-  
 ſeignēs. Autant en peut on dire des fleurs de Lis que les  
 Roys de France porrent: & ainſi des autres. Quant a moy  
 ie treuve que long temps auāt que les Romains fuſſent,  
 les armoiries des gentils-hōmes eſtoyent en eſtre: Car il  
 eſt dit au premier liure des Machabees, que Simon capi-  
 taine general de l'armee des Iuiſ, fit vn ſepulchre fort  
 ſomp tueux à ſes pere & mere, & à ſes freres, lequel eſtoit  
 enrichy de pyramides & colomnes, eſquelles il fit grauer  
 des nauires, par maniere de deuife: y ayant au preallable  
 attaché les armes avec leſquelles il auoit veincu ſes fre-



res Messala Coruinn en l'oraison qu'il fit à l'honneur de la lignee de l'Empereur Octavius (iaçoit que ceste oraison ne merite le tiltre de Messala, alegant Virgile, sur ce qu'il dit qu'Antenor Troyen fonda Padoüe, & y mit les armes de Troye) dit que les armes Troyènes furent posées par Antenor au temple de la nouuelle Padoüe: & que le blason des armes estoit vne Truye en champ d'oré: de sorte que si Messala dit vray, l'usage des armoiries est fort antique. Et de fait, ie pense que les blasons des gentils-hommes prendrent le nō d'armes ou armoiries, pour ce qu'il les gradoit tousiours aupres des armes: car comme dit Messala, les anciens apres auoir obtenu quelque victoire mettoient ordinairement es temples, les armes & enseignes avec quoy ils auoyent obtenu la victoire sur l'ennemy. Et par ainsi nous pouuons dire que le nom de gentil-homme, & la maniere de porter armes en escusson n'est pas moderne, ains fort antique: & que le nom de gentil est venu de ceux des ordonnances de la gendarmerie & caualerie Romaine, qui estoit vn tiers estat entre le commun peuple, & ceux de longue robe, c'est à sçauoir l'ordre des Senateurs & de leurs enfans qui estoient anciennemēt appelez Patricij: c'est à dire, issus des peres: car du temps de Romulus, selon que dit Tite Liue, les Senateurs s'estoyent appelez Peres & leurs enfans Patricij: & estoit cest estat le plus noble & le premier de Rome: les autres gentils-hommes, qui n'estoyent de cest estat, estoient dits cheualiers: de là vient qu'on appelle des gentils-hommes d'Espagne, cheualiers. Aussi tenons nous les gens de longue robe, qui ont à commander au peuple, comme Senateurs: toutesfois ils vont apres les autres. En somme, ce nom de cheualier est venu en tel credit, que les plus grans se tiennent honorez d'estre appelez cheualiers: encore que le nom de cheualier soit proprement le nom d'un soldat des ordonnances, ou de la caualerie legere.

Des septante qui traduirent le vieil Testament d'Hebreu

en Grec: de l'autorité de ladite traduction:

En quel temps. Et pourquoy  
elle fut faicte.



**C**Hacun est abreueé de la traductiō des septente qui traduirent le vieil Testament d'Hebrieu en Grec: mais peu de gens sçauent quād cela aduint, pourquoy ceste traduction fut dressée: en quoy certes plusieurs qui se meslent de prescher, monstrent bien leur grande paresse & lascheté. En premier lieu donc il faut noter de ceste traduction des septēte a esté seule en l'Eglise, sainctement & religieusement obseruee: mais au temps du Pape Damasus, S. Ierosme la traduisit en Latin. Et de fait la traductiō des septēte a esté de telle autorité, qu'elle estoit alleguee cōme diuine: ainsi qu'appert par nostre Seigneur & des Apostres, qui alleguent souuent l'Escripture selonc ladite traductiō. Et pource que l'histoire de ceste traductiō est fort belle, ie mettray icy ce qu'é diēt S. Augustin en son liure de la cité de Dieu: Iosephe Hebrieu, Eusebe, Irenee, Iustin, Ruffin, & plusieurs autres. Il faut dōc noter que les cinq liures de Moise, les Prophetes & autres histoires de la saincte Bible furēt premierement escriptes en lāgue Hebraïque, qui fut la premiere langue vīsee entre les hommes, auant la confusion des langues qui aduint en l'edificatiō de la forteresse de Babylone. En ceste lāgue Dieu parloit à ses Prophetes: aussi faisoit nostre Seigneur lors qu'il conuersoit entre les hommes. Ceste lāgue donc estant particuliere aux Iuifs & les mysteres des Prophetes, & l'aduenement de Iesus Christ, estans comme cachez en icelle, il estoit bien requis que tels mysteres fussent escriptes en langue plus commune, que n'estoit l'Hebraïque: comme estoit celle des Grecs, qui estoient lors dominateurs de l'vniuers, par les fresches & recentes victoires d'Alexandre le Grand: tellement que par la frequentation & traffique des hommes, la langue Grecque auoit cours par tout, & estoit estimée la plus commune de toutes. Afin donc que les mysteres de la saincte Escripture fussent entendus d'vn chacun auant l'aduenement de Iesus Christ, il estoit requis par necessité, que la saincte Escripture fust fidellement traduite en lāgue commune & vulgaire: de peur qu'à la venūe du messias, les Iuifs n'assopissent l'Escripture sainte, ou ne la falsifiassent (car ceste race de gens estoit d'vn tres-malin courage)

*Dieu par-  
loit en He-  
brien.*



ou qu'on ne dist que les Chrestiens eussent adiousté ou diminué à l'Escripture selz leur poste & fantasie. Et par ainsi enuiron deux cens septente ans auant l'incarnation de Iesus Christ, il pleut à la bonté de Dieu d'inspirer Ptolomee Philadelphie Roy d'Egypte, à faire traduire la S. Bible. Mais puis q nous sommes cōbez sur le propos dudit Prince : nous reprendrons son histoire vn peu plus haut. Apres qu'Alexandre le Grand eut subiugué l'Asie, ce qu'il fit en peu de tēps, & qu'il eut rangé vne bonne partie de l'Europe & d'Afrique, il mourut sans laisser aucun heritier legitime qui peut succeder à si grāds Empires: luy dōc estāt decedé, les Princes & Capitaines de sa cour, qui tous estoient illustres & vaillās, tascherēt par force d'armes, s'emparer de ce qu'ils peurēt: de sorte que les Royaumes d'Alexandre furent diuisez en plusieurs parties: car Antigonos s'empara de l'Asie: Seleucus de Chaldee: & de plusieurs autres prouinces: par mesme moyen aussi Ptolomee, fils de Lagus se fit Roy d'Egypte, de Phenicie, de Cypre, & de plusieurs autres cōtrees, entre lesquelles ludee fut. Estant donc seigneur de ludee, il y fit de grās butins: mesmes il mena plusieurs Iuifs captifs en Egypte, où il auoit assis le chef de son Royaume: tellemēt que ce fut le premier Roy d'Egypte qui s'appella Ptolomee: lequel nom demeura hereditaire es successeurs dudit Royaume: car auparauant que Cambyse fils de Cyrus Roy de Perse eust cōquis l'Egypte, les Rois Egyptiēs s'appelloyēt Pharaōs. Mais pour retourner à nostre Ptolomee, apres qu'il eut lōg temps regné il mourut: & à celuy succeda Ptolomee Philadelphie, lequel aussi regna paisiblement en Egypte. Ce Prince donna congé & remit en liberté tous les Iuifs que son pere auoit menez prisonniers en Egypte. Aduint donc cōme il pleut à Dieu, que ce Roy dressa vne grāde Librairie en Alexandrie ville capitale d'Egypte, par le moyen de Demetrius Phalereus Athenien, hōme fort renommé à cause de son sçauoir, auquel il auoit dōné ceste commission de sorte que par la diligence de Phalereus, il fit la plus belle & la plus consommee Librairie qui depuis ait esté veuē au mōde, tant en nōbre de liures qu'en qualitez d'auteurs & diuersité de disciplines. Ce Prince donc ayant entendu que les liures des Iuifs contenoient des



des myſteres admirables & inenarrables, delibera les faire traduire en l'ague Grecque: & à c'eſt eſſect depeſchayne ambassade pour enuoyer à Eleazar prince de la Synagogue des Iuiſs, avec de grands preſens: le priant qu'en memoire des plaiſirs qu'il auoit fait à ceux de la nation, & pour le bon voiſinage qui eſtoit entre eux, il luy enuoyast vne Bible en Hebrieu, avec gens ſçauans & idoines pour la traduire en langue Grecque. Iosephe & Eusebe mettent la teneur de la lettre qui eſt telle: Ptolomee Roy, auſacrificateur Eleazar, salut. Nul ne peut ignorer que pluſieurs Iuiſs n'ayent habité en ce Royaume d'Egypte, y ayans eſté mené priſonniers par les Perſes, lors qu'ils ſubiuguerent la Iudee: & d'autres que le feu Roy mon pere y amena auſquels neantmoins mondit Seigneur, & pere ſe ſia qu'il ſ'en ſeruoit au fait de ſes guerres: meſme les mit es places fortes, par maniere de garniſon, pour tenir les Egyptiens en crainte. Quant eſt de moy, dès que ie parvins à la couronne, i'ay touſiours humainement, traitez ceux de voſtre nation: meſme i'en ay renuoyé plus de cent mil, qui eſtoyent icy tenus comme eſclâues, payant leur rançon à ceux qui les tenoyent priſonniers: à ceux qui ont voulu ſuyre les guerres, i'ay donné ſoulde, meſme leur ay departy les charges ſelon qu'ils meritoient: & en ay couché pluſieurs en l'eſtat ordinaire de ma maiſon, eſtimant par ce moyen, faire choſe agreable à Dieu qui m'a mis ce Royaume entre mains. Pour mieux monſtrer l'affection que i'ay de faire tous plaiſirs à vous & à ceux de voſtre nation, tant de preſent qu'à l'aduenir, i'ay deliberé de faire traduire vos liures d'Hebrieu en langue Grecque, à ce que la librairie que ie dreſſe n'en ſoit deſpourueüe: & par ainſi me ferez grand plaiſir de choiſir de chaſque lignee ſix hommes anciens, bien experts en voſtre loy, & bien verſez en la langue Grecque, pour les traduire, eſperant faire par ce moyen, choſe qui me redonnera à honneur, & contentement d'eſprit. A ceste cauſe, i'ay depeſché, par deuers vous André & Ariſteus leſquels vous informeront plus amplement de mon intention, auſquels i'ay fait deliurer bonne ſomme d'or & d'argent pour faire les ſacrifices ſelon que leur ay ordonné: vous priant me mander par iceux ce qui pourra eſtre



de ce negoce: vous asseurant que plus grand plaisir ne me  
 scauriez faire, & qui serue plus à entretenir l'amitié qui  
 est entre nous, & d'executer en brief, ce dont ie vous prie.  
 Apres que le Sacrificateur Eleazar eut receu les lettres du  
 Roy, & entendu la creance des Ambassadeurs, il les receut  
 honorablement: receuant d'un bon visage l'or & l'argent  
 que le Roy Ptolomee enuoyoit, qui estoit en grãde qua-  
 tité selõ que dit Iosephe. Et ayant assemblé les principaux  
 des douze lignees d'Israel, il leur declara l'intention du  
 Roy, & à qu'elle fin il auoit enuoyé ses ambassadeurs,  
 pour auquel satisfaire ils esleurent de chascue lignee six  
 homes vieux experimentez en la loy, & experts en la lan-  
 gue Grecque (car les Iuifs auoyent de coustume d'enuoyer  
 de leurs gés en Asie, pour apprédre les langues Grecque &  
 Latine, & les arts & sciences comprinses sous lesdites lan-  
 gues (comme encore aujourd'huy on fait) de sorte que  
 tous ceux qui furent esleux furent en nombre 72. Apres  
 donc qu'ils furent choisis, il les enuoya avec les Amba-  
 sadeurs du Roy Ptolomee, & avec eux les liures du viel  
 Testament, escripts (selon que dit Iosephe) en lettre d'or  
 en plusieurs endroits; & ce en yn parchemin le plus subtil  
 qui ait esté depuis veu. Et outre, il enuoya audit Prince de  
 grãds presens: luy faisant responce à la maniere que s'en-  
 suit: Eleasar au Roy Ptolomee son amy, salut. Je suis fort  
 ioyeux d'un bon portemét de vous, de la Royné, Arsinõé  
 vostre femme, & de Messieurs vos enfans, aussi de ce que  
 toutes choses vous viennent à souhair. Quand est de mon  
 portement, il est tres bon. Au reste ayant entendu par ce  
 que m'avez mandé la bõne volonté & amitié que portez  
 à ceux de nostre nation, j'ay fait lire vos lettres publique-  
 ment deuant tout le peuple. Et pour luy faire entendre au  
 plein la deuotion qu'avez à nostre Dieu j'ay desployé pu-  
 bliquement les 20. vases d'or & 30. d'argent qu'avez en-  
 uoyez: ensemble les cinquante couppes, & la table d'argent  
 pour faire les sacrifices: avec 50. talents d'or, & autant  
 d'argent qu'avez mandé pour faire les ornemens de nos-  
 tre temple: lesquels j'ay receus par les mains des Sei-  
 gneurs André & Aristee vos Conseillers & Ambassadeurs  
 fidelles: ausquels auons dit amplement ce qui est à faire  
 au cas que demandez: & par ainsi nous les vous reuoyons:  
 nous



nous offrans par iceux d'accomplir à vostre bon plaisir. Et pource que les grands biens qu'avez fait à ceux de nostre nation sont tels qu'il nous est impossible vser cōdignement de reuence : nous nous conuertirons à faire prieres & sacrifices pour la prosperité de vous, de la Roine, & de messieurs vos enfans : à quoy tout le peuple s'employera pour prier Dieu de vouloir acheminer vos affaires selon que desirez, & qu'il luy plaise conseruer vostre estat & Royaume en gloire & honneur. Et quant à la traduction des liures de nostre loy que tant desirez, nous auons esleu de chaque lignee six anciens lesquels nous vous enuoyons, avec les liures de nostre bible : toutesfois quand la traduction sera parfaicte, il vous plaira les nous renvoyer en quoy ferez l'estat de Roy iuste & amiable. Aprés que le Roy Ptolomee eut receu la lettre d'Eleazar, avec les liures de la Bible, & les presens qu'Eleazar luy enuoyoit, il caressa fort les septante anciens, s'esioyfant fort de leur venue, selon que dit Ioseph. Et ayant pourueu à leurs logis & à toutes choses necessaires, ils se mirer à traduire la Bible. En quoy il aduint vn cas admirable & miraculeux : c'est que les septante deux traducteurs estans mis separément par la commission du Roy, sans pouoir conferer les vns avec les autres, après auoir fait separément chacun sa traduction : comparurent deuant le Roy, tous avec leurs traductiōs, lesquelles neamoins furent trouuees si conformes, qu'il n'y auoit vne syllabe plus en l'vne qu'e l'autre : ce que ne pouoit estre sans l'operation & grace especiale du S. Esprit, selon que dient S. Augustin, Irenee, & Tertulien : lequel dit auoir veu de son temps à Alexandre d'Egipte, les liures escripts de la main des septante deux traducteurs, qui estoient en Hebreu & en Grec : autant en dit Iustin philosophe, au liure des aduertissemens qu'il fait aux Gentils & payens : ou il dit que le Roy Ptolomee fit bastir hors la vile d'Alexandrie septante deux salles, pour y loger separément les septante deux traducteurs : & que la il les pourueut honnorablement de tout ce qui leur estoit necessaire : auquel lieu lesdits traducteurs demorerent sans se voir l'vn l'autre, iusques à ce que leurs traductions fussent parfaictes : & affirme auoir veu encore les ruines & vieilles

*Aug. lib.  
s. de ciuit  
Dei. Ire.  
cont. Val.  
lent. Ter.  
cont. Gen.  
tiles.*



vieilles murailles de ce bastiment, lesquelles on tenoit comme reliques & choses sacrees. Et iaoit que S. Ierosme & Ruffinus ne conuiennent au nôbre deldites chambres, toutesfois cela ne sert de grand cas, veu que selon S. Augustin & plusieurs autres auteurs, chaque traducteur faisoit la traduction à part sans conferer avec les autres: & neantmoins toutes les traductions se trouuerent conformes. Et certes quand ie pense à ce mystere, ie tiens pour grâd miracle ceste conformité de stile, & d'ordre de traduire vne chose si diuerse & si longue: encore que tous les traducteurs eussent esté ensemble, & qu'ils eussent commencé cest ceuvre tous par ensemble: car nous voyons qu'il y a assez à faire à accorder des hommes en vn seul poinct, quand ils ont à demesler quelque chose par ensemble. Apres que la traduction fut paracheuee, les Iuifs qui demeuroyent en Egypte & qui estoient bien versez en leur loy, recommanderent au Roy ceste escripture sainte: de quoy le Roy fut trescontent. Et de fait, selon que dient Iosephe & Eusebe, le Roy Ptolomees s'estonnât de l'Escripture sainte, des mysteres y compris demanda à Demetrius Phalereus, qui auoit la charge de sa librairie, d'où venoit que Lycurgus, Solon, & les autres Legislateurs n'estoyent tous de la loy des Iuifs. A quoy Demetrius respondant, dit: Sire, ceste loy, comme pouuez assez voir, vient de Dieu: aussi n'y a eu Legislateur si hardy de la toucher, n'y d'en prendre quelque trait. Mesme Theopompe fut frappé de la main Diuine, de perturbation de sens, & de Cardiaque, passion, pour auoir voulu mesler l'histoire sainte des Hebreux parmy la sienne, l'enrichissant des belles paroles, & de couleuts de Rhetorique: toutesfois se retourna à Dieu, & se recommandant à luy, il luy fut reuelé en songe que ce desastre luy estoit adueni pour s'estre auantagé de vouloir embellir l'Escripture. & enrichir la sincerité de l'Escripture, par paroles ornees & agencees, & la communiquer par ce moyen aux nations Payennes & infideles. Il me souuient auoir entendu que Theodore poëte Tragique perdit la vue subitement pour auoir pris vn passage de l'Escripture pour argument d'une siene tragedie: & que se repêrant de cela, & faisant penitence de ce forfait, il recouura la vue comme auparavant.

*Theopompe puni pour auoir prophané la sainte Escripture.*



parauant. Le Roy Ptolomee estonné du dire de Demetrius, fit mettre la Bible traduite en sa librairie, & ayant traicté & remercié les anciens Iuifs, il les licentia, donnât à chacun de riches presens: remerciant par lettres, le Prince Eleazar, auquel il enuoya encore de grands presens. Voila cōme la traductiō des 70. fut faicte: lesquels, cōme dient S. Augustin, & S. Ierosme, eurent lors l'esprit de Prophetie: ce qu'appert assez en ce que nostre Seigneur & les Euangelistes alleguēt l'Escripture selon leur traduction. Et si d'auanture on trouue quelque chose en la Bible Hebrayque, qui ne soit en la traductiō des 70. nous dirons que le S. Esprit ne l'a voulu reueler par leur moyen: & au contraire, s'il y a quelque chose en leur traductiō qui ne soit au texte Hebreu, faut tenir & croire que le S. Esprit a voulu reueler ce passage par leur moyen. Car le mesme esprit qui pouſſoit les Prophetes, lors qu'ils escrigoyent leurs Propheties, gouernoit les 70. traducteurs lors qu'ils traduisoyent la Bible. Voila que dit S. Augustin touchant ceste traduction du vieil Testament: qui fut la premiere auant l'aduenement de Iesus Christ: car apres la Passion de nostre Seigneur, Aquila Iuif en fit vn autre. Du depuis furent faictes encore deux autres traductiōs: mais par qui, on ne ſçait: toutesfois elles tōberēt és mains de S. Ierosme, & d'ailleurs Eusebe en faict mention au 6. liu. de son histoire Ecclesiastique. Sur ces traductiōs on a traduit la Bible de Grec en Latin, toutesfois S. Ierosme l'a traduite d'Hebreu en Latin sans s'arrester à la traductiō des 70. ny aux autres traductiōs Grecques. Et de faict en l'Eglise Romaine on chante des Pseumes, & autres choses de l'Escripture, selon la traduction commune, laquelle il faut suyure sans s'arrester à disputer, si elle est de S. Ierosme ou non.

Des vertus & proprietéz admirables de la Formis, & quels exemples on peut prendre dessus. CHAP. V.

**I**L ne me seroit trop difficile de parler de la nature & proprieté des animaux, ayât pour patró Aristote, Plin Elian, & plusieurs autres qui en ont escript: pource que mō dessein est de traicter des choses curieuses, & cognues à peu



à peu de gés, ie parleray de la Formis: encore que pour sa petitesse aucuns pourroyent mespriser son discours: pour cela neantmoins ie ne la chasseray hors de nostre forest: car il n'y a iardin, pour bien clos qu'il soit, que la Formis n'enfonce malgré le maistre d'iceluy. Et certes sa petitesse n'a pas gardé plusieurs autheurs renoméz de dire d'elle choses merueilleuses. Vray est que Pline dit cest animal estre inutile, & de point de profit, sinon pour soy-mesme: & qu'au contraire, la mouche à miel, encore qu'elle soit petite, donne neantmoins goust aux viâdes pour la douceur de son miel, au lieu que la Formis les ronge & mange. Toutesfois en autre lieu il dit merueilles des Formis & parle fort à leur auantage. Car quât à ce qu'il les blâme cela procede d'une certaine avarice, qui fait tant adonner l'homme à son profit particulier, qui voudroit tirer profit de tous animaux pour petits qu'ils soyent: estât marry si nostre poure Formis se pouruoit d'un petit grain de froment. Mais si nous considerons les choses comme il apparriert, nous trouuerons qu'on trouue plus de profit de la Formis, que du miel des abeilles. Car la Formis nous sert d'exemple, d'industrie, de prudence d'amitié, & de plusieurs autres vertus, desquelles parle Salomon en ses Prouerbes: lequel renuoye l'homme paresseux à la Formis, pour considerer la peine & sollicitude qu'elle prend, & son industrie, & pour apprédre l'adresse & pouruoyance qu'elle a: attédu que sans guide ny capitaine, & sans auoir qui luy monstre ou commande, elle se pouruoit de viures l'Esté pour l'Hyer. De la viét que S. Ambroise, parlant de ce petit animal, dit ainsi. Les desseins & entreprises des Formis, à les bien considerer, surpassent de beaucoup leurs forces. Et iacqit qu'elles n'ayent personne qui les incite au travail, ce neantmoins par une certaine domination elles pouruoient à l'aduenir & aux necessitez futures: voila qu'en dit S. Ambroise, lequel parle bien amplement des proprieté de ceste bestelette. De laquelle aussi traitant Ciceron, dit que la republique des Formis est à preferer à toute cité, pour belle qu'elle soit: car non seulement elles ont sentiment comme les autres animaux: mais aussi elles ont entendement, raison, & memoire. Pline, Aristote, & Elian se sont fort arrestez



restez sur la consideratiō de la Formis, & non sans grande raison : car à bien considerer sa forme, l'aydeur de son regard, sa duité, sa viue couleur, & son musele piequant, il n'y a Lyon si fier que cest animal, s'il estoit aussi grand qu'il est petit, tant hardi, fort, & espouventable. En premier lieu, il n'y a animal qui puisse porter son pesant : mais la Formis porte & traîne dix fois plus pesant que soy, tellement que si ceste bestelette estoit grosse comme vn Cheual, elle porteroit aisement la charge de quatre charrettes : D'ailleurs, il est bien difficile se deffendre contre les assaux : car encore qu'elle soit bien petite, elle a neantmoins les dents si fortes, que le grain de froment qui est bien dur, n'est assez fort contre ses dents : mesme elle fait mestier d'emporter des pierres dures, lesquelles elle casse avec les dents, & quelque part qu'elle mette la dent, elle serre si fort, qu'il n'y a tenaille ny ferrement qui luy puisse faire ouurer la bouche : ains est si opiniastre, qu'elle se lairra plustost mettre en pieces que de lascher ce qu'elle tient : laquelle force seroit grande, si elle auoit le corps à l'equipolent. Laisant donc sa force, dont on fait peu de cas, pource qu'elle est petite, considerons vn peu son instinct naturel, & la prudence & vertu de cest animal : car nature n'en a point produit en son vniuers, qui ait plus grande monstre de vertu, que cestuy, lequel fait profession d'amitié, d'industrie, de prudence, & de plusieurs autres vertus que nous deduirons cy apres. En premier lieu, les Formis tiennent forme de republique entre elles, selon que dit Plin : car elles n'ont ny Roy ny Seigneur qui leur commande : autant en dient Aristote, & Salomon, & est leur republique si bien policee & ordonnee, qu'il n'y a iamais guerre, ny contention ciuile entr'elles : aussi ne les void on point combattre & s'entretuer contre les hommes : ains, comme chacun peut voir, toutes travaillent pour le bien public, sans faire le leur à part soy, comme les autres animaux qui combattent pour sa tripe. Les Formis s'aident l'une l'autre à conduire leur munition, & faire la prouision generale pour toutes, & s'il s'en trouue vne par trop chargee ou laise, sa voisine luy donne aide, & ce avec tel ordre, que l'une n'empesche point l'autre.



l'autre. Et s'il y à quelque chose trop pesânte qu'elles veulent trainer à leur munition, elles s'y mettront tant que de besoin, pour la trainer, cheminans ensemble tant vniement & si dextremét, qu'on diroit que ce sont gents faits & duits au mestier de porter. Les autres animaux ont leurs nids & retraictes à part, de sorte que souuentefois leur conuient auoir guerre contre ceux de leurs especes, pour leurs nids & giste: mais les Formis n'ont qu'une sale: & tasnier generale pour toutes, sans auoir chambrettes ny châbrillons particuliers, & par ainsi elles s'entretiennent en amitié les vnes avec les autres, nous donnans yn grand exemple d'vser de mesme comme elles font. D'auantage c'est chose miraculeuse de l'industrie qu'elles ont à faire leur tasnier: car s'il leur est possible elles la feront tousiours aupres d'une riuere, ou d'un ruisseau courant, & mettront la terre qu'ils en tireront à la bouche de leur tasnier, pour seruir de répart en Hyuer, de peur que l'eau ny entre: le dedans de l'entree va tournoyant de çà & delà, à fin de ne trouuer si aisémét leur tasnier, & font l'entree plus estroite à la bouche qu'au dedas. Au reste il y à trois estages en leurs tanières: dont l'un est pour les masses, & l'autre pour les femelles, lesquelles y font leurs petits: car il y à masses & femelles en ces animaux, lesquels parient ensemble, & font des petits, lesquels ils nourrissent selonc leur instinct naturel. Au troisieme estage elles font leur grenier, auquel elles mettent leur prouision & munition, selonc que dit Aristote: vns de leur prouision avec telle mesure, qu'elles n'ont iamais faute de viures. Et pour ce que la pluspart de leur prouision est de froment: pour garder que l'humidité ne le face germer, elles rongent & concassent le dedans du grain de froment d'où sort le germe (chose admirable & miraculeuse en nature) toutesfois Plin, Eliâ, & plusieurs autres auteurs la tiennent pour certaine & veritable: mesme si leur munition se trouue mouillée des pluyes d'Hyuer, elles ont bien l'entredemét de la rafraischir, & secher au Soleil, pour la garder de pourrir: tellemét que cest animal n'est iamais oisif, ny de iour ny de nuict à la Lune: ce qui leur viét de grâde prudence. Car comme dient ceux qui en ont escrit, ce que l'experience ordinaire monstre, on voit les Formis, les plus



plus duites à ce mestier, sortir tous les iours de leurs tasnieres, pour y apporter nouuelle munition: & apres qu'vne a apporté de la prouision fraische, soit qu'elles la cognoissent à l'odeur, ou que l'instinct admirable que Dieu leur a donné, leur enseigne où elles se prennent, toutes sortent pour rafraischir leur munition: & suiuaus leurs guides à grande foule, apportent leur munition par vn mesme chemin, sans toutesfois s'entreheurter l'vne l'autre: car vns de courtoisie l'vne enuers l'autre, elles s'entrefont place pour passer, & quelquesfois cheminent ensemble. Cependant toutesfois il faut noter l'ordre qu'elles tiennent estans paruenues au lieu où elles chargent leur munition: car les vnes tirent le grain hors de la paille & le portent hors: les autres le portent à la tasnrière, à l'entree de laquelle y en a d'autres qui recoiuent la munition, & la portent au grenier: de sorte que chacune rend son deuoir selon son estat. Et quand elles apportent vn pois ciche, ou quelque autre grain plus pesant que le grain de froment, elles se mettent trois ou quatre, ou tant que fait de besoin pour le porter, & cheminent vniement ensemble sans aucun desordre. Et si d'auanture elles reücontrent quelque lieu fascheux à passer, c'est merueilles de l'ordre qu'elles tiennent à le passer: car les vnes soustienent le fais d'en haut: & les autres le poussent cōtre mont: mesme celles qui suruiennent là par cas fortuit leur aident à monter ce fardeau. Et estans paruenues à l'entree de leur tasnrière, si le grain est plus gros que la bouche de l'entree, elles le mettent en quartiers, & ainsi les portent au grenier: cependant neantmoins les autres ne laissent de retourner à la prouision: si qu'on peut dire, par conclusion, que toutes travaillent generalement pour le bien public. Apres que leur prouision est faite, & qu'elles ont de munition assez pour leur saison, elles s'enferment & se fortifient en leur tasnrière, contre les playes de l'hyver: & cepédant elles se nourrissent de la prouision qu'elles ont faicte: lequel instinct naturel est denié à tous autres animaux, hormis à l'homme: & encore y a il plusieurs hommes qui n'ont point songé du lendemain. D'auantage, ce que la formis fait double prouision pour sa vieillesse est bien considerable, car selon que dit Virgile, elle



pouruoit à ses vieux ans : ce qui luy vient d'en instinct naturel, par lequel elles preuoient tous les ans vn Hyuer à venir. Item cest animal a vne certaine inclination naturelle, contraire à sa brutalité : car il semble qu'il a cognoissance de Dieu, & quelque sentiment de religion, attendu que selon que dit Pline, & Alian, elles obseruent religieusement certains iours de festes, cōme toutes nouuelles lunaisons : chose fort mal aisee à croire, & neantmoins possible. En outre selon que dient les mesmes auteurs, elles ont vne certaine charité entr'elles : car elles enseuechissent celles qui meurent, par vne certaine compassion. Cleanthes Philosophe recite vne histoire admirable, touchant la Formis, si toutesfois elle est veritable: car selon que raconte Alian, Cleanthes estant vn iour assis aupres d'une formilliere, pour bien considerer leur naturel, vid certaines Formis portans vn autre Formis morte, lesquelles arriuees à l'entre de la tasmere de celle qui estoit morte, s'arrestèrent, & vid d'autres sortir de la tasmere qui se ioignirent à celles qui venoyent de dehors, comme si elles parlementoyent ensemble : & comme les vnes sortoyent & entroyent en la tasmere, il vid en fin que celles de dedans apporterēt vn petit vers hors de leur tasmere, lequel celles de dehors prindrent comme pour payement de leur peine, & s'en allerēt, laissant là le corps de la Formis, qu'elles auoyēt apporté à celles de la tasmere pour l'enseuelir, ce qu'elles firent soudain que les autres furent parties. Et certes c'est chose admirable que ces animaux si petits, qu'à peine les peut-on voir, seruent d'exemple à l'homme pour estudier à paix & concorde, & pour estre mesnager, laborieux, prudent, & charitable: de sorte qu'il sert à instruire l'esprit & entendement humain; & par ainsi ne le faut iuger si inutile que Pline le fait, encore qu'il ne produise ny miel ny autre viande: car il sert encore à la santé de l'homme, & principalement ses œufs, lesquels, selon Pline, incorporez en lait de chie-ne, guerissent les douleurs des oreilles. Item apres qu'on les a mollifiez, on en fait vn lauement avec du sel, qui est fort propre à oster les raches & feux volages qui viennent au visage. Outre plus si on mange des Formis, elles guerissent le mal des yeux. Et neantmoins pource que ce pauvre

Formis de  
uotieuses.

Formis  
charita-  
bles.

Oeufs de  
Formis.



pauvre animal se paist de grain d'herbes, & des fructs d'arbres, seulement pour se conseruer en son essence, & perpetuer la generation: & que par ce moyen il peut faire quelque dommage par les champs: l'homme vindicatif se sentant offensé de ce petit dommage, a inuenté mille moyens pour faire mourir ces pauvres bestes: car selon que dit Plin<sup>e</sup>, l'Origan puluerisé & incorporé en souffre avec vn peu de chaux viue, fait mourir les formis: dit dauantage, que rembourchant l'entree de leur rasiere de limon marin & de cendre, elles n'en sortiront iamais. Toutesfois il n'y a chose plus propre à les faire mourir, que l'herbe nommee Heliotropium: & de fait, Auicenne par vn chapitre entier s'est estudié à mettre en auant plusieurs moyens de faire mourir ce pauvre bestail: & y a pris autant de peine que s'il eust voulu chasser vne peste ou sieur quarte. Ce que dessus s'entend de nos formis: car en la région des Dardes, qui habitent es Indes Orientales vers la plage Septentrionale, y a des Formis de la grosseur & grandeur d'un Loup, que les gens du pays craignent autant que les Lyons, selon que tesmoignent plusieurs auteurs: Et dit on qu'en fouillant & tournant la terre, elles iettent hors grande quantité d'or, lequel les gens dudit pays vont amasser quand ces formis espoauantables sont retirées: ce qu'ils n'oseroient faire les sentans en campagne: mesme quelques fois ce bestail ayant esuenté ces chercheurs d'or, sort de hors, & tué tous ces pauvres arpailleurs qu'ils rencontrent. Et n'y a autre moyen de chercher l'or en assurance: que d'y venir sur des Chameaux legers. afin d'auoir meilleur moyen de fuyr, si d'auanture les Formis esuentent les chercheurs d'or, mesme ils laissent tomber de guet à pend quelque piece de chair pour amuser lesdites Formis, & auoir moyen cependant de pouoir eschaper. Finalement il semble que ce soit chose monstrueuse que nos Formis chargent aisles: toutesfois il y a vn proverbe commun, qui dit qu'au dam de la Formis les aisles luy viennent: en quoy il appert qu'il en est quelque chose: car dès que ce bestail a chargé aisles, le vent l'emporte où il luy plaist.



*D'où vient que les vns vivent longuement, & les autres peu, & quelle complexion est la meilleure pour viure longuement. Item comme se doit entendre ce qu'on dit que les iours de l'homme sont nombréz.*

## CHAP. VI.

**L'**Apostre S. Paul dit que tous hommes sont sujets à mourir vne fois : & en cela tous homes sont egaux. Toutesfois il y a difference és ternies de la vie; car les vns vivent plus, & les autres moins: & toutesfois selon que dit Iob, le temps de nostre vie est compassé: & n'est possible à l'homme de passer les bornes que Dieu a plantées & déterminées pour nostre vie. Les choses dōc estans ainsi, cōme à la verité elles sont, il n'y aura point de mal d'entendre ce qui cause la vie à l'homme: pourquoy l'un vit plus que l'autre: quelle cōplexion est la plus propre pour viure longuement: & en fin comme se doit entendre ce qui est dit, que nos iours sont cōtez & déterminez, & qu'il n'est possible de passer outre: qui sont poïncts assez obscurs & entendus de peu de gens. Pour bien entēdre donc ce qui cōcerne de la longueur de la vie, il nous faut presupposer en premier lieu que la vie de l'homme, & l'entretien du corps humain, cōsiste en l'accord & harmonie des quatre qualitez elementaires dont il est cōposé: à sçauoir du chaud, du froid, de l'humide, & du sec: & par expres en l'harmonie proportionnelle de la chaleur & de l'humidité: ce que bien demonstre Aristote, lequel fait seulement mention de la cōuenance de ces deux qualitez, pour l'entretien de l'homme. Aussi void. on par experience que l'homme n'a garde de faillir pendant qu'il a la chaleur naturelle: car à ceste chaleur est le principal instrument pour conseruer l'ame vegetatiue. Et de fait la vie de l'homme ne consiste en autre chose qu'en l'entretien des instrumens & origines de l'ame: entre lesquels la chaleur naturelle tient à bō droit le premier rang: car ceste chaleur est si necessaire à l'entretien du corps humain, que defaillant, l'ame est cōtrainte abandonner le corps, & mettre fin à la vie de l'homme. Et pource que ceste chaleur naturelle tiēt du feu, qui de son naturel, cōsume tout ce qu'il rencontre, il luy cōvient opposer vne autre qualité cōtraire pour conseruer les



les corps inferieurs : à ceste cause Dieu mit l'humeur radicale ou naturelle, avec ceste chaleur naturelle, pour la nourrir & entretenir, tout ainsi que le feu se nourrit en l'huile. Et pource que ceste humeur radicale se consume & diminue iournellement: pour l'entretenir, il falut que tous animaux beussent & mangeassent: & que par ce moyen l'humeur causee de la digestiō suppléast au defaut de la naturelle. Mais attēdu que, cōme dit Aristote, l'humeur causee de la digestion n'est iamais si parfaite, que la radicale, & naturelle, encore qu'elle serue beaucoup à l'entretenir; par necessité ceste humeur radicale se diminue tousiours (car l'humeur accidentale, causee, de la digestion, n'est iamais si parfaite que la radicale, qui c'est esuanouye) & par ce moyen s'esuanouissent entierement, la chaleur naturelle se perd, & le corps préd fin. Car si l'humeur radicale, causee de la digestiō, estoit si parfaite que l'humeur naturelle qui s'est esuanouye, l'homme viuroit infiniment, selō que dient les Theologies, lesquels maintiennent que la propriété de l'arbre de vie, que Dieu mit au Paradis terrestre, cōsistoit en ce principalement que mangeant son fruit il reſtabliſſoit l'humeur radicale qui seroit perdue & esuanouye. De là vient que cest arbre fut prohibé à Adā & Eue apres qu'ils furent chassez du Paradis terrestre. Mais si nos premiers peres se fussent maintenus en leur iustice originelle, eux & leurs successeurs, manges du fruit de cest arbre, eussent vescu eternellemen en fleur d'aage, sans se ressentir d'aucune corruption, ou vieillesse, iusqu'à ce que Dieu eut glorifié leurs corps sans passer le passage de la mort: mais attēdu que l'humain lignage a perdu ceste prerogative par son peché, qui a introduit la mort au monde: ce n'est de merueilles si ce defaut se remarque en nous. Or pour retourner à nostre propos ie dy, que la vie dure plus ou moins selon que la chaleur & humeur radicale seront accordantes & proportionnées: car ceux en qui ces qualitez se rencontrent plus temperées, & mieux proportionnées, viuent dauantage, & non ceux qui abonderont es dites qualitez. De là vient qu'on voit plusieurs petits animaux, où y a peu de chaleur & d'humidité, qui neantmoins viuent plus longuement que ceux qui sont plus grāds & qui abondent plus es dites

*Humeur  
radical.*

*Arbre de  
vie.*



qualitez: ce qu'aussi auient rât ez arbres, qu'és hômes: tellement qu'on peut dire que la looguevie cōsiste en la tēperature & iuste proportion de la chaleur & humidité, laquelle defaillât, la compagnie, c'est à dire la vie se dissout. Car quand la chaleur surpasse l'humidité, elle cōsume en peu de tēps le corps, aiosi qu'on peut voir és hômes coleriques: au cōtraire quād par l'humidité excessiue la chaleur se trouue esteinte, cōme on voit és flegmatiqs, il en aduient de mesme. Par cecy toutesfois il ne faut entendre qu'il faille qu'il y ait autant d'humeur que de chaleur, aios conuient que la proportion y soit gardee: c'est à dire que la chaleur surpasse l'humidité proportionablement: car vne chose agēte n'a pas grāde vertu d'operer sur l'autre, si elle surmonte la partie passiue: ce que racitement demōstre Aristote, quād il dit que parmy les deux qualitez, que dessus, y doit auoir quelque peu de froideur meslee, pour moderer la chaleur du feu radical, à ce qu'il ne consume entierement l'humeur naturelle & que le sec aussi y est requis pour desseicher l'humeur radicale, de sorte qu'il ne puisse esteindre le feu naturel: cōme souuent on voit aduenir aux peris enfans qui meurent de trop grāde humidité: toutesfois entre ces quatre qualitez le chaud & l'humide sont tenues pour les principales, cōme estans complexions vitales & causans la vie: Quand au froid & au sec encore qu'ils seruent grandement à la conseruatiō de la vie: neātmoins on tiēt ces deux qualitez pour l'entree & cōmencement de la mort: car le froid est ennemy du chaud, auql principalement cōsiste le poinct de vie: & le sec est opposite & contraire à l'humeur, qui neātmoins nourrit la chaleur naturelle: aiosi qu'ō peut voir ez vieilles gens, lesquels viennent secs & froids quand ils approchent de la mort: mesmes en tous corps morts, qui ordinairement sont secs & froids. L'hōme donc, moyenant la bonne tēperature du ciel doit tēperer sa complexion, parmy ces quatre qualitez, de telle sorte qu'il maintienne sa chaleur en premier lieu, & l'humidité apres, faisant seruir le froid & le sec selon leur offices & quartiers: par aiosi ceux qui ne se trouuent aiosi proportionalement tēperez, ont naturellement cōurte vie: voila donc quār aux causes de la loogue ou cōurte vie. Reste maintenant à touch



cher quelle est la meilleure cōplexion de toutes, pour vi-  
 ure longuement. En premier lieu il faut noter que des  
 quatre complexiōs qui sont en l'homme, à sçauoir, coleriq,  
 flegmatique, sanguine, & melēcholique, la sanguine est la  
 meilleure pour rēdre la personne de lōgue vie: car le sang *Sang.*  
 est chaud & humide, lesquelles qualitez sont propre à en-  
 tretenir la vie. Itē son humidité n'est point aqueuse, ains  
 est aēriēne, estant chaude & humide, & conforme à la cō-  
 plexion sanguine, & par ainsi ceste complexion sanguine  
 participant à quelque chaleur rēperee, & à humidité suf-  
 fisante pour nourrir la chaleur, est la plus propre de tou-  
 tes les complexions pour faire viure longuement. Quant *Cholere.*  
 à la cholérique elle dure moins, parce que la force & vira-  
 cité de son feu & de sa chaleur, ne peut longuement durer  
 avec le sec. La flegmatiq & aqueuse ne peut estre digeree  
 de la chaleur, à cause de son humidité excessive: & par ain-  
 sielle rōbe aisēmēt en corruptiō, qui en fin cause la mort.  
 La melancoliq estant terrestre, abriege la vie avec sa froi- *Melācolie.*  
 deur & siccité, qui sont qualitez contraires à la chaleur &  
 humidité: parquoy ce n'est de merueilles si elles accour-  
 cissent la vie, quād elles abondēt en quelque corps. Tou- *Cholere & flegme.*  
 tesfois si la cholere se mesle avec le flegme, & qu'elle sur-  
 monte proportionalement le flegme, ceste complexiō est  
 assez rēferrēe pour donner longue vie. Quād: u si le sang  
 surpasse la melancholie en bonne proportion, ceste com- *Sang & melācolie.*  
 plexion est bonne, car le chaud & l'humide du sang se trē-  
 pent au froid & au sec de la melancolie: & par ainsi il y a  
 des complexions composees, qui sont beaucoup meilleu-  
 res que la simple sanguine pour donner longue vie. Par ce  
 que dessus donc, on peut voir que la vie de l'homme est  
 limitee par la vertu & force de sa complexion, & par la  
 proportion des qualitez elementaires, de sorte que les di-  
 uerses porportiōs causent la diuersité des termes de la vie  
 de l'homme: aussi dir-on que l'homme peut viure pendāt que  
 sa chaleur naturelle dure, & q l'humeur radicale lentre-  
 tient. Et quant à ce qu'on dit que la vie a ses limites qu'il  
 est impossible de passer, faut noter qu'encore que la com-  
 plexion & vertu naturelle de l'homme le puisse porter &  
 en, entretenir iusqs au dernier point: ce neantmoins de mil-  
 vn ne viēt, à ce point: il y a tant de defaictre qui viennent



accidentalement, ou par quelque desordre, que la pluspart meurt auant que nature leur defaille, soit par famine par peste, par poison, par gourmandise, par paillardise, par mauuais viandes, ou par maladies causees d'infinis excez que les hommes font, & par ainsi le vray terme naturel de la vie de l'homme, est quâd nature defaut: de sorte qu'il est impossible de passer ce poinct. Et c'est comme il faut entendre ce passage de Iob, où il dit: Seigneur tu as estably des bornes à l'homme qu'il luy est impossible de passer. Par ce passage on peut voir clairement que l'homme peut bien abreger sa vie, mais non l'allonger: tellemēt qu'on voit plusieurs de bonne complexion, & qui deuoyent viure vn monde d'ans, lesquels neantmoins sont de courte vie: par quelque cause exterieure qui leur auance leurs iours. Toutesfois ce passage de Iob, se peut autrement entendre, pour le regard de la prescience de Dieu, lequel donne à vn chacun son terme de viure, soit par la complexion naturelle, ou par quelque autre but qu'il assigne à la vie de l'homme. Et pource qu'il n'y a rien de caché à la sapience de Dieu, qui sçait toutes les causes & accidens qui peuuent venir à l'homme: il est impossible à l'homme: de pouuoir allonger sa vie outre l'ordonnance de Dieu, encore que ce soyent causes contingentes. Et par ainsi on peut dire qu'il y a deux termes en la vie de l'homme: dont l'vn depend de l'harmonie & proportion des qualitez elementaires: & que l'autre est selon la preordination & prescience de Dieu. Entre lesquels termes y a seulement ceste difference, qu'on peut paruenir iusqu'au premier, sans toutesfois le passer: mais tous viennent au second. Et encore que par cours de nature on puisse passer ce second terme: ce neantmoins il n'y a nul qui le passe. Autât en peut on dire des autres animaux, & des plantes.

*Comme la vie de l'homme s'est abregee des le commencement du monde. & ce en diuers temps: & des termes diuers de l'homme, avec plusieurs histoires faisans à ce propos, mesm de ceux qui ont vesçu longuement.*

CHAP. VII.

**A** Pres auoir môstré la maniere de pouuoir entretenir ceste vie, & déclaré la raisō pourquoy les vns viuent plus



plus & les autres moins, sera bon d'entendre en quel temps l'armonie naturelle des qualitez Elementaires, qui entrentient le corps humain, a commencé à venir en decadence, laquelle dès le commencement du monde, iusqu'à présent est venue tousiours en diminuant, tant en temperature des complexions: qu'en qualiré des viandes, qui conseruent & reſtablissent ceste vie, de sorte que la vie de l'homme est venue tousiours en accourſſant. Au premier monde les hommes viuoient huiſt cens, & neuf cens ans, ſelon que j'ay demonſtré au premier liure de ces diuerſes leçons, ou j'ay amplement traicté des ans des anciens & des noſtres. Pour maintenant ie parleray de la decadence de l'aage de l'homme: choſe fort notable, & dont la ſainte Eſcriture faiſt mention. Car il eſt eſcrit que la premiere decadence de l'aage de l'homme fut reiglee & limitée a cent & vingt ans, incontinent apres le Deluge, ſelon qu'on peut veoir en Genèſe, où le Seigneur dit que la vie de l'homme ſera de cent & vingt ans, non qu'il die que l'homme ne puiſſe paſſer ſix vingt ans: mais il veut dire que l'homme pourra viure ſix vingts ans en bonne diſpoſition de ſorte que le reſte de ſa vie ne ſera que vieilleſſe faſcheuſe & inſupportable. Abraham qui fut long temps apres le deluge, veſquit 175. ans. Iacob auoit 130. ans lors qu'il vint en Egypte, où il veſquit encore dix ans: & de fait pluſieurs autres, que nous pourrons alleguer, veſquirent longuement. Du depuis la vie de l'homme fut encorte accourcie, meſme du temps de Dauid, lequel dit ainſi en ſes Pſeaumes. La vie de l'homme eſt de 70. ans, & celle des plus robuſtes 80. tellement que qui paſſe ceſt aage, il tombe en vne vieilleſſe fort faſcheuſe à ſupporter. Auourd'huy nous voyons que ceux qui ſont de foible complexion ne paſſent point 55. ans, & les plus robuſtes, 65. ſ'entens pour eſtre diſpos aux operations & actions de l'homme & par ainſi la vie de l'homme d'auourd'huy ne dure pas la vingtième partie de celle des hommes du premier ſiecle. Qu'à ce qui eſt à venir, Dieu le ſçait. Les anciens Philoſophes ont fort traauillé à rechercher la raiſon de ceſte difference & decadence d'aage. Aucuns retribuoient cela aux influences celeſtes, les autres alleguoient d'autres raiſons, comme Plin, & pluſieurs au-



tres qui limitent la vie de l'homme à six vingts ans. Berge-  
se n'en met que cent dixsept. Petosiris, cent vingt six  
mais Censorinus, suyuant l'opinion du Philosophe Escla-  
ses n'assigne, pour viure à l'homme que quatre vingtz  
ans. Diolcoride, suyuant les Egyptiens, dit que la  
vie de l'homme est longue ou courte selon le pois  
de son cœur, ainsi que plus amplement auons démontré  
en la premiere partie de ce traicté, ou auons allegué plu-  
sieurs raisons, faisaus à ce propos, sans toutesfois entrer  
aux secrets de la volonté de Dieu. En premier lieu Dieu  
ordonna aux animaux de boire & de manger pour entre-  
tenir l'humeur naturelle & radicale, leur donât aussi moyé  
de perpetuer leur espee par l'acte de generation: mais  
comme le boire & le manger n'est assez suffisant pour re-  
stabilir l'humeur radicale, qui se diminue & se suanoit  
journallement, de sorte que la vie se perd quand & luy:  
aussi n'est il possible de rendre, par l'acte de generation,  
vn corps si parfait, qu'estoyé ceux du premier siecle, car  
la vertu & force de la complexion radicale, qui est appel-  
lee principale complexion, est grandement diminuee: &  
de là vient que la vie des hommes s'abrege & s'accourcit  
tous les iours. L'autre raison, qui neant moins depend de  
la premiere, est telle: c'est que les viandes dont l'hom-  
me se substente, ont beaucoup diminné & perdu de la ver-  
tu qu'elles auoyent au commencement du monde: de  
sorte qu'il est impossible de rendre le genre humain en  
telle perfection corporelle, qu'estoyent ceux du premier  
siecle. Et par ainsi defaillant la vertu de la complexion de  
de l'homme, & l'armonie des qualitez elementaires  
estant abastardie, & finalement les viandes diminuees en  
bonté: ce n'est de merueille si la vie presente est bien ac-  
courcie. Et iagoit que le temps que dessus serue quasi de  
limite ordinaire à la vie de l'homme: ce neant moins on  
trouue assez de personnes qui ont vescu d'auantage,  
pour estre de bonne & forte complexion: pource aussi  
qu'il plaist ainsi à Dieu la main duquel n'est iamais liee,  
& moins subiette à aucune loy. Toutesfois afin que ne  
nous plaignions du peu de temps qu'auons à viure, pour  
nous consoler en ceste briete de vie, ie mettray en auât  
quelques exépies de plusieurs qui ont surpassé les autres  
hom



hommes en longueur de vie, sans toucher au premier siecle, car ceux dont ie parleray ont vescu longuement des que la vie de l'homme fut retranchée: Arphaxad, fils de Sem, nepueu de Noé, nasquit deux ans apres le Deluge: & neantmoins vesquit, 330. Salé son fils, en vesquit, 433. Heber fils de Salé, dont les Hebreux prindrent le nom, vesquit 467. ans: de son temps la confusion des langues vint: mais luy, garda l'Hebraïque, qui estoit la premiere langue du monde, pource qu'il ne consentit au superbe bâtiment du fort de Babilone: Tharé pere d'Abraham, vesquit deux cents ans: & Abraham cent soixante: Isaac, cent octantecinq: & Iacob cent soixante cinq: Depuis, la vie de l'homme commença à diminuer. Moÿse neantmoins vesquit six vingts ans: & Aaron six vingts & trois: Sarra, ancienne matronne fort renommee, vesquit six vingts sept ans: & la vaillante Iudith, qui couppa le col à Holofernes, vesquit cent cinq ans, selon qu'on peutvoir en la sainte Esriture, qui rend tesmoignage de tout ce que dessus. Quant aux histoires profanes, on y trouue plusieurs qui ont vescu longuement, comme Nestor fils de Nelus, lequel vesquit si longuement, que les anciens souhaitans à quelqu'un longue vie, luy desiroient les ans de Nestor, lequel à son dire, auoit vescu, trois cents ans. Et de fait, Homere dit que le Prince Nestor ayant quasi trois cents ans, vint au secours des Grecs contre les Troyens avec vne grosse armee de mer. Autant en dient, Iuuenal, Ouide, Tibulle, & plusieurs autres autheurs. Argentonius Roy d'Andelouze anciennement appelee Turdetanie, vesquit cent cinquante ans, selon que dit Strabo, apres le poëte Anacreon: toutesfois selon Herodote & Silius Italicus poetè Espagnol, ce Prince vesquit trois cents ans: Valere le Grand, & Pline dient qu'il regna quatre vingts ans, & en vesquit six vingts. Pline aussi fait vn grand nairé de certains Roys d'Arcadie, & de plusieurs autres, tant hommes que femmes, qui vesquirent longuement: mais pource que les choses de si longue main ne tiennent aucunement en doute, ie mettray icy certaines histoires que ie tiens pour veritables. Marcus Valerius Corvinus vesquit cent ans, selon que dit Valere le Grand, ayant esté six fois consul à Rome: dit ouïre qu'il y auoit



*C'estoyent  
ceux qui  
se faisoient  
de cēt ans  
en cēt ans.*

auoit 46 ans entre son premier consulat ; & le dernier an qu'il fut fait consul : & qu'il vesquit le reste de son aage en bonne disposition, tellement qu'il pouuoit exercer les estats qu'on luy donnoit. Stephanus Romain, estant desia de bon aage, seruit de Baladin deuant l'Empereur Octauius és ieux seculaires qu'il fit à Rome ; & 73. ans apres, il balla encore és ieux de l'Empereur Claudius, & vesquit depuis longuement. Titus Fulonius Bolognois vesquit de cēt ans 150. ans, ainsi qu'apparut par les de nombres & recondiscouuances qu'o faisoit anciennement de cinq ans en cinq ans, à quoy l'Empereur Claudius print grand peine pour en estre informé au vray, car il estoit fort curieux de telles choses. Et pour n'estranger les dames de nostre discours, & leur donner espoir de longuement viure, faut noter que Terentia femme de Ciceron vesquit cent dix-sept ans. Claudia femme d'Offellus, paruint iusqu'à cent & quinze ans, ayant eu quinze enfans massles. Samura Romaine, auoit 110. ans quand elle mourut : mais sur toutes femmes Valeria Capriola me fait estonner, laquelle ayant cent & quatre ans, seroit de Balladine és ieux seculaires de l'Empereur Octauius : ayant desia ballé és autres ieux seculaires, ou y auoit quatre vingts & onze ans passez. Mine aussi dit vne chose fort admirable, & neantmoins veritable : c'est, qu'es roolles & denombrements faits par Titus & Vespasian Censeurs, on trouua à Parme trois hommes ayans chacun six vingts ans : & deux qui en auoyent chacun six vingts & dix : & vne femme ayans six vingts & douze ans : dit outre qu'en la Romanie on trouua cinquantequatre hommes ayans chacun cent ans : cinquante sept, de cent & dix : quatre de cent & trente, & autres 4. qui auoyent chacun six vingts quinze ans, dit aussi qu'on en trouua encore 4. qui auoyent chacun sept vingt ans, chose inusitée & qui n'est veüe maintenant. Or laissant l'Italie, parions vn peu des estrangers qui ont vescu longuement. Gorgias Leontin Philosophe fort renommé, vesquit en bonne disposition plus de cent ans, iceluy ayant cent & sept ans fut interrogué pourquoy il prenoit si grand plaisir de demeurer au monde, à quoy respondant il dit que la grace à Dieu il n'auoit iamais fait chose pourquoy on le peust blasmer en sa vieil



vieillesse, qui est vne responce grande & bien notable à qui la peut dire en verité: Seneque philosophe de Cordouë vesquit cent & quatorze ans: le renommé Apollonius Tyraneus auoit cent ans passez lors qu'il mourut. Democrite, par le tesmoignage de Diogenes & Laërtius, vesquit cent neuf ans, & mourut sans sentir aucune fièvre, n'y autre mal: Galé, Prince des Medecins, vesquit en bonne disposition cent quarante ans, & mourut par defaut de nature, sans sentir aucun mal: Attila, Roy des Goths, qui de son temps fut fort cruel, & de grand pouuoir, vesquit cent & quarante ans, seruant de fleau au genre humain, & gastant tout par guerres, & infinies cruantez qu'il exerceoit. Massinissa Roy de la Guinee, vesquit quatre vingts & dixsept ans, ayant regné soixàte: ce Prince n'eut iamais la teste couuerte pour le Soleil, pour vent, ny pour pluye qu'il fit: mesme sur ses derniers iours il en vloit de mesme, & se tenoit debout la pluspart du iour, marchant à pied avec ses armes aussi dextrement que le plus ieune soldat de son armee: il engendra vn fils à quatre vingts ans, & laissa apres sa mort quaràte quatre fils qu'il auoit engendrez. Quant aux Hermites & Peres anciens, on trouue que plusieurs ont vescu longuement par leurs abstinences, mesme Paul, premier Hermite, lequel vesquit six vingts ans: Antoine Hermite Egyptien, vesquit cent cinquante ans, & Crenius son compagnon cent. Maintenant on ne trouue point de gens qui vivent tant, car de iour en iour la vie de l'homme va accourcissant: en quoy apert que la fin du mode s'approche, toutesfois Dieu monstre en tout temps ses grandes merueilles: car du temps de l'Empereur Conrad, qui fut l'an de nostre Seigneur mil cent quarante, ou enuiron, mourut vn homme, qui auoit seruy l'Empereur Charlemagne en ses guerres: de sorte qu'il fut trouué cest homme auoir vescu trois cens soixante ans, & estoit appellé Jean des temps: lequel nom luy fut donné, comme ie pense, à cause de son grand aage. Mesme ie pense, que de luy est venu ce prouerbe qu'on dit communément, Jean, Jean, fie roy en Dieu.

L'an 1140.

Jean des  
temps ayāt  
vescu 360  
ans.



*La maniere de cognoistre la vraye opportunité de faire quelque chose, & comment les anciens peignoient Occasion.*

CHAP. VIII.

**I**L gist grande prudence, à sçauoir prendre l'opportunité, & faire les choses en temps : car il y a grand esgard à faire ou ne faire vne chose en temps, attendu qu'il est bien difficile de retourner au poinct quand on l'a vne fois failli. Et de fait, les Philosophes Grecs ont laissé par escrit plusieurs sentences notables faisant à ce propos : lesquels ont tousiours estimé grande prudēce de sçauoir cognoistre l'opportunité du temps, & prendre l'occasion quand elle s'offre. Salomon dit en son Ecclesiastique, que toute chose a sa saison, qu'il y a temps de naistre, tēps de mourir, temps de planter, temps d'arracher, temps de tuer, temps de guérir, temps de rire, temps de pleurer, temps de se taire, temps de parler, temps de bastir, temps de ruiner, temps de guerre, & temps de paix : en somme on pourroit alleguer plusieurs autres exemples, pour monstrer quelle perte c'est de faire vne chose hors du temps, & quel profit reuient à l'homme de faire vne chose en temps & lieu. Menander Poëte Grec dit, que toutes choses faites à propos & en temps, ont grande grace : car l'opportunité à plus de force que la loy : tellement qu'un peu donné en temps, est estimé beaucoup. Hesiod Poëte Grec nous ordonne de tenir moyen, & obseruer le temps : car l'importance de tous affaires gist à attendre le temps & l'opportunité. Pindare dit que le temps à grande force en toutes choses : aussi selon Horace, l'homme se doit tousiours acheminer aux affaires quand il voit le temps. Socrates escriuant à Democrite, dit que toute chose est mauuaise estant faite hors de saison : en somme, il n'y a homme expérimenté qui ne face cas des choses faites en saison. Cependant toutesfois il faut noter que comme il est bon d'attendre l'opportunité du temps à faire quelque chose, qu'aussi il ne faut laisser couler le poinct de bien exécuter vn affaire, quand il vient : c'est ce qu'on dit communément qu'il ne faut mespriser l'occasion : car toutes choses faites hors de la constellation & consentement des astres (encore que l'occasion vienne d'ailleurs



d'ailleurs) ne vient iamai en bonne perfection. Et de fait l'occasion & opportunité des choses a esté tant estimée des anciens tant Grecs que Latins, qu'ils auoyent tousiours son pourtrait, comme pour mirouer deuant les yeux. Les Latins la peignoient en habit de femme: mais les Grecs la peignoient en forme d'un ieune enfant, ayant vn pied sur vne rouë tournant, & le deuant du visage tout couuert de cheueux rabatus dessus, & le derriere de la teste chaue & rase: c'est le pourtrait que luy donnerent Posidius Poëte Grec, traduit en langue Latine par le docte Erasme, & Ausone Poëte Lombard, que le seigneur Thomas Morus Anglois, homme fort renommé par son sçauoir, de nostre temps à traduit en langue Castillane par forme de dialogue: car Morus dit que ce qu'Occasion se tient debout sur vne rouë, monstre son instabilité, & ce qu'elle a des aïles aux pieds, monstre qu'elle passe legerement sans s'arrester: dit outre, qu'elle à le front & le deuant du visage fort touffu de cheueux, pour estre aisément prinse de ceux à qui elle se presente, & que d'ailleurs elle à le visage couuert pour passer sans estre cognuë: estât chaue du derriere, de peur d'estre arrestee quand elle est eschappee. En quoy on peut comprendre, que l'occasion vne fois perdue ne se peut recouurer, quelque peine qu'on mette apres. Ausone adiousta à ce pourtrait, met l'image de repentance és espaulés d'Occasion: montrant, parce, que tout ce qui peut aduenir d'une occasion perdue est de s'en repentir. Et de fait, il y a deux sortes de gens qui doiuent prendre de grands exemples en cecy: car aucuns sont si soudains en leurs affaires, que iamais ils n'en viennent à bout: pour n'attendre le temps opportun: les autres au contraire, sont si long à conclurre leurs affaires, & s'arrestent sur tât d'inconueniens qui peuuent aduenir, que cependant l'occasion de bien negocier se passe: lesquelles extremittez sont à fuir à tous hommes de bon iugement, lesquels en attendant le temps de bien faire leurs besongnes, ne laisseront cependant couler les occasions qui se presentent, autrement ils tomberont en vne tardive repentance, qui sera de peu de profit.

*Occasio lo  
Et son  
image mo-  
ralisee.*

*Messie se  
trôpe: car  
le Poëte  
Ausone  
estoit Bour  
delois.*



*Du pourtrait de Faueur, & de sa signification.*

CHAP. I<sup>er</sup>

**L**E discours du pourtrait d'Occasion m'a remis deuant les yeux celuy que les anciens Romains assignoyent a faueur, tant pour le grâd rapport, que ces deux choses ont par ensemble, qu'aussi pource que le vray temps & la vraye occasion de bien faire vne chose est, quand on a la faueur pour soy: c'est à dire, quand le Prince nous preste l'oreille, & nous fait bon visage. Car l'homme qui est en credit enuers le Prince est caressé de tous: chacun trouue bon ce qu'il dit & ce qu'il fait, & en fin toutes choses luy succedent en bien & à son honneur: car chacun luy porte faueur, ou de bon cœur, ou pour feint se. Et certes il n'est ja besoin d'amener en ieu histoires, ny exêples pour prouuer ce fait, attendu que cela est pratiqué de tout tēps, & que chacun en est abreué, & par ainsi ie m'arrestteray seulement à représenter le vray pourtrait de Faueur, selon le trait des anciens, lequel se trouuera aucunement cōforme à celuy d'Occasion. Car pour représenter Faueur, ils peignoient vn ieune enfant, auëgle, estant seul & sans compagnie. Barthelemy Dardan moralisant ceste peinture, s'introduit luy mesme parlant au peintre Apelles en vn dialogue. où il dit ainsi: O Apelles, veu la grande peine que tu prens à pourtraire l'image de Faueur, ie te prie dy moy de quelle race elle est sortie: à quoy respondant Apelles, dit que sa race est cognüe de peu de gens. Et de fait, on trouue peu de resolution sur la source de Faueur: car les vns dient que la Faueur vient de beauré corporelle, les autres tiennent que c'est de bonne aduanture. Il y en a qui la font fille de Fortune ou d'Accidēt, & neâtmoins plusieurs tiennent qu'elle procede des dons de la noblesse de l'esprit, ce qui est aisé à voir au dialogue suivant, où le Poëte parlant à Apelles dit,

*Dialogue  
declaratif  
du sens  
moral de  
l'image de  
Faueur.*

POETE, Qui est celle femme qui est à son costé, & qui ne l'abandonne point? A P. C'est Flaterie. P O E. Et qui est celle qui la suit? A P. Enuie. P O E. Qui sont ces gens qui l'environnent? A P. Ce sont ceux qui accompagnent Faueur, & luy obeissent: c'est à sçauoir, Richesses, & Plaisirs, source de tous vices. P O E. Pourquoy as tu mis des aîsles à Faueur



à Faveur? A P. Pource qu'elle ne peut marcher le pas, ains  
se iette en haut quand le vent de bonne fortune tire, P O E.  
Pourquoy l'as-tu faite auueugie? A P. Pource que ceux qui  
sont en credit ne cognoissent plus leurs amis anciens,  
P O E. Pourquoy luy as-tu assis le pied sur vne rouë? A P.  
Pource qu'elle suit les pas de Fortune, estant inconstante  
comme elle. P O E. Pourquoy la fais-tu tant enſce? A P.  
Pource que la prosperité auuegle l'entendement de l'hô-  
me. Ce Dialogue recité en sa langue originaire auroit  
plus grande grace qu'il n'a en François: toutesfois mes-  
sieurs nos fauoris y doiuent bien prendre aduis pour co-  
gnoistre les choses qui accompagnent Faveur, & l'insta-  
bilité d'icelle, afin de se gouverner modestement en leur  
credit, sans s'enorgueillir: car outre ce que Dieu en est  
grandement offensé, il y a du danger d'ailleurs: ainsi  
qu'on a peu voir du passé, par la fin pitoyable & malheu-  
reuse de plusieurs fauoris des Princes, qui n'auoyent sçeu  
yser sagement de leur credit.

0000000000000000000000000000000000000000000000000000000

*Des sept Sages de Grece, avec plusieurs sentences notables  
qu'ils ont laissé par escrit.*

## С Н А Р. Х.

**L** Es Anciens Grecs appelloient sages, ceux que nous  
appelions maintenant Philosophes : mais Socrates  
estimant ce nom de Sage estre trop arrogant, pource que  
c'est le propre de Dieu d'estre appelle absoluëmēt Sage,  
inuenta ce nom de Philosophe, c'est à dire, amateur de sa-  
pience, cōme estant plus moderé que le nom de Sage, de  
sorte que tous les sçauans hōmes qui ont esté depuis So-  
crates, se font contentez du tiltre de Philosophe. Ce non-  
obstant il y en a eu sept à qui le nō de Sage a esté attribué  
du commun consentement de toute la Grece, à cause de  
leur grande science & vertu. Et de faict, plusieurs auteurs  
tant anciens que modernes en font mention, & des sen-  
tences notables qu'ils laisserent par memoire, desquelles  
i'ay proposé faire icy vn sommaire recueil en langue vul-  
gaire, afin que chacun l'entende, monstrāt qui furent ces  
sept Sages, dont on a tant parlé: laissant donc à part ce fol-  
liure des sept Sages qui a couru le pays, ensemble plu-  
sieurs opiniōs qu'on a semées touchāt leur vie, qui neāt-



moins a esté descrite par Diogenes Laërcien, ie me tien-  
 dray à ce qu'en dient S. August. Erasme, Philippe Beroal  
 de, Raphaël de Volaterran, & plusieurs autres auteurs re-  
 Les noms nommez. Leurs noms donc furent, Solon, Chilo, Cleo-  
 des sept bule, Thales, Bias, Pittaque, & Periander : & furent quasi  
 Sages de tous d'un mesme temps : encore que les vns fussent plus  
 Grece. vieux que les autres, & qu'il y en ait qui ayent vescu plus  
 longuement que les autres : car tout estoient en estre du-  
 rant le regne de Cyrus Roy de Perse, au tēps que les Iuifs  
 estoient captifs en Babylone : qui fut environ cinq cens  
 cinquante ans auant l'aduenement de nostre Seigneur  
 Iesus Christ, selon que dit Ensebe. Nous parlerons donc  
 d'eux en particulier quand nous toucherons les princi-  
 pales sentences qu'ils nous ont respectiuelement laissees,  
 encore qu'ils ayent laissé par memoire vne infinité de  
 sentences communes : comme font ordinairement tous  
 auteurs qui couchent par escrit. Aufone Poëte\* Lōbard  
 a reduit en vers fort elegans plusieurs sentences nota-  
 bles desdits Sages : desquels il parle amplement en trois  
 diuers lieux : venant donc premierement au sage Bias, il  
 naquit à Priene ville maritime d'Ionie region de Grece :  
 ayant eu pour pere vn nommé Toramus. Ce Bias estoit  
 grād orateur, bon Aduocat, & bien versé en toutes scien-  
 ces : estant d'ailleurs doté de plusieurs vertus : entre les-  
 quelles il auoit cela de singulier qu'il mesprisoit grande-  
 ment les richesses & honneurs de ce monde. Ciceron dit  
 de luy, que comme les ennemis sacageassent la ville où il  
 demouroit, & que chacun taschast de sauuer & d'empor-  
 ter avec soy le meilleur de son bien. Bias seul ne voulut  
 sauuer aucune chose de ses biens : & estant interrogué  
 pourquoy il faisoit cela, il respondit qu'il emportoit tous  
 ses biens avec soy : entendant sa sagesse estre ses vrais  
 biens. Sur toutes choses ce personnage taschoit d'entrete-  
 nir vne amitié : aussi fut-il tenu tousiours des premiers de  
 sa republique. Il disoit ordinairement qu'il ne voudroit  
 jamais estre iuge entre deux siens amis, ouy bien entre  
 deux ennemis siens : car condamnant vn amy on perd son  
 amitié : mais si on iuge entre deux ennemis, celuy pour  
 qui on aura iugé, deuendra amy. Vn meschant homme  
 luy demanda vne fois que c'estoit que pieté ou religion,  
 auquel

\* Bourde  
 lois, s'il ne  
 desplaist à  
 Messie.

Bias Sage  
 de Grece.



auquel Bias ne respōdit mor:dequoy marri celuy qui l'interroguoit, Bias luy dit, Pourquoy me demādes tu vn cas qui ne te touche en riē. Aduint vne fois que courāt fortune sur mer en vne nauire où il y auoit plusieurs gēs qui ne valoyent gueres, lesquels pleuroyent & inuoyoyent les dieux, Bias leur dit: Taisēs-vous mes amis, car il n'est pas bon que les dieux sçachēt que vous prenez ceste route. Il disoit ordinairement que la plus grād part des hōmes est la pire: Aufone se trauaille fort à confirmer ceste sentēce: mais elle est si manifeste & tant veritable qu'elle n'a besoin de confirmation, comme estant conforme à l'Euangile, qui dit que plusieurs sont appelez, mais qu'il y en a peu d'esleus. Ciceron aussi le dit bien, affermāt la race des meschās estre fort grande. Platon dit, à ce propos, que les manieres de faire des gens de bien sont ancanties & submergees: & qu'au contraire, les vices des meschāns croissent iournellement cōme l'herbe qu'on arrouse. Il y a des auteurs qui alleguēt plusieurs autres sentences de Bias, qui sont fort vtilēs & necessaires, cōme: Attribue à Dieu le bien que tu feras: Ne porte iamais enuie au riche: Le seul auaricieux est pauvre: Celuy peut estre dit hōme de bien qui n'a aucuns remors de conscience: Le plus grand danger qui puisse aduenir à hōme, vient de l'homme: Le plus riche don d'une femme, est d'estre hōneste & femme de bien. Aristote aussi attribue ceste sentence à Bias. Les offices & estats monstrent l'homme tel qu'il est: car plusieurs semblent estre gens de bien, cōme aussi à la verité ils le monstrent par effect estans personnes priuees: qui ayans puissance de cōmander manifestent & descouurent la malignité de leurs courages. Il disoit aussi qu'il se faloit porter enuers l'amy cōme si vn iour il deuoit estre ennemy: & qu'il faloit traiter l'ennemy avec espoir que quelque iour il seroit amy. Aristote reprend ceste opinion en sa Rhetorique: toutesfois à bien cōsiderer cōme se manient les amitez au iourd'huy, on trouuera ceste sentence veritable: il y a encore plusieurs autres sentences dignes de memoire qu'on attribue à ce Philosophe qui seroyēt trop longues à raconter, & par ainsi ie les laisseray, ayant au prealable aduertty le Lecteur qu'apres la mort de Bias ses funeraillēs furent somptueusement faites aux despens de

*Plato in  
Timeo.*



*Solon.*

la republique, en signe d'honneur perpetuel. Le second Sage de Grece fut Solon: encore qu'aucun le mettēt au premier rang. Plutarque & plusieurs autres ont escrit amplement de la vie: disant qu'il estoit né en Salamis, isle suiuette aux Atheniens, & yllu de noble & ancienne maison: son pere auoit nom Eceftides. Les Atheniens firent si grand cas de Solon, tant à cause de sa sapience & des victoires qu'il auoit obtenues contre ceux de Mytilene, que de plusieurs autres entreprises qu'il auoit mises à fin fort dextremēt, qu'ils s'assureirent à ses ordonnances qui estoient grandes, selon que dit Plutarque, qui en fait mentiō d'aucunes. Mesme il modera les loix de Draco, qui estoient si rigoureuses: que pour la moindre faulte qu'on eust faite à Athenes, la vie y pēdoit: aussi Demas orateur disoit que Draco auoit escrit les loix avec sang humain: Solon dōc les corrigea & establi à Athenes le conseil des Areopagites, selon que dient Aristote & Plutarque. Il eut pour concurrent à Athenes vn sien parent nommé Pisistrate: de sorte que tāt plus Solon pourchassoit la liberte de la patrie, tāt plus l'autre s'estudioit à l'opprimer: toutesfois en fin l'eloquence de Pisistrate eut plus de force que la bonté de Solon: tellement qu'il s'empara de la seigneurie d'Athenes: ce que Solon eut fait plus aisément que luy, s'il eust voulu. Car cōme ceux d'Athenes luy eussent offert la souveraineté de leur cité, il leur respondit que la maison de tyrannie estoit fort plaisante: toutesfois qu'il y failloit vn escalier, & que par ainsi il ne vouloit estre tyrā ny sujet à vn tyran: & de fait, apres que Pisistrate se fut emparé d'Athenes, il s'en partit, & demeura dix ans, allāt par le pays, tant en Egypte qu'ailleurs, iusqu'à ce qu'en fin il arriva à la Cour du riche Cræsus Roy de Lydie: lequel luy ayant monstré les grands thresors, luy demāda s'il auoit iamais veu vn plus bel équipage que le sien: auquel Solon respondāt en Philosophe & en homme libre, luy dit que l'équipage des Pās, des Coqs & des Chapons luy sembloit plus beau, pource qu'il estoit naturel. Interrogé derechef si iamais il auoit veu homme plus riche ny plus heureux que luy, il luy respondit sans le flatter, qu'il auoit cogneu vn homme en son pays nommé Teilus, qui à sō aduis estoit plus heureux que Cræsus: car il estoit hōme de bien & de vertu,



verru, & auoit veu les enfans, & les enfans de ses enfans auancez, de sorte qu'il en tira seruice en vieillesse: plus estant venu en extreme vieillesse il mourut cōbattā pour la patrie à la chāsse de l'ēne nīle Roy dēspūtē de la respōce de Solon, luy dit: Pourquoy ne m'attr. bues tu quelque degre de felicitē: auquel respondāt Solon luy remonstra les grandes mutations & traueses qui peuent auenir à ceux qui sont cōstituez ēs grands estats: & qu'estā subiet à mutation, il ne se pouoit dire veritab. emēt heu. eux: allegan. le p. ouerbe commun des Atheniens, qui disoit qu'on doit attendre la fin de la vie pour asseoir iug. emēt dessus: O sentence notable, encore qu'elle ne semble receuable à Aristote: car pendāt que l'homme est en vie, il est tousiours incertain de son estat & de sa renommee: ce que bien demōstre le sage en l' Ecclesia. qui dit ainsi. Ne ioie personne auāt la mort. Nostre Seigneur aussi voulut que ses Apostres & disciples ne s'arrestassent à saluer personne par les chemins: ce qu'aucuns exposent selon le dire de Solon, lequel disoit que pendant ceste vie l'homme ne se peut asseurer de rōber en inconuenient. Plinē aussi se cōformant à Solon dit qu'un iour iuge de l'autre: & que le dernier iuge de tous. Ouide pareillement aferme, qu'à cōsiderer le dernier iour de l'homme, qui luy est incertain, il n'est possible qu'on le puisse dire veritablement heu. eux. Mais pour retourner à Crēsus, quelque sage respōse que luy fist Solon, il ne tint cōte de luy, ny du grand bien qui luy pouoit auenir par la presence d'un si grand personnage: n'asseyant aucun iugemēt sur les choses futures: de là vint que Solon se partit de la cour assez mal traittē: m. is du depuis les affaires luy donnerent à cognoistre son erreur, & combien estoit veritable le dire de Solon. Car le grand Roy Cyrus ayant menē guerre contre luy, & l'ayant vaincu & fait prisonnier, ordōna qu'il fust brusle vif: cōme il estoit prest d'estre iettē au feu, se souuenant de ce que Solon luy auoit dit, qu'aucun ne se deuoit reputer heu. eux pendant ceste vie, s'escria à haute voix, ō Solon, Solon: de quoy estōnē Cyrus fit arrester ceux qui auoyēt charge de brusler Crēsus, pour entēdre de luy pourquoy il auoit ainsi reclamē Solon: auquel Crēsus raconta tout ce q. luy auoit predict Solon: & qu'alors il cognoissoit son



dire estre veritable: dequoy marry Cyrus & considerant en soy mesme les grandes mutabilitez de Fortune, deliura de mort & de captiuité Cræsus: auquel dez lors il fit si grand honneur qu'il l'associa avec luy en ses Royaumes: en quoy on peut voir que ceste sentence de Solon a deliuré vn grand Roy de mort, & rendu vn autre plus sage qu'il n'estoit. Solon donc estant paruenü à l'age de 80. ans mourut à Rhodes: ordonnant par son testament, selon que dit Aristote, que son corps fust brulé, & ses cendres semées par l'isle de Salamie, à ce qu'elles ne fussent portees à Athenes, pour contraindre les Atheniens, par ce moy à garder ses ordonnances: car auant que partir d'Athenes, il fit promettre par serment aux Atheniens d'observer inuiolablement ses loix iusqu'à ce qu'il fust de retour de son voyage: & de fait, selon que dit Aristote, la republique d'Athenes se maintenoit en prosperité pendant qu'ils obseruerent les ordonnances de Solon. Au reste la plupart des sentences de Solon sont conformes à la religion Chrestienne, & à toute ciuilité, comme: Honore Dieu; Suiuie à ton prochain: Soustien la vertu de ton amy: Obey aux loix: Refrene ta colere: Honore ton pere & ta mere: Ne iure point: Garde toy d'entrer en enuie: Ne fois leger à confermer vne amitié, & la maintiens quand tu y es: Marie toy à ta semblable: reprens ton amy en secret lequel tu louerai en public: Apren à gouverner premier que prendre charge ny estat public: Fuy la compagnie des meschans: Loue & iuy la vertu Il disoit dauantage que les loix estoient comme vne toile d'aragne, où les mousches & autres petis animaux s'attrapoyent, mais que les grands & robustes animaux la rompoient aisement. Telles & semblables sentences notables se trouuent parmy ses loix & ordonnances: voila donc quand à Solon. Chilo fils d'Amaratus fut aussi mis du nombre des sept sages de Grece: il estoit de Lacedemonie cité fort renommée en Grece, où il fut esleu au conseil des Ephores, à cause de sa grande prudence: cest estat estoit entre les Lacedemoniens, comme les conserveurs & Tribuns du peuple estoient entre les Romains Chilo estoit fort sommaire en ses discours, come estoient ordinairement tous Lacedemoniens: aussi fut il appelé Aristagoras à cause de



te. Mesme quand quelqu'un touffoit une harangue en peu de paroles, on disoit qu'il auoit escrit son harangue à la Chilonique. Il vesquit si longuement, selon que diët Plin ne & plusieurs autres, que nature luy defaillit: toutesfois il mourut de ioye, voyant vn sien fils auoir emporté le prix ez ieux & tournois Olympiques: & apres sa mort les Lacedemoniës firent ses funerailles fort solemnellemēt. La grande prudence de ce personnage se monstre assez es sentēces notables qu'il auoit accoustumē de dire: & principalement en ce qu'il exhortoit vn chacun à se cognoistre soy-mesme: ce qu'estant biē obserué, les hommes ne seroyent si desordonnez & superbes qu'ils sont: car quasi tous vices & desordre procedent d'une amour & mesconnoissance qu'on a de soy-mesme: c'est pourquoy l'Eglise Chrestienne admoneste vn chacun Chrestien tous les ans au commencement de nostre vie, se souuenir que nous som mes terre, & qu'en terre nous retournerōns. Platon recite que ceste sentence de Chilo, Cognoy toy, estoit escripte en lettre d'or sur le portail du temple d'Apollo. Luuenal dit ceste sentence estre descendue du ciel. Macrobe au traitē du songe de Scipion, dit que l'Oracle d'Apollon estant interroguē du moyen qu'il falloit tenir pour paruenir à felicitē, respondit, que c'estoit par la cognoissance de soy-mesme. Dominique interroguē en quel temps il commença à estre Philosophe, respondit que ce fuit lors qu'il se commença à cognoistre. O reigle necessaire: car si l'homme se consideroit bien soy-mesme, & qu'il estudiait à cognoistre sa condition, son estat, & sa vacation, & qu'il vesquit selō icelle, il ne seroit si alterē des choses qu'il ne doit, & ne peut faire, & n'y auroit tāt de desordre au monde qu'il y a. Solon aussi auoit accoustumē de dire vn Prouerbe quasi semblable à cestuy: c'est asçauoir, souuienne toy qu'il faut mourir: & par ainsi pouruois à ton salut. Honnore gens vieux: ne sois murmurateur: ne dy mal d'un trespasse: choisi plustost la perte, que le gain deshonestē. Estāt forcē, sois doux & hūble: Tāche tousiours d'estre plustost estimē q̄ craint. On esproque l'or à la touche & l'homme à l'or. Qui dit tout ce qui luy viē en la bouche, & souuēt contrainct ouyr choses qu'il ne vouldroit. Chilo estant interroguē d'un nomē Esope, que cest que faisoit



Dieu il luy respondit, qu'il exaltoit les humbles & deprimoit les superbes & hautains. Interrogué quelle chose estoit la plus difficile à faire en ce monde: il respondit que c'estoit de bien dispenser & employer le temps, & de pardonner les outrages & iniures, qu'on à receuës, en somme il auoit de coustume de dire, qu'il vouloit tellement disposer la maniere de viure: que les plus grâds ne le méprisassent, & les moindres ne le craignissent point. Finalement Chilo fit en son temps, & dit plusieurs choses notables, qui seroyent longues à raconter: & par ainsi nous departans de luy, nous viendrons au quatriesime Sage.

*Suite du discours des sept Sages de Grece.*

CHAP. XI.

*Cleobule.*

**C**leobule, qui fut l'un des sept Sages, nasquit à Linde ville de l'isle de Rhodes: ou selon aucuns, à Carie ville d'Anconie, region de Grece: son pere eut nom Eua-goras. Ce Cleobule outre ce qu'il estoit fort prudent, estoit d'ailleurs de fort belle taille: & fort adroit de sa personne: tellement que l'un & l'autre le rendoit fort admirable entre tous: il s'adonna si fort à l'estude des lettres, qu'il abandonna patrie & parens pour aller en Egypte, ou y auoit grandes & fameuses yniuersitez: il eut vne fille nommee Cleobuline, qui couchoit fort bien en prose, & qui estoit fort stilee à proposer questions difficiles à soudre, comme ceste: Vn pere eut douze enfans: & chaque enfant eut trente fils blancs, & trente filles noires, qui sont immortelles, & neantmoins on les voit mourir tous les iours: & par lequel enigme est signifié l'an qui a douze mois: & chaque mois trente iours & trente nuicts. Or pour retourner à Cleobule, apres son retour d'Egypte, il merita par sa sapience d'estre mis au rang des sept sages de Grece. Aussi tenoit on ses sentences comme pour reigles de bien viure. Entre autres, il auoit accoustumé de dire, que Mediocrité estoit tresbonne: & certes ce propos est bien conforme au dire de Chilo, qui vouloit qu'on se cogneut soy-mesme: car si nous nous cognoissons bien, nous nous gouvernerions, par moyen en toutes choses. Au dire donc de Cleobule, qui

*Mediocrité.*



qui fait si grand estat de Mediocrité, il faut conclure que toutes extremitez sont vicieuses: c'est à dire, quand il y a du trop & du peu: cest pourquoy les anciens Philosophes auoyēt accoustumé de dire. Garde toy du trop, pmōstrāt par cela que tous les excez sont mauuais. Aristote attribue ceste sentence au sage Bias, & les autres à Solon: mais soit comme soit, la vertu consiste tousiours en mediocrité, c'est ce que dit Aristote, que vertu se corrompt par le trop & par le peu, n'estāt vertu autre chose qu'une mediocrité qui consiste entre deux extremitez. Horace ordonne en ses sermons, qu'il y ait moyen en toutes choses, disant que tout ce qui aduancera, ou poussera en arriere de ce moyen, ne pourra estre iugé bon ny biē faict. On pourroit aussi alleguer à ce propos vne infinité d'exemples, mesme touchant les quatre principales vertus, qui sont appellees cardinales. Car force est logee entre crainte & hardiesse: & liberalité tient le mi chemin entre auarice & prodigalité, ce qu'aussi on peut dire des autres vertus & operations humaines, qui se doiuent toutes régler par le temps, & par la necessité, à la charge toutesfois de se garder du trop. Qui est vne doctrine conforme au dire d'Hesiode, allegué souuentefois par Erasme, par lequel il veut qu'on tienne mesure. Autant en dient Platon, Terence, Plaute, & plusieurs autres auteurs tant anciens que modernes: mesme on dit communément que les biēheureux ont tousiours suiuy le moyē chemin. Et de faict, la raison en est peremptoire: car toutes choses sont comme vn rien, à leur commencement, sur leur fin. elles passent, par ainsi donc il faut conclure, que leur perfection gist au milieu. Des s. Zones & plages qui ceignent cest vniuers, les deux extremes sont tenuēs pour inhabitables: & au contraire, celle du milieu est tenuē pour la plus parfaite. Le Soleil qui est tenu comme Prince des planètes, est au milieu des estoilles errantes. Entre les hommes, le lieu d'honneur est au milieu: mesme il est bien difficile de faire quelque accord ou appointement sans vn tiers qui serue de moyen. Pour conclusion, le moyen est si recommandable en toutes choses, que Iesus Christ mesme à voulu estre appelé meditateur entre Dieu & les hōmes, & par ainsi Cleobule auoit grande raison de faire



si grand estat de mediocrité. Il y soit aussi de plusieurs autres sentences notables: cōme, garde toy de donner occasion à ton amy de te reprendre: & te garde des embusches de ton ennemy. Auant que sortir de ta maison pense à ce que tu as à faire: & estant de retour, aduise ce que tu as fait. Marie toy à ta semblable: car prenant femme de meilleure maison que toy, tu te rendras esclaue à ses parens. Pardonne aux fautes d'autrui, & n'espargne les tiennes. Tant plus tu as de liberté, tant moins en vse. Ne s'enorgueill en prosperité: & ne perds cœur en aduersité. Accoustume toy à porter patiemment les trauerses de Fortune. Il y a aussi plusieurs autres sentences notables longues à raconter dudit Cleobule, qu'Ausone & Diogenes Laërtien ont redigees par escrit. Il mourut à l'aage de 70. ans. Reste maintenant à parler de Pittaque de Mytilene, ville capitale de l'isle de Lesbos, aujourd'huy appelée Mytilene. Son pere fut appelé Hirtadie. Il fut de celle prudence, & de si bon cœur, q̄ les Grecs le mirent au rang des sept Sages de Grece. L'amour de sa patrie l'esmeut à mener guerre contre le tyran Meleager qui s'en estoit emparé, de sorte qu'il le chassa. En la guerre qui s'esmeut entre les Atheniens & ceux de Mytilene, pour raison d'une certaine campagne, il fut general de toute l'armée Mytilenoise: auquel temps il veinquit & tua en champ clos Frinenes general de l'armée des Atheniens: de sorte que les Atheniens quitterent à Pittaque ce qu'ils quereloient sur la campagne contentieuse, à cause de la victoire par luy obtenue: mesme luy donnerent le gouvernement de leur republique, laquelle il regit & gouverna l'espace de dix ans: mettant sus plusieurs bonnes ordonnances pour le profit de la republique: ce qu'ayant fait, il se mit volontairement du gouvernement qui luy auoit esté donné & velquit iusques à septante ans, estant aimé & honoré d'un chacun. Ses propos & sentences ne sont moins considerables, que celles des autres sages, ny sa maniere de vivre. En premier lieu il faisoit si peu d'estat de l'or & des richesses, que Crœsus Roy de Lydie, luy ayât enuoyé grandes sommes d'or & d'argent, il ne les voulut recevoir: ains luy manda qu'il n'auoit besoin n'y d'or ny d'argēt, & qu'il auoit deux fois plus qu'il ne voudroit: donat a entendre par



par cela, que mesme il estoit marry de la succession de son frere qu'il luy estoit aduenue: parcequ'il aimoit mieux son frere que son propre bien. Il disoit souuent que les choses à venir estoient fort difficiles à entendre, qu'il n'y auoit rien de plus certain en ce monde, que la terre: & qu'au contraire, il ny auoit aucune certitude en la mer: disoit aussi que l'homme prudent doit penser & preuoir les desastres qui luy peuuent auenir, pour y obuier & se garder d'iceux & qu'on doit recourir a patience quand on se sent forcé. Item qui ne se sçait taire, ne sçait que c'est de parler. En temps de prosperité, disoit il, acquiers des amis, & les essaye en temps d'aduersité. Ne dis iamais ce que tu veux faire, de peur d'estre moqué si tu n'en viens à bout. Tel que tu seras enuers ton pere, tels te seront tes enfans: voila donc quant a Pittaque. Thales, sixieme Sage de Grece, estoit natif de Milet, cité fort renommee en Grece. Et de fait les grandes vertus qui regnerent en luy méritoient bien de luy assigner le premier rang entre les Sages de Grece: car en premier lieu, il estoit souuerain en Geometrie, & fut le premier qui descouurit les principaux secrets d'Astrologie, comme le cours du Soleil, la raison des eclipses du Soleil de la Lune: & les equinoxes. En somme il mit en lumiere le cours des planettes, & plusieurs autres secrets de philosophie naturelle. Outre cela il fut cause que ce nom de superbe de Sage demeura aux sept sages de Grece. Le cas fut tel. Un iour certains compagnons & ieunes hommes de Milet auoyent achepté des pescheurs un trait de filé qu'ils alloient ietter. Or auint un cas admirable: car il se rencontra au filé une table d'or, enrichie d'ourages fort riches & somptueux. Ceux qui auoyent acheté le trait vouloyent la table d'or. Les pescheurs, au contraire, disoient que ce n'estoit poisson, & que les autres auoyent acheté le poisson qu'ils prédroyent: & par ce moyen ils n'auoyent rien en la table d'or. Les parties donc estant en contention de ce faict enuoyerent d'un commun accord, à l'oracle Apollo pour en auoir la resolution, lequel ou bien le diable qui parloit en iceluy, fit responce que ceste table fust donnée au plus sage de Grece: ce qu'entendu elle fut mandee a Thales, come au plus sage de Grece: mais il fut si modeste qu'il l'a renuoya a un des autres Sages cy dessus



nommez (car ils furent tous d'un temps lequel la reuoya à vn autre tellement que ceste table d'or estant renuoyee de main en main, tomba en fin es mains de Solon: lequel ne la voulu prendre: ains la renuoya au temple d'Apollo en Delphos: Aufone, Callimach, & plusieurs autres escriuent que par la courtoisie des autres Sages de Grece, ceste table estant retournée es mains de Thales, auquel premierement elle auoit esté presencée, il la renuoya au temple d'Apollo Delphique, & combien que les auteurs escriuent diuersement touchant ceste histoire: ce neantmoins tous conuiennent, en ce que Thales fut le premier à quil la table d'or fut renuoyee. Aristote faisant mention de Thales, recite plusieurs sentences venues de luy, en ses liures des Politiques: & mesme qu'il disoit ordinairement, que quand il luy plairoit qu'il seroit riche: dequoy il fit preuue suffisante: car preuoyant par Astrologie qu'il y deuoit auoir bone saison d'Oliues: & que par apres l'huile d'Oliue, seroit fort cher, il mit tout son bien à acheter de l'huile d'Oliue lors que la saison fut bonne: lequel par apres il vendit à tel prix qu'il vouloit, non que par cela il se voulut enrichir, mais il vouloit bien monstrer que quand il luy plairoit, il se seroit riche, veu la cognoissance qu'il auoit des abundances & chertés qui deuoient auenir. Auint vne fois comme il consideroit le cours des astres, qu'il tomba en vne fosse, ce que voyant vne vieille, qui estoit venue au cry qu'il faisoit pour auoir aide, luy dit en se moquant: Dy moy, Thales, comme oses tu presumer de predire les choses à venir par la consideration des astres, veu que tu ne vois ce qui est deuant tes pieds en terre? ce neantmoins il fut tenu pour vn homme grandement sage. Il disoit ordinairement que trop grande assurance & confiance estoit tousiours accompagnée de repentence. Et que bien souuent ceux qui se content de la foy d'autrui sont contrains payer ce qu'ils ont cautionné pour vn tiers. Disoit outre, que le vray moyen pour apprendre à vivre vertueusement estoit de ne faire ce que trouuons mauvais en autrui. Interrogue qu'elle estoit la plus difficile chose à faire en ce monde: il respondit que c'estoit de se bien cognoistre soy mesme. Interrogue de rechef qu'elle estoit la plus facile chose: il respondit que c'estoit de cognoistre les



les fautes d'autrui. Disoit aussi qu'il voyoit peu de tyras  
devenir vieux. Diogenes, suyuât l'opinion de Hermippe  
disoit que Thales auoit accoustumé de remercier Dieu  
de trois choses/ toutesfois on attribue ce dire à Socrates)  
c'est de ce premieremēt qu'il l'auoit fait hōme, non pas  
beste: secondement, de ce qu'il l'auoit fait homme & non  
femme: tiercemēt, de ce qu'il l'auoit fait naistre Grec, &  
nō Barbare. On luy attribue encores ce proverbe de Chi-  
lo, Cognois toy: & celuy de Cleobule, par lequel il disoit  
que le trop estoit vicieux, voila quant à Thales. Reste  
maintenāt à parler de Periander dernier Sage de Grece,  
duquel ie n'ay grand eas à dire: car selō aucuns, il n'estoit  
du rāg des sept sages de Grece, encores qu'il fust fort sage,  
& de bon entendement. Periander donc estoit Roy de *Periander.*  
Corinthe: estāt fils du Roy Cipsele. Sa maniere de viure  
estoit plustost tyrannique, & sembloit plustost vn soldat  
ou capitaine, qu'vn Philosophe, de là vient qu'Heracli-  
des, & plusieurs autres estimēt ce Periander n'auoir esté  
vn des sept sages de Grece: ains que c'estoit vn autre Pe-  
riander: qui fut grād Philosophe, & hōme fort vertueux:  
toutesfois la plus grande voix donne ce tiltre de Sage au  
Roy Periander: car encores qu'il regnast par force à Co-  
rinthe, ce neantmoins il estoit si discret, si vaillant, & de  
si bon entendemēt qu'il acquist ce nom de Sage entre les  
Grecs. Interrogué pourquoy il ne se departoit de sa tyrā-  
nie, & de son Royaume: pource, dit-il, que ie tomberoie  
en aussi grand danger, me desmettant de mon Royaume  
volontairement, que qui m'en dessaisiroit par force. Il  
ysoit ordinairement de plusieurs sentences notables, &  
auoit tousiours ce mot de Consideration en la bouche:  
monstrant par cela, que le principal poinct que nous a-  
uons à garder, est de bien considerer ce que nous entre-  
prenons à faire. Le poëte Aufone exposant ce mot de  
Consideration, dit qu'il faut penser dix fois à la chose  
auant que l'entreprendre: car on tombe souuent en de  
grands dangers par inconsideration, & principalement  
quand on ne se gouuerne par prudence ou conseil, ains  
se laisse-on guider à Fortune: Periander disoit aussi que  
vertu estoit immortelle: mais que les plaisirs de ce mon-  
de estoient de peu de duree. En temps de prosperité, di-  
soit-il



soit-il, sois prudent & modeste : & en aduersité prudent, Vis en sorte que tu ayes honneur en ta vie, & quapres ta mort ont te puisse dire heureux. Sers toy des anciennes loix & ordonnances, voulant dresser quelque chose de nouveau en la republique. Le profit soit tousiours accompagné de bonne grace & d'honneur. Fay de bon gré ce que tu ne peux euitier En somme il estoit consommé en son propos, du quel ie me tais à cause de breueté.

*Que la veüe est le principal sens de l'animal & de plusieurs auengles qui ont esté gens de grand renom.*

## CHAP. XII.

**A**ristote avec grande raison, dit que la veüe est le principal de tous les autres sens corporels, aussi est elle assise comme en donjon, & en la plus haute partie du corps, en quoy on peut cognoistre qu'elle tient grandement du feu, par la vertu & force duquel elle est posée par dessus tous les autres sens. Le toucher tient du terrestre, car la terre est la plus touchable & maniable de tous les elemens : le goust tient de l'aquosité & humidité : car sans humidité on ne scauroit goustier vne chose. Quand au fleurir Aristote l'attribue au feu disant la chaleur estre le fondement de l'odeur, & sa fin consiste en vapeur, iointe à vn air gros, & plein d'exhalation. Quant à l'ouye, chacun sçait bien qu'elle participe à l'air, lequel entrant es oreilles, par le son, cause l'ouye : mais la veüe participe du feu. Et iacoit que l'œil soit composé d'un corps humide & aqueux : ce neantmoins sans feu, il ne seroit possible de voir en quoy on peut voir que la veüe tient plus du feu, que tous les autres sens. Et pource que l'œil selon que dit Aristote, represente plus de figures de choses à l'homme que tous les autres sens, on luy attribue le commencement de la contemplation & cognoissance de toutes choses : car de la veüe procede l'admiration & consideration que l'homme a : aussi fait le desir qu'il a de venir à vertu : de sorte qu'à bon droit on peut appeller l'œil auteur & inuenteur de tous les arts & disciplines. En premier lieu, par l'œil on considere l'Architecture admirable des Cieux, & des autres corps : on void par l'œil



par l'œil leurs couleurs & grandeur, leurs formes, le nombre, les proportions & mesures, leur assiette, leurs sens, mouuemens, & leur repos. Et iacoit que l'ouye ait quelque concurrence en cest endroit avec la veüe, de sorte qu'on la peut appeller sens de doctrine & de discipline, parce que les hommes apprennent la vertu pour ouyr & entendre: ce neantmoins ce tiltre appartient principalement à la veüe, comme à celle qui donne le moyen à l'entendement de s'enquerir par le plein des choses qu'il oit, pour paruenir a la vraye cognoissance d'icelles, afin de communiquer ce sçauoir par apres aux autres, par ainsi donc la premiere source de doctrine vient de la veüe, laquelle par apres rend l'ouye maistresse ouuriere de comprendre les choses admirables representees par icelle. En quoy, aussi on peut voir que l'ouye ne peut rien comprendre de soy sans vser du moyen d'autrui: mais la veüe comprend quasi toutes choses de soy-mesme. Dauantage la veüe surpasse tous autres sens en viffesse & promptitude de ses operations: car en vn instât, & à vn seul iect d'œil elle parfait son dessein, au lieu que les autres sens sont longs & plannieres en leurs operations: car il faut pour toucher vne chose, qu'elle s'approche de la partie qui la touche. Le goust attend par necessité, la chose qu'il luy cōuient goustier. Pareillement le fleurier met quelque temps à recevoir l'air qualifié qui penetre es narines: aussi fait l'ouye, pour comprendre la voix qui entre en l'oreille: mais la veüe seule opere en vn instânt, & comprend soudain, par vn moyen indicible, l'image, des choses qui se representent à elle, ainsi qu'on peut voir es coups qu'on oit donner de loin: car encore qu'on n'oye le son du coup si roste: ce neantmoins rien ne se sçauroit bouger, pour donner le coup, que la veüe ne le decouure soudain. Item la veüe surmonte les autres sens en ce qu'elle s'estend plus loin. Et de fait par plusieurs histoires & exemples que Pline raconte, on peut voir aisement que la veüe s'estend plus loin sans comparaisson, que les autres sens, sans toutesfois se laisser, cōme les autres sens font. Car le goust se fâsché de trop mâger: l'ouye se sent importunee de trop ouyr caqueter, le fleurier est trauaillé de cōtinuatiōs d'odeurs: mais la veüe seule n'a aucune peine en son operation,



aussi ne se lasse elle iamais, tellement qu'on ne veit onc fermer les yeux de lassitude, pour estre soul de voir. En somme l'excellence de la veuë est si grâde, qu'on attribue ce nom de voir, à tous les autres sens & leurs operations. Car on dit ordinairement, voyez vn peu l'excellence de ceste odeur, ou la douceur de ceste musique, ou le bon goult de ce fruit. Mesme ce nom de veuë s'estend iusques aux operations de l'entendement: car on dit ordinairement, regardez comme ce dessein deuoit aller. Il est dit aussi en l'Euangile, q' nostre Seigneur voyoit, c'est à dire cognoissoit les penées des Scribes & Pharisiens. Et de faict, entre les miracles & ceures que nostre Seigneur faisoit en ce bas territoire, on tenoit pour ceure singuliere ce qu'il rendoit la veuë aux aveugles: aussi n'y a il chose ou les Medecins prennent plus de peine qu'à cōseruer & accroistre la veuë aux hommes. Sannazar se trouuant en vne consultation que plusieurs Medecins faisoient en la presence de Federic Roy de Naples, sur l'entretiē de la veuë de l'hōme, dit, quād son rāg de parler vint, qu'il n'y auoit chose meilleure à cōforter la veuë qu'enueie, parce qu'elle faict paroïr le bien d'autrui tousiours plus grand qu'il n'est. C'est ce que dit Ouide, qu'enueie trouue tousiours le blé de son voisin plus beau que le sien. Toutesfois s'elō

*Lunettes.* l'opinion commune d'vn chacun, les lunettes seruent de beaucoup à maintenir la veuë, & certes ce fut vne fort bonne inuention, encore que le premier inuenteur ne se sçache. Mesme i'ay ouy faire le recit d'vn grand seigneur de ce Royaume, qui auoit acoustumé de māger les cerises avec des lunettes, afin de luy sembler plus grosses & mieux nourries: toutesfois ceste gourmandise est par trop exorbitante. Vn autre Gentil homme brocardé du Roy Philippe, de ce qu'il mangeoit ordinairement avec lunettes, respōdit au Roy. Sire, vous ne trouuez estrāge que ie prēne mes lunettes pour lire vne lettre, ou n'y a point de danger: pourquoy donec me dōnez vous ces atteintes de ce que ie māge le poisson, ayant mes lunettes, veu qu'il y a vne infinité d'arestes, dōt la moindre me pourroit estrāgler, lesquelles ie ne sçauroy voir sās lunettes: Les lunettes dōc seruent de beaucoup. Au reste, encore que la veuë soit la guide de l'homme: ce neantmoins il y a eu plusieurs

*Gentilhomme Espagnol mangeant cerises avec lunettes.*



seurs auengles qui ont esté gens de grand renom : ayant nature supplée, à l'entendement, ce qui defailloit à la yeuë. Appius Claudius grand Orateur : & fort estimé de Ciceron & de Tite Liue, ne laissa pour estre auengle, d'estre esleu Censeur à Rome: auquel estat il se maintint en si grande autorité, que luy seul empescha la paix q̄ tout le Senat Romain auoit conclue avec le Roy Pirrhus. Ciceron traite amplement au cinquiesme liure de ses questions Tusculanes, de l'auenglissement d'Appius Claudius, & des remedes contre le mal des yeux. Caius Drusus Jurisconsulte & Aduocat fort renommé, estoit auengle : & neantmoins, sa maison estoit tousiours pleine de gens, qui aimoyent mieux se guider par vn sage auengle, que par leurs yeux propres. Caius Aufidius grand compaignon de Ciceron en sa ieunesse fut Preteur à Rome: & estant auengle ne laissoit d'opiner au Senat: mesme tous ses amis recouroient à luy pour conseil de leurs principaux affaires: & ne laissa pour estre auengle de rediger par escrit vne chronique notable, & dont on faisoit grand fait. Diodore Philosophe Stoi que fort renommé, estoit auengle: pour cela neantmoins il ne laissoit d'estudier la Philosophie nuict, & toucher de la viole le iour, à la Pithagorique qui plus est, il enseignoit publiquement la Geometrie: chose & grand incroyable, attendu qu'elle ne se peut practiquer qu'à l'œil. Antipater Cirenaique, & Asclepiades Critique furent tous deux auengles, & neantmoins portant en patience leur desastre, ils ne laissoient pour cela à continuer l'estude de Philosophie: où ils se rendirent consommés. Et comme certaines Dames, marries de sa fortune, pleuraient aupres d'Asclepiades, il leur dit: Taisez vous mes Dames, car vous ne sçauiez quel plaisir il y a de veoir en obscurité. Interrogué quel profit luy auoit apporté sō auenglissement: c'est, dit-il, que i'ay vn garçon d'auantage pour compaignie. Homere Prince des Poëtes, estoit auengle: aussi son nom le portoit, selon que dit Ciceron: toutesfois on ne sçait en quel réps il perdit la yeuë: vray est qu'Œuide dit que ce desastre luy aduint en sa vieillesse. Didime Alexandrin peut estre aussi mis au rang de ceux que dessus: lequel estoit auengle dès sa ieunesse, ne laissa pourtant d'estre parfait Dialecticien, & d'estudier en drin.

Caius  
Drusus.Caius  
Aufidius.Diodore  
Philosophe  
auengle,  
& grand  
Geometrien.Didime  
Alexan.



*Democrite  
se creua les  
yeux.*

*Ciscas chef  
des Boë-  
miens.*

*Iean Roy  
de Boëme  
aueugle.*

toutes disciplines humaines : mesme il fit vn commentaire fort notable sur les Pseumes. Ceux dont nous auons parlé, se voyant priuez de la veüe, s'esuertuerent à faire choses memorables, comme necessité est tousiours industrieuse. Mais ce que Democrite fit, faict estonner & rire le monde tout ensemble : car selon que dient Lucrèce & Aulugelle, il se creua les yeux foy mesme pour estre plus libre en ses contemplations. Tertullien neantmoins (qui est auteur digne de foy) dit qu'il fit cela pour refrenner les appetis desordonnez de sa chair, causez des oïllades & regards lascifs qu'il auoit. Mais sur tous aueugles il faut faire cas de Ciscas Boëmien, lequel estant aueugle ne laissa d'estre esleu chef & Capitaine de tous ceux de sa secte : & executa si bien sa charge, qu'il obtint plusieurs grandes victoires contre ses ennemis : se portant si dextrement en sa charge, qu'il acquit vn los immortel. Belas aussi second Roy d'Hongrie estant esleu chef de l'armée Hongrieſque, eut les deux yeux creuez par le moyen du Roy Coloman son oncle, & estant aueugle il se retira en Grece, où il se môstra de si bon cœur, & de telle prudence, que le Roy Estienne, fils du Roy Colomã le rappella, & luy donna pour femme la fille du Comte de Seque : auquel estat il se maintint si sagement & avec telle prudence, qu'après la mort du Roy Estienne, il fut esleu pour Roy d'Hongrie, nonobstant qu'il fust aueugle, & regna neuf ans, pendant lequel temps il eut plusieurs guerres, & signamment contre Brocus bastard du Roy Coloman, lequel neâtmoins il desfit, de sorte qu'il laissa le Royaulme d'Hongrie paisible à ses enfans. Cela fut enuiron onze cens quarante ans apres la mort de nostre Seigneur. Le dernier aueugle dont nous parlerons, est le Roy Iean de Boëme, qui estoit en regne l'an de nostre Seigneur mil trois cens cinquante, ou enuiron. Et certes c'est grand miracle que du faict dudit Prince. Car encore que le Capitaine Ciscas ait maintenu à force d'armes son estat de general de l'armée Boëmienne, & que d'ailleurs Bala n'ait laissé de regner en Hongrie pour estre aueugle, ce neantmoins ie tien cela pour rien, au regard du Roy Iean de Boëme, qui eut le cœur de venir au secours de Philippe Roy de France son parent, qui auoit guerre contre



contre le Roy Edoüard d'Angleterre, mesme ce Roy auengle ne craignoit point de se trouuer à la foule en plein champ de bataille, aussi y demeura il avec le Comte de Flandres & plusieurs autres Princes François.

*Qu'auarice est vn vice fort enorme & subiet à de grands dangers : avec plusieurs exemples de personages extrêmement auaricieux.*

## CHAP. XIII.

**L'**Auarice de nostre temps m'induit à traiter de ce vice, comme d'une chose perilleuse & d'extreme danger, & m'esser parmy mon discours certaines histoires de plusieurs auaricieux qui doyuent seruir d'exemple aux autres, priant cependant tous Lecteurs vouloir considerer l'estat de l'homme auaricieux, de mesme œil que le commun peuple regardoit curieusement vn monstre, qu'un bateleur, ou autre personne ameneroit en leur ville, par singularité. Pour entrer donc en ieu, il faut noter qu'Aristote, Ciceron, S. Thomas d'Aquin & plusieurs autres auteurs ont desfiny diuersement que c'estoit qu'auarice: toutesfois on peut tirer ceste resolution de leur definition, qu'auarice est vn appetit desordonné de s'enrichir sans faire part de son bien à personne: tellement qu'on peut dire ce vice estre excessif à desirer & prédre, & froid & remis à donner. Sous ce vice y a mille desordres, mille iniustices & abominations cachees qui ne se treuuent es autres vices: car comme dit Virgile: Execrable famine d'or, y a-il vice à quoy tu n'induisés le cœur humain? Aussi S. Paul dit, qu'auarice est la source & racine de tous maux, laquelle a faict desuoyer de la Foy tous ceux qui l'ont voulu suyure. Qu'auarice soit vice fort abominable, il appert assez en ce qu'elle faict haïr l'homme à Dieu & aux hommes, estat de soy contraire à charité, qui est vne vertu conioignant l'homme avec Dieu & les hommes: mesme ce vice faict que l'homme se hait soy-mesme: car l'amour de nous-mesmes est tant enraciné en nos cœurs, que ne nous soucions de chose qui soit, au regard de nous: & aimons mieux nostre profit que celuy d'autrui: & neantmoins l'auarice gagne tant l'homme, qu'il ne pense

*Definition  
d'auarice.*



qu'à amasser deniers, & ne se soucie de soy-mesme, ny de boire, ny de manger, ny de se vestir hōnestement, ains est cōtent de ieulner & se mal traicter pour amasser deniers. Mesme on ne craint point d'hazarder le corps & l'ame pour en auoir: qui est chose repugnante à la loy naturelle, qui nous ordonne de nous aimer & entretenir nous mesmes, & de postposer toute choses à nostre vie: mais l'auaricieux perd & damne son ame, & abrege sa vie, la perdant souuent pour gagner l'escu. Et certes c'est vn grand malheur qu'un homme ne se soucie ny de parens, ny d'amis, ny de soy-mesme, pouruen qu'il se veautre es biēs & richesses de ce monde, tel estoit le mauuais riche dont parle l'Euangile Voire-mais, quelle folie & rage est ce de endurer faim, soif, froid, estre mal vestu, ne dormir ny iour ny nuict, mettre à toute heure sa vie en dāger & l'offer vsr de ce qu'on a gagné, qui deuroit seruir à la sustētiō de ceste vie: pour attrāper argēt: c'est ce que dit nostre Seigneur. Que reuiendroir-il à l'homme d'auoir conquis tout le mōde, & que cependant son ame, c'est à dire sa vie, fust en dāger: certainement ie pense cela venir d'une permissiō diuine, qui faict tōber les auaricieux en sens reprouuē, afin qu'ils meurent en ceste auare volōté. Et neant moins Dieu permet que ce qu'ils ont acquis à grād travail, tombe es mains d'un autre qui dissipe tout, & en fait grād chere. C'est ce que dit Salomō en sō Ecclesiastique: que qui acquiert richesses par iniustice, les acquiert pour autrui: car comme seroit bōne vne chose pour vne autre qui est mauuaise pour celoy à qui elle est? Luuenal aussi sur ce propos dit ainsi: Aucuns gagnent & sont profit seulement pour sustēter leur vie: mais il y en a d'autres qui ne viuēt que pour gagner. En somme, ce maudit vice captiue tellement l'homme qu'il le priue de l'amour de soy-mesme: de sorte qu'il n'y a meschancetē en ce mōde qu'il ne faille esperer d'un homme auaricieux. Aussi le Sophiste Bion disoit auarice estre le chef de toutes meschancetēz. Euripides dit que le iuge ambitieux & auare ne scauroit penser ny desirer chose iuste. S. Augustin, dit en son traictē du Franc Arbitre que quiconque se laisse gouverner à auarice, se rend sujet à tous vices, & à toutes malheuretez: & ceaucc grande raison. Car auarice rend l'homme



l'homme teneur, pariure, mauuais payent, vsurier, trompeur, traistre, donnant de la queue, larron, tyran, & idolatre: de sorte qu'il n'est possible qu'un auaricieux soit bon à estre, ny seigneur, ny vassal, ny gouuerneur, ny suiet, ny pere, ny fils, ny ami, ny voisin: & en fin, il ne fait iamais bien sinon quand il meurt. Lucillus disoit que l'homme auaricieux n'estoit bon pour personne: mesme que pour luy mesme il estoit mauuais. Democrite affermoit l'extreme auarice estre pire que l'extreme pauuete: Aristote dit en son premier liure des Politiques, que le desir de deuenir riche ne prend iamais fin: & que par ainsi les richesses seruent de pauuete à l'auaricieux, pource qu'il n'en ose vser, de peur de s'en desemparer: les Stoyciens disoyent, que les souhaits & la necessite ne venoyent de pauuete: ains d'abondance: car tant plus un homme a de quoy, tant plus il est necessiteux: concluans qu'il estoit bon d'auoir peu, pour n'estre gueres necessiteux. Platon conseilloit à un auaricieux, que pour estre riche il n'augmentast son bien, ains diminuast son auarice. Toutes les sentences notables que dessus sont entierement conformes à la sainte Escriture, qui dit, que les yeux de l'homme auare sont insatiables. Salomō dit aussi en son Ecclesiastique, que l'homme auaricieux n'est iamais saoul d'argent: & que qui s'adonne aux richesses ne iouyra d'elles. Sainct Augustin paragonne l'auaricieux à enfer, lequel ne regorge iamais, & ne dit iamais qu'il a assez, encore qu'il ait si long temps qu'il est apres à le saouler: aussi l'auaricieux n'est iamais saoul: ains tant plus il gagne, & tant plus est apres le gain, se faisant tousiours pauvre. S. Hierosme dit que l'auaricieux est aussi necessiteux de ce qu'il a, que de ce qu'il n'a point: & que l'auarice croist tousiours, como le feu parmy le bois sec: aurant en ont dit plusieurs autres saints personnages, qui tous ont eu en detestatiō ce vice abominable. Toutesfois pour ne facher d'auarage le lecteur, ie diray avec saint Augustin. Quel desir insatiable est ce que les hommes ont: les autres animaux ont leurs appetits limitez, car il chassent pendant qu'ils ont faim, & estās saouls ils laissent la proye, mais l'auarice des riches de ce monde, est insatiable: car ils cherchent & souillent tousiours, & prennent à toutes mains, sans craindre Dieu,



ny les hommes: ils ne cognoissent ny pere ny mere: & ne font rien pour freres ny pour amis qu'ils ayent: ils ne tiennent point de parole: ils oppriment les vefues, pillent les orphelins, & se font seruir de gens libres, comme d'esclaves: ils sont faux tesmoins, & ne craignent s'emparer des biens des trespassez: voila les belles qualitez des auaricieux. Fuyons donc ce maudit vice, lequel, outre les malheurs que dessus, est incurable, selon que dit Aristote: car il croist avec l'aage: de sorte qu'auarice est en son regne quand les forces corporelles defaillent en l'homme. Pour ne tōber donc en ce vice, j'allégueray quelques exemples des maudits auaricieux du passé, entre lesquels Iudas Iscariot peut estre mis au premier rang: lequel estant Apostre & disciple de Iesus Christ fut si suiet à auarice, qu'il desroboit les deniers de la compagnie de Iesus Christ qu'il auoit entre mains: mesme ceste passio l'auoit tant auenglé, qu'il tenoit pour perdu ce precieux onguent dont Marie Magdaleine oignit les pieds de nostre Seigneur: car si cest onguent eust esté vendu il eust desrobé vne partie du prix, en fin ce vice le domina tāt qu'il vendit son maistre & son Seigneur. Ce seul exēple pourroit suffire pour approuuer ce qui a esté dit cy dessus touchāt auarice: toutesfois ie suis contēt en alleguer d'autres, entre lesquels Tybere Cesar Empereur de Rome est le plus auant, & certes il n'y a vice au monde dont on ne puisse prendre patron & exēple sur les Empereurs Romains. Ce Prince donc entre les autres vices dont il estoit suffisamment meublē, estoit si suiet à la pince, qu'encore qu'il fust seigneur de tout le mōde, ce neātmoins il fit mourir Cælius Lentulus, qui l'auoit institué son heritier pour auoir son bien: autant en fit-il au Roy des Parthes qui s'estoit venu rāger par deuers luy avec bō sauf-cōduit, & ce pour iouir des tresors dudit Prince: il chargeoit si fort le peuple de tailles & gabelles, que les pauures gens estoient contrains abandonner leurs patries: de sorte que les villes demouroyēt desertes & inhabitees, en fin pour luy, uant tousiours son auarice insatiable. Caligula l'estouffa entre deux oreilliers. Domitiē Empereur fut encore plus auaricieux que luy: & plus encore l'Empereur Cōmodus, lequel vendoit ordinairement la iustice: Aussi Dieu per-



mit que tous deux feurent tuez à coups de poignelades: Achelonus Roy de Lydie fut si auaricieux, que ne se contentant de son domaine & reuenu ordinaire, il chargea tant son peuple de taille & d'impost, qu'en fin il s'esmeut contre luy, & l'ayant prins, le peuple le tua miserablement, & le pendit par les pieds. Pontan fait mention d'un Cardinal si auaricieux, qu'il se deguisoit souuent en habit de valet, pour aller desrober l'auoine deuant les cheuaux. Horace dit, que à Rome y auoit vn certain nommé Ouide tant riche en deniers, qu'il pouuoit mesurer son or à pleins boisseaux: & neantmoins il alloit tout nud, & ne mangeoit à demy son saoul: de sorte que craignant de tomber en pauureté: il vesquit pauurement toute sa vie. On trouue plusieurs autres hommes de renom qui ont esté fort subiet à l'auarice: comme Primalcon ou Pigmalion, frere de Dido, qui tua son cousin pour auoir son thresor. Polistus aussi Roy de Troye fit mourir vn des fils du Roy Priam qui luy auoit esté enuoyé: pour honnorer sa cour: mais c'est trop parlé de gens qui ne valent rien. Contentons-nous de cognoistre qu'il nous faut fuir ce vice, qui cause tant de maux: veu que l'homme est tousiours plus enclin à l'auarice qu'à liberalité.

*Cardinal  
d'extreme  
auarice.*

*ou Pigmalion.*

XXXXXXXXXXXXXXXXXXXXXXXXXXXXXXXXXXXXXXXXXXXXXXXXXXXX

*Raison fort vaine du Philosophe Phauorin, sur ce qu'il n'est bon de demander aux Astrologues les choses à venir.*

#### CHAP. XIII.

**L**Es anciens, & les modernes ont tousiours esté en doute sur le faict de l'Astrologie iudiciaire, qui traite des choses futures qui doiuent adueuir aux hommes, tant en particulier, qu'en general à tout l'yniuers: les vns la condânant & reiettent entierement: les autres l'approuuent en partie: & y en a qui la soustiennent, & par raisons & par experiéces. Et de faict, il y en a des liures assez, que ie mettrois bien en ieu, ne voulant traualier mon esprit en ce poinct, ie passe outre: encore que i'aye assez estudié en celle partie d'Astrologie, qui traite des cours & mouuemens des astres. Pour ne toucher donc à l'honneur de personne, ie diray seulement ce qu'en dit le Philosophe Phauorin, selon que recite Aulugelle: lequel voulant resister & d'estourner les hommes de ne s'arrester



aux Astrologues, Chaldees, ou Mathematiciens: pour con-  
noistre les choses à venir, vsoit d'une raison fort aigüe  
& subtile, disar ainsi: Garde toy de te fier aux Astrologues  
en sorte que ce soit. car encorres qu'ils te diēt vray, ce que  
ils te diront sera bon ou mauvais: pourquoy estar bon, ou  
c'est verité ou mensonge. Si c'est verité, tu recois double  
domage à la sçavoir: car en premier lieu tu es en peine de  
desfier que ce bien t'aduienne bien tost, secondement yn  
biē à venir, dōt tu es aduenir q' estimē tousiours moind-  
re: de sorte que tu n'en recois si grand plaisir qu'autre-  
ment. Si c'est mensonge, tu attendras en vain le bien que  
l'Astrologue te promer: car il ne t'aduiēdra pas. Que si ce  
que l'Astrologue predit est mauvais pour toy, estar mau-  
uais & certain, qu'ele plus grande disgrâce te pourroit  
aduenir que d'estre abreue d'un mal-heur que tu dois re-  
cevoir, sans qu'il soit en toy le pouuoir euitier? Et si c'est  
mensonge, qu'à ou que faire d'attrister vne personne d'un  
malheur qui ne luy doit aduenir? Et par ainsi en sorte que  
soit, il n'est bon de s'enquerir des choses futures. Quant  
à moy je trouue le conseil de ce Philosophe fort bon,  
comme estant conforme à l'Euangile qui dit que ce n'est  
à nous de connoistre le temps ny les momens.

*De la fondation de Ierusalem, des fortunes qu'elle a eue:  
 & des Roys qui y ont regné.*

СНАР. XV.

**I**L n'y eut onc ville ny citez quelle qu'elle soit, qui ait eu tant de priuileges & de graces de Dieu, n'y ou ayér esté faits tant de mysteres, qu'en Ierusalem, quand encore il n'y auoit que ce seul poinct que nostre Seigneur y a esté crucifié, mort, & enseuely, & que les mysteres & secrets de nostre Redempcion y ont esté paracheuez. Au contraire il n'y a ville au monde qui ait enduré tât de maux, ny qui soit tombee en telle seruitude qu'elle: comme encore on peut voir auourd'huy. Quand a trhefors & bastimens somptueux, elle n'estoit a eígaller a ville du monde: aussi Pline la loué par sur toutes les citez du Leuant. Cornelius Tacitus descrie amplement son assiette, par laquelle



on peut cognoistre que c'estoit vne des plus fortes villes du monde, autant en fait Iosephe, lequel décrit les trois murailles dont elle estoit ceinte, qui neantmoins estoient fort enrichies de tours, bastions, & cazemates, outre l'excellence du temple, qui estoit chose nomporeille. Quoy considéré, il m'a semblé bon de mettre icy la premiere fondation de ceste cité, avec les fortunes qu'elle a eues, tant bonnes que mauuaises, recueillant sommairement tout ce qui est comprins en ses chroniques. Ierusalem donc fut fondée au milieu de Judée, à la croupe du mont de Sion, qui est tenu & réputé communément le milieu & le centre de la superficie de la terre. Ezechiel aussi dit qu'elle fut assise au milieu des nations. Dauid pareillement dit que le salut des hommes fut parfait au milieu de la terre, ce que monstre bien amplement saint Hierosme escriuant, sur ce passage d'Ezechiel, cy dessus allegué. Au reste, il écrit en Genèse, que Melchisedech (qui selon l'interpretation de S. Paul vaut autant à dire, que Roy iuste, ou Roy de Iustice) ayant vaincus quatre Roys qui tenoyent Loth prisonnier fit sacrifice à Dieu: ce Prince baptiza ceste cité du nom de Salem, c'est à dire paix, à cause de quoy il fut appelé Roy de paix. Salem donc fut le premier nom imposé à ceste cité, encore que S. Hierosme soit d'opinion qu'elle ait eu nom Iebus du commencement, Strabo, Cornelius Tacitus, & plusieurs autres auteurs l'appellent Solima, parlant autrement de la fondation que ce qui est mis cy dessus. Ceste cité aussi fut appelée Iebus, & Ierusalem, ainsi qu'on peut voir en la sainte Escriture. saint Hierosme escriuant à Dardā luy donne trois noms: toutesfois, en fin elle fut appelée Elia, à cause de l'Empereur Elus Adrian, qui la fit rebastir, & fortifier. S. Hierosme dit qu'elle porta le nom de Iebus, à cause des Iebuseens qui l'auoyent fondée iusqu'au temps de Dauid. Iosephe & Egesippus, disent que Melchisedech luy mit le nom de Ierusalem, c'est à dire vision de paix, faisant vn mot de Iebus, & Sakem, de sorte que Ierusalem se trouuaست composé de ces deux noms, changeant seulement vn b, en r. Les autres dient, que son nom est prins de Here, c'est à dire vision, à cause de l'Ange, qui apparut à Abraham, lors qu'il vouloit sacrifier son fils Isaac. Il y en a

*Isa. li. 6.  
de bel. Iosephe.*

*Salem.*

*Ios. c. 19.  
Isa. c. 1.  
E. 19.*



qui dient qu'elle fut appelée Ierusalem, c'est à dire maison & Palais de Salomon, à cause des grâdes fortifications que le Roy Salomon y fit. Il y a plusieurs autres opinions sur ce fait, dont ie me passe de leger: car quant à moy, ie tiens que comme les Iuifs l'appelloient en leur langue, Ierusalê, que les Grecs & Latins la nommoient Ierololima, ainsi qu'on peut voir en Iosephe & Egesippe auteurs Grecs. Nicolas de Lyra n'est à recevoir, en ce qu'il dit que Ierusalem fut premièrement nommée Luca, & Berhel: car selon S. Hierosme, Berhel est loin de Ierusalem douze mil, ainsi que mesme on peut voir par Iosephe. Cependant, toutesfois il faut noter que Ierusalem eut plusieurs noms particuliers, qui luy furent attribuez à cause des hauts misteres qui ont esté paracheuez en elle: comme sainte Cité, Cité sacrée, Cité de Dauid, & plusieurs autres semblables noms outre son nom propre. Or, pour venir à son histoire, les Iebuseens, & Cananeens, qui estoient vne mesme nation (car Iabus fut fils de Canan, fils de Châ, nepveu de Noë, duquel ces nations prindrent le nom) estoient seigneurs de Ierusalem, au tēps que les enfans d'Israël deliurez de la captiuité d'Egypte, s'emparerent de la Palestine & de la Judee, & aduint qu'au partage que les douze lignees d'Israël firent de la terre à eux promise, Ierusalem escheut à la part de la lignee de Benjamin. Toutesfois, parce que ceux de la lignee de Benjamin, quelques efforts d'armes qu'ils fissent, ne purent nettoier entierement le pays des Iebuseens: ils furent contrains les souffrir avec eux plus de trois cens septante ans, mesme iusques au temps de Dauid: lequel estant Prophete & Roy, issu de la lignee de Iuda, chassa les Iebuseens, s'emparant de leurs forteresses, lesquelles il fortifia de nouveau, & y fit des Palais somptueux, selon qu'on peut voir au liure des Roys: & en Iosephe au liure des Antiquitez Iudayques: Dauid donc ayant chassé les Iebuseens, appella Ierusalem Cité de Dieu, la faisant chef & ville capitale de toute Judee. Durant le regne de Dauid, Ierusalem estoit en son triomphe, & fort renommée entre les nations; à cause des grandes victoires que Dauid obtint: apres la mort duquel, le sage Salomon luy succeda. Et encore que ce Roy s'estudioit à viure en paix: ce n'est

Ios. c. 18.

moins



moins Ierusalem croissoit tousiours en renommée, en richesses, & en bastimens somptueux: car Salomon amplifioit les murailles d'icelle, & y fit faire de grandes fortifications. D'ailleurs il y fit plusieurs bastimens fort somptueux: & signamment ce temple tant renommé, à cause de ses richesses & l'artifice de son bastiment qu'il n'y eue onques, & n'y aura bastiment qu'on puisse esgaler ny parangonner à iceluy: car comme on peut voir en la sainte Esriture & en Iosephe, l'appareil de ce temple estoit infiny & incomprehensible: de sorte, que pour la seule renommée d'iceluy, la Royne de Saba vint visiter le Roy Salomō, plusieurs Rois luy enuoyerēt de grās presens pour cest effect: l'or & l'argēt qu'ō luy apportoit par mer, estoit en si grande quantité, qu'on n'en tenoit non plus de conte que de pierres. Ce Roy neātmoins mesconnoissant ces grands dons de Dieu, deuint idolatre: aussi Dieu permit que son Royaume fut diuisé apres sa mort. Ayant donc regné quarante ans, Roboam son fils luy succeda: contre lequel se reuolterent dix lignees, qui esleurent Ieroboam pour leur Roy, Roboam donc estant seulement Roy de deux lignees, à sçauoir de Iuda & Beniamin, se fortifia en ses villes: & du depuis ce Royaume demeura à ses successeurs qui prindrent deslors le nom de Iuifs, à cause de la lignee de Iuda: Ieroboam & ses successeurs s'appellerent Rois d'Israël: & esleurent Samarie pour ville capitale de leur Royaume: & de fait ces Roys furent tousiours en guerre continuelle l'un contre l'autre. Toutesfois encore que Roboam n'eust que deux lignees subiettes à luy, ce neātmoins sa reputatiō estoit si grāde pource qu'il estoit issu de Dauid, & qu'il auoit quasi tousiours du meilleur, qu'il estoit plus craint & plus obey que les Rois d'Israël: de sorte que Ierusalem n'estoit en rien diminuee, ny en force, ny en richesses. Mais des que les Rois de Iuda & le peuple offenserent Dieu par idolatrie, ceste pauvre cité souffrit plusieurs miseres & calamitez. Roboā donc ayāt fortifié ses villes en grande prosperité, deuint neantmoins idolatre, selō qu'est eserit ez Croniques saintes, & en Iosephe: à cause dequoy Dieu esmeut contre luy Sisar, oulsusac Roy d'Egypte, lequel vint courir les pays avec douze cens chariots, soixante mil cheuaux, & vn nombre infiny

Par. li. 3.  
Reg. li. 2.  
Iosephe,  
Antiq.  
Iud. li. 8



infiny d'infanterie Egyptienne, Ethiopique, Trogloditi-  
 que, avec plusieurs Lybiens qui estoient venus de la Gui-  
 nee à son service : & de fait, entrant par force en Ierusa-  
 lem, ils'accagea la ville & le tēple, duquel il tira des tri-  
 bors infinis, selon qu'on peut voir en la chronique : apres  
 lequel chastiment, l'ire de Dieu estant appaisée, Roboam  
 demeura paisible en son Royaume le reste de sa vie. Et  
 estant decédé, Abias luy succeda, lequel desfit Ieroboam  
 Roy d'Israel : en laquelle desfaite demurerent 50. mille  
 hommes des gens de Ieroboam. Apres la mort d'Abias,  
 qui vesquit peu (aussi estoit il idolatre : & neantmoins  
 Dieu luy permit auoir ceste victoire, en consideration de  
 David son bis-ayeul) A sa luy succeda : ce Prince estoit bō,  
 iuste, & craignant Dieu : aussi Dieu luy donna plusieurs  
 grandes victoires, & signamment contre Zarab Roy d'E-  
 thiopie, qui auoit tāt gagné de pays qu'il tenoit Ierusalē  
 assiegee. De son temps le Royaume de Iuda estoit si flo-  
 rissant, que de conte fait, on y trouua cinq cens octante  
 mil hōmes portāt armes : aussi trouue-on en la saincte E-  
 criture, que ce Roy fit bastir & fortifier plusieurs citez.  
 Apres le decez d'iceluy, Iosaphat son fils paruint à la cou-  
 rōne, durant le regne duquel Ierusalem fut en grande re-  
 putatiō : mesmes, à cause des Prophetes, Abdias, Micheas,  
 Ohas, Elie, & Elisee, qui furēt de ce tēps-là. Cē Roy fut si  
 agreable à Dieu, selō qu'on void es sainctes Chroniques  
 des Rois, que les Moabites, Ammonites, & les Mōragnats  
 de Seir s'estans amassez, avec vn nombre infiny de peu-  
 ple pour courir sus à ce Prince, Dieu mit telle dissention  
 entr'eux qu'ils conuertirent, & employerent leurs forces  
 à se desfaire eux mesmes : de sorte que sans coup frapper,  
 le Roy Iosaphat retourna en Ierusalem en grand triom-  
 phe : ou ayant regné paisiblement en grand pouuoir, il  
 deceda, laissant le Royaume à Iorā son fils : donnant pour  
 appanage à ses autres enfans d'autres villes, avec grandes  
 sommes d'or & d'argent. Ioram donc estant paruenū à la  
 couronne, ne suyuit le trac de son pere, ny de son ayeul :  
 ains s'adōna à impietē & cruauté, faisant monter ses freres  
 propres : il tacha d'auoir l'alliance d'Achab Roy d'Is-  
 raēl, le cōseil duquel il suyuoit en ses affaires : & de fait, il  
 print sa fille en mariage : dequoy Dieu irritē permit que



ceux d'Edon se reuolterent contre luy. Il esmeut aussi les Arabes à luy mener guerre, laquelle fut si cruelle, que tout le pays de Iudee en demeura ruiné. Apres son decez Ozias, ou Ochozias son fils succeda au Royaume, avec sa mere Athalia, & comme tous deux fussent de tres mauuaise vie, aussi moururent-ils malheureusement. A iceluy succeda Ochozias, lequel donna grande apparence, du commencement de son regne, de routes choses bonnes, tant pour le regard de la religion, que pour le faict de la police: car il remit le temple en son premier estat: & restabli tous les dommages que les Rois d'Egypte, & mesme Ozias son pere y auoyent faict. Mais par apres il s'adonna à idolatrie: de sorte que par la commune voix du peuple, il fit mourir le Prophete Zacharie: de quoy irritee la bonté Diuine, enuoya vn terrible chastiment sur Ierusalem: & ce du temps du Roy Amasias fils d'Ochozias: lequel ayant guerre contre Ioas Roy d'Israel, & mesconnoissant les grâdes victoires que Dieu luy auoit données contre les Idumeens: & plusieurs autres nariors, fut defaict luy & ses gens: & estant mené prisonnier en Ierusalem mesme, fut contraint de soumettre la ville à la mercy de Iosias: lequel la fit demanteler, & abatre quatre cēs brasses des murailles. Il s'accagea aussi le temple, & s'empara de tous les thresors du Roy Amasias, puis retourna en grand triomphe, en la cité de Samarie. Outre cela Amasias fut tué en trahison, auquel succeda Azarias ou Ozias son fils: lequel fut fort vaillant & puissant Prince. En premier lieu, il fortifia Ierusalem, & toutes les villes demantelees: enrichissant ses pays, par les grandes victoires qu'il obtint contre les Philistins Arabes, & Ammonites, lesquels il rendit tous tributaires à sa couronne, de sorte que la renommee de Ierusalem croissoit de iour en iour durant son regne: il fonda & fit bastir plusieurs villes & citez. Toutesfois l'orgueil luy fit oublier son deuoir: car se voyant trois cens mil homes sujets à luy, tous pouuans porter armes, il deuiat si arrogant qu'il vsurpa l'office de sacrificateur: mais comme il faisoit le sacrifice au temple, Dieu le frappa d'une ladrenie, qui luy dura iusques à la mort. Apres son decez, Ioatan luy succeda, qui fut fort prudent, iuste, & vaillant: augmenta fort Ierusalem,



lem, & y fit de grandes reparations. Il fonda plusieurs autres villes, & veinguit les Ammonites: desquels il tira grandes sommes d'or & d'argent. Mais depuis la mort les grands triumphes se perdirent, & tout malheur aduint au peuple de Iuda: car Achaz son fils surnomé Eleazar eüst paruenü à la couronne, s'adonna à idolatrie, introduisant les ceremonies & superstitions des Payés: à cause dequoy Dieu le chastia par les mains de Rasis Roy de Syrie, & de Fezias Roy d'Israël, qui luy tuèrent pour vn iour six vingtes mil hommes: apres laquelle defaite ils coururent tout le pays de Iudee, lequel ils pillerent & saccagerent: toutesfois pour ce que Ierusalé estoit forte, il s'y maintint contre le siege desdits Rois. Ceneantmoins il fut contrainct d'acheter a grâde somme d'or le secours de Salmanazar Roy d'Assirie: pour à quoy satisfaire il print les vases d'or & d'argent dont on se seruoit au tēple. Salmanazar donc venāt au secours du Roy de Iuda, desfit le Roy d'Israël: & neantmoins emmena avec luy grand nombre de Iuifs prisonniers, ausquels il donna la regiō d'Irene pour habiter: & ceste fut la premiere captiuité & dispersiō des Iuifs dez qu'ils sortirēt miraculeusement d'Egypte: mesme peu de tēps apres cela, le Roy Assirien cōtraignit les Rois d'Israël luy payer tous les ans tribut. En ce tēps-là, les prophetes Osee, Elaye, Amos, Michee: & Ionas estoient en regne. Apres la mort du desfortuné Achaz. Ezechias son fils paruint à la courōne. Ce Prince fut biē autre que son pere: car il estoit prudent, iuste, religieux, & craignant Dieu. Aussi Ierusalē reprit son premier credit de son tēps: car il reforma tellement la police, & remit le seruice de Dieu à telle perfection que comme l'Escripture sainte luy rend tesmoignage, le Royaume de Iuda n'eut onc vn tel Roy: aussi velquit il en grâde prosperité: & obtint de grâdes victoires. Ce Prince ne se contētant d'arracher toute l'idolatrie à laquelle il voyoit le peuple fort encliné, & voulāt remettre sus entierement le seruice de Dieu, somma les autres dix lignes d'Israël de viure selō la loy que Dieu leur auoit dōnee par la main de Moysē: à quoy condescendās, plusieurs vindrent sacrifier en Ierusalē, & celebrer la Pasque selon l'ordonnance de Moysē. Et neantmoins, selō qu'o peut voir ez saints, Escriptes, les autres



autres perseueroient en leur idolatrie, & se mocquoient de ses sominations, quelques aduertissemens que les Prophetes leur donnassent: à cause dequoy ils furent souventes fois chastiez des verges de Dieu, tant par Salmanazar que par Sennacherib, qui les oppressa grandement le premier an du regne d'Ezechias. Mesme le quatriesme an du regne d'Ozias Roy d'Israël, ce Prince Assirien mena si forte guerre contre les sept lignees d'Israël par l'espace de trois ans, qu'il les contraignist d'abandonner leur patrie, & aller demeurer comme esclaves entre les Medes: & voila comment les Iuifs furent dispersez ça & là parmi les nations estranges, sans iamais retourner en leurs maisons, de sorte qu'on ne sçait qu'ils deuindrent depuis: qui fut la fin & ruine du Royaume d'Israël, qui auoit duré trois eés septâte ans, Salmanazar au contraire, enuoya en Samarie les Assiriens pour y habiter, lesquels s'emparans de tout le pays iadis habitè par les Israëlites, prindrent le nom de Samaritains. Eusebe toutesfois prend ce nom comme pour garnison: mais son opiniõ ne me semble receuable: car ils s'appellerent Samaritains pour raison de Samarie ville capitale de ceste cõtree. Ces Assiriés meslerent la loy des Iuifs avec leurs idolatries: ausfilcs auoit on en abomination: comme gens excommuniez. Quant à leurs faits ie m'en tairay, pource qu'ils n'attouchent en rien mon discours: & si en cecy ie cõmers quelque faute, ie me soumets à la correction de l'Eglise.

~~~~~

*Suite de l'histoire de Ierusalem iusques au temps des Empereurs Titus & Vespasien.*

CHAP. XVI.

**A** Pres la deffaitte & ruine des Israëlites, le Royaume de Iuda seul demeura sur pied: car le bon Roy Ezechias, pour sauuer son peuple de la fureur du Roy Salmanazar, & maintenir les siens en paix luy dõna grãdes sommes d'or achetâr par ce moyẽ la paix pour lõg tẽps: toutesfois ce Roy infidelle luy faussa la foy, & vint avec grosse armee en intention de ruiner le Royaume de Iudee, comme il auoit fait, celuy d'Israël. Mais Dieu voulât preseruer son peuple, manda le Prophete Esaye vers le Roy Ezechias pour le cõsoler (car ce Prophete viuoit alors) &

par



par vne nuit l'Ange du Seigneur desfit cent ostante mil hommes au camp Assirien: lequel carnage contraignit les autres à se retirer. Et par ainsi Ezechias estant eschapé de ce peril & luy & son peuple, vesquit le reste de ses iours paisiblement en son Royaume. Et ayât Dieu môstré évidemment de grands miracles pour le respect dudit Roy, il mourut paisiblement, laissant Manasses son fils & successeur au Royaume. Ce Prince ne suyuit le chemin de son pere: ains s'adonna entierement à toute idolatrie: commettant plusieurs choses abominables contre la Loy de Dieu: à quoy aussi il induisit le peuple. De quoy estât Dieu offensé, il suscita les Assiriens contre luy, qui le chastierēt si bien, qu'outre la deffaitte de ses gens, il fut faict prisonnier, & mené captif en Babylone: toutesfois il se repentit de son peché: qui causa que Dieu le deliura des mains des Assiriens, de sorte qu'il retourna en ses estats, & y mourut paisiblement. A celuy succeda l'inique Amon son fils: lequel fut tué miserablement: les Prophetes Ioël, Nahum, & Abacuc furent de son temps. Apres luy succeda Josias son fils qui fut Prince craignant Dieu, & fort vigilant à la reformation de son peuple. Car il chassa toute idolatrie hors de son Royaume, qui neâtmoins estoit fort entracinée es cœurs des hommes, & repara le tēple, faisant plusieurs autres actes dignes d'un Roy saint & iuste. Pour cela neâtmoins l'ire de Dieu ne se pouuoit appaiser cōtre les Iuifs, pour raison des idolatries cōmises du temps des Rois Amon. & Manasses: toutesfois pour le respect de Josias (qui mourut pauuement par la grāde fortune) Dieu differra de chastier le peuple Iudaïque cōme il fit par apres. Ce Roy mourut d'une playe qu'il receut en la iournee qu'il eut cōtre Necar Roy d'Egypte: & de faict ce fut biē employé: car Necar ne luy demādoit rien, ains cherchoit son amitié tant qu'il pouuoit: n'ayant autre intentiō que d'employer ses forces contre le Roy d'Assirie: & neantmoins Josias en voulut à luy, d'une certaine gayeté de cœur, qui luy conseilla la vie. Sa mort fut fort regretee: mesme du Prophete Ieremie, qui fit ces lamentations à cause d'icelle. Ioachas son fils luy succeda, lequel fut adonné à toute iniquité & meschaceté: aussi Dieu ne le permit regner plus de trois mois: car Necar qui auoit desia deffait son



son pere le prin de son Royaume: rendant le pais de Iudee tributaire de cent talens d'or, & vn d'argent tous les ans. Ioachas donc estant priu de ses estats, & mené prisonnier en Egypte où il mourut, Ioachin son frere fut installé au Royaume, où il se porta fort mal: car il estoit adonné à toute idolatrie, & induisit le peuple à en vser de mesme. A cause dequoy Dieu luy suscita pour ennemy le Roy Nabuchodonozor, qui auoit desia regné quarante quatre ans en Babylone. Ce Prince ayant obtenu victoire cōtre le peuple Iudayque, emmena pour esclaves les plus grands de tout le pays: & emporta les vases du Temple. L'occasion de ceste guerre vint de ce que Ioachas donna aide au Roy d'Egypte contre Nabuchodonozor, outre le conseil de Ieremie: Ioachas donc ayant regné onze ans, & demeuré prisonnier trois ans, mourut en grande pauureté. A iceluy succeda Ioachin, ou Iechonias, lequel suivit le train de son pere, estant meschant comme luy: aussi de son temps, Dieu commença desployer les rigoureuses verges de long temps apprestees contre Ierusalem, & differees pour le respect de Iosias, selon que les Prophetes auoyent predit: car Nabuchodonozor vint en propre personne avec vne grosse & forte armee assieger la cité de Ierusalem: auquel ne pouuant resister le Roy Ioachin, soumit à sa volonté, luy, sa mere, sa femme, & les principaux de sa maison: & outre cela luy fit present des vases & thresors qui estoient encore au tēple. Au moyen dequoy le Roy Ioachin, & les principaux de sa court furent menez captifs en Babilonne. Mais Nabuchodonozor prenant toutes les asseurāces & fidelitez qu'il peut de Mathathias, oncle du Roy Ioachin, le fit Roy de Iudee, & l'appella Sedechias. Ce Roy fut vn des iniques & malheureux Princes qui regna oncques: car nō seulement il fut ingrat enuers Dieu des grādes graces qu'il luy auoit faites, auquel neāt moins il tourna le dos, ne voulāt entendre à chose que le Prophete Ieremie luy dist: ains aussi faussa sa parole au Roy Nabuchodonozor qui l'auoit installé au Royaume, luy deniāt son amitiē. Et si ce Prince ne valoit gueres, les sacrificateurs valoient encore moins, & moins encore le cōmun peuple: de sorte que toutes abominations & idolatries regnoyent en Iudee, iusques à profaner le temple,



qui estoit tenu si sacré. Et quelques remonstrances que fissent à ce Roy Ieremie, Ezechiel, & les autres Prophetes, l'obstination neantmoins croissoit tousiours. A ceste cause Dieu suscita le Roy Nabuchodonozor: lequel pour se vèger du tort que tenoit de luy Sedechias, l'an neuuesme de son regne, vint courir le pais de Iudee avec vne grosse armee: & tint Ierusalem assiegee deux ans durant, ou le Roy Sedechias s'estoit retiré pour sa seurte. Mais le pauvre peuple: alangui de famine & de peste, ne pouuât plus supporter le siege, fut estraint se mettre à la merci de l'ennemi: lequel entrât dans la ville, la mit à feu & à sang. Le Roy Sedechias fut prins comme il s'enfuyoit: & estant amené deuant le Roy Nabuchodonozor, il fit mourir ses enfans deuant ses yeux, & quant à luy, il luy fit creuer les deux yeux, & le mena en cest euiPAGE en Babilone. Apres son retour il mada en Ierusalé Nabuzardâ, qui estoit vn de ses principaux Capitaine, avec charge de faire ruiner le temple. Cela fut quatre cens ans apres l'edification du tēple sacré par Salomon: autant en fit il de toutes les forteresses & bastimens somptueux de Ierusalé, abattant les murailles de la cité, & ruinant les Palais des Rois de Iudee. Il emporta aussi tout le metail qui estoit au temple: & emmena les sacrificateurs & tous les principaux tant de Ierusalem que de tout le pays, avec leurs femmes & enfans: lesquels demurerent captifs en Babilone: environ soixante ans. Cela fut la captiuité de Babilone, dōt on parle tant: laquelle aduint enuiron six cens ans auant l'aduenemēt de nostre Seigneur: voila comme la pauvre cité de Ierusalem demeura deserte & desolee. Quant au menu peuple on le laissa au pays pour cultiuer la terre, sous la charge rōutefois de Godolias deputé gōuerneur en Iudee: mais ce peuple se mutina, & tua Godolias: parquoy craignant la fureur de Nabuchodonozor, ce qui estoit resté des Iuifs, s'en alla habiter en Egypte, laissant Ierusalé deserte & despeuplee. S. Hierosme dit en son liure des Questios Hebraïques, que depuis la prinse & le sac de Ierusalé. il passa bien cinquante ans, sans que homme ny beste, ny oyseau y entrast: en quoy on pouoit assez cognoistre la grāde punitiō qu'auoir meritē ce peuple tant caressé & priuilegé de Dieu. Septante ans passez, Dieu



Dieu regarda de son oeil de pitié la captiuité & misere de son peuple ; qui fut lors que l'empire tomba en la domination des Perses, qui en deslaissrent les Assyriens, & ce du temps du puissant Roy Cyrus. Lequel esmeu de l'esprit de Dieu, permit à cinquante mille Iuifs retourner en leur patrie, sous la cōduite de Zorobabel leur capitaine, & de Iosué souverain sacrificateur : lesquels estans de retour en Iudee, commencerent à rebastir les ruines de leur ville, & principalement Ierusalem, laquelle ils rebastirēt en grande ioye, offrans sacrifices à Dieu selon l'ordonnance de la Loy, ainsi qu'on peut voir au premier liure d'Esdras, en Iosephe, & en plusieurs autres auteurs dignes de foy. Les Samaritains neantmoins, qui estoient leurs voisins, les empeschoyent tant qu'ils pouuoient de rebastir & fortifier Ierusalem : & de reparet les ruines du temple : le mesme firent plusieurs autres nations. Et toutesfoiſ quelque empeschement qu'on leur mist, le temple fut rebasti & parſait au temps que Darius fils d'Hydaspes regnoit en Babilone. Dequoy tout le peuple Iudaïque mena grande feste : toutefois les plus vieux qui auoyent veu l'estat ancien du temple, ne se pouuoient contenir de pleurer, de le voir si diminué en richesses & sumptuosité de paremens. Du depuis le Roy Artaxerxes permit à Esdras de ramener avec luy vn grād nombre de Iuifs lesquels retournerent en Iudee : ou Esdras dressa vne reformation selon la loy : conformant entierement le seruice de Dieu aux ordonnances de Moÿse. De ce temps mesme les Prophetes Aggec, Zacharie & Malachie estoient en regne. Ierusalem donc estant aucunement repeuplee, le Roy Artaxerxes permit à Nehemias de la fortifier & d'y bastir, ce qu'il fit de sorte que la cité de Ierusalem se peuploit de iour en iour & croissoit en richesses & en force. Cela fut environ cinq cens ans auant l'auenemēt de Iesus Christ. En ce temps là le peuple estoit gouverné par les sacrificateurs & capitaines esleus par le peuple sans aucun titre ny preeminence de Roy : car des la captiuité de Babilone aduenue sous Sedechias, qui dura seprante ans, iusques à Aristobulus, qui premier porta le titre de souverain sacrificateur, & de Roy, y eut quatre cens quatre vingts & quatre ans, selon que dit Eusebe. La reste de



l'histoire qui s'ensuit est prinle des Machabees, de Iosephe, d'Africanus, d'Eusebe, d'Europe, & de plusieurs autres renommez auteurs. Pour commencer donc, il faut noter que de la restauration du temple, iusqu'au temps d'Alexandre le Grand, où y a plus de cent cinquante ans on ne trouue chose digne de memoire faicte par les Iuifs, hors mis l'histoire de la Royne Ester, dont la Bible faict mention: laquelle aussi dit, que Bages, vn des principaux capitaines d'Artaxerxes Roy de Perse pour venger la mort de Iesu sacrificateur, que lea son frere auoit fait mourir, vint assieger Ierusalem avec vne forte armee: laquelle il tint de si pres, qu'il la print d'assaut, & l'ayant saccagee il s'en retourna aiait impose de grands tributs sur le peuple Iudaïque à payer annuellement aux Rois de Perse. Suruint par apres Alexandre le Grand Roy de Macedone: lequel apres la victoire qu'il obtint contre Darius Roy de Perse, fut tenu pour le plus grand Roy de la terre. Iosephe raconte de luy, qu'au siege de Tyr, ville assise à la croupe du mont Liban, il manda requerrir secours de viures, d'armes, & autres choses necessaires pour son camp, vers le grand sacrificateur Iadus. Lequel come prince hardy luy fit response que par la ligue qu'il auoit avec le Roy Darius, il ne denoit fournir de munition le camp de son ennemy: de quoy indigné Alexandre, apres qu'il eut prins Tyr, vint en grand diligence contre Ierusalem, rasant & mettant à feu & sang tout ce qu'il rencontroit. Et come Iadus grand sacrificateur vit l'armee approcher, cognoissant bien qu'il ne luy estoit possible resister à la puissance d'un si grand Roy, il vint au deuant d'Alexandre, avec ses habillemens de sacrificateur, accompagné du puple qui estoit vestu de blanc: ce que voyant Alexandre oublia tout son mal-talent: & usant de grande douceur, non seulement pardonna au puple, mais aussi receut fort honorablement le grand sacrificateur: & entrant en la cité de Ierusalem paisiblement, il s'estonna fort de la symptuosité du temple: & fit de grands presens, non seulement au sacrificateur, mais aussi vlt de grande liberalité enuers le puple, tellement que pendant qu'il vesquit, le puple Iudaïque fut bien traicté. Apres son deces, Ptolomee, vn des Princes qui s'empara d'une partie du Royaume d'Alexandre, vint al-

saillir



saillir Ierusalem vn iour de Sabbat. Et parce que les Iuifs ne firent point de defence ce iour-là, il y entra par force: & l'ayant saccagee, emmena captifs en Egypte grand nombre de Iuifs: lesquels furent mis en liberté du depuis par Ptolomee Philadelphie son fils: lequel fit traduire la Bible selon qu'auons monstré ci dessus. Du depuis Ierusalé souffrit beaucoup de trauerses, durât les guerres des Rois d'Egypte, & de Syrie, pource qu'elle estoit au milieu desdits Royaumes, selon qu'on peut voir és liures des Machabees. Antiochus aussi Roy de Syrie, mena forte guerre contre ceux de Ierusalem laquelle il print par force: & l'ayant saccagee, & le temple aussi, il fit mettre les idoles au temple, cōtraignant le pauvre peuple Iudaïque à les adorer: voila donc comme ce peupl estoit trauaillé de toutes sortes d'afflictions, plus que iamais peuple ne fut. Toutesfois comme ils estoient pres d'estre entierement ruinez, Dieu leur suscita Iudas Machabéen, qui fut vn des premiers capitaines du monde, lequel suyuant le trac de Mathathias son pere, gouerna tellement le peuple Iudaïque, qu'ayant desfait plusieurs capitaines du Roy Antiochus, il remis sa patrie en sa premiere liberté: & ayât osté & abbatu toutes les idoles qui estoient au temple, reforma le peuple, selon la Loy de Dieu. Ce Prince estât grand sacrificateur, estoit de si grand renom que les Romains, qui tenoyent lors le premier rang du monde, tascherent d'auoir son alliance, & amitié. Apres son deces, Ionathas son frere luy succeda: lequel fut fort vaillât & hardy Prince: aussi maintint il sa patrie en ses libertez contre tous. Ceste prosperité des Iuifs leur dura cinquâre ans encore que ce ne fust sans auoir guerre: lesquels passez ils voulurent derechef auoir vn Roy: errans cōme leurs predecesseurs: & par ainsi Aristobalus fut esleu pour Roy, lequel estoit vaillant & hardy Prince. mais cruel & tyrâ. Iancus surnomme Alexâdre luy succeda: qui fut fort cruel de son temps: & neârmoins il se porta vaillâmant neuf ans que dura son regne: apres son deces, Alexandra sa femme demeura regente, laquelle se porta fort sagement en sa regence: aussi se gouernoit elle par le cōseil des Pharisiens. Le Royaume de Iudee estoit lors fort grand & puissant: car les Iuifs auoyent desfaiz les Samaritains, & plusieurs



autres nations voisines, q̄ Iosephe recite, auquel on pour-  
ra auoir recours: de sorte que c'est chose fort miraculeu-  
se à bien considerer les grandes mutations de ce peuple  
tant noble, & d'une cité tant illustre: voyant d'un costé la  
grande puissance de Dauid, la grande paix & le grand re-  
pos qui fast du réps de Salomô, & le pouuoir de ces deux  
regnes: & d'autre costé la ruine & destruction totale du  
Royaume d'Israël, la ruine du tēple, & de la cité de Ieru-  
salem, les captiuité du peuple, la reedification du tem-  
ple, & en somme tout ce que nous auons dit cy dessus.

~~Comme les Roys de Ierusalem tomberent en la subiection des Ro-~~  
~~maines, & de l'estat du peuple iusqu'à sa totale destruction.~~

CHAP. XVII.

**A** Pres la mort de la Roynie Alexandra. Aristobulus  
Hyrcanus ses enfans furent en grande contention:  
à caule du Royaume: mais les Romains, qui estoient  
fort puissans, sous couleur de se vouloir mesler d'appoin-  
ter ces deux Princes, s'emparerent du Royaume de Iu-  
dee, Car Pompee le Grand estant en Asie sollicité res-  
pectiuellement de ces deux Princes, chacun a part, pour a-  
uoir sa faueur: mais ayant eu parole facheuse avec Ari-  
stobulus qui estoit le plus puissant des deux freres, vint  
avec son armee contre Ierusalem, où il entra par for-  
ce, & la saccagea, profanant le temple, & le Sancta san-  
ctorum, ou nul n'entroit que le grand sacrificateur: Ce  
qu'ayant fait il enuoya Aristobulus prisonnier à Ro-  
me: laissant le titre de souverain sacrificateur à Hyr-  
canus: & à Antipater fils d'Herodes Alconite, le gou-  
uernement de toute la Palestine. Et voila comme la  
Iudee tomba sous la main & subietion des Romains, &  
comme elle deuint tributaire. Quant à Hyrcanus, & An-  
tipater, ils eurent plusieurs traueses à l'occasion des  
guerres ciuiles de Pompee & de Cesar: de Brutus & Cas-  
sius: d'Octauius, & Marc Antoine: & mesme Ierusalem  
fut suierte à beaucoup de mutations, pour raison de ce:  
car Cassius s'en empara par force, & emporta les tres-  
sors du tēple, auquel Pompee n'auoit voulu toucher. He-  
rodes Alcalonite se porta si vaillamment & si sagement  
en son gouvernement, que les Romains luy otroyerent le



le Royaume de Ierusalem, auquel il se maintint de telle forte, qu'encore qu'il eust donné aide à Marc Antoine contre Octavius Auguste: ce neâmoins il acquit sa bonne grace, tellement qu'il luy recōfirma son Royaume: Herodes donc fut le premier Roy estrangier qui regna en Iudee: car son pere estoit d'Ascalon, & sa mere estoit venue d'Arabie. Tellemēt que lors la prophetie fut accomplie, qui dit que le sceptre ne sortiroit de la maison de Iuda, iusques à ce que celui, qui deuoit estre enuoyé vint. Aussi le peuple n'auoit iamais esté sans Rois ou sacrificateurs de leur nation iusqu'à Herodes: au tēps duquel nostre Seigneur nasquit, selon que le bon hōme Iacob auoit predit. Durant son regne Ierusalem se maintint en grāde prosperité: de sorte que selō les auteurs elle estoit aussi riche, & aussi somptueuse en bastimēs qu'elle fut onques: de la vint que ce Prince fust surnommé le Grand, à cause de sa vertu: apres donc qu'il eut regné trente six ans, il deceda laissant trois fils, entre lesquels l'Empereur Octavius diuisa le Royaume de Iudee: Moyēnant lequel partage le Royaume de Ierusalem paruint à Archelaus, qui neantmoins en fut deieté par l'Empereur Tybere, lequel enuoya Pōce Pilate pour gouverner en Iudee. A Philippes qui estoit l'un des fils d'Herodes le grand, il bailla en appennage la region Traconitide: & au ieune Herodes, la Galilee. Ce fut luy qui fit mourir S. Ieā Baptiste, & qui renuoya nostre Seigneur à Pilate: apres s'estre moqué de luy: aussi leur pechez meriterent de receuoir les punitions de Dieu qui aduinrēt de leur tēps. Pour retourner donc à Ierusalem, le plus grand bien qu'elle eut onques fut de voir le fils de Dieu en chair, preschant parmy son peuple, & faisant vne infinité de miracles selon qu'auoyēt predit de luy les saints Prophetes: & neâtmoins ce malheureux peuple mescoignoissā la noble visitatiō de nostre Seigneur, le crucifia cōme vn brigād. Au reste, Suetone & Cornelius Tacitus dient que durant le regne du cruel Neron, les Iuifs furent les premiers qui se vouterent reuolter contre les Romains: à quoy ils furent induits, selō que recitent lesdits auteurs, par vne certaine Prophetie, qu'ils tenoyēt veritable, laquelle portoit qu'à uirō ce temps là les affaires des Orientaux auanceroient



grandement: & qu'un sortiroit de la nation Iudaïque qui deuoit subiuguer tout le monde. Cornelius Tacitus entendoit ceste prophetie simplement de l'Empire de Titus, & de Vespasien Empereurs: mais elle s'entendoit du regne spirituel de nostre Seigneur, lequel prenât son commencement en Ierusalem: s'amplifia par le monde vniuersel. Côme dōc la reuolte des Iuifs fust descouuerte, Vespasien & Titus son fils qui furent puis apres Empereurs, furent enuoyez en Iudee avec vne grosse armee: & fut ceste guerre fort cruelle, pendant que Vespasien y demeura. Apres son rerour à Rome, Titus demeura au cap Lieutenant general de l'armee Romaine: lequel ayant prins par force plusieurs villes de Iudee, vint en fin assieger Ierusalem laquelle se trouua lors fort peuplée, parce que de toutes les parties du monde y estoit venu vn nombre infini de Iuifs celebrer la Pasque, & manger l'Agneau Paschal: Titus donc tint Ierusalem de si pres assiegee, que nul n'en pouuoit sortir, & moins y entrer sans y estre descouuert & prins. Ce siege fut grand, car il dura 5. mois bien battu, & bien opiniastrement defendu. Or la famine estoit si grande en Ierusalem, qu'une mere Iuifue tua son propre enfant allaitant, pour le manger. Finalement Ierusalem estant prise par force, tout eust passé par le fil de l'espee, si Titus n'eust faict cesser les soldats Romains: toutesfois il fit ruiner & demolir ce grand & fameux temple de Salomon & rasa les murailles, & forteresses de la ville, qui estoient si superbement basties: & fit brusler & raser la ville, apres l'auoir saccagee: laquelle chose auoit esté long temps auparauant predite par les Prophetes, selon que dit Paul Orose, Eusebe, & plusieurs autres docteurs Chrestiens. Ceste guerre, qui dura 4. ans, fust si opiniastre, qu'il y demeura six cens mille hommes tous portans armes du costé des Iuifs, tant de ceux qui passèrent par le fil de l'espee, que des autres qui moururent de pauvreté & de famine outre 97. mil hommes qui furent vendus comme esclaves, selon que dient Iosephe, & Egesippe. Ceste horrible destraxion auiait 70. ans apres la mort de nostre Seigneur: 590 ans apres la reedification du temple faict par Zorobabel, & douze cens ans depuis la premiere fondatiō d'iceluy faicte par Salomon: Eusebe dit



be dit qu'il n'y demeura pierre sur pierre, afin que la parole de Iesus Christ fut accomplie. De là en auant, le pais de Iudee fut vny au domaine des Romains, de sorte qu'il estoit conté pour vne prouince. Et n'y demeura ny capitaine, ny sacrificateur Iuis, comme aussi il n'en auront iamais. Icy l'histoire de Ierusalem pourroit prendre fin: toutesfois pource qu'elle a esté reedifiée, ie passeray outre. Surquoy il faut noter que deux cens ans apres la destruction de Ierusalem, l'Empereur Adrian, qui fut environ 130. ans apres la mort de nostre Seigneur, voyât que les esclaués Iuis multiplioyēt fort, encore que du temps de l'Empereur Traian on en eust fait grād carnage pour vne rebellion & mutination que les Iuis auoient faite, entre autres ruines qu'il fit reparer ordonna qu'on rebastit Ierusalem, & qu'on la nommât *Ælia Adria*. Ce que fut fort promptement executé par les Iuis qui y retournerent habiter. Lesquels ayans regret de voir Payens & Chrestiens mellez parmi eux, qui viuoient chacun selon leur religion par la permission d'Adrian se reuolterēt en secret, contre l'Empereur. Dequoy aduerti l'Empereur Adrian, il enuoya Seuerus en Iudee avec vne tresgrosse armée: lequel apres plusieurs rencontres & escarmouches, mesme apres auoir tenu longuement le siege deuant Ierusalem, y entra en fin par force, & la mit à feu & à sang. Dion Cassius recite qu'il y demeura à ce sac cinquante mil hommes de fait tous portans armes, sans le menu populaire, qui tous passerent par le fil de l'espee. Cela fait, Seuerus fit demanteler & raser so. de leurs forteresses: & fit mettre le feu en 985. tant bourgades que villetes. Il bannit perpetuellement tous les Iuis de la nouvelle Adria: de sorte que du depuis Ierusalem demeura despeuplee, & sans seigneur. Europe neanmoins dict que les Chrestiens eurent licence d'y aller habiter, lesquels maintindrent en grande reuerence les saints lieux où nostre Seigneur Iesus Christ fut crucifié & enseuēly. Nous trouuēs aussi que dés le temps de S. Iaques, qui fut le premier Euesque de Ierusalem, ce nō d'Euesché demeura à ladite cité, encore que les Payens l'ayent souvent ruinée, & contaminée par leurs Idolatries & paganismes. Mesme que sainte Helens qui fut mere de l'Em



pereur Constantin allât visiter les saints lieux de Ieru-  
 salem, y trouua la croix ou nostre Seigneur fut crucifié  
 que fut enuiron trois cens ans apres la mort & passio: & fit  
 ruiner le temple de Venus que les Payens y auoyent fait  
 bastir. S. Hierosme dit, que dès le temps de l'Empereur  
 Constantin, qui fut bon Prince, & qui aduança grande-  
 ment la religion Chrestienne, Ierusalem commença à se  
 peupler, & à deuenir marchande & riche, comme encore  
 elle estoit de son temps, selon qu'il dit. L'an de nostre Sei-  
 gneur, 612. durant le regne d'Eraclius Empereur, Cos-  
 roas Roy de Perse vint courir la Syrie & la Palestine, &  
 entrant par force en Ierusalem, mit tout à feu & à sang:  
 de sorte qu'il y demeura bien 30. mil Chrestiens, tant  
 hommes que femmes. Iceluy ayant trouué la croix de  
 nostre Seigneur Iesus Christ, que sainte Helene y auoit  
 laissée, l'emporta avec luy en Perse, l'ayant neantmoins  
 en grande reuerence: & emmena prisonnier Zacharie  
 Patriarche de Ierusalem. Quatorze ans apres ce temps  
 là ou enuiron, Ciroas Roy de Perse, fils & successeur de  
 Cosroas, se souuenant de l'aide & faueur qu'il auoit re-  
 ceuë de l'Empereur Heraclius és guerres qu'il auoit me-  
 nées contre son pere, rendit à Heraclius la croix de no-  
 stre Seigneur, & mit en liberté le Patriarche Zacharie. En  
 memoire dequoy encore on fait la feste de l'Exaltation  
 de la croix le 14. de Septembre en l'Eglise Romaine.  
 Toutesfois l'allegresse du retour du Patriarche Zacha-  
 rie, & de la restitution de la vraye croix ne dura gueres.  
 Car Mahommet, qui fut du temps de Heraclius, s'estant  
 emparé du Royaume de Perse, & de la Judée, vint assaillir  
 Ierusalem. Ce que preuoyant l'Empereur, fit apporter la  
 vraye croix en grande reuerence à Constantinople. Ma-  
 hommet donc poursuiuant sa pointe viuement, print  
 Ierusalem par force. Toutes fois aucuns dient que ce fut  
 vn de ses successeurs. Mais comme que ce soit, ceste cité  
 tomba és mains des Payens & infideles, lesquels la tin-  
 drent 80. ans & plus. Toutes fois Dieu ayant touché le  
 cœur de l'Empereur Henry quatriesme, du Pape Urbain  
 second, & de plusieurs autres Princes Chrestiens, tous  
 d'une ligue, à la persuasion d'un saint Hermite passés-  
 sent en Leuant avec grosse armée, & avec l'autorité du



Pape, pour conquerir la terre sainte. En ceste expedition se trouuerent plusieurs princes & grands seigneurs renommez, & signamment le Duc Godefroy de Bouillon, lesquels apres plusieurs grâds faits d'armes qu'ils firent durant 3. ans que ceste guerre dura, prindrent en fin Ierusalem: qui fut l'an de nostre Seigneur 1099. Le Duc Godefroy fut esleu Roy de Ierusalem du contentement de tous, pour les grandes entreprinſes qu'il auoit exécutées en ceste guerre. La reste du pais de Syrie fut distribuée entre les autres princes & capitaines. Apres la mort de Godefroy, le royaume vint à ses successeurs iusques à neuf Rois, qui tous s'estoient portez vaillamment durant leur regne: toutefois en fin les Chrestiens en furent déchassez, à cause de leur pechez, qui prouoquerent l'ire de Dieu: de sorte que Ierusalem fut la premiere forteresse prinſe par l'ennemy. Ce qui aduint cōme s'ensuit: le Roy Guy de Ierusalem, accompagné du prince d'Antioche, du conte de Tripoli, du grand maistre de S. Iean de Ierusalem, des Patriarches de Ierusalem & d'Alexandre, & plusieurs autres auoyent dressé vne grosse armee de trente mil cheuaux & de quarante mil hommes à pied, compris le secours qui leur estoit venu de la Chrestienté, pour aller au secours de Tyberiade, que Saladin tenoit assiegée, lequel estoit le plus puissant Roy qui fut de ce temps là: car il tenoit Égypte, Damas, l'Alapie, Mesopotamie, & vne grande partie d'Armenie, outre plusieurs autres prouinces qui luy estoient suiuettes. Saladin donc aduerti de l'armee des Chrestiens leua le siege, & leur vint à l'encontre en diligence, pour s'emparer d'un lieu où y auoit à force d'eau, dont y à grande faute en ce pays là, sçachant que les Chrestiens y vouloient loger leur camp. Et y estant paruenue, il fortifia tellement son camp, que les Chrestiens furent contrains de camper en un lieu sec, & despourueu d'eau. Voyant donc qu'ils n'y pouuoient longuement durer sans mourir de soif, eux & leurs cheuaux, ils furent contrains liurer bataille à Saladin: Mais les pauvres Chrestiens qui estoient alanguis de soif, & leurs cheuaux aussi, furent aisément desfaits: tellement qu'il y demeura grand nombre de Chrestiens. Le Roy de Ierusalem fut prins en combattant, aussi fut



fut le Duc d'Antioche, & plusieurs autres cheualiers de l'ordre de S. Iean de Ierusalem Le compte de Tripoli, qui auoit esté cause de ceste iournee, s'enfuit. Saladin donc ayant obtenu ceste grande victoire s'en alla contre Prolemaide, laquelle il print de volce: autant en fit-il de Tyr. Si que en fin il vint assieger Ierusalem. Ceux de dedans ayant soustenu le siege 30. iours, se rendirent en fin. Et voila comme Ierusalem tomba entre les mains des Turcs, qui fut 1187. apres la mort de nostre Seigneur, & 80. ans des la reduction d'icelle entre les mains du Roy Godefroy de Bouillon: durant lequel temps y eut 9. Rois Chrestiens en Ierusalem. Et voila comme Ierusalem est demeurée entre les mains des infideles, en la subiection desquels elle est encore de present. Toutesfois l'an 1229. l'Empereur Federic second estant d'acord avec le Soudan, s'en fit Roy: mais cela ne dura rien. Car dès que le Roy Federic fust party, les Turcs chasserent les Chrestiens, De sorte que du temps de l'Empereur Rodolph, il n'en demeura aucun ny en Surie ny en Palestine que tous leurs biens ne leur fussent ostez. De nostre temps Solim Ottoman, ayant chassé le Soudan, & s'estant emparé de ses terres, fut par mesme moyen seigneur de Ierusalem, laquelle encore tient auourd'huy Soliman son fils. Voyla donc quant à Ierusalem.

Comme on peut dire mensonge sans mentir.

CHAP. XVII.

**M**ensonge est vn des plus grands vices que l'homme scauroit auoir: car il n'est possible de negocier, ny de conclure aucune chose avec vn menteur: pour ce que la méiſonge rend toutes choses suspectes. Outre cela l'horreur de mentſonge se monstre assez en ce qu'elle est directement opposée à la verité qui est Dieu: aussi le diable est appelé pere de méiſonge. Salomon en ses Prouerbes met la méiſonge au second rang des sept vices qui deplaisent grandement à Dieu. En somme, ce vice a esté de tous tēps si abhorré & des infideles, & des chrestiens, qu'on reputoit vn homme méiſeur comme vne peste en vne republique: ainsi qu'on peut voir par Euripides, selon que recite



Stobee. Or pour ne m'arreſter trop à monſtrer combien la menſonge eſt pernicioſe & deteſtable, pource que cela eſt commun & vulgaire, il me ſemble bon de declarer quelle difference y a entre mentir, & dire menſonge, ſelon le dire d'Aulugelle, & de pluſieurs autres: car ſouuentefois il y a grand difference entre ces deux choſes. A ceſt eſſet donc il faut noter, que mentir & affermer le contraire de ce qu'on ſçait à la verité. Mais dire menſonge, eſt affermer la menſonge, en intention de dire vray: en quoy l'homme ne peult eſtre dit auoir menty, quand il ne parle contre ce qu'il tient pour vray. Au contraire, vn homme peut mentir diſant neantmoins verité, quand il parle contre ce qu'il penſe, encore que ce qu'il dit ſoit veritable. Mais quand vn homme dit vne menſonge, ſachant la choſe eſtre autrement qu'il ne dit, il ment & ſi dit menſonge. De là vient qu'il eſt impoſſible de mentir ſans vice: mais celui qui dit vne menſonge, penſant dire vray, ne ment point. C'eſt ce que diſoit Nigidius, ſelon le recit de Gelle, qu'un homme de bien ne mentira iamais, & que l'homme ſage ne dira iamais menſonge: Quand à moy, ie confeilleray à toute perſone de fuir l'un & l'autre vice, encore qu'on penſe dire vray. Item il faut noter, qu'encore que la langue ſe taſſe, les œuvres neantmoins démentent quelqueſtois la perſonne. Car comme dit S. Ambroſe, celui qui faiſt profeſſion de Chreſtiē, ſans ſe conformer aux œuvres de Chriſt, ment. Comme faiſt celui qui promet obſeruer vne religion, & neantmoins ne l'obſerue point. Autant en peut on dire de nos laiderons de femmes, noire comme beaux diables, qui ſe fardent pour eſtre blanches, & auoir beau teint: & de nos vieux raſſortez qui ſe font ieunes à la leſſue: comme eſtoit ce vieillard dont parle Theophraste, lequel eſtant de grande autorité & credit, & ayant affaire par deuant le Senat de Lacedemone, auoit regret de ce moſtrer ſi vieil qu'il eſtoit, de ſorte qu'il ſe fit teindre & noircir la barbe & les cheveux: Et comme il debatoit ſa cauſe: Archidamas qui parloit pour ſa patrie remonſtra au Senat, qu'il ne ſe faſoit arreſter aux paroles d'un qui portoit la menſonge en ſa teſte. Tellement, que, ſelō Archidamas, tels & ſemblables radortez font la menſonge ſans la dire.

*Difference  
entre men-  
tir, & dire  
menſonge.*



De l'ancien & moderne portrait des douze mois: & des  
mysteres representez par iceluy.

## CHAP. XIX.

**I**l n'y à grand mistere à cognoistre la significatiō des  
pourtraits des douze mois. Toutesfois attēdu que per-  
sonne n'en à escrit en langue vulgaire, l'ay bien voulu  
prēdre ceste peine d'en faire part à nos gēs, à ce que ceux  
qui verront leurs portraits puissent entēdre leurs signi-  
fications. Et pour cōmencer à lanuier, il y à en son pour-  
trait vn homme assis à table, tenant vn verre plein de vin  
qu'il veut boire. En quoy est demonstré qu'en ce mois  
tous animaux ont meilleur apētit de boire & de manger  
qu'en autre tēps: car la chaleur se retire en dedās, & for-  
tifie l'estomach pour pouuoir mieux digerer. Feurier est  
vn hōme vieil qui se chauffe. Aussi le feu est fort requis  
en ce mois, à cause des grandes froideurs causees en Hy-  
uer pour l'absence du Soleil. Mars est depeint en forme  
de iardinier: car en ce mois les pores & souspiraux de la  
terre s'ouurent, de sorte que l'humeur de la terre se vient  
rendre aux arbres & aux herbes. A ceste cause il faut re-  
trācher toutes superfluitēz afin que l'humeur nutritiue  
s'estende seulement es branches viues qui portent fruit.  
Auril est faict en mode d'un ieune homme tenant des  
fleurs en la main: car en ce mois la terre ayant commu-  
niqué la vertu aux arbres, & aux herbes, faict que tout  
verdoye & est en fleur. Pour May on peint vn ieune gen-  
til homme estant à cheual brauement vestu, & portant  
vn oiseau sur le poing. Car en ce mois les arbres com-  
mencent à porter fruit: les oiseaux se deguisent & tous  
animaux taschent à prēdre leur plaisir, & à faire l'amour.  
Iuin porte vne Faux, pource qu'en ce mois on fauche les  
prez: Iuillet tient vne Faucille pour couper le bled. Et  
pource qu'on recueille les bleds au mois d'Aoust &  
qu'on les serre es greniers, on le peint en forme de char-  
tier, estant sur son chariot, ayāt vn fouēt en la main. Sep-  
tembre est habillé en vendāgeur: signifiant le commen-  
cemēt de vendanges estre en ce mois. Octobre porte vn  
sac sur ses espaules, & seme du bled. Aussi ce mois, qui est  
froid & sec, est fort propre à semer le bled. Novembre



abbat le gland avec vne perche : pource qu'en ce mois on meine les pourceaux au gland pour les engraisser. Et pource qu'on tuë ordinairement les pourceaux gras en Decembre: on le peint en forme de Bouchier qui tuë vn pourceau. Voila comme on peint les douze \* mois. Et quant à l'An son pourtrait estoit fait à mode d'un serpent couché en rond, qui tient sa queue en sa bouche: pource que la fin de l'an est tousiours iointe à son commencement.

*Decembre  
\* Ils se  
voyent au-  
trement,  
Et en di-  
uerses fa-  
çons.*

*Conspiration subite aduenue à Florence, & les carnages  
qui s'en ensuyuirent.*

*Pourtraits  
est repre-  
senté par  
Albert*

CHAP. XX.

Tout le monde est curieux d'ouir & entendre les grandes entreprises, & cas estranges qui aduenient aux hommes, afin de se pouuoir garder de tomber es inconueniens de l'instable & inconstante fortune. Et par ainsi j'ay deliberé de declarer vn cas fort estrange qui aduint en la riche cité de Florence, lequel est vn des plus merueilleux qui oncques aduint au monde. L'an mil quatre cens septante huit, la cité de Florence estoit en grande paix, & abondoit de iour en iour en richesses & sumptuositez, & alloient si bien les affaires de celle republique qu'on n'eust iamais pensé que desfortune luy eust peu aduenir. De ce temps là l'illustre maisõ de Medicis (dont le Duc Cosme, qui aujourd'huy est Duc de Florence, est descendu) gouuernoit ladite republique: tellement que tous affaires passoyent par les mains des Seigneurs Iules & Laurët de Medicis freres, qui estoient fort estimez entre le peuple à raison de leurs ancestres, & signamment pour raison de Cosme de Medicis leur ayeul qui auoit esté le plus riche marchand d'Italie, encores qu'il y eust à Florence des marchands fort riches. Or y auoit il en ladite cité plusieurs autres Gentils homes & riches marchands, qui s'estimoient aussi bastans pour manier les affaires de la republique, que ceux de la maison de Medicis. Tellement que d'enuie qu'ils portoient à ceste maison, ils se pleignoient fort de leur gouuernement. Toutesfois ceux de Medicis estoient bien venus & bien aimez du peuple. En fin ceux de la maisõ de Pazzi, Saluati & plu-

*Durel,  
Michol  
Ange,  
François  
Foris,  
Martin de  
Vos, Vol-  
chius &  
autres ex-  
cellens  
peintres.*



& plusieurs autres yssus de maisons nobles & anciēnes de Florence, esmeus de passion & d'affection particulieres coniointes à vne enuie qu'ils portoyent à ceux de Medicis, firent vn complot secret d'oster le gouuernement de la republique d'entre les mains de ceux de Medicis. Et ne pouuant executer leur dessein sans faire mourir les seigneurs Iulien, & Laurent de Medicis, pource qu'ils estoient riches & puissans, François & leā de Pazzi, cousins germains de Iaques de Pazzi, chef de celle maison, entreprirent de tuer lesdits freres de Medicis. Et se ioinans avec ceux de la maison de Saluiati signamment avec le Seigneur François Saluiati Archeuesque de Pise ils entreprirent de tuer encore le Pape Sixte .4. oncle de ceux de Medicis, & le Roy Fernand de Naples, qui estoient contraires à leur ligue, estimans que s'estās desfaits de ceux là ils n'auroient aucune resistance à executer le dessein. Ce complot fait, & auoir pourueu à tout ce qui estoit requis à paracheuer leur entreprinse, l'archeuesque de Pise vint à Florence: où sous autre couleur ils firent entrer à la file quelque nombre de soldats tous connus: sans toutesfois se descouurir à personne de ce qu'ils auoyēt à faire. L'archeuesque de Pise, duquel on ne se fut iamais douté, trouua moyen qu'un ieune Cardinal neveu du Pape Sixte, qui estudioit à Bologne vint passer le tēps à Florence: à fin de se seruir de ses gens à son dessein, sās toutesfois luy declarer son intētiō. Cest appareil fait, qui demeurait secret entre les principaux de la conjuration, les coniuerez conclurēt de faire mourir les deux freres de Medicis tous deux ensemble à la grande Eglise: où bien, où le Cardinal oyroit Messe. François de Pazzi & Bernard Bandin prindrent la charge de tuer le seigneur Iulien de Medicis: & la mort du seigneur Laurent fut cōmise à Antoine de Volterre, & Antoine Prestre. L'heure que Iaques de Pazzi donna pour faire ces deux meurtres estoit quand le Prestre leneroit l'hostie de la Messe: encores que les deux freres fussēt en diuers lieux. Le Dimanche apres ceste conclusion prinse, qui fut le troisieme de May 1478. le Cardinal vint à la Messe, & avec luy le seigneur Laurent de Medicis, seul sans son frere: car par deliberation entre eux prise ils n'alloyēt iamais ensemble  
par



par la ville: de peur de tomber en desastre tous deux ensemble: sçachans bien, que nul n'entreprendroit de les offencer quand on sçauoit que l'un d'eux demeureroit en vie. Les coniurez voyas que le Seigneur Iulien ne venoit point, François de Pazzi & Bernard Bandini qui auoyent iuré sa mort sous ombre de luy faire la cour, levôt trouuer en sa maison, & si de tant qu'ils l'amenerēt à l'Eglise où estoit son frere, encore qu'il se tint assez loin de son frere. Les coniurez se mirēt aupres de luy en tel lieu que aisément ils pouuoient exécuter leur entreprinse, & estoient bien suivis, & de gens dont on ne se donoit garde. Venu le point d'exécuter leur dessein, Bernard Bandini donna vne poignelade au seigneur Iulien qui luy trauersâ le corps des l'estomach par les espauls, de sorte qu'il tomba. François de Pazzi de haste qu'il auoit de ne faillir le Seigneur Iulien se bleça de sa dague propre en l'estomach. Toutesfois le Seigneur Iulien demeura mort sur la place: aussi fit François Neri, lequel Bernard Bandini tua, pource qu'il auoit mis la main aux armes pour défendre le Seigneur Iulien. Antoine de Volterre, & Estienne Prestre assaillirēt biē le Seigneur Laurēt de Medicis: mais ce fut avec si peu de dexterité qu'avec la bonne deffence dont il vſa, il fut seulement vn peu blecé en la bouche. Ces coniurez se sauuerēt & le Seigneur Laurent se retira avec certains ses amis en la Sacristie de l'Eglise. Bernard Bandini qui auoit tué le Seigneur Iulien, entendant que ses compagnons auoyent falli à tuer le seigneur Laurēt s'achemina pour l'aller depescher: mais il le trouua enfermé en la Sacristie. C'est assaut fut exécuté si soudain que on ne sçauoit ceux qui l'auoyent fait: car le cri du peuple estoit tel qu'il sembloit que l'Eglise deust fondre en terre. Le Cardinal eut assez à faire de se mettre comme en franchise & sauueté vers le grand Autel. Toute la ville s'esmeut à fureur sur ce bruit: car les vns disoient que les deux freres de Medicis estoient morts, & les autres disoient que nō, & ainsi se mirēt en armes. Ceux de la maison de Pazzi & Saluiati commencerent à crier, Liberté. La seigneurie se retira au Palais en grande diligence: ou le Gonfalonier estant arriué, ils se fortifierent de gens & d'armes la dedans. Les Conseillers de la ville & ceux qui



tenoyent le party de ceux de Medicis allerent querir le seigneur Laurent, & le conduisirent iusqu'en sa maison ou se trouua plus de huit mille homes armez. L'Archeuesque de Pise poursuyuant sa pointe avec les Saluiati, accompagné de plusieurs de leur ligue, & de ceux de la suite du Cardinal, alla au palais, en intention de faire trouuer bonne leur intention à la seigneurie. Ceux de la seigneurie, encore qu'ils tinssent le parti de ceux de la maison de Medicis, auoyent esté neantmoins si pressez qu'ils n'auoyent eu le loysir de faire aucune prouision d'armes ny de mettre garnison au palais. Toutesfois ils scauoient bien que le seigneur Laurent n'estoit gueres blessé: & que ses gens estoient vaillans & hardis. L'Archeuesque donc voyant que la seigneurie ne donnoit aucune resolution sur ce qu'il auoit proposé, partit les gens de la suite en deux: ordonnant que la moitié de ses gens s'emparassent de la porte du palais. Luy avec l'autre moitié monta au palais, & fit entendre à la seigneurie qu'il auoit quelque chose à proposer pour le bien de la republique. Surquoy estant admis avec quelque peu de ses gens qui ne scauoient rien de son meschant propos, la porte du palais fut fermee de sorte que l'Archeuesque ne pouoit auoir secours des siens, & de l'autre costé la seigneurie ne pouoit estre secourue. L'Archeuesque donc parlant hautainement proposa plusieurs choses si desordonnees que la seigneurie cognoissant son intention mauuaise, le Consciller s'empara de luy, de Iaques Saluiati, & de Iaques fils de messer Poggio de Pazzi, & fut le tumulte si grand, que ceux qui les auoyent accompagnez furent tous despeschez à la furie: de sorte qu'on ietta par les fenestres au palais plus de trente corps morts de ceux qu'on auoit tuez. Un peu apres le commun peuple qui fauorissoit à ceux de Medicis, vint à grand foule au palais: ou tous les gens de l'Archeuesque de Pise, qui estoient demeurez à la porte du palais, furent prins & despeschez sur le champ, sans aucun respect. Quant à l'Archeuesque il fut pëdu luy troisieme, pour donner crainte aux autres. Iaques de Pazzi & les autres coniuerez alloient à cheual crias par la ville, liberté, liberté. Mais voyant que nul ne leur respoindroit, ains que tous monstroient visage de tenir le party du seigneur Laurent



Laurent, ils se sauuerent eux & leurs gens, hormis Bernard Bandini qui estoit au lict bien malade de la playe qu'il s'estoit fait luy mesme, car il n'eust peu se tenir à cheual. La ville donc se mit en armes pour le parti du seigneur Laurent, lequel comme fort marry de la mort piteuse du seigneur Iulien son frere, faisoit grande poursuite contre ceux qui estoient de ceste coniuration: de sorte que plusieurs qu'on tenoit pour suspects, de ce fait, passerent le pas, encore qu'il n'y eust rien d'aucré contre eux. Les coniurez manifestes furent griefuement punis. Le Cardinal nepueu du Pape fut fait prisonnier au grand peril de sa vie. Toutesfojs, en fin son innotence estant cognue, il fut deliuré, & neantmoins il demeura plusieurs iours prisonnier. Bernard Bandini fut mené tout nud au palais, & fut pendu en cest equipage apres de l'Archeuesque. Quant à Antoine de Volterre, & Estienne prestre, qui auoyent voulu tuer le seigneur Laurent, ils furent tuez à la foule & fureur du peuple qui alloit par la ville criant Medici, Medici, tuant & saccageant toutes les maisons de ceux du party contraire à Medicis. En somme le desordre fut tel qu'il n'est besoin de mettre par escrit les crautez & malheurtrez qu'on commit en ceste furie. Jaques de Pazzi fut pris comme il s'ensuyoit, & mené à Florence où il fut pendu & estranglé par le col, & depuis mis en pieces, & enterré en terre prophane. Tous les biens & finances qui estoient si grandes furent confisquées & adingées à la seigneurie. Apres qu'on eut paracheué la punition des malfaiçteurs, le corps du seigneur Iulien fut mis en terre en grande pompe. Voila l'issue de la cōiuration de Pazzi, qui fut fort estrange. Car en moins de trois heures le seigneur Iulien de Medicis, qui estoit si riche fut tué, l'Archeuesque de Pise pendu avec plusieurs cōiurez, & les maisons des aduersaires saccagees. Le Pape Sixte, & le Roy Fernand de Naples prindrent ce fait de Florence si à contre-cœur, qu'ils dresserent par ensemble vne grosse armee contre les Florentins: lesquels avec l'aide de leurs alliez se defendirent si bien qu'il n'y eut autre aduantage sur eux, hormis que la guerre fut longue & fort cruelle: car il y eut grande effusion de sang humain. Voila la pauvre & malheureuse fin



de ces conspirations: lesquels pēsans acquerir hōneurs & estats par moyens indifcrets, perdirent la vie, mirēt leur patrie en des vnion & pique, & rendirent leur ennemy plus puissant: car le seigneur Laurēt de Medicis gouuer-  
na Florence tant qu'il vesquit.

~~XX~~  
La vie & hystoire du capitaine Castruccio Castracagne.

## CHAP. XXI.

**L**E capitaine Castruccio Castracagne peut estre mis à mon iugement, au rang des plus grās & des plus renomēz capitaines de ce monde, veu la pauure origine & le peu de biē qu'il auoit, sans estre fauorisē de persōne considerē aussi les grandes trauersēs que fortune luy peut donner. De sorte qu'on trouuera peu de capitaines, qui avec si peu d'appareil soyēt parueus aux hōneurs & estats que le capitaine Castruccio paruint. Et par ainsi il m'a semblē bon d'entrelarder icy son hystoire, comme chose admirable. Toutesfois ie ne veux estre long en ce discours non plus quēs autres: car il me suffit de mōstrer sommairement la magnanimitē de ce capitaine. Et cōmençant à son origine, qui fut fort estrāge, faut entrēdre qu'à Luques citē fort renomēe en Italic, y auoit vn chanoine de l'Eglise S. Michel, nommē messier Antoine Castracagne. Ce chanoine auoit vne siēne sœur avec luy, qui estoit vesue, & fort hōnelle femme. Toignant la maison de ce chanoine, il auoit vn petit clos d'Autins, qui estoit fort garny d'arbres fruitieis selon la coustume d'Italie. La sœur de ce chanoine par fortune alla vn matin dedās ce clos pour cueillir quelques herbes, sans penser aucunement à la grāde fortune qui aduint. Et estā au clos elle ouit vne voix comme d'un petit enfant qui ne fait que naistre. Elle tirant la part où elle auoit ouï le cri de l'enfant, trouua parmy les fucilles & bourgeons de vigne vn enfant fraichement né, qu'o y auoit mis: lequel mōstroit bien à son pleurer qu'il ne demādoit qu'ayde. Ceste bonne vesue marrie du commencement de ceste aduanure fut en fin elimēe de cōpassion: & emportant cest enfant l'alla mōstrer à son frere le chanoine. Lequel estonné de ceste rencontre, par pitié neantmoins delibera de le faire nourrir

Ce sont vi-  
gnes attra-  
chees aux  
arbres à  
la mode  
d'Italie.



nourrir. Et pource que c'estoit vn masle, il luy bailla le  
 nō de sō pere, & l'appella Castruccio. Ayāt dōc fait venir  
 vne nourrisse, il le fit nourrir comme s'il eust esté sien. Et  
 quād le garçon fut grand, il l'enuoya à l'escole pour ap-  
 prendre, en intention de luy resiguer la chanonie. Mais  
 quād l'enfant eut quatorze ās ne se souciāt de liures, ny  
 de liurets, car il n'estoit adōné aux lettres, il cōmença à  
 chergier l'espee : & pource qu'il estoit fort dispos, il mō-  
 stroit à sauter, à voltiger, & à luitier aux autres ieunes  
 enfās les semblables. En sōme il estoit si adroit en tout  
 ce qu'il faisoit, qu'il n'y auoit piece de ses cōpagnōs qui  
 approchast de sō adresse: de sorte que Castruccio estoit  
 cognu d'vn chacū. Par fortune le capitaine Frāçois Gui-  
 niguō, fort renōmé à cause des hauts faiss d'armes qu'il  
 auoit fait es guerres da Lōbardie, estoit lors à Luques.  
 Lequel entendāt parler de Castruccio, & le voyāt & har-  
 dy & fort adroit, trouua moyen de l'auoir à son seruitee,  
 Castruccio donc estant ouil se desiroit, se fit en moins de  
 cinq ans le plus adroit soldat qu'o eust seu trouuer rāt à  
 pied, qu'à cheual: car il piquoit aussi bien vn cheual que  
 Caualcador d'Italie. Estant en l'aage de dixhuit ās, le ca-  
 pitaine Guiniguō sō maistre se partit pour aller à Milan  
 au secours des Viscontins qui estoient en armes cōtre les  
 Turiani, & plusieurs autres gentil hommes Malānois: &  
 mena Castruccio avec luy, lequel se porta si vaillāmēt &  
 si sagemēt en ceste guerre, qu'il emporta le bruit de tous  
 les soldats de leur cap. Ceste guerre dura cinq ou six ans.  
 Laquelle finie ou par paix ou par trefues, le capitaine Gui-  
 niguō retourna à Luques avec son Castruccio: lequel es-  
 tāt à Luques fut caressē de tous, tāt en general qu'en par-  
 ticulier, pour le grād bien qu'on auoit ouy dire de luy, de  
 sorte qu'il estoit aimē d'vn chacū: mesmes on faisoit plus  
 de cas de luy, que du seigneur Guiniguō son maistre: car  
 il estoit si doux & si gracieux enuers vn chacū, que iour-  
 nellement sa bōne renommee croissoit. Quelque temps  
 apres le capitaine Guiniguō se sentāt malade & en dan-  
 ger de mort, remit la tutele & le gouuernement de Pago-  
 la ou Paul fils à Castruccio. En laquelle charge Castruc-  
 cio se porta si fidelement, que tant qu'il vesquit il eut les  
 affaires de Pagolo pour recōmendez, comme s'il eust fin



esté son fils propre. Apres le decés du capitaine Guiniguano, la reputation & le credit de Castruccio croissoit de jour en jour. Toutesfois pource qu'il estoit impatient & vindicatif quand on luy faisoit quelque tort, les Luquois le prirent en soupçon qu'il ne se voulust faire seigneur de Luques, & non sans quelque occasion. A ceste cause la seigneurie luy fit commandement de vider la ville. Ce que Castruccio print tellement à cœur qu'il delibera de s'en venger à la ruine & confusion de ses ennemis. En ce temps-là les sectes des Guelphes & Gibelins regnoient fort en Italie: & par fortune les Guelphes auoyent chassé les Gibelins hors de Luques. De ce mesme temps le seigneur Hugues Fagiola estoit en regne, lequel s'estoit emparé de la seigneurie de Pise. Castruccio donc pour s'insinuer en la faueur & bonne grace du seigneur Fagiola fit vn cōplot avec les Gibelins de faire Fagiola seigneur de Luques. Et menant ceste trame secrettement, il fit tant par le moyen d'aucuns siens amis qui estoient en la ville, qu'à point nommé il gagna vne porte de Luques: au moyen de quoy les Gibelins rentrerent dedans avec le secours que le seigneur Hugues Fagiola leur auoit donné: lesquels en chassèrent les Guelphes, apres leur auoir fait du pis qu'ils peurent. Castruccio donc vint en plus grand credit que iamais: de sorte qu'on le tenoit comme pour seigneur de Luques, encor qu'il fust inferieur au seigneur Fagiola auquel il auoit eu recours en tēps de necessité. Les Florentins qui vouloyent mal de mort à Castruccio entendans le succès de ses affaires, leuerent vne grosse armee moyenant l'aide de ceux de leur ligue, pour courir ceux à Castruccio. Mais le seigneur Fagiola & Castruccio se disposerent de les bien recevoir: de sorte que ceste guerre fut fort cruelle & sanguinaire. Entre les hommes de renom, qui estoient au camp des Florentins Dō Pietro frere du Roy Robert de Naples y estoit, accompagné de Dom Carlo son nepueu, fils de Philippe. Mais la vertu du seigneur Fagiola & de Castruccio seruoit bien de cōtrepoix à la grādeur des autres. Apres que ceste guerre eut duré quelque tēps, le seigneur Fagiola fut aduertir qu'il y auoit grand' esmotion à Pise. Aquoy voulāt prouoir le seigneur Fagiola laissa la conduite de son armee



à Castruccio. Lequel se porta en ceste charge si vaillamment & si sagement, qu'après plusieurs saillies, & escarmouches il vint en bataille contre les Florentins: où Castruccio se maintint avec tel iugement & ordre, qu'encores qu'il fust le plus obstiné qu'onques nasquit en Italie, ce neantmoins la victoire luy demeura: & fut le carnage si grâd, qu'il y demeura plus de dix mil Florentins, entre lesquels Dom Perro & Dom Carlo son nepueu furent trouvez morts. Ceste victoire assura plus le seigneur Fagiuola en ses estrats qu'il n'estoit auparavant: & augmêta le credit & reputation de Castruccio. L'hyer venu, Castruccio retourna à Luques par le commandemêt du Seigneur Fagiuola auquel il se rendoit fort obeysant. Mais comme ordinairement les grands honneurs & richesses causent auie & crainte, le seigneur Fagiuola voyant le credit & faueur de Castruccio croistre tous les iours, delibera de le faire mourir en recôpense des grands seruices qu'il luy auoit faits. Et à cest effet manda vn de ses fils à Luques, lequel fit prisonnier Castruccio sous la couleur de certaines choses qu'il luy mettoit sus à tort. Mais la prison de Castruccio desplaist tant aux Luquois, que le peuple se cōmença à mutiner cōtre le Seigneur Fagiuola. Lequel aduertit de ce, sortit de Pise, avec vne grosse armee pour venir chastier les Luquois. Mais il luy aduint vn cas fort estrange, lequel neantmoins il meritoit bien pour sa lascheté. Car les Pisans aduertis de la deteniō de Castruccio, l'a prindrent si fort à cœur, qu'ils firent passer par le fil de l'espee le gouuerneur que le Seigneur Fagiuola auoit laissé à Pise, & ceux de son seruice: de sorte qu'ils s'affranchirent eux mesmes de la tyrannie de Fagiuola. Lequel aduertit de ce, voyât que le moyē d'entrer à Pise luy estoit forclos poursuyuit la pointe pour donner estar aux affaires de Luques. Mais il y fut aussi defortuné que au fait de Pise. Car les Pisans auoyent aduertit les Luquois de leurs besognes en telle diligence, que le courrier des Pisans arriva plustost à Luques que le Seigneur Fagiuola. Ce qui esmeut les Luquois à prendre les armes: de sorte qu'ayans chassé le fils de Fagiuola hors de Luques, ils ne receurent le Pere: mais mirent en liberté Castruccio en despit de luy. Aucuns dirent que Fagiuola entra à Luques: mais que par



apres il en feut chassé:& que perdât l'esperoir de recouurer  
 ses estats, il se sauua en Lombardie. Toutesfois comme  
 que ce soit, il perdit la seigneurie de deux citez en vn  
 iour, pésant mieux asseurer les estats par la detention de  
 Castruccio. Lequel estât mis en liberté fut esleu Capitai-  
 ne general de Luques du cōmun consentement de tous.  
 Et ne voulant demeurer oisif, dressa vne grosse armee,  
 avec laquelle il recouura plusieurs forteresses que les Flo-  
 rétins auoyēt vsurpees sur les Luquois, & en gaigna d'au-  
 tres assez sur les Florentins malgré leurs forces, encores  
 qu'elles fussent grâdes. Castruccio dōc estant de retour à  
 Luques, ou il fut receu tres-honorablement à cause des  
 victoires par luy obtenues, fut esleu seigneur de Luques.  
 Et des lors il cōmença à estre craint de ses voisins, & spē-  
 cialemēt des Florétins qui estoÿēt les plus puissans de la  
 Toscane. Car il eut plusieurs guerres cōtre eux, & vsur-  
 pa sur eux plusieurs chasteaux & forteresses, mesmes il  
 les desfit en bataille assignee. Or cōme les affaires de Ca-  
 struccio allassent de mieux en mieux, l'Empereur Fede-  
 ric vint en Italie pour se courōner Empereur: lequel estât  
 abreué des bōnes parties qui estoÿent en Castruccio, taf-  
 cha de l'attirer à son seruice. Castruccio dōc laissant Pa-  
 gola Guinigo (duquel il auoit esté tuteur) pour son lieu-  
 tenât à Luques, il alla trouuer l'Empereur Federic, lequel  
 il suiuit iusques à Rome. Mesme on tient que Castruccio  
 aduāça fort son couronnement. Et apres que l'Empereur  
 fut de retour en Allemagne, Castruccio fit tant par bons  
 moyens que ceux de Pise le choisirent pour leur Prince.  
 Ce qu'estât venu à la notice de René Roy de Naples son  
 ancien ennemi, commença se douter de Castruccio, vo-  
 yant son pouuoir augmenter de iour en iour. Et par ainsi  
 ayant fait ligue avec les Florentins contre Castruccio, il  
 proposa de voir vne fin de luy. Et de fait le Roy de Na-  
 ples & les Florétins dresserent vne grosse armee, qui fut  
 si brusquement receuë de Castruccio, que tousiours il a-  
 uoit du meilleur, encores que ce ne fut sans grâde effusio  
 de sang humain: mesme il leur print plusieurs places. Tel-  
 lement que les Florentins furent contrains à parlemen-  
 ter de trefue pour certain temps, durant lequel Castruc-  
 cio augmenta grandemēt sa puissance. Car comme ceux  
 de



de Pistoie fussent en pique les vns contre les autres dās la ville, Castruccio se fourrant parmi ceste guerre ciuile s'empara de Pistoie, & de toutes les places subiettes à ladite cité. les Florentins donc se voyant de iour en iour en plus grand danger, firent tous leurs efforts d'amasser gēs de tous costez pour tromper les forces de Castruccio, ou bien les chasser de Pistoie. Et de faict, le secours qui leur vint tant du Royaume de Naples, que d'ailleurs fut si grand qu'ils pouuoient auoir, de nombre fait, 30. mil hommes. Se voyans donc vne si belle armee, ils commencerent à marcher droit contre Pistoie, où Castruccio auoit son camp, lequel auoit beaucoup moins de gēs que les Florentins. Toutesfois il menoit sa guerre si sagemēt & vsoit de tant de surprinses, escarmouches & rencōtres. que tousiours il auoit du meilleur. En fin venant à iournee de bataille, il y proceda en si bō ordre qu'il desfit les Florentins en laquelle desfaite y eut grand carnage, & butin: car tous les principaux de Florence y demurerent mort ou prisonniers, Castruccio neantmoins y fut blecé: & sans luy grand nombre de les gens y fut demeuré toutesfois voulant suivre sa victoire, fit marcher en diligēce son armee cōtre Plato, lequel il print de volee, & toutes les villes & chasteaux d'alentour, de sorte que sans aucune resistance il vint poser son camp à deux mil pres de Florence: dequoy les Florentins se trouuerent fort estonnez. Et comme il s'essayast par tous moyens d'entrer en Florence, il fut aduertit que les Pisans machinoyēt secrettement quelque chose à son desauantage: tellement que laissant l'entreprinse de Florence, il retourna à Pise triōphant & victorieux. Et apres auoir fait punition des mutins, il alla visiter toutes les places: donnant ordre à toutes choses necessaires au fait de la guerre: car il s'assenroit de ne demeurer guere en repos sans auoir guerre. Les Florentins fort estōnez de la desfaite de leurs gēs, & de la perte de leurs villes, se donnerent au Roy de Naples: auquel ils promirent annuellement deux cens mil escus de tribut. Le Roy de Naples accepta l'offre des Florentins: & envoya Dom Carlo son fils à leur secours avec le plus de cauallerie & infanterie qu'il peut faire: autant en firent les autres villes d'Italie, qui craignoyent toutes la



puissance de Castruccio de sorte que l'armée des Florentins estoit de dix mil chevaux, & de trente mil pietons. En cest equipage donc, estimans que Castruccio n'oseroit se mettre en campagne, ils delibererent de l'assieger à Pise: mais Castruccio, qui estoit vn des plus vaillans & aqorts capitaines du monde, leur alla à l'encontre avec quatre mil chevaux, & vingt mil homes de pied. Et comme les deux camps comencèrent à s'approcher, il y auoit tousiours escaramouches en campagne, esquelles Castruccio emportoit ordinairement le meilleur. Finalement Castruccio cherchant son opportunité de liurer bataille aux Florentins, passa à gué la riuere d'Arno, & print tellement les Florentins en desfonde, qu'il les contraignit de venir en bataille, en laquelle y eut grand carnage d'vn costé & d'autre: toutesfois la victoire demeura à Castruccio: car il y demeura vingt mil hommes du camp des Florentins outre 2000. prisonniers: entre lesquels Dom Carlo fils du Roy de Naples se trouua, & plusieurs autre capitaines de nom. Et certes il n'y a point de doute, ven ceste grande victoire, que Castruccio ne se fust emparé de Florence, & d'vne grande partie d'Italie. Mais chacun pourra icy voir, cōbien est foible la force de l'homme: car il n'y a verre plustost casse qu'est l'homme, & sa force, quand Dieu l'abandonne. Castruccio donc ayant chaussé de pres l'esperon à l'ennemy, & faict la prinse que dessus, alloit costoyant la riuere d'Arno, comme bon capitaine qu'il estoit pour ramasser ses gens: & neantmoins il estoit si las & trauaillé de sueur (car il auoit combattu tout le iour) que le frais de la riuere le surprint tellement que la nuit suyuant il tomba en vne fleur continue, de laquelle (comme il pleut à Dieu) il mourut au septieme iour, estant encore en la fleur de son aage. Et certes si Castruccio eut esté natif de Rome ou d'Athenes comme il estoit de Luques, ou il nasquit sans auoir cognoissance de pere ny de mere, ou bien qu'il eust esté esleué & nourry en vne cour d'un Roy de Macedoine: il eust estéint la renommée de Scipion, de Philippe, & mesme d'Alexandre le Grand: toutesfois s'il eust vescu son aage, quelque Luquois qu'il fust, il n'eust esté guere moindre de ceux de dessus. Or pour retourner à nostre histoire, Castruccio fit 66  
heri-



heritier Pagola Guiniquo: les autres dient qu'il eut des enfans lesquels il institua ses heritiers. Mais comme que ce soit, comme il auoit acquis ses estats par force & vaillance, ses successeurs les perdirent par setardise & nonchalance: selon que dient Arerin, Blond, Antonin, & Machiauello.

Des vents, & de leurs noms tant anciens que modernes.

## CHAP. XXII.

**L**Es vents, selon que dit Seneque, sont tresque necessaires en cest vniuers, pour conseruer la temperature du ciel & de la terre, chasser les pluyes & broiillats: & pour aider aux arbres à produire & meurer leurs fruits. Nature aussi les a creez pour donner moyen aux hommes de nauiger, & communiquer les vns aux autres les biens de la terre: de sorte que les regions fertiles d'un bien, en puissent faire part aux autres qui en sont despourueës. En somme les vents causent vne infinité de trafiques entre les homes, que ie laisse en arriere à cause de briueté: car i'ay seulement proposé de monstrier combien il y a de vents, quels ils sont, d'où ils viennent, & comme on les appelle: en quoy ie pense faire chose qui réussira au profit de ceux qui sont professio de nauiger sur la mer. Pour entendre donc que c'est que vent, ie ne m'arrestteray aux diuersitez des opiniôs de ceux qui en ont escrit: ains suyuant Aristote, & la plus cômune opinion des sages, ie dis que le vent est vne vapeur & exhalatiô chaude & seiche attirée en l'air par la vertu & force du Soleil: laquelle poussee en haut par sa chaleur & legereté, & estât paruenue en la moyene region de l'air, qui est tousiours froide vient à estre repoussee de ceste qualiré contraire: de sorte que ne pouuant monter plus haut, elle va en tourbillon ou elle peut: & ne pouuant descendre en bas: à cause de la legereté, est cōtraint de pousser & emouuoir l'air ca & la qui plus, qui moins, selô la force de la matiere dont il est causé. Tellement que la definition de Seneque n'est receuable: lequel dit que le vent n'est autre chose que l'air esmeu, sans autre matiere: car ce sont les exhalations & vapeurs qui esmeuent l'air, car apres qu'elles sont

con



consommees, le vent cesse. Quant à leurs noms, les anciens les leus imposèrent selon la patrie & region du monde d'où ils viennent. Toutefois anciennement on n'auoit remarqué tant de vents comme on à fait depuis: car selon que dient Pline, Gelle & Vegece: Homere, & les autres poëtes anciens ne font mention que de quatre vents, qui viennent des quatre parties du monde, c'est à sçauoir, Orient, Occident, Septentrion, & Midy: qui sont les quatre parties les plus remarquables qu'on puisse voir en cest vniuers: car come dit Dauid & Lucian, le iour & la nuit en viennent. Selon donc ceste proportion, les anciens Latins appelloient Subsolanus le vent qui vient de l'Orient Equinoxial. Les Grecs l'appellent Appeliotes, ou Eurus. En Italie & Espagne on le nomme Leuâte. Les mariniers François l'appellent Est. Quand au droit vent du Couchant, qui est contraire & opposé au precedent, les Grecs l'appellent Zephirus, c'est à dire Viuisfiant: car il fait florir toutes plantes. Les Latins le nomment Favonius: & les Italiens & Castillans, Ponente. Mais les mariniers François le nomment Ouest. Les autres dient que le mot de Zephirus signifie Couchant. Le tiers vent est appelé des Latins Septentrion, à cause des sept estoilles qui tornoient à l'entour de l'estoille du Nort. Par mesme raison les Grecs l'appellent Apparetias, ou Boreas. Les Italiens l'appellent Tramontane, & les Espagnols Norte bise: les François luy baillent le titre de Nort. Le quatrieme vent, qui est opposé au Nort, est appelé des Latins auster comme s'ils le vouloyent appeler puseur d'eau, à cause que ce vent est le plus souuent pluuieux, qui fait aussi que les Grecs l'ont appelé Notus, c'est à dire eau, ou humeur. Les Italiens, le nomment Mezodi: les Espagnols, Abrego sur, & Vendeual: & les François Sud. Voila quant aux quatre vents dont seulement parle Homere, & Ouide en sa Metamorphose. Nostre Seigneur aussi ne fait mention que des quatre vents, parlant du dernier iour du iugement en s. Matthieu, & en s. Marc, ou il dit qu'il enuoyera les anges avec trompettes pour assembler ses esleus, des quatre vents: quant aux qualitez, des vents, nous en parlerons discourans des autres vents subalternes: Depuis le temps d'Homere, on adiouta  
autres



autres quatre vents aux precedents, assignant entre le  
 Leuant & le Midy, vn vent que les Latins appellēt Vul-  
 turnus, pour ce que ce vent fiffle comme l'aile du Vau-  
 tour quant il desloge: les Grecs l'appellent Eurus: aucuns  
 le nomment vulgairement en Italien, Leuante, ou Siroc,  
 ou Suest. L'autre vent qui viēt du lieu ou le Soleil se leue  
 à my Iuin, n'a point de nom entre les Latins: toutesfois  
 aucuns la'ppellent Ardant, ou Ellespontique, pource qu'il  
 vient du costē de la mer Ellespontique: nos mariniers  
 l'appellent Grec, ou Nord est: Gelle & Vegece luy attri-  
 buēt le nō d'Aquilo, qui neantmoins est le nō d'un autre  
 vent. Au reste, il y a deux autre vēts opposites à ces deux:  
 dont l'un vient de la region où le Soleil couche en  
 Hyuer, que les Latins appellēt aphricus, pource ce qu'au  
 regard de Rome, ce vent vient droitement d'Afrique: les  
 Grecs aussi l'appellent Lybs, pource qu'il nomment la  
 Guinee, Lybie: nos Italiens l'appellent Lybechio. & les  
 François & Espagnols Su ouest, ou Garbin. L'autre vent  
 est iustement entre la droite Bize & le couchant: & vient  
 du lieu ou le Soleil se couche és grands iours: Aucuns le  
 nomment Auro, ou Cancro. Les Grecs l'appellent Arge-  
 stes, c'est à dire, plein de rais. Son impetuosité est nom-  
 mee Apix, pource qu'il vient d'un quartier d'Italie, ainsi  
 nommé: les autres luy baillent le nom d'Olimpique: nos  
 Italiens l'appellent Mestral, & les François & Espagnols  
 Nort-ouest. Voila donc ce qui est des huit vents, desquels  
 font mention Aulugelle & Vitruue. Au reste Andronique  
 philosophe Athenien fit bastir vne tour à Athenes à huit  
 angles de Marbre & à chacun angle fit peindre l'image  
 du vent qui souffloit contre ledit angle: au dessus de ladi-  
 te tour, il fit mettre vn Triton d'or (qui estoit tenu pour  
 Dieu de la mer) ayant vne verge en sa main: & estoit ce  
 Triton posé de telle sorte, qu'à chaque vent il se tour-  
 noit, comme auourd'huy sont les banderoles & girouët-  
 tes qui sont sur les chasteaux & maisons hautes, mon-  
 strant avec sa verge quel vent regnoit. Outre les huit  
 vents que dessus, on en a encore adiousté autre quatre,  
 pour faire le nombre de douze, mettans deux vents deçà  
 & de là du Nort, qui est la haute Bize: & deux autres és  
 deux costez du Sud qui est le droit vēr du Midy, & appel-  
 lent



lent celui qui est à costé droit de la Tramontane, entre elle & le vent Cœcias, Aquilo pour raison de son impetuïté, qui est plus soudaine que l'aïsse du plus viste faucon qui soit : les Grecs aussi l'appellent Boreas, à raison du grand bruit qu'il meïne quand il souffle : les autres le nomment Meses. L'autre vent qui est du costé du Couchant, entre la Tramontane & le vent Cancio, est appelé des Grecs Thrassias : Senèque ne luy donne point de nom Latin : toutefois il y en a qui le nomment Circius, ou Cirzus : les Castillans l'appellent Galego. Les deux autres vërs sont opposites à ceux ci : dont y en a vn qui sort d'entre le droit vent du Midy, & la region ou le Soleil se couche en Hyuer : aussi est il appelé Euro aufter, ou Euronotus. Aristote dit que de son temps on l'appelloit Afrique, Phenicias. L'autre vent est entre le droit vent du Midy, & le Garbin, ou Su vest : cest pourquoy on l'appelle Lybonorus, ou Libo aufter : voila quād aux douze vents selon les quatre regions du monde. Aristote en son liure du ciel & du monde, & en ses Meteores fait mention des vents : mais il ne leur assigne ny noms ny nombres. Plin neantmoins, Senèque, & Vegece en font mention de douze, cōme encore font les modernes astrologues & Cosmographes : c'est à sçauoir, Oronce, Appien, Gemme Frisien, Henri Glarean, Stoflerin, Iean Berennus, Iean Fernel, Robert Valturin, & plusieurs autres. Vitruue neantmoins apres auoir assigné les regions à huit vents principaux, baille à chasque vent deux vents subalterres : de sorte qu'a son conte y auoit 24. vents : routesfois pour mieux donner a entendre la matiere des vents il presuppōse trois cercles, dont l'un sert à l'opinion des quatre vërs : l'autre à celle de huit : & le dernier à celle de douze : Il met d'auantage les noms des vents selon que les mariniers & principalement les Espagnols les nomment. Cependant il faut noter que les vents sont tousiours conformes aux qualitez des regions dont ils viennent : car les trois vents Orientaux, c'est à sçauoir Subsalanus, Cœcias, & Vulturinus sont chauds & secs : au contraire, Zephirus & ses voisins, qui viennent du Couchant sont froids & humides : car l'absence du Soleil rend les regions froides où ces vents soufflent, ce qui est aïse à cognoistre



cognoistre par la nuit qui est tousiours froide, & par les lieux qui sont à l'ombre, car ils sont ordinairement frais. De ceste mesme cause procede l'humidité: car comme la chaleur du iour desseiche les vents Orientaux: aussi au contraire, l'humidité croist par la froideur de la nuit. Quant aux trois vents Septentrionaux ils sont froids & secs: car ils viennent des regions froides: aussi ont ils leurs rais pliez, & recoquillez. La froideur aussi cause la seicheresse, laquelle ils empruntent des vents Orientaux qui leurs sont voisins: & neantmoins, ils ne prennent point l'humidité des vents Occidentaux, pource que le sec & humide sont directement contraires. Quant aux vents Meridionaux, ils sont chauds & humides: car ils tirent leur chaleur des regions chaudes dont ils viennent où le Soleil bat à plomb. Joint aussi qu'ils sont voisins des vents Orientaux qui sont chauds. Quant à l'humidité, ils la tirent des vents Occidentaux & des vapeurs de l'Océan & de la terre. Es r-gions montueuses & chargées de Neiges, le vent Meridional y peut charger son humidité: aussi fait il es lieux fangeux & marécageux: tout aiosi que la siccité peut estre causée es plaines & campagnes: de sorte que selon les occurréces les qualitez des vents se peuvent changer. Cependant il faut noter qu'en chaque region, les trois vents qui en viennent sont d'une qualité, & produisent mesme effets qui causent d'autres effets grand ou petits, selon qu'ils se rencontrent: reste maintenāt à parler de la qualité particuliere de chaque vent. Commencant donc à droit vent Oriental, c'est le plus sain de tous: car il est subtil, & pur, & li partitice plus à la colere que ses compagnons. Son voisin tirant entre le Midy, est plus humide, & plus furieux que le precedant: & charge l'air des nuées. Aristote dit, que quand ce vent tire, toutes choses semblent plus grandes & plus grosses qu'elles ne sont. Le droit vent du Midy cause pluies, tempeste, il charge l'air des nuées, & cause peste & corruption. Le vent Gardin, qui est voisin du droit couchant, est fort tempestatif selon que dict Virgile. Mais le droit Ouest augmente la flegme, & cause tonnerres: il commence à souffler vers le commencement du Printemps. La droite Tramontane, que



nous appellons droite Bize cause froideurs & gelees, elle brulle les fleurs & les fruiçts, & purifie l'air corrompu & putrescè : & pource qu'elle resserre les pores du corps humain, on tient ce vent fort propre à la santé de la personne : autant en peut on dire des autres vents Septentrionaux qui sont les compagnons. Pour conclusion d'ice il faut tenir que les vents procedent de vapeurs & chaudes exhalations : & qu'en tout, y en a douze : sans nous arrester aux allegories qu'ils assignent aux vents des enfans. Les Espagnols tiennent pour vents principaux les quatre vents qui viennent des quatre parties du monde, à sçauoir, Est, Ponant, Nord, & Sud. Les autres quatre ont prins leurs noms des precedens : car le Nord est, est entre le Nord, & le vent Est. Celuy qui est entre le Couchant & le Midy, est aussi appellé Suouest : & l'autre qui est entre le Levant & le Midy, est pareillemēt Su-est : voilà doncques les huit vents. Du depuis on en a mis autres huit, qui sont esgalement mipartis parmi les huit premiers : aussi les appelle-on, vècs collateraux. Celuy qui est entre le Nort, & de Nort-est, est appellé Nort. Nort-est. L'autre qui est entre Est, & Nort est, est nommé des Espagnols Zeseur-dest, & des mariniers François, est Nort est. Celuy qui est entre Sud & Su est, est appellé Sufuest : & l'autre qui est entre Est, & Su est est nommé Est Su-est. L'autre qui est entre Sud, & So-uest, est nommé Su-ouest. Et celuy qui est entre Suouest, & Ouest est appellé Ou-est Su-Ouest. Quant à l'autre : qui est entre Ouest : & Nort Ouest, est aussi nommé Ouest Nort Ouest, Finalement celuy qui est entre le Nort Ouest, & le Nort, est appellé Nort Nort Ouest : & par ainsi il y a seize vents esgalement espandus par la Terre. Aucuns y adioustent, encore autre seize vents qu'ils appellēt Vents quaterols : de sorte que par ce moyen y auroit trentedeux vents : mais les derniers prennent tousiours le nom du vent voisin. Voilà donc ce que ie trouue touchant les vents.


*Fin de la cinquiesme partie des Dimorſes Leçons  
de Pierre Meſſie.*



LES SEPT DIALOGUES  
DE PIERRE MESSIE.

- I. Du Soleil.
- II. De la Terre.
- III. Des Meteores.
- IIII. Le Banquet.
- V. Du Banquet Dialogue II.
- VI. Le Contencieux, ou contredisant.
- VII. Les Medecins.





## DIALOGVE DV SOLEIL.

ENTRE-PARLEURS,  
Florio, Melisse, Pompee, Siluio.

### ARGVMENT.

*En ce Dialogue se prouue que le Soleil est plus grand que la terre, & la terre plus grande que la Lune: & pource que la terre est ronde, & que les hommes se soustiennent de toutes parts dessus icelle: avec l'autorité d'aucuns anciens disputans, s'il y a des Antipodes, ou non.*

### SILVIO.



**N**OUS sommes venus icy pour estre participans de vos deuis, si ce n'est chose de secret. FLO. Seyez vous, messieurs, car nostre deuis est de la chose commune du monde, qui est le Soleil, que Pompee dit estre cent fois plus grand que toute la terre, & plus que la Lune: & ie luy dis que ie ne croy point toute ceste sienne Astrologie: pource que combien que ie considere, le Soleil estre trop plus grand que ce qu'il semble, pour la grande distance qu'il y a d'icy au ciel, où il est, si ne puis ie pourtant croire qu'il soit plus grand que la terre. Et encore qu'il fust vray, les Astrologues ne le peuuent sçauoir, & moins le doiuent affermer, puis qu'en ce ils donnent iugement d'une chose si lointaine. Et ie dis que la Lune me semble, quant à moy, plus grande que le Soleil, & s'il est ainsi, comme pourroit estre la Lune plus petite que la terre, si la terre est de tant plus petite que le Soleil, comme ils dient? Cecy est tout ce dequoy nous deuisions. MEL. De ma part ie suis fort ioyeux d'estre arriué à ceste heure: pource que c'est vne chose que souuentefois i'ay ouy dire, & ie desire grandement de l'entendre. Il est bien vray que quand encore ie ne l'entendray



dray, si me delibere ie le croire, pource que ie voy que ceux le dient & afferment, lesquels sont en reputation de le bien sçauoir: pourtant, Messieurs, suyuez (ie vous prie) vostre propos. P.O.M. Cecy n'est article de foy, qu'il faille croire sans l'entendre, & sera bon que Florio le declare, s'il veut que nous l'entendions. F.L.O. Messieurs, ie ne le vous vends pour article de Foy, & n'importe si le croyez ou non, mais bien me suffira de le donner à entendre & le prouuer de sorte, que non seulement ayez à le croire, mais à l'entendre encore. Mais c'est vn subiet qui requiert grande attention, & le seigneur Melisee n'a accoustumé d'auoir si bonne patience qu'il vueille tant attendre, ioint que ceste matiere est vn peu delicate, & n'est point pour tout le monde: & pourtant sera meilleur de laisser cecy & changer de propos, & parler de chose laquelle tous quatre puissions goustier. S.I.L. le voy bien que vous dites cecy pource que ne me peustes l'autre iour faire entendre qu'il y ait des hommes en l'autre part de la terre droitement dessous nous: mais sçachez pourtant qu'encore que ie n'entende de langue Latine, & moins ces choses, si auray ie grand plaisir d'en ouir deuiser, & vous promets de demeurer grandement attentif, quand bien ie n'en comprendray pas vn mot. Pourtant ne laissez pour moy de complaire à ces cheualiers, lesquels vous entendront mieux que ie ne pourray faire. Et soyez assurez qu'aurez vn bien de moy, que ie ne vous contrediray ny arguëray de parole: pource que ie suis si ignorant en ceste matiere, que ie n'en sçauois pas faire argument qui vaille. M.E.L. Et moy ie m'assure de ne vous faire quelque argument, mais bien de vous escouter avec silence, & de ce ie vous donne assurance. Pourtant ie vous prie, si cecy du Soleil se peut en aucune maniere donner à entendre, de vouloir entierement satisfaire au seigneur Pompee, avec lequel vous auez commencé ce propos: pource que le seigneur Siluio & moy demeurerons attentifs, & si receurons de vous faueur. P.O.M. Je suis content de ce faire: mais pource que n'auiez commencement aucun d'Astrologie, & moins de Perspective, qui sont necessaires pour cecy, ie ne sçay si ie le pourray dire de sorte que le puissiez bien entendre:



toutesfois puis que me le cōmandez, ie m'efforceray de le vous mōstrer par les meilleurs termes que ie pourray, encore qu'il y en ait d'autres plus propres. Mais il est besoin que le seigneur Pompee nous croye en aucunes choses lesquelles il n'entendra pas trop bien, s'il luy semble qu'il n'y ait quelque couleur de verité: comme, croire que la nuit est ombre de la terre, & absence du Soleil: & que quand la Lune s'eclipse, c'est l'ombre de la terre qui la couure, laquelle parvient iusques à elle: & aussi d'autres choses semblables, que nous sommes contrains de toucher, lesquelles combien qu'il vous semble que ne viennent à propos, vous verrez puis apres de quelle importance elles sont. POMP. Je suis content de ce faire, en ce qui sera raisonnable, comme maintenant en cecy: combien qu'en ce que vous dites, que l'ombre de la terre face eclipser la Lune, ie n'en suis pas bien assuré: toutesfois ie le veux croire, pource que ie ne puis deuiner quelle autre chose ce peut estre, que ce que vous dites, estant la Lune, comme tous afferment, qu'elle est au premier ciel. Mais ce que vous dites de la nuit, ie voy clairement que ce n'est autre chose que l'absence du Soleil, & ombre de la terre. FLO. Encore est-il de besoin que croyez que l'eclipse du Soleil vient de ce que la Lune se met deuant, entre nostre veüe & luy. POM. Je le croy, pource que ie l'ay veu en vn miroir, mis deuant vn bassin d'eau en ceste eclipse grande, l'an que mourut l'Imperatrice Roine, nostre damē & maistresse, l'an 1539. Et lors ie vis dedans le miroir, comme clairement la Lune se mit deuant le Soleil. FLO. De sorte que vous ne croyez sinon ce que vous voyez pour ressembler à S. Thomas: cela me plaît, pource qu'avec vn peu dauantage que ce qu'auons dit, vous entendrez, & ces Seigneurs aussi, que le Soleil est plus grand que toute la terre, s. 11. Dites donc promptement ce qui reste, car encore que m'estimez grossier, sçachez pourtant que i'entens ce qui s'est dit. FLO. Ce qui reste est plus clair, au moins plus probable, si bien vous y mettez vostre esprit. C'est que quand vn feu, ou corps lumineux, qui fait & rend splendeur, est plus grand que l'obscur, qui fait & cause l'ombre: ceste ombre là que fait le corps obscur, va tousiours en diminuant,  
& finit



& finit en pointe à vn certain but, selon la proportion qui est entre les deux corps, & au contraire, si le corps ou chose obscure, qui fait l'ombre, est plus grand que le lumineux qui l'illumine, l'ombre de l'obscur se fait plus grande que luy, & s'en va en grossissant, & ne finit en pointe, mais va tousiours croissant sans fin. Et si vous voulez le voir claiement imprimez ceci en vostre esprit, que si vous mettez deuant la lueur d'vne torche vne noix, pource que ladite noix est plus petite que la lueur de la torche, son ombre ne paruiendra iusques à vn mur qui en sera beaucoup plus esloigné, pource qu'elle finit auant que d'y pouuoir arriuer, mais si vous y mettez vn bonnet, estant plus grand que la lueur de la torche, son ombre, quand elle paruient au mur est plus grand qu'vne tarque, & ainsi va croissant avec proportion, & sans fin. **S I L.** Certes vous auez tort de dire que cecy soit chose obscure, pource qu'encore que ie sois le plus ignorant homme du monde, si l'entens-je assez bien: & ce que premierement auez dit, ie l'ay noté & consideré allant à la chasse. Quand le faucon ne vole guere haut ie voy son ombre en terre: & s'il va trop haut, me semble voir le faucon voler en l'air sans en faire icy bas aucune. Et pourtant me semble bien estre ainsi que vous le dites, pource que le faucon est moindre que le Soleil, ce qui est cause que bien tost se finit son ombre. Et quât à l'autre que dites apres, tous les iours nous le voyons: car s'il se met vn page deuant la châdelle allumée, son ombre suffira à obscurcir la moitié de la chambre où elle sera, parce que le page qui la fait, est plus grâd que la lueur de la chandelle. **P O M P.** Iusqu'icy nous auons tout entédu, mais ie ne sçay combien cela seruira à nostre propos. **F L O.** Maintenant le sçaurez-vous clairement: souuenez vous que m'auez confessé que la nuit est ombre de la terre, & que ceste ombre est ce qui fait l'eclipse de la Lune. Sçachez donc que de ces choses que maintenant nous venons de dire des ombres, procede que la terre est moindre que le Soleil: car si la terre estoit plus grande que luy, son ombre ne se finiroit premier que d'estre arriué au ciel des estoilles, comme elle se finit, mais plustost iroit en croissant, & on verroit la nuit obscurcir vne grande part des estoilles,



lesquelles ont toute leur clarté du Soleil: ce que, comme nous voyons, ne se fait ainsi:& non pour autre chose, si non que l'ombre de la terre se finit auant que paruenir à ce ciel là,& encore premier qu'atteindre les autres cieux. Vous auez donc entendu assez clairement, côme la terre est moindre que le Soleil, puis que son ombre se finit, & va en diminuant. P.O.M. Maintenant ie confesse que vous dites verité, pource que certainement il est ainsi:& est assez clairement demonstré par vos raisons, que le Soleil est trop plus grâd que la Lune. F.L.O. Par cela mesme que nous auons dit, est encore claire la preuue de cecy, c'est puis qu'elle eclipse avec l'ombre de la terre: & nous auons desia prouué que cest ombre est plus menue & moindre que la terre, & va en diminuant: & incontinent s'y ayât diminué son diametre, elle est encore suffisante, quand elle paruiet à la Lune, pour la couvrir entiere-ment, comme on void souuent:il est assez manifeste, que la Lune est moindre que la terre, puis qu'elle s'eclipse avec ombre beaucoup moindre que la terre. S.I.L. Ie confesse que dites verité: & puis que ie l'ay bien entendu, il n'est aucun qui en doine douter. M.E.L. I'ay tousiours escouté, pource que le seigneur Florio ne pensoit que ie deusse auoir ceste patience,& n'ay laissé de l'entendre aussi bien que vous,tant que vous estes,mais puis que le seigneur Siluio est maintenât si sçauant, il sera bon que luy donnez, ce qu'il ne peut comprendre l'autre iour, c'est qu'il y ait des gens qui habitent icy dessous, de l'autre costé de la terre. F.L.O. Aussi facile est cela, que ce que nous auons desia dit, mais il ne me veut iamais bien escouter. S.I.L. Maintenant ie le feray volontiers: suyuez, ie vous prie, car en verité ce subiet me plaist grandement. F.L.O. Ie suis content, pource que nulle chose ne peut tant plaire à celuy qui enseigne, que de voir ses auditeurs attentifs à ce qu'il dit. Pourrant, pour l'intelligence de cecy, vous est besoin, sçauoir qu'en tout le monde n'y à autre haut que le Ciel, ny autre bas que la Terre, & que le plus profond est le centre d'icelle. Sçachez encore, qu'il est rond de toutes parts, & que le Ciel, au regard de la Terre, est comme l'escaille d'un œuf, au regard du moyen qui enuironne ainsi toute la Terre, & que de quelque



costé qu'il vienne quelque chose du Ciel vers la Terre, c'est descendre, & au cōtraire de quelque costé qu'il parte quelque chose de la terre vers le Ciel, c'est monter, & telle est la forme & nature, qu'il à pleu à Dieu donner au monde. Apres donc auoir entendu ceci, entendez encore que par l'autre costé de la Terre, qu'improprement nous disons estre dessous nous, passe le Ciel, & le Soleil, comme par le nostre, qui vers eux est leur haut, & leur semble que nous soyons ceux qui sont dessous, pource que comme ie vous ay desia dit, de toutes parts de la Terre est le bas, & le plus profond, le centre d'icelle : & considerant que cecy est ainsi, entendez que naturellemēt demeurent les hommes de l'autre costé, comme cy apres nous arresterons. Et cecy auons nous desia entendu par experience, sans autre consideration ou raison naturelle : pource que l'vne des nauires, que mena avec luy Magalanes pour descouurer les epiceries, par le commandement de l'Empereur, tournoya toute la Terre. Car entrant par ce destroit, qui à pris de luy le nom de Magalanes, & naviguant vers le Ponant, en la protection des autres nauires iusqu'à ce qu'il arriua aux îles Moluques. & apres ceste seule nauire, estant venue par la partie du costé de Levant, & par la navigation que font les Portugais, & entournant toute l'Asie, & l'Afrique, en fin retourna sur le fleuve nommé Guadalchibir, & de là en Seuille, & en Europe, d'où elle estoit partie, & où ie la vis deuât que de partir, & aussi apres qu'elle fut de retour arriuee à bon port. De maniere que si ceste nauire auoit laissé marque où elle passa, elle auroit laissé vn cercle à l'étour de la Terre, non pas du tout droit, parce qu'en se destournant elle à beaucoup allongé son chemin: mais pour cōclure, l'auroit circonue toute à l'entour, comme vous entourez vostre ceinture. *111.* Hé cela est il possible? *POMP.* Si biē il m'en souuiēt, ie l'ay desia oui dire, & Florio le me môlra l'autre iour en vn Globe, ou Mappemôde. *111.* Ie vous assure seigneur Pompee, que ie n'auois iamais entendu que ceste navigation eust esté telle. *FLO.* Sçachez qu'il est ainsi, & semble que Dieu à gardé ceste excellence & preeminence entre plusieurs autres à l'Empereur, que cela ait esté fait en son temps, & par son commandement. Ce que les



hommes n'auoyent iamais fait, & moins bien entendu depuis que Dieu crea le monde: & est chose dequoy beaucoup de sages anciens ont douté, sçauoir si c'estoit possible. En sorte que pour conclurre nostre propos, parce que nous auons dit, croyez que ceux qui habitent en la partie de la terre que nous nomons Antipodes, demeurent cōme nous icy, naturellement & propremēt: & que si l'autre partie de la terre n'estoit cōme est ceste cy, & les choses pesantes peussent aller vers le ciel, Maghellan, & ses nauires, n'auoiēt sçeu s'arrester, iusqu'à ce qu'elles fussent paruenues là. Mais ia vous auez entēdu que le haut est le ciel, de toutes parts, & le centre de la terre: est le bas, vers lequel naturellemēt vont toutes choses pesantes, de quelque costé du mōde que ce soit: de sorte que si Dieu auoit fait vn trou, qui par droit Diametre trauerlast toute la terre du poinct où nous sommes, iusqu'à l'autre opposite & contraire à cestui-ci, de l'autre costé de la terre, qui passast par le cētre d'icelle: alors si l'on iettoit vn plomb, comme font les maçons, sçachez qu'il ne passeroit de l'autre part de la terre, mais s'arresteroit & poseroit au cētre d'icelle: & si de l'autre costé s'en iettoit vn autre, se rēcōtre-roient ensemble au mesme cētre, & là s'arresteroyent. Il est bien vray que la furie pourroit bien faire, que le plomb passeroit plus outre, pource que son mouuement d'autant qu'il iroit vers son cētre naturellement luy accroistroit, passant aucunemēt plus outre, mais en fin retourneroit il en son lieu. MEL. le n'entēs point cest augmētatiō de mouuement, q̄ dictes du plomb: declarez le moy ie vous prie. ILO. le le vous feray prōptement entēdre. l'ay dit qu'allāt vers le centre il s'augmenteroit, pource q̄ toute chose pesante agitee, naturellement vient en bas, & allant tousiours de force, va croissant son mouuement: de sorte que si du clocher de ceste Eglise, l'on iettoit vn caillou, en approchant de la terre, il descendroit avec plus grade force & furie, qu'il ne seroit parti, pource que ce mouuement luy est naturel Et si l'ō le iettoit en haut, encore q̄ ce fust avec tref grade force, allāt contre son propre naturel, partiroit avec plus de force, & iroit en diminuant, quāt à son mouuement, iusqu'à tant q̄ fut finy l'effort qui luy seroit donné, en le iettant, & lors retourneroit en bas, se hastant tousiours



touſiours , comme i'ay dit en deſcendant , iuſqu'à ce qu'il fuſt paruenü à la terre , & pour cela i'ay dit, qu'avec la furie que porta avec ſoy le plombet , paſſeroit bien aucument le centre: mais qu'en ſin ſ'arreſteroit en iceluy. **SIL.** Dictes moy ie vous prie ceſte pierre ou plombet ſur quoy ſeroit il ſouſtenu eſtât ce trou tout vuide ? Il me ſemble q c'eſt choſe impoſſible de ſe ſouſtenir ainſi , ſans auoir ou ſ'appuyer. **FLO.** Ce trou ou mine ne ſeroit vuide , pource que la nature n'endure aucune choſe vuide , mais ſ'emplitroit d'air ( parce que ie preſuppoſe qu'il n'y euſt terre ny eau, & le plombet ſ'arreſteroit au poinct corréſpédât au centre de la Terre. **SIL.** Se ſouſtiendroit il bien en l'air comme le corps de Mahomet? **FLO.** Quelle merueille ſeroit ce, puis que nous voyons qu'une eſguille, ou vn couſteau , ſe ſouſtient en l'air avec la propriété de la calamite , ſ'il la touche? Sçachez d'ocques, que ſans comparaiſon les choſes peſantes ont plus grande force , & propriété d'aller vers le centre: & puis que toute la terre enſemble avec toutes les montagnes , qui ſont ſur icelle, ſe ſouſtiennent en l'air naturellement , ſans decliner d'un coſté ny d'autre , pourquoy vous eſmerueillez vous , que le plôbet ſe ſouſtiène côme il a eſté dit , & que les hommes, & les arbres , ſoyent de l'autre coſté de la terre , veu que comme i'ay dit de toutes pars le ciel eſt de haut , & la terre le bas? **MIL.** En ceci n'y à que douter , & en verité il eſt ſi bien déclaré , que deſia i'entens que les hommes, & les autres choſes, qui ſont de l'autre coſté, & à l'entour de toute la Terre , naturellement demeurent côme nous: mais pourtant ie m'eſmerueille grandement , & pour cela ie voudrois ſçauoir , quelle fut la cauſe , pourquoy ſainct Auguſtin n'a ſçeu ceci, & à affirmé, que de l'autre part de ra terre contraire à ceſte-ci , ne ſont point ces hommes qu'on appelle Antipodes , ce que meſme dit Lactance Firmian. **FLO.** Il eſt bien vray que S. Auguſtin, au li. 19. de la Cité de Dieu, nie ceci, côme vous dictes, auſſi fait Lactance: mais le treſſaint & treſ ſçauant docteur Auguſtin, ainſi que l'on peut appertement colliger de ſes paroles , ne nie point ceci , pource qu'il luy ſemble impoſſible , qu'il ſe ſouſtienne & habitent là des hommes naturellement, mais pluſtoſt le confeſſe, & monſtre que c'eſt choſe naturelle:



mais seulement nie que de fait il soit ainsi, & croit que cela n'est point, encore qu'il soit possible, & dit pourquoy croyons nous ceux qui disent & affermēt, ce qu'ils ne sçauent point, & encore moins en ont fait le chemin, mesme, que peut estre que de l'autre part c'est toute eau? & quand ce seroit Terre, par quelle hystoire, ou tesmoignage, croyons nous qu'elle soit habitee de personnes? Ce qu'il disoit, pource qu'en son temps n'estoit memoire de telle chose, & encores moins auoit-elle esté descouuerte comme ie pourrois maintenant dire, qu'il n'y a habitation d'hōmes sous le cercle du pol Antartique, qui est l'autre que nous ne voyons point, pource qu'on n'en sçait rien, & neantmoins peut estre, qu'avec le temps s'y pourra descouurir habitation d'hommes. Et outre, S. Augustin pour vn autre motif, & regard, n'a confessé ceci. C'est, qu'anciennement l'on tenoit d'vsage, & plusieurs ont esté de ceste opinion, que c'estoit chose impossible, de passer sous la ligne equinoctiale, au costé de l'autre pole. Et pource qu'alors c'estoit vn erreur, comme maintenant, l'on sçait, & tiēt on par experience le contraire du tout, & que habiter à l'autre part opposee, q̄ nous disons diametralement, il estoit necessaire de passer dessous la ligne equinoctiale, il n'a pas voulu confesser, qu'il y eust là des hommes craignant qu'on ne luy dist, qu'iceux n'estoyent point descendus d'Adam, puis que d'ici en là n'estoit possible de passer: dont pour donner lieu à ceste erreur (car certes ce seroit heresie) voulut plustot nier, ce qu'on ne luy eut sceu prouuer: mais nō pourrāt qu'il ne vist & n'entendist, q̄ naturellement là les hommes pouuoient habiter, & de les paroles on le peut ainsi comprendre: de sorte que sur le dire de S. Augustin ne faut arrester son esprit, Quant à Laſtance Firmian, ie dis, que combien qu'il fust tres eloquent, & tressaint hōme: qu'il entendoit mal ceste matiere, & se trōpe euidentement en ce qui a esté dit d'icelle, cōme mesmement il s'est trompé en autre chose de plus grande importance, que pour ceste heure n'est besoin disputer, bien qu'il eust en toutes choses bonne & sainte intention: donc en cecy n'y a plus que douter, n'y à redire. MEL. Ce discours m'a pleu grandement. & ie tiens tout cela pour arresté. Mais dictes moy seigneur Florio, ie vous



ie vous prie, quelle est la cause pourquoy vne chose est pesante, & vne autre legere, cōme ia vous auez dit. FLO. A cela est besoyn que Dieu responde luy mesme; auquel il à pleu de l'ordonner en ceste sorte, c'est que de quatre elemens, le feu fust le plus leger, & montast en haut, & la terre fust la plus pesante, & apres elle, l'eau, & que l'air fust moins leger que le feu, mais plus que l'eau, & que la terre. Et tout ainsi que de ces quatre elemens se composent toutes les choses, selon que plus ou moins elles participent d'iceux, pareillement elles sont plus pesantes ou plus legeres les vnes que les autres, de sorte que celles qui participent plus de la Terre, sont plus pesantes. Et celles qui participent plus du feu, sont plus legeres: pourquoy nous voyons que le sureau nage sur l'eau, & la pierre s'y enfonce: pource que le sureau participe grādemēt du feu, & de l'air, qui sont plus legers que l'eau, & la pierre participe pl<sup>us</sup> de la terre: (qui cōme i'ay dit) est plus pesāte. SIL. Je croy, si nous ne changiōs d'aujourd'huy de propos, que sans aucune doute nous deuiendrions tous philosophes. Souuenez vous qu'il est heure (comme il me semble) d'aller disner. MEL. Seigneur Siluio, n'interrompez, ie vous prie, vn propos si agreable & vtile qu'est cestuy cy, attendez que midy soit sonnē, qui encores ne l'est, & ayez patience que nous parlions d'auantage vne heure posément. SIL. Je ne mange point quand la cloche veut, mais quand le veut mon estomac: mais pourtant pour l'amour de vous, demeurons vn peu, & non plus parce que ma teste ne pourroit fournir à tant, & si me parlez d'auantage vous ferez cause de me faire tout oublier. MEL. I'en suis de mesme. Mais perdant le terme que donnez, ie veux demander à Florio, si l'eau comme il dit, est plus pesante que l'air en certain degré, qui est la cause, qu'entre les eaux mesmes s'en trouuent aucunes plus pesantes que les autres FLO. La raison est, que les quatre elemens, pour la pluspart, ne sont en telle simplicité, & pureté, qu'ils ont esté creēz: mais plustost participent l'un de l'autre, pource qu'ainsi il l'a fallu pour la sustentation des hommes, & des animaux, & pour la generation d'iceux, & des autres choses: dont aduient, qu'une terre est plus legere que l'autre, si elle participe plus d'air ou de feu. Et ainsi l'eau.



l'eau qui à plus de mélange de terre est plus pesante que celle qui en a le moins, comme ie croy que soit celle de la Mer, & celle d'aucuns puits, & lacs dont se fait le sel.

P O M. Cela me plaist: mais ie vous auois dit au commencement, que ie ne voulois assurer de ne vous faire aucun argument: pourtant ie dis à ceste heure, qu'il me semble qu'il y a contradiction en ce que vous dites: à cause que nous voyons clairement qu'une pierre a plus de terre, qu'une piece d'or d'egale quantité, & toutes-fois l'or pese plus que la pierre.

P L O. Sçachez que cela procede, pource que la pierre est plus claire, & poreuse que le metal, & pourtant elle participe plus d'air & de feu que l'or: à raison que l'or est plus espais, & sans air, d'où il aduient qu'il est plus pesant. Et pour la mesme cause, il y a des pierres plus pesantes les vnes que les autres, comme nous voyons en la pierre ponce. Ce qui la fait legere, c'est pource qu'elle est fort claire & abondante en pertuis.

P O M. Ce que vous dites me contente: mais ie voudrois sçauoir, lequel pese plus, l'or ou le plomb, estans tous deux d'egale quantité. Qu'il ne vous soit ennuyeux, ie vous prie de le dire.

P L O. L'or poise d'auantage, pource que veritablement il est plus ferré & espais: ce qui se prouue par ce, que selon qu'affirment tous les orfeures, & artisans de metal, il n'y a metal qui plus se puisse tirer, & subtiliser, que l'or: & par ceste mesme cause, un bois est plus pesant que l'autre, comme nous voyons tous les iours.

P O M. Dites moy encore puis que vous dites q le feu fait les choses plus legere, pourquoy le fer chaud, qui participe tant du feu, si on le met dedans l'eau s'enfonce, non autrement qu'il feroit auant que d'estre eschauffé.

P L O. Cela procede pource que le feu n'est naturel ny vny à la forme du fer, mais luy est un accident, & cas à part, & a tousiours le fer pois terrestre qui surmonte le feu accidentel. Et ie vous dis d'auantage, qu'estant ainsi le fer chaud, il s'enfonce plustost en l'eau, pource que la force du feu va separant & esloignant l'element contraire.

S I L. Tout ce que vous auez dit me plaist. Et sachez que de cecy i'ay auourd'huy cōpris, qu'aucuns hommes que ie cognois, sans doute ont plus de terre qu'aucuns autres, combien que ceux cy-

soient



loyent plus gras qu'eux: & pourceant ils sont si pesans  
qu'il n'est aucun qui les puisse souleuer, & croy s'ils se  
mettoient en ceste mine que tantost vous disiez, ils ne  
s'arresteroyent au centre du monde, & de ce lieu ie vous  
en pourrois môstrer quelqu'un. FLO. Ce propos ne pou-  
uoit passer sans piquer quelqu'un: n'allez pas plus auant:  
mais s'il vous plaist messieurs, allôs dîner, puis que j'ay  
fait ce que m'avez commandé. P O M P. Nous sommes  
contents avec accord pourceant, que vous nous direz pre-  
mier, qui est la chose plus pesante de toutes. F L O. L'or, à  
mon iugement. P O M. J'en sçay vne autre, laquelle sans  
comparaison est plus pesante. FLO. Qu'est ce: enseignez  
là ie vous prie, en payement de ce que j'ay dit. P O M.  
Comment, ne vous semble il pas, que ce soit plus pesant  
qui suffit à tirer apres soy, du Ciel en enfer, grande partie  
des Anges, qui estoient plus spirituels & legers, que tout  
le feu, & l'air du monde? F L O. Vous dites vray, mais quel-  
le chose fut cela? P O M. Le peché qui suffit à tirer apres luy  
iusques au centre de la terre, en enfer, les ames ( sans  
corps) qu'Homere appelle feu simple. FLO. Vous sautez  
de la Philosophie naturelle, en la diuine & sainte, & pour  
cela m'avez vous assailli: mais en verité il est ainsi, pour-  
ce que nulle chose n'est plus pesante que le peché: & l'or  
& le plomb sont plumes, au regard d'iceluy. S I L. Donc le  
miserable pecheur, lequel ie voit en ceste vie chargé de  
pechez, que fera il pour monter au ciel, afin qu'il n'aille  
en cest abisme? F L O. Qu'il se descharge & despouille  
d'iceux, comme celuy qui a sauter veut gagner le prix  
lequel se despouille, & ôste ses habillemens. S I L. Certai-  
nement la fin de nostre propos n'a esté mauuaise:

& si tous les iours nous en faisons autant,

en fin de l'an ie n'en saurois moins

que le doctur Naruaes

nostre amy.

\*\*\*





# DIALOGVE DE LA TERRE.

ENTRE PARLEVRS.

Silvio, Florio, Melisee.

## ARGVMENT.

*Icy se demonstre avec merueilleux artifice, le lieu & situation des Elemens : & pour quelle cause la Terre est descouverte de l'Eau : il se preuue encore que le lieu du feu est voisin au ciel de la Lune, combien qu'il ne se voye.*

SILVIO.



RES-BEAV est veritablement ce pré, Seigneur Florio, ie ne sçay si en l'autre costé de la terre, où l'autre iour vous nous demonstrates qu'il y auoit des hommes, y en a de tels. F L O. Il n'en faut pas doubter : pource que la raison naturelle n'y contredit point, & tenons de foy, que toutes choses sont ceures de Dieu, lequel peut autant ici que là. M E L. Il n'est besoin de dire autrement, sinon que tout le monde, comme on dit, est vn, & que toute la terre est enuironnee de mœurs, prez, fontaines, fleues, & mers, & autre choses semblables, comme sont celles ci que nous sçauons aucunes egales, & les autres meilleures, selon la situation & disposition de la terre, comme nous voyôs aux terres que nous cognoissons : & ainsi en portent tesmoignage ceux qui ont nauigné, & veu les parties orientales, les isles & la terre ferme de ceste part, & l'autre de la ligne equinoxiale : mais laissons à ceste heure cela, comme chose claire, pendant que personne ne nous empesche, faites tant de faueur au Seigneur Silvio, & à moy, de nous dire, comme la Terre est descouverte de l'eau, veu que selon la nature, & la situation des quatre elemens, comme

auant



auant hier vous nous disiez, la Terre est arrestee au centre, & au plus bas, & l'eau deuroit circuir, & couvrir la terre, l'environnât, cōme l'air couvre ceste Terre, & l'eau encore, & selon que tous dient & afferment, que le feu circuit l'air, & puis qu'il semble que cecy deuroit estre ainsi, ie voudrois sçauoir, de la terre estant descouuerte, si la partie qui est descouuerte, l'est naturellement, ou bien par miracle, ou comme cela se fait: pource que si nous l'auons pour habitation, il est raisonnable que sçachions, quels fondemens elle a. **SIL.** Vous auez demandé vne chose bien à poinct, que i'auray tres grād plaisir d'entendre, pource que souuentefois i'entens dire, que si la mer s'estendoit, elle couvrirait toute la terre. Et quand ie la voy, me semble qu'elle s'estend tant qu'elle peut, & qu'elle demeure à tel point qu'elle ne la peut point couvrir: & pource, tirez moy ie vous prie de ceste doute, & le distes de sorte que ie le puisse entendre: car vous sçaez bien, en combien de pieds d'eau pesche ma barque. **FLOR.** Belle veritablement est vostre doute, laquelle a esté traitée de plusieurs: mais ce n'est chose trop obscure, & qu'à peu de temps ne se puisse traicter. Sçachez donc qu'au commencement que Dieu crea le monde, auant qu'il dist: Que la terre se descouvre, & qu'elle se descouurit: & auant qu'il creast les plantes, & les arbres, & depuis, les animaux en icelle, qui fut la cause finale pour laquelle elle se descouurit, l'eau l'environnoit de toutes parts, sans qu'aucune partie d'icelle fust descouuerte, comme l'air couvre l'eau & l'air est couverte du feu: laquelle chose, outre que la raison naturelle le confesse, & tous les Philosophes encore, est prouuee par la sainte Escriture, quād elle dit: qu'elle se descouvre, & qu'on voye la terre: dont on comprend qu'elle estoit couverte: Duquel descouurement il y a eu diuerses doutes, & opinions, comme est maintenant la vostre, entre les Astrologues, & entre les Philosophes encore, disans: Comme s'est fait ceci, & se soustient encore. Aucuns sont d'opinion qu'ensemble, avec le commandement de Dieu, ait rencontré la cause & raison naturelle, laquelle iceux dient estre la grande seicheresse de la Terre, qui a resisté & repoussé l'eau de soy, des parties lesquelles sont maintenant descouvertes: ainsi que nous voyons quand



quand il s'espend de l'eau en quelque lieu poudreux & fort sec, qu'il demeure quelques places, lesquelles ne sont couuertes d'eau, pour la resistance que fait la secheresse à l'humidité, comme deux proprieté en soy contraires. Et que ceci soit aduenü en aucunes parties, & non en autres ils diēt, q̄ c'a esté, par l'aide & influence des estoilles qui sont de vertu froide, & seiche, principalemēt de celles qui sont aux parties Septentrionales. Ceux ci mesme afferment (non sans grande hardiesse toutefois) que quand Dieu au tiers iour n'eust commandé, comme i'ay dit, que l'eau se separast, & que la terre fust descouuerte, comme elle fut, que toutefois peu à peu par la secheresse, & par ladite influence, elle seroit descouuerte naturellement, comme maintenant elle est. Autres plus reiglez en cecy ont esté d'opinion que ceste secheresse, ou influence n'auroit suffi pour la descouvrir, en peu ny en beaucoup de tēps, si miraculeusement ne s'estoit descouuerte cōme elle fit: mais qu'elle eust esté suffisante pour l'entretenir ainsi naturellemēt, presupposant le miracle en son descouurement. Pource qu'ils dient, qu'il faut moindre force pour maintenir vne chose en lō estat, que pour luy mettre: comme nous voyons souuentes fois, qu'un hōme suffit à porter & soustenir vn pois dessus luy, sans l'aide d'un autre, lequel ne le pourroit hausser de terre, & se le charger tout seul. Entre ces opinions s'en sont trouuez aucunes qui affermēt que ce que certaine partie de la terre est ainsi descouuerte, vient à cause que la terre quant au centre de sa grandeur n'est point au centre du monde, mais est vn peu destournee à costé, & que pour cela, s'en peut alors descouvrir toute ceste quārité, qui est descouuerte. Lesquelles opinions veritablement ne me plaisent, & les riens pour incertaines & deuinees. Pource que quant aux deux premires, ie vouldrois qu'ils me dissent d'où il est arresté, & comme ils ont entendu, qu'il y ait telle secheresse, & force de la terre, qu'elle soit suffisante à chasser dehors & separer l'eau naturellement: & moins, que l'influence des estoilles, ou bien de la dixiesme sphere, cōme aucuns veulēt, face & opere la mesme: veu que tout cecy est vouloir deuiner ce qu'ils ne sçauent, & encore moins peuuēt prouuer, Mesme ne se trouue aucune raison, par laquelle



laquelle vne partie de la terre soit plus seiche que l'autre, ne que celle là se descouure, & non l'autre: estant tout cest element, & toutes ces parties, d'une propriété, cōme de fait il estoit. Ce que mesme ie dis de l'influence des estoilles Septentrionales, puis que nous sçauōs qu'il y a de grādes terres en icelles, aussi bien du costé de Midi, comme de Septentrion: qu'on a descouuert des Isles voisines à l'autre pole: ou presque sous iceluy, cōme il s'en trouue au nostre. Et moins me plaist la tierce opinion, que cecy loit, pource que la terre est esloignee du cētre: car à mon iugement, c'est la plus impropre, & debile de toutes les autres: pource que ce n'est autre chose qu'imaginer la terre hors de son lieu. Et aduenant que nous voulussions confesser cela, ce seroit venir aux mesmes, & plus grandes difficultez & doutes, de traicter sur cecy, comme la terre peut demeurer, & de fait demeure ainssi, c'est miraculeusement, ou naturellement: & comme l'eau & elle meslees ensemble, se repoussent l'une l'autre: qui seroit entrer en vn autre labirinte trop plus grand. Pour lesquelles choses ie suis d'opinion en ceci, de nous arrester au plus veritable & certain: c'est à la verité de la S. Escriure, & que nous croyons fermement, que la terre se descouurit, en ce qu'on en void de descouuert, par la seule vertu diuine, & par la parole & commandement de Dieu. Dequoy est faicte mention au premier chapitre de Genese, quand il est dit. Se rassemblent toutes les eaux qui sont sous le Ciel, en vn lieu, & se descouure la terre. Dont par la vigueur & efficace desdites paroles, l'eau & la terre se mirent en la maniere & situation, que maintenāt se voyent: & ainssi sont demeurees & demeurerōt iusques à la consommation du mōde, faisans & composans ensemble elles deux, vn corps rond, & spherique, comme Ptolomee, & autres grands Astrologues afferment & l'experience le nous demonstre: duquel le centre est le cētre de toute la machine du monde: & ainssi demeure, & est descouuert de la terre, ce qui estoit de besoin, pour l'habitation des hommes, & des autres animaux, & pour les herbes, plantes, & arbres, qui se nourrissent & viuent hors de l'eau. Toutes lesquelles choses auant ce commandement de Dieu (comme ie vous ay desia dit cy dessus) estoient cou-



uertes de l'eau, sans que d'aucun costé se vist vn seul pied de la terre. Et quand bien il seroit vray, qu'il y eust aucunes estoilles delquelles l'influence aidast, & eust part en cest œuvre & effect (pource que Dieu soustient & conserve beaucoup de choses, prenant pour instrument les causes secondes & naturelles, lesquelles au commencement il a créées & ordonnées par luy seul immédiatement) toutesfois ie n'oserois affermer cecy, puis que la sainte Escriture ne fait de telle chose mention, mais absolument attribue toutes choses à Dieu, & non seulemēt au lieu allégué, mais en plusieurs autres, comme nous lisons aux Prouerbes de Salomon, au 18 chap. Qu'il marquoit entout le lieu de la mer, & donnoit loy & commandement aux eaux, qu'elles ne passassent leurs bornes. Et en vn autre endroit est dit, qu'il enferma les eaux comme en vn vestement. Et plus clairement encore dit le Prophete David au Psalme 103. Toy Seigneur, as assigné les bornes aux eaux, lesquelles elles ne passeront, & moins retourneront à couvrir la terre. En quoy clairement il demontre ce qui est dit, c'est que l'eau couuroit toute la terre: & par special commandement de Dieu fut descouuerte, puis qu'il dit: Et moins retourneront à couvrir la terre: en sorte, messieurs, que ceste-cy est la forme selon laquelle la terre fut, & est descouuerte des eaux. Et puis que cest œuvre & miracle se doit attribuer à Dieu seul il n'est besoin que nous recherchiōs autres causes, ne raisons au ciel ou en terre, de seicheresse ny d'influence. MEL. Vous l'avez bien declaré, & croy certainement qu'il est ainsi cōme vous le dictes: mais il me semble que de ce qu'avez dit, s'ensuit, que non seulement se descouure la terre, par miracle, mais encore miraculeusement demeure ainsi descouuerte: & que tousiours Dieu faict miracle, & chose supernaturelle, en la conservant en tel estat. FLO. Cela n'est pas ainsi. pource que le seul commandement de Dieu suffit: car l'eau & la terre maintenant demeurent sans nouveau miracle, avec le seul premier, & celuy seul suffit pour cōtinuer ainsi, sans aucū autre nouveau: veu que les creatures naturelles ne sont desobeissantes, comme l'homme. Auquel pour son inclination, & promptitude à desobeir, est besoin souuētesfois d'ordonner



ner & defendre vne mesme chose. **S I L.** J'ay entendu ce que vous auez dit, ce qui me plaist beaucoup. & pour tel ie l'approuue, & croy: mais neâtmoins me semble que de cecy pourroit bien suruenir vn inconueniēt d'importāce. C'est que presupposāt cecy estre veritable, sçauoir est, que le descouurement de la terre se fit ainsi au cōmencement par miracle, encore que Dieu n'en face de nouveau pour la soustenir: & qu'estant comme vous dites, la force de ce premier precepte suffisante, sēble qu'il se pourroit dire, que les eaux de la mer estans ainsi forcees, & violētement diuisees & empeschees d'environner la terre, apres eussent esté leuees de leur lieu & situatiō naturelle, qu'elles auoyent premieremēt. Et pour euitier l'inconuenient de ceste force, deuoyent peut-estre, ces astrologues & philosophes, chercher les causes & forces naturelles, que vous auez dites, pour à icelles attribuer tel effet. **F L O.** Vous vous trompez en cecy, parce que nous deuīos plustost considerer l'opposite, à cause que si la seicheresse de la terre, & influence des estoilles, eussent, cōme ils dient, fait separer l'eau par force: alors on eust peu dire, que force & violence faisoīēt cecy, puis qu'une creature forçoit l'autre à laisser son propre lieu & naturel. Mais cecy ayāt esté fait par la volonté & commandement de Dieu, lequel est createur, entreteneur & gouuerneur de toute nature humaine, & n'ayant les choses plus de propriété d'inclination, de force, ny de lieu, que ce qui depend de la diuine volonté, on ne peut dire que ce soit chose violente, que l'execution du commandement de Dieu, demeurant l'eau au lieu par luy ordonné, encore qu'elle n'environne toute la terre, comme elle faisoit au commencement. Veū qu'on ne peut dire que ce soit chose violente ny contraire à l'inclination naturelle, ce qui procede de la volonté & commandement du Roy de nature, duquel nous sçauōs & croyons qu'il gouuerne & dispose toutes les choses, avec trel grande sapience: certainement non plus: mais encore beaucoup moins, qu'on pourroit dire que vous ferez violence en vostre maison, en ordōnant qu'on changeast vne quesse d'une place en l'autre, pour certaine cause ou respect. De sorte, messieurs, que l'eau ne reçoit tort ne violence aucune, pour ne circuir la terre, & demeurer en obeissance separee, iusqu'à ce que si



c'est son bon plaisir, en la consommation du monde qu'ad les bestes brutes, & les choses meslees seroient dissipées & consumées, n'ayant plus affaire de lieu, derechef il viendra à commander qu'elle environne encore vn coup la terre, comme elle faisoit en son commencement. MEL. Vous nous auez bien resolu les doutes qu'auons proposées & croy que le seigneur Siluio soit content de la part. SIL. Certainement ie le suis, & tant, qu'ayant esgard à ce qu'a dit le seigneur Florio, il me semble que celuy ne seroit Chrestien, qui ne croiroit qu'il ne peut estre chose plus naturelle à l'eau, ny aux autres elemens, que d'obeir à Dieu & faire sa volôté, & que ceste obeissance ne peut estre appelée force. Mais puis que nous auons temps & commodité pour cecy, ie veux maintenant faire du philosophe, & veux demander aucunes choses, en ce qui concerne la situation de l'element du feu, puis que, comme auez ia dit, & tous afferment, le feu circuit l'air, & demeure dessus les autres elemens, quelle est la cause que nous ne le voyons, veu qu'il est d'une couleur si luisante & claire, au moins pendant les claires & seraines nuicts, quand il n'y a ne Soleil, ny nues qui le puisse empêcher. Et encore ie vous demande pour quelle cause le feu, puis que nous le voyons icy, si tost qu'il n'a aucune matiere pour brusler, & d'où il se puisse nourrir, subitement s'esteindre, de quelle chose il se nourrit la haut, mesme ment n'ayant aucune humeur à consumer. Pource que considerant cecy, j'ay quelquesfois soupçonné que c'estoit vne chose vaine, ce qui se dit, que dessus l'air il y ait du feu: & ie croirois plustost que tout fust air iusques au ciel, ne doutant point de l'air, puis que ie le vois. MEL. Je n'eusse iamais pensé qu'eussiez si bien douté, & à l'une de vos doutes, l'eusse bien sçeu respondre, mais le seigneur Florio vous pourra mieux satisfaire. FLO. De vos deux doutes, seigneur Melisee, la premiere procede de vouloir plustost croire au sens, qu'à la raison, & pource que ne voulez autre chose croire, que ce que vous voyez avec les yeux: & le second vient de ce, que n'avez bien entendu la nature de l'element du feu: ie vous veux donc satisfaire en tous les deux. Mais neantmoins il seroit bien raisonnable, si bien n'avez entendu cecy



cecy, qu'au moins vous n'eussiez doute du lieu & situation du feu: principalement veu que vous sçavez que c'est l'un, & le principal des quatre elements, & que de necessité il doit avoir quelque lieu, lequel ne peut estre autre, que le plus haut, puis que le feu est plus léger de tous, comme confesse & enseigne toute la philosophie du monde. Et pource j'ay dit, que la cause de vostre premiere doute est, que vous croyez plustost au sens qu'à la raison, veu que vous ingez du feu elementel & simple, par le meslé & materiel, que nous avons, & duquel nous vsons icy, & pourtant vous semble que comme cestuy-cy à couleur, & se void & inge en la chandelle, ou au charbon allumé, qu'ainsi se doit voir l'autre. Ce qui est tresgrande erreur, pour la grande difference qu'il y a de l'un à l'autre: veu que celui dont nous vsons n'est vray feu, mais vne certaine chose allumee, & ardente de feu, partant qu'il est espais & quasi ombrageux meslé, & composé: & l'autre au contraire, tresrare, & invisible, comme maintenant verrez. L'espaisseur donc & ombrage de ce feu materiel, se void tous les iours clairement, pource que si auprès d'une chandelle allumee on en met vne autre, soudain la flamme & lueur d'icelle fait vne ombre, laquelle elle ne feroit point, si la flamme n'estoit ombrageuse. Et encore ce le demonstre clairement, qu'on void que ce qui est derriere vne flamme de feu est caché, en sorte qu'on ne le void point, pource nostre veuë ne peut passer au trauers de ce feu: & l'autre elementel en la sphere est dix fois plus rare que l'air, & s'il se trouue aucun element simple, sans aucune mixtion (comme enseigne Aristote) tel est le feu, parce qu'il est proche du ciel, & à moins d'occasion de se pouoir mesler: donc si l'air, pour estre de tant moins rare que le feu, ne peut arrester nostre veuë, mais plustost elle passe librement sans le voir, en sorte, que si ce n'estoit par l'atouchement, & par le mouvement d'iceluy, moins par la veuë pourriez vous dire, ne croire, qu'il y eust de l'air: pour quelle raison dōc vous esmerueilliez-vous, que ne pouuez voir le feu en son lieu, veu qu'il est beaucoup plus rare, & transparent que l'air; Et respondant à ce que vous dites, qu'il est coloré & luisant, ie dis que c'est erreur, pource que le feu



en la sphere n'a aucune couleur ne splendeur, veu qu'en vn corps simple, cōme il est, ces qualitez ne peuuēt estre ne demeurer, pource qu'elles prouienent de composition des elemēs: & encore si la rareté de l'air (s'il n'est deuenu fort espais) n'est capable de couleur, de combien moins le sera le feu, trop plus rare & simple: Quant à ceste splendeur & couleur que voyez au feu materiel & cōmun, ie vous ay dit qu'elle procede de sa meslange, & composition. Et estoit de besoin, que le feu elementel fust ainsi transparent & inuisible: car s'il estoit semblable à celuy d'icy bas, il eust empesché la veüe des planètes, & des estoilles. De sorte, messieurs, que vous n'avez raison de douter du feu, ny de son lieu, à cause que ne le voyez: & moins encore en la seconde doute que vous faites de ce q'la haut il n'a point de nourriture, n'y chose qu'il puisse consumer, pourautant que le feu n'a besoin de cela, sinon quād il est en estrange matiere & hors de sa place & situation, comme vous voyez en iceluy duquel nous vsōs tous les iours: mais en sa propre matiere, & lieu, n'a besoin de chose aucune pour la nourriture, pource qu'il est en sa propre situation & lieu: comme l'eau & laterre n'en ont besoin aux leurs, lesquels elemens estans tirez hors de leur place, s'il ne sont soustenus de quelque autre matiere, ne s'arrestent iusqu'à ce qu'ils aillent en leur lieu, auquel ils reposent. Ce que mesme fait le feu en la sphere, en laquelle il se maintiēt en sa propre qualité, sās qu'il ait besoin d'humeur aucune. Pourtāt, messieurs, faites moy se bien de ne douter plus de ceste philosophie, veu qu'elle est si claire & facile à entendre. s. i. l. Quāt à moy, ie me tiens pour content de ce qui a esté respōdu, & croy fermement la situation des quatre elemēs. Et ne croyez point que ie dourais tant que ie vous disois, car ie l'ay fait seulement pour vous faire dire ce qu'avez dit: & encore vous demāderois- ie volōtiers aucunes autres choses touchant ce propos, mais il n'est possible, pource qu'il faudroit interrōpre nostre deuis pour les personnes qui arriuent icy. Le reste dōc sera pour vn autre iour plus commode, auquel nous deuiferons plus longuement. MEL Vous dites bien qu'on ne parle plus d'aujourd'huy de ceste matiere, afin que ie la puisse mieux goustier.





# DIALOGVE DES METEORES.

ENTREPARLEVR S,  
Melisee, Florio, Siluio.

## ARGVMENT.

*En ce troisieme Dialogue, briuelement est declaré comme se font & d'où procedent les Nuës, les Pluyes, les Neiges, la Grefle, la Rosee, la Brume, les Brouillats, les Tonnerres, la Foudre, les Esclairs, & les Cometes qui apparoiſſent en l'air, & comme se cause le tremblement de la Terre.*

### MELISEE.



**S**I bien il me souuient, Seigneur Siluio, aujourd'huy fait le huietieme iour, q par fortune, nous estions tous trois assemblez, comme de present, en ce mesme lieu: & lors le seigneur Florio se promenant par ce pré, nous dit, & fit entendre aucunes choses assez delectables de la situation de la terre, de l'eau, & des autres elemens, lesquelles de vray me pleurent tant, que maintenant ne me seroit ennuyeux l'escouter, si encore il vouloit dire quelque chose de ce mesme subiet. **sil.** Vous m'auiez osté de la bouche le semblable, car ie voulois aussi mettre ce propos en auant, & le prier de continuer ce qu'alors de luy-mesme il eust fait, si ceux ne fussent suruenus, qui nous interrompirent. **Fl.** Il y a tant peu de gës qui prenēt plaisir de parler de telles choses, & qui se travaillent pour les entendre, que peu volōtiers i'en parle, si ie n'en suis interroguē: mais pour ce faire il n'est besoin de me prier, car ce que i'en sçay, j'ay plaisir de le communiquer & enseigner à tous. **sil.** Puis qu'ainsi est, & que nous auōs bone comodité, ie delibere de me faire maintenir Philosopher. Et ayāt l'autre iour entendu cōment &



pour quelle cause la terre est descouuerte de l'eau, & cōme les elemēs s'environnans sont ioints & ferrez les vns avec les autres, & le reste que lors sur le mesme propos se recita, ie vous prie que nous entendios maintenant en quelles manieres sont engendrees ces choses que nous voyons tous les iours aduenir en iceux: dont viennent les nuēs, les pluyes, les foudres, les esclairs, les tonnerres, & encore les Cometes, que aucunefois apparoissent, lesquelles quelquefois nous voyōs courir ardātes, de sorte qu'el les sembler estoiles: & dōt vient que la neige & la gresle se congelent, la bruine, la rosee, le brouillats, & de quelle matiere ce sont toutes ces choses: & d'auantage ie voudrois sçauoir dōt viēt le trēblement de la terre, avec tout le surplus de ce qui se peut dire de cecy, pource qu'il est facheux de voir tous les iours ces choses, & n'entendre dont elles prouiēnent, n'y cōme elles s'engendrent. M<sup>EL</sup>. Vous n'avez proposē vne seule chose en tout cela que ie n'aye tref grand plaisir d'entendre traitter, bien que i'en sçache deſia vne partie, ayāt vn villageois aux chāps, qui le me declare: lequel croit certainemēt que tout cecy soit ainsi qu'il dit, mais ce sont à mon iugemēt de grādes sottises que les siennes. R<sup>O</sup>. Dites nous, ie vous prie, ce qu'il vous dit, car peut estre que ce vostre philosophe me releuera d: quelque peine. M<sup>EL</sup>. Sachez donc qu'il me dict, que l'eau qui pleut est eau de la mer, que les nues vōt tirer en icelle: cōme naigeāt sur la mer, i'ay souuētes fois veu, que les nues, venās en bas, en facon de māches, s'ēplissent d'eau & soudaine. mēt apres cela viēt la pluye. Et les tōnerres se causent du combat de deux vēr entr'eux cōtraires, & dure iusqu'à ce que l'un veinque & surmonte l'autre. Et les Cometes souuētes fois se voyent, pource que ce sont estoiles, qui apparoissent à certain temps & celles que nous voyons courir ardātes, ce sōt estoiles qui courent, & vont d'un lieu en autre. Et ainsi il me dit beaucoup d'autres bōnes choses, avec lesquelles il se retrouve plus contrēt & heureux, qu' Aristote avec tout son sçauoir. R<sup>O</sup>. Vostre villageois n'est seul de ceste opiniō, car la plus part du vulgaire croit qu'il soit ainsi: & ne vous en esmerueillez, car on trouue de celebres philosophes, qui ont dit sur ce propos plusieurs grādes sottises que



que ie ne veux maintenant raconter, craignant de perdre temps: mais si le voulez sçauoir, vous les auez en Plutarque & Aristote, qui les escriuent. Mais le Seigneur Siluio à demandé tant de choses ensemble, que ie ne sçay s'il y aura du tēps assez pour tout traicter, & moins sçay ie par quel costé ie dois commencer. **SIL.** Commencez dōc par tel poinct qu'il vous plaira, car du reste i'en tiēdray bon conte pour vn autre iour. **FLO.** Toutes fois, si ie ne me trompe il en demeurera peu: car comme ie vous ay dit, ie ne me soucieray de l'opinion des autres, & moins d'alleguer les autheurs, mais ie suivray la commune doctrine, & principalement celle d'Aristote. Et encore ie vous assure, que ce que ie diray sera avec toute brieueseté, ne disant d'auātage que ce qu'il me semblera estre cōuenable pour vous le faire entendre mediocremēt: car pour traicter ceste matiere dēs son commencement & fādemēt, on auroit besoin de plus long temps, & que vous eussiez d'autres principes, lesquels on ne peut dire sçauoir en vn iour. **MEL.** Il est besoin de faire ainsi: car encore moins voulons nous tant travailler pour l'entendre si subilement, estans contans de l'entendre du mieux que nous pourrons. **FLO.** Sçachez dōc messieurs, que pour bien entendre tout ce que desirez sçauoir, qui est, de que l'le cause procedēt ces choses, est besoin d'en presoppoler aucunes autres, cōbien qu'elles ne se puissent si bien traicter, cōme il seroit necessaire. Ne vous ennuyez donc de les escouter du commencement: car en la fin on verra le profit & l'vtilité qui ressortira de les auoir ouyes. **SIL.** Quand vous plaira nous escouterōs volōtiers. **FLO.** Vous deuez donc cōsiderer, que tout ainsi que de quatre elemens par l'influence du Soleil, & des autres estoilles, se font & cōposent toutes les choses meslees du monde, comme les animaux, les pierres, les arbres, ainsi que l'autre iour nous discourumes en vn autre propos: & par cōrruption reuennent chacun en leur premier estat, comme tous les iours vous voyez: aussi semblablement deuez vous encore sçauoir, que partie d'un elemēt se peut conuertir & transmuier en vn autre, pource que la force du feu peut estre si grande dessus l'air, que l'air perd sa forme, & se transmuē en feu. Et au contraire le feu en air: ce que sē-



blablement aduient aux autres elemēs mutuellemēt: cō-  
 bien qu'a aucuns cela soit plus facile, aux autres plus dif-  
 ficile, l'accord ou conuēnāce qui est entre leurs qualitez  
 ou la contrarietē d'icelles. Et sçachés que cecy n'aduier si  
 subitement qu'en vn instant l'air se face ou eau, ou feu,  
 mais qu'il faut qu'il precede certaines alterations, & de-  
 grez, ausquels ils sont disposez, cōme ordinaire mēt nous  
 voyons que premier que l'air s'en flamme, & se cōuertif-  
 se en feu, il s'espeffit & s'eschaufe, & se tourne en fumee,  
 & apres il prēd la forme du feu: ainsi aduient, il quand le  
 feu se conuertit en air, comme pouuez voir en la pointe  
 & extremite de flamme que ne luit ny ne retiet maniere  
 du feu, ne d'air, mais d'une certaine chose moyenne en-  
 tre les deux. Et le mesme aduient aux autres elemēs: de-  
 quoy ne vous est maintenant besoin d'entendre profon-  
 demēt la Philosophie, & cause d'icelle, pource que ce se-  
 roit chose trop lōgue: mais sçachez qu'il est ainsi, & pas-  
 sons outre. **SL.** Cecy est si bien fait, que cōbien que com-  
 me vous dites, on ne sçache la premiere cause de ce, nous  
 voyons poutant tous les iours qu'il est ainsi, & presque  
 ie l'entens, quand ie voy vn drap de lin trēpē d'eau sur le  
 quel quād la chaleur du Soleil donne, l'eau petit à petit se  
 conuertit en vapeur & se tourne en air: & quād on iette  
 vne poignée de terre en grande quantité d'eau, premiere-  
 ment elie s'espand en icelle, & apres se desfait, & me sem-  
 ble qu'elle se cōuertit en eau: en sorte que comme ie voy  
 cela, ie puis croire le reste, encore q̄ ie ne le voye. **FLOR.**  
 Vous dites bien. Ayāt donc presuppōsé cecy, vous deuez  
 sçauoir que la maniere selō laquelle s'engēdre & produire  
 l'eau qui pleut, les broüillars, les bruines, les tōnerres, les  
 neiges, & les autres choses q̄ vous demādez, est telle: c'est  
 qu'avec la chaleur du Soleil, & par son influence, & des  
 estoilles en leur mouuement se leuent au dessus de la ter-  
 re, de la mer, des fleunes & des lacs, plusieurs fumees, &  
 vapeurs desquelles aucunes sont seiches, fort chaudes,  
 & subtiles, cōme la petite fumee d'une torche, & cela s'a-  
 pelle exhalation: il y en a d'autres plus espesses, & plus  
 humides, & non chaudes en tel degre, qui se nommēt va-  
 peurs: comme ceiles là que nous voyons monter de l'eau  
 mise deuant le feu. Et sçachez que de la premiere exha-



tion, ou fumee, que ie dis estre seiche, & fort chaude & subtile, se font & engédrent les Cometes, les foudres, les esclairs, les tōnerres & autres choses de mesme façon: & de la vapeur humide & espaisse, & moins chaude, se causent les nues, la bruine, la neige, la pluye, la gresle, & la rosee: & tantost ie vous declaireray apertement cōment, & en quel tēps se fait cecy particulièrement: mais pource que toutes ces choses se formēt en l'air diuersemēt, & en diuers lieux, il est besoīn de dire premieremēt leur diuersē situation & dispositiō qui cause telles choses. Et pour tant vous deuez sçauoir, que cest element de l'air qui circuit la rondeur de leau & de la terre, & s'estend iusques à la sphere, ou element du feu (cōme nous disions l'autre iour en ce mesme lieu) n'est en tout disposē & qualifiē d'vne mesme maniere en haut, en bas, & en son milieu, & pourtant nous le conceuons diuisē en trois regions ou parts desquelles la plus haute est tousiours fort chaude, tant pour son mouuemēt, lequel en ce lieu est plus grād, pource qu'il est plus proche du mouuement du ciel que pour le voisinage du feu, lequel l'enflāme: & la partie plus basse d'iceluy, & plus proche de la terre est (mesmement) chaude, à l'occasion de la reflexiō des rayons du Soleil, qui resschiffent de la terre, & par les ja dites vapeurs, & exhalations chaudes qui sortent d'icelle: & l'autre partie de l'air qui est entre ces deux, est notablement tousiours froide, parce qu'elle est elloignee de la chaleur du feu: & qu'a icelle n'atteint la reflexiō des rayons du Soleil, & ne se meūt tant que la plus haute, & la froidure de ceste region du milieu, se fortifie & renforce d'auantage, pour estre circuite de la chaleur de deux autres regions, haute & basse: ce que les philosophes nomment Antiperistase, qui n'est autre chose que la contrariētē & compression que fait vne qualitt cōtraire à vne autre, l'environnant de toutes parts, ne la laissant estendre ne sortir. Ce qui fait que la vertu & force de ceste qualitt ainsi enclose se rēd plus forte, & de plus grande efficace, se resserrant & vnissant, cōme nous en voyons l'expēriēce en nous mesmes, pource qu'en Hyuer nous auons plus de chaleur & force en l'estomac: car quand la chaleur naturelle est environnée & resserrée du froid, elle se restreint & fortifie

d'auan



d'avantage : & au contraire en L'Esté : pource qu'elle ne trouue resistance, se relasche & diuertit : ce que mesme aduient au feu, & beaucoup d'autres choses: & pour cela encore, ceste regio du milieu est plus froide & anguste en Esté, pource qu'elle est restreinte de la chaleur de la basse, laquelle alors est plus grande, que la force des rayons du Soleil. S i l. J'ay autrefois ouy deuiser de ce que vous auez dit de l'air, cōbien que ce n'ait esté si distinctement, cōme maintenāt: iusques icy j'ay bien tout entendu, passons plus outre. M e l. Je l'entens aussi, & à ceste heure ie voy, que ce cōuiēt avec la raison naturelle, qu'on dit que si vne cité est bastie en mōtagne, ou bien en vn lieu haut, elle est plus froide qu'une autre qui sera en lieu bas, encore q toutes deux soyēt en vne mesme situation & climat. Pourtant de ce que vous auez dit, on peut comprendre, que le haut touche la regio du milieu, & participe du froid d'icelle, & ne participe tant de la chaleur de la basse, de laquelle l'autre iouyt. E l o. Vous dites bien & pout ceste mesme raison se conserue tāt la neige sur les hautes montagnes, qu'elle dure toute l'annee : & en la pleine & lieu bas, elle se font incontinēt. Or puis que vous entendez cecy, venōs maintenant à ce q vous auez demādē, & traitōs premieremēt des choses qui s'engendrēt de l'humide vapeur, qui sont les nues, l'eau, la pluye, la bruine, la rosee, les foudres, & les gresles: & venāt à cecy, ie dis, que les vapeurs humides, chaudes, qui mōtent & se leuent au dessus de la terre (quand la chaleur est suffisante pour ce faire) montant iusqu'a la moyēne region de l'air, que j'ay dit estre froide, ou avec la force de l'air froid, lequel naturellement estreint, elles s'epessissent, & engrossissent tāt qu'il se fait ce q nous appellōs nues: lesquelles sōt plus grandes ou moindres selon la quantité des vapeurs: & apres q les nues sont ainsi faites, l'air les meut d'un costē en vn autre, iusques a tant qu'avec la force des rayons du Soleil, estreintes cōme vne espōge, & abandonnees de la chaleur qui les a portees la haut, toute leur humiditē se convertit en eau, laquelle avec sa pesanteur retourne enbas & fait la pluye. Ce que pourra facilement entrēdre qui voudra cōsiderer les vapeurs d'un alēbic, cōme elles mōtēt avec la force du feu, & retourntēt en bas sortās dehors



par le canon de l'alembic. Donc de ceste eau qui ainsi pleut, a accoustumé de s'engendrer la gresle, quand le froid de l'air est tant grand, qu'il est suffisant pour congeler les gouttes, autant qu'elles descendent: lesquelles se font rondes pource que ceste forme est plus disposée & aspre à résister à l'air, par lequel elles passent: & encore pour ce que l'element de l'eau naturellement s'encline & appete ceste forme Et quant à la neige, de laquelle encore vous voulez scauoir, ie dis qu'elle se fait de ces mesmes nuës, en lieux fort hauts & fort froids, là où la froidure de l'air est tant grande, que les nuës se congelent auant qu'elles soyent conuerties en eau, & ainsi congelees, la pesanteur les tire à terre, en pieces, en mesme forme qu'elle estoit dedans les nuës Et cecy, cōme desia i'ay dit, aduient aux lieux hauts & froids, & non aux chauds, pource qu'en iceux la chaleur de la premiere region est suffisante pour fondre la neige, deuant qu'elle arriue en terre, encore que aucunesfois elle s'engendre bien aussi en la secōde. S i l. Cōmbiē que ie vous interrōpe le parler, craignāt de l'oublier, ie vous prie seigneur Florio, ditz moy premier que passer outre, ce que maintenant ie vous veux demander de la playe, c'est, quelle peut estre la cause qu'en Esté cōmunement ne pleut: veu qu'en ce temps il n'y a faulte de la force du Soleil, pour tirer à soy les vapeurs humides qu'auetz dit, & mesme que la region de l'air est plus froide alors qu'en Hyuer, pour congeler les nuës & engendrer l'eau? F l o. Ie le vous diray volōtiers, Scachez donc qu'a cause que le Soleil en Esté frappe plus droit avec ses rayons, s'apochāt de nous, & dure plus de tēps icy, pour cela il opere, & eschauffe d'auātage: & la regiō de l'air inferieure & basse, en est beaucoup plus chaude: en sorte que luy mesme cōsume en icelle toutes les vapeurs qu'il a tirees à soy, lesquelles ne peuuent monter ni paruenir iusques à la moyēne regiō, pource que deuant qu'y arriuer elles se conuertissent en exhalations, & sont dissipées, iusques à ce que le temps estant d'auantage reffreschy, le Soleil est suffisant pour les attirer à soy, & non pour les consumer: & apres qu'elles sont conuerties en eau, elles tombent derechef: ce que la terre & l'eau reçoient, pour le luy rendre vne autrefois: & en ceste maniere, donnant



donnant & receuant, s'entretiēt cest ordre merueilleux, que Dieu a mis en toutes les choses. **SIL.** Ceste raisō me plaist, quand à ce qui touche la pluye: venōs maintenant à la gelee blanche, & à la rosee, qui souuentefois profitēt beaucoup aux bleds. Et encore que ie vueille entendre dōt procedēt la broüee ou brouillas, si ne le voudrois ie iamais voir, pource qu'il est trop dōmageable en ce pays. **FLOR.** La rosee se fait quand la vapeur humide, que le Soleil du iour tire à soy, est petite & subtile, & n'y a chaleur qui füssile à la tirer, iusques à ladite region du milieu, ny n'a le Soleil force pour la consumer: & venant la nuit avec la froidure d'icelle, se cōuertit en eau. en ceste premiere region, & se fait & engendre la rosee, qu'ordinaiement nous voyons en temps temperē. Ce que mesme aduiēt quād il est Hyuer, & la froidure de la nuit est tāt grande, qu'elle a force d'englacer lesdites vapeurs, & les cōgeler, les conuertissant en gelee blāche, que les Latins appellent bruine: & pourtant nous vōyos ceste gelee blāche aduenir au tēps froid, & la rosee au chaud: & l'vne & l'autre se font aux iours que l'air n'est point agité, en sorte qu'il les puisse leuer en haut. Et le brouillas, lequel vous voyez, s'engendre quād ceste mesme vapeur est encore plus subtile, & avec si peu d'humidité, qu'elle n'est suffisante pour se conuertir en eau, qui puisse tomber en bas, comme la rosee: & est de chaleur si debile, qu'elle ne peut arriuer ny monter au lieu plus haut, & ainsi nous la voyōs pres de la terre, cōme fumee, & de nous est appelée brouillas, lequel souuentefois est consumē, & dissipē du Soleil. En sorte que vous voyez maintenant comme de toutes ces choses la matiere est vne mesme, exceptē que selō la quantité, la disposition du lieu, & du tēps, elle se tounne en diuerse maniere. & engendre de diuerfes choses, cōme il a esté dit. Et respōdant au reste de ce que demandez, ie dis que le tōnerre, les esclairs, & les foudres encore, s'engendrent en la mesme region, en la maniere qui s'ensuit. Desia ie vous ay dit, que de deux fumees & vapeurs qui montent de la terre, & s'esleuent en haut; ce qui est sec & chaud, s'appelle exhalation. Or sçachez que ceste exhalation par sa seicheresse, & plus grande chaleur avec force & vitesse va en haut, & peut aucunesfoi

impetuo-



impetuosité trauerser la region secôde, & froide de l'air, & arriuer iusques à la tierce chaude & plus haute, où se font les Cometes, en la maniere que ie vous diray puis apres. Mais le plus souuent aduient qu'en la premiere region, ceste exhalation trouue aucunes nuës, qui ont esté engendrees, comme nous auons dit, de vapeur humide, lesquelles sont arriuees deuât, ou avec ladite exhalation: dont celle empeschée, & enuironnée de la nuë ia froide & humide, se ramasse & referre, iusqu'à ce que le chaud estant fort estreint du froid, par cest effet que nous auons appellé Antiperistase, pource que nostre langue vulgaire n'a mot qui le signifie, s'efforce & eschaufe d'auantage, & naturellemēt va cherchāt par où il puisse sortir, & en fin rōpt: & brise la nuë: & de ce rompement, non autrement que du brisement d'un parchemin, & parce que le chaud passe par l'humide, se cause vn certain son, que proprement est ce que nous nommons Tonnerre, semblable à celui qui se cause d'un fer chaud qu'on met en l'eau, ou comme nous voyons souuent aux choses humides, qui enferment en soy quelque vent ou air chaud, cōme vous pouuez auoir fait experience au gland, ou au marron, le iettāt au feu entier sans la rōpre, lequel se creue avec vn certain rōnere: & ceste exhalation, laquelle de telle maniere sort ardante, par la collision ou rupture de la nuë, (cōme vne pierre à feu batuë avec le fusil, s'enflāme) cause la lumiere ou splendeur, que nous appellons Esclair. Et saillant en ceste maniere impetueusement dehors, aucunes fois en bas, vne autrefois de costé, & autre en haut rōpant la partie de la nuë, qui est la plus debile, vient à sortir avec telle violence, & force si grande, que toute chose qu'elle trouue, quelque forte & dure qu'elle soit, elle la rōpt & deffait: & est tant subtile, qu'elle peut penetrer les vestemens de l'hōme sans aucun dōmage. luy brisant les os, qui est ce que nous appellōs foudre. De maniere que toutes ces trois choses se causent ensemble en vn temps, c'est à dire, la foudre, qui est ce qui sort: l'esclair qui est la splendeur qui engēdre la lumiere: & le tonnerre, le son que nous oyons. Cōbien que ce mot esclair proprement aucuns veulent que ce soit quād l'exhalation ne sort de hors, & ne vient vers la terre, mais se rompt vers l'autre costé



costé que i'ay dit: ou quand sa matiere & substance est si petite, qu'en ce rompemēt (& inflammation) elle s'est du tout consumée, & n'a apporté autre dommage ny effect. M F L. Encore veux ie faire quelques questions, cōme le Seigneur Siluio: dictes moy ie vous prie, si toutes ces choses que vous dites se causent en vn mesme temps, pourquoy on voit l'esclair premier qu'on oye le tōnerre. F L O. Cela vient de ce que le sens de la veuë est plus grand & prompt que tous les autres, comme nous experimentons tous les iours: pource que si nous voyons couper vn arbre, ou vn bois de loin, nous voyons donner le coup, & n'entendons le son d'iceluy, iusques à tant que celuy qui le donne hausse le bras pour en donner vn autre. Ce que dōne à entendre Aristote en la vogue d'vne galere: pource que nous voyons entrer les rames dedās l'eau, & n'entendons le son, iusques à ce qu'elles soyēt haussées, pour les remettre derechef. M F L. Vous dictes vray & i'ay cōsidéré cecy quelquefois: mais dictes moy, est il certain ce qu'aucuns afferment, & ce que i'ay leu, qu'vn chapeau de Laurier mis sur la teste a vertu de deffendre de la foudre. F L O. C'est vne chose que ie n'oserois asseurer: mais Plin au liu. 13. chap. 30. & autres autheurs le dient, pource que le Laurier iamais ne fut touché de la foudre, & on dit qu'vn Empereur, quand il tonnoit, se couronnoit la teste des branches: mais plus veritable est ce que les autres ont escrit, c'est que celuy, lequel se mettra dessous terre quand il tonne, sera asseuré de la foudre, pource que iamais ne s'est trouué, que la foudre ait penetré plus de cinq pieds dedans la terre. Encore d'autres afferment que la foudre ne peut frapper celuy, lequel se vest de peau de loup marin, & que pour cela se faisoient d'icelles les tentes & pauillons des Capitaines & Empereurs Romains. M F L. Je voudrois plustost me fier à ce que vous dites des caues & lieux sous terre, qu'à ces peaux: au moins si ce qu'on dit est veritable, qu'avec la foudre tōbēt des pierres, lesquelles on m'a monstrees quelquefois, affermant que s'en estoient. F L O. Vous dites bien, & quāt aux pierres il aduiēt aucunes fois. Ce que cōfesse Aristote au liure troisieme des Meteores: & dit que comme en la terre se produit & engēdre des pierres & metaux, de la meslange  
des



des exhalations & vapeurs humides: ainsi, & non autrement, du serrement de l'exhalation de la nuë humide, & froide, s'elle dure trop, se congelent, & font ces pierres, lesquelles souuentefois tombent avec la foudre Et pource que nous ne mettrions iamais fin à cecy, venons aux Cometes, & tremblement de la terre. Quât à ces Cometes, ie vous ay dit comme elles se font de l'exhalation ou fumee chaude, qui monte de la terre en la tierce & plus haute region de l'air: maintenant oyez comment, pource que veritablement c'est chose digne de consideration. Sçachez donc, que par la force des rayons du Soleil, & par l'influence d'aucunes malignes planettes & estoilles, montent de la terre cesdites exhalations, mesmemēt en l'Automne, à cause de la grande seicheresse, qui alors y est: & icelles ne sont si communes cōme les autres impressions: mais sont certaines fumees visqueuses, grosses, chaudes, & fort onctueuses, qui par la mesme influence, & par leur chaleur, montent iusques à ceste haute region, se resserant, & se faisant chemin: là où estant arriuees, desia cōuertries envn corps, avec le mouuement de l'air chaud, & aussi à raison du voisinage de l'element du feu, s'enflamme, & se fait ce que nous appellōs Comete, rendant vne certaine splendeur comme vne estoille, ainsi que nous voyons tout le tēps qu'elle dure, par la distace & hauteur se qu'elle a de la terre: & pource qu'elle se meut avec le mouuement du Ciel (car aussi ceste region de l'air à son mouuement, cōme i'ay desia dit) & la cause pourquoy elle dure tant de iours ardēte, est pource que la matiere est visqueuse & onctueuse, cōme vne petite lumiere dedans l'huile d'vne lāpe: & encore, pource qu'elle tire à soy des autres exhalations & fumees, lesquelles apres montēt de la terre, & d'icelles se nourrit. Ces Cometes sont de diuerses façons, c'est à dire aucunes courues, les autres avec les cheueux, qui est là raison pourquoy elles furent nommees Cometes, de Komi, parole Grecque, qui s'interprete cheuelure, ou cheueux: & pourrāt la Comete est appellee des Latins, estoille cheuelue, cōbiē qu'elle ait d'autres nōs selon la forme & couleur, dōt ie ne veux maintenāt parler, pource que cela succede selon la disposition & situation de la matiere, ou exhalatiō: c'est qu'estāt plus gros &



espais le dedans que le dehors, ou parce qu'elle n'est également enflammée de toutes parts, ou qu'elle est longue & non bien ronde, & d'autres formées semblables. Et de là ont origine les diuers nōs que Plinē & Aristote luy donnent: mais communement toutes sont nommées Comètes, & n'est besoin que nous nous amusions à chose de si peu d'importance. Les Astrologues traictent cecy à suffisance, attribuant leurs diuerses formes & façons, à diuerses planètes, par l'influence desquelles elles sont engendrées: disans qu'aucunes d'icelles sont causées de Jupiter, & quelques autres de Mars, & d'autres ainsi, selon le nom des autres planètes, & leur donnent diuers noms, comme Rose, Lance, Olara, & Matutina: & les autres dictent ce que chacune d'icelles pronostique, ce que ie laisse à dire, craignant d'estre prolixes: celui qui voudra voir cecy pleinement, lise Ptolomée, Albumasar, Leopoldé, & Guy Bonat. Les Comètes, comme j'ay desjà dit cy dessus, ont tant de similitude avec les estoilles, en l'apparence, que plusieurs trôpez par là veüe, ont creu le mesmes, que vostre villageois: c'est, que veritablement fussent estoilles, lesquelles fussent assises en quelqu'un des cieux: mais nous auons démontré combien ils se sont trompez, & est faulse leur opinion, avec l'autorité d'Aristote & des meilleurs Philosophes. M. L. Certainement, seigneur Florio, vous auez déclaré cecy fort bien, & croy que ceux se trompent de beaucoup, qui pensent que les Comètes soyent estoilles: mais ie voudrois sçauoir si quelqu'un ne vouloit croire cecy, comme vous luy pourriez prouuer, puis que nous les voyons ordinairement se mouuoir au ciel, comme des estoilles, & que l'air ne les iette ny haut, ny bas, ny en un costé ny en l'autre. F. L. O. En ces choses obscures l'autorité des sages deuroit biē suffire pour ceux qui l'entendent: mais outre ce il y a de suffisans argumens, lesquels conueinquent l'erreur de ceux principalement qui croient, que les Comètes soyent estoilles. Premièrement elles ne peuuent estre aucunes des planètes, pource qu'elles apparoiſsent le plus souuent hors du Zodiaque, & les planètes iamaïs ne passent les limites d'iceluy: & moins peuuent estre estoilles fixes, veu qu'elles ne sont fermes en un lieu comme estoilles: mais  
ont



ont diuers mouuemens, & changent de place, en sorte qu'elles ne sont ne l'une ne l'autre, & pourcâ ce ne sont estoilles: & encore cecy se void clairement, pource qu'elles ne durent en vne mesme grandeur & splendeur, & n'a leur mouuemēt reigle ny ordre, & n'apparoissent à certain & ordonné temps, comme les autres estoilles: mais plustost nous voyons l'opposite, pour autant qu'elles se consomment & finissent en bref temps: Il y a beaucoup d'autres differences, & dissimilitudes, par lesquelles lon peut conclure, que ce ne sont estoilles, mais bien ce que nous auons dit. Et quand à leur mouuement, il prouient à cause que la part & région de l'air, en laquelle elles apparoissent, se meut aussi, & elles quâd & quand, & aucunes fois se meuuent selon le succez des signes, par l'influence de la planete, qui meut & enflamme ceste exhalation, de laquelle la Comete est engendree. *SIL.* Il n'est besoin d'employer plus de temps à cecy, car nous croyons & entendons tout ce qu'en auez dit: mais dites moy ie vous prie, est il vray ce que communement on afferme, que les Cometes tousiours signifient & annoncent mort de Princes, ou pestilences, ou guerre ou famine, ou autres infortunes & malheurs? *IL.* Je ne veux respondre à cela comme Astrologue, combien que me tenez pour tel, pource que vous ne me croirez point, moins voudrois-je que vous me crussiez: neantmoins Ptolomee & autres hauteurs, que j'ay nommez, escriuant ce que chacune d'icelles Cometes signifient, lesquelles ils dient qu'aucunes pronostiquent guerre, autres pestilences, & ainsi d'autres effets selon les formes, les couleurs, & leurs lieux, & pourtant leur donnent les noms que nous auons dit: & quand lon verra aucunes de ces choses, nous traitterons de cecy à suffisance si vous me payez bien. Mais parlons maintenant par autorité, & histoire, & par experience, & encore par philosophie naturelle: le dis melleigneurs, qu'il est vray que tous sont d'opinion, que tousiours les Cometes loyent signes de quelque grand effet & infortune, & comme dit bië Virgile, *Nunquam caelo spectatum impuro cometam:* & Lucian, *Mutant regna cometam:* & se trouue tant d'autoritez, & exēples des Cometes, qui sont apparues, & ont pronostiquē



que la mort des Roys & Empereurs: & autres guerres & calamitez qui sont apres aduenues, que iamais ie ne pour rois acheuer d'en conter. Pline, Suetone & Seneque, en mettent aucunes, & toutes les histoires en sont pleines, & nous en auons veu aucunes de nos propres yeux, apres lesquelles sont ensuyuis les effets desia dits, principalement mort de Princes: desquelles choses encore qu'aucuns rendēt la raison, ie tiens qu'elles sont enuoyees immediatement de Dieu, pour annoncer, & auertir le chastiment & végeance que sa diuine iustice veut faire, afin que les hommes se chastient de leurs pechez. M. L. C'est à mon iugement la meilleure raison, pource que par Philosophie ie ne sçay quelle cause naturelle on en pourroit donner. FLO. Aucuns en donnent veritablement, qui ne sont esloignees de la verité, pource que quand à ce que les Cometes pronostiquent seicheresse, & famine, ils dient que la cause est, qu'elles sont engendrees de la fumee & exhalation chaude. Ce qui est argument que la terre, de laquelle elle a esté esleuee, demeure fort enflâmee & seiche: & icelle fumee se respondāt par l'air pource qu'elle est de mauuaise qualité, l'infecte & desseiche, dont se causent les seicheresses, & famines, Et encore elle altere les humeurs & pour cela s'en ensuyuent les maladies: pource que la viciueuse & mauuaise qualité & température de l'air engendre toutes ces choses, par la grande force qu'il à d'alterer & mouuoir les corps humains: lesquelles impressions aux corps & humeurs meuent & inclinent aussi les esprits à passions & querelles. Et pource que les hommes resistent peu à ces passions, & inclinations naturelles, s'ensuit de cecy la guerre, & les mutations des regnes que les sages dient estre pronostiquees par les Cometes. S. L. Cecy me contente, quant à ce qui touche la seicheresse & famine, & encore quant aux maladies & guerres: mais au reste, quant à la mort des Princes, ie ne sçay pourquoy elles les touchent plustost que les autres: ie vous prie dites m'en la cause. FLO. En cecy j'aurois l'opiniō, que desia ie vous ay dit: c'est que ce soyēt particuliers aduertissemēs de Dieu, mais pourtant ce qu'en dient les sages est, parce que les Princes sont plus delicats, & de nature plus passible, que les autres, tant pour



pour les viandes desquelles ils vsent, que pour les delices & delicatesses, avec lesquelles ils ont esté nourris, & viennent, & pour cela s'alterent des premiers, & en iceux se fait plus prompte & notable impressiō de l'air, & de l'influence: ce que mesme aduient aux enfans, & à ceux qui sont ainsi delicats. Telles raisons, & autres, sont coustumierement amenees comme naturelles, vaille cecy ce que lon voudra, car ie ne suis obligé à dauantage, que de declarer comme se font ces choses, & dont elles procedent: & non à dire ce qu'elles signifient, & de cela me reste peu. MEL. Ces raisons ne sont pas mauuaises, & quant au principal, vous l'avez assez bien dit: mais vous vous estes oublié de dire, qu'elles Cometes sont celles qui semblent estoilles, qui courent & disparoissent, dites le ie vous prie; car encore le vous auois ie demandé. ELO. Ie ne l'ay point oublié, car en fin ie le vous voulois dire, comme chose de peu d'importance, veu que cecy se cause au haut de la premiere region de l'air d'une seiche & subtile exhalation, laquelle avec sa chaleur & l'air va d'un costé en autre, iusques à tant qu'avec le mouuement elle s'enflamme, avec tres grande vistesse bruste tout du lōg, & semble que ce soit une estoille qui court, & est le feu qui va la brulant, tout ainsi cōme qui verroit de loin bruster de la poudre en long espandue par terre, il luy sembleroit que le feu cheminast: c'est ce que dit vostre villageois, que ce sont estoille qui courent par le ciel. Et pource que tantost ie suis las, & est heure que nous entrons en la ville, ie veux dire en deux paroles dont procede le tremblement de la terre, laissant à part le nombre & diuersité d'opinions des philosophes que Plinne, Seneque, Aristote, & autres tiennent touchant cecy. Sachez doncques que ce tremblement se cause de certaines exhalations, & vêts gros, qui par la vertu & force du Soleil s'engendrent dedans les cauernes & concaitez de la terre, lesquelles quand elles sont en grande abondance, & qu'elles n'ont aucune sortie, pour certains empeschemens: principalement la terre estant par humidité ferree & retrainée, ou pource que lesdites exhalations qui par leur grosseur ne peuuent sortir dehors naturellement s'efforcēt de chercher lieu pour pouoir sortir, avec



si grande impetuosité, quelles font mouvoir & trébler grande partie de la terre, & aucunes fois, auant le tremblement, l'on oit certains sons en maniere de tonnerre, que cause l'air des cauernes de la terre, cherchant, comme nous auons desia dit, par où il puisse sortir. Et celuy qui aura enduré tous ces tremblemens, & indisposition que causent les ventositez au corps humain, combien qu'elles soyent en petite quantité & subriles, quand elles suruenient au cœur, ou à quelque autre membre d'iceluy, ne s'esbahira de sentir, que l'air & le vent face cecy en la terre. Ces tremblemens de terre, le plus souuēt aduenent aux lieux maritimes, & aux terres hautes & cauernueuses: & avec cecy ie conclus, touchant ce qui m'a esté demandé: & si ie ne l'ay sçeu declarer comme il est conuenable, pour le moins ie m'en ay bien sçeu en brief depescher. Pourtant allons nous en, car maintenant il est temps & s'il vous semble bon, entrons par ceste porte de Ceres, & nous irons en la place. **SIL.** Certainement vous auez tant bien declaré cecy, & de telle sorte que ie l'ay bien peu entendre: & vostre courtoisie m'a en telle sorte obligé, que ie ne vous ose importuner dauantage, bien que j'auois aucunes autres choses à vous demander, qui ne sont de moindre importance, ne moins plaisantes que les passées, c'est, dont vient la tormente de la mer, & pourquoy se mouuent les vents & les tourbillons, & en quelle maniere s'engendrent & se font les fontaines, & la naissance des fleues, qui courēt & font tout toujours sans auoir fin, & autres choses semblables: & si au commencement vous me l'eussiez demandée, i'eusse traité cela avec les autres choses, mais il est trop tard, & ne se peut: il vous plait, qu'il demeure pour un autre iour, & que ce suffise pour maintenant. Et puis que nous sommes desia dedans la ville, la ville de nous d'autre chose, car il ne manquera de matiere pour en parler. **FIN du troisieme Dialogue.** DIA





# DIALOGUE, LE BANQUET.

ENTRE PARLEURS,

Ignico, Ordogno.

*Au quatre sime Dialogue, premier du Banquet sont intro-  
duicts cinq Gentils. hommes, lesquels se rencontrant fortuite-  
ment, conuiennent de disuer l'endemain ensemble, en la maison  
de l'un d'entreux, & inuitent aussi vn seauant Gentil hom-  
me, nommé le seigneur Velasque lequel fait vn discours sur  
les banquets, à scauoir s'ils doiuent estre permis ou non.*

IGNICO.



**A**TENDEZ moy vn petit, ie vous prie  
seigneur Roderic, puis que vous & moy.  
comme l'estime, ne tenons qu'un mesme  
chemin. Ro. Si vous allez à la grãde Egli-  
se, vous dites vray. IEN. C'est pourquoy  
ie le dy: car ie m'en allois droit à l'Eglise. Ro. Al-  
lons doncques, parce que ie suis si accoustumé de tenir  
ce chemin, que certainement aux iours ouuriers ie ne  
sçay point aller ouir Messe ailleurs: & aux festes, ie ne  
laisse d'aller faire mes prieres à la grande Eglise, apres  
auoir ouy Messe, en ma parroisse. IEN. Je ne puis croi-  
re que vous y ventez par deuotion, ains plustost, pour  
chercher compagnie, laquelle n'y deffaut iamais, &  
mesmes de fort sortable, & gaieuse. Ro. Vous di-  
rez tout ce qu'il vous plaira: mais ie vous puis bien

T 4



\* La mai  
s de Dieu  
toute fois,  
n'est faite  
pour y  
traicter &  
parler des  
affaires  
mondains.

asseurer que quand ie m'y achemine apres auoir ouy  
Messe, il n'y à iamais faite de bonne compagnie, pour  
deuiler, & entendre des nouuelles de toutes parts, s'il  
s'en presente. D'auantage ceux qui manient des affaires,  
trouuent assez de personnes pour negotier. Tellement  
qu'il semble que chascun soit tenu d'y faire vn tour vne  
fois le iour, tant pource qui concerne l'honneur de Dieu,  
\* que pour ne sçauoir des affaires du monde. **REN.** Vous  
auez raison Et veritablemēt entre vous autres seigneurs  
de Seuille, vous pouuez vanter à bon droit d'auoir vn  
temple en vostre ville, qui surpasse en grandeur, hauteur  
& beauté, tous les autres du monde, d'autant que ie ne  
trouue point que de toutes les plus belles Eglises que  
i'aye peu voir en la Chrestienté, il y en aye qu'on puisse  
parangonner à la vostre, soit en grandeur, soit en beauté:  
ores que possible il s'e pourroit trouuer que l'une qui la  
surpasse en richesses & en precieux ornemens. **ROD.** Cer-  
tainement ie suis de ceste aduis: Et nous ne sçauons par  
trop louer nos ancestres, qui ont eu long temps y à le  
courage & le moyen d'ordonner & bastir vn temple si  
excellent & magnifique, tel que le nostre & encores aussi  
ceux là qui apres eux ont poursuiuis & paracheué vne  
si rare fabrique. Et si vous eussiez veu vne tres-belle par-  
tie de la muraille, qui tomba par terre, vous auriez beau-  
coup plus d'occasio de le louer dauantage: pource qu'ou-  
tre le merueilleux ouurage & artifice d'iceluy, il egaloit  
en hauteur, les cloches de son clocher. **REN.** Je l'ay ainsi  
entendu, & pour certain i'ay opinion que ce ait esté au-  
tresfois vne œuvre admirable: & me semble, que crai-  
gnans qu'un semblable inconuenient ne vous aduiene,  
vous n'ayez plus osé depuis bastir si hault. Mais neant-  
moins la fabrique de maintenant est si haulte, que celuy  
qui n'a veu la premiere, n'y trouue rien à redire. **ROD.**  
Descendons de ça vers ceste porte, & cependant nos ser-  
uiteurs meneront nos monteures à l'endroit du clocher,  
où est nostre chemin ordinaire. **REN.** L'en suis content.  
Ho voicy vn bon rencontre? le voy venir ensemble les  
Sieurs Beltramo & Ordugno, faisons premierement icy  
nostre priere puis nous les irons trouuer. Car ie m'as-  
seure que nous aurons le loisir & du plaisir à discourir en-  
sem-



ensemble. ROD. Ne vaut il pas mieux d'ouyr premierement Messe. IGN. Non parce qu'ils s'en pourroyent aller cependant: & si nous estions trop tardifs à ouir la Messe des paresseux, qui se dit la dernière, ne nous peut point faillir. ROD. Vous dites bien, sus donc, faites vostre oraison courte, à fin qu'elle ne nous incommode plus que la Messe mesme. IGN. Que faites vous de bon, Messieurs. BEL. Nous parlions de vous maintenant. ROD. S'il estoit vray que vous parlassiez de nous à celle heure, les oreilles nous eussent corné. BEL. Ne donnons point, ie vous prie, commencement à nos discours par tels cornemens d'oreilles. Mais ie vous aduise bien, que vous estes demain semonds à dîner de la part du Seigneur Dom Bermudes, qui est assis de là, & le Seigneur Ordogno & moy nous y deuons trouuer: à la charge toutesfois de vous y mener avecques nous. ROD. L'en suis content d'autant que le repas & la compagnie ne peut estre que tres-bonne. Et puis que suiuant le Prouerbe, vn conuié en peut mener vn autre, ie semons aussi le Seigneur Ignico, qui est icy present. ROD. Vous sçauiez assez que celle coustume estoit anciennement obseruee aux banquets qui se faisoient à Rome, que ceux qui estoient inuitez, pouuoient amener avec eux vn amy ou compagnon, qu'ils nommoient ombre, & ce nous seroit à tous vne grande courtoisie, si le Seigneur Ignique nous vouloit aussi faire cest honneur. IGN. Quand bien vous ne me conuieriez point, ie ne laisseroy pourtant d'y aller: mais voicy venir celuy qui nous doit banqueter. Oyons ce qu'il voudra dire. Ie vous sçay bon gré, Seigneur Dom Bermudes, de vostre banquet, ores que vous ayez mis en oubly vos seruiteurs. Mais ie ne laisseray pourtant d'aller dîner chez vous. B. RM. Vous me ferez vn singulier plaisir: & nous vous oyrons disputer ensemble vous, & le Seigneur Beltramo touchant vos discours Philosophiques de l'anti-querié: & le Seigneur Ordogno, Gentil homme, qui se plaist aussi aux lettres, sera de la partie. Et puis, celuy qui se conue soy mesme, est aisé, comme on dit communement, à contenter. ORD. Ains il me semble tout le contraire, parce qu'il est vray séblable, que celuy qui presu-



me de se conuier soy mesme, n'est point desgarny d'appetit : mais sçachez que nous auons desia semond le Seigneur Ignico, & partant n'ayez point peur de luy. **BERM.** Je n'ay crainte d'autre chose fors qu'il se vaille le mocquer de nous, & qu'il ne s'y daigne trouuer, d'autant qu'il va mal volontiers aux festins d'autrui. **IGN.** Je ne crains autre chose, sinon que quand on est à vos tables, vous voulez assommer les personnes, partant de sortes de viandes que rien plus. **BERM.** Vous vous trompez. Car on n'appreste gueres bien les viandes en ma maison : Toutesfois vous mangerez de ce qu'il y aura, puis que ie ne vous pourroy traicter comme vous meritez. **RÉD.** Vous ressemblerez tantost à vn lardinier mien amy, lequel me conuiant vn iour, ensemble Mademoiselle Catherine, pour nous venir esbarter en vn sien lardin, il taschoit de le nous persuader, disant, que nous y allassions comme tant que ce fust, parce qu'il nous feroit toutes les courtoisies du monde, voire plus que nous ne meritions. **IGN.** Certainement, Seigneur Roderic, ce villain auoit bonne grace. Toutesfois selon le dire du Gentil-homme du penache qui se pourmeine de la, il faisoit plus de tort à Mademoiselle Catherine, qu'à vous. **ROD.** Vous dietes vray, Seigneur Ignico, & l'estime que s'il m'eut conuie, tout seul, il ne se fust point mesconté en ce qu'il disoit, & possible qu'à la fin nous nous fussions trouuez parens. **BEL.** Soyez assuré que toutes les fois que vous direz que les oreilles vous conuoient, ou que vous murmureriez autrement, que ie vous prendray à party. Parlons donc ie vous prie d'autre chose & quant à maintenant, il me semble qu'aussi tost que le Seigneur Velasque se fera de parti de la compagnie du Gentil-homme avec lequel il se pourmeine, nous ferons bien de le prier de venir aussi demain dîner avecques nous. **ROD.** C'est tresbié dit, s'il luy plait nous faire ceste faueur, à ce que nos esprits soyent aussi repeus suffisamment comme nos corps ne peuuent faillir de l'estre. Et combien qu'il se pourmeine avecques ce sien amy, nous ne deuons faire difficulté de luy parler, & de le semondre par mesme moyen tous deux, ores que le Gentil-homme n'aye garde de nous prendre au mot, quand



quād bien le Seigneur Bermudes luy donneroit le meilleur de ses chevaux. **B. E. L.** Sur cela ie vous respondray, comme fit autrefois, dom lehan mon pere, à vne Dame tressaïde : laquelle luy disoit, que d'autant qu'elle desiroit grandement de le voir caresser sa femme, ma mere, il luy pleut faire de mesme enuers elle, en la recherchant d'amour comme si c'estoit madite mere, pour sçauoir s'il estoit bon maistre à mener l'amour. A quoy mon Pere fit telle response, sur ma foy, Madame, ie n'en feray rien, parce que ie craindroy, que vous me laississiez faire. **O. R. D.** Certes sa response estoit bien subite, c'est pourquoy craignant de mesme d'estre pris au mot, vous ne vous estes point hazardez. Mais ne craignés rien, parce que l'autre s'en est allé, & voicy le Seigneur Velasque qui s'en vient droit à nous. **BERM.** Allons nous en au deuant de luy. Je ne vous sçauoy dire, Seigneur Velasque qui de nous desireroit plus, que les propos que vous teniez avec ce Gentil homme qui vous vient de laisser prinssent fin, ou vous pour estre deliuré de luy, ou moy de ces Gentils hommes que voicy, pour deussier avecques vous. **B. E. L.** Dieu le sçache lequel seul range les desirs & affections, des hommes, d'autant que nous ne pouuons comprendre ny mesurer que les choses basses & corporellés, & en cela nous nous abusons le plus souuent. **O. R. D.** Il me semble que ie deuineray facilement sur quoy estoit fondé vostre discours. **V. E. L.** Je n'en doubte point, mais il n'est besoin d'en parler dauantage. **B. E. L.** Laissons ces propos là, Seigneur Velasque, ie vous prie, car ie veux estre plus presomptueux ce iourd'huy que les autres. Vous deuez sçauoir, que nous allons tous cinq dîner en la maison du Seigneur Bermudes, pourrant nous vous priions tous d'une voix, qu'il vous plaist aussi estre de la partie, parce que combien que la pluspart de nous soyent gens laïcs, & ne fassent autrement profession des lettres, il ne se traictera neantmoins rien qui ne soit plein de modestie. **V. E. L.** Certes ie n'en doubte point, attendu qu'il y aura vne si bonne & honorable compagnie. Mais ie vous laisse à penser, que peut estre vn homme d'Eglise parmy tant de gens laïcs, vœu que saint Hierolme n'ay



n'approuue point que les Ecclesiastiques frequentent les festins & banquets. D'ailleurs ils sont le plus souuent soupçonneux & subiets d'estre repris. *ORD.* On trouuera donc mauuais de conuier ses amis? Certainement ie ne scaurois dire pourquoy. *V. L.* Ne vous esbahissez point

*Comment.* de cela, Seigneur Ordogno, parce que Saint Gregoire, *Sur Job.* assure, qu'à peine se peut passer vn banquet sans plusieurs paroles superflues, ne qu'il y ait de l'exces & de *li. 1. C.* l'ordre: alleguant à ce propos l'autorité de Moyse en *S. Matth.* l'Exode, ou il est escrit, que le peuple s'asseit pour man- *chap. 32.* ger & boire, & se leua pour iouer & pecher. Nous lisons *Exode.* aussi en l'Ecclesiastique, qu'il vaut mieux aller à la mai- *chap. 37.* son de larmes, qu'au banquet, & non sans cause. At-

tendu qu'en la maison de pleurs, on y exerce les œuvres de misericorde: & au festin, on s'expose au hazard d'exccuter de mauuaises œuvres, d'autant, qu'à la verité, nous auons veu & leu beaucoup de mauuaises exemples auoir esté pratiquez aux banquets. Saint Hierosme escriuant sur Daniel, dit que la ville de Babilone fut prinse; cependant qu'on s'amusoit à banqueter & faire bonne chere. Nous scauons que le Roy Herodes ordonne que S. Iean Baptiste eut la teste tranchee se laissant transporter par la dissolution d'un festin, & par la dance & desbordement de la fille. Nous lisons pareillement infinis autres pechez & estranges accidens estre suruenus à plusieurs personages, à l'occasion desdits festins & conuiues, tels que l'on pourroit nommer les folies, ou plustost rages d'Alexandre le grand, & d'autres Princes & grand seigneurs. Et entre autres les fautes de Flaminius capitaine Romain, lequel en banquetant fit trancher la teste à vn certain homme, pour plaire & donner du plaisir à ses amours, qui auoyent dit la compagnie estât à table, n'auoir onques veu trancher la teste à aucun. Ce qui fut cause qu'iceluy Flaminius fut par apres degradé de la dignité de Senateur, & banny de Rome. Je pourroy mettre en auant plusieurs autres exemples sur ce fait, outre les precedens. Car qui est celuy qui en pourroit plus amener que moy? Cela fut caue que Pericles, ce grand capitaine, excellent orateur & sage citoyen, ne se voulut iamais trouuer aux festins,



ores qu'il fut souuēt inuité par de ses plus intimes amis: excepté qu'une seule fois aux nopces de Enriolemus d'où il se partit hastiuement, des le commencement du souper. Je ne dy point cecy, Messieurs, pour crainte que semblables desordres interuiennent en nostre banquet dont on prenne occasiō de le blasmer, ainsi que j'ay protesté au commencement: ains ie croy qu'en tout & par tout on y donneray bon ordre, conforme selon les loix conuiuales que les sages ont autrefois introduites & obseruees. Il me semble neantmoins qu'il n'y aura point grand excez, & que i'osteray toute occasion de murmure & scrupule, quand on verra vn Prestre se trouuer en festin, & se donner du bon temps. **BEL.** Ne pensez pas, Monsieur, de vous excuser par ce moyen. Parce qu'il n'y aura en nostre banquet chose digne de reprehension, & ne craignez que rien de tout ce que vous venez de dire y puisse interuenir: trop bien aux festins excessifs & desbordez, contre lesquels furent faictes les loix somptuaires des Romains, par lesquelles y auoit vn taux & certain prix establi pour la despençe des banquets. De ceste sorte furent les banquets pleins de tout luxe, de Caligula Empereur de Rome, que faisoit dissoudre & liquéfier dans du vinaigre de perles tres precieuses pour les manger, faisoit seruir de pains d'or, & mille autres telles folies. Je ne parleray point des excessiues prodigalitez de Cleopatre Royne d'Eygpte, pour traicter Marc Anthoine, laquelle dependit en vn seul repas. 250000. escus, comme afferment Pline & Suetone, parce qu'elle fit dissoudre dans du vinaigre, la plus belle & precieuse perle qui fut au monde pour seruir de viande, à sa table. Je pourroy adiouster les banquets de Vitellius l'Empereur, qui se fit seruir à table pour vne fois sept mille oiseaux, & deux mille poissons, accompagnez de mille autres dissolutions. Quant aux desbordemens de cest abominable Heliogabale, le Seigneur Dom Bermudes nous en faisoit le discours, extrait du liure des diuerses leçons. Ce sont donc tels banquets & autres semblables, qui sont reprehensibles, & que vous, Seigneur Bermudes, deuez euitier: d'autant qu'outre l'extreme prodigalité que s'y trouue, ils sont pleins d'infinis autres excez & dissol



& dissolutions. Mais ceux qui sont faicts par mesure, & entre gens sages & discrets, tels que les nôtres, ils sont non seulement loissibles & permis, ains ils meritent aussi d'estre louez, comme estans vtils & necessaires, d'autant que c'est le moyen d'entretenir la societé, & augmenter l'amitié entre les personnes. Iesus-Christ nostre Sauueur a purgé les honnestes banquets des taches qui les souloyent souiller, & par sa diuine presence les autorises en y faisant miracles. Le droit canon ne les reiette pas, pourueu qu'il n'y interuienne aucunes parolés sales, contentions, ny chose vituperables. Touchant ce que vous auez allegué de Saint Hierosime, il ne pretend point de blasmer les Prestres qui sont inuitez a de banquets moderez, mais trop bien les gés d'Eglise, qui sont souuent de banquets excessifs: la Sainte Escripture est pleine de plusieurs banquets bons & louables. Et pour ne parler des similitudes & paraboles posées par Iesus-Christ sur ce subiect, ne du festin que fit le bon père, apres auoir recouuré son enfant perdu: nous li-sons qu'Abraham fit vn solempnel festin au iour que son fils Isaac fut seuré & que Loth à conuié les Anges, & que les enfans se conuient ordinairement les vns les autres, ie pourroy sur ce propos deduire plusieurs autres exemples que i'obmets pour euitier prolixité. Ne laissez donc d'accepter nostre semence, & quand bien vous auriez mauuaise opinion de nos deportemens, vous vous y deuriiez plustost trouuer, afin de nous retenir par vostre presence, à ne tenir langage qui ne soit saint & honnestre. **VEL.** Veritablement ie pensoy auoir plustost affaire à de gens versez aux lettres humaines, qu'à de theologiens. Mais ie voy bien maintenant que i'auray fait meilleur rencontre que ie ne pensoy, & que vous me guiderez par vn droit chemin, ou n'y aura que toutes choses saintes selon le temps qui court. **IGN.** Tout beau, Seigneur. Velasque, Nous vous prouuerons bien sans auoir fait profession de la theologie, par de raisons vives & bons exemples, que les banquets ne sont à condamner, & qu'ils ont esté louez & recommandez par les plus sages. Mesmes Platō, au premier de ses liores des loix, les adouue estre vtils: comme fait aussi Ciceron, lequel



lequel donne l'origine du mot. *Cominium*, de la communauté de vie que nous deuons auoir ensemblement, comme le lien qui estraint & vnit la vie & l'amitié. D'auantage nous sçauons que les Romains, dont le gouvernement politique a esté estimé le plus excellent qui fut oncques faisoient iournellement plusieurs banquets semblables, tant à leurs triomphes, pompes pontificales, sacrifices, & funeraillies, que particulièrement en se traitâs les vns les autres, comme chose qu'ils trouuoyent estre loisible & vertueuse. Ciceron confessoit qu'il estoit bien aisé de se trouuer aux banquets en tēps & lieu, pour estre à requoy & iouir de la douce conuersation de ses amis & familiers. Plutarque parlant de Paul Emile grād personnage & valeureux Capitaine Romain recite q̄ luy estant quelquefois reprins à cause de ses magnifiques & somptueux banquets, fit responce, que de sçauoir bien dresser vne armee & bien ordonner vn banquet, cela dependoit d'vne mesme prudēce & couraige, à fin de se rendre en l'vn plus espoüventable aux ennemis, & en l'autre plus agreable aux amis. **Y E L.** Excusez moy, Seigneur Ignique, si pour vous releuer de peine, j'interropts vostre propos Parce qu'il n'est pas besoin de perdre plus tant de temps pour verifier que s'entre-banqueter est vne chose honneste & raisonnable, quād on se comporte comme il appartient à le croy & est veritable. Et ce que j'en ay dit & que ie pourroy alleguer, n'est que pour les excès & abus qui s'y commettent ordinairement, & d'autres dissolution que vous autres sçaez mieux que moy y estre le plus souuent commises. Partant ie feray fin à ce propos, & puis qu'il vous plait ainsi, ie suis content de m'y trouuer, à la charge que toutes bōnes coustumes & saintes y seront obseruees. **BAR.** Ce nous fera vne singuliere faueur, & premier que passer plus outre, Seigneur Beltramo, ie vous diray que ie ne sçay si ie dois croire, ce que vous auez dit du soupper de Cleopatre, qui cousta 250000 mil eleus ayāt fait dissoudre ceste excellente perle; non plus que de la plus grande prodigalité du banquet de Caligule; ne pouuant imaginer comment ny en quoy ils eussent peut tant despendre. **Y E L.** Il y a plusieurs choses elcrites en ceste sorte lesquel



lesquelles estant bien examinees & rapportees au niveau du temps qui court, semblent estre incroyables & presque impossibles. Mais qui considerera bien neantmoins l'antiquité & les histoires, elles ne sembleront si mal aisees, mesmement celle icy dont est question: attendu que tous les plus doctes & grands personnages l'asseurent ainsi, & la croient, & principalemēt le tres-çauēt Budee, amenant sur ce propos tant de coniectures, raisons & authoritez qu'on n'en doit nullement doubter, lesquelles ie pourroy desdire si le temps le permettoit. Consideriez que ces Empereurs, qui faisoient ceste desbordee despende, estoient souuerain Seigneur de tout ce que possèdent auourd'huy tous les Princes Chrestiens & infidelles, que nous pouuons cognoistre: A sçauoir de l'Europe, d'Asie & del'Affrique. Non comme de present, que chacun a la cour particuliere, & ses richesses separees: mais que le reuenu de tant de Prouinces s'assembloit, se portoit & se despensoit à Rome en diueres sortes, tant à boire & à manger, qu'à de festins & autres desordonnees prodigalitez. De maniere que nous ne pouuons doubter que leurs richesses & puissances ne fussent grandes. Et quand aux moyens & choses où ils dissipoyent leurs facultez & grands tribus, croyez, qu'il n'y auoit point faulx d'inuentions & subtilitez diaboliques, pour assouir les cupiditez des plus abâdonnez, dont nous en pouuons lire aucunes en certains liures, à sçauoir qu'ils enuoyoyent par tous les costez de monde, pour recouurer les plus rares, exquises & delicieuses viandes qu'on pourroit trouuer, à quelque prix & difficulté que ce fust & recherchoyent de toutes parts les plus experts en l'industrie de bien cuisiner, & en la cognoissâce de plus rares poissons, oiseaux, & autres animaux estranges & plus difficiles à recouurer: dont le plus souuent de leurs foyes & ceruelles de toutes sortes ils faisoient de menestres, potages, saulces, & autres allechemens de friandise & gourmandise, & quant aux perles, comme dessus à esté dict & autres pierrieres, ils les faisoient dissoudre pour encherir d'auantage & rendre plus precieux leurs mets, & seroices de table. Quant aux apprests & preparatifs qui se faisoient à ceste fin, iusques à dorer le bois, qui deuoit estre



mis au feu, & y employer du Cedre & autres bois precieuz & odoriferans pour brusler, & du bois de baulme au lieu de cire, chose tres riche & magnifique, practiquee par Heliogabale, les tables de marqueterie & vases de valeur inestimable, non seulement d'or & d'argent, enrichis de perles & pierres precieuses, ains aussi de porcelaine, Christal & de terre tres industrieusement ouuerte à fin qu'à cause de leur fragilité ils fussent de plus grande despence, qui seroit vne chose incroyable de racompter. Non lifons de Vitellius, qu'il fit vn four ou alambic de terre si grand, qu'on le nommoit le fossé, comme celuy qui sert à receuoir les eaux: car il estoit si grand, qu'on y despenfa bien 5000. escus tant pour le salaire des ouuriers, que pour l'excellence de l'ouurage. Et encorés, qui est plus estrange, on ne l'emplissoit que de langues de carpes, Paons & Faisans, de foyes de Lamproyes, & d'autres poissons delicieux, & de ceruelles plus exquises & rares, & d'oiseaux achetez au poix de l'or. Voila comment la dissolution s'estoit desbordée à toute extremité. Tellement que ce seroit vne grande obstination, de faire doute, de ce qui est arresté conformement par l'euident tesmoignage d'infinies histoires, dont ie ne reciteray pour le present que deux autoritez. La premiere est de Senecque auquel nous ne deuons faire difficulté d'adiouster pleine creance, tant pour auoir esté tesmoin oculaire, escriuant choses aduenües de son temps, qu'à raison de sa bonté & incomparable vertu, lequel parlant de l'Empereur Caligula vse de ces parolles. L'Empereur Caius Caligula qui semble auoir esté produit de nature, pour faire apparoir combien peut l'excessiue hauteur & extremité de tous vices, en la plus excessiue & supreme grandeur qui se peut imaginer, despendit en vn souper ou banquet 250000. escus. en quoy il se seruoit du ministère de plusieurs, pour chercher de routes parts les viandes, & pour les apprester. Et qui est vne chose d'autant plus sauage & bestiale, il trouua moyen apres y auoir beaucoup travaillé, de despendre en vn repas tout le reuenue de trois provinces. Voila ce que escript Senecque. L'autre hauteur est Iosephe historien tres-approuué & veritable, & encore qui n'estoit rié, cela qui ne fut notoi-



re de son temps: il dit dōc. Il y à huit mois que Vitellius ayant le gouvernement del' Empire, fut occis au milieu de la ville de Rome, auquel s'il eut vescu plus longuement, tout le reuenu de l'Empire n'eut esté suffisant pour fournir aux excessiues despēces de ses banquets & voluptez. En apres il dereste, en poursuivant son histoire, les dissolutions dudit Vitellius. Je pourroy produire plusieurs autres exemples de semblables hommes monstrueux, qui ne sont gueres differens de ceux-là, comme de Cornelius Tacitus, & de Pline, historiens renomméz & veritables. Mais ce que i'ay dit suffira, pour vous mōstrer que ie ne mets rien en auāt, qui ne soit de bō aloÿ, bien euidēt & approuuē. **V. L.** Ce que le Seigneur Beltramo allegue est veritable, & l'a prins des plus fideles historiens, & des plus gens de bien & de sçauoir, tant anciens q̄ modernes, n'en ont fait aucun doute. **B. R.** Je vous en croy, mais ce n'est point sans m'en dōner grāde merueille. Et ie louē Dieu, de ce que iaçoit que nos bâquets de maintenant, ne soyent exempts de dissolutions, ils n'approchent neantmoins aucunement de ces horribles extremitez. Or puis que ie m'en souuiens, me sçauriez vous dire qu'elles bonnes conditions sont requises à vn honnestē festin, à ce que ie les face demain obseruer au mien. **R. O. D.** Je ne souhaiteroy, & ne vous demande autre chose fors que nous puissions boire frais. **I. G. N.** N'ayez point de peur de cela. La coustume du temps qui court nous aduertira assez de ce faire, mais si vous le trouuez bon, ie vous declareray les conditions que les Philosophes requierēt deuoir estre en vn banquet. **O. R. D.** Je vous vouloy faire recit de ce que ie me souuiens auoir leu aux liures que François Patrice Siennois à faict touchant la republique, que ie lis quelquefois, & les entends selon ma portee, & non du tout si biē que ie desireroy, & parce que l'auteur est moderne, ie n'en veux dire autre chose. **I. G. N.** Marcus Varro surnommé tressage, & le plus docte de tous les Romains, est celuy qui nous à dōné de plus clairs & certains enseignemens sur cela, que tout autre, il disoit, comme tesmoigne Aulegelle, que quatre choses estoient necessaires en vn banquet accompli; que les conuiez soyent gens d'honneur & ver-

teux:



eux:& quand à ce point, ie diroy qu'il se rencontre bien en vostre banquet, si ie n'estoy du nombre. Que le lieu soit propre & commode: cela ne peut faillir en vne si bonne maison que la vostre. La troisieme chose, que le temps soit conuenable: sur quoy on pourroit demander, si le souper seroit meilleur, suiuant les anciens, ou bien, le disner. Mais cela n'importe pas beaucoup. Et finalement que le seruice soit propre, & les viandes bien aprestees, en quoy le Seigneur Bermudes fera plustost faute pour estre tres-excessif, que defectueux: de façon qu'en tout & par tout, ce que dessus se trouuera en nostre banquet. **VEL.** Vous dites bien, Seigneur Ignico, & ces conditions concernent principalement celuy qui traicte les autres, lesquelles, ie suis certain, n'y manqueront point. Mais ie croy, qu'on en ait oublié aucunes de celles qui appartiennent à ceux qui sont inuitez. **VEL.** C'est cela que ie vouloy dire, & me semble qu'elles sont contenues au mesme lieu, a sçauoir, que les conuiez, ne soyent grands parleurs, ny trop raci turnes. D'autant qu'on dit, qu'un grád langage siet mieux à vn qui presche en chaire & le taire à ceux qui sont couchez en vn liçt. Il est requis aussi, qu'il n'y ait point à table de discours trop grauces, ne touchant d'affaires ennuyeux, ains allaigres & faciles à demesler. A fin qu'en telle conuersation, y aye du plaisir meslé avec l'vtilité. Et en fin, que le banquet se ressemble plus d'une gayeté que d'une austerité. Ce que donna bien à entendre Isocrates, tres-excellent orateur: lequel estant prié en vn certain festin, de discourir sur quelque point de sa profession de Rhetorique, feit telle responce. Ce que ie sçay, & qui est de ma profession, ne peut commodement estre traicté en ce temps ny en ce lieu: & ignore les choses qui sont propres pour y estre traictees. **BER.** Ce que vous dites me plait bien, mais faisons ainsi que ie vous diray. Vous, le Seigneur Velasque, & les autres raisonnerez sur ce qui est profitable, & les Sieurs Roderiq & Ordogno, traiteront ce qui semblera plus propre pour donner plaisir, entrelassant leurs propos par fois de quelque histoire gaillarde, sonnette, & plaisanterie, combien que ce ne soit peu de cas de redire les bouffonneries, & les dits d'autrui, ou il y a du pla-



fir & quelque chose de gaillard, pourueu qu'ils soyent  
 traictez de bonne grace que les assistans les goustét bien.  
**ROD.** Vous dites fort bien, parquoy voyant que sou-  
 uent celuy qui tasche de faire quelque plaisant compte,  
 que ceux qui l'oyent ne comprennent pas bien, demeure  
 tout confus, ie ne me veux alstraindre à rien. **ORD.** Cer-  
 tainement i'en cognoy, qui ne scauent faire autre cho-  
 se, ne prononcer parole qui soit de leur creu, ains reci-  
 tent à tous propos les sentences, ou les plaisans com-  
 ptes & faceries de l'autrui. **ORD.** Ceux là, disoit don  
 Ioan de Figheroa, sont semblables aux grands cloux,  
 qui ne peuuent qu'entrer par le trou qui a esté fait par  
 vn foret. **VEL.** Il disoit vray: mais vous estes hors de  
 ce danger. Car vous tomberez plustost en l'extremité  
 d'estre trop sage, toutesfois parce que nous auons dit  
 qu'il faut que la hantise & frequentation soit plaisante  
 & agreable. Ie y veux adiouter, qu'il ne faut point non-  
 plus qu'il y ait occasion de mescontentement, ores qu'au-  
 cuns prennent plaisir aux gaufferies & à broquarder la cō-  
 pagnie. C'est l'vne des anciennes regles des honnestes  
 banquets: surquoy, Sainct Gregoire dit en vne sienne E-  
 pistre, au chapitre 27. de son second liure, qu'on ne  
 doit ronger aux repas la vie des absens, ny se moquer  
 l'vn l'autre des assistans. Mais nous n'auons rien dit  
 touchant le nombre des conuiez chose qui à aussi esté  
 limitée par les anciens, s'il n'y a point plus de gens au  
 banquet de demain, que nous sommes icy presens, nous  
 n'outrepasserons point le nombre, qui a esté arresté par  
 les anciens. **ROD.** Vous trouuerez tant en fin de loix  
 pour nostre banquet, qu'il n'y en a point tant aux refe-  
 ctaires des moines. Ne chargez point, ie vous prie, la  
 barque qu'elle soit submergee. **IGN.** Vous ne vous estes  
 pris garde iusques à present, de ce que nous auons dit  
 des le commencement, qu'il ne falloit point murmurer,  
 prenez donc vn peu de patience, car vous n'avez pas  
 grand raison de vous plaindre encores. **ROD.** Ie la  
 prens volontiers, parce que ie ne scay point quel goust  
 on puisse prendre en vne compagnie, sans vn peu de  
 gaillardise. Mais il me desplaist qu'on vueille prescri-  
 re le nombre des banquetans, & scauroy volontiers  
 iusques



iusques à quel nombre on le peut estendre, afin de m'en  
 seruir en temps & lieu. 1. GN. Le mesme Aulugelle qui  
 a posé les regles subdites, adiouste encore de plus ceste-  
 cy: disant qu'il ne faut point que le nombre soit moi-  
 dre que de trois, n'y plus haut que de neuf à cause des  
 trois graces & des neufs muses. Cela estoit ainsi obser-  
 ué à Rome, & anciennement en disant, attendu que  
 communement, où y a grand multitude, y à aussi de-  
 sordre & confusion. Tellement qu'aucuns ne vouloyét  
 point, que le nombre sexenaire fut excédé, & à ce pro-  
 pos alleguoyent vn certain Prouerbe, qui dir, de sept  
 personnes se fait vn banquet legitime, de neuf, c'est  
 plustost vn conuice, c'est à dire confusion: par ainsi Pli-  
 ne afferme qu'anciennement ne se souloit trouuer en vn  
 banquet plus de cinq. Il est vray que le Poëte Horace  
 s'eslargit iusques à douze; lors qu'il dit. *Sapè tribus vi-  
 dent lectis cenare quaternos.* BEL. Cestoit, pour accom-  
 plir les graces auecques les muses, parfaisans ensemble  
 le nombre de douze. ROD. Il m'est aduis qu'on s'abuse  
 de vouloir rien determiner de certain en cela. Et s'il est  
 ainsi, il doit auoir plustost lieu aux banquets qui se font  
 entre parens familiers & amis, & non point es publics  
 & solempnels, qui se faisoient aux festes & triomphe,  
 dont nous auons tantost parlé. Mais puis qu'il vient à  
 propos, dites moy, ie vous prie, si ce que i'ay ouy dire  
 plusieurs fois est veritable, que les plus anciens Ro-  
 mains ne mangeoint qu'une fois le iour, & que ce n'es-  
 toit que le soir à souper. BER. Que le Seigneur Beltra-  
 mo responde à ceste demâde & sur cela nous qui auons  
 ouy Messe, suiuous nostre chemin, & ceux qui ne l'ont  
 point encores ouy, demeurent: car l'heure du disner s'a-  
 proche. BEL. Touchant ce que vous dites, plusieurs  
 ont esté de mesme opinion que vous, que les Romains  
 ne mangeoyét qu'une fois le iour, & que c'estoit à sou-  
 per. Et adioustent que les Goths polledans l'Italie, in-  
 trodirent d'y faire deux repas le iour, ce qu'ils firent  
 aussi dans nostre Prouince: à quoy se rapportent toutes  
 les histoires faisans mention du souper, sous lequel elles  
 ont entendu le nom des banquets. Mais à ce que i'ay peu  
 comprendre & entendre, en lisant les anciens auteurs,



c'est qu'ils disnoient & souppoyent aussi bien que nous, pres que leur principal repas fust le soir, qui leur venoit mieux à propos, s'il est vray que la lueur de la Lune aidoit grandement la digestion comme ils disoient, & à disner ils mangeoyent volontiers seuls, & leurs semonces & festins se faisoient plustost le soir, ainsi que d'autres ont remarqué. De là est aduenü que leurs banquets se nommoient, Cenes, ou soupers, tant ceux qui se faisoient aux pompes des triôphes, des Pontifes & funeraillles, que par tout ailleurs, desquelles le Seigneur Ignico a fait mention, & s'ils traittoient quelque amy arriuant de dehors en leur maisons, ils nommoient tels banquets, forains, & le souper iuste, celui qui se faisoit à propos où il n'y auoit faute d'aucune chose. Et semble que le souper douteux, duquel parle Terence, soit tout de mesme: voulant donner à entendre, vne table couuerte de tant de sortes diuerses de viandes exquisés, que les hostes & assistans, ne scauent à quel plat mettre la main. Festus Pompeius escrit, que ce q nous appelions le disner, les Romains le nommoient, *prandium*, & le plus souuent, le nommoient aussi *Cæna*: ce que declare aussi Cornelius Celsus au premier liure chapitre, 3. Lors qu'il parle du vomissement: auquel lieu il conseille à celuy qui se sentira offensé d'un trop grand mouuement & branslement, si c'est deuant midy, qu'il se pourmene, & apres s'estre oint, qu'il mange, vsant de ce mot, *cænare*: duquel lieu on peut conclure, qu'ils appelloient aussi bien, *Cæna*, le repas de matin, que du soir. VEL. Je me souuiens auoir leu de mesme dans Sainct Gregoire sur Sainct Matthieu au chapitre second. B. L. Je ne suis point recors d'auoir iamais leu telle chose: mais ie le croy ainsi que dit Sainct Gregoire: partant nous ne lisons autre chose aux anciens auteurs Latins, que parler des repas qu'ils nommoient *cæna*: dequoy les modernes ont prins occasion de croire, que de tout le iour ils ne faisoient qu'un repas, qui estoit sur le soir: combien qu'il est certain, qu'il se mettoient deux à table le iour, le premier repas du iour ils nommoient *prandium*, & celui du soir, ou de la nuit, *cæna*, côme on fait pour le iourd'huy en Italie & Espagne, iasoit qu'ainsi



qu'ainsi que l'ay monstré, ils nommassent aussi le disner de nom de *Cœna*, suivant l'intention de plusieurs auteurs, que ie me deporte de rapporter, pour estre chose de peu d'importance. BER. Mais vous me ferez faueur, à fin qu'on voye que nous ne sommes pas plus intemperez, que furent les anciens, à leur boire & manger, puis qu'ils mangeoyent deux fois le iour aussi bien que nous. BEL. Scachez donc que d'infinis auteurs, par lesquels ie pourray verifier cela, ie ne vous en allegueray que deux ou trois. Le premier sera, Iustin l'historien, lequel parlant de ce valeureux Capitaine, qui pour donner courage à ses soldats de bien cōbatre, leur parloit ainsi. Disnez de bon courage mes amis, comme ceux qui possible irez souper aux enfers. Seneque aussi blasmant la dissolution de son temps desbordé à boire & à manger, disoit qu'on prolongeoit le disner iusques au soir, & le souper toute la nuit, iusques au iour ensuiuant. Et encore, Ciceron en sa premiere oraison contre Verres dit ainsi. Pourquoy feray ie mention des dîners & soupers de cest homme: Lampridius pareillement parlant de l'Empereur Seuerus, elcrist qu'aussi tost que de matin il reuenoit des estunes ou des bains, il mangeoit du lait & du pain, & par fois des œufs, & apres il mangeoit son disner ordinaire. Mais que d'autres fois, il se passoit en celle façon iusques au souper. Ie pensoy mettre en auant beaucoup d'autres exemples & tesmoignages, qui sont pareillement mention de disner & de souper, comme de choses ordinaire accoustumées, & communes enuers les anciens, combien que le souper estoit leur principal repas, & que plusieurs se contentans de peu de chose demeuraissent sans manger iusques au soir, comme escriit Pline que le faisoit son oncle. Et ceux qui faisoient ainsi estoient estimez tenir bon regime, & estre moderez, là ou d'autres prisent plus de disner bien, & souper legerement. Or ie pense auoir satisfait à ce qui m'auoit esté enioint de dire sur cela, & sera tantost temps de nous retirer. Mais ceux qui n'ont encores ouy Messe la pourrōt ouir de ce Prestre qui sort dehors. O R D. Vous auez tresbien dict en tout & par tout: mais le Seigneur Ber mudes ne nous veut conuier & traicter demain à souper



comme n'estant Romain **SER**. Vous qui avez leu releu  
 & scauez les histoires des Romains pouuez manger &  
 boire comme faisoient les Romains, car ie pretens  
 de faire l'un & l'autre comme Chrestien, ainsi que vous  
 pourrez voir demain. Dieu vous conduise, le Sei-  
 gneur Velasque & moy nous en allons de  
 compagnie **SAR**. Le Seigneur Ordo-  
 gne & moy ferons de mesme,  
 & le Seigneur Ignico &  
 Roderiq iront  
 ouir Messe.

Fin du Dialogue.







## DIALOGVE SECOND, DV BANQVET.

AVQVEL SONT INTRODVICTS  
les mesmes Entreparsieurs, qu'au Dialo-  
gue precedent.

*Au cinquiesme Dialogue second, du Banquet, les mesmes personnages qui auoyent esté inuitéz le iour precedent estans à table, discourent de plusieurs choses memorables: Et finalement, s'il est plus sain de n'vser que d'une seule viande, ou de plusieurs.*

### ORDO GNO.



Et Il nous faict beau voir, nous pensions estre arriuez icy les premiers, & le Seigneur Ignico & Roderiq, y sont deuant que nous, commēt se peut faire cela, ne les auons nous pas laissez maintenant à la place. BEL. Il est vray, mais souuenez vous que nous nous sommes vn peu arrestez à la boutique du Libraire. ORD. C'est bien dit, ils ont volontiers passé cependant que nous visitions ces liures nouueaux. Dieu vous doint bon iour, Messieurs BEL. Certainemēt ce iour ne peut estre pour moy que bien heureux ayāt à d'ner vne si honorable compagnie. Mais ie me suis fesché de la blesseure de mon cheual, voila cōment vous apprendrez à chasser aux taureaux. ORD. Je l'auoy assez aptris, ou pour mieux dire, ie l'auoy assez appris à mes despens: d'autāt q'ie ne m'y sens point propre



n'y capable, & me fit on aller maugré moy en la place, & prendre la lance contre le taureau. Mais il n'importe gueres. **B. R.** Il semble que la playe soit dangereuse. **ORD.** Elle n'est pas beaucoup perilleuse, mais mon cheual se meurt sur la litiere. **B. R.** Ce dommage est arriué en bon lieu Parlons d'autre chose: enuoyons appeller le Seigneur Velasque. Car il est temps de dîner, & possible il ne se souviendrait point de sa promesse, comme il à accoustumé de faire souuent. Garçon, va-t'en d'une course chez le Seigneur Velasque, & dy luy de nostre part que ces Gentil hommes, & moy n'attendons que luy. **ORD.** C'est bien fait & cependant nous nous chaufferons un peu, attendu qu'ils font aussi grand froid qu'il scauroit faire dans Bruges ou dans Segobia. **ION.** Il semble que le Seigneur Bermudes ayt leu ce que disoit un certain Philosophe que le feu estoit la meilleure sauce & le meilleur fruit qu'on scauroit presenter à manger. **ORD.** Comment est-il possible, que nos Philosophes discourans des banquets, y meslent le feu mesmes. S'il est ainsi, on pourroit aussi bien parler du bois & du charbon dont il est fait. **ION.** Sçachez que pour certain il n'y à chose si basse & contemptible en apparence, en laquelle n'y aye quelque consideration remarquable: plusieurs desquelles, n'ont pas esté mises en arriere par des Philosophes, & autres auteurs anciens. Et afin que vous le croyez, sçachez que S. Augustin aime de particularitez notables du charbon (duquel vous parliez maintenant en vous moquant) au 12. liu de la Cité de Dieu, chap. 47 sur ce fait, en considerant que le feu, qui affine & embellit presque toutes choses, d'un beau bois en fait un charbon si laid & noir, bien que le feu soit clair & luisant & comment le bois estât tresferme & solide, il le fait fragile & foible: & estant propre & naturel au feu de consumer & desfaire les choses, il donne neantmoins telles force au bois estant deuenu charbon, qu'il dure long temps sans se corrompre, ores qu'il soit sous la terre, ou dans l'eau, & par là qu'on auoit de coustume l'enterrer pour borner les limites des champs, côme chose perpetuelle & de plus grand duree que n'est le bois le plus dur, ny la pierre, ny chose semblable. Par ainsi il re



il remarque plusieurs choses memorables touchant le charbon pour le subiect dont il parle : de maniere que vous ne deuez donner merueille, si lon fait si grand estat du feu, estant l'un des quatre elemens desquels nous sommes composez, & desquels toutes choses consistent. Y à il chose au monde (ainsi que S. Augustin le considere bien) plus agreable à la veüe, plus claire, plus belle, q̃ les tresardantes & resplandissantes flammes de feu, telles que cestes icy, & ses braises qui reluisent comme de Rubis ou d'Escarboucles? quelle chose pourroit estre plus saine & profitable que la chaleur du feu, pour eschauffer, renforcer, raffiner, & nettoyer: pour purger, & alterer: pour molifier & endurcir, & pour plusieurs autres effects q̃ nous en tirons. **BEL.** Plutarque donc des biens, que le feu est l'instrument de tous les arts & mestiers quand on le sçait bien mettre en œuvre. Vne bonne vieille que j'ay en ma maison, dit encores (affin que vous ne pensiez que ie ne sache bien aussi alleguer d'autheurs) que le feu en ce temps d'hiver est la moitié de la vie, & la moitié du vestement de l'homme. **BER.** Le Seigneur Velasque est desja arriué, & le dîner nous attend: allons nous mettre à table, s'il vous plait. **BEL.** Il ne le faut pas, parce qu'il y à icy un bon brazier, & la chambre est eschauffee. **VEL.** Ne me dites point ie vous supplie que ie vous aye trop fait attendre: parce que tout à ceste heure ie vien de compter neuf heures & n'estoit besoin de m'appeller: car ie venoy lors que le page est arriué, mesmes l'auoy fait faire la sentinelle pour sçauoir quand tous les conuiez seroyent venu. **ROD.** Ces messieurs disoyent que vous ne vous souuiendriez point de venir. **VEL.** La famine m'en auroit fait souuenir, ioint qu'il n'y auoit rien plus froid chez moy que la cheminee. **BER.** Vous estes venu bien à point, & puis que nous n'attendons plus personne, mettons nous à table. **VEL.** Ceste chambre est accoustree magnifiquement, & la tapisserie est tres riche. Diogenes prédroit bien la hardisse de saillir tant de paremens qui l'embellissent, voire de souiller & gaster la couche tous ses pieds sales. **ORD.** Il eut esté en celle sorte de mauuaise grace. Mais comment, dites voir de cela de ce philosophe, duquel j'ay entendu dire & leu beaucoup de bonnes



bonnes choses. VEL. Soyez premierement assis & puis ie le vous diray. B. E. L. Que le Seigneur Velasque s'assie au haut bout de la table, & faisons les tous Roy de nostre banquet, on dit aussi que cela s'est autrefois pratiqué par les Romains. V. E. L. Puis que cela s'obseruoit, on la deuroit faire par sort, selon l'opinion de Pline & d'Horace. B. E. L. Quand il se presente quelque chose doubte ou difficulté en vne election: il est bon alors d'auoir recours au sort: mais nous sommes icy tous d'un accord, & vous deferons ce iourd'huy tout pouuoir de nous commander. V. E. L. Je m'assis en ce lieu pour vous obeir, car ie ne me sens autrement capable d'auoir aucun commandement, & ne le sçauoir faire. O. R. D. Je me veux assoir icy pres de la terrasse du charbon d'autant que, si ie ne me trompe, ie suis plus frilleux que nul autre. I. G. N. Reculez la vn peu loin à ce que la nape ne se brule point, parce qu'elle n'est point de ce lin qui ne peut bruster, que Pline nomme lin vis. R. O. D. Le seigneur Pline mexculera s'il luy plait: car ie n'en croy rien. I. G. N. Je n'en eusse non plus rien creu si on ne l'auoit veu. D'autant que le tresdocte Viuez recitant l'opinion dudit Pline en ses commentaires sur les liures de la cité de Dieu, de Sainct Augustin, tesmoigne d'auoir veu de linge, lequel estant ietté dans le feu, ne se brustoit point: & l'en retirant dehors, il estoit par maniere de dire, plus blanc que neige. R. O. D. Certainement c'est vne chose fort estrange. Mais passe sans fleux, n'oubliez pas pourtant ce qu'auez proposé touchant Diogenes. V. E. L. Afin qu'on prenne goust à ce que i'en diray: Scachez, Seigneur Roderiq, qu'il fut vn philosophe qui sembloit estre plus vertueux en apparence qu'il n'estoit par effect: veu qu'il auoit certains vices & opinions deshonestes, telles que ie vous reciteray, iagoit qu'il eut quelques autres bonnes parties & les propos fussent sententieux. Estant quelquefois conuie par Platon ensemble d'autres Philosophes & siens amis, & ayant ledit Platon fait parer magnifiquement vne chambre pour les receuoir, Diogenes, pour se monstrer contempler d'une telle elegance honorable, commença avec ses pieds sales, comme de coustume, souiller tout le plus beau,



beau, sans espargner la couche, ne chose quelconque: De quoy s'esmerueillant Platon, & en estant fâché. Que fais-tu la Diogenes: dit il. Je foule aux pieds la pompe & arrogance de Platon. Voire mais respondit alors c'est avec vn plus grand orgueil & desdain. O K D. Certes il fut bien brocardé. Et de ma part, i'en cognoy deux Diogeniques, lesquels puis qu'il n'a pas plu à Dieu leur donner vne bonne maison, & vn bon cheual, grondent & murmurent incessamment contre ceux qui en ont, disans, que ce n'est que vanité & superfluité, & ne reprennent les riches pour autre occasion, sinon que parce qu'ils sont pauures & necessiteux. V E L. Nous voyons tous les iours de gens de ceste estoffe: mais si ie suis du nombre, vous me deuez excuser, cependant ie consacreray la table, car nous autres gens d'Eglise auons commandement de Dieu de ce faire. R O D. Il n'y a celuy de nous qui ne le trouue bõ, ie croy encore qu'il y en a qui ne se soucient pas tant du lauement des mains, comme ils font quand la Benediction deuant le repas est par trop longue. B E L. L'eau tiède est propre pour conseruer la force, attendu que l'eau froide l'offense, comme aucuns estiment, & principalement auioird'huy, mais on ne doit l'aïsser d'observer vne coustume si louable & ancienne. R O D. Donnez moy ce bassin, & que celuy qui ne voudra se lauer, demeure sans manger, ou bien qu'il mange, ainsi que ie veis vne fois faire à vn certain docteur de Grenade, qui pensant estre plus net & propre, mangoit vne couple d'œufs à tout ses guans, & puis les ayant tiré des mains, l'aua les mains. I G N. Veritablement ce devoit estre quelque ferial docteur, & si vous ne le dites cõme l'ayant veu vous mesme, ie ne le pourroy croire. Mais vous me ramenteuez sur ce propos que les Romains ne se lauoient les mains au commencement du repas, suiuant le tesmoignage de Ciceron, ains aussi à tous les mets, & seruice de table cõme semble vouloit Lampridius en la vie d'Eliogabale. B E R. Cela seroit bon selon les viandes qu'on mange: mais pour le present, que le froid est rigoureux i'aimeroy plus cher auoir vn bon brazier à table, qu'vn bassin d'eau fraische. B F L. Ces capitellins sont tressauoreuses. Je ne



ſçay ſ'ils ſont meilleures avec du miel, ou avec du ſucré.  
 ROD. Faictes comme moy, mêgez le avec l'un & l'autre  
 enſemble. ORD. Je ne vous voy iamais manger choſe  
 par raiſon, ains ſeulement pour contenter voſtre appetit.  
 Quant à moy, j'ay combatu avec les figues & douces  
 oranges, parce que ie crains de manger des capillates.  
 IGN. Ces carbonades & ſauciſſons ſont beaucoup  
 meilleurs, ma foy elles ſont merueilleuſement bonnes.  
 Mais ne voyez vous pas en quel equipage la hure du ſâ-  
 glier, parée de feuillages marche en compagnie, elle  
 eſt veritablement belle. Mais auſſi toſt que ie l'ay deſ-  
 couuerte de loin, i'auſſoy à l'entour de moy, ſi quelqu'un  
 de la compagnie s'en eſtonnoit, combien que, Dieu  
 graces, nul n'aye occaſion de s'en troubler. ORD. Voi-  
 la comment le Seigneur Dom Bermudes faiçt preuue de  
 ſes amis, avec de teſtes de porc, comme celuy qui veut  
 faire paſſer ſa mule par la ruë, ou y a force tonneliers &  
 mareſchaux. BER. Certainement ceſte teſte eſt la plus  
 tendre & ſauoureuſe que j'aye oncques mangé en ma  
 vie, & à la verité c'eſt grand merueille que la chair ſoit  
 ſi bien accommodee, qu'elle reſſente tâtôſt la venaiſon,  
 tantôſt point. Il n'y a choſe en vn pourceau, qui ne ſoit  
 de tres bon gouſt, tellement que Plin eſcrit que l'on  
 peut tirer du pourceau cinquante ſortes de ſçauours di-  
 ſferantes. VIL. Je le croy volontiers, attendu la diuer-  
 ſité des choſes & ſçauours qui ſont au pourceau, & de  
 celles que l'on faiçt de ſa chair, greſſe, boyaux, & autres  
 matieres. Cela me faiçt ſouuenir du dire de Quintus  
 Quintius, Capitaine general des Romains, lequel eſtant  
 les Grecs de ſon arriuee eſtonnez pour le grand nom-  
 bre de Cavalerie & infanterie du Roy Antiochus, ſeul  
 feit vne harangue leur remonſtrant qu'ils ne debuoyent  
 pas s'eſfrayer des troupes de l'ennemy, d'autât q' l'exer-  
 cite d'Antiochus eſtoit ſemblable à ce qui luy eſtoit ad-  
 uenu à vn ſouper, qui luy auoit eſté donné par vn ſien  
 hoſte & amy, en la ville de Chalcedonie, auquel y euſt  
 tant de diuerſité de plats, de mets & de viandes, qu'il  
 paroiſſoit y auoir grande quantité & nombre d'animaux  
 & de chair, ores qu'il n'y eut d'autre viande que d'un  
 pourceau domeſtique, nourri en l'auge de ſa maiſon,  
 ſignifiant



signifiant par ceste comparaiſon, que les gens d'Anthio-  
chus n'estoyent qu'Aſiatiques, biē que ordōnez & equi-  
pez diuerſement & magnifiquement. 10N Il eſt ainſi, &  
l'exemple n'eſtoit mal à propos. Ie dy d'auantage que  
ſans ſa ſau eur & le gouſt qui eſt tres-bon, la chair n'eſt  
point ſi mal ſaine qu'on eſtime communement: Galien  
& Auerrois, ſi ie ne m'oblie, la louent grandement, & la  
preſeruēt aux autres chairs. De maniere que ſuyuant ces  
raiſons, nous deons eſtimer les Iuiſ fort ignorans, de  
n'auoir voulu vſer de ceste chair ſi agreable au gouſt &  
ſauoureuſe. VEL. Les Iuiſ ne failloyent pas en s'abſte-  
nans de manger de la chair de Pourceau, eſtans obligez  
d'oſeruer la loy Moſaique deuant l'aduenement de  
Ieſus Chriſt, laquelle ainſi qu'elle leur eſtoit tres-deffen-  
duē par commandement, ainſi ce ſeroit maintenant  
vne erreur, voire vne herēſie de s'en abſtenir par cere-  
monies, cōme leur eſtāt deffenduē. Mais celuy qui ne'n  
mange point à cauſe de l'imbecillitē de ſon eſtomach,  
ne peche point en cela. Il eſt bien vray, que les Iuiſ  
eſtoyēt tāt opiniaſtres oſeruateurs de leurs ceremonies,  
& des choſes exterieures de leurs loix, qu'ils euſſent pluſ-  
toſt maſſacrē vn hōme, que mangē, vn morceau de porc.  
Et pour c'eſt effet, ils eſtoient remarquez & hais de tout  
le monde. Et lors que le Roy Herode fiſt tuer tous les  
Innocēs, entre leſquels eſtoit ſon propre ſils, cōme eſcrit  
Macrobe, l'Empereur Auguſte dit, qu'il eſtoit meilleur  
de naiſtre vn pourceau en la maiſon d'Herode, & plus af-  
ſeurē, que de naiſtre ſon propre ſils. ROD. Pour certain  
n'eſtoit rēcontrē fort ſubtilemēt. Mais il me ſemble que  
l'appetit de vomir qu'aucūs ont de la chair de pourceau,  
me tient iuſques icy pour le long diſcours qui en a eſté  
fait. Parce que i'ay autresfois entendu d'un quidā de ma  
parroiſſe, qui fait profeſſiō d'eſtre gaulſſeur & plaiſſeur  
q venant vn iour vn ſien voiſin à la maiſon luy demāder  
vn pot pour cuire ſō diſner, il le luy fait preſter, & luy dit,  
qu'il ſe print garde de n'y mettre cuire de chair de pour-  
ceau, autremēt qu'il le luy rōproit ſur la teſte. BER. Cer-  
nemenſi vous cōtinuez à nous dōner de ſi belles ſornet-  
tes, elles pourroyēt eſtre telles qu'elles pourroyēt paſſer  
l'eau, & encores biē equipees & accompagnees. BEL. On

fait



fait volontiers autant de compte de telles plaisanteries & bouffonneries, que de celuy qui les recite. **BAR.** C'est pourquoy l'Escor disoit bien à propos, qu'il louoit Dieu de l'auoir fait vieil Chrestien: d'autant qu'il pouuoit iouir & manger des fruicts qui prouiennent entre le Catholique & l'Heretique. **RON.** Il auoit bien raison. Ne voyez vous point combien & quâtes choses portoit ceste teste, à fin que ie ne die du porc Troyen, qui portoit tant de personnes. **RON.** J'ay bien ouy parler du cheual Troyen, mais non pas du pourceau. **IGN.** Vous sçavez donc qu'à l'imitation du cheual du Troyen, qui estoit remply d'hommes, les Romains, en leurs festins dissolus, presentoyent à manger vn pourceau, farei de diuers oiseaux, avec force espiceries & semblables drogues, & le nommoient le pourceau de Troye. Pline escrit que P. Seruilius, fut le premier qui donna vn pourceau entier à manger: & que Marcus Apicius les engressoit en leur donnant force figues seiches, & quand il les vouloit faire tuer il leur donnoit à boire de vin miellé. **BAR.** Ce seroit vne belle chose que de mettre sur table vn porceau tout entier, mesmement s'il estoit engraislé de figues seiches, & semble ceste façon de manger vn pourceau, se rapporter à celle que nous auons veu, quand on donnoit vn ieune asnon tout entier à de banquets. Cela est vray: & ie pense que cela se fait plustost par vne vaine ostentation, que pour appetit ou saueur qu'on y puisse gueres goûter, ainsi que de certaines autres choses qui semblentroyent incroyables, desquelles nous en recitames hier quelques vnes: comme les pastez aussi grands comme de fours, & semblables autres bestialitez. **ORD.** Nos pastez du iourd'huy bien que plus petits, sont beaucoup meilleurs & plus sauoureux. Et avec le congé du Seigneur Velasque, l'enuoyeroi volontiers vn de ces pastez à ma femme. **VEL.** Il ne faut point demander licence pour cela à celuy qui preside: d'autant que c'est vne chose licite, honneste, & practiquee par les anciens, d'enuoyer de plats, bouteilles, & autres presens, aux vns & aux autres. Xenophon escrit en sa ciclopedie, que **CIRUS** enuoyoit à ceux qu'il prisoit & vouloit le plus honorer, ce que bon luy sembloit des viandes de sa table.



ORD. Le luy enuoye donc ce pasté, qu'elle acceptera de bon cœur. Mais sçavez vous dequoy ie me suis aduisé, c'est que nous auons bien beu frais, & du meilleur, sans auoir loué le vin, ny remercié l'hoste. ROD. Le temps est tel auioird'huy, qu'il n'est point de besoin de rendre graces à l'hoste. BER. l'ay toutesfois eu tel soin de la boisson que nonobstant le froid i'ay fait refreschir l'eau & le vin. VEL. Nous vous eussions certes bien dispensé de ce faire, en ce temps froid, & la fraischeur du vin & de l'eau ne m'a point fait de bien: ie ne puis faire autrement que ie ne vitupere ceste coustume qui court, de procurer si curieusement, que le vin soit trouué bon: en quoy y à plustost de la vanité, de vouloir faire comme les grands Princes, pour auoir le bruit d'auoir de bon vin & de boire frais. ROD. Pourquoi, Seigneur Velasco, est ce mal fait de boire frais. VEL. Non non, ce n'est pas peché, ains vne chose permise à chacun selon son goust & naturel. Car la soif, comme escrit Aristote, est vn appetit & conuoitise de froid & humide: ainsi que la faim est vn desir & appetit de la chaleur & humidité. Parrant nous apperons naturellement que nostre boisson soit froide, & la viande chaude, excepté que les fruicts, lesquels il semble qu'on mange pour attemperer & humecter la chaleur, de maniere que le boire frais n'est point chose mauuaise, mais qu'il n'y ayt point d'extremité, qui à tousiours esté reproduce. Je ne puis croire que celuy qui se donne si grande peine, pour auoir la reputation, comme s'il estoit question d'un point d'honneur, à qui feroit boire plus frais, puisse estre exempt de peché, non plus que ceux qui s'en moquent des autres qui ne s'en soucient point, ou ceux qui sont semblant de s'y plaire. Et de fait, i'ay cogneu vn certain personnage, lequel attiedissoit l'eau pres du feu, qui luy auoit esté versée trop froide, & vn autre iour prenant son repas en la compagnie de plusieurs il se plaignoit qu'on ne luy auoit mis rafraischir sa boisson, ores qu'elles fut plus fraische que le iour precedent: de façon qu'il y à vne maniere de gés, qui faignent ce qu'ils dient & veulent: & d'autres, qui prennent goust & appetit par la bouche d'autrui, mesmement les Princes & grands



seigneurs. BEL. En bonne foy le seigneur Velasque dit vray en partie : ie me souuiens qu'auparauant trente ans on ne faisoit point sur cela tant de misteres, cōme maintenant : & que nos Peres plus gens de bien, que nous ne sommes, se contentoient de boire en hyuer, ainsi que le vin sortoit du tonneau, & en Esté, le mettoient refroidir, sans vser des inuentions des glaces & neiges pour les caues & puits, ny d'autres telles extremitez recherches iusques aux abismes. Duquel excez ie croy que les spasmes, indigestions d'estomach, douleurs de costé, les pierres aux reins & à la vessie, difficulté d'vrine, paralysie, & plusieurs autres maladies qui regnent auourd' huy, sont procedees. Or cōme dit le seigneur Velasque, la plus part font cela, à l'exemple d'autrui, ou pour estre veus delicats & courtoisans. R. O. Si vous autres, Messieurs, m'avez dit, que depuis qu'un homme se plait & affectionne à vne chose, il y prend goust, & la continuë, n'en suis d'accord. Mais ie ne scauroy croire pourtant, que pour voir faire & vser d'une chose à l'autrui, puisse alterer le goust & que la seule opinion nous rende en effect chose plus douce ou sauoureuse, comme si elle, ou bien la coustume auoit quelque puissance ou iurisdiction sur les sentimens, cōme sur la façon de se vestir & accoustrer. BEL. Je vous ay desia dit, & le vous replique, encore que plusieurs seignent prendre goust à boire frais, combien que leur goust soit contraire. Mais vous voyez maintenant, que le voir faire vne chose & en vser à pouuoir d'alterer & changer les sentimens, & le contentement des sens, meismement quand l'exemple des Rois, & Princes y interuiuent. Ne vous souuiens il point de m'auoir dit autrefois, que la premiere fois que vous feustes en Flandres, d'autant que l'Empereur vloit en ses repas de bourrache pour la santé, que tous ceux de la cour commencerent, d'en vser, tellement qu'il n'y eut table ou l'on n'en apprestast de deux ou trois sortes differentes, & affermyoient tous à l'enuy que c'estoit le plus sauoureux manger du monde. Je pourroy dire le semblable de l'aveuë: nous souliions infiniment loier n'agueres les longs cheueux, & parce que l'Empereur se fist vne fois tondre, nous en auôs tous depuis fait de meisme, & tenons ores pour chose assurée, que

*On tient  
que c'estoit  
le Roy François  
premier, qui  
se fist couper  
les longs  
cheueux,  
Et perdit  
l'usage de  
plus les  
nourrir  
sels.*



que cela est bien seant & tres-beau. Le semblable a esté  
 obserué aux vestemens lōgs & courts, & en plusieurs au-  
 tres choses, cōme au fleuter flairer & odorier, d'aurāt q̄ ie  
 suis recoids, qu'il y a enuiron 25. ou 30. ans, qu'on se mo-  
 quoir de ceux qui brusloyēt du storax, pour parfun, & a  
 present il est en vogue & grandement prise: attendu que  
 feu nostre bonne maistresse, l'Imperatrice, que Dieu ab-  
 solue, en vsoit quelquefois. Pareillement le sens de l'ouye  
 en foy dequoy, ie mettray en auant quelques chansons  
 & barcelletes, qui se chantēt par tout, comme melodieu-  
 ses & harmonieuses: pource que le Duc de Calabre les à  
 fait chanter deux ou trois fois. O R D. Vous estes grand  
 Rhetoricien & ne pouuez manquer de raison pour nous  
 faire entendre ce qui vous semblera bon. Mais ie me  
 veux attacher à l'opinion du seigneur Roderiq; & boire  
 frais, & cependant que vous disputēz & discourez, ie  
 prédray ce blanc mager, qui est le meilleur que l'aye en-  
 ques gousté. V E L. L'ay aussi prins partiēce, que le seigneur  
 Beltramo nous ait entretenu quelque temps. R O D. Par  
 ler & manger ensemble ne me donne point grand empes-  
 chement, parce que ie me sçay acquitter tout à vn coup  
 de l'vn & de l'autre. Mais pour reprendre nos brisees.  
 Puis que ces bōs seigneurs dient, que le boire frais a esté  
 introduit par vlsage, & pour les suiuire, ie dy que les hom-  
 mes doiuent l'ensuiure, l'vlsage & fuir les extremitēz  
 Messieurs, combien que vous m'ayez esleu Roy, pource  
 iourd'huy, ie ne veux toutesfoiſ que mon commande-  
 mēt serue à quelqu'vn d'occasio de pecher mortellemēt.  
 Mais ie dy, que ces glaces, neiges & autres extremitēz  
 froides sont à condamner, & si i'estime d'auantage qu'el-  
 les sont dommageables au salut de l'ame, & à la santé du  
 corps. D'ailleurs c'est vne chose iniuste que pour vostre  
 friandise, ou gourmandise, on employe tant de temps,  
 prenne tant de peine, à faire si grande despence: comme  
 on fait plus souuent que tous les iours. Finalement, parce  
 que elle nous porte vn tres-grand dommage, tout ainsi  
 que si nous nous bruslions en mangeant vne chose trop  
 chaude. Parquoy ie suis d'opinion que toutes telles ex-  
 tremitez froides soyent reiettees, pour le grand domage  
 qu'elles nous portēt avec le temps. Les poissōns qui sont

\* C'estoit  
 vne ma-  
 niere de  
 complez  
 en rime  
 appellez  
 ainsi dont  
 iadis les  
 anciens  
 poētes Es-  
 pagnols  
 Ita-  
 liens vso-  
 ient cōme  
 des straba-  
 tes & au-  
 tres.



nourrir les personnes par leur extreme froidure, nous ser-  
 uer assez d'exemples, que la temperance de nostre corps  
 ne peut supporter: de sorte que ie ne scay comment on  
 se tourmente tant pour rendre venimeux, ce que nous doit  
 seruir d'aliment & de medicament: subrogeant au lieu  
 de la vertu nutritive, vne dangereuse extremité. **BEL.**  
 Le seigneur Ignico & moy auons presté tousiours l'o-  
 reille à vu discours, sans dire mot, & dit qu'il ne lais-  
 sera pour tout cela d'auoir des bouteilles, & du vin frais  
 en sa maison. Mais en cela ie suis galant homme, car  
 ie m'ayde de mes moyens, & me trouue bien de boire  
 frais, sans m'en donner autrement grand peine. Par-  
 ce qu'il m'est aduis, qu'en gardant la mediocrité, sans  
 estre ny par trop delicat ny par trop curieux ie me ga-  
 rantiray de tout soucy & falcherie, que ie pourroy pre-  
 ndre si cela me defailloit. Et mon opinion est telle que  
 nul gentil hōme se deuroit tant abandonner à ses delices  
 & delicatesses, d'autant qu'il se pourroit trouuer vn iour  
 en quelque grand peril, & peine de consequence, s'il se  
 trouuoit en auoir faute de ce qu'il à accoustumé en vn  
 voyage par mer ou par terre. **IGN.** Vous vous estes tous  
 biē portez iusques à telle heure. Quoy que ce soit ie vous  
 aduise, que chacun face comme bon luy semblera. Quant  
 à moy, ie vous donne l'absolution, i'attens en bonne de-  
 uotion le Paon, lequel nous pouuons faire changer de  
 langage. **ORD.** C'est bien le plus beau & le plus grand,  
 que i'ay iamais veu: les Paons des Indes ont véritable-  
 ment la chair plus sauoureuse, que les autres. **ORD.** Ie le  
 croy ainsi. Mais ne voyez vous pas que nous en auons  
 grand disette en ce pays, de sorte qu'on n'y en voit plus.  
 I'ay peur qu'en fin la race en soit perdue, il souloit estre  
 à hō droit de requeste sur tous autres oyseaux **BEL.** Vous  
 cognoistrez en cela qu'elle puissance à nostre fantasie, &  
 la cōmune reputation des choses que les hommes s'im-  
 printent en la ceruelle, dont nous parlions maintenant.  
 Parce que selon Plinc, Varron & autres authours, Hor-  
 tensius fut le premier qui meit sur table le Paō, & fut de-  
 puis trouué si agreable, qu'il fut vëdu la valeur de 30. es-  
 cus, & vn œuf de la femmelle, deux escus. Ce que fut cau-  
 se que par toute la ville de Rome, on print plaisir d'en  
 nourrir.



nourrir: les mesmes auteurs afferment, qu'un certain Romain, appelé M. Aufidius, en nourrit & feit engraisser si grâd foison, qu'il en retiroit annuellement 1500. escus de profit. ORD. C'est vn grand cas, ce que vous dites: mais il n'est pas vray semblable qu'ils fussent à si haut prix, y en ayant telle abondance. De puis on s'est adonné à en esleuer vn si grand nombre que merueilles. Car lors que l'Empereur passa par la France, il y auoit si grande affluence & nombre de Paons: que nous auons par deça de poules. VIL. Je sçauray volontiers si leur chair se pourroit conseruer sans se corrompre, comme celles de plusieurs autres chair, d'autant que ce que remarque S. Aug. est admirable BER. Je ne sçay point bonnement combien de temps elle se pourroit garder, mais il y a bien six ou sept iours, que celtuy cy est mort. ORD. C'est pourquoy il est si tendre & sauoureux. Je veux en enuoyer à ma maisõ, vn petit plat de la chair de la poitrine, parce qu'il y en assez pour vingt personnes: i'auray aussi fort à gré qu'il pleut au seigneur Velasque poursiure son propos de S. Aug. VIL. S. Aug. escrit que luy estant presenté à table vn Paon, dans la ville de Cartage, il voulut garder du blanc, de l'aissle pour esprouuer, si au bout de quelque temps il seroit entier & bon: depuis il en fait garder iusques à trente iours, & fut trouué de bon goust, sans aucune corruption ne mauuaise odeur. En apres il en feit ferrer iusques au bout de l'an, & fut trouué aussi bon qu' auparauant fors qu'il estoit deuenu vn peu plus sec. ROD. C'est sans doute vne chose remarquable, & si autre que S. Aug. l'escriuoit, ie ne le sçairoy croire: nous en aurons icy assez de reste, qui voudroit estre si curieux d'en faire l'experience: excusez moy, si ie veux pour ceste fois estre curieux, & vous demander ce que vous à dit vostre page, qui est venu si hastiement & vous à parlé à l'oreille, il me semble estre fort troublé. ORD. Il me vient de dire que mon cheual est mort. Aduilez si cela meritoit de m'estre rapporté en ceste sorte & cõpagnie BER. Il m'en desplait, mais ne voyez vous pas quel visage à le garçon, il semble plus mort que vostre cheual meime. ROD. Le seigneur Ordogno pourroit dire, ce que dit Aquilano sur ce propos. ORD. Cõptez moy ce qu'il dit



ie feray possible de mesme que luy. **R. O. D.** Celuy là auoit vn cheual blanc, tres-beau & de grand prix, & aduint qu'un sien garçon, qu'il aimoit bien tomba malade, or vn iour que ledit Aquilano passoit son temps en compagnie, vn sien seruiteur luy vint dire en grande haste, que son cheual blanc estoit mort, & que le susdit garçon estoit à l'article de la mort, à quoy il respondit, sans autrement s'alterer Puis qu'ainsi va, retourne t'en viste à la maison, & dis au garçon, qu'il se despeche tost, pour aller trouuer le cheual. **O. R. D.** Il respondit certes fort gracieusement. Mais toy garçon garde toy bien de mourir, & ayes bon courage. tu t'en iras à pied, à faute de pouuoir attêdre le cheual. **R. O. D.** Or bien va ten avec ceste bonne despesche. **V. E. L.** Je veux maintenant parler, puis que nous ne disons mot. Et ie m'y ataque à vous Seigneur Bermudes, on ne fournit icy tât de viandes, que vous & nous serions coupables de peché. Il eut mieux valu, que nous fussions vos hostes à table garnie six iours durant, que de nous dōner largement ce qui suffiroit pour aurât de iours. **I. G. N.** Vous auez raison. Mais cependant, ceste chair sallee & ce qui est dans le mesme plat est de bon appetit. **R. O. D.** Assurement vous trouuez tout bon, & le mōstrez bien, car vous auez tout seul mangé la perdris, & auez voulu taster de tout. **I. G. N.** C'est d'autant que i'ay, meilleur estomach que vous autres, mais se soir i'en payeray la moitié, & comme de coustume, ie ne souperay pour auoir trop mangé. **V. E. L.** Ce remede est meilleur que celuy de plusieurs dissolus, lesquels estans farcis de viande prououquent le vomissement, en quoy le remede qu'il pourchassent est plus sale & vilain, que le vice mesme de gourmandise. **O. R. D.** l'en cognoy bien qui n'ont pas de besoin, de l'un ou de l'autre, quād biē il deuoreroyēt tout ce que nous auōs mangé tous ensemble. **I. G. N.** Je ne sçay qui peut estre celuy là, mais nous lisons de choses incroyables de ces grands assommeurs de viandes, comme d'un certain Clandius Albinus, duquel Spartian escrit, qu'à vn seul repas il māgea cent pesches, cent figues, dix melōs & cens estourneaux, & de l'Empereur Maximia qui māgoit 40. liures de chair à vn dīner sans parler de leurs semblables, **O. R. D.** Je m'estōne plus de l'Empereur q̄ nō pas d'Albinus attēdu qu'  
cc



ce qu'il m'ageoit estoit de la chair, sans d'autre meslange de viande, parce que l'homme ne se saoule pas si tost de plusieurs viande; attedū q̄ la varieté aguise & esueille l'appetit. BEL. Il est ainsi, mais toutesfois cela est domageable à la santé, & à la digestiō. IGN. Et moy i'estime tout le contraire, & me semble q̄ la diuersité des viandes se rapporte mieux à nostre nature & à la santé. BEL. Vous vous abusez, & ie pense que vous vous voulez moquer. IGN. Mais ie pense estre bien fondé, & ie dy comme ie l'entens, & croy que le Seigneur Velasque est de mon opinion, ie ne yeux point iuger temerairement de celle cause, sans ouir les parties. Mais d'autāt que celle question ne me semble pas impertinēte pour le present, q̄ le Seigneur Beltramo qui la mise en auant, die le premier son opinion, & vous Seigneur Ignico direz aprez la vostre, puis ces Gentilshommes & moy, apres vous auoir oui, iugerons qu'elle sera la meilleure. Et cependant que vous amuserez, à parler, nous entrerons à nos coustures. Mais pour vous releuer de peine, sçachez que Macrobe traite celle question. BEL. J'ay tousiours tenu & oui tenir ceste maxime si certaine, q̄ ie n'eusse pas estimé pouuoir trouuer aucun contredisant, & m'esbahy que le Seigneur Ignico se puist trouuer mieux en se repaissant de diuerses choses, c'est ce que l'endurcit en ceste opinion. Mais la miēne est approuuee de tous les Medecins, & se rapporte a la nature de l'homme, comme le prouueray en peu de paroles, sans qu'il soit necessaire d'employer beaucoup d'argumens, ne raisons, en vne chose si claire, & si auoy à faire à de gens de peu de cernelle, qui se laissent plus vaincre par exēples, que par raisons viues, ie n'en manqueroy point. Le premier & qui doit suffire, seroit des oyseaux, & autres animaux, qui se paissent d'une seule viande, & sont plus sains pris pour pris, que les hommes: les animaux que nous appaistons avec pluralité de viandes, nous endommagent plus que les autres, & alterent nostre nature & complexion. Car ils n'appertent naturellement que la simplicité des viandes. Le bœuf & les brebis veulent paistre l'herbe, le Loup cherche la chair. Et tous les autres animaux procurent ce qu'il leur est propre, les sçauent, cognoissent & pourchassent, s'en



entretiennent : sauf que la necessité les contraigne de chercher autre nourriture. Et de la s'ensuir, que tous les animaux, selô leur espee, sont sans estre subiects aux infirmités comme nous, à cause de nostre si grand desordre & multiplicité & accumulation de viandes. En second lieu, j'employeray le conseil des Medecins : parce que la principale diette qu'ils ordonnent aux malades, est de leur oster les grosses & diuerses viandes, ne leur en laissant qu'une seule de facile digestion, laquelle a esté le motif de nostre dispute. Je pourroy adiouster, l'usage du vin, lequel estant broüillé avec d'autre vin, nous trouble & enyvre plustost, que s'il n'y en auoit que d'une sorte. Nous en pouuons donc dire tout autant des viandes, ie pourroy produire force autres exemple, mais les raisons auront plus d'efficace en vostre endroit, parquoy j'en ameneray de pregnantes & veritables. La premiere, que les indigestions & cruditez n'engendrent, beaucoup de maladies, il n'y a aucun qui en doute: tant à cause que la qualité de la substance en laquelle la viande est conuertie, n'est point cōforme ny proportionnée à la nature de l'homme, qu'aussi à raison de la quantité de la viande pour laquelle digerer, nature ne peut estre assez forte. Touchant le premier de ces deux inconueniens, il est euident, que celuy qui ne mange que d'une viande ordinaire, cognoistra facilement laquelle sera plus pesante à l'estomach, ou plus legere, profitable, ou plus dommagable : & ce faisant se pourra prendre garde, de ce que l'offence le plus. Ce que ne scauroit ny pourroit faire celuy qui prend & vse plusieurs diuerses viandes à la fois: car il ne pourroit discerner la plus preiudiciable. D'auantage, il faut que la substance, qui est receuë par celuy qui se nourrit de plusieurs & diuerses viandes, soit aussi par force de diuerses qualitez, tellement que les humeurs, qui procedēt de diuerses matieres, ne se pourroit biē conformer entre elles, & n'engendreront point vn sang pur & liquide : point qu'il est notoire, que certaines viandes sont de facile digestion, & se corrompēt soudain, & d'autres qui sōt plus mal aisees à estre digerées, & plus pesantes. Finalement les Medecins tiēent que nous auōs trois digestions qui se font de la substance des viandes, outre la



la premiere qui se fait à l'estomach ou meslange de toutes les viandes qu'on nomme *chilus*. A sçauoir l'une au foye, l'autre aux veines, & la dernière aux membres. Qui considerera doncques cela, cognoistra clairement le dommage qui procede de la pluralité & variété des viandes, d'autant que comme chacune de ces digestions se faict à part & à diuers tēps, il aduient que la viande qui est plus facile à digerer, ainsi que j'ay dit, est cōuertie la premiere en substance, & comme l'autre retarde à estre digeree, celle cy se corrompt & aigrit, faisant longue demeure en l'estomach, d'où sont cause de rors, ventositēz & douleurs. Le semblable aduendra souuent aux autres digestiōs par les raisons susdites, tous ces accidens cessent aux viandes seules & simples, parce qu'elles ne font qu'une mesme substance & en vn mesme temps. Voila quant aux cruditez & dommages que nous causent & engendrent les simples substances, des differētes qualitez des viandes quand bien les viandes seroyent en mesme quantité & esgales à celles qui sont seules simples, & d'une mesme sorte. Or venons au 2. point, c'est à dire, à la quantité superflue susdite, qui endommage & empesche la digestion: dictes moy, ie vous prie, quelle chose y a-il qui nous incite & induise à trop māger, q̄ la variété des viādes diuersement accoustrees, laquelle esueillāt l'appetit, fait qu'on māge plus qu'on ne peut & qu'on n'eust pensē ny voulu, ainsi qu'il nous est aduenue ce iourd'uy: la ou au cōtraire si vous ne mangez q̄ d'une seule viāde pour bōne qu'elle soit, vous n'en mangez que ce qui est honnestē, sans plus. Et par ce moyē on n'engēdre point de ventositēz ny cruditez, en l'estomach, ny d'autres maladies procedantes de tant de diuerses viādes. C'est pourquoy Socrates cōmandoit à bon droit, que les hommes deuoyēt en toutes sortes enier, & fuir toutes les viādes qui allechent leurs appetis, de maniere que ce que dessus suffira pour sçauoir, cōbien l'vsage de diuerses viandes est contraire, & pernecieux à la santé & à la vie de l'homme, comme i'auoy proposé de monstrier. Et quād bien ils n'apporteroyēt aucun detrimēt, si est-ce qu'ayant esgard à la seule vertu, qui est contraire au vin, & à l'appetit sensuel & delectatiō, nous nous en deuīōs abstenir: attendu q̄ l'abstinence & con-



tinnée sont fort propres & vnies inseparablement avec la  
 vertu. Surquoy ie n'en diray autre chose, d'autant que i'ay  
 affaire à de gens sages & vertueux: afin aussi qu'il ne sem-  
 ble, que ie vueille blâmer le Seigneur Bermudes, en ce  
 qu'il nous à si bien & copieusement traictez, de la grace.  
 BER. Ie ne aduouë point cela, car ie croy d'auoir plustost  
 failly à faute d'auoir fait mon deuoir à vous bié traictez,  
 que pour auoir esté excessif: mais quoy que ce soit, si veux  
 ie entendre l'opinion du Seigneur Ignico, parce que ve-  
 ritablement vous auez parlé, comme celuy qui n'est sans  
 cause docteur ordinaire de Rota, & c. Vous en iugerez  
 apres que i'auray respõdu aux raisons qui ont esté mises  
 en auant. Mais cependant ie voudroy qu'on desseruit la  
 table, afin qu'on m'escoutast plus attentiuement. VEL.  
 Nous en sommes tous contents: mais ce desordre preten-  
 du à besoin d'un ordre quant à vous, qui ne mâgez plus,  
 ne laissez de dire vostre responce, puis que ce qu'on trai-  
 cte est à propos, & se cõforme aux loix des bâquets. ROD.  
 Ie souhaiteroy qu'il fut bien à son aise, & qu'il eut le  
 dessus, à ce que le Seigneur Beltramo ne nous rengeasse  
 à ne deuoir manger que d'une viande seule. IGN. Cer-  
 tainemēt Seigneur Beltramo, vous auez discouru si ele-  
 gamment qu'il sembleroit de prime face que vous eus-  
 siez la raison de vostre costé, principalement en ce qu'il  
 semble que vous vouliez courtir la vertu & mettre la  
 temperance de vostre costé. Vous m'auiez reduit à tels  
 termes, qu'il me faut bien fourbir & affiler mon espee,  
 pour me deffendre: afin que par faute de respondre la ve-  
 rité ne soit point en souffrance, passant par faute de res-  
 pondre, la verité ne soit point en souffrance, passant par  
 vos mesmes brisces. Partāt commençons à examiner vos  
 propres exemples, qui ont esté plus beaux en apparence  
 que par effect. Quant au premier que vous auez allegué  
 des oyseaux & autres animaux, qui ne se nourrissent que  
 d'une seule viande, & partant qu'ils ne sont subiets à tant  
 de maladies comme sont les hommes, vous vous trom-  
 pez doublement. D'autant qu'ils ne vivent point d'une  
 seule viande, & ne sont point exempts de maladies non  
 plus que nous. La preuue en est euidente: la diuersité des  
 herbes, plantes, semences des fruicts de la terre, en font  
 assez



assez foy, dont aucunes sont douces & froides, aucunes froides & chaudes, tellement qu'il n'y a cuisinier qui puisse apprester tant de diuersité de viandes, que nature à sceu diuersifier tant d'herbes que paissent les animaux dont les oyseaux se nourrissent: Ainsi que monstre bien Eupolis poète Comique Grec, introduisant en vne siéne Comedie les cheures qui se vantent de leur iouissance d'infinites herbes. Quant aux maladies, Homere seruira de tesmoin lequel escrit, que la pestilance, eut sa source premiere des troupeaux de Brebis & moutons, dont les hommes furent infectez, Mais qu'est il besoin d'autoritez ou nous auons tant d'experiences iournalieres. Voulez vous d'autre tesmoignage que leur courte vie & que peu d'entre eux arriuent à la vie de l'homme, fors que les Corbeaux, que ie pense neantmoins estre vne fourbe, lesquels ne se cōcentrans d'vne seule viande s'attachent à toutes les charoignes & tous les fruiets, & ne s't leur faim & gourmandise moindre que la longueur du temps qu'on dit qu'ils viuent Le second exēple que vous auez amené, est des Medecins qui ordonnent aux malades de ne manger que d'vne seule viande, ne fait contre moy. Car cela ne se pratique point qu'au commencement de la maladie, & ce, afin que n'v'sans que d'vne viande, ils mangent tant moins, & encores ne leur en laissent ils prendre que bien peu, à cause de la foiblesse de nature, mais quand le malade a besoin d'estre nourri & fortifié, alors ils font tout le cōtraire, & leur promettēt diuersité de viādes afin d'ouurir & exciter l'appetit, pourueu toutesfois q̄ les viandes soyent saines & cōtraires à l'humeur peccante. Vous voyez cōment les manieres de proceder des Medecins, tendent a autre fin que vous ne pēsez pas. Touchant la meslange du vin ce n'est pas grād chose: attendu qu'il y a grād difference, entre le boire & le manger. Car celuy qui est saoul, ne s'eniure point, s'il ne boit ores qu'il māgeast plusieurs & diuerses viādes, & celuy qui boit trop, son cerueau est aussi tost troublé. Parce que le vin mōte hastiuemēt à la teste, à cause de sa chaleur & legereté, & partāt on defend les vins brouilleez & frelatez, à ce que les vapeurs & fumees ne mōtent pas de l'estomach à la teste, qui en seroit griefuement offencee par sa force redeuable



redeuable & inaccoustumee. Cela ne peut aduenir à la viande: parce que lors les vapeurs ne montent point tout à coup ny impetueusement: ains tout bellement apres le commencement de la premiere digestion. De façon que vos exemples ne nous font plus grand peur, n'estas de peu ou nulle force. Voyons maintenant si vos raisons auront plus d'efficace. Elles ont quelque apparence, mais de vertu bien peu. Car ie ne doute point de ce que vous dites que le manger trop ne soit domageable & n'empesche la digestion, & en cela nous sommes d'accord. Mais cela n'a rié de commun avec la diuersité des viandes, comme ie vous monstreray. Quant à ce que vous affermerez, que la diuersité des viandes prises egaleement, nuisent dauantage vous vous abusez grandement: car cela est conforme à la nature, & ne donne empeschement à la digestion, n'y à la bone nourriture. D'autant que ie soustien que vous supposez vn faux fondement, disant que la substance qui est produicte en nous, de la diuersité des viandes soit à cause de la varieté, pernicieuse au corps, y engendre discorde & inequalité, ou disproportion d'humeurs, parce qu'ainsi que nos corps sont composez & formez de quatre diuerses humeurs, la colere, la melancholie, le flegme, & le sang, qui correspondent aux quatre elements, à l'auoir, la couleur au feu, la melancholie à la terre: le sang, à l'air, & le flegme, à l'eau: qui participent de quatre qualitez, du froid, de l'humide, du chaud, & du sec: pareillement nous auons besoin d'estre alimentez des choses qui les puissent soustenir, & aider à chacune de ses humeurs: estant chose notoire, qu'un semblable ayme son autre semblable. Respondez moy, ie vous prie, celuy qui ne mange que d'une viande, laquelle, comme chacun sçait, ne communique point sa substance, sinon à la qualité conforme & dominante, comment soustient-elle en force & vigueur les autres trois humeurs? difficilement certes. Il appert doncques manifestement, que l'homme ne doit estre nourri d'une mesme chose: puis qu'il n'est point composé d'une seule qualité, ains de plusieurs & diuerses viandes, & de diuerses qualitez. Ce bon Dieu le nous donne bien à cognoistre, qui n'a point voulu que l'air qui nous enuironne, & celuy que nous humons & respirons, fussent d'une



d'une mesme qualité, ains qu'il fut chaud & humide: & n'a voulu aussi qu'il demeurast tousiours en vn estat, ains qu'il s'alterast plus ou moins, & eust comme vn meslange & participation avec les autres elemens. Car il estoit impossible d'estre soustenu d'une seule qualité d'iceux, puis que comme il a esté dit, nous sommes composez de quatre elemens: & encore les autres 3. elemens, ont chacun d'eux diuerfes qualitez susdites. Le feu est chaud & sec, l'eau humide & froide: la terre froide & seiche: & ces qualitez peuvent estre meslees & confuses ensemblement, de quoy procede la generacion des choses pour nostre nourriture. Or puis que cela est vray, comment & pourquoy voulez que nous soyons nourris avec vn aliment d'une seule sorte, touchant l'autre point par lequel vous disiez que celle diuersité de viandes engendroit vne crudité & indigestiō: cela est aussi mal à propos que le demeurant. Et encores moins ce que vous adioustastes, suiuant la tradition des Medecins, des quatre digestions. Parce qu'elles ne s'empeschent ny destournent point les vnes les autres par vne telle diuersité de viandes, soit qu'elles soyent plus aisees à digerer ou plus mal-aisees, pourueu que la qualité ne soit excessiue. D'autant que la nature n'est pas si mauuaise ouuriere qu'elle attende que la viande se confonde ou entremelle, comme vous dites, pour faire la seconde ou la troisieme digestion: & cela ne se fait pas en vn instant, parce que les facultez naturelles operent en temps & lieu, & renuoyent la viande & aliments digerez en leur place & aux parties ordonnees, poullas le plus solide & feculēt aux intestins: parquoy les Medecins conseillent qu'on mange du commencement les viandes plus propres & faciles à la concoction, à ce qu'elles soyent les premieres conuerties en nourriture, principalement d'autant que quād on ne mangeroit que d'une seule viande, elle ne laisseroit de passer. Car ainsi que toutes les parties d'une viande ne sont pas d'un mesme poix ny force la nature neantmoins, cōme prudente maistrresse digere prudemment les viandes plus faciles, & en fait son profit aussi tost que la digestiō est parfaicte, de sorte qu'en cela la diuersité des viandes ne donne aucun empeschement, ains certainement nous experimenons



mentons à tout heure, que l'homme mange plus de diuerses choses, & le digere mieux, que quand il ne mange que d'une seule chose, en mangeant toutesfois autant de l'un que de l'autre: & semble que iusques à cela la nature se delecte en la variété. Pour le regard de ce que vous dictes apres que la diuersité des viades incitoit l'appetit, & fait qu'on mange trop, & que de là procedent les inconueniens susnommez. Je respons, qu'en cela vous confessez, que c'est la quantité qui porte nuisance & non point la diuersité, qui est celle que ie deffends. Et en cela, vous n'avez pas de raison, Car temperance & prudence des hommes discrets, y doit donner ordre, lesquels ores qu'on leur presente les plus friands & meilleurs morceaux de la table, ils sçauent se commander, regler leur appetits, & n'en mangent que par mesure, & ceux qui sont despourueus de logement & prudence, ne mangent, seulement iusques à creuer, ains iusques à en deuenir malades, chose qui appartient a de bestes brutes. De maniere, que quelconque viande leur est dangereuse, quand bien elles seroyent seules & simples, quand ils outrepassent mesure. Et les sages, parmi la variété des viandes, choisissent seulement ce qui leur suffit, se garantissant du danger, quand bien ils ne mangeroient que d'une seule viande qui ne leur est point propre la où la nécessité luy fait manger, ce qui luy porte dommage. Or cela suffira, pour respondre à ce que vous avez dit, que iajoit que la diuersité des viandes ne portast preiudice à la santé, que neantmoins pour fuir la delectation & la sçauceur que vous disiez estre viciense, & contraire à la vertu, on s'en deuoit abstenir. Mais veulx bien que vous sçachez, que la sçauceur, delectation & volupté que l'on prend en mangeant, n'est pas toujours viciense ny reprehensible excepté, que quand cela se fait avec desordre, par excès & contre la loy de Dieu. Car si cela estoit toujours ainsi, on pecheroit ordinairement, à faire aprester les viandes, à fin de les trouuer meilleures, à manger iusques à ce que la faim fut du tout assoupie & estourdie. Nous pourrions prendre honnestement plaisir & n'offencer point Dieu



Dieu, en prenant goust aux viandes, & donner la musique, ou les instrumens: parce que telles choses prinſes par meſure, ſont licites & naturelles. Je ne puis bonnement blaſmer le plaſir & l'appetit qu'on prend en mangeant, & le louë pluſtoſt, comme nous eſtant vtile & neceſſaire, attendu que ce que nous mangeons avec bon goust & plaſir, eſt pluſtoſt digeré, comme choſe qui eſt reçeuë gayement & volontiers en l'eſtomach, & que nature conſume auſſi toſt au contraire, ce qui ſe prend ſans goust ny appetit, vient à contre cœur, & porte dommage. De maniere, que vous vituperez à tort la diuerſité des viandes, & ce qui les rend ſauoureuſes, & eſueillent l'appetit: & principalement que la ſanté, qui conſerue noſtre vie, giſt en ce que nous ayons touſiours l'appetit ouuert & viſ, ſans eſtre deſgouſté, qui eſt vn ſigne que l'eſtomach & conſequemment tout le corps eſt en dāger de quelque indispoſition. Car tout ainſi que quand on a bon vent ſur mer, les mariniers ont le choiſ d'abaiſſer & plier les voiles ſi bon leur ſemble, ou bien de faire voile & nauiger, la où quand la mer eſt calme, ils ne peuvent tourner les voiles ou bon leur ſemble ny cheminer ſur mer: ſemblablement quand on a l'appetit gaillard & ouuert, l'homme le peut tenir avec iugement & raiſon: mais ſi par fortune il eſt perdu, & on n'a point la force ny moyen de le faire reuenir ny de l'affiler, c'eſt ſigne qu'on eſt au declin, puis que noſtre nature ne peut eſtre ſouſtenuë que par le boire & manger, dont le ſeul moyen giſt prealablement à l'appetit & au goust. Parquoy nous deurions pluſtoſt taſcher de l'entretenir, que de le laiſſer perdre, puis que eſtant par trop ouuert, il peut eſtre bridé & reiglé par la raiſon. Concluſion, Seigneur Beltramo, vos exemples ny vos raiſons ne ſont valables pour condamner la diuerſité des viandes, eſtant les miennes plus que ſuffiſantes, ſans qu'il ſoit beſoin de diſputer plus longuement ſur cela, n'y employer plus de temps. Proteſtant neantmoins que ie n'entends y comprendre les exceſſiues ſuperfluitéz ny d'autres extremitéz, qui ſont touſiours vicieuſes & reprouuees. R o n. J'ay pris vn ſingulier plaſir à vous entendre, & ſi le Seigneur Velasque veut donner ſur cela ſa ſentence, ce qu'il dira



sera de merite. Mais toutesfois l'acquiesce plustost à l'opinion du Seigneur Ignico : mais cependant qu'on consultera pour donner la sentence, ostez la nape, & enuoyons querir nos montures, pour nous aller vn peu esbattre hors la ville. **V E L.** Messieurs vous vous abusez de vous persuader que ie vueille estre vostre Iuge. Je l'ay dit à fin de vous donner occasion de si bien discourir où i'ay pris grand plaisir, parce que tous deux auez sur ma foy disputé fort doctement: mais parce que ceste matiere n'est pas de mon gibier, i'en laisse la resolution aux Medecins, qui en pourront prononcer la sentence. Et ce temps pendant chacun se gouvernera selon la coustume, & qu'il verra estre plus propre à sa santé. D'autant qu'à dire vray, pour le regard du manger, les complexions, les estomachs & la disposition du foye sont differentes, qu'on n'y scauroit donner autre reigle, fors que chacun a besoin de se reigler soy-mesme. De ma part, ie me resouls en vne chose seulement que ie scay estre bonne pour toutes personnes, c'est d'estre sobre à mon manger & boire, soit qu'on vse d'une seule viande, ou de diuerses. Si nous approuuons & practiquons auourd'huy ceste reigle nous n'aurons point perdu le temps. A tant nous mettrons fin à ceste dispute, & apres auoir dit graces & prins congé de la compagnie, ie me retireray pour dire mon office, puis que vous vous voulez aller esbattre. **B E L.** Je veux bien que vous scachiez, Seigneur Ignico, qu'on pourroit bien respondre à tout ce que vous auez dit, mais ie ne veux outrepasser le commandement qui m'a esté fait: ioinct que moy mesmes ay enfrainct le premier ce que ie deffends, ayant mangé de toutes les viandes. **B E L.** Vous faictes bien, & certainement vous vous estes tous deux portez en galants hommes & grands Philosophes, sans que i'en parle d'auantage. Allons donc aupres du feu, & puis nous irôs où il vous plaira, & le Seigneur Velasque fera de mesme.

\* \*

*Fin du Dialogue.*

DIA





DIALOGVE DV  
CONTENTIEVX,  
OV CONTREDISANT.

ENTREPARLEVR S.

Diego, Alphonso, Aluato, le  
Docteur Naruaes.

*Au sixieme Dialogue du contredisant, vn Docteur nommé Naruaes, restrint en contredit à tout ce que luy est proposé: & en fin fait vne belle declaration, par maniere d'exercice, à la louange de l'Asne; pleine d'histoires, & d'autres choses singulieres.*

DIEGO.



LE Seigneur Alphonso vient vers nous, pour auoir part à la plaisante compagnie de nostre voisin, comme vous luy promistez, prenez garde qu'il ne manque point de venir puis que nous luy en auons fait si grand estat, & si grande feste, cōme si c'estoit vn ioyau de valeur inestimable. ALPH. Vous & luy soyez les tres-bien venus, allons nous asseoir: car Monsieur le Docteur ne faudra point de venir, comme il m'a promis d'estre icy à dix heures, il est volontiers homme de parole. ALPH. Messieurs, ie suis party de mon pays pour voir toutes choses dignes de memoire: & vous ayant ouy parler du naturel si estrange de ce Docteur, ie feusse



volontiers venu tout exprez de Seuille, pour luy courir & disputer, puis qu'il le sçait faire si dextrement comme vous dites, encore qu'il n'eust esté si sçauar qu'il est. **ALV.** Le Seigneur Diego & moy vous comptâmes hier, qu'elle grace il auoit. Mais maintenant ie vous dy d'abondant, qu'il est non seulement contredisant, ains plustost l'esprit mesme de cōtradictiō: par ce qu'il n'entend rien dire à vn autre, qu'il ne s'efforce soudain d'y contredire, & ne soustienne tout ce qui est à rebours. Il n'a pas faute de raisons de tous costez, du moins en apparence. Aureste il est d'un entendement vis & prompt, & à beaucoup veu & leu. **ALF.** Sans doute ie croy qu'on doit prendre aucunesfois vn grand plaisir de pratiquer avec ce personnage: parce qu'on faict tousiours tomber quelque propos & deuis en ieu, d'où l'on peut tirer beaucoup de profit. **DIE.** Il est certain. Mais on s'ennuye de l'ouyr si souuent estruier, & maintesfois il parle tāt, qu'il ne donne presque point à personne le loysir de parler, quand il est en vn lieu. **ALF.** Il se voit doncq en luy, ce que souloit dire Ferdinand de la Vega. Que c'est vne chose tres-rare que d'estre sage & retenu: car la plus-part des gens ne font que babiller, & Bauarder, **ALV.** Je ne sçay d'où procede cela, mais quoy qu'il y aye c'est vn grand caueur: & ce qui est plus insupportable, il defend aucunesfois d'opinions extrauagantes, sans aucun fondement raisonnable. **ALF.** Cela le plus souuent aduiet aux plus grands & aux plus sçauans, presumans par trop de leur esprit & doctrine. **ALV.** Ce que vous dites est si veritable, que mesmes il se verifie aux choses qui concernent nostre foy, attendu que les plus grands heretiques qui furent onques, estoient gens d'esprit & de sçauoir, mais superbes & arrogans. Parquoy nous deuons tousiours inuoyer Dieu, qu'il luy plaise nous illuminer l'entendement par son S. Esprit, à ce qu'en toute humilité nous tenions le grand chemin certain & veritable de nos ancestres, sans nous arrester aux nouueaux sentiers des subtilitez & faussetez modernes, comme ont faict plusieurs de nostre temps. **DIE.** Il ne faut point craindre que ce personnage nostre amy tombe en c'est inconuenient. Car il ne se mesle d'autre chose, que de la Philo-



logie des lettres humaines, & des communs deuis. Je ne veux oublier sur ce propos à vous cōpter la grace qu'eut vn gentil-hōme de ceste citē. Lequel ne sçachant à peine lire vn liure en sa langue vulgaire, & n'ayant gueres plus de lettres dans sa caboche, entendant qu'en partie d'aucuns qui n'en sçauoyent pas dauantage que luy pour estre reputé sage & sçauant, protesta en iurant, qu'il se repentait d'auoir iamais estudié, & voudroit payer tout ce qu'il auoit en ce monde, & n'auoir rien ap̄tis: & neantmoins le bon Seigneur ne sçauoir pas bonnement lire.

ALF. Nous ne sçaurions dire autre chose, sauf qu'il auoit bonne grace, & de la nous pouuons bien comprendre, qu'il n'auroit en grand' cure de faire deuenir ses enfans grands philosophes. Mais cependant ie voudroy que nostre grand argumentateur s'approchast. ALV. Il ne peut gueres plus tarder, mais prenons garde de ne luy contredire de rien, à ce que le iour ne se consume en ne parlant que d'une seule matiere. Et si ce qu'il dit ne nous semble à propos, changeons tout bellement de deuis à ce qu'il y ait du plaisir en la variété de ses discours. ALF. Je le trouue bon ainsi: mais ie suis d'aduis qu'on luy contredise aucunement, pour l'esguillonner d'auantage.

ALF. Ce ne sera pas mal fait. Toutesfois vous verrez qu'il ne le faudra gueres piquer, pour le faire aller: & prenez vous garde, vous verrez qu'il ne vousorra dire chose, qu'aussi tost il ne le contredise & debate. DIE. Parlez bas messieurs, le voicy qui vient vers nous, vous soyez le tresbien venu, Seigneur Naruaes. NAR. Vous soyez aussi les bien trouuez. Or certes ie ne puis autrement qu'estre le bien venu, mesmement en ceste maison où ie reçois tant d'honneurs & courtoisie. ALV. Ains vous nous faites tousiours vne grande faueur, & d'autant plus maintenant, que vous aurez cognoissance du seigneur Alphonce, gentil-homme tresdocte, & intime amy du sieur Belramo vostre trescher amy aussi. NAR. Chacune de ces deux choses m'oblige à luy demeurer tres affectionné seruiteur, & pour tel ie m'offre à luy. ALF. Il me suffit que l'un de ces deux choses, vous induise, Mōieur le Docteur, à m'estre amy, & ce sera l'amitié du sieur Belramo, parce que de l'autre, ie me recognoy si pauvre &



desnué, qu'elle ne merite de vous estre presentee. **NAR.** La mutuelle amitié de vous deux me resmoigne assez le demeurant. Quand bien le Seigneur Alvaro ne m'en auroit rien dit. **ALF.** Comment que ce soit, ie vous prie de m'accepter pour l'un de vos seruiteurs, & pour changer de propos, ie vous prie, qui est ce liure que vostre garçon porte. **NAR.** Ce sont les vies de Plutarque nouuellement abregees: ie les porte quand & moy, pour les rendre au Seigneur Diego, come ie fay de tout ce qu'on me preste volontiers, & principalement des liures. **DI.** C'est en verité vne tresbelle conclusion & profitable aussi, attendu que, selon ce commun prouerbe, le bõ payeur ou rendeur, est maistre du bié d'autrui. **NAR.** Je trouue ce prouerbe tresfaux, & ie m'en rapporte au Seigneur Alfonse, qu'il luy plaise iuger lequel des deux est mieux maistre & seigneur du bien d'autrui: ou celuy qui ne paye & ne rend iamais, ou celuy qui paye & rend ce qu'il a empronté. **ALF.** Voici vn beau commencement, selon mon opiniõ, & dy que Monsieur le docteur a raison. J'ay vu le liure, & y ay prins plaisir, & pour ne prendre tant de peine à fueillerer vn nombre infini de liures d'aujourd'huy, ce seroit chose tresvtile de les abregger & reduire en epitomes come cestuy cy a esté. **NAR.** Pardonnez moy, s'il vous plait, il me semble tout autrement d'autant qu'on ne raporte point le fruit que vous dites de semblables extraits compendieux ou epitomes, ains cela augmente plustost le nombre des liures, d'un seul, on en fait deux: dauantage on falsifie les œuvres d'autrui, parce qu'on en tranche & retranche à plaisir, on change le stile, on diminue l'eloquence & l'ornement de l'auteur, on amoindrit la matiere & le subiet, on usurpe la peine & gloire d'autrui: & veut on paroistre ingenieux aux œuvres des autres. Bref; c'est larcin & iniustice de desseigner, tailler & couper en l'edifice d'autrui outre & cõtre la volõté. Dauantage par le moyen de tels sommaires les liures, principaux se perdent, come il est aduenü à Trogus Põpeius, & à la plus part de Tite Liue, qui se sont perdus, & leurs abbreviateures, Iustin & Florus, nous sont demeurez entiers: le pareil est aduenü à plusieurs autres bons liures aussi. **ALF.** Ce qu'à dit monsieur



leur le docteur est veritable, combien qu'on pourroit  
 respondre quelque chose la dessus: mais ie ne suis ama-  
 teur de cōtraditions. NAR. Et moy, quand ie le voudroy  
 faire ie ne scauroy dire. Nous ne le pouuons pas croire,  
 mais ne vous souciez point, car l'altercation n'est vne  
 chose si mauuaise, qu'a mon iugement, c'est bien fait de  
 ne le faire pas, & encores mieux de ne le scauoir pas fai-  
 re. NAR. Ie ne veux pas dire que ie ne scache disputer ou  
 contredire, parce que ie ne le louë point, ains ie le iuge  
 plustost estre bon, vtile & necessaire: mais ie veux dire,  
 que ie ne me sens point capable de le pouuoir faire. DIE.  
 Si vous voulez soustenir l'altercation, il faut donc que  
 vous soyiez bien versé en tout ce qui peut tomber en cō-  
 tention, veu que cela est contraire à la commune opi-  
 nion; laquelle nous deuons suivre. NAR. Ie ne scay com-  
 ment ie defendray l'altercation, mais encores que ie ne  
 la defende suffisamment, il bes'ensuira pourtant que  
 l'altercation ne soit bonne: mais premier qu'en venir là, ie  
 veux contredire l'autre opinion, par laquelle vous affer-  
 mez que nous deuons suivre les populaires opinions,  
 sans estre paradoxiques. Parce que cela est contreuenir  
 à toute vraye philosophie: voire à la sainte escripture, at-  
 tendu que nous deuons adherer aux sages, ors qu'il so-  
 yent moindres en nombre, que le vulgaire ignorant. On  
 nomme la cōmune opinion, celle qui a plus de suiuaus.  
 Aussi nous lisons aux saintes lettres, qu'il ne faut point  
 ensuivre la multitude, ny se departir de la verité, pour  
 s'accorder au sens des autres. DIE. Ie ne dy pas que nous  
 consentions aux ignorans, ors que le nombre en soit  
 grand. Mais i'entens par la commune opinion, celle qui  
 est tenue par la plus part des sages. NAR. Vous parez  
 bien aux coups, en vous tenant conuers en ceste manie-  
 re: mais quand il seroit ainsi, ie dy que la plus-part des  
 sages & scauās, estiment, q' l'altercatiō & dispute est vne  
 chose necessaire & sainte. ALV. Apprenez le nous, ie vous  
 supplie, & que ce soit sans altercatiō. NAR. Ie suis cōtēt de  
 le vous monstrier, en sorte que vous ne me scauriez con-  
 tredire. Car sans l'altercatiō on ne paruiendroit iamais à  
 la cognoissance des arts & sciences, & quiconque la vi-  
 tupere, n'entend pas que c'est: bien que la dispute & l'al-



tercation ne sont qu'une mesme chose, & n'est autre cas que de proposer vne opinion qui soit contredite & desbatue par vn autre, & en cela gist l'exercice des arts & sciences. Puis donc qu'il est ainsi, ie m'esbay qu'ils se trouuent de gens qui osent ainsi blazonner vne chose tant necessaire & frequente, comme la dispute, pratiquee iadis par infinis philosophes & saincts personnages, & mesmes, auourd'huy en toutes les escholes & vniuersitez du monde. **ALF.** Veritablement il ne faut plus perdre du temps sur ceste matiere: parce que Monsieur le Docteur dit tres bien, & n'est autre chose en effect l'altercation que dispute, come il a dit. Je ne say toutesfois d'ou procede, que le contre-disant & contentieux engendre vn degoustement & ennuy. **NAR.** Cela procede de ce que chacun se desplait qu'un autre entende mieux vne chose que soy, ou bien qu'il soit de contraire opinion à la sienne: & faisant celuy qui dispute l'une de ces deux choses, ou toutes deux, ensemble, le degoustement, & desplaitir en procede, iasoit qu'il ne soit point ennuyeux ny desplaisant, & certes c'est vne singuliere grace, & qui n'appartient qu'aux gens doctes & de bon esprit, que de le scauoir faire dextrement. **DIZ.** Passons outre, afin que ceste nostre dispute ne sorte hors du chemin. Je vous aduise neantmoins, messieurs, que ie mettiens à mon opinion. **NAR.** C'est vne erreur commune, & n'estime de vous, que vous vueillez demeurer opiniastre. **DIZ.** Si c'est vne erreur, ie me consolera en ce qu'elle n'est pas commune, puis que ie ne seray pas seul, & que c'est vne consolation en vn mal, que d'auoir beaucoup de compagnons. **NAR.** L'erreur de ce proverbe est si commun comme la proposition dont est question, pour laquelle vous l'auiez allegué, & selon mon aduis, ce feut vne sentence de quelque cruel homme & meschant. **ALV.** Comment donc, n'est il pas vray ce que dit le Poëte, qu'aux affligez, c'est vne consolation d'auoir des compagnons en leurs aduersitez. **NAR.** Non non, il n'est pas ainsi: ains c'est plustost vne sentence inhumaine, & plaine d'impieté, d'autant que quand nous n'auons d'autre considération, que ce que nous sommes hommes, nous deurions auoir pitié & compassion



passion de voir endurer nostre semblable : de façon que par celle seule raison il appert, que le dommage de plusieurs accroit plustost en nous la peine, qu'elle n'apporte consolation, puis donques qu'il se ressent de son propre mal, & luy desplait de celuy de l'autrui, combien ce que ie dy ce trouuera beaucoup plus veritable à l'endroit du Chrestien? Lequel suiuant le commandement de Dieu, est tenu d'aimer son prochain, & se condouloir de ses afflictions. Or voyez quel aduantage c'est, que d'auoir des compagnons en ses malheurs. **ALV.** Je ne veux point contester contre ce Monsieur le Docteur, attendu qu'il n'a iamais faite de raisons apparentes. Ioinct que nous auons proposé de ne repliquer du iourd'huy à aucune de ces raisons. Mais ie vous diray bien, que Dieu vous fit belle grace de n'estre point Aduocat, car i'ay peur que l'enuie de contredire à quelconque partie, vous eut fait soustenir vne mauuaise cause & iniuste. **NAR.** Vous me cognoissez mal. Je ne desire point de contredire à aucun: mais ie fay cela quand ie voy qu'on n'a point de raison en ce qu'on soustient. Et encore l'iniustice pourroit bien estre telle; qu'estant Aduocat, i'auroy occasion de la defendre. **DIB.** Je n'en doute point: mais le Seigneur Alphonse le pourroit trouuer estrange, d'oser dire, que l'iniustice aussi se puisse deffendre iustemēt. Je ne sçay comment vous en pourriez venir à bout, mais ie vous diray bien, qu'il ne se trouuera iamais aucun sage ny Philosophe, qui ne blasme l'iniustice, & ne loue la iustice. **ALF.** Messieurs ie suis estrange, & nouuellement venu en ceste ville, non pour disputer, ains pour gouter & prendre plaisir à ce qui se traittera icy & certes ce qui a esté dict iusques icy, m'est bien agreable. Escoutons Monsieur le Docteur, lequel est sage & sçauant, & qui peut biē respondre de son fait. **NAR.** Ne vous scandalisez point, ie vous prie, car si vous auiez tant leu que le Seigneur Alphonse, vous ne trouueriez, peut estre, tant hors de propos ce que ie vien de dire, qu'il se pourroit trouuer telle iniustice, que iustemēt on la pourroit defendre. Escoutez moy ie vous supplie patiemment: car i'espere vous faire cognoistre que ie ne me fouruoie pas beaucoup du droit chemin. Je di donc, que vous vous trompez grande-



ment de s'auſtenir, qu'il n'y à homme ſage, ny Philoſophe, qui vitupere l'iniuſtice, veu que pludeurs ſçauans & grands perſonnages l'ont louangee, pour monſtrer la ſuffiſance de leur eſprit, ou parce qu'ils eſtimoyent que c'eſtoit choſe neceſſaire de permettre & tolerer quelque iniuſtice, ou pour la deffendre, pour le ſouſtien de la republique & police humaine. Car, comme dit ſainct Auguſtin, en ſon liure de la Cité de Dieu, c'eſtoit vn Prouerbe communement vſé dans la ville de Rome, que la republique de Rome ne pouuoit eſtre conduire, n'y gouuerner ſans iuſte & iniuſtice. Nous liſons que les Atheniens. enuoyerent autrefois trois Ambaſſadeurs à Rome. Carneades Philoſophe Academicien : Critolaus, Peripateticien, & Diogenes Stoicien : & que Carneades pour faire prouue de ſon eloquence fit vne excellente harangue à la louange de la iuſtice, & le lendemain vne contraire harangue pour la deffence de l'iniuſtice, en laquelle il refuta les argumens du iour precedent, alleguant de raiſons viues & pregnantes en ſa faueur, & entre autres choſes, ainſi que recite Lactance, remonſtra que l'iniuſtice eſtoit ſi neceſſaire pour la conſeruation de la repub. Romaine, que ſi les Romains vouloyent obſeruer la iuſtice eſtroictement, en rendant à chacun les lettres qu'ils auoyent vſurpees ſur l'un & ſur l'autre, ils ſeroient contraincts de retourner habiter leurs premieres cabanes, comme ils auoyent faiſt deuant l'edification de la ville de Rome. Le meſme ſainct Auguſtin eſcrit encorres, que Ciceron en ſes liures de la republique introduict vn certain Furius Pilus, pour louer l'iniuſtice, le faiſant prouuer, qu'elle eſt neceſſaire pour le gouuernement & entretien de la police humaine. Et ſi vous en voulez ſçauoir d'auantage, liſez Platon en ſon ſecond liure de la republique, vous trouuerez qu'il introduict vn certain Glaucus, pour deffendre l'iniuſtice par des raiſons & arguments de tres-grande efficace en apparence. De maniere que vous ne douterez plus, Meſſieurs, qu'il n'y aye eu de Philoſophes & autres gens de ſçauoir, qu'ont extollé l'iniuſtice, ſoit à bon eſcient ou autrement. choſe qui vous ſemble incroyable, ores que ie pourroy bien adiouſter, que ſ'ils le firent, pour auoir  
eſté



esté totalement de ceste opinion, ils se trompyent lourdement d'autant que l'injustice est ennemie de la vertu, & la iustice les embrasse toutes, & en appellans, quelque homme iuste, nous entendons & le presupposons estre vertueux. Mais touchant ce que l'auiy dit que l'injustice pourroit bien estre telle, qu'on le pourroit iustement deffendre. Je le di d'autant qu'il y a certaines operations & actions, qui sont en general. reputées vicieuses & iniustes, qui ne se doiuent toutesfois reputer n'y vicieuses n'y iniustes: selon les circonstances de temps & des lieux: ains peuuent estre deffendues & louées. Et afin que vous n'estimez que j'aye songé cela de ma teste: Xenophon au liure des faicts & des dictz de Socrates, en est l'auteur. C'est chose vicieuse & iniuste que la tromperie, & vser de fraude & dol enuers l'autrui. Mais celuy qui deçoit son ennemy en vne guerre iuste & legitime, ne pecheroit point, ains il sera plustost honnoré, & réputé habile homme. Celuy qui de fraude est iniuste, mais en la guerre la picoree est permise. Je pourroy amener plusieurs autres exemples, comme de beuiler les grains, abbatre les villages & hameaux, desmanteler les villes, & cōmettre plusieurs choses iniques d'elles mesmes, mais tout cela reçoit exception selon les occurrences. DIES. Vos exemples ne sont rien contre moy, attendu que cela qui se faict en vne guerre licite, & contre les ennemis de l'estat, n'est point iniuste. Mais à l'endroit des amis, on est tenu en tout lieu & en tout temps de leur estre loial & veritable, & de deffendre leurs personnes & biens. NAR. l'en pourroy aurant dire des amis. S'ils sont malades, on les peut deceuoir en leur donnant quelque breuuiage deguisé pour leur santé, ou bien en leur ostant leurs armes s'ils estoient tombez en terre. On peut aussi iustement abbatre leurs maisons & domaines, pour la deffence de la Cité, ou d'autre accident legitime. DIES. Ce sont de faicts spéciaux & particuliers, & permis pour diuerses occasions, partant ne sont compris sous le nom d'injustice, & tant plus elle approche de la rigueur extreme, tant moins elle merite ce nom là, car autrement, qui est-ce qui oseroit soustenir vn meurtre faict cōtre les loix, ou vn adultere & semblables meschance-



rez. NAR. Seigneur Diego, ie ne me suis point obligé de soustenir vne pure & manifeste iniustice : parce que ie vous ay seulement dit, si bien me souuient, qu'il se pourroit trouuer quelque forme d'iniustice, qui se pourroit deffendre, dequoy ie vous ay posé quelques exemples. Mais si ie prouuoie le semblable par les exemples memes que vous auez alleguez, que direz vous ? DIE. Cela me semble si difficile, que vous ne le pourriez faire.

NAR. Je vous le feray voir bien facilement. Dites moy. Ne sçauiez vous pas, que celuy qui trouuant sa femme en adultere, la tuë, il luy est permis selon les loix de ce faire, ores qu'il ne l'eust faict que pour se venger seulement, & par haine : & si le mary verifie l'adultere la loy veut q'sa femme luy soit baillee pour en faire selon sa volonté, mesmes il la peut occire. Et toutesfois le mary faisant cela peche, & commet chose iniuste, puis que Dieu deffend de ne nous venger par nos mains propres, & ne nous precipiter par haine, i'açoit que les lieux le permettent pour retrancher toutes occasions d'adulteres, & autres tels malheurs qui s'en peuuent ensuiure. A vostre aduis, pecheroy-je, si ie deffendoy en iugement vn tel mary, meurtrier de sa femme. Et quant à ce que vous disiez de s'accoster d'vne autre femme, que la sienne. Combien ya-il de lieux ou l'on souffre publiquement les bordaux, ce qui ne se peut faire sans tres grande iniustice, & offence enuers Dieu ? Et toutesfois nous sçauons que tout cela est permis par les loix & les Princes. Pourquoy pour obuier à de plus grâds incôueniëns, le magistrat les maintiët en leur vie desordônez, sans qu'il leur soit faict aucun tort ny desplaisir. Partant Seigneur Diego, ne soiez vne autrefois si fiché, ny arresté en vne vostre opinion, car si vous m'auiez presté l'oreille, i'ay prouué ce que ie pretendoy. ALF. Je vous supplie ne contestons plus la dessus, Monsieur le Docteur, à raison en prenant la chose ainsi qu'il l'entend & declare. DIE. Je ne veux plus repliquer contre luy, i'açoit que ce discours n'estoit pas mauuais, en attendant que l'heure s'approche, pour pouuoir aller voir le port & la riuiera que le Seigneur Alphonse à fantasie de voir, auquel lieu, Monsieur le Docteur ne s'achemine point volontiers, ainsi qu'il dit.



ALPHONSE. Je ne sçay pourquoy? Parce que c'est vn beau pourmenoir l'Esté, que de prendre le matin la fraischeur de la mer: qui est vn grand aduantage que les villes maritimes ont par dessus les autres: veu que ceste Cité peut estre nombree entre les maritimes, pour le grand trafic & commerce de la riuere, combien qu'elle soit eslongnee de la mer. NARRAES. Voulez vous sçauoir la raison, Messieurs, pourquoy ie vay mal volontiers vers la riuieré. Parce qu'en Hyuer la fraischeur n'est n'y saine, n'y de requeste: Et en Esté, on ne la tronue point tousiours quand on y va: loint que ie n'y veux point aller à cheual, & le Roy ne veut pas qu'on se serue des mules. Puis si i'y alloÿ à pied, la chaleur que i'auroÿ pour la peine du chemin, surpasseroit la fraischeur que i'y pourroÿ recevoir: partant ie m'en deporte. Or pour reuenir à nostre propos, ie n'accorde pas que Seuille soit ville maritime, puis qu'elle en est esloignée environ quarante cinq milles, ni aussi que les terres maritimes ayent meilleur aduantage que les mediterranees: attendu que les sages anciens, iugeoyent, que c'estoit chose mal saine, que d'habiter pres de la mer.

ALV. Je suis bien aise, Seigneur Alphonse, que vous ne vous vanterez pas tout seul, que Monsieur le Docteur ne vous ait attaqué, aussi bien que les autres.

ALE. Il me le semble bien. Mais au demeurant ie ne sçay point comment n'auec quelle raison, ou autorité, on puisse nier le par dessus aux lettres maritimes, mesmement où y a vn port de mer, attendu qu'elles ont la commodité de la mer & de la terre, & que leur commerce & trafic se peut eslargir facilement & estendre par tout le monde. NARR. Quand à l'autorité, Platon & Caton le Censeur me seruiron de bons garants: le premier au quatrieme liure de ses loix, & l'autre est l'oraison qu'il prononça (selon Appian) deuant les Charageois, ausquels lieux tous deux condamment la demeure de la marine, alleguans des raisons tres-vrgentes. Mais veritablement quand bien il n'y auroit d'autre raison, que le hazard & danger qu'encourent ceux qui resident en tels endroits, d'estre plus souuent que tous les

iours



iours assaillis & offenzez au desporueu, & en toutes saisons, par les corsaires, escumeurs, de mer, & toutes autres gens qui leur voudront nuire, dequoy nous auons leu, ouy, & veu vne infinité de miserables exemples, celle la route seule deuroit estre plus que suffisante. Mais il y en a d'autres importantes; a sçauoir le danger des inondations & submersions, les treblemens de terre, qui naturellement se rencontrent plus souuent & plus estranges, & craindre aux lieux qui auoisinent la mer, qu'aux terres eslongnees d'icelle. Si vous ne me voulez adiouster foy, ayez memoire de l'espouuantable tremblement qui rendit l'Almerines, inhabitable, & qui renuetra vne grande partie de la ville de Lisbonne, & des villes maritimes, qui ont esté noyees & submergees au pays de Flandre, ioint que volontiers, ceux qui habitent tels endroits, gens de riuere & de marine, sont reparez turbulens, meschans cruels, & iniustes, participans de l'inconstance amertume, & autres propriétés de la mer. De là vient que la plus part des insulaires sont estimez legers & perfides, & le prouerbe ancien disoit, que tous les insulaires estoient meschans, & les Gandiots tresmeschans: d'autant qu'ils habitent à la mer, ou pres d'icelle. En apres, les hommes maritimes sont lasches & poltrons point traueillans ny labouras la terre, sous espoir de la pèche dont ils se nourrissent, & de pareilles commoditez de la mer. Parquoy laissez Seuille en la situation, puis qu'elle est assez reculee de la mer, laquelle ayant beaucoup d'auantages par le moyen de la riuere, est assueure des susdits incouueniens de la mer. **ALF.** Louez tant qu'ils vous plaira Seuille: ie ne voudroy neantmoins changer ma ville de Barcelonne pour Seuille. Et ne parlons plus de cecy. Car ie ne veux point disputer contre Caton. Nous sçauons bien pourquoy vous ne vous seruez, de cheual en allant visiter vos terres, surquoy ie ne puis croire ce qu'on dit de monter sur l'Asne. **ALV.** Ie vous prie, Seigneur Alfonso, ne parlons point de cela, puis qu'il se dit communement, qu'un fol sçait plus en sa maison & de ses affaires, que ne fait le sage en la maison de son voisin & des affaires d'autrui. **NAR.** Je ne veux point interrompre nostre propos, mais ie vous diray



diray bié que ie ne rougiray point de ce que vous dictes, il est veritable, ie le confesse. Mais quât au prouerbe que vous auez mis en auant, du sage & du fol, pour mon regard, ie le trouue mal fondé, & suis d'opinion toute contraire. DIE. C'est vne chose sauage en bonne foy, que vostre naturel, qu'il ne se puisse accommoder avec personne. Mais pourquoy est ce, qu'un autre sçaura mieux gouverner ma maison que moy-mesme. N A R. Ie ne sçay point la cause. Toutefois ie sçay que celui qui gouuerne bien sa maison, reglera encores mieux celle d'autrui, s'il y estoit si bien obey, qu'en la sienne propre, & vne autre en dira bien tout autant: Or pour l'experience, ayez souuenance combien de fois il vous est aduenue de bien manier les negoces des grands Barons, de regler leurs maisons, & en retrancher avec la raison les fautes & abus qui s'y estoient fourrez: D'autant que naturellement nous sommes plus clair voyans aux affaires d'autrui, qu'aux nostres propres, qui nous auenglent le plus souuent. C'est pourquoy les medecins & aduocats, ne conduisent si bien leur train, ny leurs affaires qu'ils font ceux des autres, voire qui est chose estrange, les voisins sçauent mieux & plustost nos affaires particuliers, mesmes les choses plus secrettes de nos maisons, que nous-mesmes: tellement qu'on dit, qu'un corbard est le dernier aduertuy des cornes que la femme luy plante au front. A L F. Vous auez amené vn exemple si propre, & à propos, qu'il semble que vous auez tousiours la raison de vostre costé, ores que ces Messieurs, l'attribuēt à vostre naturel. Mais ne laissons pas de retourner a nostre premiere matiere, que nous auons entrelaissee. Dites moy, ie vous prie, pourueu qu'il ne vous deplaise, se peut il faire, que vous estant si sage & aduisé, puissiez auoir la patience de monter vn animal, si vil, vilain & honteux, & de si peu de recours en guerre ou en paix, comme est vn asne: ce que quand bien vous le confesseriez, ie ne le pourroy croire. N A R. Certainement vous ne pecherez point de le croire. Quand ie marche aux châps, ie me fers d'un asne, moureau de poil, assez haut, bien proportionné & enharnaché, mais rarement: parmy la ville, de crainte d'estre regardé par les artisans & gens



de loisir. Au demeurant, ie l'estime vne monture autant honorable, & plus, qu'un cheual; Et m'offre de prouuer premier que partir de ce lieu, si vous y prenez plaisir, que l'asne est un animal le plus utile & plus commode pour toutes les necessitez de la vie de l'homme, & pour en tirer plus de seruices, que tout autre animal, tant s'en faut qu'il soit contemptible ny plein de honte ainsi que vous disiez, & prouueray aussi que son excellente vertu, surpasse toute celle des autres montures. A L V. Il me semble que vous soyiez au bout de vos contradictions: puis que vous mettez à extoller l'Asne & desprisez ceux, qui font leur residence pres de la mer. Je ne me donneray désormais plus de merueille de ceux qui ont hautement loüé autrefois la sieure quarte, la mousche, la puce, la chauueté & semblables fredaines ny encores d'Erasme qui, a tant excellemment alouangé la folie. Parce que l'Asne cede a toutes les choses susdites. Mais l'estime qu'à leur exemple, vous vueillez faire monstre de la subtilité de vostre esprit. A L V. Comment que ce soit, escoutons paisiblement monsieur le docteur, & voyons quels beaux priuileges il attribuera à l'Asne, fors qu'il a belles oreilles. A L V. Qu'il commence quand il luy plaira, Je n'ay garde de luy contredire. N A R. Je veux pour ceste fois trancher du Rhetoricien, avec vostre congé: Parce que, comme ie puis veoir, Si vous n'affectionnez l'Asne, i'auray besoin de toutes mes pieces, car i'espere vous ranger à mon opinion, & qu'apres m'auoir escouté attentiuement, vostre mauuaise affection enuers l'Asne, se moderera. Et pour c'est effect, & ayant affaire à de gens doctes & vertueux, il m'est necessaire d'amener de li certaines raisons, bien que succinctement, touchant les perfections de nostre Asne, que vous soyiez contraincts de vous réger à la verité. Partant ie vous fay vne demande, laquelle estât iuste ne me sera esconduite, c'est que vous rabbatiez quelque chose du peu ou point d'estime qu'on fait ordinairement de l'Asne, afin qu'ayant osté ce greingé, & effacé vostre vulgaire opinion, au preiudice dudit Asne, laquelle ne peut rien diminuer de sa valeur, afin que la bassesse, humilité & abiection, la rend plus lonable, comme le



me le moyen par lequel chacun, iusques aux plus moindres participe & iouit de ses commoditez. Vne bague exquisite ne perd point sa valeur, pour estre ostee de la reste ou des mains, & est mise aux pieds. Pour le haurlouier, ie ne parleray de son origine ny antiquité, comme on a de coustume de faire, attendu qu'elle est esgale à toutes sortes d'animaux, qui furent tous creez en vn iour pour le seruice de l'homme. Mais deuant que discourir de ses plus grandes qualitez, ie diray premiere-ment, que iadis les plus gens de bien & d'honneur, se seruiroient ordinairement des Asnes, comme de la plus honorable monture qui fust de leur temps. Il n'est pas si ancien que les autres. Mais on s'en est seruy plus-  
 tost que des autres animaux. Nous ne lisons point d'histoire plus ancienne que celle d'Abraham, qui estant personnage de grand merite, & bien aimé de Dieu, ne se seruit point d'autre animal que de l'Asne, qu'il em-  
 basta luy mesme, pour le sacrifice de son fils Isaac. Lors que Saul fut oinct pour Roy du peuple Hebraique, il estoit allé chercher les Asnes de son pere. La tres-belle & tres-riche Abigail, s'en allant marier avec Dauid, apres la mort du superbe Nabal, son premier mary, y alla montee sur vn Asne, accompagnee de ses Damoiselles, lesquelles, comme il est vray semblable, estoient montees de mesmes. Asa, fille de Caleb, femme d'Oroniel, Dame de plusieurs terres & citez, estoit montee sur vn Asne allant demander à son pere de champs & terres du costé de midy. La vesue Sinnamiride qui estoit grand Dame & opulente lors du temps de famine, & qui logea le Prophete Elizee le suiuoit montee sur vne Asnesse, pour le prier de venir resusciter son fils. Et par tout le vieil testament, & principalement, aux liures des Rois, les Prophetes se seruoient des Asnes. Mais à fin que vous ne respondiez, que c'estoyent de gens saints, & faisans profession d'humilité, & modestie, plustost que de pompe & vanité. Il est escrit, que les premiers Barons, & Courtisans, mesmement les enfans des Rois en vsoient. Achitopsel, puissant & vaillant personnage pres le Roy Dauid, Prince & Lu-  
 ge du peuple Hebrieu, Seigneur de trente villes,

*Rom.li. 3.  
 ch.10.*

comme



comme est escrit au liure des Inges, estoient montez sur de ieunes Asnes, & aupres d'Absalon son fils, lors qu'il se partit comme desesperé, pource que le Roy n'approuuoit point son conseil, il se retira vers sa maison, monté sur vn asne. Les enfans aussi du Roy Saul cheuauchoyent des Asnes, & entre autres Misiboser qui commanda à son seruiteur de luy equiper son asne pour mōter dessus, & aller accompagner son pere le Roy Saul, lequel comme on estime estoit monté sur vn autre asne. Et les trente enfans du Galaatide, & de l'autre Iuge, qui auoit quarante enfans & trete nepueux, il est escrit qu'ils monterent sur septante asnes. Il s'ensuit donc que cela estoit reputé honorable, puis que de personnes de telle marque en vsoyent, les Gentils, & autres nations ne les ont pas moins priez. Higin afferme, que lors que (suivant les comptes fabuleux) les dieux eurent victoires contre les Geants, Bacchus, Vulcain, & autres estoient montez sur des asnes pour aller combattre. Mais qu'est il besoin d'alleguer l'exēple des Rois & Princes, puis que le Roy des Rois, Iesus Christ nostre Seigneur, vray Dieu & vray homme, voulut faire son entree dans Ierusalem, estant monté sur vn Asne, au iour qu'il reçut le plus grand honneur en terre, de maniere que nous en deuons vser avec vn grand respect. Outre c'est ordinaire seruice, il a entores plusieurs autres belles parties qui le rendent recommandable, dont nous en toucherons aucunes. Aristote, Plin, Marc Varron, & plusieurs autres Philosophes en ont fait grand estat, Apulee Philosophe Platonicien n'eut point de hōte, de confesser auoir esté transformé en vn Asne, d'où il print occasion d'escire son beau liure de l'Asne d'or, le descriuant en sondit liure, plein de sagesse. La sainte Escriture nombre entre les riches facultez du saint & tres-patient Iob, qu'il auoit 300. Asnesses: les Romains aussi, selon Varron, en eurent de grands haras. Et les Prouinces d'Arcadie, & de Beate fondonoyent leurs richesses sur le grand nombre d'Asnes & Asnesses, comme escrit Varron. Pareillement la cité d'Andron en Theſſalie a esté louee pour la mesme occasion. Est digne de remarque ce que ledit Varron dit, qu'un Asne fut vendu en sont temps soixante sex-



terces, vallās, selon le compte & calcul de Budee, la somme de 1500. escus, & quatre asnes furent vendus quatre cens mil sexterces. Plin<sup>e</sup> aussi escrit d'un autre asne qui fust vendu vne grosse somme. Ce n'est pas tout que le prix d'argent, pour designer la valeur d'une chose, les anciens l'ont bien tant prisé, que de le iuger digne d'estre consacré a Bacchus, & depuis de le placer aux cieux, de façon qu'il y a deux estoilles au signe de Cácer, nommées *Asinelli*, & trois petites nuees appelées, leurs creches, desquelles fait mention Lactance Firmian, au liure 24. chap. & Hig<sup>in</sup> au liure 3. Par ainsi soit aux fables, soit en l'histoire, nostre Asne n'as pas esté mis en oubly. Et non sans cause, puis que la S. Escriture, & Dieu auteur d'icelle, l'ont fauorise & distingué & privilégié en plusieurs sortes par dessus les autres animaux, & mesmes il en est faicte mention honorable au dixiesme commandement du Dialogue, nous estant deffendu de ne desirer la femme du prochain, ny son asne, & ce qui s'ensuit. Il a pleu à Dieu que l'Asneisse de Balaam veist l'Ange, qui se mettoit deuant elle, & qu'elle parlast chose certainement pleine de grandes merueilles & mysteres, pareillement les termes dont le Patriarche & Prophete Iacob vsa enuers son fils Isachar estant au lict de la mort, en le benissant, & ses freres, lors qu'il vsa de ces paroles. Toý Isachar, asne fort & robuste, dormant à la campagne: puis il adiousta qui presente son espaule pour porter la charge. Surquoy il y a des Docteurs, qui par l'asne, entendent sous le sens spirituel, Iesus Christ estre comprins, à cause de son obeissance pleine de fatigue. Certainement les excelléces & particularitez speciales de nostre asne, sont dignes de grande consideration. Quand il pleut au fils de Dieu de vouloir prendre chair humaine, il se laissa voir aussi tost à cest animal, cōme aux personnes, & s'humilia pour prendre son premier logis dans la creche, & depuis, cōme nous auons dit, il voulut monter sur luy. Parquoy S. August. & autres saints Docteurs assurent, que l'asne est la figure & le patron de la nouvelle Eglise des Chrestiens & Gentils, & l'Asneisse, de la vieille Synagogue des Juifs. Partant S. Augustin, suivant ceste signification, appelle asnes les Chrestiens. Nous deuons donc grandement

Plin. li. 7.  
ch. 43.



cherir & priser l'asne, nous estant, par maniere de dire si proche. Et m'esbahy comme il s'en trouue, qui l'osent tant blasmer & despriser, contre les prerogatiues sudi-tes, qui luy ont esté conseruees par tant d'exemples alleguez. Or si nous nous arrestons au profit, qu'il peut rapporter, il y a peu de chose en luy inuile. Son foye mangé à ieun, guerit du haut mal, selon Dioscoride, comme aussi font les ongles pisces, broyees, & aualees. Le lait d'Asnelle oste la douleur de la goutte, & resiste à tous les venins, & estant beu avec du miel, est profitable contre le flux du sang, au mal des yeux, & à ceux qui sont en chartre, estant pris au mois de May. Poppée femme de l'Empereur Neron se lauoit la face avec du lait d'Asnelle, pour la rendre plus luisante & belle, selon Suetone. Et selon Pline elle s'en lauoit tout le corps, & à ceste fin faisoit nourrir 500. Asnelles, ayans leurs Asnons, qui la suiuoyent quelque part qu'elle allast. D'auantage l'Asne seul entre tous autres animaux, n'a point de fiel en son corps, suivant Aristote, lequel encores, ensemble Pline, adiouste plusieurs autres raretez, que ie laisse pour abregger, pour venir à la, recognoissance que nous deurions qu'il nous auoit, de tant de peines que nous luy donnons, tant de patience à, au lieu de le nourrir si mal que nous faisons. Dictes moy, ie vous prie, quels voyages, quelles campagnes, quelles prairies, quelles villes. peut on voir sans Asnes quel animal est plus employé par nous, & avec moins de despens? Il laboure la terre en plusieurs lieux, comme les boeufs; porte charges & fardeaux comme mulets; nous porte plus doucement & seurement que ne fait le cheual. Il est bon à toutes sortes de moulins, il n'a point de cornes pour frapper, comme le boeuf, & ne le faut lier ny dompter, comme vn ieune cheual ou taureau; il ne se hausse sur pieds, & ne saute pas, comme le cheual; il n'est pas ombrageux, & ne rué point, comme la mule. Il ne luy faut ioug ny aiguillon pour s'en seruir; il marche sans esperons, & s'arreste sans mords ny bride, il ne le faut point manier, ny despendre deniers pour l'apprendre d'aller: en somme c'est vn animal plus utile & de moindre despence que nul autre, qui couste peu, mange peu, traueille beaucoup à la maison, aux champs, avec les brebis. Je ne me puis retenir de retourner à la faueur,



Iesus Christ luy fit, quand luy mesmes aduoitia d'en auoir  
 besoin, disant à ses disciples, qu'il eudoyoit pour luy a-  
 mener vne asnesse liee, & vn asne avec elle, q'aucun  
 leur demandoit quelque chose, qu'ils respondissent, q'le  
 Seigneur, en auoit affaire. Voulez vous, vne plus grande  
 & meilleure preuve de l'utilité & necessité de l'asne. Or  
 penetrons plus auant iusques à l'intérieur de cest animal,  
 en quoy il nous pourra seruir, pour former nos actions.  
 Son travail doit esueilleir nostre mollesse, & faire auerir  
 sa patience doit moderer nostre courroux & cholere; sa  
 douceur, nostre orgueil & les autres bonnes conditions,  
 doiuent regler nos imperfections. Quand à ce que vous  
 disiez, qu'il n'est bon à la guerre, ny pour combattre  
 l'impure plustost à vne grace speciale, qu'à vn desaut de  
 nature, ou de commodité. Il n'est point propre pour nous  
 secorder en nos cruautez, massacres & carnages; mais  
 trop bien pour nous seruir ailleurs, non point à l'auce de  
 courage. Car nous lisons en la vie d'Alexandre le grand  
 vn petit asne auoir tué vn fier Lyon à belles rudes de  
 moien Plutarque, ioint la fable des Dieux monter  
 sur des asnes pour combattre les Géans. Mais comment  
 ne seroyent les asnes vigoureux en vie, veu que vne  
 seule hennie malchoire fut bastante pour assommer mil-  
 le Philistins. Ne luy pourroit il plus uoir de dire que sa  
 chair ne soit bonne à manger, car c'est plustost vn cer-  
 rain respect & deuoir, afin que le bon dieu religion, que  
 l'homme, que les Philosophes dient estre vn animal, ne  
 mange point vn autre animal duquel mesmement il tire  
 tant de service, ce seroit vne ingratitude & cruauté pieu-  
 que par son moyen tant d'autres viandes sont rapportées  
 à l'homme par d'autres voyes; par ainsi vn tel mortel au  
 nous en feroit perdre mille. Car quant au goust, l'estime  
 que la chair ne cederoit gueres aux autres. Et le fait aux  
 festins des grands, les asnes sont de tresgrande requête,  
 mesme aux Rois, & aux Princes, & quand la necessité,  
 n'en a point de luy à nous fournir d'en manger, cha-  
 cun en deuient asne, en quel quoy il soit. Il est despit  
 & Alestans Samarie, a luy par son bon sens, vne de  
 d'asne, luy a deu de luy, qu'il a luy quatre fois  
 pieces d'argent. Plutarque raconte par ailleurs, que l'asne  
 du Roy



d'Artaxerxes, vne autre beste d'asne fut vendue 60 dragmes, tellemēt que sa chair n'est point mēgée; non point à faute de bon goust, ains parce qu'il est si necessaire en vie. Touchant la laideur que vous brocardiez tantost, encores auez vous tort; estant selon son espèce, vn bel animal, bien proportionné, mal toutesfois pēlé on point du tout, & plus mal nourry, ains qu'il a duiendroit aux cheuaux, qui n'en auroit soin. La longueur de ses oreilles grins & queuē, ne gist qu'en opinion, attendu que chaque animal à sa forme propre, & en ces mēbres ou leurs accessoires se voit l'inconstāce des hommes qui taillent les oreilles, la queuē, les creins aux cheuaux & aux mules selon leurs capricieuses fantasies. Or craignant vous auoir esté ennuyeux, par la prolixité de mon discours, ie concluray, apres vous auoir monstré, si ie ne m'abuse, comment au temps passé on se seruoit des asnes; qu'ils ont esté prisés selon les lettres saintes & prophanes: que c'est aussi le plus vile animal pour le seruice de l'homme; que tout autre: partant ie ne doy estre blazonne, pour ne monter ny piquer que l'asne, me contentant de ce peu que i'en ay dit d'vne infinité d'autres excellentes parties qui le rendent louable. A. i. f. Certainement, Monsieur le Docteur, vostre discours m'a esté tres-agreable: voyant principalement que vous auez trouué de si beaux traits, sur vn si maigre subiet, ie recognoy maintenant estre veritable, qu'il n'y a chose si douteuse & incertaine, laquelle estant subtilement deduite & discourue, ne soit rendue vray semblable, & sur cela ie me rends à vous touchant ce que i'en auoy dit. Et d'abondant ie dy pour vous faire plaisir, que vostre asne vaut plus, que les deux meilleurs cheuaux que i'aye à mon estable, & que vous faites sagement de le monter, & que luy & toute la race vous demeurent grandement obligez. A. i. v. Indubitablement Monsieur le Docteur a tresbien dit; & ie n'eusse iamais pensé qu'un Asne fust tant à priser, ne qu'on en deust faire tant d'estat & vous promets de ne vouloir desormais tant despriser les ignorans, que j'ay fait, parce qu'ils ressemblent auccunement aux asnes. D. i. Il me semble tout de mesme. Et suis trais-aisle que le sçigneur Alphonse



le Contredisant.

699

phonse aye entendu, que nous l'auions bien aduerty du naturel de Monsieur le Docteur. Et s'il le trouue bon, il est temps que nous allions vers la riuere, quant aux autres il pourront s'en aller quand, & où bon leur semblera. ALF. Partons avec le congé du Seigneur Alvaro. Et vous Monsieur le Docteur assurez

vous d'auoir aujourd'huy acquis en moy vn seruiteur & vray amy.

NAR. Je vous en rends

graces, & vous offre

le semblable de

tres-bon


cœur.

\*\*\*

2







# DIALOGUE DES MEDECINS.

ENTRE PARLEVR S.  
Consaluo, Ferdinand, Nu-  
gno, Velasco.

*Au septieme & dernier dialogue des Medecins, on dispute, s'il est expedient qu'il y aye des Medecins aux villes & republiques, ou non: puis y sont contenus deux oraisons contraires, pour & contre les Medecins.*

## CONSALVO.



L semble veritablement que nous soyons tous deux en sentinelle l'un contre l'autre, veu que tous deux sommes sortis en vn instant de nos maisons. FER. Vous dites vray, quel chemin tenez vous? CON. L'roy volontiers pour vne heure à la maison du seigneur Don Nugno, s'il ne vous plait me commander quelque autre chose. Parce qu'il n'ose gueres sortir de la maison, n'estant encores bien remis de sa derniere maladie. FER. Je suis aussi sorti tout exprès pour faire de mesme. C O N. Il se rencontre bien souvent que les hommes estans estoignez l'un de l'autre sont pouffiez en vn mesme temps à vouloir & desirer vne mesme



mesme chose & auoir souuenance l'un de l'autre: tellement qu'il semble que leurs esprits symbolisent en vne mesme sympathie. FERD. Entant que nous sommes spirituels, il ne faut s'esbair si nous ressemblons aux Anges, lesquels se communiquent leurs secrets & s'entendent ensemblement, sans parler. CON. Soit comme il vous plaira: mais puis que Dieu nous à inspirez en vn mesme instant de vouloir faire telle bone ceuvre, allons l'accomplir de compagnie. FER. Ven suis content, passons par cest autre chemin là, car cestuy cy est par trop empesché à cause des mafures & maisōneries de ce marchand qui fait icy bastir. CON. Vous dictes bien, ne voyez vous pas la face, & le beau deuant qu'il à fait à sa maison? Certainement la ville de Seuille est grandement reparsee & arnee par telles belles fabriques, & mesmes en ce que tous font le deuant de leurs maisons tres beaux, & de belle perspectiue, de sorte qu'on à fait plus de fenestragés, galleries & cages de fer depuis dix ans en ça qu'on n'auoit fait auparauant trente ans. FER. Il est ainsi: mais toutes les abciennes maisons ont autresfois esté basties de telle sorte, que tous ne peuuent point accommoder leurs maisons à la moderne, comme ils voudroyent. Combien que nous voyons la grande difference qu'il y a des bastimens anciens, aux modernes: toutesfois ie ne trouue point qu'en vne chose les nouveaux soyent à preferer aux anciens, c'est qu'ils s'en trouue peu, qui facent plus d'un plancher en vne maison: de fait, que par ce moyen les maisons sont basses, & avec vne moindre monstre, partant elle ne semble pas estre si agreable aux estrangers, & à ceux principalement qui ont veu les superbes fabriques de Barcelonne, & des magnifiques villes d'Italie. CONSAIXO. Vous dictes vray, mais il me semble que cela seroit mal entendu, que pour satisfaire à la beauté & ornement de la ville, la santé des habitans fut incommodee: attendu que les edifices haument esleuez, ne conuiennent point bien à ceste terre: & ce qui a esté basti iusques icy, n'a pas esté sans grande raison & iugement. D'autant que ceste cite à cause de son assiette, est tort humide, & pour la constitutiō du ciel, subiecte à la chaleur.



Et estant la fraischeur le principal remede pour resister à l'excessive chaleur, il est besoin que les maisons soyent basses & les portes d'icelle courtes, pour iouir du frais. Et les maisons qui sont autes, eschauffent d'auantage, & sont plus mal saines en Esté, à faute d'air. Il y a vne autre raison encore, pourquoy il est expedient que les maisons soyent basses, c'est à cause de la grande humidité, laquelle seroit augmentee par l'obscurité, si le Soleil ne donnoit dans les ruës & maisons, & ne les rendoit plus aisees, comme il fait. Or si les maisons de Seuille estoient trop hautes, la ville seroit plus froide & humide en Hyuer, & plus chaude & mal saine en esté. D'autant qu'ainsi que nous auons dit, où y a vne grande humidité, il faut faire en sorte s'il se peut, que le Soleil eschaufe & esclaire tout le long du iour les principaux membres des maisons. Ce qui seroit impossible, si les faces & perspectives estoient haut esleuees, attendu que le froid n'est point icy si penetrant, qu'il puisse aneautir & consumer l'humidité. Or iagoit qu'en Castille ny ailleurs l'humidité n'y soit si grande, si est ce que la chaleur du Soleil, pour vehemente qu'elle soit, est bien requise, pour la pouuoir refondre, & redre à neant. C'est pourquoy aussi nos ancestres ont tenu les ruës larges, & que de nostre temps nos peres osterent tous les porches & halles, qui rendoient les ruës humides, & ombrageuses: ainsi qu'il a esté recogneu par experience, à la grande commodité & fraischeur de la Cité. Vostre dire est certes veritable, & est fondé sur vne raison naturelle. Et combien que ie ne doutasse point que c'estoit la cause pourquoy les maisons auoyent si peu d'estages, toutesfois ie n'y auois pas prins garde de si pres. Partant i'estime, que c'est la consideration qu'on a duë sur ce fait à Seuille, & qui deura estre obseruee à l'aduenir. Cela me semble encore estre la cause, pourquoy on n'habite point volontiers aux terraces ou hautes chambres ou galeries des maisons. Parce qu'elles sont mal commodes en Hyuer, & en Esté, on ne scauroit souffrir l'extremité de la chaleur: & à telles hautes chambres, les maistres ne s'y tiennent gueres, ains les seruiteurs seulement, ou bien elles leur seruent de greniers. Et au contraire en Castille, chacun



se plait d'y demeurer. Tellement que ce n'est pas par inaduerance, que les maisons sont icy basses, ains de propos delibéré. Or allons voir dom Nugno, & nous entendrons de luy comment il veut bastir ceste sienne maison, à laquelle pour vray il à donné vn beau commencement, & y voit on vn bon hastellier, pour la fabrique d'icelle. **CON.** Scachons s'il est empesché, deuant que descendre le cheual. D'autant qu'on ne doit point visiter les malades à toutes heures. **FER.** Il n'en est pas de besoin. Car le Seigneur Velasque doit estre avec luy comme ie voy par la Mule que voila. Entrons seulement, ie vous conduiray. **CON.** Bon iour & bonne santé. Seigneur Nugno. Vous soyez les bien venus, Messieurs. Je suis tres aise de vostre arriuee, attendu que le Seigneur Velasque est icy, il vous entendra bien, quelque langue que vous vueillez parler, ou quelque discours, question, & dispute que vueillez faire. **FER.** Il n'en sera pas de besoin, nous sommes maintenant bien d'accord, comme de bons voisins: pourueu que vous ne nous iectiez aux champs, comme de coustume. **VEL.** Le Seigneur dom Nugno ne fait point de mal en cela, car on tire tousiours quelque vtilité de tels differents. **FER.** Vous vous'en passerez bien, veu que nous pouuons tous apprendre de vous. Et d'ailleurs, vous estes si accoustumé à toutes ces disputes que merueilles. **NVG.** Au contraire ie m'y sens fort debile: d'autant que ma maladie, en laquelle on m'a tiré par trois fois du sang, a esté si longue, que ie ne puis reprenez bonnement mes forces. Et puis la maladie m'a laissé vne si grande alteration, que ie ne me puis saouler de boire, & iamais les Medecins ne m'y ont sceu ordonner quelque bon remede. **FER.** Je cognoy vn certain personnage, qui ne se fust donné beaucoup de peine d'vne telle maladie. Parce que ce trouuant vne fois malade d'vne fièvre continuë, avec vne grande alteration, comme le Medecin luy ordonnoit plusieurs remedes, pour l'vn & l'autre, il luy respondit en ceste sorte. Je voudroy, Monsieur le Medecin, que vous me garantissiez seulement de la fièvre: car ie ne me soucie pas beaucoup de la soif, & elle me demeure. **NVGO.** Je ne suis point si subiet



à boire, comme vous dites. D'autant que lors que ie me trouue bien, i'euite toutes choses qui prououent la soif. Mais certainement la soif que i'ay maintenant m'est restee d'une certaine Medecine que ie prins vne fois. **CONSALVO.** Voila pourquoy ie deteste les Medecines, & ceux aussi qui les employent. Et certes si vous n'eussiez point vsé de Medecines, vostre maladie eust esté plus courte, & vostre foiblesse beaucoup moindre. **VELASCO.** Les Medecins ne scauent faire autre chose. **CONSALVO.** Je voudroy qu'ils ignorassent ceste mesme chose. **NYGNO.** Si vous eussiez ouy leurs disputes, quand ils consultoyent pour me purger, ou me saigner: vous auriez plus de raison de dire ce que vous dictes. **CONSALVO.** Je me passe bien de le scauoir, parce que i'ay beaucoup d'autres raisons pour affermer ce que ie dy: il y a long temps que ie scay, que les Medecins s'accordent rarement, & oseroy dire encores, qu'ils entendent peu souuent les maladies des patients. **FARDINAND.** Il y a aussi long temps, que ie scay que vous estimez que ce soit gaillardise de mesdire des Aduocats & Medecins. Vous direz donc tout ce qu'il vous plaira, si vous faut-il de gré ou de force, fier aux vns vostre vie, & aux autres vos biens. **CONSALVO.** Je puisse mourir de mille mort, si ie le fay, car ie n'ay iamais esté saigné, & ne me suis oncques serui des Medecins, depuis que ie frequente le monde. Et me trouue mieux disposé que vous, qui auez tousiours quelque Medecin à vostre queue. **FARDINAND.** Vous ne craignez point le Taureau, estant en vn lieu bien assuré. Mais ie vous promets bien que si quelque maladie vous secouoit vne bonne fois, vous appelleriez plus de sept fois les Medecins. **CONSALVO.** Il se pourroit faire, que le mal fust si vehement, qu'il m'osterait l'entendement, & me les feroit appeler. Mais n'ayez peur de cela, tant que Dieu me laissera à mon bon sens. I'ay vécu cinquante ans sans vser de Medecins. Et me suis guarý de plusieurs maladies, en tenant seulement vn bon regime de viure, de maniere que ce me seroit



vne grande foudie, si maintenant ie me vouloy aider  
 de nouueaux medicamens; contre ma coustume. N V-  
 C N O. Sile Seigneur Ferdinand vouloit, nous pour-  
 rions auoir du plaisir a vuidier ceste dispute, & me sem-  
 ble que le Seigneur Consaluo est de mon opinion.  
 F E R D I N A N D. Ie ne veux maintenant contester  
 contre vous, ores que ie me suis tousiours pleu a de-  
 fendre la verite. C O N S A L V O. Il ne tiendra pas  
 à moy, & partant commencez quand il vous plaira,  
 puis que nous auons la commodité de ce faire. F E R D I N A N D. Il me semble certes, Seigneur Consal-  
 uo, que ce soit vne mocquerie de dire que la mede-  
 cine soit vne nouuelle inuention, estant la plus an-  
 cienne science du monde, comme vous scauez, re-  
 ceeue, & approuuee de Dieu, & des hommes. N'auiez  
 vous point leu dans l'Ecclesiastique, *Eccl. 38* Que le Seigneur  
 a cree de la terre la medecine, & que l'homme sa-  
 ge ne la doit point fuir, à cause qu'elle surhausse &  
 honnore la teste du medecin, & que par icelle il  
 sera grandement loué des Roys & Princes? Nos escri-  
 uains aussi, & les professeurs des lettres humaines  
 en font grand estat. Et ja soit qu'ils ne s'accordent  
 touchant son origine, ils sont tous neantmoins d'ad-  
 vis, que les inuenteurs d'icelle doiuent estre honno-  
 rez comme Dieux. Aucuns ont pensé, que c'estoit  
 Metecus, d'autres Apis & Appellon. Esculape la prati-  
 qua & mist en euidence, & partant il fut adore  
 comme Dieu. Homere, vraye fontaine des bons  
 esprits, la loue en diuers endroits: & se glorifioit &  
 reputoit bien heureux, d'enseigner à tout le monde  
 la forme & propriete des plantes & autres simples.  
 Vous scauez mieux que moy, quel compte en ont  
 fait les Empereurs, & grands Princes. Vous auez  
 leu les graces & priuileges qu'Alexandre le grand  
 conferoit à Aristobule Medecin, & le Roy Ptolomee  
 à Erasistrate. Pareillement les fables incroya-  
 bles qu'ils ont eu à Rome, du temps des Empereurs,  
 resmoin Plin, & plusieurs autres auteurs: brief con-  
 sideriez combien nous deuons priser la sante, qui pre-  
 celle tous les biens de ce monde, fors que ceux de l'e-  
 spir,



spirit. Nous pouuons aussi comprendre combien est mau-  
 uaise la maladie, en ce que nous auons dit, qu'il faut ho-  
 norer les Medecins & la medecine, qui nous conseruent  
 la santé; & nous preseruent des infirmités. *V E L.* Ores  
 que le Seigneur Ferdinand n'aye pas allegué beaucoup  
 de choses, si est ce qu'il faut qu'il aye leu beaucoup de  
 liures. *C O N.* Vous vous estes porré en bon orateur, &  
 puis qu'ainsi est, il m'en faudra faire de mesme. Mais  
 neantmoins ie veux que vous sçachiez, que ie ne blasme  
 point la vraye medecine, car ie vous ay dit, que ie me  
 fers de la diette, & du bon regime, quand ie me trouue  
 mal: quelquefois aussi des planettes & herbes, & d'autres  
 choses que i'ay experimentees. Mais ie reprouue les  
 abus qu'on y faict, & les ignorans medecins, lesquels  
 l'ont autré, en faisant mestier & marchandise, & qui  
 pour paroistre d'estre quelque chose, sophistiquent &  
 brouillent les receptes, & rendent plus obscur ce qui est  
 assez clair de soy-mesme, comme la vraye medecine  
 a tousiours esté. Les hommes se medicamentoient au  
 commencement l'un l'autre gratuitement & charitable-  
 ment, & non comme mercenaires. Encôres cela se fai-  
 soit avec d'herbes de grande vertu, & bien approuuees,  
 & non point avec de drogueries venimeuses & brouil-  
 lees. Car vous ne sçauiez ce qui entre aux medicamens  
 ny leurs vertus, ny d'où est ce qu'on les a portez, ny la  
 quantité d'eux, car le plus souuent les ingrediens sont  
 innombrables. La medecine qui est loüee dans l'Eccle-  
 siastique; est celle dont on vse, & qu'on vsoit ancien-  
 nement, & est celle dont furent inuenteurs les hommes,  
 qui furent honnorez comme Dieux: ainsi que vous dir-  
 tes. Car ce furent eux qui descouvrirent les vertus &  
 proprietés des herbes, des pierres & fruits, & de sembla-  
 bles choses. Et s'en seruoient contre toutes douleurs,  
 passions & maladies, sans qu'ils d'aignassent la reduire  
 en art ny preceptes aucuns, ainsi que la malice, & cu-  
 riosité des personnes a faict depuis. C'est pourquoy nous  
 ne lisons rien, qui ait esté mis par escrit auparauant Hip-  
 pocrates lequel, comme tesmoigne Plin après Varron,  
 fut le premier qui mit par escrit la medecine, & la reduit  
 en art, Les Romains se passerent de medecins, durant six



gens ans, & ne les voulurent receuoir aucunement: & toutesfois ne furent onques si sains, ny allegres. Vray est que l'an de la fondation de Rome, 535. estans Consuls L. Emilius & M. Libius, à la persuation de ie ne sçay qui, on introduict dans Rome vn medecin de la Moree, appellé Arcagathus, auquel on donna vne maison, & luy fut assigné salaire du public. Vn tel commencement fut fort agreable, à cause de la nouueauté. Mais après qu'on eut experimenté ses ordonnances, ses saignées, cauterés, & autres estranges manieres de remedes, il fut banny & ses copagnons de la ville de Rome, qui y estoient desia abordez. Cela fut fait de l'auctorité & conseil du grand Caton le censeur, qui vesquit iusques à quatre vingts & cinq ans, sans medecins ny medecines. Après la mort de Caton, les medecins, ensemble plusieurs autres vices s'y glisserent avec le temps. Mais tout cela se faisoit sans aucune tyrannie: car les medecins enseignoyent & ordonnoyent à leurs voisins, ce qu'ils sçauoyent leur estre bon, & qu'ils auoyent experimenté. C'estoit l'amour & la charité, qui medecinoit, non l'ambition ny les poisons. Les Babyloñiens aussi, qui furent reputés gens sages & sçauans, ne sçauoyent que c'estoit des medecins, comme recomptent Strabon & Herodote, ains ils faisoient conduire ou porter les malades es rues & places publiques, afin que tous leurs voisins & amis, qui pouuoient auoir quelque experience ou connoissance de semblables infirmités, leurs donnassent quelque bon conseil ou remede. Nous lisons pareillement, que les Egyptiens en faisoient autant, & en Espagne les Porroguais. Depuis ce siecle d'or les medecins se fourrerent aux maisons & palais des Princes, & furent grandement honnórez & renommez. Hippocrates fut le premier, la fontaine & le pere de tous les medecins. Depuis Aristogenes, et fort aimé d'Antigonus, Roy de Macedone, & Atelepiades son familier & copagnon, fut grandement chery du grand Pompee. Antoine Musa, les deux Apollodores, & Cornelias Celsus Romain, furent fort fauoritez d'Auguste l'Empereur. Praxitrate acquit vn grand bruit, pour auoir copris que la maladie du fils d'Antiochus, procedoit de l'amour qu'il portoit à la belle



*Alexandre  
le grand  
ne vesquit  
que 32.  
ans ayant  
regné 12.  
ans selon  
Strian.*

la belle mere. Maintenant Hypocrates & Galen, sont les deux grands porte-enseignes de la Medecine. Je scay bien toutefois qu'aussi tost que les Medecins commencerent à regner, la vie des personnes commença pareillement à s'abreger. Car les anciens Romains estoient plus sains & viuoient plus long temps que vos Roys & Empereurs, qui construisent force salaires, & octroyent de grands priuileges aux Medecins. Si vous ne voulez adiouster foy à mon dire, Alexandre le grand que vous auez amené pour exemple, vous en fera foy, lequel n'atrainit point l'aage de quarante ans. Interrogez les gens vicils des bourgades & montaignes, qui ne veirent oncques Medecins, & d'autre part enquerrez vous des ieunes hommes qu'on voit ordinairement nourrir aux cours des grands, & aux villes, entre les mains des Medecins. Scauez vous pourquoy les Medecins furent receus à Rome? Ce ne fut pour autre occasion que celle que ie vien de dire, ascauoir, que l'intemperance desordonnee des personnes, & qui a faulte de vouloir tenir bon regime, & de se vouloir penler soy mesme, les hommes commirent le soin & la charge de leur sante aux autres, qui n'en pouuoient auoir la bonne cognoissance. C'est l'opinion de Plin, & d'aucuns autres. Et de là est aduenu, qu'il y a eu vn grand changement & dommage à la sante, & aux meurs des personnes. D'autant que chacun laissant la charge & le soucy de soy, pour le transporter à vn autre, & se conuant & remettant aux Medecins, qui ne regardent que leur profit particulier, & non ailleurs, ils commencerent à ne se seruir de remedes communs & accoustumez, & faire des compositions melangees & sophistiques, rechercher aux quatre coings de la terre d'herbe & autres choses non veues ny cognues, deceuant les hommes sous couleur de quelque proprieté occultes, supprimees avec de noms nouveaux, & faux, & desguisant les appellations des remedes ordinaires & communs, & par ce moyen ils faisoient trafiquer & marchandise de leur science, & se fournoyent du grand chemin d'iceux, pour suire les nouveaux sentiers, con-



trouuez nouuellement. De là est venue la source des distillations, des choses plus ordes & sales qu'on scauroit imaginer. De là sont procedez tant de syrops, & de iuleps, de breuages, doux, amers, clairs, espais, de tant de sortes, que le diable seroit bien empesché à les nommer, tant s'en faut, que les anciens les ayent peu penser ny deuiner. De là a eu source aussi l'or potable, ensemble de manger les pierres brouyees, ou liquefies, les cornes: le fer pareillement pour estre englouty, ainsi que le deuore l'Austruche, & ce contre toute nature d'homme, de là finalement est venue l'inuention du Mithridat, de la Theriaque, & autres compositions qui sont meslees de plus de trois ou quatre cens ingrediens, dont vne partie sont venimeux. Et quand bien tous les simples, & autres choses qu'on y met, seroyent bonnes d'elles mesmes, si est-ce qu'un tel assemblage de choses dissemblables & incompatibles, rend tels medicaments veneneux, desplaisans & odieux. Il y a enuiron cent cinquante ans, que Plin a laissé par escrire, que tout cela n'auoit esté inuenté par les Medecins, sinon pour faire parade & ostentation de la vaine apparence de science. Parce qu'il est impossible que la nature aye enseigné ny monstré aucune expérience, de choses si discordantes, lesquelles ny a proportion, sympathie, ny par maniere de dire, ny aucune. Et toutesfois se font trouuez de Medecins, qui ont fait des experiences si temerairament, & sans discretion, qu'ils ont plustost aduancé la mort du malade, que luy donner guérison, & se sont fait payer à leur volonté, & à leur mort, pour le salaire de leur auoir osté la vie. Et qui, pis est, ils commettent ces lourdes fautes sans crainte d'estre repris ny chastiez. Et de fait, la preuve est euidente des Medecins, qui tuent ordinairement les patients, sans encourir aucun peine ny punition. En somma, Seigneur Ferdinand, la meschanceté des hommes, a gardé la meilleure, & plus excellente chose du monde, & au lieu qu'elle estoit naturelle, facile, & claire, ils l'ont artificieusement obscurcie, ont



conuertý le deuoir de charité en profit particulier, la pitié & misericorde, en ambition & marchandise, broüillé, & desguisé si bien toutes choses, qu'il semble que nul puisse exercer la medecine, s'il n'est Medecin iuré. Ils se moquent des ordonnances vulgaires & communes, s'en font à croire, touchant leurs mysteres, inuentions & artifices, de maniere, que mesme les appellations des choses sont par eux cachees, mettrons en auant de mots barbares & incogaus, quand ils voyent qu'on cognoit les noms Grecs & Latins. D'auantage ils ont controuué certains signes, caracteres, & chiffres, à fin qu'aucun ne les puisse entendre, hormis ceux qui sont du serment, au lieu que ceste science deueroit estre publiquement entendue d'un chacun. Que diray-je de leurs opinions contraires. Les Arabes ne s'accordét point avec les Grecs, & les uns & les autres se contrariét entr'eux. La pratique d'Auicenne est beaucoup differéte de celle de Galen, & des anciens: de sorte qu'elle semble estre toute contraire. Les Medecins du iourd'huy, n'exercent point la medecine comme Auicenne, ny les autres: ains ce sont toutes nouvelles inuentions & opinions. Si vous assemblez deux ou trois Medecins pour consulter, vous trouuerez que leurs opinions seront differentes: & si toutefois elles s'accordent, ce sera avec grand danger du malade. Si vous recherchez leur opinion à part, sans que l'un sache rien de l'autre, c'est grand merueille si leurs ordonnances ne sont differentes & contraires. Il n'est pas necessaire que ie perde plus de temps, touchant cecy, d'autant que vous en auez tous les iours l'experience deuant les yeux. *vous. lvi.* Certainement ces Gentils hommes estoient préparez pour venir discourir de ceste matiere, à fin de faire apparoir leur science & eloquence, veu qu'ils en parlent si bien à propos & d'affection. Partant ce sera bien fait de les interrompre, & d'abreger leurs discours. *vous. lvi.* Cela ne seroit maintenant beau ny honneste: & les Medecins ne demeureront pour cela, sans qu'on preñne leur desſence en main. Je prendray vn singulier plaisir à les entendre disputer pourueu que ce soit avec mesure & (comme les praticiens parlét) qu'on ne passera plus auant que les repliques, de façon que le

Confaluo,



Consaluo pourra encores à son tour dire son aduis vne fois sans plus, apres auoir ouy celuy de sa partie, ores qu'il aye esté assez prolix en son discours: & quand les discoureurs auront contesté & plaidé ainsi qu'Aduocats, par forme d'escritures, aduertissemens & contredicts, vous seigneur Velasque, prononcerez l'arrest pour celuy qui aura meilleur droict. **CON.** Quant à moy i'en suis content, sans preiudice neantmoins de me pouruoir par appel, au cas que l'on me face tort. **FER.** l'en suis aussi content, & ay telle assurance en la iustice de ma cause, & au sçauoir, & bon iugement du seigneur Velasque, que ie m'obligeray volontiers d'acquiescer à sa sentence. **VEL.** L'affaire que vous me commettez est certainement fort difficile. Je diray neantmoins sur cela, ce que Dieu m'inspirera, pour terminer tout ce differend, pourueu qu'il soit libre à chacun de croire ce que bon luy semblera. **N V G N O.** Il semble que le seigneur Ferdinand se leue de la chaise, pour se preparer, à maintenir sa cause. Qu'il vienne à la bonne heure quand il luy plaira. **FER.** Je pensoy, seigneur Consaluo, entendant le commencement de vostre discours, que vous ne parliez que par moquerie, mais ayant prins garde qu'en iceluy vous remarquiez beaucoup de beaux enseignemens, & d'histoires merueillables, il m'a semblé que vous auez entrepris ceste matiere à bon escient: partant ie vous veux respondre, comme il appartient. Si i'ay bien conceu vostre dire, vous voulez inferer, qu'il ne faudroit point de Medecins qui feissent vne expresse & particuliere profession de leur art, ains que nous fussions tous Medecins les vns des autres. Vous ne voulez pas non plus que la Medecine aye nuls preceptes de l'art ny fondement certain sur la Philosophie, ou autre science: mais qu'il ne nous faut suivre que la seule experience, & les seules coniectures, en adherant à la voix du peuple: tout ainsi que si nous estions aux bois, parmy les bestes sauvages, où n'y à raison, discretion, ny police. Ce sont les deux poincts que ie pretends premierement refuter & destruire: puis ie respondray aux imputations que vous leur faictes d'e-



estre macievixl. Quant au premier, il est certain que vous n'avez point de raison de parler ainsi. Car le nom & l'office du Medecin est saint & desirable. Iesus Christ nostre Sauueur, ne desdaigna point d'estre appellé & se reputer Medecin, lors que parlant de soy-mesme, il dit que les sains n'ont point besoin des Medecins, & quand il illumina l'aveugle, luy remediante avec de la bouë & de la salive. Et lors que pour guerir le Samaritain il voulut le medicamenter en espreignant de l'huile & du vin. En apres sa divine bonté n'est point à mespris de donner guarison aux malades, & de recommander le mesme à les Apostres. Davantage l'Apostre S. Paul, grande trompette de l'Evangile & Docteur des Gentils, fit office de Medecin, lors qu'escriuant à Timothee, il luy conseilla d'vsr du vin qui ne fut guere fort, ny gros, pour conforter son estomac. S. Luc à aussi esté estimé & nommé Medecin. Cest estat n'a pas seulement esté attribué aux Apostres, ains aussi aux Anges. L'Ange Raphael se porta comme Medecin, en tant qu'il donna conseil & baila vne recepte à Tobie, pour se medicamenter soy-mesme, & recouurer la vessie, de façon que pour ce regard il n'y à aucun lieu d'y pouoir contredire, attendu que l'art du Medecin est vtile & necessaire à tout le monde, & sa dignité honorable. Or s'il s'est trouué de Medecins malicieux & pleins d'ambition qui en ayent abusé, suyuant ce que vous auez dit, les bons & sages n'en doyuent pourtant estre repris. Il n'est pas aussi inconuenient, qu'ils ne se trouuent tousiours quelques particuliers, gens doctes & versez vniuersellement aux sciences, que selon leur esprit & experience, ne la puissent exercer pour leur plaisir, & leurs amis, sans se vouloir autrement qualifier Medecins, ny trancher des Docteurs, ny l'exercer indifferemment à l'appetit de l'ignorance populace, chose qui ne leur seroit honneste ny fructueuse. Touchant les Romains, qui furent enuiron six cens ans sans en vsr. Vous dites vray Mais cela fut par ignorance, ou bien parce que toutes choses estans en leurs commencemens rudes & imparfaites, se polissent peu à peu, & en fin par



par succession de temps, prennent accroissement, s'approchant de quelque perfection: comme il est aduenu qu'en la mesme ville toutes les sciences, qui florissent en la Grece & ailleurs, y ont esté comme transportées & consequemment la Medecine. Quant au second point, que vous auez allegué: que les preceptes d'icelle sont incertains, qu'elle est sans nul fondement legitime, & qu'on ne se doit tant arrester à la raison, ny aux premieres causes, qu'à l'experience. Vous estes grandement abusé en cela, & m'estonne fort que vous n'ayez cognoissance de la forme & des reigles Medecinales, & de la composition de ses Medicamens. Car vous ne pouuez ignorer en premier lieu, que les Medicamens, que les Empyriques se donnent, sans consideration, science, ny iugement, sont fort douteux & dangereux, veu que les complexions se changent communement avec le temps, les lieux, & plusieurs autres circonstances. Tellement qu'il est bien requis, que celui qui se mesle de faire la Medecine, ou Chirurgie, entende toutes ces choses, ensemble les premieres & secondes causes, apparantes & occultes des maladies. Il est totalement impossible que celui là sçache, ny puisse guerir vne infirmité dont il ignore la cause. Il faut qu'il entende de plus, la composition du corps humain, par le moyen de l'Anatomic, les quatre humeurs qui l'establisent, celles qui abondent, ou pechent par defect: car il ne faut pas douter, que selon la varieté des causes, & occurrences, qui suruiennent, il ne faille aussi changer les remedes. Il s'y faudroit gouverner autrement, si les maladies procedoyent des quatre humeurs, comme aucuns ont voulu dire, ou bien si elles ne prouenoient que de la seule humidité, selon Erophilus, ainsi que Cornelius Celsus a laissé par escrit: ou si elles sont causées par les esprits vitaux, comme il semble à Hipocrates: ou bien finalement, si, selon Erasistratus, estant le sang attiré par les veines, transfus apres & transmis aux arteres, ou veines des esprits vitaux, & sang spirituel, il s'en ensuit vne inflammation, qui cause vn mouuement ou frequence de poulx, qui est



l'indice de la fièvre. De manière, que celui qui ne sçait la vraye source & origine des maladies, ne peut ordonner les remèdes conuenables. Vous voyez doncques, comment la Medecine est vne science, & que pour bien medicamenter, la philosophie mesmes y est requise, & qu'il faut qu'un bon Medecin entende les causes, & les effets des maladies: & en outre, les proprietés des metaux, minéraux & des pierres, des arbres, fruits, plantes, herbes & leurs racines: des animaux & de toutes les choses qui peuvent seruir, pour medicamenter: afin qu'on ne face point d'erreur en l'application des remèdes. Je ne nie point que l'experience ne soit bonne, vtile, & sainte: mais elle ne peut subsister, sans raisons & causes fondamentales, & ie ne scauroy croire que les anciens ayent pratiqué la Medecine fortuitement, & sans consideration. Mais ie croiray plustost, qu'apres auoir prealablement examiné, & pourpensé, ce qui estoit plus propre, & meilleur, ils faisoient apres leurs experiences. Tellement que nous ne deuons point attribuer tout l'honneur, à la seule experience, puis que le conseil, & la prudence, y ont la meilleure part: attendu mesmement que tous les iours se descouurent & naissent nouuelles sortes de maladies, esquelles l'experience ne peut beaucoup seruir, ny l'usage aussi, veu que nous ne le pouuons auoir des choses, que nous ne cognoissons, n'auons iamais veues, & ne scauons leur origine. Parquoy il faut cognoistre par art & science les causes plus obscures, & profondes, les vices & corruptions qui peuvent proceder des humeurs, & membres interieurs de l'homme: comme la chaleur, frigidité, faim, trop grande repletion, & choses semblables. Il faut qu'un bon medecin sçache, que nous appellons les actions, & operations materielles: par lesquelles nous receuons & rendons l'esprit & souffle: par lesquelles nous mangeons, beuuons, & digerons les viandes & breuuages, pour estre distribuez par tous les membres. Il faut aussi qu'il entende la raison du continuel mouuement du poux, des arteres, l'occasion des veilles, & songes: choses tou-



tes necessaires, pour la conseruation de la sante de l'homme, & guerison des maladies. Les passions & douleurs innumerables des membres interieurs, luy doiuent aussi estre cognues, voire estre veues, & maniees, par le moyen de l'Anatomie qu'on fait des corps morts, auxquels il doit attentiuement considerer la figure, la couleur, la grandeur, ordre, durre, blancheur & affiette de tous les membres: leurs varietez, differences, & fonctions, comment ils sont conioincts ensemblement, & cedent l'un à l'autre, ainsi qu'il a esté pratiqué autresfois, par Philus, & Erasistratus, qui manderent pour cest effect les corps de ceux, qui auoyent esté iugez à mort: d'autant que c'est vne chose certaine que le Medecin ne pourroit cognoistre d'où ny comment procedent les douleurs, ou accidens suruenus dans le corps, ny faire quelque bonne application des remedes, sans auoir l'intelligence de la composition, & fabrique du corps de l'homme. Or pour abbreger, ie vous dy, qu'un bon Medecin doit sçauoir tant de choses, qu'à peine pourroyent elles estre recitees, par les meilleurs philosophes, tant s'en faut qu'on les puisse cognoistre, ny experimenter, tellement que selon Macrobe, Hypocrates disoit, qu'il seroit expedient, qu'un bon Medecin cogneut les choses passees, entendit les presentes, & pronostiqua les futures. Si vous m'auiez donc bien entendu, Seigneur Consaluo, vous serez contraint de confesser qu'il est necessaire, que les Medecins ayent des preceptes, regles, & maximes fondees és arts & sciences, esquelles ils soyent aussi bien versez: & d'autant que tous ne peuvent pas les auoir apprins, il est raisonnable & necessaire, que par tout pays il y aye par exprez de Medecins, qui en facent profession particuliere, & qu'ils soyent par tout respectez & honnorez, selon leurs merites. Ie vous accorde bien, que les vices se sont fourrez dans Romme, en mesme temps que les Medecins y furent receus, & semble que Dieu l'a fauorisé en cela, luy enuoyant le remede, comme, & sur le point qu'il



presentoit, que le desordre, & les maladies y deuoyent entrer. Cat, vueillez ou non, vous me confesserez, que les Medecins n'estoyent pas auteurs des dissolutions, & que quand ils en voyoyent, ils taschoyent de les oster, & retrancher le mal, que l'intemperance y auoit apporté. Vous n'avez non plus d'occasion de vous plaindre de l'inuention des sirops, eaux distillees, & autres compositions medicinales, & deuriez plustost louer l'industrie de ceux, qui ont esté les auteurs, & l'attribuer à la bonté & misericorde diuine, laquelle non obstant nos demerites, nous enuoye iournellement de nouveaux remedes, comme il nous vistre aussi par diuerfes maladies. Or si les ancienes ont ignoré les eaux odorantes, & alambiques, nous auons aurant d'auantages sur eux. Il y à beaucoup d'autres choses qui leur ont esté cachees, comme l'Ambre, le Musq, & le Ziber, qui ont neantmoins vne odeur suaué & excellente. L'ignorance aussi des ingrediens du Mithridat & Theriaque, avec leur proportion, vous faict pareillement possible les blasmer : dont les effectis sont salutaires. Mais encores estes vous plus reprehensibles de dire, qu'il faudroit punir les Medecins, comme coupables de ceux qui meurent entre leurs mains, & comme ayans malicieusement faict mourir les malades, plustost que par ignorance. Car si vn Medecin pense vn malade, & le traicte selon la methode, les regles de son art, & sa conscience, l'intention de la mort ne luy peut estre imputé, tant s'en faut que le Medecin soit aucunement punissable, suyuant l'opinion de Platon. Au reste il est bien raisonnable, qu'apres auoir choisi vne vacation, auoir beaucoup despensé aux estudes, & s'estre acquitté de son deuoir enuers vn malade, le Medecin soit satisfait de sa peine : attendu que selon la loy diuine & humaine tout mercenaire merite recompense, & que Dieu commande de ne fermer point la bouche à vn bœuf qui laboure la terre, ou triture le grain. Mais encore seroit-il plus intolerable si malicieusement ils

sophi-



sophistiquoyent leur art , par de noms controuuez : ce peut estre ils font pour rencontrer des noms plus propres aux choses , & conformes à leur origine & propriété , que le vulgaire ne peut ny entendre , ny cognoistre. Pour le regard de leurs lettres , caracteres , & chiffres , c'est vne objection qui ne merite point de responce: chacun sçait que cela se fait pour euer plus grande peine , d'ailleurs chacune science à ses propres termes de l'art & manieres particulieres , abreuiaures & chiffres differentes des autres sciences. Le blasme que vous leur donnez de leur diuersité d'opinions , s'en va aussi en fumee. Qui ne sçait l'incertitude & diuersité des iugemens humains , en toutes sciences & professions ? & en ce qui se presente , c'est peu de cas que de la varieté des opinions , pourueu que l'institution soit bonne , car cela peut estre sans nul danger : veu que par diuers moyens , on peut paruenir à la cure d'une maladie. Parquoy il me semble , que vos allegations sont sans nul fondement , & que sans disputer plus auant , vous deuez changer d'opinion , & esperant que vous le ferez , ie ne passeray , pas plus outre.

M V C N O. Certainement , Seigneur Velasque , combien que ie ne m'y cognoisse gueres , il me semble que le seigneur Ferdinand à discouru tres-elegamment & doctement declamé , & de ma part , ie me renge du costé des Medecins. Je ne sçay ce qu'en voudra dire le Seigneur Consaluo.

V E L A S Q U E. Il dira ce qu'il luy plaira , ie ne m'en formaliseray point d'auantage , puis que vous m'auiez constitué arbitre de vos differens , c'est son rang de parler , il à de l'aage & de la discretion pour repliquer ce que bon luy semblera.

C O N S A L V O. Je suis si esloigné de croire ce que le seigneur Ferdinand à mis cy dessus en auant , que ie vous iure sur ma conscience , que ses propres raisons m'ont pluslost confirmé en mon opinion , qu'autrement , & que ie n'estoy tant ennemy des Medecins , au parauant que ie l'escoutasse , comme ie suis maintenant : sur quoy , si ie suis bien fondé , ou non , on le cognoistra par ma



replique. Or pour veuir à la matiere, ie ne veux point nier, que ie n'aye dit, entendu, & que mon souhair ne soit tel, qu'il seroit bon qu'il ny eut point de Medecins aux villes ny aux champs: ou s'il les y falloit souffrir, qu'ils exerçassent la medecine gratuitement, & par charité. D'autant que si cela se faisoit ainsi, qu'on vlast des remedes plus communs, cogneus & approuuez, & de ceux qui ont beaucoup veu & apprins, leu & experimenté, les inconueniens qui suruiennent seroyent moindres, & on n'ordonneroit point de medecines que bien à propos, non plus que les saignées: & par mesme moyen, il n'y auroit point de difficulté, ny en la profession, ny au langage, ny en l'observation des costumes anciennes, & qui sont en vusage: & tousiours on suiueroit, le grand & le plus droit chemin. De cela fait foy vne partie de la medecine appelee dietaire, qui consiste, à sçauoir quelle reigle, & regime de viure on doit tenir, pour la conseruation de la santé, & guerison des maladies quel choix on doit auoir des viandes, plus ou moins, chascun selon sa costume: le tout neantmoins par bon conseil, sans qu'il soit besoin de grandes ordonnances, ny recepte. A ceste forme de medecine se rengent tous volontiers, fors ceux qui veulent se desborder par excès. Si doncques en cecy, qui est de plus grande importance, nous pouuons viure sans Medecins, ny autres maistres, pourquoy aux autres parties de la medecine, ne ferons nous en sorte, qu'elles soyent si claires enuers chascun, comme la dietaire: puis que cela se feroit avec moins de difficulté, moins de danger, & moins de peine, comme ie diray tantost apres auoir respondu à vos argumens: car ie veux respondre d'une autre façon, puis que nous sommes cōtrairens en opinions. La comparaison que vous dictes, Iesus Christ nostre Seigneur auoir faict de foy avec les Medecins, tend à vouloir deffendre la cruauté des Lyons, attendu que luy mesme se dit estre Lyon, & sans cela vostre argument seroit bien foible. & que le nom & l'office du Medecin seroit mieux seant à Iesus-Christ, en le prenant comme dessus, & non point comme mercenaire ny particulier comme vous. Que mon dire soit

verita



veritable, souuenez vous, qu'il a premierement approuue mon opinion, que la vostre, puis qu'il ne fist point de distinction entre les disciples, à fin qu'un d'entre eux medicamentast plustost quel'autre, ains il commanda à tous indifferemment, & leur donna la grace de pouuoir guerir, comme vous avez dit. L'exemple aussi de l'Ange Raphaël, & de Saint Paul faict contre vous, veu qu'ils ne renuoyerent point les malades aux Medecins particuliers du peuple, ains ils les guerissoient sans eux: non point avec vos medecines de Diacatholicon, Scammonee, saignées, mais l'un avec le remede du vin qu'il auoit experimenté, & l'autre avec la vertu & propriété d'un certain poisson que Dieu luy donna pour cest effect. De maniere que puis que, Messieurs, cest office est commun aux Anges & aux hommes, il n'est pas raisonnable que deux ou trois particuliers se l'approprient comme s'ils en estoient seuls les maistres (ainsi que font les tyrans les terres d'autrui) sous couleur de dire, qu'ils sont sages & seuls sçauans, comme vous dictes, & à la mienne volonte qu'il fut ainsi: & s'il est vray, à la bonne heure: ie ne veux point nier, que les lettres ne leur seruent beaucoup: mais ie veux dire, qu'elles ne sont pas necessaires pour medicamenter. Lors que celles qui monstrent la vraye cognoissance des causes, tant euidentes, que cachees, & mesmement de celles qui sont les premieres, & où le mal a prins son origine: mais ie veux dire, qu'il faut sçauoir sur & auant toutes choses, ce qui peut profiter pour la guerison de la maladie. Parquoy i'estime n'estre chose necessaire, voire estre superflue, & impossible en mon endroit, de rechercher l'intelligence des choses secretes ou incognues, ny les questions & controuerses des operations naturelles, ny tout le demeurant, que vous avez dit estre besoin de sçauoir & apprendre. Qu'il soit ainsi, nous voyons que les conseils de nature sont incomprehensibles: attendu que ceux qui les traittent, & ont tasché de les sçauoir, tant Medecins que Philosophes, sont si differens, & contraires en leurs opinions, qu'on



ne ſçauroit tirer d'eux aucune bonne reigle, ny certaine reſolution: comment voulez-vous qu'un Medecin ſçache la vraye racine, cauſe intime, & premiere origine de toutes les infirmittez, puis que ſur cela leurs opinions ſont ſi diuerſes, comme vous meſmes confeſſes? Pourquoy dois ie pluſtoſt croire Hipocrates, qui attribue la cauſe des maladies aux eſprits, qu'à Eraſiſtratus, qui l'assigne à la tranſuſion du ſang, des veines és arteres, ou bien à d'autres, qui alleguent d'autres principes deſdites maladies? Comment voulez-vous qu'on ſçache comme ſe fait la digeſtion dans l'eſtomach? De ma part, ie n'adiouſte non plus de foy à l'un qu'à l'autre, puis qu'il y a vne telle varieté d'opinions. Aucuns tiennent que la viande ſe cuiſt dans l'eſtomach, par le moyen de la chaleur: les autres, qu'elle s'y corrompt, & d'autres, qu'elle y eſt comme broyee, minee & conſumee: & entr'eux, l'un denie le dire de l'autre: & chacun à des raiſons apparentes & vray-ſemblables, pour ſouſtenir ſon opinion: & à quelconque opinion qu'on ſe vueille arreſter, il faut que la forme de medicamenter ſoit contraire à l'autre. De maniere qu'il ne ſe faut point rompre la teſte, à les vouloir apprendre, puis qu'il ſemble ſi difficile, voire impoſſible de les ſçauoir, ains nous deuons contenter, de bien entendre les remedes, que l'experience nous à enſeigne. Puis donc qu'il ne ſert de guerres de ſçauoir d'où procede l'infirmité, moyennant que nous ayons cognoiſſance des remedes, ie me paſſeray bien de vouloir ſçauoir, comment ſe fait la digeſtion des viandes: & me ſuffit de cognoiſtre, qu'elle viande eſt plus facile à digerer, & comment nous pourrons aider la digeſtion, pour obuier aux cruditez & indigeſtions, ſans nous enquerir plus auant, comme elle ſe peut faire. Je ne veux point auſſi qu'on ſe mette en peine de ſçauoir, comme eſt-ce que nous reſpirons, ains comment nous preuiendrons toute difficulté de reſpiration, ſ'il eſt queſtion d'y donner remede. Je ne me veux point traouiller pour ſçauoir qui fait mouuoir ou continuellement treſſaillir les arteres, ny comment ſe



se fait ce remuement, ains seulement, que signifie son remuement desordonné & inegal. Quant aux maladies, que vous dictes seruenir ordinairement de nouueau, cela ne vous sert de gueres, d'autant que quand cela aduendroit, celuy, qui entreprend la guerison d'icelles, se passe bien de sçauoir d'où elle sont venues, attendu que la source des plus vulgaires & communes nous est incognüe, comme nous auons touché cy dessus, ains il suffit de bien examiner les remedes, qui peuuent apporter la guerison, & comment se traictent les maladies qui leur sont plus semblables, & en faisant plusieurs telles experiences, on paruiendra à la cognoissance de la verité. Qu'il soit vray, prenez garde qu'en la verole, ceux qui pour la guerison se sont voulus gouverner selon l'art, & science ordinaire & receue, ont esté cause de la perdicion des personnes, & que depuis que par experience, on a cogneue la vertu du bois de Gayet, qu'on appelle bois-sainct, la guerison s'en est ensuiuie, ores qu'on ne sçache point l'origine du mal, ny par quelle vertu occulte cela se fait. Vous est il aduis que l'Anatomic, qui selon mon iugement est de peu d'effect, soit beaucoup necessaire? Elle me semble sans fondement, & pleine de cruauté. D'ailleurs es dissections des corps morts ou tuez, on n'y peut pas remarquer la couleur naifue, ny la tendreté ny dureré, ny les autres choses que vous auez alleguees, lesquelles sont & voit on aux hommes qui sont sains & en vie. Parce que sitant soit peu de froit, de peur, de lasseté, & quelque autre mediocre accident, ou affection, peut faire & causer vn subdain & apparent changement exterieur, en la couleur & contenance de la face d'une personne qui vit en bonne santé: combien est-il plus vray semblable que les membres interieurs, qui sont plus tendres & delicats, se changent & alterent, estans exposez en vn air non accoustumé, & à cause ou du sang perdu par les playes, ou à cause des maladies precedentes, & qui partant ne retiennent point leur assiette, ny ordre ensemble. Parquoy ie tiens pour assuré, que c'est vne folie de croire, que la  
mesme



mesme harmonie & proportion qui se voit, & est au corps d'un homme viuant, se puisse aussi trouuer au corps de celuy qui se meurt, ou qui est mort. Et sans s'aider de l'anatomie, qui n'y peut de rien seruir, ceux qui suyuent la guerre, ou autrement peuuent voir ordinairement beaucoup de playes & naureures, ou sans nulle cruauté on peut voir de belles experiences, ny sans deschirer ou bourreler la chair humaine. De mesme peut-on dire, à ce que vous proposiez, que les experiences sont douteuses & frauduleuses, à cause qu'elles se changent selon les temps & les lieux. Ie dy, que tels changemens sont procedez de l'experience, & non point de l'art: de façon, que cest à l'experience que nous sommes redevables d'un si grand benefice, pouuans mesmement par son moyen paruenir à la cognoissance de toutes choses. Quand aux responses que vous faictes à mes raisons, ie les trouue si debiles, qu'il ne m'est point besoin d'y repliquer. Car de dire que les Medecins ne soyent point cause des desbordemens, attendu qu'ils ne donnent conseil à nul d'estre dissolu, & qu'ils ordonnent les remedes aux excez & dissolutions, causees par l'intemperance. Ie vous dy, que les hommes deuiennent plus desreglez & intemperans, sous confiance que les Medecins donneront bon remede aux maux qui en pourroyent proceder, & que possible par ce moyen eux mesmes en sont cause. Or d'autant que le Seigneur Velasque est icy present, ie veux alleguer sur ce propos, ce que saint Ambroise nous enseigne, disant ainsi: Les commandemens & ordonnances des Medecins, sont à la verité contraires à la loy de Dieu: parce qu'ils defendent les ieunes & l'observation des vigiles, & veuillent tellement commander à l'homme, qu'il faut que celuy qui veut adherer & croire les Medecins, renonce à soy mesme Touchant l'exemption de la peine qu'ils meritent, selon les loix de Platon: ie dy que vous deuez quant & quant faire apparoir, de l'emologation & approbation d'icelles par les constitutions Imperiales: car sans cela, elles ne peuuent auoir grande vigueur. Et quand bien



bien elles auroyent lieu. Platon ne pretend point excuser, fors ceux qui sont gens de bien, & qui sont innocens du danger, ou de la mort qui suruiuent au malade, & il n'entend cōprendre que ceux, qui faillent à faute de sçauoir bien leur office & deuoir, & comme disent les legistes, *qui sunt in lata culpa*. Dequoy, ie crie vengeance à Dieu, puis que ie ne puis auoir audience en la terre: attendu que ce seroit vne condition tresdure, de dire que les medecins n'ignorent chose quelconque, là où si vous vous adressez à vn aduocat pour consulter vostre proces, il vous respōdra, qu'aprez auoir veu le sac, il verra ce qu'il faut faire. Vn Theologien, vous en dira le plus souuent de mesme, & pareillemēt les professeurs des autres sciences. Mais on n'a iamais veu vn medecin, qui ne responde & die tout soubdain son aduis, & ordōne quelque chose à l'instant pour infinis malades qu'il visitera le iour, & à tant d'vrine qu'on luy monstrea: aimant mieux faillir, que de confesser qu'il ignore le mal, & differer son ordonnance iusques à ce qu'il aura vn peu estudié sur cela. D'autant qu'ils ont leurs excuses appareillees & prōptes, pour reietter ailleurs la faute qu'ils commettent. A sçauoir, que le patient a fait quelque desordre, que l'humeur est malicieux & reuesche: sur quoy, ie m'en rapporte à la compagnie, qui est icy presente: l'aduouē bien, que i'ignore les proprietēz & vertus des simples, & de la composition qu'ils font de tant de drogues & medecines, & le confesse franchement: car ny Auicenne, ny les autres medecins, ne les cogneurent onques, estant impossible de comprendre l'harmonie & proportion de trois cens drogues mises ensemblement. Je ne leur sçay point de grē, de les auoir trouuees, s'il est vray ce que vous dites, pour estre choses detestable & que nous deuons reietter: ie n'estime non plus que le Museq ni le Zibet ou l'ambre soyēt sains ny profitables, ores qu'ils soyent d'odeur plaisante, attendu que nous en faisons bien peu passer, comme chose inutiles à la santé du corps, & le plus souuent dommageables à celle de l'ame. Et puis que vous estes si sainct homme, & que vous auez opinion, que les noms des drogues, & des

receptes



receptes, ne soyent point industrieusement & malicieusement obscurcies & deguisees, faictes que desormais ils soyent plus aduisez, & que leurs escrits & ordonnances soyent intelligibles & escrites en caracteres cōmuns, & lors ie confesseray, qu'ils ne veulent donner occasion de mescontentemēt, ny de mal faire. De façon, Seigneur Ferdinand, que puis-que vos argumens, & vos responſes à mes raisons sont foibles & debiles, vous ferez bien de vous retirer de vostre opinion; & ne vueillez point, ie vous supplie, que la medecine ne soit entendue d'un chacun; puis que cela se peut faire commodement & avec vtilité. Ne nous captiuons point à la mercy & volonté de deux ou de trois: à fin que nous n'ayons point d'occasion de nous plaindre, avec Pline, à faute de nous ſçauoir conduire, en ce que nous cheminons avec les pieds d'autrui, nous nourriſſons ſelon l'appetit d'autrui, & que nostre ſanté, & nostre vie, depende de l'arbitre d'autrui. Ne nous polez tant de difficulté en ceſt affaire, qu'il ſoit beſoin d'uſer tout nostre aage, pour ſçauoir bien medicamenter, & que les medecins acquierēt preſque plus de maladies, au travail de leur vacation, que ne leur en ſont preſentees pour eſtre gueries, en exerçant leur profeſſion. Contentons nous de pouuoir recouurer guerison, omme i'ay deſia dit, par le moyen d'une bonne diette, bon regime & gouuernement, ſans aller cettercher l'experience, qu'on appelle rationale, puis que la ſeule experience & pratique eſt ſuffiſante. Ne croyes point que la raiſon ny methode aye inuenté la medecine, & que la raiſon l'ait precedee: parce qu'eſtant trouuee, on l'a reglee apres ſelon la raiſon. Les bons Laboureurs & Mariniers, ſe rendent maîtres par vſage & exercice, & non point pour eſtudier, à fin d'apprendre la propriété des elemens, ny le cours des planettes, ny pour auoir leu les liures d'Ariſtote, touchant le ciel & le mode. Et puis que nous nauigeons ordinairement avec nos propres indispoſitions, parmi nos enfans, nos ſeruiteurs, nos voiſins, il n'eſt pas raiſonnable que nous ſoyons ignorans, de ce qui concerne nostre ſanté, pour auoir touſiours recours aux medecins: l'experience & les

maladies



maladies nous y rendront assez diligens, adroits, & propres. Il ne faut point chercher d'autre fondement, l'ancienne opinion, & commune avec l'experience, nous seruira assez de guide, sans qu'il nous soit besoin de mettre la main à la bourse. Il messied aux hommes, d'estre moins habilles que les oyseaux & autres animaux, qui cognoissent, par vn instinct naturel, les choses medicales, pour se scauoir guerir d'eux mesmes. Le Cerf s'arrache la fleche, de la naureure que le vefneur luy à faiët, avec l'herbe appellee dictam, ou Gingembre de iardin. L'Arondele remet la veuë à ses perites oisillons, avec la Chelidoine ou Esclere: le Porc-sanglier se medicamente avec l'erbe nommee Origanum, ou Mariolaine bastarde. Plusieurs autres animaux en font de mesme, comme tesmoigne Pline. Pourquoi donc ne faisons nous, comme les animaux nous enseignent? Ne m'alle-  
 guez point qu'on ne pourroit viure ainsi, & quand bien il vous seroit aduis qu'à faute de Medecins on pourroit tomber en quelque inconuenient, les fautes qui se commettent, par le grand nombre des Medecins, & l'abondance des medecines, sont beaucoup plus grandes. La nature, tres diligente ouuriere & sage maistresse, à le soin de guerir les maladies, mesmement quand nous l'aidons quelque peu de nostre costé, parce que, comme les Medecins mesmes dient, c'est elle qui opere & guerit, & ils ne sont que ministres de la nature. Les Romains, & tout le monde aussi se gouuernoyent en ceste maniere autresfois, premier que les medecins eussent la vogue. Et aujourd'huy la pluspart des gens de montaigne, & qui habitent en de pauures terres, en vsent ainsi, & ce faisant sont plus sains, & viuent plus longuement, que ceux qui demeurent és villes, où y a abondance de Medecins, & où les medecines sont de requeste. Encores y en a il plusieurs en icelles, qui ne veulent point voir de Medecins en leurs maisons, qui se medicamētēt toutesfois par bon regime, par herbes & autres choses experimentees, dont i'en pourroy nommer aucuns: mais l'un suffira pour tous, attendu que ie puis bien dire, que c'est l'honneur & la lumiere d'Espaigne, en la cognoissance des lettres humaines,

Lib. 8.

Hist. nat.



maines, & des autres sciences, & principalement à cause de son incomparable bonté & sainteté de vie: c'est le Seigneur illustre & commandeur, Ferrant Nugnes, Docteur & lecteur public en l'Vniuersité de Salamaque, lequel ne s'est onques fié de sa vie aux Medecins, laquelle il à conseruee iusques à soixante dix ans, en tresbonne santé. D'auantage, vous sçauiez bien que du temps du grand Pompee, lors que la Republique Romaine florissoit en bon heur & puissance, & en de braues esprits, que Asclepiades, duquel i'ay faict mention cy dessus, Medecin tres renommé, condamnant (cōme recite Plin) toutes les reigles & preceptes de ses deuanciers, n'vfoit d'autres medicamens ny remedes, que de la seule diette, bon regimé au boire & manger, ensemble d'une friction ou frottement des membres, & semblables choses, lequel d'abondant refutoit, reprenoit, & blasmoit les vomissements, medecines, & semblables drogues, que les Medecins donnoient de son temps aux malades. Il fut tant honoré & prisé, que chacun le recherchoit. Luy mesme, ainu que Plin a laissé par escrire, guerit vn certain homme, qu'on portoit pour estre enterré, ou bruslé, selon la coustume de ce temps là, estimant qu'il fust mort. Il se iactoit d'estre si asseuré en sa forme de medicaments, qu'il protestoit de soy mesme, qu'il ne tomberoit point malade: & que si toute fois il se rencontroit de n'estre pas bié disposé, qu'on ne luy adioustat plus de foy, & qu'on ne le dit plus estre Medecin. Il obseruoit si bien ses propres reigles, & sa protestation, qu'il ne deuint iamais malade. Et en fin, estant tres-vieil, il mourut apres estre tombé d'une eschelle en bas. Mon opinion doncques n'est pas nouuelle, ny particuliere, ains plustost tres ancienne, commune, certaine, & veritable: & comme telle, merite d'estre receüe & embrassée. Et en cest endroit, ie mettray fin à mô discours, laissant beaucoup de choses à dire, pour euitier prolixité. N v c. Il me semble certainement, Seigneur Consaluo, que tout ce que vous auez mis en auant a esté tresbien dit, ie suis si maniable, & facile, que celuy qui paracheue le dernier, m'attire volontiers de son costé. Mais ie me veux vn peu arrester, pour



pour entendre la resolution & arrest du seigneur Velasque. FER. Si vous me voulez dispenser de ma promesse, ie vous assure que ie n'auray pas faulte de dupliquer. Mais puis que le seigneur Velasque doit prononcer son iugement, vne cause si iuste que la mienne, & vn iuge tant equitable que luy n'ont point besoin de plus grande instruction. VEL. Veritablement, seigneur Don Nugno, ce me seroit vne grande faueur, que d'estre absouz & quitter d'une telle charge que vous m'avez commise, d'autant que ie vous voy si resolu tous deux en vos opinions, & chacun de vous à si bien soustenu son party, que la definition m'en semble fort douloureuse & difficile: par ainsi quoy que ie die, chacun croira ce que luy plaira, attendu que ce n'est pas vn article de nostre foy. NVO. Si faut-il neantmoins que vous le fassiez, parce que i'auroit qu'ils soyent fort affectionnez tous deux à leurs opinions, ils le feront encore d'avantage à vostre iugement, prudence & sçavoir: partant ils se soumettront volontiers à vostre aduis, ainsi qu'ils sont tenus de faire. FER. Le seigneur Don Nugno dit vray, nous l'imputerons tous deux à vne singuliere courtoisie, & de ma part, ie vous en demureray tres-obligé. CON. C'est moy qui luy en auray plus d'obligation que nul autre: car ie suis assure, qu'il donnera sa sentence en ma faueur. VEL. Pour autant que cest exercice est loüable, & la peine n'est pas sans quelque merite, i'oberay à vos commandemens, & interposeray encores mon opinion, sur la mesme matiere. Combien que ie ne me sente point capable, ny d'assez bon entendement pour prononcer vne sentence, & que ie ne m'aduoné pas auoir la puissance de vous y adstreindre, ny vous non plus aucune obligation d'acquiescer à ce que i'en diray. Si vous trouuez bonne mon opinion, chacun en croira ce que bon luy semblera, attendu que ie ne pretends debatre, ny reprendre aucun, ains vous declarer en peu de paroles, ce qu'il m'en semble. Je dy donc Messieurs, que tout vostre differend, à ce que ie puis cognoistre par vos propos, consiste en deux points seulement: tout le demeurant de vostre discours, est superflu. Le premier point, gist en ce que l'un dit, que l'art & la science ne sont point requis, pour la



guérison des maladies, ains qu'on doit suivre l'usage & l'expérience. L'autre dit que la methode, l'art, & les preceptes y sont necessaires, & que le Medecin doit estre sçauant, & bien versé en la faculté de Medecine, & qu'il aye cognoissance des autres sciences, comme il a esté deduyt amplement. Le second point, & qui semble proceder du premier, est, que le Seigneur Consaluo, lequel n'est qu'attaché à la seule experience, voudroit qu'il n'y eut point de Medecins recogneus, & de profession particuliere aux republiques: ains que tous medecinentassent indifferemment & charitablement, & le seigneur Ferdinand au contraire, s'oustient qu'il faut qu'il y en aye. Certainement Messieurs, la premiere & principale question n'est pas nouuelle, & vous n'estes pas les premiers qui l'avez mise en auant ny debatue. Elle est fort ancienne, en la Medecine, & entre les Medecins, en sorte qu'il y a eu d'Empyriques, ainsi nommez, parce qu'ils ne suiuoyent que la seule experience: & les autres qui ont esté appelez rationalistes pour s'estre estudiez, à sçauoir les raisons & causes. Corn. Cellus, & d'autres en escriuent des vns & des autres, & des deux costez y a eu de grands sectateurs & partisans. Or si nous estions tenez à ce point, de prendre par force l'une des deux premieres extremités, sans qu'on peut choisir d'autre remede, celui qui suit l'experience, sembleroit auoir plus de raison, & estre moins dangereux, attendu qu'ainsi qu'escriit Aristote en ses Politiques, les personnes experimentees, sont plus propres & idoines pour operer & estre employees, que les sages & sçauans sans experience. Et pour parler en particulier des Medecins Platon en ses liures de la Republique, dit, qu'il faut qu'un bon & parfait Medecin aye practiqué avec les sains & malades, & encorés qu'il aye esté malade, & qu'il soit de grande experience. D'auantage, il ne faut point douter que la Medecine & l'art d'icelle n'ait en son commencement de l'experience, plustost qu'autrement. Et certainement, le seigneur Ferdinand le nie sans iuste raison. Parce qu'à dire vray, apres qu'on eut veu plusieurs experiences, & qu'elles eurent rauy les hommes en admiration, ils commencerent à Philosopher, à rechercher les



les causes & raisons, comment cela se pouuoit faire. Le semblable a esté fait aux autres sciences, & arts, ainsi qu'en la medecine, Comme afferment Aristote, M. Manilius, & Virgile. Le premier dit, l'experience à produit l'art par diuerses preuues & accidens. Et parcé que ie ne me souuiens point, lequel de vous autres Messieurs, à allegué saint Ambroise, ie m'aduise de dire, que luy disputant *pro & contra*, de la medecine, est de mon opinion. Or puis que son tesmoignage est de telle autorité, ie veux alleguer le sens de ses propres paroles, qui sont telles. D'où est ce que la medecine a eu son origine, sinon des infirmités & maladies? Parce que les personnes du premier aage, voulurent enseigner à leurs successeurs & descendant, ce qu'ils auoyent éprouué leur estre bon, pour leur indispositions: par ce moyen l'experience & usage establit l'art, & la maladie occasionna la maistrise & science. C'est veritablement la premiere & suffisante medecine, qui a esté engendree par l'experience, & non point par coniectures, ny à la volee. Parquoy les Empyriques furent appelez, à cause de l'experience, qui vaut autant à dire comme experimentez. De ceste secte, les autres prindrent leur origine, ensemble leur usage & la source. Voila de point en point le sens de S. Ambroise, lequel confirme presque le mesme sur l'Hexameron. Mais pour n'allonger mon dire, ie ne m'arrestera point au recit de plusieurs autres raisons & autoritez, comme ie pourroy faire. Il ne faut donc point doubter, que l'origine de la medecine ne soit venue de l'experience, laquelle est prealablement & de necessité requise. Or nonobstant cela, les Empyriques ne doiuent pas auoir le dessus, qui ne suiuent que la seule experience, ny les rationalistes non plus, qui se contentent de l'art tant seulement, d'autant qu'entre ces deux opinions, y en a vne moyenne & troisieme, à laquelle il se faut tenir. A sçauoir que ja soit qu'il fust vray, que l'experience aye esté l'origine de la medecine, & que sans elle ceste science ne puisse estre bien entendue ny pratiquée: si est ce neantmoins que l'art & les preceptes furent non seulement utiles apres l'experience.



ce, ains encore necessaires, tant pour les changemens & incertitudes des experiences, & plusieurs autres raisons qui ont esté exprimees cy dessus, comme aussi, à fin de les coucher par escrit, & puis cognoistre & faire choix des meilleures: ce qu'on n'eut sceu faire sans les escrire & les regler par methode: attendu que l'on ne scauroit prendre vn bon aduis, ny faire vne bonne election d'vne chose, si on ne la lit deuant vous, & n'est redigee en science: autrement vne grande confusion s'en ensuiuroit, & l'oubliance & diuersité d'opinions, auroit le tout mis en desordre. De maniere, que quand bien on ne voudroit que suivre la seule experience, cela ne se peut faire sans l'art & les regles & traditions, & sans auoir appris les circonstances necessaires, comme en quel temps, en quel lieu, en quel aage, en quelle disposition, à quelle maladie, & à quelles occasions, & pourquoy les remedes sont bons à certains malades, plustost qu'à d'autres. Et pour ce faire, il est force qu'il y aye des preceptes & enseignemens methodiques, qui se reduisent apres en art. Car ores que l'experience aye esté, comme nous auons dit, la source & l'origine de la medecine, elle ne scauroit pourtant conseruer ce qu'elle a sceu inuenter, sans le benefice de l'art. Nous ne deuons donc attendre tous les iours de nouuelles experiences, aussi bien est il impossible que tous les sçachent toutes, ny se puissent souuenir de celles qui ont esté faites, ny scauoir celles que les autres font, sans l'art & regles medecinales. Pour verifier vne chose si manifeste, ie n'employeray beaucoup ny de raisons ny d'autoritez. Nous auons l'experience journaliere deuant les yeux, puis qu'il n'y a ouvrier ny estat si vil & abiect, qui n'imité l'art & la raison mesme. Le marinier & le laboureur, que le Seigneur Confaluo dit ne pouuoir deuenir bons maistres sans l'usage, quand bien il seroit vray, si ne peuent ils rien faire, sans regles & preceptes, fondez sur l'experience, lesquels les guident & dressent, & les ayans apprins les enseignent & communiquent aux autres. Les tailleurs de pierre, charpentiers & menuisiers, & tous autres artisans, en font de mesme qui ont leurs regles fondamentales en main, en-  
semble



semble l'vsage & l'experience. Or puis que la medecine à vn particulier & rât excellent subiect, il n'est pas raisonnable qu'elle soit blasonnee par tels mechaniques. ou artisans, attendu mesmement qu'outre tout ce que dessus, les Medecins ont beaucoup d'autres cognoissances des lettres, & autres choses sulsdites: ores qu'on vueille dire que le sçauoir n'y soit pas autrement necessaire, du moins on ne sçauroit nier, qu'il n'y soit tres-vtile: & combien que le Medecin n'en seroit pourtant plus habile, si seroit il sans doute plus sage & accort, & si la science seule ne le peut rendre bon Medecin, du moins elle le rendra plus grand Medecin & plus sage: ce qu'il ne peut obtenir sans l'estude, ny sans apprendre les arts & sciences. Et combien qu'elles soyent difficiles & de diuerses sortes, le Medecin ne doit neantmoins perdre courage, comme à dit le Seigneur Consaluo. Nous sçauons bien que les sciences sont longues, mais il n'y à rien que la diligence, le labeur & bon esprit, ne surmontent: & si l'vn ne peut tout apprendre, il faut au moins apprendre le plus, ce qui est plus possible & necessaire. Et jaçoit qu'entre les anciens, il y aye sur cela plusieurs opinions differentes, comme il a esté dit, encores y à il des resolutions plus modernes, & de moyens & cōseils pour pouruoir à tout: en quoy le Medecin doit estre plus instruit & mieux, que tout autre, comme la plus-part des sages & sçauans croyét. C'est pourquoy Platon, dans son liure de Rethorique, escrit que la medecine est vn art, parce que c'est vne science qui considere & cognoit la matiere, & complexion du malade, & la cause de l'operation des remedes, & de sa pratique, & de tout cela peut rendre raison & bon compte. Cela ne se doit seulement entendre estre necessaire, pour medicamenter vne maladie, ains aussi pour la conseruation de la santé. D'autant que iacçoit que le Seigneur Consaluo aye voulu dire, que par le boire & manger, on peut deuiner vne maladie avec la seule experience, sans qu'il soit besoin de conseil ny de l'art du Medecin, il est toutesfois veritable, que celuy qui l'accompagne de sagesse, & la regle bien à propos, il en suit le conseil, les regles, & preceptes qu'on à ouy des Medecins, & des plus sages, à faute de quoy,



procedent ordinairement les maladies, partant Ciceron, ce bon personnage, escrit, que pour bien gouverner & conseruer la santé, il faut que chacun cognoisse son naturel & sa complexion, & qu'il s'abstienne du fons de ce qui luy peut nuire, & vſe de ce qui luy est vtile : ensuiuant neâtmoins, en tout & par tout, le conseil & la maniere de faire, & l'art de ceux qui le doyuent ſçauoir, c'est à dire, des Medecins, tellement que pour conclure ce propos, parce qu'il ne faut pas vſer de long discours à ce personnage si sages que vous, Messieurs, ma resolution touchant le premier point, à ſçauoir-mon si l'experience seule est suffisante, ou bien si les arts & lettres sont necessaires, sera, que si deux choses defaillent à vn Medecin, ie voudroy plustost qu'il fut ignorant, que sans experience. Mais pour le mieux il faut qu'un bon Medecin & accompli, soit bien experimenté & ſçauant, de sorte que la Medecine doit pariciper des rationalistes & des Empyriques, & faut que le Medecin soit versé és preceptes & fondemens de l'art, & en l'experience. Quant au second point, s'il est conuenable qu'en vne republique y aye de Medecins particuliers & docteurs en lart, ou non: le dy que selon ce que dessus, il s'ensuit resolutionement, qu'il faut qu'il y aye des Medecins cogneus & d'expresse profession, & que tous ne peuuent exercer cest office indifferemment, d'autant qu'ores que la seule experience eusse esté necessaire, il n'estoit pas possible que tous fussent bien experimentez ny consommez en l'art de Medecine, ny que tous, eussent iugement & discretion, pour pratiquer & mettre en vſage les choses experimentees, attendu principalement que nous auons proué, que l'art, les reigles Medecinales & la theorique, & diuerses autres sciences, y sont requises, chose qui ne peut estre commune à tous. Or attendu que de tous les arts, voire des mechaniques, il y a de maistres recogneus pour tels, la medecine seule aura elle moins de credit & priuileges qu'elle ne puisse auoir de maistres & docteurs, ou des Medecins graues, lesquels ayans bien diligemment estudyé, comme il leur est besoin de faire, pour paruenir & estre estimez, & avec la continuation estans deueus doctes & experimentez, ils puissent exercer sain



sainctement, & à leur honneur, la medecine: Il ne faut point sur cela faire comparaison, de ce que nostre sau-  
 ueur Iesus Christ commanda à ses Apostres, qu'ils gue-  
 rissent les maladies des hommes: car cela fut pour al-  
 seurer & fonder nostre sainte foy, & non tant pour  
 auoir esgard à la santé corporelle, dõt nous palõs main-  
 tenant: attendu mesmes que pour l'un & pour l'autre, il  
 pleut à sa diuine bonté de choisir des personnes tres di-  
 gnes, leur donnant toute puissance & auctorité absolüe.  
 Le nom & office des Medecins renommez, est plus an-  
 cien, Seigneur Consaluo, que vous n'avez dit. Vos au-  
 theurs prophanes l'ont escrit: parce que la Medecine  
 estoit exercee 500. ans auparauãt qu'Esculapius. Hippo-  
 crates, ny les autres qui succederẽt apres, vinsent au mô-  
 de. Nous lisons en genese que Ioseph enuoya en Egypte  
 ses Medecins, pour oindre le corps de Iacob, son pere,  
 qui estoit trespassee. Et en l'Exode est escrit. Qu'entre les  
 loix que Dieu dõna à Moise, pour le peuple d'Israël, il y  
 en eut vne entre autres, que celuy qui fraperoit, seroit te-  
 nu de luy payer ce qu'il pourroit gagner de sa peine, en-  
 semble le salaire du Medecin. Duquel passage on peut  
 aussi bien inferer, que le salaire & recompẽse, qu'on don-  
 ne au Medecin est fondee sur la iustice, & est tres anciẽ-  
 ne. Nous trouuons ailleurs en la sainte Escriture, qu'il  
 est fait mention des Medecins. Comme au liure de Pa-  
 ralip. où il est dit. Que le Roy Asa fut repris, parce qu'en  
 sa maladie, il n'eut point recours à Dieu, ains qu'il se  
 cõsioit plustost à l'industrie des Medecins. Vray est qu'en  
 ce lieu est faite mẽtion de l'art de Medecine, & nõ point  
 de l'experience, ce qui fait à nostre propos. On lit le sem-  
 blable en beaucoup d'autres passages. L'histoire & l'exẽ-  
 ple qui a esté alleguẽ d'Asclepiades, qui vesquit du temps  
 de Põpee le grãd. il est vray que cela fut ainsi, & qu'Ascle-  
 piades trouua ceste sorte & nouuelle façon de medica-  
 menter: mais certes ce fut vne trõperie & imposture qu'il  
 faisoit, à faute de sçauoir medicamẽter par sciẽce & pre-  
 ceptes, d'aurãt aussi que sa principale professiõ estoit l'art  
 oratoire, comme escrit le mesme Plinẽ, auquel se voyant  
 ne gagner gueres, il se fit Medecin, & fut l'auteur  
 de ceste nouuelle secte, ainsi qu'ils s'en sont trouuez.

Gen c. 1.

Exo ca. 12.

Para li. 2.  
chap. 26.



d'autres aux autres facultez. Mais sa nouuelle heresie ne dura point beaucoup, comme n'estant pas bien fondee, ioint qu'il ne l'a communique point, ains il voulut en estre seul le maistr. Tellement, Messieurs, que nous ne deuôs point croire que l'experience ait engendré l'art de Medecine, qu'elle, ensemble les lettres, soyent profitables & necessaires, & qu'aux Republicques y doiuent estre de Medecins par expres, qui soyent gens de bon sçauoir. Mais ie veux adiouster vn autre point que nous n'auons pas touché, qui me semble toutesfois estre le plus necessaire & d'importance que tous les autres, à sçauoir, qu'il n'est pas seulement requis d'estre doctes & conformez en l'art de Medecine, ains d'estre de bonnes mœurs, vertueux & bons Chrestiens, ialoux de l'honneur de Dieu: sans quoy il n'y à profession, ne art qui puisse estre bien conduit & gouuerné. Je ne sçache point qu'ils se commettent aucuns abus ne fautes au monde, de celles que le Seigneur Consaluo à fait mention, & certainement ie voudroy y sçauoir mettre quelque bon ordre. Mais ie ne forme pas les Medecins tels qu'ils sont, ains tels qu'ils deuroyent estre, & estans tels que ie dy, & comme i'en cognoy d'aucuns, ils ne feroient pas les fautes qu'on leur impute, tant en la cognoissance & cure des maladies, qu'aux boissons & medecines. Parce, qu'ils exerceront la medecine, comme gens de bien, & bons Chrestiens: & appliqueront les remedes cōuenables, comme gens sages & bien aduisez doiuent faire, en iugeant, s'il faut qu'une medecine soit simple, ou cōposee, en quoy s'est le plus arresté le Seigneur Consaluo. Car eucore que les choses simples & point mixtionnees, soyent singulieres & profitables, estans neantmoins cōposees, & mises ensemblement, elles ne font point de nuissance. D'autant qu'il y a en icelles quelques vertus & proprietiez, qui confortent les autres: & ce qu'une seule ne peut effectuer, deux ou trois, ou plus, selon qu'il en sera de besoin, le feront. Or tout ainsi qu'il aduient raremēt, qu'il n'y aye qu'une seule humeur peccāte au corps de l'homme, il faut auoir l'œil sur tout: & à la maladie cōposee de plusieurs causes, en y ordonnant aussi des remedes cōposez: & comme nous sommes cōpos-



tez de diuerſes complexions & de quatre elemens, nous auons pareillement beſoin auſſi bien de remedes & Medecines compoſees, que de ſimples, ainſi qu'il ſ'yſe en routes autres choſes. Nous meſſons & compoſons enſemblement l'eau avec le vin, à fin de nous eſtre plus profitables. Nous entremeſſons les viandes, pour eſtre plus ſauoureuſes & medecinales. Nous meſſons le vinaigre avec l'huile, le ſucré avec le miel, & ainſi toutes autres choſes ſe compoſent, proportionnent, & temperent, cela eſtant fait en la medecine, elle eſt de grande vertu. Si en cela & d'autres choſes ſemblables, il y a quelques Medecins, ou mauuais ouuriers, nous ne deuons pourtant vituperer les bons Medecins, ny la ſcience, laquelle de ſoy eſt bonne, ſaincte, & profitable: ains nous deuons procurer qu'ils ſoyent tous tels que nous deſirons pour le bien du public. Ceſte magniſique cité de Seuille, pour bien louer Dieu, ſelon mon aduis, à cauſe de l'abondance des bons & tres-ſçauans Medecins qu'elle a, & qui y ſont en bonne reputation. Entre leſquels i'en ay practiqué familièrement quatre ou cinq, & les ay trouuez ayant à faire d'eux en certaines maladies, doiuez des qualitez & perfections ſuſdites, d'eſtre experimétez, ſçauans & prend'hommes: i'ay vne meſme opinion de pluſieurs autres. Puis que nous ſommes donc ſi bien pourueu de Medecins, en noſtre ville, & que nous auons conclu, & monſtré qu'ils ne doiuent eſtre ſeulement contents des lettres & preceptes de l'art, ains encortes y doiuent adiouſter l'experience, le Seigneur Ferdinand deuroit acquieſcer à mō opinion. Vous auſſi, Seigneur Conſaluo; ne deuez blaſmer ny reietter la ſcience, ny eſtre obſtiné contre les Medecins, que vous ne vous medicamentiez quelque fois par leur moyen quand vous tomberez malade. Ne diſtes point, ie vous prie, qu'il y ait icy des Medecins à la façon d'un bouffon & plaiſant du Duc de Ferrare, duquel fait mention Lou. Pourtanus. Ie ne veux point maintenant reciter ceſte hiſtoire, ores qu'elle ſoit plaiſante, d'autāt auſſi que l'heure eſt deſia tardee, & que i'ay fourni à ce que vous m'auiez commandé pour ce iourd'huy: en attendant que nous faſſions le demeurant vne autre fois. N. v. g. Cerrati.



nement, Seigneur Velasque, on ne pourroit mieux dire sur ceste matiere que vous avez fait & sagemēt & doctement. Quant à moy, ie n'y sçauroy rien plus desirer. Et tout ce que pourroyent amener ces Messieurs icy, n'auroit point grand poix, pour vous faire changer d'opinion, ne retracter vostre sentence: ains i'estime qu'ils n'en appelleront point, tant est grande la vertu & force de la varieté accompagnée de l'éloquence d'un personnage d'autorité. **M. R.** le me tiens pour content, de ma part, & m'accorde à ce que le Seigneur Velasque en a déterminé, ayant opinion que le seigneur Consaluo fera de mesme, & par ainsi nous pourrons bien nous retirer. **C. O. N.** le me laisse aller au iugement du seigneur Velasque, comme equitable, & d'autant plus qu'il est procédé de luy. Mais neantmoins ie me traiteray en toutes mes maladies, avec le seul remede de la diete, & bon regime de viure, pour maintenir ma santé. loint que ie leur ay ouy dire, que ceste façon de medicamenter, est tres-bonne: de maniere qu'en cela i'en suy l'experience, & le conseil, partant on ne me sçauroit reprendre. Touchant les autres, que chacun se conforme, en bonne heure, au dire du Seigneur Velasque, & fut cela, ie prends congé de la compagnie, priant Dieu que sans auoir affaire de Medecins, nous puissions mourir, chacun en vieillesse. **N. V. G.** La patience est bonne en aduersité. Mais ie ne partiray point de ce lieu, que le seigneur Velasque ne racompte ce qu'il a touché en passant, du Bouffon du Duc de Ferrare, à fin que ce compte paracheue nostre iournee, nous auons assez de temps pour l'entendre. **V. E. L.** l'en suis content, a fin que le seigneur Consaluo passe sa colere combien que possible il l'a peu aussi bien lire que, moy, dans ledit Pontanus. Sçachez donc, que passant vn iour le temps le Marquis de Ferrare, Nicolas d'Est avec vn sien bouffon, il luy demanda de quel mestier & estat y auoit plus dans Ferrare: le plaisant luy respondit prudemment, que c'estoit des Medecins: le Marquis ayant ouy ceste responce se mit à rire, & luy dit. Ne voy tu point, soit que tu es, qu'il n'y en a pas dās la ville plus de cinq ou six: & qu'il y a plus de trente Cordonniers, & d'autres mestiers, comme oses tu dire cela; A quoy le bouffon



bouffon replica, Monseigneur, Parce que vous estes  
rousiours occupé en d'affaires d'importâce, vous ne pre-  
nez point garde à ces menues choses, & encores sçauéz  
vous moins combien vous auez de vassaux. Mais ie veux  
que vous cognoissiez que mon dire est veritable, & ga-  
geray contre vous, deux cens escus, que ce que ie dy est  
vray. Le Marquis recommença à rire plus fort, & après  
auoir quelque peu contesté, il gaga lesdites deux cens  
escus: & imputant telle gageure à vne sottise ou folie, il  
oublia & le differer & la gageure. Le bouffo, lequel auoit  
desia deuoré l'argent par esperance, apres auoir bien  
medité son affaire, se leua le lendemain de bon matin, &  
s'estant bien bandé les iouës avec du linge & de l'estou-  
pe, saignant d'auoir vne grande douleur de dents, se  
mit sur le portail du Dome de la ville vn iour de diman-  
che, ayant pres de soy, vn sien enfant petit garçon, avec  
vne plume & du papier pour faire ce que ie vous diray  
Or luy estant fort cogneu, tous ceux qui entroyent &  
forroyent de l'Eglise, luy demandoyēt quel mal il auoit,  
auquels il respondoit, qu'il estoit tourmenté d'un grand  
mal de dents, les priant, en l'honneur de Dieu, de luy en-  
seigner, qu'il luy faudroit faire pour guerir, lors eux,  
suyuant la coustume que nous auōs tous, de vouloir don-  
ner conseil à ceux qui sont trauaillees de ce mal, à mesure  
qu'ils passoyent pres de luy donnoyent quelque re-  
mede, qui estoient aussi tost mis par escrit, par son garçon  
ensemble les noms de ceux qui luy auoyent donné le  
remede. Apres qu'il eut là demeuré boune espace de  
temps, & tant qu'il luy sembla suffire, & qu'il eut fait  
escrire vn grand nombre de medecins & de remedes: il  
en feit aurāt le lendemin par les maisons & les rues de  
la ville, accompagné rousiours de son fils, qui auoit  
route scrit comme dessus: finalement il s'achemina en  
ceste façon vers le palais du Marquis, qui ne se souue-  
noit plus de la gageure, lequel le voyāt enuelopé avec de  
drapeaux, luy demanda, comme les autres, quel mal il  
auoit, & luy estant respondu de mesme qu'aux autres,  
Monsieur le Marquis luy conseilla de faire ne sçay quoy  
pour guerir. Alors ledit Bouffon remercia ledit sieur  
Marquis, & tost apres s'en retourna chez soy, où il feir  
mettre



mettre au net le bourdereau & la liste de plus de cinq cens medecins, enrolant mōsieur le Marquis le premier, ensemble son remede. Le iour ensuiuant, ayant osté toutes les bandes & drapeaux d'alentour de son col, s'achemina au palaix, & dit à monsieur le Marquis. Monseigneur, ie suis guery, moyennant le remede du plus excellent & braue Medecin qui soit en Italie, qui est vous-mesme. Parce qu'avec le bon conseil que vous me donnastes, ma douleur se passa. Cependant ordonnez que les deux cens escus, que vous auez gagez & perdus contre moy, me soyent payez, & sçachez que i'ay trouué dans vostre ville de Ferrare, de fors bons Medecins, qui sont cōprins dans ceste liste que voicy: & en eusse trouué dauantage, si i'eusse mieux voulu m'enquerir. Ledit Sieur Marquis, prenant le roolle entre ses mains, & se voyant estre mis au premier lieu, & en teste, avec plusieurs autres qui suiuoyent apres, confessa d'auoir perdu, & luy feit compter lesdicts deux cens escus, ce que ne fut point sans rire. Et certainement, si le Seigneur Consaluo se contente de semblables Medecins, comme furent ceux là, il n'a pas tort: car il n'y a celuy qui ne soit Medecin. NVO. En bonne foy c'est vne histoire tresbelle, & qui donne assez de subiect pour rire. Mais ie ne me veux plus amuser icy. A Dieu. e o n. Certainement ce bouffon auoit bonne grace. Mais ie vous promets que quand bien il eut eu le mal des dents a bon escient, & sans faindre, il eusse peu trouuer guerison, moyennant les conseils qui luy furent donnez, & pour mon regard, ie m'adresseroy plustost aux. 100. Medecins qui estoient contenus dans son bourdereau, qu'aux cinq ou six medecins de la ville de Ferrare. Mais sur cela reti-

rons nous, Seigneur Ferdinand, car nous

ne laisseron de nous en aller bons

amis, comme nous estions ve-

nus, nonobstant nostre


contrarieté d'o-

pinions.


\*\*\*

FIN






















# TABLE DES PLVS PRINCIPALES ET REMARQVABLES

MATIERES CONTENVES

és diuerfes Leçons de

Pierre Messie.

## A

<b>A</b> Age du monde, & sa diuision.	97
Aage premier du monde là me sme. le second 98. le troisieme. 99. le quatriesme. 100 le cinquieme. 101 le sixiesme. 103.	
Age de l'homme, & sa distinction selon les Astrologues. 168. & selon les Philosophes, Medecins, & Poëtes. 170. & suyuans.	
Aage de l'homme & de la femme, quand se veulent marier, quel doit estre.	216
Agés diuers de plusieurs tant hommes que femmes.	555
Abbregez de liures combien preiudiciables.	680
les Abeilles donnent plusieurs notables enseignemens aux hommes, 504. & suyuans.	
Actes memorables de Semiramis.	99
Actes militaires, pleins de grande valeur & generosité, de François Sforce & Nicolas Piscinin.	176. 177
Adrian successeur de Trajan, & son Empire.	300
Aeschilus, & son estrange mort.	76
Alexandre & Scipion miroir de grande continence.	278
Alexandre le grand, amy des lettres. 374. sa lettre à Aristote, & la response, là me sme.	
Amitié & inimitié mutuelle de diuers animaux, & autres choses inanimées. 351. & suyuans celle qui est entre les hommes d'où procede 356. & suyuans.	
Amour des hommes combien forte passion, & de plusieurs remedes contre icelle.	382. 383



# T A B L E.

Amour desordonné & ridicule d'un ieune Athenien & du Roy Xerces.	383
Amour du Dauphin enuers les petits enfans.	384
Amurat, son regne, & conquestes faictes durant iceluy, & sa mort.	56. 57
L'Anatomie n'est necessaire aux Medecins & comment.	721
Ancienne grandeur de l'Empire Romain, & d'où est prouuenue sa ruine. 1. 4. & suyuant.	525
L'Anneau de Gyges, & sa propriété.	516
Anneaux remarquent ri. hesse & noblesse.	520
Anneaux portez à la main gauche, & pourquoy.	là mesme.
Anneaux portez pour medecine.	là mesme & 521
Anneaux seruaus de cachet.	528
Anneaux magiques faicts sous l'observations des Astres.	530
Anneaux faicts sous chacune planete.	là mesme.
Anneaux fortunez.	173. 174
Annees dangereuses quelles, selon l'opinion des anciens.	577
Antipater Cyrenayque & Asclepiades Critique auueugles.	44
Antiquité de la ville de Constantinople, sa fondation & description & quels furent ses fondateurs.	17. à
Apophtegme notable de Caton Censorin touchant le secret, qui il doit estre descouuert.	là mesme.
L'Arbre de vie, & sa propriété.	540
Archimedes & ses subtilitez. 334 & suyuant.	499. 500
Ares: asile de fluire sa patrie de la main des Tyrans.	242
Aristides pourquoy surnomme le iuste: & son bannissement d'Athenes.	370
Aristote en quelle estime estoit tenu d'Alexandre le grand.	32
Arxet, leur inuention premiere, & par qui elles ont esté inuentees & mises en vsage.	728. & suyuant
L'Art & science combien sont requises en vn Medecin.	33
Artillerie, & poudre à canon par qui inuentee.	280
Asfaltide lac de Iudee: & sa propriété.	693. ses excellences,
L'Asne combien est vne monture honorable. 693. ses excellences, & particularitez. 695. & suyuant.	579 & suyuant.
L'Auarice combien est abominable.	183
Au lac du Lyon és choses qui touchent l'honneur.	280
Auerue lac en Italia & sa propriété.	347
Aueugles comment peuent escrire.	sainct



# T A B L E.

<i>sainct Augustin nis les Antipodes. &amp; pourquoy.</i>	634
<i>Auteurs qui ont escrit des pierres precieuses.</i>	527
B	
<i>Babylone par qui edifiee.</i>	94
<i>Baizet, son regne, ses victoires &amp; hauts faits d'armes.</i>	57.
58	
<i>Banissement de Ciceron.</i>	244
<i>Banquets pleins de prodigalitez excessives. 669 &amp; quels sont li-</i>	
<i>cites &amp; permis 670. 671. conditions y necessaires.</i>	675
<i>Bataille entre Tamburlan &amp; Baizet.</i>	265
<i>les Bestes brutes ont cognoissance de la mutation &amp; changement</i>	
<i>de temps.</i>	320. 332. 333
<i>Elias l'un des 7 sages de Grece, &amp; ses dicts communs.</i>	362. &
<i>suyuans.</i>	
<i>Brigue d'Hiperbole contre Nicias &amp; Alcibiades.</i>	243
<i>les Broiillas d'où procedent.</i>	654
C	
<i>Cachet renommé de Polycrates.</i>	521
<i>Caius Drusus &amp; Caius Aufidius aveugles, personnages de grand</i>	
<i>renom.</i>	577
<i>Calamité aduenue à Constantinople du temps de Seuerus Empe-</i>	
<i>reur. 46. sa restauration.</i>	la mesme.
<i>Calamité de Baizet desconfit par Tamburlan.</i>	59
<i>Calopin v. son Empire, &amp; sa mort.</i>	59
<i>Camahu ou cachet de Pyrrhus.</i>	524
<i>Caracteres tiebrayques, &amp; leur propriété.</i>	343
<i>Cardinal d'extreme auarice.</i>	583
<i>Cas notables aduenus pour la ressemblance des hommes les uns</i>	
<i>aux autres.</i>	160
<i>Cas merueilleux aduenu à Lyon au Sacre, &amp; coronnement du</i>	
<i>Pape Clement.</i>	193
<i>Cas merueilleux du lac de Pilate.</i>	205. 206
<i>Cas notable d'un prisonnier, raconté par Alexandre d'Alexan-</i>	
<i>drie.</i>	249. 250. 251
<i>Cas merueilleux aduenu à Rome à la Natiuité, &amp; Passion de</i>	
<i>Iesus Christ. 290. &amp; suyuans.</i>	
<i>Cas merueilleux aduenus durant le siege mis deuant Carthage</i>	
<i>par Agatocles.</i>	476. 477
<i>Cas admirable, &amp; miraculeux aduenu à la traduction de la</i>	
<i>saincte Bible.</i>	359



# TABLE.

Castrucio Castracagne, son origine, vie & valeureux faits d'armes. 612. & suyuan.	
Caton l'Orateur pourquoy n'a iamais voulu rediger oraison par escrit.	25
Causés principales de la ressemblance d'aucuns hommes. 162. & suyuan.	
Cause de la diminution de la vie de l'homme.	553
Cantelles & subtilitez, merueilleuses de Mahomme.	51
Ceremonies obseruees par les anciens aux Mariages.	224
Ceremonies obseruees par les Romains auant que d'entreprendre guerre.	469
Chemin plain & vny pourquoy lasse plustost que le montaigneux & plains de valles.	359
Chilo troisieme sage de Grece, & ses dicts communs.	566. 567
Choses requises & necessaires au Medecin.	713
Chrestiens pourquoy appelez Agariens.	53
Cifens & Belas auueugles, personages de grande auctorité, & valeur.	578
Clemence du Lyon. 179 & suyuan.	
Clemence grande d'Alexandre le grand.	596
Cleobale 4. sage de Grece, & ses dicts communs.	568. 569
Colosse du Soleil statue esmerueillable.	441
Combat de deux Cheualiers de Castille.	209 210
Cometes d'où & comment s'engendrent. 657. leur signe & significations.	659. 660
Commencement de la Seigneurie du Turc, & des Princes qui y ont regné 55. & suyuan.	
Commencement de l'Empire du Sophi.	63. 64
Commencement du regne des Scythes.	98
Commencement des Medecins. 707. & pourquoy furent receus à Rome.	728
Complexion admirable de Democrite.	155. 159
Complexions en l'homme combien, & quelles.	551
Computation diuerse de l'annee.	288
Computations diuerses du temps auquel Iules Cesar fut tué. 461. 462	
Condition du Mariage traité entre les Amazones, & les Gariens.	39
Conformité de la Republique des Abeilles avec celle des hommes. 505. & suyuan.	



# TABLE.

Confusion & diuersité de langues d'où est procedee.	94
Conspiration faite sur la vie de l'Empereur Neron comment fut descouuerte.	20. 21
Conspiration de ceux de Florence.	607. & suyuant.
Constance d'Anaxarcus.	21
Constance des seruiteurs de Plancus. 21. & du seruiteur de Caton l'Orateur.	là mesme
Constance admirable d'Arctasile.	498
Convention aduenue entre les Egyptiens & Frigiens, touchant l'antiquité de leur langue.	95. 96
Contrariété d'opinion sur la longueur du temps du premier aage.	97. 98
Contrariété grande des Medecins.	710. 720
Conuenance merueilleuse de plusieurs & diuerses choses.	158
Conversion mutuelle des elements.	650
Couuertes diuerses baillees aux soldats par les Romains. & suyuant.	435.
Coustume belle & loüable des Senateurs Romains entrans au Senat.	18
Coustume des Atheniens estans en des festins.	22
Coustume ancienne obseruee en l'election des Papes de Rome.	81
Coustume loüable d'Agatocles en ses festins.	305
Coustume de Corinthie au coronement de leur Prince.	430
Coustume obseruee aux banquets des anciens Romains.	665
Cruauté des Carthageniens enuers Attile Régule. 140. de Tullie à l'endroit de son pere Tarquin. 141. des Scythes, la mesme de Turbulam.	167
Cruauté de Nicocrat.	297
Cruautez & blasphemés execrables exercez par les Turcs en la ville de Constantinople.	49
Cruautez d'Abimelech fils du grand Gedeon.	140
Cruautez de Caligula.	143
Cruautez exercees par Diocletian contre les premiers Chrétiens.	145
Cruautez horribles d'Aristotime.	480. & suyuant.

## D

Decret du Pape Nicolas second sur l'election des souuerains Pontifes.	83
Deffaicte des Turcs par Ladislas Roy de Pologne, & de Hongrie.	60



# TABLE.

Des faictes merueilleuses & effroyables des Goths. li. 1. §. 116.	
Definition du sommeil, & dormir, & combien le trop est dom- mageable à l'homme.	456. & suyuant.
Deluge de Thessalie.	100
Democrite se creua les yeux, & pourquoy.	578
Demosthene, & son bannissement.	244
Denombrement des Roys qui regnerent en Ierusalem, & les ca- lunitez d'icelle.	588. & suyuant.
Despence excessiue d'Eliogabale.	273 & suyuant.
Dialoge declaratif du sens moral du pourtrait de Faueur.	560.
Diete partie de Medecine, en quoy consiste.	718
Dieu & Desse de silence des Romains.	22
Dieu combien est toujours secourable aux innocens.	401
Difference entre mentir, & dire mensonge.	608
Different tres subtil entre Euclole & Protagoras.	74
Diligence requise à ceux qui ont soing des Abeilles.	509
Diodore Philosophe aueugle, & grand Geometrien.	577
Dispositions & qualitez de l'air.	651
Diuersité des complexions & inclinacions naturelles des homes.	109
Diuersité de viandes comment est dommageable au corps hu- main.	696. & suyuant.
Diuison de l'Empire Romain.	118
Diuison de la face de l'homme.	237
Diuison des iours de l'annee.	290
Dons & presens que faisoient les Capitaines Romains à leurs soldats.	434. 438.
le Duel pourquoy est prohibé & defendu.	492

## E

L'Eau, son excellence & propriété, & comment se peut esliue la meilleure.	254. & suyuant.
Eau boillie pourquoy est la plus saine.	255
Eau douce comment est tiree de la mer.	258
Eau chaude pourquoy est plus legere que la froide.	259
L'Eau pourquoy descouure la terre.	539. & suyuant.
Eaux plus pesantes les unes que les autres, & pourquoy.	635
Echeneis ou Remora, & sa vertu.	321
Eclipse du Soleil veu en la Passion de Iesus-Christ n'estoit na- turel, ains miraculeux, & pourquoy.	294. 295
L'Eclipse du Soleil d'où prouient.	628
Ediff.	



# T A B L E.

Edification de la premiere ville du monde, & son nom.	67
Edification de Ninive.	99
Effets merueilleux des Cloches.	207
Eligabale patron de toute impudicité.	271
Enseignemens diuers tirez de la propriété de plusieurs animaux.	418. & suyuaus.
l'Entretien du corps humain en quoy consiste.	548
Epitaphe de Timon Athenien.	79
Epithetes & figures diuerses de Fortune.	316. 317
Erreur des anciens touchant les inuenteurs du vin.	387
l'Esclair pourquoy se voit auant qu'on oye le tonnerre.	656
l'Esprit aigu est de retention debile, & pourquoy.	361
Ethniques & profanes tesmoignant de la vie & faicts miracles de Christ.	297. & suyuaus.
Excellence du chef de l'homme.	71
Excellence du sculpteur Callicrates.	112
Excellence d'Apelles prince des Peintres.	231
Excellence de la veüe par dessus tous les autres sens.	575
Exemple de l'inconstance de l'estat de ceste vie.	166
Exemples & tesmoignages diuers demonstans l'utilité du travail d'une part, & les maux d'oisiveté d'autre.	133. 134.
135.	
Exemples notables de l'amour coniugal.	221
Exemples notables de plusieurs hommes de basse condition, qui sont paruenus en haut degre d'honneur.	304. & suyuaus.
F	
Fauteur comment fut representee par les anciens.	566
Faute des disciples est costumierement attribuee aux maistres.	26
Fer me ieune & encore fille pourquoy conuient mieux à un homme qu'une aagée & vesue.	217
Femmes singulieres en l'art de Peinture.	234
le Fer chaud pourquoy s'enfonce dans l'eau.	636
Fondation de la ville de Seville.	100
Forme & maniere admirable de conceuoir la Vipere.	377.
378. ses vertus, & comment doit estre mangée, la mesme, &	
379.	
Forme admirable de medicamenter exercee par Asclepiades	
726.	
a Formis, ses qualitez, & combien son exemple peut profiter	



# TABLE.

à l'homme	542. & suyvans.
Formis deuotieuses & charitables.	546
Formis de la region des Dardes qu'elles.	547
Fortune de Louys Sforce Duc de Milan.	312. & suyvans.
Fuite de Iustinian Genoïs principale cause de l'infortune lamentable de Constantinople, & sa mort.	48. 49
G	
Gages donnez anciennement aux hommes de lettres.	371
Gentils hommes mangeans avec Lunettes.	576
Godefroy de Bouillon faict & creé Roy de Hierusalem.	185
Guelpes & Gobelins.	338
Guerissemens admirables de plusieurs malades.	385
Guerre entre les Romains & les Carthaginiens.	102
H	
Habilté de bien nager d'où procede.	90
Histoire des Sibylles, & leurs Propheties.	449. & suyvans.
Histoire plaisante & facetieuse d'un Bouffon, ou plaisant du Duc de Ferrare.	736. & suyvans.
L'Homme pourquoy s'esblouit en tournoyant.	359
les Hommes lettrez en quelle estime estoient anciennement.	368. & suyvans.
I	
Jacques de Lusignan comment paruint à la dignité Royale	248.
Jardin pensiles de Babylone.	448
Jean, Jean, sie roy en Dieu, prouerbe.	557
Jean Roy de Boëme aueugle.	578
Images & diuerses representations de Noblesse.	532. 533
Imagination, ses effects, & proprieté. 201. de ce plusieurs exemples.	202
L'Imprimerie en quel temps & par qui fut inuentée.	346
Incontinence grande d'une certaine femme.	153
Incredulité plus grande de l'homme, qu'elle.	514
Ingratitude grande des Lacedemoniens à l'endroit de Lycurgue & des Atheniens enuers Solon.	245
L'Injustice comment se peut inuolument defendre.	686. & suy-
uans.	
Inuention des anneaux, & leur vsage.	517. & suyvans.
Jours Caniculaires pourquoy sont ainsi nommez. 84. quand comme nçoient anciennemens, & pour le iourd'huy. 86. 87	leurs



# TABLE

leurs effects merueilleux.	25
Ioye cause de mort de plusieurs.	77
Iustinian perd son Empire, le reconure & reperd.	310. 311.

## L

Lamuse Roy des Lombards pourquoy fut ainsi appelle, & comment paruint à la dignité Royale.	307. 308
Langage premier quel a esté.	95
le Laurier, ses proprietex. admirables: & pourquoy estoit baillé aux triomphateurs.	337. 338
Lettre de Plutarque à l'Empereur Traian.	26
Lettre de Maximian Empereur.	302. 303
Lettre d'Antigonius à Zenon Philosophe.	373
Lettre des Atheniens aux Lacedemoniens.	502
Lettres hyeroglyphiques des Egyptiens, & leur signification.	15
Liberalité des Romains enuers leurs amis estrangers.	433
la Librairie en quel temps commença.	348
le Lyon pourquoy craint le Coq.	178
Lisinaque comment surmonta & tua un Lyon.	184
Loiange de peu parler, confirmee par plusieurs tesmoignages & exemples.	23. 24. 25
Loiange des femmes.	36
Loiange de l'amitié coniugale.	220
Loiange de la peinture, avec plusieurs exemples confirmans son excellence grande.	228
Loiange de Cimon Athenien.	241
Loianges de la Memoire.	360
Loy inuiolable des Perses.	21
Loy de Lycurge touchant les Mariages.	218
Loy de l'Ostracisme obseruee par les Atheniens, & comment	240. 241.

## M

Mahomet vj. son Empire, sa mort & quel fut son successeur.	59. 60.
Maisons basses pourquoy sont plus saines.	702
Marc Marcel pourquoy fut en grand peril au siege de Syracuse & sa mort.	336
Martésie & Lampedon Roynes des Amazones les premieres.	38.
Mathias, fils de Ian Vniades Vvaynode, comment paruint à la dignité Royale.	247



# TABLE.

Mausol, sepulchre tres excellent.	444
Maux provenant des Mariages inegaux.	218
Maux provenus de la faction des Guelpes & Gibelins.	
338.	
Maux provenus de l'yurognerie.	392. 393
Maux provenus des banquets.	668
Medecines & remedes propres aux bestes brutes ,	329.
330.	
Medecins cause de desbordemens, & pourquoy.	722
Memoire labite de plusieurs personages, soit par accident, soit par nature.	365
Menees secretes de Silicion comment furent descouvertes , & sa mort.	119. 120.
Mensonge que c'est.	604
Meurtriers du Poete Ibique comment furent descouverts.	
24.	
Moeurs impudiques de l'Empereur Eliogabale.	271
Monarchie des Perses.	101
Mort de Constantin Empereur.	48
Mort d'Orcan fils de Calapin.	59
Mort de Ladislas Roy de Pologne.	60
Mort de Mahomet huitiesme.	62
Mort de Selin X. Empereur des Turcs.	66
Mort admirable de Molin Crotonien.	76
Mort infortunee d'un Charles Roy de Navarre.	77
Mort de Diogenes le Cynique.	108
Mort de Pilate.	205
Mort d'Eliogabale.	277
Morts admirables de Plusieurs Tyrans.	147
Moyens premiers d'escrire quels.	344
Murs de la ville de Babylone.	440

## N.

Naissance & mort de James Roy d'Arragon.	409
Natiuite de Iesus Christ, 103. 286. sa mort.	287
Nature essaye tousiours de faire son semblable , & comment,	
163.	
Naturele strange de Timon Athenien.	78
Naturel mauvais de quelques hommes.	112
Natu-	



# TABLE

Naturel estrange d'Heracrite, & sa lettre au Roy Daire.	155.
Nauigation de Malagnes.	631
la Neige comment se peut longuement conseruer en sa froideur sans se fondre.	399
Neron Prince de Tyrannie & cruauté.	144
le Nom de Genil d'où est venu.	330. 531
Nom & office du Medecin, quel. 712. son ancienneté.	733
Noms imposez par les Romains à leurs Capitaines, selon leurs victoires.	431. & suyans.
Noms diuers de la ville de Ierusalem, & sa fondation.	585. & suyans.
O	
L'Obelisque de Semyramis.	448
Occasion opportune combien est utile, & profitable, & son image moralisee.	558 559
Oeufs de formis seruent à la santé de l'homme.	546
Oisueté, sa nature & effects.	132
Opinions erronees de plusieurs, touchant la rage des hommes, refutees.	11
Opinions diuerses touchant le cœur de l'homme.	29. 30.
Opinions diuerses sur la prise de Rome.	122
Opinions erronees des Philosophes touchant l'origine des choses de ce monde.	213
Opinions des Philosophes touchant la vertu & proprieté des choses. 323. leurs causes.	324
L'Or pourquoy poise plus que l'argent.	636
Origine de l'art militaire, & quels en furent les premiers maistres.	30. 31.
Origine de Mahomet, & ce qui luy aduint apres la mort de ses pere & mere.	50
Origine des Ianissaires.	61
Origine de la fable du Poisson surnommé Collas. 89. son histoire, & celle d'un bon nageur.	60
Origine du Mariage.	204
Origine du grand Tamburlan, & son commencement. 261. sa costume és assaux de villes.	266
Oster son bonnet pourquoy est reputé à courtoisie, & d'où à pris son origine.	72. 73
Ottoman, son auancement & sa mort.	56
Ouation	



# TABLE.

Ouation comment se faisoit à Rome, & pourquoy estoit ainsi appellée ceste maniere de reception.	429
P	
la Palme signe general de victoire & pourquoy.	136
Papes, & pourquoy on à accoustumé de changer leur nom.	
81.	
le Papier quand fut inuenté.	345
Parfaicte grandeur de l'homme, qu'elle.	235
le Parler en l'homme d'où procede.	150
Patience & douceur grande d'aucuns souuerains à l'endroit des murmurateurs.	196 & suyuaus.
Paul Emile excellent capitaine Romain, & son triomphe apres auoir prins le Roy de Macedone.	428
Peinture morte Poësie, & pourquoy.	228
de Peres sages pourquoy n'aissent des enfans sels.	165
Periander septiesme sage de Grece, & ses diëls communs.	
573.	
Phalaris, sa cruauté & tyrannie.	140
Piramides d'Egypte quelles.	442.443
Pittaque cinquiesme sage de Grece, & ses diëls communs.	
570.	
la Pluye, les nues, la bruine, la rosee, les foudres & les gresles d'où & comment s'engendrent.	652. & suyuaus.
Poison porté es anneaux.	527.528
Pontifes Romains de basse & infime parenté.	307
Prerogatiue ancienne des anneaux.	518.519
aux Prestres pourquoy l'on rase les cheueux.	478
Primislas comment fut faict Roy de Boëme.	308
Prinse de la ville de Constantinople par Mahomet Roy des Turs.	47.48
Procès aux Templiers. 188. & comment cela aduint.	
189.	
Prodige de la mort d'Aristorime. 484. son trespas, & celui de sa femme & de ses deux filles.	485
Prodige diuers aduenus anciennement.	489. & suyuaus.
Proportion des membres de l'homme quelle.	236.237
Proprieté du sang du Taur eau. 252. & qui le mit premier au labeur.	253
Proprieté admirables de diuers lacs & fontaines.	181
Proprieté d'aucunes herbes.	322
Pre	



# T A B L E.

Protopogenes singulier en l'art de Peinture.	234
Prouince de Dieu cause de la longue vie des hommes du temps passé, & de ce plusieurs autres raisons. 7. & suyuant.	
Ptolomee premier Roy d'Egypte.	536
Punition griesue des larrons.	411
Q	
Qualitez de l'Asne & Asnesse, son naturel, & diuerses proprie- tez. 494. & suyuant.	
Qualitez & proprietes admirables des Mouches à miel. 504. & suyuant.	
Qualitez elementaires des sens corporels.	574
Question enigmatique de Cleobuline.	568
Questions diuerses touchant le commencement du monde, & leurs solutions. 413. & suyuant.	
Questions douteuses, qui n'ont peu iamais estre resolues par les Philosophes. 465. & suyuant.	
R	
Regne de Mahomet huitiesme.	61
Regne & Empire de Baiazet. 7.	63
Regne des Assyriens.	99
Regnes diuers en diuerses prouinces.	190
Reigles à obseruer es banquet. 675. & suyuant.	
Religion merueilleuse des Abeilles.	504
Remede & conseil souverain pour conseruer la paix.	503
Remedes pour garder d'enyrer.	394
Repas des anciens Romains quels 677. & suyuant.	
Representation belle d'un Prince combien profitable. & suyuant.	472
Responſe excellente de Turbe à l'Empereur Adrian.	133
Responſe Chrestienne de Demetrius Phaleron au Roy Ptolomee. 540.	
les Roys pourquoy sont dictz auoir les mains, & les oreilles fort longues.	195
Roys & Princes, issu de bas lieu.	307
les Romains pourquoy commençoient le iour à minuit.	133
Rosemonde venge la mort de son pere Cunimond, & comment. 406. 407.	
Royaumes d'autry par qui furent premierement occupez.	31
Ruine de l'Empire des Assyriens	101
Ruines & destructions diuerses de la ville de Rome. 123. & suy. Ruse	



TABLE.

Ruse & finesse des Cardinaux François, pour eslire un Pape à l'appetit de leur Roy.	192
S	
Sapience fille de la Memoire, & pourquoy.	360
Secret digne d'admiration. des comurex & conspirateurs de la mort de Iules Cesar.	20
le Secret est excellent, principalement en la guerre, & de ce plusieurs exemples.	22
Secrets Philosophiques sur le marcher des animaux.	260
Secrets Merueilleux de nature.	399 400
Setto de Mahomet, comment & quand print son commencement. 51. & suivant sa mort.	53
Selim dixiesme comment print possession de l'Empire des Turcs.	64 65
Seneca & sa façon de viure merueilleuse.	109
Semences de Salomon touchant le secret.	21 23
Siege de l'Isle de Rhodes.	67
Siege mis deuant Rome par Alarie Roy des Goths, & sa prise.	121. 122. 123
Siege des Papes comment fut transferé de France à Rome.	194
Signe de la Croix combien a esté estimé par les Anciens.	14 16
Signification des peutraiels des 12 mois de l'an.	606
Situation du feu elementel.	645
Socrate rend Alcibiades bon Orateur. 377. son naturel merueilleux.	111
Solon second sage de Grece, & ses dicts communs. 564. & suivants.	
Source & Origine des Amaxones, pourquoy ainsi appellees, & comment vindrent à faire guerre 37. 38. 39. 99 leurs victoires en diuerses regions.	40
Statue d'une Lyonne estee en bronze par les Atheniens.	21
Statue ou image de Iupiter Olympique, oeuvre admirable 446. 447.	
Statue de l'homme diuisee en dix parties.	238
Somptuositez admirables des banquets anciens.	672. 673
T	
Tamonnez gouverneur d'Alexandrie.	66
Tarantule ou Phalange beste venimeuse, & le remede contre sa morsure.	380
Temple de Diane, edifice merueilleux.	445
Tems	



# T A B L E.

Temps pour parler sont deux & quels.	25
Temps de la vie humaine quel: selon l'opinion de plusieurs tant anciens que modernes.	28
Teneur des latres de Ptolomee enuoyees au Sacrificateur Eleazar, & sa response.	537. 538
la Terre comment se peut mesurer. 395. & suyans.	2
la Terre est moindre que le Soleil & comment.	629. 630
Tesmoignages, par lesquels est confirmé qu'il y a des hommes marins.	92. 93
Teste petite, & poitrine estroicte pourquoy sont mal sains.	71
Thales & sage de Grece, & ses dicts communs.	571. 572
Theodose comment paruint à l'Empire.	117
Theodosie Imperatrice de Constantinople.	36
Theopompe puny, pour auoir prophané la sainte Escripture.	540
Timon Athenien ennemy des humains.	78
Tour de l'Isle de Pharos.	447. 448
le Travail pourquoy a esté donné à l'homme. 128. son excellence, & utilitez. 129. & suyans.	661. 662
Tremblement de terre d'où procede.	661. 662
Triomphes des Romains, & les ceremonies qui s'observoyent en iceux. 423 & suyans.	89
Trison prins en Epire.	19
Tromperie louable d'un ieune enfant à l'endroit de sa mere, pour ne luy desliurer la deliberation prise au Senat.	141. 142
Tromperie cruelle d'Astages Roy des Medes.	227
Tromperie louable d'une femme de l'Arabie heureuse.	93
Trophées de: Romains.	142. 143
Tyrannie execrable de l'Empereur Tybere.	146
les Tyrans pourquoy sont appelez ministres de Dieu.	V
Vanité des Anciens touchant la Fortune 315 & suyans.	616. & suyans.
definition des Vents & leurs noms tant anciens que modernes.	La Verité des choses pourquoy est incogne aux hommes. 486. & suyans.
Veru & proprieté du vin. 387. 390. son usage defendu à plusieurs.	388. 389
Verius & proprieté des pierres precieuses.	321. & 652
	Vidoire




TABLE.


Victoire obtenue par Hercules sur les Amazones.	40. 41. & ce qui aduint apres.	42
Victoire obtenue par Godefroy de Bouillon sur Soliman Roy des Turcs.		56
Victoire obtenue par les Gots sur l'Empereur Valens.		117
Victoires signalees de Selin X. Empereur des Turcs.		65
Vie estrange & merueilleuse de Diogenes le Cynique.	104. ses sententieux propos.	106. 107. 108
Vin defendu aux dames Romaines.		388
le Vin va sans fouliers, proverbe ancien.		391
Virgile combien fut estime de son temps.		369
Voyage de Talistris, Royne des Amazones, vers Alexandre le grand.		42
Vsage des cloches quand & par qui introduit.		207
Vsage de ce mot, Here, son origine & etymologie.	460. & suy.	
Utilité des lettres.	240. leur inuention.	341
Y		
L'Yuongnerie combien est dommageable & nuisante au corps humain.		391. 392
aux Yuongnes pourquoy une chose simple semble double.		394.
395.		
Z		
Zeuxis & Parrasie deux excellens Peintres.		228
Zoroastres inuenteur de l'art magique.		98

Fin de la Table des diuerfes Leçons de  
Pierre Messie.











Don. Fr. Le  
Cor. de Per  
Ric